






Mag. St. Dr.




587400

1











238



7



PHILOSOPHIAE CIVILIS  
SIVE  
**POLITICAE**

*PARS SECUNDA*  
CONTINENS SAPIENTIAM PVBLICAM IN TEMPERANDIS  
RERVM PVBLICARVM FORMIS  
PROCVRANDO

**IVSTO CIVIVM NVMERO**

ET PERFICIENDA

**CIVIVM MENTE**

INPRIMIS RATIONE INTELLECTVS

---

TANQVAM

CONTINIVATIONEM SYSTEMATIS  
PHILOSOPHICI

**CHRISTIANI L. B. DE WOLFF**

POTENTISSIMI BORVSSORVM REGIS CONSILIARII INTIMI,  
FRIDERICIANAE CANCELLARII CET.

A VT ORE

**MICHAELE CHRISTOPH. HANOVIO,**

GYMNASII ACADEMICI GEDANENS. PROFESS. PHILOS.

EIVSDEMQUE BIBLIOTHECARIO,

---

CVM PRIVILEGIIS.


---

HALAE MAGDEBVRGICAE,

PROSTAT IN OFFICINA LIBRARIA RENGERIANA.

MDCCLVII





587400

I T. 2

Bibl Jag

1971 K 99st.De





## PRAEFATIO.



**I**n Republica sapienter constituenda opus est quibusdam veluti fundamentis, quibus incumbat quam firmissime omnis ejusdem salus. Si lubricum est et arenosum fundamentum, stabile esse nequit quidquid eidem est superstructum, quanquam ad amussim perpendiculumque. Sed si inmotum ac veluti marpesium est fundamentum, integra compages durabit, cum ipso recte coagmentata.

Jeci in prima Politicæ parte ipsius fundamenta, eo liberiora ab omni concussionis metu, quo exploratus omni unquam ciuitati fuit, nihil ipsi salute publica prius esse habendum. His pergo hic superstruere ea, quæ salutem ipsam propius attingunt, vel potius constituunt & ingrediuntur, tanquam



# P R A E F A T I O.

quam partes quædam necessariae, sine quibus integra perperam expectaretur. Postquam igitur simplices rerumpublicarum formæ perlustratae erant, restabant, quæ ex illis varie componi solent, excutiendæ. Id quod eo magis consultum necessariumque ducendum fuit, quo rariores hodie deprehenduntur formæ simplices, & quo sunt jam mixtæ formæ usitatiores, ac in posterum tales videntur esse futuræ.

Hinc recte calculos ponentibus apparebit necessitas, paullo plenius, ac fieri consuevit, in systemate politico excutiendi indolem sapienter adhibendorum formarum civitatis temperamentorum. Idcirco prima Sectione enucleanda penitus erat natura & mixtionis & temperationis civilis in universum. Deinde ex his principiis deducenda erat uti monarchiarum seu regnorum, ita & rerumpublicarum temperies diversa. Quæ si levi brachio tantum tetigissem, nec quod politicæ proprium est, in intimos recessus rerum hic sapienter constituendarum Beneuolos lectores deducere studuissem, vix operæ pretium fecisse merito viderer.

Opus ergo fuit, ut in primis aperirem fontes rerum in sapienti temperatione potissime attendendarum. Hi habentur in commodis æque ac incommodis formarum simplicium, & in modis illa, quam optime per adjunctam aliam formam fieri pot-



## P R A E F A T I O.

potest, stabiliendi & amplificandi; hæc vero imminuendi, impediendi atque arcendi. Neque enim quidquam optatius civitati accidere potest, emolumentorum incrementis adaugendis, & averruncandorum nocumentorum dexteritate. In utrumque genus igitur digitum fuisse intendendum inquirendumque curatius, oppido liquet, & pæne dixerim orbi, qua cultior est, universo.

Ex apertis hisce notionum lucidiorum fontibus facile est haurire principia, rejiciendi commentitia illa regnorum monstra, & acres de illis antecedentis sæculi controversias tacite in exilium mittendi, ne amplius fascinare aut deludere possint, nisi eos, qui sponte cœcutire, quam in luce versari malint. Quibus nemo est, qui sortem suam sit invisurus, quando meliori frui detrectat. Varia ibi de reservatis regiis vel juribus Majestatis, & ordinum imperii vel regni juribus, aliter aliterque connectendis; nec minus de causis limitationis jurium, sapienter vel adhibendis, vel evitandis occurrunt pervestigata. Quæ ne generatim dicta parum caperentur, applicata sunt ad præcipua imperia & regna, ducibus documentis, quæ ad manus fuere, fide dignioribus. Vbi si non omnia prorsus exarsciata sunt, veniam merebitur abscondita arcanorum politicorum & nimis remota a nobis natura.

## P R A E F A T I O.

Rerumpublicarum formæ temperatæ modo prævalente gaudent optimatum statu modo populari. Quæ quomodo internosci possint, eo magis non fuit dissimulandum, quo minus hæc ab aliis dilucidata reperiuntur. Perfringenda fuit hæc glacies inveterata, eoque magis obfistens, quod ne nomina quidem suppeterent ad formas temperationis variantis determinandas apta. Si nomina, quibus hæc discernenda duxi, non omnino probanda videntur, vitio certe mihi dari non poterit, quod usitata, quibus carui, non adhibuerim. Meliora cui libet substituere licet. Mihi sufficit, si intelligor, ope explicationis adjectæ & exemplorum, e rebus publicis illustrioribus quibusdam, quæ supersunt, petitorum. In quarum forma dijudicanda suo quisque abundet ingenio, si meæ sententiæ rationes adductæ non arrident.

Sectio secunda procurationem iusti civium numeri sibi propositam habet. Vbi & de iusto civium numero, & de sapienti illius procuratione exponendum fuit. Ut prius liquidum fieret, præmittendum fuit, quinam civium nomine veniant, quomodo illi differant, ratione jurium, officiorum, ordinis & graduum. Tum ostenditur, quando civium numerus sit iustus, quando non; ideoque vel iusto maior, vel minor, & quibus criteriis id internoscatur. Neque statui potest, eidem civitati eundem



## P R A E F A T I O.

dem civium numerum semper convenire, seu justum esse, nisi eadem sit facies ipsius.

Posterius doceri non potuit, nisi ostensis sapientibus institutis, & obtinendi justum civium numerum, & eundem perpetuandi. Illis accentenda sunt omnis generis invitamenta per privilegia & immunitates alibi haud obvias. His alia interserviunt perpetim, alia extra ordinem. Perpetim procuranda est copiosa sobolis ex justo matrimonio procreatio, nutritio pupillorum egenorum, infantumque expositorum & vitæ ac sanitatis civium conservatio. Extra ordinem vel intra civitatem admittuntur in civium munus, qui alias admitti non solent; vel extrinsecus invitantur peregrini, & recipiuntur emigrantes. Si quo casu civium numerus abundet, ostenditur, quo pacto ista abundantia sapienter minuenda sit.

Tertia Sectione continetur ratio sapienter perficiendi civium mentem qua facultatem res cognoscendi. Hæc postulat, ut artes & scientiæ, quæ jam exploratæ habentur, recte doceantur & discantur ab illis, quibus expedit illas scire; quæ autem ignotæ hactenus sunt & desiderantur, investigentur, deteganturque. Cum aliud sit, edocere alios veritates olim perspectas; & aliud plane ignotas reperire veritates: diversis opus est institutis, ad utrumque scopum consequendum. Neque enim is, qui docere potest  
alios

## P R A E F A T I O.

alios ea, quæ ipse didicit, illico aptus est ad scrutandas & detegendas veritates novas; neque eadem opera utrumque præstare potest, qui vel maxime idoneus ad utrumque foret. Si vel ad alterutrum tantum apti cum neglectu officiorum erga se his erga alios officiis vacare debent, opus est, ut civitas eos indemnes præstet, ac pro dignitate remuneretur.

Docendarum veritatum artiumque utilium causa, opus est variis magisteriis privatis scholisque & inferioribus & superioribus. In quibus omnibus exponendum fuit, quibus modis civitates salutem publicam quam rectissime contulere possint. Curandum ergo, ut magistri artificiorum, opificiorumque necessariorum & sint in civitate, & officia sua in tironibus quoque edocendis observent. Curandum, ut omnis generis tot scholæ habeantur, quot in civitate requiruntur, & in singulis ea fiant, quæ fieri boni communis causa debent, eos sectando modos, qui in his plurimum valere posse & valuisse intelliguntur.

Quo majoris momenti sunt scholæ superiores, quæ in Gymnasia & academias doctrices dirimuntur, eo indignius fuisset, de his non nisi vulgaria in medium afferre. Operam igitur dedi, ut penitus, quousque fieri potuit, inquirerem in discrimina Gymnasiorum & Academiæ, præcipuorumque momentorum, in iis vel constituendis, vel in flore con-



## P R A E F A T I O.

conservandis, spectandorum. In quorum numero sunt leges, jura, privilegia & immunitates. Nec præterire potui investigationem adipiscendorum sumptuum, & lucrorum civitati inde parandorum, comparationemque commodorum, ex pluribus vel paucioribus universitatibus literariis habendorum.

Ad ignotas veritates, civitati expedituras, detegendas opus est societatibus & academiis inventricibus, quibus simul artes & scientiæ jam in usu positæ augeantur & emendentur. In harum ideo varietates, institutiones, leges, subsidia eo diligentius etiam atque etiam fuit descendendum, quo sunt hæc instituta recentiora, & quo plura promittunt emolumenta civitati cuique, ne maxima quidem excepta, modo recte colantur. Quo sublimius atque solidius ad utilia invenienda studium requiritur, eo quoque majores haud raro faciendi sunt sumptus cum ad inventa perficienda, tum ad solertiam inventorum remunerandam.

Sicut ad scholas & academias docentes recte destinantur ex ærario publico & privatorum legatis, tum quæ directe his dicata sunt, tum quæ aliis debebantur piis causis, quibus civitas non adeo indiget, aut quæ testator his usibus ipse dicare maluisset, si ea præscivisset: ita quoque sumptus ad societates & academias inventrices ex similibus scaturiginibus possunt derivari, ac quod boni ominis est, jam solent.

## P R A E F A T I O.

Recordor pii legati Francisci Panolini, opulenti mercatoris Bononiensis, quo Anno 1685 sancitum erat, ut extincta ipsius familia, bona residua impenderentur erigendo collegio, in quo studia literarum promoverentur. Coaluit inde consortium 20 pauperum adolescentum, qui instruebantur artibus & scientiis, sed successu non adeo optato. Benedictus XIV, tum Episcopus Bononiensis, doluit, instituto testatoris non melius satisfieri; ideoque Pontifex romanus factus, sustulit illud collegium, majoremque proventuum partem assignavit Celebris scientiarum instituto Bononiensi, ad alendum Bibliothecarium, reliqua collegiis inventorum adjunctis.

Plurimum momenti ad egregia inventa elicienda & augenda habent quoque præmia sive publica sive privata, iis præmissa & statò tempore exhibenda, qui problemata data optime solverint. Quo præmiorum genere non inferius est illud, quod in arbitrio inventorum relinquit, quo invento generi humano utilissimo, certare de præmio quotannis in medio ponendo, & vincenti ex judicum sententia cessuro, velint. Referri id ad varii generis inventa procudenda non sine insigni successu coepit in Germania, Anglia & Dania. Prætermisiss in Germania notioribus hujusmodi præmiis, modo mentionem brevissimam facio præmii, 20 didrachma-



# PRAEFATIO.

rum aurearum, quod Senator Curiae supremæ anglicanæ, Tounshend, quotannis duobus præcipuis ad commercia provehenda inventis distribuendum dedit Academiae Cantabrigiensi. Simile aliud nuper statutum esse legi in Dania, ad Acta medica Hassniensia, olim intermissa continuanda. In Gallia nuperrime Academia regia chirurgica præter ordinarium 125 uncialium brabeum, præmii loco quotannis numisma aureum, 100 semunciis argenti par, decrevit illi, qui specimen argumenti, a se ipso electi, cæteris præstantius sit daturus.

Cum nihil melius alat provehatque artes & scientias, ad humani generis salutem comparatas, spe præmiorum; nil superest, quam ut calamum positurus subjiciam: quod felix faustumque nobis posterisque Deus T. O. esse jubeat! utinam hanc viam præmiorum inventoribus largiendorum ineundam, eademque sibi in alma pace perpetuo pergendum statuerent omnes civitates, cumulatissimos insignium præmiorum fructus experturæ! Scrib. Gedani d. 5. Mart. 1757.

**CONSPECTVS**  
**PHILOSOPHIAE CIVILIS**  
 SEV  
**POLITICAE PVBLICAE**  
*PARS SECVNDA*  
 DE  
**CONSTITVENDA SAPIENTER REPVBLI-**  
**CA AVT SAPIENTIA PVBLICA PACATA**  
**EXPONENS QVAE RESTANT.**

<b>D</b> e Sapienter miscendis Reipublicæ Simplicibus Formis.	SECTION I.	
	SECT. I. CAPVT. I.	
De Republica mixta in genere.	SECT. I. CAPVT. II.	Pag. 1.
De Regno temperato.	SECT. I. CAPVT. III.	69.
De Republica temperata.	SECTION II.	177
De Constituenda Sapienter procuratione Iusti Civium Numeri.	SECT. II. CAPVT. I.	
De Civibus eorumque Iusto Numero.	SECT. II. CAPVT. II.	291
De Sapiienti Procuratione Iusti Civium numeri.	SECTION III.	348
De Sapiienti cura Mentem Civium perficiendi.	SECT. III. CAPVT. I.	
De perficiendo civium intellectu sive de perficiendis scientiis & artibus.	SECT. III. CAPVT. II.	401.
De Scientiis & artibus per nova inventa ulterius perficiendis.		560.





PHILOSOPHIAE CIVILIS,  
SIVE  
POLITICAE PVBLICAE  
PARS SECUNDA,

DE  
CONSTITVENDA SAPIENTER REPVBLI-  
CA AVT SAPIENTIA PVBLICA PACATA  
EXPONENS QVAE RESTANT.

SECTIO I.

DE  
SAPIENTER MISCENDIS  
REIPVBLICAE SIMPLICIVS FORMIS.

CAPVT I.

DE

Republica mixta in genere.

§. I.

**M**ixtas Reipublicæ formas merito discernimus a compositis & plu- Differunt  
ribus ejusdem formæ consociatis vel conjunctis. Dicitur enim mixta respp.  
(Wolfii Politica P. II. C. I.) **A** mix- a compositis

Et incorpo- mixta resp. quæ ex pluribus simplicibus specie diversis con-  
 ratis vel con- lescit (§. 310. P. I. Polit.); composita autem est generatim, quæ  
 cretis. ex pluribus simplicibus constat; ubi in medio relinquitur, sint-  
 ne simplices ejusdem an diversæ formæ (§. 310. cit.), prout  
 compositum uniuersè accipi solet (§. 531. Ontol.). Quoniam  
 vero non tantum plures democratiæ (§. 598. P. I. Polit.); sed  
 quoque plures Aristocratix (§. 663. ibid.); et plures Monar-  
 chix in unum corpus ad instar Magnæ Britannix, Hispanix  
 &c. coalescere possunt (§. 750. ibid.): liquido apparet, com-  
 positam rempublicam esse genus, sub quo continentur, et  
 ejusdem formæ corpora, & diversæ formæ mixtæ resp. quæ  
 etiam compositæ homogeneæ & heterogeneæ dici possunt.  
 Quare cum species rectè discernatur a suo genere, et alia spe-  
 cie sub eodem genere comprehensa (§. 44 seq. Logic.): merito  
 mixtæ resp. discernuntur a republica composita, et a corpo-  
 re Rerumpublicarum ejusdem nominis, atque speciei, vel si  
 hoc magis ejusdem formæ.

Inhæremus recepto inde ab *Aristotelis* ævo significatui, ubi  
 physica pariter mixtio, atque moralis requirit diversa a se invi-  
 cem, quæ in unione quadamtenus cohibentur ut inde medium et  
 commune nascatur. Vti vinum vel lac & aqua miscentur, stan-  
 num et æs corporaliter miscentur. Hinc vocat hanc mistio-  
 nem unionem miscibilium alteratorum (ἡ δὲ μίξις τῶν μίξιων  
 ἀλλοιοδούντων ἐνώσις. Lib. I. de Generat. & corrupt. cap. 10. Mi-  
 scibilia autem dicit, quæ non corrumpuntur ab altero, sed ma-  
 nent, facile tamen ab invicem patiuntur aliquid dividuntur, ter-  
 minantur. (παθήματα ὑπ' ἀλλήλων καὶ νοοῦντα καὶ εὐδιαίρετα) Sic  
 & rempublicam dici solere tradit mixtionem oligarchix et de-  
 mocratiæ; inprimis quæ declinat ad democraticum, cum quæ  
 magis accedunt ad oligarchiam aristocratix saluentur, quia  
 opulentioribus doctrina atque nobilitas magis inesse solet.  
 Lib. IV. Polit. c. 8. Diuersas igitur formas & in politica mix-  
 tione



tione requirit, quæ invicem conjungi, a se invicem quidquam pati & terminari vel circumscribi, & iterum separari ab invicem possunt. Solet quoque moralis hæc mixtio, uti physica, cum Aristotele (*ἡμετέριος*) *temperatio* vocari, quia revera una forma per alteram temperatur. Aliter temperatam remp. dicit Hertius in *anacephaleosi* n. 247. 251. & 262. quæ tantum modum administrandi ex alia forma mutuatur. De quo vid. §. 627. *P. I. Polit.* Præstat autem receptiorem servare loquendi usum, cum nihil obscuritatis restet, si temperare idem notet ac moraliter miscere, vel miscere intime potentias diversas. Neque ab his recedunt quæ de mixtione docentur (*Cormolog.* §. 252.), ubi massa compolita a materiis mixtis differre qualitatibus recte statuitur, quod fieri non posset, si miscibilia essent ejusdem essentia & naturæ. Affusio enim vocatur si ex puteo educuntur amphoræ duæ & deinceps in idem vas affunditur altera alteri, non autem mixtura. Sic sulphur sulphuri additum non dat mixtum, quod tamen habetur si sulphur nitro & carbonibus intime immisceatur, ut oriatur pulvis pyrius (*Conf. not. ad §. 310. P. I. Polit.*) ubi in medio si. legendum: *sed non nisi dum diversa simplices uniuntur, mixta prodit.*

Quia mixtio infert res quæ non tantum simul sunt, sed & idem ingrediuntur, & constituunt, non est hujus loci ejusmodi succedens sibi formarum simplicium alternatio, per quam aut binæ formæ alternatim, aut tres per vices sibi invicem substituerentur. Recte jam *Cellarius Polit. L. II. c. 6. n. 5.* negat illam dici posse mixtam remp. in qua quædam formæ simplices alternis vicibus imperarent. Qualibet enim illarum suo tempore individuo gaudet summo imperio. Neque id locum habere potest, nisi dum forma simplex pristina abrogatur, & alia in ejus locum surrogatur. Licet ergo ista mutatio esset & successio formarum simplicium; si tamen fingamus lege quadam alternas vices v. c. annuas istis formis simplicibus seu binis, seu tribus assignari, posset illa utcumque subsistere, omnibus recte officio fungentibus. Simul doceret eandem civitatem differentiam præstantiamque formarum. Discerni & nomine facile ab

aliis formis posset, si v. c. diceretur *alterna*, & vel binæ alternantes vel tres. Dictatura romana, & resp. ordinaria nonnihil talis vicissitudinis sistit, quæ quandoque adhibita fuit.

## §. 2.

*Differentia  
limitationis  
reipublicæ.*

*Discernenda quoque est limitatio Reipublicæ unius per aliam ejusdem aut diversæ naturæ, sive homogeneam aut heterogeneam.* Limitatum enim dicitur imperium, cujus exercitium certis legibus adstrictum vel consensu alterius indiget (§ 66. P. VII. Jur. nat.). Vti ergo absolutum est imperium, in quo exercendo rector civitatis non nisi suo stat. judicio (*ibi*) sic limitatum erit imperium, in quo rector civitatis semper suo judicio stare nequit sed interdum alieno se conformare judicio vi pacti obligatur. Hinc limitatio Reip. inferet obligationem pactitiam rectoris civitatis in exercendo imperio nonnunquam sequendi judicium alienum (vel voluntatem alienam). Si limitatio proficiscatur ab alia rep. simplici, quia illa vel esse potest ejusdem essentiae & naturæ, vel diversæ (§. 298. P. I. Polit.); limitatio aut proficiscetur ab alia homogenea aut heterogenea simplici rep. eidem adjuncta.

Notandum est, hic considerari limitationem non quamecunque, sed, uti diserte innuimus, alterius reip. per alteram. Sed altera vel alia quoque dicitur, quæ numero tantum differt ab alia, aut quæ non ut alia forma, sed ut alia tantum singularis resp. ab alia singulari rep. ejusdem speciei differt. Inde nasci potest limitatio alia ab homogenea, alia ab heterogenea reipublica simplici, quarum postremam, diversam remp. vocamus. Posset hæc limitatio vocari externa, quia utraque non ab eadem, sed ab alia forma reip. dependet; uti interna illa foret, quæ ab ipsa forma reip. per se requiritur. Quomodo Aristocratia ab optimatum consensu; democratia a populi consensu, vel majori utriusque parte consentiente pender. Ideoque imperium optimatum & populi limitatur, ut non valeat, nisi consensu omnium, saltem majoris partis accedente. Ad internam hanc limitationem pertinet quoque legum divinarum obligatio, quæ et unum-



unumquemque hominem, & unamquamque civitatem intime stringit & immutabili modo. Quæ eadem manet, etiam si ab hominibus rectoribus civitatum præscribatur. Nec implicat, imperium limitatum esse summum, quatenus rectoribus civitatis humanæ præscribuntur leges, secundum quas imperium ipsis est exercendum, modo populo jus non sit actus legi contrarios reddendi irritos; per notam §. 66. cit.

## §. 3.

Limitatio reipublicæ per aliam heterogeneousam, dicatur *Quid sit & brevitas causa temperatio publica*, & resp sic limitata, resp. *tem quomodo fiat perata*. Limitatio vero reip per aliam homogeneousam aut per reip. temperationem internas rationes, dici potest *restrictio*, prout supra P. I. Polit. ratio.

§ 527. de restrictione democratiæ dictum est, & de restricta democratia (§. 519 *ibid.*). Vtraque fit & sancienda est pacto (§. 216. 261. & 319. P. I. Polit.).

Sanitatem corporis temperationem vocat Cicero; quum ea congruunt inter se, quibus constamus, *Tuscul.* IV. c. 13. item sanitatem animi cum ejus judicia opinionesque concordant, quam & temperantiam dici monet. *L. III. de Legibus c. 5.* de posita in conspectu magistratuum romanorum descriptione loquens, docet fratrem Quintum, hanc esse, quam Scipio maxime laudat, temperationem reipublicæ, quæ effici non potuisset, nisi tali descriptione magistratuum. Nam sic habeto, magistratibus, iisque qui præsent, contineri reip. & ex eorum compositione, quod cujusque reip. genus sit, intelligi. Quibus verbis, modo ad formam reip. romanæ attendamus, temperationem eodem, quo hic, sensu accipi pater. *Tacitus* quidem *Annal.* XV. 48. scribit: idque pluribus probabatur, qui in tanta vitiorum dulcedine summum imperium non restrictum nec perseverum voluit. Vbi restrictum laxo & remisso opponi deprehenditur. Ita ne effræne fiat imperium, rationibus intestinis restringi potest.

## §. 4

Dantur ope pacti reipublica uti restricta, ita & temperata. Dantur

A 3

Omnis resp. restri-

De § tem-  
peratae.

Omnis enim resp nititur pacto publico (§. 258. P. I. Polit.) vel quasi (§. 261. *ibid.*). Inde & restrictio & limitatio illius fancienda est pacto (§. 3) eoque mutuo & reciproca obligatione. Restrictam pacto dari monarchiam, patet ex assumtis saepe regni et imperii consortibus quatenus illis aliqua imperii communitio fuit, in dyarchiis, triarchiis, retrarchiis &c. (§. 679. *seqq.* P. I. Polit.), ex legibus successionis, contra quas Monarchia pro lubitu suo imperium aliis relinquere nequit (§. 687. *seqq.* *ibid.*) & (§. 709. *seq.* *ibid.*) & ex Monarchiae clientela (§. 675. *ibid.*). Porro id patet ex omni Aristocratia & democratia (§. 2. & 3.); item ex legibus in iisdem receptis, secundum quas exercendum est imperium (§. 514. 5223. *seqq.* 549. *seqq.* 559. *seqq.* 564. *seqq.* 609. *seqq.* 623. *seqq.* 640. P. I. Polit.); ex conjunctione laxioris & strictioris aristocratiae (§. 625. *ibid.*) denique ex compositione vel unione plurium monarchiarum (§. 750. *ibid.*), aristocratiarum (§. 663. *ibid.*), & democratiarum (§. 598. *ibid.*).

Temperatas dari respublicas & Aristotelem docuit experientia (§. I. *not.*), & nos docet etiam nunc. Vbicunque enim plures dantur respp unitae, suis tamen, & aliae aliis legibus viventes, secundum quas regendae sunt, ibi dantur respp. temperatae. Sed tales passim dari, vix quenuquam fugit. Vbi habentur monarchiis adiectae vel aristocratiae, vel democratiae, aut & hae posteriores formae mixtae deprehenduntur; ibi dari respp. temperatas, manifestum est. Quales Europa nobis multis in locis ostendit, v. c. in Germania, Suecia, Polonia, Anglia, Belgia, reliquisque.

Quoniam de mixtis rebus publicis hic in genere agendum, temperatarum rerum publicarum indoles hic enucleanda erit, earumque genuina constitutio. Non enim desunt, qui respp. mixtus dari negant, cum *Hisbero L. I. Jur. publ. c. 40. §. 4.* Bodi-



no aliisque de quibus Vid. Hertius P. I. Sect. XV. §. 12. Investi-  
ganda igitur & percensenda nobis erunt illa elementa, e quibus  
natae olim sunt, & nunc hodieque solent respublicae mixtae.

## §. 5.

Quemadmodum constitutio reip. est, determinatio mo- *Quid sit con-*  
di, quo finis civitatis est obtinendus (§. 393. P. VIII. Jur. nat.); *stitutio mix-*  
*ta constitutio temperationis* vel temperamenti civilis, notat latius *ta reip.*  
modum praefiniendum, quo miscendae sunt respublicae, ut  
scopus civitatis obtineatur strictius vero accepta eo collineat,  
ut scopus civitatis eo melius pleniusque obtineatur. Quia  
constat, scopum civitatis esse salutem publicam (§. 36. P. I. Po-  
lit.), & ad illam, tanquam normam & supremam legem omnia  
in rep. esse dirigenda (§. 86. P. VIII. Jur. nat.): concinnius dici  
mixtae reip. constitutio strictius poterit, modus quam optime  
respublicas miscendi temperandique.

Nostros constitutionem dicunt die *Einrichtung*, quia ope  
constitutionis omnia instruenda & ordinanda sic sunt in rep. ut  
nihil non recte fieri possit, & recta eaque brevissima via ad me-  
tam contendatur. Vnde sapienti opus esse directione omnium  
ad scopum reip. abunde liquet. Esse igitur has sapientiae civi-  
lis partes, equis ambigere posset?

## §. 6.

*Habet haec temperatio suum usum cum in ordienda rep. tum in* *Quis sit hu-*  
*corrupta nec aliter corrigenda feliciter reformanda.* Si enim ordien- *jus tempera-*  
da sit alicubi resp. ubi nulla adhuc fuit, aut quae fuit esse desit *tionis usus?*  
quomodocunque; felix erit civitas, quae ex aliorum periculis  
sapere, iisque provide occurrere didicit. Quam ob rem si in  
constituenda rep. is adhibeatur modus, quo misceri respubli-  
cae ita possunt, ut salus publica eo melius pleniusque obtineat-  
ur; ex aliorum periculis sapier, iisque provide occurrer, eo-  
que felicius erit civitas, quo exactius illam constitutionem  
obser-

observabit. Quæ per se plana esse, nemo non animadvertit. Sed istiusmodi constitutio sapienter miscens & stabiliens civitatis formas temperatio publica dicitur (§ 3. et 5.) Evidens igitur est usus temperationis publicæ illico in sapienter ordiendâ rep. & civitate.

Si qua vero respublica simplex ita degeneravit, ut modis, quibus salus ejus teneri & per se recuperari potest, nullus relinquatur locus, reformari illa, hoc est in meliorem ea, qua nunc utitur, formam redigi aliter non poterit, quam sapienti ejus temperatione (§. 3.). Adhibita igitur publica temperatio usum quoque egregium præstat in republica corrupta & per se insanabili, feliciter reformanda, si optima, quæ haberi pro re nata potest, debite applicetur (§. 5.).

*Reformatio* in genere infert emendationem illius, quod corruptum est, intimam, quia forma rei intima, ipsiusque est essentia actualis, quæ propria sunt eidem, sive insint, sive inde fluant, involvens. *Fieri reformatio potest duplici modo*, nimirum vel sic, ut loco depravatæ pristina forma genuina restitua-  
tur, sublata, quando fieri potest, depravatione; vel ut loco pristinae insanabilis simplicis substituatur mixta, ab illis gravaminibus immunis, ope sapientis temperationis publicæ. Vtramque reformationem occurrere exempla docent, & in græcis, & germanicis, & italicis, aliisque regnis & rebus publicis haud rara, quæ ita generatim indicata lectoribus ultro succurrent.

### §. 7.

*Finis politica*

*temperatio-  
nis positivus.*

*Nihil magis huic temperationi sapienti convenit, quam ut com-  
moda miscendarum rerumpullicarum simul obtineantur in eadem civitate,  
ut stabiliantur firmissime augeanturque quantum fieri potest. Ipsa enim  
constitutio mixtionis rerumpullicarum simplicium sibi propo-  
situm habet optimum eas uniendi temperandique modum (§.  
5.), ut usui sit non tantum in sapienter ordiendis civitatibus,  
sed etiam in corruptis nec aliter sanabilibus feliciter reforman-  
dis*



dis (§ 6.). Quapropter ad salutem publicam melius pleniusque consequendam omnis temperatio est comparanda (§. 5.). Quia quælibet forma civitatis genuina propter eundem finem comparatur (§. 36. *P. I. Polit.*), & quæ ad illam confert adiumenta, ipsius commoda sunt (§. 464. *P. I. Jur. nat.*); tres tamen earum simplices dantur, a se invicem differentes (§. 298. *ibid.*), quarum non omnino eadem esse commoda, constat ex §. 308. *ibid.* dilucide apparet, id inprimis spectandum in sapientia illarum mixtura esse, ut commoda miscendarum in eadem civitate formarum simplicium una obtineantur, quam fieri potest cumulativissime.

Præterea cum intersit civitatis, ut commoda illa sint stabilia & firma, neque eo, qui alias facile oritur, casu mutari et degenerare in contrarium possint (§. 299. *P. I. Polit.*): ipsa quoque temperatione id agendum est præcipue, ut degenerationi quam optime occurratur (§. 5.). Hinc una forma simplex per alteram sic est temperanda, ut per alteram ipsa degeneratio quam validissime arcentur, ideoque commoda formarum simplicium & simul impetrentur, & quam firmissime stabiliantur & indubia reddantur.

Denique quia commoda, quæ propria sunt cuique formæ simplici, non tantum in simplici alia sunt majora, & in alia minora, sed & in compositione unitis rite viribus majora fieri possunt: opera danda esse intelligitur, ut quam optime junctis viribus eo majora haberi in civitate possint formarum simplicium emolumenta. Quæ cum in ipsa constitutione mixtionis spectanda sint & prospicienda (§. 3.): juxta optimam congregationem, firmissimamque stabiliationem, nihil magis sapienti temperationi convenire perspicitur, quam quanta haberi possunt commodorum, e simplicibus formis expectandorum, incrementa, seu multiplicationem, intensionemque singulorum.

Vti commoda generatim notant quaecunque ab actionibus nostris omnem remouent molestiam (§. 465. P. I. Jur. nat.): ita designant hic commoda rerumpublicarum simplicium illa bona, quæ publicis actionibus omnem abitergunt molestiam, vel immunitatem a molestiis in procuranda salute publica afferunt. Quæ alia aliis esse peculiaria mox erit ostendendum e quibus dilucidatio eorum, quæ hic universe statuuntur, copiosi orietur. Quibus rite conjunctis verum erit quod *Aristoteles L. II. Polit. c. 4.* scribit: melius (Platone) dicunt, qui plures resp. miscent. Resp. enim e pluribus conflata melior est.

## §. 8.

*Finis temperationis re-  
mouens siue  
privatus.*

*Pariter quoque temperationi rerumpp. sapienti proposita esse debet evitatio incommodorum quam optima, tum quatenus simul haberi potest, tum quatenus firmissime est stabilienda, atque subinde augenda. Commotis enim obstant incommoda vel impedimenta salutis publicæ, quæ in causa sunt, ut ex illis tædia percipiamus minime necessaria (§. 464 P. I. Jur. nat.). Jam nihil magis reipublicæ cujusdam temperationi responderet, quam ut commoda miscendarum rerumpp. simul obtineantur, eorundem fruitio quam firmissime stabilietur, & efficiatur quanta fieri potest copiosissima & summa (§. 7.). Quare in temperatione rerum publicarum simul quam optime arcenda sunt quævis eorum incommoda, quæ averti sapienti temperamento possunt; eaque immunitas ab illis in civitate instruenda est firmissimis stabilimentis vel stabilissimis firmamentis; neque ulli parcendum est labori consilio & industriæ, quibus illius incrementa subinde evadant majora atque plura. Latere igitur nequit, finem temperationis rerumpp. tendere debere ad evitacionem incommodorum quam optimam, quaecunque e simplicium formarum indole facile enata esse docuit fidissima rerum magistra rationis connubio suffulta, aut & antequam oriantur, ipsa prævidere & præcavere ratio sana potest.*

Incom-



Incommodis tanquam malis e formarum simplicium indote facile oriundis & orris, non tantum insunt praesentia & praeterita, verum etiam futura & data opportunitate oritura. Quod ipsum ostendit, & pericula quævis, cum simplicibus civitatum formis conjuncta esse, his incommodis accensenda, quæ tædia creatura esse prævideri potest. Vnde & avertendis evitandisque periculis simul operandum est in publica quavis temperatione civitatis.

## §. 9.

Quoniam in temperatione formæ civitatis quam optime procuranda sunt, quotquot & quanta haberi possunt commoda simplicium formarum (§. 7.); contra præcavenda sunt quævis earum incommoda & pericula (§. 8.); neutrum vero sine exacta eorum & modorum id obtinendi cognitione fieri potest: manifestum est, opus esse scientia & commodorum & incommodorum simplicium civitatis formarum, & modorum ista consequendi, hæc evitandi, si sapienter temperanda sit resp. Temperatio igitur reip. requirit scientiam & commodorum & incommodorum civitatum simplicium, & optimi eas temperandi modi.

Delibavimus quidem nonnulla formarum simplicium commoda & incommoda *P.I. Polit.* §. 293. seq. 297. & §. 300. seqq. sed tantum quatenus comparatio formarum simplicium generalis inde erat deducenda (§. 308. seq.). Nunc vero uberiori eorum opus est enarratione ad perspicendum, quomodo temperatio mixtæ reip. sit rite instituenda. Quam ideo aggrediemur.

## §. 10.

Ad commoda monarchiæ liquidiora merito refertur evidentior Monarchiæ usus fructusque majestatis personalis. Majestas enim notat dignitatem omnem ejus, penes quem est summum imperium totumque imperium totumque ejus excellentia est penes unum (§. 206. *P. VIII. Jur. nat.*). Sed in sola Monarchia summum imperium totumque ejus excellentia est penes unum (§. 133. seq. *ibid.*). Evidentissima igitur est unius individua majestas

stas in Monarchia, cum in Aristocratia nemini sola, sed conjunctim omnibus optimatibus simul sumtis (§. 246. *ibid.*), & in democratia populo simul sumto (§. 208. *ibid.*) tribuenda sit. Hanc individuum majestatem quæ in omni rep. est necessaria, realem dicunt autores; quæ vero in personam collata est, eique inhæret, personalem. Quos sequitur *Martini in Polit. I. II. c. 20.* Quia vero in nullo casu divisa est majestas, ea nequidem pro numero optimatum v. c. septenario dici potest: septimam partem majestatis cuique esse dandam; multo minus pro numero populi quantocunque pars ejus cuiquam ex populo vindicari potest. Hinc in aprico est, singulos optimates, singulosque populi cives majestate personali carere, nec quemquam eorum sibi illam vindicare posse. Quia vero illa in monarchia aperte & indubie unius est monarchæ, evidentior & usus & fructus majestatis personalis merito refertur ad commoda Monarchiæ.

Inde & titulus majestatis nulli aristocratæ vel democratæ dari consuevit: quia repugnat habere summum imperium, & simul eidem esse subiectum. Singuli vero ex populo & ex optimatibus subiecti sunt summo imperio. Idecirco singuli eodem gaudere & Majestatis honore summo frui non possunt, potius eodem carent. Cum igitur nemo aliquid majestatis habeat, nemini vel pars ejusdem tribui potest. Licet omnes conjunctim seu cæterus omnis majestate gaudeat, omnes quidem pro una persona habentur, proprie tamen ut una persona spectari & denominari, ideoque titulo majestatis decorari nec possunt proprie, nec solent. Posito quoque pacto quodam toti cæteri optimatum congregato majestatis titulum esse tribuendum, nullus tamen eorum seorsum illius particeps foret, quum nullus integer fieri possit cæterus, nec singuli divisum habeant imperium summum: Et Titulus igitur & totus usus fructusque majestatis personalis monarchiæ soli debetur, hisque sola exsplendescit.



## §. 11.

*Monarchia sufficit unius præstantia virtutum & generis. In Sufficit Mo-*  
*Monarchia enim summum imperium est penes unicum (§. 133. narchie viri*  
*P. VIII. Jur. nat.). Ideoque sufficit, si unus præstantia virtu- unius præ*  
*tum cæteros antecellat, ad recte, fungendum summo imperio cæteris præ-*  
*& ad eligendam monarchiam (§. 294. P. I. Polit.). Enimvero stantia.*  
*in Aristocratia imperium est penes integrum optimatum cæterum*  
*(§. 135. ibid.); & in democratia penes totum populum, se re-*  
*gentem per se ipsum (§. 131. ibid.). Vnde in utraque hac for-*  
*ma plurimum requiritur præstantia virtutum. Soli ergo Monar-*  
*chiæ sufficit, si unus monarcha virtutibus cæteris præstet.*

Hoc non dissimulasse *Aristotelem*, alibi notavimus. *Lib. III.*  
*c. X. Polit.* hanc affert difficultatem: si unus, qui sit optimus,  
 imperare debet, plurimi erunt ab honoribus exclusi (*ἀλλοιοί*).  
 Forsan dicat aliquis legem imperare debere, non hominem, in  
 quem cadant affectus. Ad posteriorem rationem respondet *cap.*  
*seq. & XV.* leges quidem recte latas seu optimas debere normam  
 esse imperantis, & eundem in his quoque imperare, in quibus  
 leges exacte cavere nequeunt. Posteriori loco fatetur, diffici-  
 lius esse, reperire plures virtutibus excellentes, quam unum.  
 Ad prius regeri posset non excludi plures ab honoribus, nisi  
 pares subaudias honores. Quidquid vero de his statuatur, in  
 eo nobiscum facit, sufficere, ut unus virtutibus antecellens præ-  
 sit omnibus in monarchia, quod in reliquis formis simplicibus  
 non procedit.

Generis autem regii præstantia in aliis civitatum formis  
 plane deficit, & in sola residet monarchia. Quare si præ-  
 ter præstantiam virtutis, generis quoque summi excellentia  
 est attendenda, extra monarchiam ea haberi nequit, sed in mo-  
 narchia regii sanguinis natales & regiarum virtutum gloria  
 in successores una propagatur illustrioresque facit successores  
 optimis majorum suorum vestigiis insistentes. Neque poste-  
 rius præterit *Stagiritam L. V. Polit. c. 10. scribentem: Fit rex*

ex præstantibus per excellentiam virtutis, vel rerum ope virtutis gestarum, vel per excellentiam huiusmodi generis (καθ' ὑπεροχὴν τοῖς γενέσ). Est rex per dignitatem generis, beneficiorum, potentiae. Eminent quippe genus regium omnem ceterorum natalium sortem, cum extrinsecus majestatis splendore (§. 10.), tum intrinsecus, si accedat regiarum virtutum gloria avita.

## §. 12.

*Alia monarchia commoda.*

Ceteris paribus unius imperium divino est similis, quam multorum; unius dissensus a se ipso non tam facile ac plurium est metuendus; unius voluntati parere facilius erit, quam multorum facile dissentiam; unius explere auiditatem aliorum moderatione & proportionem convenientium exemplo facilius est, quam multorum. Primam partem hujus præcepti comprobata dedimus (P. I. Pol. §. 293.). Multos vel optimates inter se facile dissentire, multo magis cives populi vulgares, adeo est evidens, ut nulla indigeat probatione. Sed unum a se ipso dissentire, & mox rursus improbare, quæ modo approbaverat, vix continget, nisi degeneratio fiat, in omni alia forma itidem metuenda. Inde & subditis facilius erit unius voluntatem constantem nosse & sequi, quam id fieri adsolet ubi multi imperio præsent, quorum aliis alia placent. Denique etiam ceteris paribus unus facilius opibus thesaurisque sui similium exemplo augeri & expleri potest, quam plures aut admodum multi. Ideo & minora levioraque erunt tributa solvenda, quam ubi multo plures sunt satiandi; & florentiores opulentioresque fieri poterunt illi, quibus est parendum.

## §. 13.

*Virtutum faciliior tutela in monarchia.*

Cum a populo inprimis plebejo, cujus maxima est pars, vexari soleant nobiliores & virtute præstantiores, quibus se propter multitudinem & potentiam merito præferendos putant plebeji; Monarcha autem probus, majestate & imperii & poten-



potentiæ gaudens, animadvertit opus sibi esse ad bene imperandum viris, scientia, prudentia virtutibusque reliquis præstantissimis (§. 742. P. I. Polit.): majus virtutibus decus emolumentum & præsidium paratum & præsto est in monarchia genuina, quam in populari statu. Quando in aristocratia successoria ratio non habetur nisi optimatum prosapiæ (§. 218. P. VIII. Jur. nat.), cæterorum virtus pariter vix ac ne vix quidem emergere pro meritis poterit, sed intra inferiora subsistere cogetur; ac si in electione optimatum vel populus, vel optimates affectibus indulgeant (§. 214. *ibid.*), quod facilius inter multos aliorum exemplo seductos seque mutuo tuentes irrepit, quam si in unum solum omnis culpa rejicienda esse intelligitur. Cæteris igitur paribus in genuina monarchia facilius virtute præstantiores quicunque emergere tutioresque ab injuriis esse poterunt, quam in alia civitatum forma.

Notavit illud ipsum suo jam ævo versatissimus in Græciæ civitatibus *Aristoteles* L. V. Pol. cap. 10. ubi regia inquit, potestas pro tutela præstantium virorum contra populum reperta est &c. Tyrannus vero a populo & multitutine originem habet contra nobilitatem (*ἐπὶ τὰς γωγυμὰς*), ne populus illi postponatur, vel injuria afficiatur.

## §. 14.

Facilior est monarchiæ diuturnitas & perpetuatio, quam ceterarum civitatis formarum imprimis si monarchiæ recte imperent. In monarchia enim summum imperium totumque est penes unum facile diutius (§. 133. P. VIII. Jur. nat.). Qui dum suis partibus recte fungitur secundum Dei exemplum (§. 737. seq. §. 744. P. I. Polit.) & quemadmodum sibi imperari vellet, omnium bonorum sibi conciliat amorem & benevolentiam, qui propterea ipsi potius quam pluribus sive in aristocratia, sive in democratia subesse valent. Tantum ergo abest, ut ab his quidquam habeat metu-

tuendum, ut potius, si erga omnes talis sit, qualis esse debet, omnium præsidio & viribus undique tectus sit & munitus. Præterea si qui sint nefarii in civitate ipsi insidiantes, vel si qui hostes extra civitatem insurgant, summa, qua abundat potentia recte utendo, bonorumque auxilio, illis compescendis profligandisque abunde par erit. Continuando igitur moderationem imperii tam proficuum, et regi bene consultum erit, & ipsi subiectis, ideoque stabilis erit monarchia (§ 198. *P. I. Polit.*), eoque stabilior & diuturnior (§. 199. *ibid.*), quo magis illa diuturna consuetudine inolevere & in alteram quasi abiere naturam, & quo certius absunt internæ externæque mutationis experendæ causæ (§. 10. 13.).

In hunc sensum scripsit dudum *Aristoteles*, Politicæ conditor, *L. V. Polit. c. II.* de regnis agens: optime conservantur regna, ad moderatiorem rationem ea perducendo. Quanto pauciorum est potestas omnis, tanto majori tempore necesse est illam durare. Nam & ipsi, qui præsunt, minus superbiunt herili imperio, magisque moderati & æqui sunt (§. 601.); & qui reguntur, invident minus. Propter hoc apud Molossios longo tempore duraverunt reges, & apud Lacedæmonios, quod ab initio statim rite fuit divisa. Potuisset quoque contendere universim, modo rex suis partibus vel ipse vel aliorum ope recte fungatur. Nam & usus imperii æquiores mitioresque facere solet monarchas suæ laudis studiosos officiique memores, & jus regendi exploratius est, sive successione nitatur, sive electione, recteque constitutis omnibus, nemo alius sibi quidquam juris in monarchiam arrogare potest. Hinc diuturna admodum fuere regna & antiquorum temporum & nostrorum, ut hoc solum intuens de veritate hujus monarchiæ prærogativæ incertus nequeat manere.

Præceptum ita imperandi, uti sibi vellet præesse alios, si ipse esset subditus, vel considerandi, quid sibi fieri vellet, si ipse esset subditi loco, fluit ex regula generali, ita imperandi, ut Deus imperat, & ut monarcha talis sit, qualem Deum in se velit esse (§.



740. P. I. Polit.). Hoc Mecenae Augusto suasse fertur a Dione Hist. rom. Lib. LII. non procul a fine, hæc verba faciens: unum dicam, quod caput est, & summa omnium eorum, quæ vel dicta sunt, vel dicenda restant. Si hæc tua sponte omnia egeris, quæ velles alium in te habentem imperium agere; nulla in re peccabis, omnia prospere conficies, vitamque exinde & suavissimam & diutissimam duces. Qui enim non patris, ac servatoris loco te omnes & suspiciant & diligant quum viderint te modestum, vitæ integræ, bello ac pace præstantem? Quum neminem contumelia, neminem injuria afficies, sed velut æqualem in ipsos te geres; quum ab aliis pecuniam non exiges, ipse divitiis abundans; quum non alios assilgens, luxuriaberis ipse; quum non alios castigans, ipse libidini indulgebis; sed in omni re tuam vitam ita ages, ut vivere ipsos cupis? Eo fretus præsidio, quod in te ipso si neminem læseris habebis, crede mihi, neminem tibi infestum futurum, neque periculum creaturum. Quod cum ita sit, vitam necessario jucundam ages. Quid enim dulcius, quid felicius, quam cum virtute omnibus humanis bonis fruentem, iisdem quoque alios impertiri posse?

## §. 15.

Consilia rerum agendarum, eorumque exsecutio, in monarchia Expeditior multo sunt promptiora & expeditiora, quam in alia civitatis simplicitas datur in Monarchia. Regis enim ad notitiam undique e regno perferuntur, monarchia re- quæ intus & extrusgeruntur aut præparantur. Regi vero sem- rum consul- per præsto sunt consilarii, ut si ipsorum opus esse ducit con- tatio exsecu- filiis illico convenire & consulere in medium possint (§ 742. P. I. Polit.). Quare aut ipse per se consilium, ubi opus, ex arena capere; ubi vero deliberatione opus confestim ad manus habet administros, quorum ope & in consiliis & in eorum exsecutione pro imperio prompte uti possit (§. 743. ibid.). Prompta igitur & expedita habentur in Monarchia consilia, quæ vel subito ex tempore vel repente unius arbitrio capi, & capta pro imperio exsecutioni dari possunt expeditissime, quod quantum in recessu

cessu habent, nulla indiget admonitione. In Aristocratia vero & democratia nec tam promre convocari, nec convenire, sententias dicere & consentire inter se poterunt, quorum est jus suffragandi. Quod eo erit liquidius, quo laxior & amplior est sive aristocratia, sive democratia. Vnde & sanctiori opus esse senatu (§. 625. *seq. P. I. cit.*) & vel uni committendum esse imperium periculo id exigente docuit (§. 727. *ibid.*). Quæ multo magis in democratia requiri, per se liquet. Celeritas igitur in consiliis capiendis expediendisque peculiaris monarchiæ tribuenda perspicitur.

Consilium, inquit *Hertius Elem. prud. civ. P. II. Sect. 4. §. 7.* heic est in promptu, neque necessarium, ut conventus habendi tempus aut locus indicatur ad consultandum. At ut idem sit omnibus propositum, difficillimum est in imperio plurium. Eorum quisque in consilio de rep. dicendo suam considerat fortunam, pauci respiciunt communem. Quam unus secundam, eam sæpe alter adversam censet. Hinc conatus in contraria, solo haud raro odio illius partis, cujus consilia videntur suspecta, vel inimica & invisa. Vtut horum nihil accidat, tamen ipso humani ingenii vitio evenit, ut ferme suam quisque sententiam existimet optimam, eamque cupiat prevalere. Vnde fit, quod *Livius* notat, ut tendendo ad sua quisque consilia, aperiant ad occasionem locum hosti. Accedit, quod de Germanis memorat *Tacitus de moribus German. c. 11.* ex libertate vitium, quod interdum non simul nec iussi convenient, sed alter & tertius dies cunctatione coeuntium absumat. Maximi momenti est hæc celeritas p. blica negotia bene gerendi, in observanda oportunitate rerum bellicarum, velitandi, præliandi, obsidendi, excurrendi, inducias fœdera & pacem pangendi, & similia perpetrandi quæ moram non patiuntur.

## §. 16.

*Arcanorum* Arcanorum reticentia in Monarchia multo est facilior tutiorque,  
*optima cu-* quam in alia simplici civitatis forma. Non enim opus est, nisi uni.



unius silentio & taciturnitate, cujus maxime interest, ista oc-  
cultari. Sed is ipse est monarcha, solus sui sibi consilii con-  
fiscus, solus ipsius arbiter. Quod si nemini dicit, nemo id di-  
vinare, nemo aliis proderet potest; ipsis quoque consiliariis,  
si vel consulti fuerint, ignorantibus, quid placeat monarchæ,  
nisi id ipse dicere velit. Quæ omnia secus habere in Aristo-  
cratia & democratia, vel inde constat, quia nihil in his conclu-  
di potest nisi quod saltem major suffragiorum numerus palam  
exhibitus approbavit. Quare conficitur, secretius consilia ar-  
cana, eorumque expeditionem, fieri non posse quam in mo-  
narchia.

Compertum est unicuique, unius taciturnitatem & facilius  
& certius dari, ubi ea opus est, quam ubi plures habentur illi-  
us rei arbitri, quorum alius hunc, alius alium arcanorum suo-  
rum participem facit variis de causis, imprimis si ea non ut sua,  
sed vel ut communia, vel ut aliorum inventa considerat, suis,  
uti opinatur, postponenda. Semper igitur tutiora sunt arcana,  
quæ unius, ut in nostro casu, monarchæ animo continentur, nec  
ipso invito eodem elabi possunt. Imprimis ergo belli tempore  
multum in recessu habet ejusmodi taciturnitas, qua tutissime  
caveretur, ne hostis improvisa consilia prævertere aut eludere possit.

## §. 17.

Potentia quoque in monarchia facilius servatur & augetur, An major po-  
tentia in monarchia quam in alia simplici forma. Eo enim major aptiorque fini suo tentia in mo-  
narchia? censenda est civitas, quo major est illius potentia, reliquis nem-  
pe paribus (§. 100. P. I. Polit.). Sed in monarchia præsertim  
hæreditaria & patrimoniali Monarcha suum patrimonium con-  
servare & augere eo magis studebit, quo minus ea in re  
impediri a quoquam potest (§. 686. & 713. *ibid.*). Quia po-  
tentia redit ad opulentiam & armatos viros virtutis & fidei  
probatae (§. 69. *Jur. Gen.*): per se claret, nemini, quam Mo-  
narchæ, expeditius esse procliviusque, auro & argento ex fo-  
dinis

dinis eruto, aliisque redditibus, secundum leges parsimoniae rite administratis, thesauros parare imensos, & copias alere militares exercitatissimas ac quotannis lustratas, quibus & domi omnia tuta praestare, & hostes arcere, amicisque suppetias validas ferre possit. Quae in Aristocratia & democratia ita fieri non posse, vel ex multitudine eorum, qui summæ rerum praesunt intelligitur, quorum nemo summum imperium spectabit aut spectare potest, ut suum peculium, neque ideo communis rei causa adeo vel pariter ut suae erit intentus.

## §. 18.

*Quid palmae  
pietas mo-  
narchae affe-  
rat?*

*Neque silentio transeundum est, monarchae religionem pietatemque sinceram plurimum integre civitati prodesse, cum rarior sit multorum aut plurimorum pietas aequalis. Etenim Monarchae studendum est, ut subditi sint virtute, inprimis pietate praediti (§. 456. seq. P. VII. Jur. nat.). Sed hoc ipsum eos non melius, quam suo exemplo docere potest, eosque simul eodem ad earum virtutum studium excitare debet (§. 639. P. I. Jur. nat.). Quum vero ad regis exemplum se componere soleant quotquot eidem placere in aula student & extra illam; facile religio, pietas & virtus regis, cum fama ipsius, incitant placituros regi, ut illum imitari studeant (§. 1003. P. I. II. Jur. nat.). Sed nemo facile regi duplicere cupit. Ideoque omnes ad imitandum ipsum pro virium modulo incumbunt. Atque sic unius religio & pietas plurimorum accendit perficietque pietatem & religionem. Quod in aliis civitatum formis ab unius exemplo ita sperari non posse, per se lucet. Neque in iisdem facile vel omnes vel plerique eodem pietatis ardore flagrabunt, ac tantumdem proderunt civitati. Remanet ergo Monarchae sinceram religionem, pietatem, virtutemque generantibus plus prodesse civitati & efficaciorum esse regio exemplo ob*  
regis



regis majestatem, quam idem vel unius exemplo vel & plurimum in reliquis formis simplicibus fieri consuevit aut possit.

Olim usurpatur *Claudiani* illud: *regis ad exemplum totus componitur orbis.* Ita *Vellejus* L. II. c. 126. ait: facere recte cives suos, princeps optimus faciendo docet, cumque sit imperio maximus, exemplo major est. Et *Plinius in Panegyri. Traj.* c. 25. Vita principis cynosura est, eaque perpetua. Ad hanc dirigimur, ad hanc convertimur. Nec tam imperio nobis opus quam exemplo; quippe infidelis recti magister est merus. Melius homines exemplis docentur, quæ inprimis hoc in se boni habent, quod approbant, quæ præcipiunt fieri posse. Idem fuit *Davidis* institutum *Psalm. CI. 4. seqq.* edicentis: animus perverfus recedat a me, improbum odi. Calumniantem clam alios, exscindam; elitum oculis & tumentem animo ferre non possum. Oculi mei attendent ad integerrimos, ut confideant mecum: non nisi recte agentes mihi monstrabunt. Non habitabit mecum dolosus, mendaces a conspectu meo amovebo. Semper operam dabo sceleratis exscindendis & a civitate Dei longissime recedendis. Imperfectius *Mæcenæ* ad *Augustum* apud *Dionem* Lib. 52. ait: Deos semper & ubique ita cole, ut moribus patriæ receptum est, ad eundemque cultum alios adducas.

### §. 19.

*Sunt, qui monarchiæ majorem cum natura rerum convenientiam, Monarchiæ pacemque & tranquillitatem patriam non abs re urgent.* Univerſo convenientia enim unus præest Deus; domo unus paterfamilias, armentis, cum natura gregibus, gruibus, canibus venaticis unus solet esse dux, unus & pace. celo sol, unum animalibus cor, anima unica, apes unam sequuntur reginam &c. Civitates quoque omni sæculo plures fuerunt regiæ, quam vel aristocratiae vel democratiae, historia teste. Præterea in magna rerum publicarum perturbatione, & pacis recuperandæ causa sæpe reliquæ simplices civitatis formæ confugere ad unius imperium tantisper adsciscendum (§. 15.), tanquam ad sacram anchoram consuevisse, Græciæ stra-

regorum seu belli prætorum, romanorumque dictatorum exemplis, nemini ignotis docemur. Vnde pacis recuperandæ æque ac melius conservandæ inservire monarchiam imprimis hæreditariam, aut prorsus patrimoniam, planum est.

Sic *Sallustius Catilin. c. 2.* Periculis demum atque negotiis compertum est, in bello plurimum ingenium posse. Quodli regum atque imperatorum animi virtus in pace ita, ut in bello valeret, æquabilis atque constantius sese res humanæ haberent, neque aliud alio ferri, neque mutari, atque misceri omnia videres. Nam imperium facile iis artibus retinetur, quibus initio partum est. Verum ubi pro labore delicia, pro continentia & æquitate libido atque superbia invadere: fortuna simul cum moribus immutatur. Romæ, inquit *Florus L. IV. c. 3.* in tanta perturbatione, summa rerum rediit ad Octavium, qui sapientia sua atque solertia percussum undique & perturbatum ordinavit imperii corpus: quod ita haud dubie nunquam coire & consentire potuisset, nisi unius præsidis nutu quasi, anima & mente regeretur. *Afinius Gallus* ad Tiberium, non ideo, inquit, se interrogasse, ut divideret, quæ separari requirent, sed ut sua confessione argueretur, unum esse reip. corpus, atque unius animo regendum *Tacit. Annal. I. c. 12.* Idem *Tacitus Annal. I. c. 9.* refert, non aliud discordantis patriæ remedium fuisse, quam ut ab uno regeretur. Plura hanc in rem habet *Bodinus de rep. L. VI. c. 4.*

#### §. 20.

*Incommoda  
Monarchia  
recensentur.*

*Incommoda Monarchia sunt, ipsa mors principis, magnam sæpe rerum conversionem afferens; novi successoris mores, nova instituta, novæ leges, aliaque novitatis stultitia; electus monarchiæ interregna, & conjuncta cum his pericula, aut el electi scissiplevium, bello de victoria concertantium; successoris Monarchiæ lites de successionem. & bella ac cædes inde abortæ, anarchia nonnunquam hæredibus idoneis deficientibus; Monarchiæ interdum senectus effectus & imperio impar; relictorum sæpe in-*

*fan-*



fantium aut imperii impotum tutela & curatela controuersa aut periculosus; educatio orphanorum regionum perversa; eorundem de imperio deturcatio aut sublatio; administratio principis, aut fortis belli ducis perfidia in regno sibi arrogando; difficultas in tanto fastigio imperii summet ipius; inulcencia erga affectus prauos; corruptio in contubernio exoletorum adulatorum, feminarum lascivarum, ambitiosarum, sordidarumque; degeneratio bonorum principum ex variis causis; bellandi & inclarescendi libido & ambitio effraenis; abusus imperii summi in aliorum injuriam; ipsa denique atrocitas imperii in subditos deserviens, quæ tyrannis dici consuevit

Mutationes ait Plato Lib. 7. de Rep. in monarchia sæpe existunt, siue meliores succedunt, siue deteriores, addo, siue prioribus pares similesque. Solo priori casu mutationes ad salutem publicam faciunt: reliquis aut omnino, aut facile eidem repugnant. Insitum enim quodammodo principibus est, ut novitati studeant, qua sibi nomen & memoriam conciliare student, saltem se distinguere quantum possunt, ab aliis conantur. Quoties igitur novatio aberrat a salute omnium, toties male consultur regno. Quis nescit, quomodo Trypho regnum Syriæ sit adeptus, aut Ludov: Sfortia cæso pupillo, matrem sibi & imperium desponderit? Vt innumera exempla alia taceamus, quæ & vetus & recentior historia exterorum notavit. Conf. Bodinus de Rep. L. VI. c. 4. His incommodis quomodo ipsa Monarchiæ constitutione medendum sit, intelligi potest ex Politica Parte prima. Hic de iis remediis dicendum restat, quæ a temperatione & mistura proficisci possunt.

#### §. 21.

Temperari monarchia potest trifariam, scilicet tum ope aristokratix, tum ope democratiæ, tum ope utriusque. Temperari enim monarchia dicitur monarchia, dum adjuncta alia homogenea limitatur temperari (§. 3.). Limitari autem uti omne ita & monarchicum imperium dicitur, quum ejus exercitium legibus adstringitur in iis, quæ

quæ semper eodem modo fieri possunt; ad ea vero, de quibus non nisi ex præsentis tempore iudicium fieri potest, sintne e re civitatis, nec ne, consensus vel universi populi, vel certorum quorundam ex populo, veluti optimatum, requiritur (§. 74. P. VIII. Jur. nat.) Si exercitium imperii limitatur legibus a toto populo præscriptis, & in gravioribus universi populi consensu opus est; monarchia limitatur ope democratice. Si Leges quedam cardinales monarchiæ præscribuntur ab optimatibus, in quos populus huius contulit, & in gravioribus ex tempore præsentis definiendis, non nisi optimatum consensu opus est; monarchia limitatur ope Aristocratice. Denique si alia ab universo populo, alia ab optimatibus cum rege gerenda sunt negotia publica, ut sine eorum consensu nil tale statuere possit, utroque modo, hoc est & ope Aristocratice & ope democratice limitata erit monarchia. Trifariam igitur temperari Monarchiam posse, omni majus est exceptione.

Idem & sic ostendi potest: mixta resp. in aliis ad monarchiam, in aliis ad aristocratiam, & in aliis ad democratiam accedit (§. 138. P. VIII. Jur. nat.). Quare si prævalet monarchia, ut mixta ab ea appellanda sit (§. 315. P. I. Polit.), regnum temperatum vel erit sic, ut in aliis ad monarchiam, in aliis vero ad aristocratiam accedat; vel ut in aliis primario cum Monarchia, secundario cum democratia conveniat; vel ut cum utraque certo modo sit conjunctum. Hinc dici potest monarchia bifor-  
mis, vel trifor-  
mis; & prior vel erit aristocratica vel democra-  
tica. Biceps aut triceps non satis apposite diceretur.

#### §. 22.

*Monarchi-  
am tempe-  
randi modus  
generalis.*

*Modus generalis temperandi monarchiam vel regnum requirit, ut commoda monarchiæ evadant certiora ac stabiliora, ut augeantur com-  
modis formarum adjunctarum, ideoque quotquot in electo temperamento  
haberi possunt commoda, simul obtineantur & semper; incommoda au-  
tem & monarchiæ & adjunctæ formæ simul & semper arceantur, quam  
opti-*

*optime fieri queat.* Vniuersæ nimirum sapienti temperationi nihil est convenientius, quam ut commoda miscendarum rerum publicarum simul in eadem civitate habeantur, ut eadem firmissime stabiliantur augeanturque quantum fieri potest (§ 7.). Proinde temperanda sapienter Monarchia alium in genere modum temperationis non admittit, quam talem, quo ejus commoda (§. 10. *seqq.*) exposita, quantum fieri salva temperatione sapienti potest, conserventur ac certiora stabilioraque reddantur, item quo augeantur in biformi commodis formæ adjunctæ eidem, aut in triformi formarum ipsi adjunctarum, ut quotquot in sapienti temperamento haberi possunt commoda, ea simul & constanter obtineantur.

Quoniam vero sapienti rerumpublicarum temperationi simul inesse debet evitatio incommodorum quam optima, tum quatenus illa simul dari potest, tum quatenus firmissime est stabilienda, & subinde augenda (§. 8.): manifestum est consequens, in monarchia quoque sapienter temperanda operam esse navandam, ut incommoda & Monarchiæ (§. 20) indicata, & in biformi adjunctæ eidem formæ, in triformi vero adjunctarum eidem formarum, simul et semper, quam optime fieri queat, arceantur declinenturque.

Apparet oppido, specialem temperiei politicæ rerumpublicarum modum dari non posse, antequam & cæterarum civitatis formarum commoda pariter atque incommoda fuerint in medio posita. Vnde hæc prius erunt perlustranda, quam ad distinctiorem explanationem temperationis progressus fieri queat.

### §. 23.

*Aristocratia genuina, vel quæ dari potest optima, commodis ac-* *Commode censende sunt plurium virtutes insignes in salutem publicam conspirantes junguntur in*  
*seu conjungende.* Aristocratia enim genuina ea est civitatis for- *salutem Ari-*  
*ma, in qua summum imperium est penes præstantiorem civi-* *plu-*  
*(Wolffii Politicæ P. II. C. I.)* *D* *um*



*rium virtu-  
tes insignes.*

um cœtum seu partem h. e. penes optimates (§. 135. P. VIII. *Jur. nat.*), ideoque penes eos, quorum virtutes junctim sumtæ publico sufficiunt imperio (§. 296. P. I. *Polit.*). Requirit ergo Aristocratia in civitate plures revera cæteris virtute antecellentes, quorumque virtus sit explorata (§. 603. *ibi.*), eorundemque constantem ac perpetuam voluntatem publica negotia quam optime expediendi (§. 604. *ibi.*). Hæ ergo virtutes insignes plurium optima sunt salutis publicæ adjumenta (§. 7) & commoda Aristocratiae præcipua (§. 464. P. I. *Jur. nat.*) & §. 601. *seqq.* P. I. *Polit.*) Merito igitur Aristocratiae genuinæ commodis primo loco accensendæ sunt insignes plurium virtutes in salutem publicam consequendam quam optime conjungendæ.

#### §. 24.

*Et studia il-  
las adipti-  
scendi persi-  
ciendique.*

*Viget in Aristocratia genuina studium excolendi perficiendique civium complurium virtutes.* Etenim ad commoda Aristocratiae referendæ sunt plurium virtutes in salutem publicam promovendam conjungendæ (§. 23.). Illæ virtutes autem non nascuntur cum hominibus sed sunt arte & industria adquirendæ (§. 323. *seq.* P. I. *Phil. præst. univ.*). Præstat autem Aristocratia genuina prorsus egregia ad virtutum culturam incrementa (§. 606. P. I. *Polit.*), ideoque & artes virtutem docentes fovet, & industriam exercendi easdem acuit, efficitque necessariam & amabilem. Viget ergo in Aristocratia genuina studium indefessum excolendi perficiendique civium complurium virtutes, & provocat illa habilium ingeniorum stimulos cum intellectus, tum voluntatis habitus salutis publicæ & privatæ causâ adquirendi, perficiendi subinde augendique, ut perspecti evadant aliis & explorari (§. 603-605. P. I. *Polit.*).

Potest quidem & privata educatio calcar addere ingeniis per se pronis ad vim ingenii sui exerendam; sed tam valida dare nequit incitamenta, ac Aristocratia, uti ostensum (§. 606. P. I. *Polit.*).

*Polit.*) Quod Monarchia in familia regia solum præbet calcar ad excolendas virtutes, hoc Aristocratia porrigit extenditque non tantum ad omnes optimatum familias, sed & ad illos, qui sua virtute emergere possunt & cupiunt optimatum numero adjungi. Quod in democratia ideo sic fieri nequit, quia non omnium nec plurimorum eadem est habilitas ingenii, nec aliis laboribus plurimi se subducere possunt, qui ad diversa victus genera itidem sunt necessarii, nec ob multitudinem populi eadem aut paria præmia, ac optimates, speranda habent, quæ maximi sunt ponderis in hæc virtutum cultura perficienda.

## §. 25.

Peculiari gaudet Aristocratia instituto, optimos cives complures Aristocratia consequendi & amplissimis præmiis condecorandi. Viget enim in Ari optimos ci-  
stocratia studium excolendi perficiendique civium complurium *ves multipli-*  
virtutes (§. 24.). Hoc ipso autem studio dum virtutes exco-*cat & com-*  
luntur & perficiuntur, complures aptantur, ut optimi cives eva-*pensat.*  
dere possint. Simul etiam præmia tam insignia, ut vel opti-  
mates, vel aliis muneribus lautis præfecti fieri queant, studi-  
um illud acuit & conservat, ut multi certatim eniti ad conse-  
quenda illa auctoramenta pergant (§. 606. P. I. *Polit.*). Sic &  
optimatum & subditorum præstantia, cultura & exemplo pro-  
moveretur (§. 610. *ibi*). Gaudet itaque Aristocratia peculiari  
& præcipuo quodam instituto, optimos cives perplures conse-  
quendi, augendi, præmiisque amplissimis condecorandi.

## §. 26.

Hoc pacto suppletur id aptissime, quod uni alterive deest in iis, *vi defectus*  
que ad bene imperandum requiruntur. Commendari enim meretur *humani*  
Aristocratia a proprio sibi instituto optimos cives formandi & *aptissime*  
multiplicandi; dignisque merentes præmiis condecorandi (§. *suppleantur.*  
25.). Quia & ingenia humana multum differunt, & aliis aliæ  
concessæ sunt dotes naturales; & cultura quoque aliorum plu-  
rimum variat, cum ratione docentium, tum discientium indu-

striae & exercitationis: fieri omnino nequit, ut unus omnia calleat, licet suas ingenii dotes quam optime excoluerit. Monarcha igitur nequit omnia, quæ in homines cadunt, & in imperio publico tenenda sunt & exercenda, vel nosse vel cunctis per se agendis par esse, sed indiget plurimorum aliorum ope & ministerio (§. 742. seq. P. I. Polit.). Jam quidem isto subsidio suppletur, quod monarchæ deest, sed ita ut non desint exempla eorum, qui abusi sunt isto ministerio, vel ad exuendum monarcham regno, vel ad ipsi & regno valde nocendum, privati studio emolumentum. Cum enim ista negotia aliena esse intelligant ministri, facile pravitas inspirat cupidinem, ista utcumque fieri potest, ex toto, aut ex parte sua faciendi. Aptior igitur is erit modus defectum unius optimatis A. per dotes alterius B. supplendi, qui idem imperium æque ad se referre potest, ac quisvis alius. C. vel D. vel A, cujus dotes vicissim id imperio rite exercendo subministrant, quod ipsi B deest. Hic ergo cessant rationes summum imperium considerandi ut alienum, idque suum faciendi, quod suum jam est, aut alienas dotes ingenii sibi arrogandi, quod frustra affectari & ridiculum esse ignorare nequit. Aptissime igitur defectus unius optimatis suppletur per aliorum optimatum dotes, ne quid summo imperio bene aut quam optime gerendo in imperantibus desit.

Ob rationes ad §. 24. notatas iterum de democratia idem dici nequit, quod hic Aristocratia adseruimus. Vnum forte hic quisquam excepiat, posse optimatem affectare monarchicum imperium, loco aristocratia, qua gaudet, satius ducendo, ut solus omnia imperare possit, quam, ut tantum tunc ipsius sententia valeat, quum vel omnes reliqui vel major pars optimatum ipsi adstipulatur. Sed quidquid de hoc casu statuatur. Id feliciter erit id consilium & opus in aristocratia, ubi multi ipsi pares imperio & viribus facilius ipsi resistunt, suaque jura defendunt



et facilius quo sunt plures, quam unicus monarcha. Vnde rarius tantum facinus auderi, & multo rarius effici hic poterit ac consuevit, atque in Monarchiis.

## §. 27.

Facilius est in Aristocratiâ pravorum, qui restant, affectuum temperamentum per alios optimates, ab ipsis liberos, quam in monarchia moderamen vel democratia. Etenim Aristocratiæ præsunt optimates (§. affectuum in 135. P. VIII. Jur. nat.). Qui cum virtutibus præstantissimi sint Aristocratiâ. in ista civitate, ut remp optime administrare possint (§. 601. 603. seq. P. I. Polit.), si id sunt, quod esse debent, utique debent didicisse suis imperare affectibus. Quia tamen homines sunt, fieri potest, ut unus vel alter dato in casu affectu ad nocitura reip feratur. Enimvero ob diversitatem optimatum alii supererunt immunes ab illo affectu, ii que plures, qui agnoscunt imperum & noxam affectus, eique resistunt pari suffragandi jure, ne erumpere affectus possit, sed ut potius in prima herba suffocetur. Id enim intelligunt sui esse officii, ne eidem indulgendo participes facti culpæ excusatione careant; & quoniam tanquam optimates eodem modo in simili casu secum agi vellent. In monarchia solius monarchæ summum est imperium (§. 133. P. VIII. Jur. nat.) eique nemo resistere potest, si suo indulgere velit affectui (§. 1041. *ibid.*).

Forſitan videbitur in democratia, ob permagnum populi numerum, id multo facilius fore, quam in aristocratiâ. Sed nequit populus quicumque, cujus maxima pars est plebs inculta, æquiparari optimatibus non nomine sed re tenus, qui cultiore animo præſtare plurimis debent. Ob ruditatem igitur imperium affectuum in plebis maxima parte prævalere ſolet. Ideoque major pars plebis eadem ratione privata plerumque ducetur, & bono communi repugnabit, ut pauci rectius ſaluti publicæ intenti, non audiantur. Indole igitur & natura optimatum in populo deficiente, major numerus plerumque affectui

privato libet, & minor publico addictus commodo negligetur: tantum abest, ut facilior sit in democratia affectuum pravorum repressio, ut potius unius in monarchia emendatio facilius sperari possit, ob maiorem animi culturam.

Quod de affectibus hic statuimus, idem quoque dici potest de alio errore aut praëjudicio, undecunque enato. Quod etiam inde potest deduci, quia generatim nequit eadem esse omnium optimatum natura, sed quod uni vel alteri deest, id suppletur in eorum concilio per alios, quibus id est concessum (§. 26.). Quod uti in naturalibus, ita & in iis valet defectibus, qui a neglectu culturæ plenioris oriuntur.

§. 28.

*Optimates  
plerumque  
modestiores  
monarchis.*

*Major in Aristocratia plerumque popularitas & comitas erga subditos obtinebit, quam in monarchia.* Ignorare enim nequeunt optimates, non singulis, sed universis tantum summum esse imperium (§. 295 P. I. Polit.). Inde nemo unus eorum sibi summum arrogare imperium potest, probe sibi conscius, quod majori suffragiorum numero sit cedendum, & quod omnes reliqui ipsi sint restituri, si quid contra ipsorum jura moliretur. Aequales igitur agnoscens non multum differre suam sortem a subditorum sorte advertit. Naturaliter igitur hoc inspirat animum alienum a contemptu aliorum, qui pariter obsequi aliis obligantur, & disponit illum ad moderationem, humanitatem & modestiam erga subditos (§. 656. *ibid.*). In Monarchia autem unius arbitrio omnia reguntur (§. 133. P. VIII. Jur. nat.). Quod cum nemini præter monarcham datum sit, magnum utique discrimen inter ipsum & subditos intercedit. Accedit majestas, qua unus inter omnes effulget, utiturque & fruitur solus (§. 10). Hæc tam evidens eminentia utique longe infra ipsum subditos ponit; unde facillime eorum despicientia & vilipendium oritur, eos in statum servitutis detrudere nitens;

nisi

nisi egregia monarchæ clementia & humanitas sibi imperare maximum ducat imperii decus cimeliumque.

Possæt popularitas democratiæ hic obverti, quæ ex parte & sapius concedenda esset. Sed quia populus vix aliter agere potest quam populariter, naturalis illa potius dici posset quam moralis, quum eadem in Aristocratia & Monarchia sit mere moralis. Neque idem gradus popularitatis, quam suo loco explicauimus (§. 656. P. I. Polit.) in omnes cadere potest. Sufficit, si studium salutis omnium & singulorum consulendi respondeat viribus optimatum & monarcharum: quia ultra vires suas nemo obligatur. Interim faciliores illa causas ansasque habet in Aristocratia, quam in Monarchia.

#### §. 29.

*Aemulatio virtutum præstantiorum in Aristocratia quasi propriam habet sedem, si optimates esse nituntur id, quod dicuntur. Dicunt enim optimates, quia optimi esse & in civitate & in illius tum ipsum imperio debent (§. 616 seq. P. I. P. I.). Quales cum sine virtutibus præstantissimis intellectus & voluntatis esse nequeant (§. 603 seq. ibid.): manifestum est, ipsis studendum esse, ut in virtutibus præstantissimis alii alios antecellere possint. Hæc vero concertatio in obinendo virtutum principatu, honesta est & generosa æmulatio (§. 353. seq. Orem.). Ergo æmulatio virtutum præstantissimarum insignem habet fomitem & propriam quasi sedem in Aristocratia, si optimates omni virium contentione esse nituntur quod esse debent.*

In democratia rudis popellus virtutis eximie nullam habet notionem, nullamque ejus cupidinem, cum ignoti nulla sit cupido (§. 538. P. I. h. v. p.). Multo minus igitur in plebe æmulatio sublimiorum virtutum locum habere potest. Tantum abest, ut generosa virtutum inperatoriarum æmulatio in Democratia domicilium sibi quasi fixerit. Monarchiæ unus præest monarcha, sui similem, quem æmuletur, in eadem monarchia-



narchia non habens. Licet ergo extra illam monarchiam alii dentur monarchæ, quos æmulari liceret; rarius tamen homines remotis ita afficiuntur ac præsentibus in æmulatione præfertim, quæ non melius, quam inter præsentis accenditur et flagrat. Præterea si vel majores habuerint monarchæ laude dignissimos & excellentes, tamen mortui tanquam absentes minus flectere & provocare ad æmulationem solent, nisi animos generosissimos, ob id ipsum sæculorum numero longe pauciores. De eo igitur, quod frequenter fit, saltem cujus rationes efficacissimæ in forma civitatis continentur, agendo, monarchiæ sedes æmulandarum virtutum sublimiorem non eodem jure dici poterunt, quo Aristocratia.

Schervës inter se, maximique reges & imperatores æmulari possunt, uti constat eorum exemplis, qui Alexandrum M. æmulati sunt: mirum nemini videbitur, sublimiorum virtutum æmulationem alibi raram, hic frequentiore esse & veluti naturaliter gigni inter optimates. Quod si cui aliunde non constaret, luculenter doceri posset exemplis celeberrimorum summorumque Virorum Græcorum Romanorumque. His modis etiam in Aristocratia obtinetur id, quod in Monarchia, ut scilicet optimates ita regere alios discant, ut sibi alios imperare volunt, quum antequam ad imperium gerendum ipsi accedant, in aliis probare non potuerint, nisi virtutem ipso imperio cunctis benefaciendi, & avertendi ab illis quascunque injurias aliorum. Quibus e diametro repugnaret læsio ab ipsis optimatibus illata subjectis sibi. Quamobrem & optimates ad paternum erga cives animum exserendum obligantur (§. 659. P. I. Polit.); ideoque & ad imitandum regimen divinum, quale illud in semetipsis experiri cupiunt. Hactenus præcipua Aristocratia honestamenta. Jam de incommodis ejus dicendum.

## §. 30.

*Quid sint  
Aristocratia*

*Incommoda Aristocratia, tanquam impedimenta salutis publicæ*

blicæ ex hujus formæ constitutione facile oriunda, discernere *incommoda* licet ab ejus *dehonestamentis*, quæ vitiis debentur communibus. & *dehonestamenta*. Debentur quidem & *incommoda* non ipsi constitutioni Aristocratiae, quæ ad optima quæque comparata est; sed pravitati & vitiis optimatum frequentioribus, & difficulter ejiciendis aut plane evitandis. Dehonestamenta autem facilius evitari possunt citra quoque temperationem aristocratiae. Quia ex hisce notis facile discerni queunt exposita, conjunctim illa recenseretur poterunt, ut, qui forte hoc discrimen supervacuum censeret, suo abundare judicio possit.

Simili modo una proposuimus quæ monarchiam afficiunt ac dehonestant hominum vitia, usitiora plerumque in hac, quam in alia civitatum forma (§. 20.). Qui distinguere illa volet, similia ibidem reperiet, quæ magis minusve propria dici monarchiæ possunt. Anarchia v. g. ibi memorata, in qua tanta est civitatis perturbatio, ut nullum in ea vigeat imperium obsequiumque, etiam in alias formas ejusdem cadere potest, quoties in iis secundum Euripidem in Cyclop. (*αἰσὲς ὅθεν ὁδεὶς ὁδεὶος*) nullus nulli in nulla re pareat. Sublato enim omni imperio vel dissociata civitate talis adest *ἀναρχία*, qualis fuit Syracusis post mortem Dionis, vel qualis est ante civitatem multitudo hominum in dissidiis & perpetuo metu malorum a sceleratis impendentium constitutorum vivens.

## §. 31.

Vtinam tam rara & inaudita forent, quæ hic sequuntur, ut intelligi non possent, nisi fusius explicarentur, *optima* *brevis re-*  
*tur*, ut intelligi non possent, nisi fusius explicarentur, *centio incom-*  
*tum dissensio* & *discordia*, *invidia* bona quoque præpediens alio-  
*rum consilia*, & *simultas*, erumpens facile in apertas factio-  
*nes*, sibi invicem infestas & obluctantes; perversa eminendi  
*super alios cupiditas*, *ambitio* & *superbia*, inani nitens antiqui-  
*tate generis*, majorum tantum gloria, aut aetate provectiori,  
*aliisque hujusmodi vanitatibus*; eo *difficilior* eorum congregatio,  
 (Wolffii Politica P. II. C. I.) E quo

quo sunt plures ac a se invicem remotiores; *diuturnior deliberatio* & *decisio* quam res fert; nascens inde *procrastinatio expeditionis* celeritate egentis; *collusio Duumvirorum* aut *Triumvirorum* contra reliquos; *despectus populi* & *afflictio* enervans, facile anam præbens seditioni; *rerum communum neglectus* propter res privatas; *indignorum vel successio vel electio* ob partium studium, ambitum aut corruptionem; *census aut potentia gratiaque fiducia* cum neglectu virtutum; *desidia, mollities, luxus, libido, ferocitas proterva* &c.

Quæ his obverti in ipsa aristocratia possint, explanatum est *P. I. Polit. cap. ult.* Quæ vero sic tolli nequeunt, his subveniendum est sapienti temperatione. De qua deinceps luculentius agendum, ut sufficere hic possit generalis designatio modorum Aristocratiam temperandi.

## §. 32.

Tres temperationes Aristocratia.

Temperari Aristocratia totidem modis potest, ac monarchia (§. 21.). Scilicet si duæ tantum formæ misceantur, orietur *biformis*; si tres misceantur, *triformis*. Biformis est duplex. Aut enim monarchia adhibetur ad temperandam Aristocratiam, ita tamen, ne illa sed hæc prævaleat; aut democratia eidem adjungitur, præpollente tamen aristocratia. Illa *aristocratia ducali*, hæc *popularis* dici posset. Si autem in aliis regie, in aliis populariter temperetur, manente tamen primario optimatum statu, *Aristocratia triformis* merebitur salutari.

Non limitatur hic Aristocratia per se uti per leges succedendi, eligendi, &c. nec strictior per laxam & v. v. nec per corpus federatum plurium Aristocratiarum, sed per additam etiam formam. Quia simplices civitatis formæ non habentur nisi tres (§. 298 *P. I. Polit.*): mixtio unius fieri non potest, nisi trifariam. Quia aut una tantum duarum residuarum illi adjungi potest, ut forma secundaria, aut utraque. Priori casu biformis habetur alterutra, posteriori triformis. Sed de his lucidius paullo post.



## §. 33.

*Democratia commodis nemo denegabit tantam, quanta cadere in In democra-*  
*populum potest in ulla civitatis forma, æqualitatem naturalem, liberta- tia viget po-*  
*temque civilem. Tendit enim præcipua cura in democratia ad ser- puli æquali-*  
*vandam naturalem hominum æqualitatem (§. 508. P. I. Polit.), tas & liber-*  
*eamque ad salutem publicam accommodandam (§. 509. ibid.). tas.*  
 Hinc ope illius idem populus universæ præest, sed singulatim  
 subest (§. 510. *ibid.*). Merito igitur inter commoda Aristocra-  
 tiæ refertur tanta, quanta cadere in populum potest in ulla civi-  
 tatis forma, conservatio naturalis æqualitatis.

Quia vero cum æqualitate naturali arctissime cohæret  
 libertas civilis (§. 146. P. VIII. *Jur. nat.*), eaque in Aristocratia  
 est maxima (§. 511. P. I. *Polit.*): omnem elidit exceptionem  
 tanta, quanta cadere in populum potest, libertas civilis in Ari-  
 stocratia, modo illius usus fiat genuinus. Quod secus se habet  
 in Monarchia & Democratia (§. 147. *seq. P. VIII. Jur. nat.*).

## §. 34.

*Fluit hinc major tranquillitas interna, major item immunitas a Major tran-*  
*gravioribus pœnis & oneribus publicis. Notat enim tranquillitas quillitas &*  
*vacuitatem a metu injuriarum (§. 11. P. VIII. Jur. nat.), quæ immunitas a*  
*inter fines civitatis non postremum occupat locum (§. 13. ibid.). pœnis, oneri-*  
*Quatenus injuria omnino a sceleratis hominibus in civitate re- busque.*  
 moveri nequit, spes tamen indubia injuriæ reparandæ, quo-  
 usque fieri potest, animos reddit tranquillos, ut minus ab ea  
 metuant. Recte igitur se habens Democratia unicuique civi-  
 tantum tribuit immunitatis ab injuria aliorum in civitate de-  
 gentium, quantam unusquisque suo suffragio, consentientibus  
 procul dubio omnibus concivibus, ejusdem tranquillitatis non  
 minus cupidus, optare & sancire vult. Id quod in reliquis  
 civitatum formis dispari ratione comparatum esse, nemo igno-

rat, cum in aristocratia ab optimatum, in monarchia a monarchæ arbitrio unice cura tranquillitatis dependeat.

Qui de pœnis in se ipsos statuendis suo utuntur arbitrio, illi non solent graviores præferre levioribus, sed indulgentia humanitatis naturali has anteferre gravioribus, ubicunque id fieri quodammodo potest; nisi plane remittere eas & veniam dare possint, nisi experientiæ fidem derogamus. In sola democratia de pœnis populo destinandis ipsæ decernere populus consuevit, cum in monarchia id jus sit monarchæ, in Aristocratia optimatum (§ 832. 208. & 246. P. VIII. Jur. nat.). Ea propter in democratia majorem dari a pœnis gravioribus civium immunitatem, ambigi nequit.

Quia superiori in civitate jus est, onera imponendi exigendique non ordinaria tantum, sed & extraordinaria (§. 925. P. VIII. Jur. nat.); & in democratia superior est populus universus (§. 142. *ibid.*): facile apparet, quia nemo se ipsum frustra onerare cupit, in democratia populum a se amoliturum esse omnia onera, quæ non deprehendit summe necessaria esse. Quo judicio, quamnam sint summe necessaria, quæ minus, cum populus careat in Aristocratia & monarchia (§. 143. *seq.* §§ 133. *ibid.*): evidentissimum est, in sola democratia tantam, quantam haberi in civitate potest, immunitatem ab oneribus publicis sedem propriam habere.

Quando de his loquimur veluti democratix privilegiis, vix admonendum videtur, subaudiri democratiam genuinam legitimamque, cum in corrupta & negligente officii sui res multo aliter habere possit. Nonne in ochlocratia sceleratorum colluvies omnia civium jura maxime intuta reddere, innocentes sibi adversos plectere, sibi vero omnium scelerum impunitatem sumere vi potest?

#### §. 35.

*Major securitas a bello.*

*Neque minus securitas a bello baud facile major habetur, quam*

in recte comparata democratia. Populus enim amat immunitatem ab oneribus vel ordinariis, quæ non esse summe necessaria videt, multo magis igitur abhorret ab oneribus extraordinariis (§. 34.). Enimvero in bello reip. defendendæ causa sumtus extraordinarii requiruntur, ideoque & onera extraordinaria imponenda sunt & exigenda (§. 780. P. VIII. Jur. nat.). Si ergo vel hæc sola tantum in bello metuenda essent, populus ab illis vehementer abhorrens, pacem malet servare, quam suscipere bellum, nisi extrema urgeat necessitas. Quo plures igitur sunt in populo pacis amantes, & belli odio affecti, (ecquis vero facile aliter sentiet nisi facinorosus, detestationi cæteris futurus?) eo certior majorque habebitur in democratia immunitas a bello, præsertim offensivo, item & defensivo, quamdiu non obstat durum extremæ necessitatis telum. Non alibi ergo major habetur securitas a bello, quam in recte comparata democratia.

Quod multo liquidius perspicietur, si reminiscemur, bellum decreturos non posse non ob oculos habere incertum illius exitum, devastaciones, cædes, incendia, truculentiam, calamitates innumeras maximasque conjunctas cum metu servitutis & reip. eversionis, & reliqua, de quibus dictum est (§. 482 P. I. polit.) Ea enim consideratio & prudentia civilis requirit, ut vel data justissima belli causa, abstinendum tamen sit a bello, cujus postea pœnitere posset (§. 503. *ibid.*), imprimis si alia non favere intelliguntur, quæ ad felicem belli exitum haud parum conferre possunt (§. 504. *ibid.*).

Si quis populum opponere his vellet bellicosum, cujus maxima pars bellandi cupiditate flagraret, is immemorem se ostenderet ejus, de qua agimus, democratiae, quam per se formam esse legitimam ex ejus perspecta indole liquet (§. 248. P. I. Polit.). Quam tamen majoris perspicuitatis causa in hoc effato diximus recte comparatam. Aberrantem enim aut prorsus degenerem statum



statum popularum talis populus quidem conficeret (§. 299. *seqq. ibid.*), nequaquam democraticam genuinam.

## §. 36.

Requiritur  
in democra-  
tia populi  
consensus li-  
ber.

Quia in democratia imperium summum totius est populi (§. 131. *P. VII. Jur. nat.*) & genio populi in civitatem coeuntis nil magis arridere solet quam ut imperium sibi retinere, & se ipsum regere possit (§. 132. *ibid.*): negotia publica in illa agitari nequeunt, nisi a populo universo, sive per se, sive per alios, quibus eadem agenda committit (§. 171. *ibid.*). Et imvero in utroque casu opus est, ut populus in ea, quae fieri debent distincte diserteque consentiat, saltem ex parte majori (§. 195. *ibid.*). Cogitur inde, ut *gerenda publica negotia in democratia ahibendum esse si non omnium, saltem partis majoris populi consensum lucrum, vel praevia cause cognitione libere dandum denegandumve.* Quod in caeteris civitatum formis minime requiri, controversia caret.

Dici quidem potest, quemadmodum in omni societate sociorum consensu opus est ad ea, quae ibi ipsius nomine fieri debent, statuenda & peragenda: ita quoque in omni civitate opus esse populi consensu ad publica negotia peragenda. Sed quis nescit, quantum discrimen intercedit inter consensum, quem quispiam semel dat ad omnia rathibenda, quae ipsius procurator in causa forensi gesturus est, ejus peritiam, dexteritatem & usum fori ipse ignorat; & inter eum, qui procuratori omnia dictat & praecipit, quae ipsius nomine in foro sunt proferenda? Majus hoc ipso discrimen intercedit inter populum in democratia & aristocratia; qui ibi ipse imperat, quae fieri debent, hic solam illi gloriam sibi habet relictam. Specialem vel singularem hunc consensum ideo dixi distinctum liberum, vel praevia cause cognitione libere aut praebendum aut denegandum, circa singula summi imperii momentique negotia.

## §. 37.

Consensus re-  
quirat prae-  
vi-

Consensus populi liber in democratia necessarius, dari nequit  
sine

sine prævia negotii publici perspicientia & dijudicatione. Consensus *am* negotii dari nequit, nisi plurium voluntas unum idemque fieri velit *perspicientiam*. aut nolit (§ 658. *P. I. Phil. pract. univ.*). Voluntas autem est appetitus rationalis, ex distincta boni cognitione oriundus (§. 880 *Psychol. e. pr.*). Præinde voluntas velle nequit, nisi quod bonum esse distincte cognovit; nec idem velle potest quod alii, nisi distincte perspiciat, alios id ipsum velle, idque esse bonum iudicandum. Liber ergo populi consensus, in democratia ad negotia publica expedienda necessarius. dari nequit sine prævia publicorum negotiorum perspicientia & dijudicatione, quam admittere intellectus popularis pro capto suo valet, ut convictus sibi videatur, ita nec aliter esse statuendum.

Notum est, homines ingenio, etsi parum ex cultu utentes, dum in rem præsentem deducuntur, aliorumque exemplis & rationibus erudiuntur, in matura ætate ipso quoque usu rerum ea discere posse & solere, quæ alias semper ignorassent. Idem usu venit in negotiorum publicorum tractatione populari, quæ populum ita afficit, ut non possit non concludere, esse sibi in illarum rerum, cum felicitate sua tam conjectarum, cognitionem acquirendam sedulo incumbendum. Hinc attentior ad omnia factus sensim discit, quæ communi utilitati felicitatique respondeant, ut prævia distincta cognitione illa velle, his contraria nolle, & ita cum aliis consentire queat.

## §. 38.

Publicorum negotiorum perspicientia, quanta ad illam convictio- Ideoque cultum sufficit, salutis publicæ gratia non aliter esse agendum, obtineri sine turam intellectu- illa enim lectus & experspicientia distinctam involvit negotiorum publicorum cognitionem, capto populari respondentem (§. 37. Sed distincta cognitio sine vulgari saltem cultura intellectus ad hæc apta, usu rerum agendarum consultandarumque, & peritiorum doctrina atque exemplo haberi nequit (§. 88. *Logic.*) & (§. 10. *Discurs.*

*Discurs. prelim.*). Id circo manifestum est, publicorum negotiorum perspicientiam, quanta sufficit ad convictionem animi, non aliter esse statuendum agendumque, non obtineri sine idonea, populari tamen cultura intellectus, usuque rerum publicarum sensim adaucto.

Ne quis excipiat, populum, qui in democratia de rep. suffragatur, esse rudem & ætate tum ita provectum, ut frustra de illo docendo cogitaretur: admittendum est, in populo tamen dari alios, & ingenio pollentes, & nonnulla institutione in juventute aut adolescentia vel a parentibus vel a præceptoribus exultos. Hos spectant reliqui ut magistros, ipsoque commercio cum peritioribus, & colloquiis de negotiis publicis, usu denique diuturno subactos & experientia confirmatos, qui suis rationibus, suo exemplo, cæterisque vulgaribus institutis alios utcumque emendant & incitant ad imitationem præstantiorum, ut sensim nonnihil proficiant. Hinc confuse ut artes vulgares, ita & talia discuntur in republ. observanda adjumenta impedimenta que publicæ salutis.

§. 39.

Quandam-  
que universi  
populi virtu-  
tem.

Facit igitur democratia ad populum universum in publicis negotiis aliquatenus erudiendum, & ad quandam intellectus morumque culturam, cui par occasio in Monarchia & Aristocratia non existit. Requirit nempe publicorum negotiorum dijudicatio quandam convictionem, salutis publicæ causa non aliter esse agendum, quam suffragiis consultius est visum, quæ sine idonea intellectus cultura & usu rerum publicarum obtineri nequit (§. 38). Cum vero in Democratia imperium summum sit penes universum populum (§. 131. P. VIII. Jur. nat.): universi populi est suffragandi de summis rebus jus, & universo quoque populo propterea moralis incumbit necessitas, quantum possunt, excolendi & imbuendi intellectum rerum publicarum notitia. Quæ dum sensim augetur in his, qui sui officii non sunt immemores,



mores, iisdem paulatim in publicis negotiis quadamtenus erudiuntur, nascitur habitus illa rectius intelligendi, & præstantiores, quos alii hebetiores ut duces suos venerantur, æmulandi. Quod studium æmulationis præstantiæ in exercendo summo imperio quum ad universum populum diffundatur, quatenus capius & instinctus naturalis in eam fertur, quod in Aristocratia intra optimates consistit, & in Monarchia in Monarchæ familia manet, nec utrobique nisi secundario tantum ad alios porrigitur: concludi potest, democratiam recte comparatam facere ad æmulationem virtutum in universum populum diffundendam ipsa spe & re eo rectius exercendi summi imperii, nec pares illecebras vel in aristocratia vel in monarchia populo proflare.

Ita luculenter innotescit, esse in qualibet simplici civitatis forma allectantia incitamenta ad virtutem, ut recte se habere & florescere possent, modo cives suis officiis non deessent.

## §. 40.

*Inprimis incitat quoque democratia populum ad fortitudinem militarem mitiusque imperium & promptius obsequium.* Imperat enim in democratia populus universus (§. 131. P. VIII. Jur. nat.). *Inprimis fortitudinem militarem.* Idcirco nisi populus periculum peregrini militis subire velit, quod consultum non est, cogitur ipse arma tractare seque exercere, ut pro aris & focis suis strenue dimicare possit. Suæ ergo defensionis causa contra internos externosque pacis turbatores populus in democratia gravissimis urgetur incitamentis, ad acquirendam virtutem militarem, animumque intrepidum in periculis vel prædæ causa ostendendum. Mitius vero imperium & promptius obsequium commendat vicissitudo & imperandi & parendi, qua quam gratum sibi sit & mite imperium, & obsequium promptum discunt. Inde non possunt non intelligere, quid aliis debeant (§. 596. P. I. Polit.).

(Wolffii Politicæ P. II. C. I.)

F

Obfer-

Observavit hoc omnibus sæculis democratiarum indoles, ut *Aristoteles* suo jam ævo dicere potuerit politiam aptam multitudinem, quæ natura sua fertur ad virtutem militarem, & regere potest ac regi ex lege *Lib. III. Polit. c. 12.* mirum igitur non est, populares res publicas, militari virtute & concordia conspicuas, diutius durare, quam lubricas sæpe civitatum formas, imbelli populo, nec milite obsequioso utentes. Omnia incrementa reip. romanæ illis fere temporibus debebantur, quibus legiones ipsorum, triarii inprimis, cives erant romani sponte ad arma venientes, fortissimeque depugnantes. His ergo enumeratis adhuc, & similibus democratix commodis provehendis litandum est, quanto fieri opere potest.

## §. 41.

*Pronitatem-  
que ad se-  
renda tribu-  
ta & onera.*

*Reddit quoque democratia cives pronos ad conferenda tributa, & onera ferenda communis sui boni causa, & in se redundatura.* Con-  
vincuntur enim rationibus sciendi illa tributa & onera, quod illa cedant in communis & privati boni emolumentum, & quod redeant ad illos, qui reipublicæ operantur in pace & bello, ut indemnes præstentur & securi (§ 37.). Sui vero compendii causa homines lubenter agunt, quæ sibi sunt agenda, & dant quæ danda esse perspexere, teste privata cujusque experientia. Sunt ergo cives democratix eo faciliores pronioresque ad conferenda tributa, & onera illa ferenda, sine quibus intelligunt se nec publice nec privatim salvos esse posse. Quod in reliquis simplicibus civitatum formis non æque intelligunt plerique, neque ideo eadem facilitate & promptitudine ista dabunt & ferent, nisi simili modo convincantur, sui causa ista fieri non minus, ac optimatum & monarchæ.

Agrippa in suo consilio, quod Augusto dare iussus est, *Dioni Lib. 52.* dicitur hæc addidisse: Eri resp. sine sumtribus constare non potest, tamen in ea, ubi penes populum est imperium, multi multam pecuniam conferunt lubenter, vel ideo ut libera-

lita-

litatis famam consequantur ac pro iis meritis honores adipiscantur. Quod si necessitas tributorum universo populo incunibat, id eo perferunt lubentius, quod sibi ipsis se obtemperare, ac in suum ipsorum commodum conferre pecuniam arbitrantur. At contra ubi unus imperat, eum ut divitiis abundantem solum impensas facere æquum esse cuncti existimant, studiosius reditus quam sumtus quosvis faciendos habet, indagantes; ac neque privatim ultro aliquid pendunt, nec sua sponte suas pecunias conferunt, quoniam illud facere nemo animum induxerit, neque quisquam facile profitebitur se divitem esse; neque id fieri ex usu principi esset. - Hoc autem omnino molestum plerisque est eo magis, quod damnum esse suum, emolumentum redire ad alios vident. Vbi popularis est civitas, permulti eorum, qui pecuniam pendunt, stipendia merere solent, atque ita eam recuperant large. Sub monarcha alii fere sunt, qui agros colunt, navigant ac civilia obeunt munera, quibus tributa sunt pendenda, alii vero arma ferunt, & militiæ mercede fruuntur. Mæcenatis consilium, etsi diversum hac in re, pæne eodem redit. Fatetur nonnullos tributa & vectigalia imponenda ægre laturos esse; verum modo non alio damno afficiantur, & re ipsa comperiant, hæc ipsorum salutis causa, ut cæteris bonis tuto perfrui possint, exigi; præterea quum plerique ipsorum eam pecuniam, alii magistratum gerentes, alii præfecti regionum, alii militantes accipiant, magnas etiam tibi gratias agent, quod exiguum reddituum suorum partem tibi conferentes, reliqua omnia sine damno percipere possint. Idque eo magis fiet, si te frugaliter vivere ac nihil prodigere videant. Quis enim, quum videat te in re familiari summa parsimonia uti, in publica liberalissimum esse, non ultro velit aliquid conferre, quum tuas divitias suam securitatem ac copiam esse judicet?

## §. 42.

Accedimus ad succincte commemoranda quoque *Demo-Incommoda*  
*tratic incommoda.* Horum in numero habetur *perdifficilis populi democratie.*  
*congregatio* in rebus moræ impatientibus; *imperitia rudium res*



arduas penetrandi & decidendi; tot capitum usitatissimus *disensus* multiplex, modo ex ruditate plebis, modo ex affectibus & partium studio oriundus; discordia & *invidia*, partium *studium*, & *factiones* in populo diversæ; *pertinacia* in præjudiciis, erroribusque; *jurgia* & *rixæ* altercantium immodeste; *demagogorum* auctoritas & cæca populi erga illos obedientia; *ostracismus* vel in genere odium, *invidia* erga præclaros eminentesque viros, innocenter in suspicionem vocatos; *difficultas* arcana occulendi, ne iis prodantur, qui nocere possunt; multorum *inopia* & *aviditas* *privati* *nummi* cum *publici* neglectu; *contemptus* meritorum, quæ plerique assequi nequeunt, ideoque vilipendunt; *eruditio* in *artium* pretium vix ullum aut *servitus*; cura panem lucranti vel *ditescendi* cum *dispendio* publico; *temeritas* obloquendi resistendique *res* *origines*, quæ caprum popularem excedunt; *licentia* agendi quidquid plerorumque seu *inscitia* seu *pravitate* arridet &c.

Magna pars harum vitiositatum communis est omni *polycratiæ*, ut patet ex §. 31. & jam lustrata fuit cum remediis, quæ in *democratia* eidem mederi possunt P. I. Polit. §. 524. *seqq.* Nuda vero recensio jam docet, & hæc non aliunde ortum ducere, quam a forma status popularis, qui sistit, qualis esse debet, ab his erit immunis. Defectus enim eorum, quæ esse in populo libero & suæ salutis perito cupidoque deberent, ratio sunt omnium *anomaliarum*, quæ hic nominantur, & nominatis addi possunt.

## §. 43.

*Triplex temperatio Democratia.*

Temperamentum *democratia* haud secus afferri potest, ac *monarchia* atque *Aristocratia* (§. 21. & 132), aut unam tantum formam diversam eidem adjungendo, aut & alteram. Priori casu habebitur *democratia biformis*, posteriori *triformis*. Biformis vel constabit ex *democratia ducali*, quæ limitatur ad iuncta sola *monarchia*; vel ex *democratia optimata*, quæ temperatur

ratur adjuncta sola Aristocratia. *Triformis* autem *democratia* & monarchicam & aristocraticam formam sibi habet admixtam, sed in aliis aliisque imperii summi partibus, juribusve (§. 314. *Seq. P. I. Polit.*).

Removemus & hic limitationem *democratiae* per se ipsam, uti per leges ordinibus populi, comitiis &c. praescriptas, sive in rigidiori sive moderatiori; sive in absoluta aut restricta; sive in rustica, urbana & provinciali. Pariter & illam restrictionem internam suo loco relinquimus, quae a magistratu superiori & inferiori, vel a modo administrandi *democratiam* populari, aristocratico aut monarchico petitur (§. 538. aliisque *P. I. Polit.*). Nunc enim tantum sermo est de admiscenda *democratiae* forma a se diversa, & de modis tribus, quibus ea fieri potest. Colligendo quae seorsim exposita fuere, intelligitur omnes formas simplices simili modo temperari, & dividi vel in biformes, vel in triformes, quoniam vel duae tantum miscentur, vel tres simul, hoc est omnes (§. 21. 32. & 43.). Si quis forte existimet, revera non nisi tres formas mixtas dari, scilicet triformem & duplicem biformem, quum ordo recensendi illas nihil in re mutet; ei ostendendum erit, non esse unum idemque, quanam illarum formarum primaria sit, quae secundaria. Inde hoc expediemus.

## §. 44

*Mixtio re umpublicarum sapienter ita fieri nequit, ut singulis simplicibus in ea idem esset aut par jus summum.* Quomodo Involveret enim *mixtio fieri* repugnantiam, si quod monarchiae est jus summum, idem itaque & par in eadem civitate simul esse deberet optimatibus, aut & populo (§. 27 *Orat.*). Quidquid involvit repugnantiam, id esse & fieri nequit (§. 28 *ibid.*). Idcirco *mixtio rerum publicarum ita fieri nequit, ut simul singulis simplicibus formis in ea idem & par esset jus summum.* Immo si omnium debet aequale jus esse ratione summi imperii, non haberetur forma mixta, sed archidemocratia, saltem democratia nuda & sola

(§. 522 & 288. P. I. Polit.). Si contendis, id fieri omnino posse, quoties v. c. Regi & optimatibus, vel & populo eadem est mens & voluntas, vel quoties mixtæ formæ ex assensu consentiunt, uti consentire debent: reponemus, illud tamen sapienter fieri non posse, quum lynceis oculis non indigeat experientia vulgaris, perraro & vix unquam perfectum consensum in mixta republica locum habere posse, si omnium formarum simplicium idem & par jus esse deberet. Vix enim ubi diversa ipsis sunt jura, perfectus haberi consensus potest, sed oportet, ut cæteris paribus major suffragantium numerus præferatur minori. Revera in triformi rep. non esset nisi popularis status, evanesceretque & regis & optimatum jus summum, relicto ipsis non nisi nomine vano, si penes majorem populi numerum esset jus res summas definiendi; vel si singulis formis non daretur nisi unicum suffragium, mera foret. Aristocratia tribus, veluti optimatibus gravitura, quæ in biformi mixtione obdissensum earum irrita esset & inepta.

Plus quam platonica fingenda foret resp. si omnium hominum integerrima sumeretur natura, in legem divinam naturæ inferiptam ita consentiens, ut nullius ulla daretur culpa, ideoque perfecta in salutem publicam consensio exstaret. Quæ fictio quum locum in hoc hominum statu non habeat, universe pronuntiare possumus, ejusmodi mixtionem, quæ eadem jura summa singulis mixtis formis tribueret, fieri haud quaquam posse. Non videtur opus esse, ut de ejusmodi forma quandoque mixtione Aristocratia analogæ, qua quot simplices formæ, tot suffragia de summa rerum essent, dispiciamus, quomodo illius incommodis esset medendum. Intricavit hæc *Cellarius Polit. Lib. II. cap. 6. no. 22.* proposito casu, si omnia majestatis jura indivisim sint penes regem & ordines, ita ut neque regi inconsultis ordinibus, neque ordinibus inconsulto rege quidquam statuere liceat, tantumque vel etiam plus juris penes regem sit, quantum penes ordines. Quem ad mixtum remp. referendum putat, nihil



nihil certi tamen definire ausos. Patet vero illum esse eundem, ac si selectis ex omni populo optimatibus conjunctim de rep. sit statuendum. De *Martini* vero sententia *L. II. Polit. cap. 16.* ubi mixtam Remp. dicit, in qua tres reip. formæ ita permiscetur, ut incertum relinquatur, quo nomine resp. mixta denominari debeat, dicenda quedam restant. Existimat, quemadmodum de corpore perfecte mixto largiendum est, miscibilia ita permisceri, ut abeant in aliquid ab ipsis simplicibus ita distinctum, ut simplicium nomine appellari nequeant: ita quoque rem habere in rep. mixta, & leges in ea ferendas esse conjunctim ex mutua conventionione, qua nulla forma alteri subicitur, nulla alteri leges præscribere valet. Sed uti in corporibus perfecte mixtis utique unum miscibile numero vel pondere partium & virium præstantia prævalere potest, soletque, quemadmodum plus aquæ quam vini & vice versa in taberna, plus auri quam cupri in annulo, plus nitri quam sulphuris & carbonum in pulvere pyrio miscetur: ita quoque nihil obstat, quo minus uni reip. simplici plura aut majora summi imperii jura pacto assignentur, quam alteri, quo pacto paciscentibus standum est. Neque subicitur inde una forma alteri sed unaquæque suis gaudet juribus eorumque exercitio, quod cuique saluum relinquetur. Si quoque quadamtenus una alteri præest, hoc tamen æque non obstabit in accurata temperatione vero imperio, ac in aristocratia vel democratia singuli subsunt universis, & pauciora suffragia cedunt pluribus, salvo imperandi jure.

## §. 45.

*In mixtis rebus publicis primaria reapse dicenda est illa forma, unde constet penes quam est summa rerum, que ideo quadamtenus præest cæteris, quænam forquibus tantum ex pacto quadam imperii summi partes vel jura debentur. ma in mix-*  
*Mixtæ enim resp. temperantur per adjunctam aliam formam tione prima-*  
*diversæ indolis (§. 3.) Simples civitatum formæ non de-ria sit re.*  
*terminantur, nisi numero eorum, quibus summum est imperi-*  
*um (§. 286. 291. & 298. P. I. Polit.). Jam mixtio ita fieri ne-*  
*quit,*

quit, ut singulis simplicibus in ea idem esset aut par jus summum (§. 44.). Necessè igitur est, ut mixtio diminuat jura mixtarum formarum, & alia jura dentur alii formæ exercenda, ita tamen ut illis conjunctim in idem sit consentiendum altera forma alteri cedente (§. 74. & 138. P. VIII *Jur. nat.*). Vnde confestim patet, illam formam, quæ cedere obligatur, hoc jure esse deminutam aut privatam eatenus, ut sine consensu alterius id exercere nequeat. Eam vero formam illo jure gaudere, cui ab altera est cedendum, & quæ id pro suo arbitrio statuit, quod forte ab altera est exsequendum. Quoniam vero cuique formæ eatenus alteri est cedendum, quatenus illi aliquid juris in imperio publico est assignatum, quænam forma primaria sit dicenda, quæ secundaria, certis indiget criteriis. Vbi quidem in aliis juribus alia posset primaria dici, quæ in aliis tantum est secundaria. Sed quia sic facile confusio oriretur in magna determinationum & comparisonum copia, præstat unam præcæteris primariam dicere, prout natura ejus id meretur. Enimvero præcipua & potior procul dubio illa dicenda est forma, penes quam est summa rerum, ut ab adjuncta forma illi sint quondam rationes reddendæ & propter abusum legitimæ luentæ penæ. Inde scilicet hæc alteri, in biformi, vel aliis in triformi præesse intelligitur. Quæ vero quadamtenus præest alteri, ejus esse primas partes, seu illam esse primariam, & prævalere nemo ibit infitias. In mixtis igitur rebus publicis illa dicenda erit primaria, penes quam ita est summa rerum, ut præsit cæteris; ipsius judicio ordinario subjectis, & ut habeat potiora seu præcipua summi imperii jura licet & ipsis quadam imperii jura ex pacto debeantur & salva sint relinquenda.

Si hæc exemplo illustranda sunt, capiamus Spartam. Ibi olim reges circa Troica tempora, nomine & re ipsa pro lubitu fere regnabant. Octoginta annos post Trojæ excidium regnum laconi-

conicum datur perhibetur duobus filiis Aristodemi qui in dyarchia pariter præfuerunt regno non diviso æquali potestate, lege successionis ita inita, ut post ipsos semper bini reges essent, alter ex Eurysthenis, alter ex Proclis progenie. Inde *Plato Lib. III. de Legg.* ait, cælestem providentiam rebus spartanis consulentem dedisse illis geminam regum prosopiam ex una stirpe descendentem, quod mediocritati convenientius; dein divino quodam consilio moderatam senum potestatem (στολὴς Φορ) in suffragiis aequipollentem, insolenti regum potestati fuisse adjunctam, atque eo modo, præsertim addito postea, ad tumentem adhuc paucorum potentiam comprimendam ephorum magistratu, remp. maxime temperatam extirpasse. Sed quomodo? Hoc discemus e sequentibus. Lycurgos binos quidem reges reliquit dignitate & honoribus eximios, sed potestate solita domi pæne exutos. Hoc nempe honoris regibus dabatur, ut initia agendorum ab ipsis ducerentur, in consensibus omnibus illi primum tenerent locum, primi sententias dicerent, iisque ab omnibus magistratibus assurgeretur. Gaudebant agris & redditibus, non ut affluerent divitiis, sed statum regium tueri possent. Erant omnium sacrorum antistites & quasi sacerdotes frequenter sacrificantes. Habebant domo publica, utebantur publicis tabernaculis; excipiebant & tractabant hospites publicos ministerio proxenorum, decidebant controversias procorum, erant adoptionum statores & arbitri, judicabant de viis publicis, legatis amicorum & inimicorum responsa ex voluntate civitatis dabant, binis gaudebant suffragiis in senatu, quæ absentes alii demandabant senatori. Attamen erant ὑπεύθυνοι, poterantque in judicia vocari, & si criminum convincerentur, sententiis iudicum damnari, salvo tamen aliquo ad populum provocandi jure. *Xenophon de rep. Lacœ.* in fine scribit, Lycurgum tribuisse regibus domi agentibus honores modicos, (militiæ enim causa rex exercitui præerat absoluto & summo imperio, consiliis quidem præfectorum utens, leges vero a nemine accipiens, nisi civitas exercitum domum reducere juberet), nec voluisse aut tyrannico fastu animos eorum inflare, aut potestatis regiæ invidiam civibus



bus creare; mortuos vero velut hervas cumulari honoribus exquisitis jussisse. E quibus patet, Spartæ revera ex Lycurgi legibus prævaluisse aristocratiam, adjuncta monarchia, & quandoque democratia: quia reges in jus vocati & damnati sunt, ab optimatibus, relicta tantum appellatione populi, quando ea videbatur consulta. Postremo autem democratia prævaluit Spartæ. Ita & Cellarius Pol. Lib. II. c. 6. §. 22. et 23. Prædominatur illa forma penes quam plura & potiora sunt jura majestatis, sive ea sint penes regem, sive penes optimates, sive penes populum.

## §. 46.

Quenam pri-  
maria sit or-  
dine?

Si ordinis tantum ratio habetur, quod in denominatione mixte reip. fieri solet, primaria dicitur, quæ in ordine simplicium civitatum aliam præcedit. Datur enim inter simplices civitates ordo quidam, per quem monarchia primo, Aristocratia secundo, & democratia tertio censetur loco (§. 308. P. I Polit.). Quapropter si honoris causa ad ordinem mixtarum civitatum respicitur, denominatio mixtæ reip. commodè petetur non ab ea, quæ re ipsa, sed quæ ordine antecedit (§. 315. ibid.). Re ipsa autem non prævaleret, quæ solo ordine esset prior.

Neque hoc novi est, sed perantiqui moris. Aristoteles cum Platone etiam suo tempore, quo duo reges Laconum erant, regnum illud appellat laconicum quod vocat imperium belli perpetuum L. III. Polit. c. 14. cui infimum tribuit gradum ob tantam limitationem, qua præter nomen pacis tempore parum juris summi regibus erat relictum vid. not. §. 45. quod ephori usurpabant, tanquam plebis tribuni.

## §. 47.

Quomodo  
temperanda  
sit Aristocra-  
tia & demo-  
cratia.

Quoniam adhibendus est modus quam optimus respici-  
blicas miscendi temperandique (§. 5); nec quidquam magis  
sapienti temperationi convenit, quam ut commoda miscenda-  
rum rerum pp. simul in eadem civitate obtineantur, stabiliantur,  
augeanturque (§. 7.); incommoda autem evitentur arceantur-  
que

que (§. 8.): idem genus temperationis in aristocratia & democratia adhibendum erit, quod ostendimus in monarchia observandum esse (§. 22). Videlicet opera danda est, ut commoda & emolumenta utriusque formæ evadant eo certiora et stabiliora, augeanturque adjunctis formæ admixtæ commodis; incommoda autem & pericula formæ temperandæ per adjunctam aliam vel alias cohibeantur & arceantur simul & semper, quam optime fieri queat.

Substituimus pro instituto hujus capituli tantum in iis, quæ de republica mixta in genere notanda & præmittenda occurrunt. Quæ enim seorsum de his excutienda erunt, secuturis capitulis reservantur, ubi ea ex generalibus hisce rationibus erunt deducenda.

## §. 48.

*Est autem mixtio reipublicæ alia temporaria alia perpetua. Vti Resp. mixta* enim dantur monarchiæ temporarii (§. 257. 258. P. VIII. Jur. vel temporaria est, vel nat.), optimates temporarii (§. 211. & 254. *ibid.*) & in genere imperium temporarium (§. 69. *ibid.*) quod & absolutum & perpetuum summum esse potest (§. 70. *ibid.*): ita temporariam quoque, quæ brevi tempore finiatur, variis modis v. c. annuam dari mixtionem formarum simplicium posse, nihil obstat. Pariter quemadmodum dantur monarchiæ & optimates perpetui (§. 213. *ibid.* & §. 730. P. I. Polit.) & imperio temporario opponitur perpetuum, per omnem imperantis vitam durans (§. 596. P. VIII. Jur. nat.): seu cujus finis non est præstitutus; ita quoque mixta respublica erit perpetua, quæ non tantum perennat cum vita imperantium, sed & quocumque, qui illis in imperio succedunt, neque præfixum sibi habet tempus, quo debet cessare.

Romanorum dictatura temperabat ipsorum rempublicam modo monarchico seu regio, sed primum ad tempus tantum vel jam præscriptum, vel paullo post suo tempore declarandum.

Vt plurimum ex lege non ultra spatium semestrem durabat Vid. Cicero L. III. d. Legg. c. 3. Dictatorem majores nostri neque cujusvis rei causa dixerunt, neque imperium ei ultra sextum mensem dederunt. Dio L. 36. ubi de bello piratico agit. Obnecessitatem tamen prerogata interdum dictatura fuit, ut annua esset, donec Sulla eam ad incertum tempus sibi dari jussit, & Cæsar perpetuus factus est Dictator. Lacedæmoniorum reges itidem erant perpetui in bello dictatores, uti notatum est ad §. 45. Pluribus hic non opus est exemplis.

## §. 49.

*Rationes  
temporariæ  
& perpetuæ  
temperatio-  
nis.*

*Dependet temperatio Reip. a voluntate populi, perpetua scilicet a voluntate constanti & perpetua, temperaria autem a voluntate necdum satis fixa, sed a mutabilibus suspensa.* A populi enim voluntate pendet, quomodo imperium in alios transferre velit (§. 36. P. VIII. Jur. nat.), ideoque an plenum transferre, aut illud in partes dividere, & partem quandam vel sibi retinere, vel certa lege in alios aut alium quandam transferre velit (§. 64. *ibid.*). Si exercitium imperii certis legibus est adstrictum, vel consensu alterius indiget, dicitur illud limitatum (§. 66. *ibid.*). Si plenum imperium in partes dividitur, minus plenum evadit (§. 62. *ibid.*), nec omnia continet jura imperio publico tribuenda, sed quædam tantum; aliorum vero exercitium sine eorum consensu, quibus illa sunt data, denegatum est (§. 63. *ibid.*) Limitatio imperii per heterogeneum imperium est temperatio illius (§. 3.). Dependet ergo temperatio reip. a voluntate populi.

Quæ voluntas quia constans est ob immutabilitatem actus ejus in eodem negotio; & perpetua ob immutabilitatem in omnibus aliis negotiis publicis ejusdem naturæ quovis tempore, ideoque nullis rationibus unquam se adduci patitur, ut contrarium velit in eodem & simili quovis negotio publico quotiescunque id occurrat (§. 1062. P. I. Theol. nat.): facile patet voluntatem populi constantem & perpetuam, omnibus

rite



rite excussis temperationem eligere perpetuam; si vero omnia prævideri & excuti non potuerunt, eam a mutato hominum rerumque in primis publicarum statu suspendendam esse, ut pro re nata temperatio tollatur, vel alia in illius locum surrogetur. Ideo voluntas populi nondum satis fixa, sed a mutabilibus in republica suspensa & mutanda, non producet nisi temporariam reip. temperationem.

Quod hic de populo diximus, respicientes casum, quo populus civitatem vel primum orditur, vel post interitum aut sublationem corrupte prioris civitatis rempublicam seu reformat, seu novam adhibita temperatione format: idem quoque valet de alio casu, quo vel Monarcha absolutus, vel optimates absoluto imperio gaudentes, temperationem consultam deprehendunt. Quem existere posse, sana ratio quemque docet, extitisse vero, etiam ex historiis notum est. Sic Theopompus rex spartanus, 130 anno post leges a Lycurgo latas fertur ephoros creasse cum difficili ac diuturno bello Messenio rex uterque foris domi distineretur, nec domi rebus urbanis vacare posset, ut in urbe regum vices gererent, jusque civibus dicerent. Quod bellum quum per 20 annos gereretur, illi diu in eodem gradu constitere, ut regum ministri esse censerentur, paulatim vero altius adscenderunt, tandemque summam reip. potestatem in se vertērunt. Dolenti uxori quod regum jus minuitlet, respondisse Theopompus fertur. se fortasse jus angustius filiis relicturum, ac a patre accepisset, sed sine dubio diuturnius. Vb. *Emmius de rep. Laconum* p. 123. in *Vet. Græc. Tom. III.*

## §. 50.

Quaecunque temperatio Reip. adhibeatur, id in ea præcipue cavendus  
*randum* providendumque, ut abusus potentia publicæ caveatur. Potentia præsertim  
 tia enim notat possibilitatem & vires agendi (§ 716. *Ortol.*), potentia pu-  
 quæ in republica redit ad omnes hominum & vires & divitias blicæ abusus.  
 salutis publicæ tuendæ idoneas (§ 69. *Jur. G.*). Cum per  
 has notiones planum sit, rectum publicæ potentiaæ usum ad  
 salu-

salutem publicam plurimum proficere; abusum vero saluti publicæ plurimum nocere (§. 646. P. I. Theol. nat.): manifestum est, in temperatione reip. sapienti id præcipue curæ cordique esse debere, ut abusus potentiæ ideoque & potestatis publicæ quam optime fieri potest, caveatur arceaturque (§. 8.).

Citato Juris Gentium loco potentia explicatur per vires alteri, inprimis vi externæ vel hostibus resistendi. Quis enim neget, potentia opus esse, ad hostes abigendos, seque & res suas vel communes adversus hostes defendendum, & ad jus suum, quod ab aliis denegatur nobis, vi extorquendum? Licet igitur verissimum sit, potentiam civitatis satis ex eo agnosci & ab impotentia internosci, si par sit arcendæ injuriæ aliorum sive internæ, sive externæ: malui tamen hic, ubi non de usu recto, sed de abusu potentiæ, & quidem publicæ & maximæ, quæ in civitate datur, sermo est, latiori uti potentiæ notione, quæ illius quoque abusui explicando inservit. Neque enim abusus est potentiæ, si ad resistendum vi externæ seu hostili potentia publica adhibetur. Abusus enim eo se exserit, si potentia publica contra salutem publicam adhibetur, ad cives innocentes libertate juribus, bonis, vita exuendos, & ad omnia unice in privatam utilitatem rectorum civitatis rapienda. Hujusmodi abusum cum salute publica conciliari non posse, clarius est luce meridiana. Illi itaque occurrendum est in sapienti reip. temperatione. Facere hoc ad diuturnitatem regnorum proferitur *Stagirita L. V. Polit. c. II.* his verbis: optime conservantur regna ad moderatiorem rationem ea reducendo. Quo enim paucioram rerum potestatem habent eo longiori tempore oportet ut imperium consistat.

## §. 51.

*Temperanda*  
*Monarchia*  
 & *Aristocra-*  
*tia consuli-* In Monarchia & Aristocratia populus libertate civili destituitur (§. 147. P. VIII. Jur. nat.): in democratia vero tanta gaudet civili libertate, quanta haberi potest (§. 146. *ibid.*). Quapropter patet, in temperanda monarchia & aristocratia liberati

tati civili populi prospici, pariter ac libertati singulorum naturali. tur populi Priori enim nonnulla summi imperii jura adimuntur monarchæ, libertati, posteriori optimatibus, & populo tribuuntur, cui eatenus libertas asseritur naturalis (§. 149. *ibid.*).

Quo magis invalefcit abusus summæ potestatis in Monarchia & Aristocratia, eo plus detrimenti affertur libertati civium naturali ut fere in statum servitutis detrudantur. Quocirca & naturali & civili libertati cavetur prospiciturque admiscendo eidem quædam populi jura in statu populari eidem asserita. Nihil enim dulcius esse solet populo sua libertate quiete fruenda. Inde valde acerbum ipsi accidit, quidquid ipsum in usu libertatis suæ, cui innutritus est, turbat læditque.

## §. 52.

Quæ in democratia summa est, libertas populi civilis & *Temperatio* naturalis (§. 55. & 146. *P. VIII. Jur. nat. & §. 511. P. I. Polit.*), *democratia* ea abusu perfacili sæpenumero degenerat in licentiam (§. 512. *occurrat li- P. I. Polit.*), nisi abusu huic quam optime occurratur (§. 524. *centia plebis. ibid.*). Potest vero eidem occurrere ipsa ejusdem sapienti temperatione (§. 8). Quare in temperanda democratia occurrendum est *licentiæ populi, qua degenerare solet in ochlocratiam* (§. 512. *P. I. Polit.*) & (§. 42.), sive illi adjungatur regius sive optimatum status, sive uterque.

Quemadmodum libertas in defectu servitutem molestant, ita in excessu licentiam parit perniciosiorem. Medendum igitur sapienti temperie, & defectui & excessui, ut eo certior constanterque habeatur usus genuinus libertatis civilis. Sed de his suo loco disertius exponendum.

## §. 53.

*Temperatio reipublicæ modo plura, modo pauciora jura summi Imperii mixtu formis quasi propria tribuere, & adimere alteri vel cæ- nunc plura, teris potest, ut in hi legitimus obtineatur consensus coalitæ formæ tem- nunc pauciora. Nimirum temperatio reipublicæ infert limitationem ra jura for- uni- mis assignat.*



unius formæ civitatis per aliam diversæ naturæ (§. 3.). Quando una limitatur forma per alterum, exercitium imperii unius formæ certis adstringitur legibus, aut aliorum ad eos requiritur consensus (§. 66 P. VIII. Jur. nat.) Itaque imperium cujusque formæ simplicis est minus plenum, tametsi in illis juribus, quæ illi assignata sunt, summum esse possit (§. 65 67. *ibid.*). Jam quæ formæ uni tributa sunt, illa alteri simul tributa esse nequeunt (§. 44.). Ea de re jura summa, quæ uni formæ sunt tributa in rep. mixta, eadem alterius simul esse nequeunt, sunt ergo alteri ademta. & huic adjecta ut propria (§. 62. *ibid.*). Sed quia mixta forma e pluribus simplicibus coaruit in unam, & in aliis ad aliam formam accedit (§. 138. P. VIII. Jur. nat.): fixus consensus simplicium formarum in eandem salutem mixtæ reip. inesse debet, secundum constitutionis legem, quæ in miscendis rebus publicis diversæ indolis, arrisit illius statoribus autoribusque. Liquet ergo, temperationem reipublicæ, a voluntate populi profectam (§. 49.), modo plura modo pauciora jura summi imperii dividere inter simplices illas civitatis formas, & quæ huic ademit, eadem illi adjicere solere, ut formæ mixtæ legitimus obtineatur consensus.

De numero jurium nunc nondum agitur, potest tamen is & sic quadamtenus illustrari. Sit numerus jurium summorum = X. Si illius quarta pars tribuitur formæ illi admittæ; priori simplici ademta erit  $\frac{X}{4}$ . eademque pars quarta istorum jurium for-

mæ illi innexæ erit attributa, ut priori tantum restent illorum jurium tres quartæ partes. Facile autem percipitur, potuisse etiam alteri formæ adhibere dari  $\frac{X}{5}$  vel  $\frac{X}{7}$  vel  $\frac{X}{8}$  vel quamecum-

que aliam partem aliquotam aut aliquantam. Vnde necesse est, ut aliæ aliæque prodeant temperationes mixtæ reip.

## §. 54.

Potest in illa reip. temperatione ratio haberi jurium sublimiorum Item vel sub-  
 & inferiorum, item formarum simplicium majoris minorisve consensus lumiora vel  
 in rep. mixta. Etenim summorum jurium alia sunt majoris mo- inferiora ju-  
 menti, alia minoris; cujus momenti ratio quoque habetur in ramiscet,  
 ipsis administris, quibus rector civitatis in illorum administra- consensu di-  
 tione utitur. Ita majoris momenti est imperium patrimonial- verso.  
 le, quam usufructuarium (§. 40 & 155. P. VIII. Jur. nat.),  
 & jura majestatis dantur majora & minora (not. §. 207. ibid.),  
 potestates quoque quædam vocantur eminentes (§. 114. ibid.).  
 Proinde in temperanda republica primariæ adimi possunt cum  
 minoris tum majoris momenti summa jura, cum nihil obster,  
 ut & facta eorum divisione mancant summa in se, quæ divisa  
 sunt (§. 65. ibid.) Si jura majoris momenti dicantur sublimio-  
 ra, minoris momenti inferiora; in aprico est, in temperatione  
 reip. posse rationem haberi jurium & sublimiorum & inferiorum.

Quoniam in constitutione mixtæ reip. certus vel plane  
 optimus temperandi ejus partes invicem modus est adhiben-  
 dus (§. 5. f. 91.), & quo major haberi potest in mixta simplici-  
 um consensus, eo illa est melior stabiliorque (§. 191. P. I. Phil.  
 præf. univ.); quo minor est simplicium consensus, eo tempe-  
 ratio erit imperfectior & deterior. Liquet igitur in tempera-  
 tione reip. haberi quoque posse rationem consensus simplici-  
 um, prout ille vel major vel minor actu est, aut esse potest.  
 Prius obtiner in judicio de mixta rep. ferendo, quid in ea vel  
 approbandum sit, vel improbandum, reformandum aut mutan-  
 dum (§. 6.). Posterius in ipsa constitutione mixtæ reip. mo-  
 mentum habet insigne.

## §. 55.

Modus temperationis differre potest gradibus, tum ratione numeri Gradus tem-  
 & ponderis jurium summorum, tum ratione consensus simplicium forma-perationis  
 (Wolffii Politicæ P. II. C. I.) H rum

*differunt bi- rum diversis. Potest enim alia temperatio mixtæ reip. plura,*  
*sariam.* alia pauciora jura summi imperii continere (§. 53.). Possunt quoque jura uni formæ simplici adempta & alteri tributa vel graviora & sublimiora, vel leviora & inferiora esse; neque minus consensus simplicium formarum in forma mixta modo major esse potest, modo minor (§. 54.). Enimvero ubi qualitates & actiones magis & minus plura vel pauciora admittunt, ibi dantur gradus earum (§. 746 & 737. *Ontol.*). Quapropter & modus temperationis differre potest diversis gradibus, tum ratione numeri & momenti jurium summorum, quæ dividuntur, tum ratione consensus simplicium formarum.

Quia jura eorumque numerus & pondus sunt materia, circa quæ dividenda inter plures formas civitatum simplices temperatio versatur: possunt hi gradus vocari materiales, & qui in numero differunt, dici gradus extensionis seu ambitus; qui vero momento jurium discernuntur, appellari gradus intensiōis seu momenti. Ipse vero consensus simplicium formarum quia essentiam & naturam temperationis proprie conficit, gradus hi formales merito dicuntur.

## §. 56.

*Quæ tempe-* *Temperatio reipublicæ melior, ubicunque fieri potest, deteriori*  
*ratio sit præ-* *est præferenda. Obligamur enim Jure naturæ ad præferendum*  
*ferenda.* in nostris actionibus quibuscunque melius deteriori (§. 192. *P. I. Phil. pract. univ.*). Temperatio reipublicæ est actio publica, vel totius populi in civitate miscenda (§. 3.). Quamobrem patescit, temperationem reip. meliorem, ubicunque ea fieri potest deteriori esse præferendam, *semperque ea jura formæ cuique esse tribuenda, quæ in solam ea sunt saltem in ipsa minimum amittunt abusum* (§. 22.). Ideoque dum optima temperatio omnibus reliquis melior censenda est præstatque, intelligitur, *optimam temperationem reip. ubicunque illa haberi potest, ceteris omnibus*  
*merito*



merito suo esse præferendam (§. 5.), ideoque adhibendam, quando illa pro re nata fieri potest.

In se unque verissimum est, optimum semper esse præferendum. Sed ubi plurium consensus requiritur, quicquid optimum est perspicere omnes nequeunt, ideoque malunt antiquum obtinere; aut metu quamvis inani, ne secus cadat id, quod ipsis dicitur melius esse, aut affectu alio, quo antiquis adhærent, ad assensum permoveri nequeunt. Inde propter plurium dissensum, undecunque ortum, tunc fieri nequit, ut meliora eligantur, vel antiquis substituantur.

§. 57.

Quando Respublica temperatur, alia jura summa manent *Quid sint jura* primaria, vel illi formæ propria, quæ formam diversæ in *ra reservata* dolis adscivit; alia vero seu communicantur cum adjuncta sic, & *alienata* ut vel plane alienentur seu in illam transferantur, vel tamen *vel collata*. Primaria in illis consensu secundariae unius vel & alterius formæ indigeat. Prioris generis jura dicuntur *reservata*; posterioris vero *alienata*, si non ex toto, saltem ex parte, aut *collata*, scilicet in formam admixtam. Hanc, denominandi a se invicem distinguenda, veniam petimus, damusque vicissim.

Dum populus in democratia omne imperium sibi retinet, hæc sunt jura retenta. Si vero quædam tantum retinentur, quæ quatenus primaria debentur, primaria dici merentur, quatenus secundariae tributa sunt, secundaria & ipsa erunt; ambo reservata dici possent, prout jurium populo reservatorum mentio fit (§. 387. seq. P. VIII. Jur. nat.). Vbi tamen primariae potissimum ratio habetur in denominatione, illa reservata erunt jura, quæ primariae soli debentur. Ita quæ Deo soli insunt, v. c. in finitas, omniscientia, vindicta omnium scelerum &c. reservata Dei dicuntur. Ex adverso quæ adempta formæ primariae & in formam admixtam translata sunt, hæc merito communi consilio & consensu in ipsum collata dicuntur. Sic si populus imperii usumfructum tantum transtulit vel in regem, vel in optimates,

reservavit sibi proprietatem seu ipsam imperii substantiam (§. 36. seq. P. VIII. Jur. nat.).

## §. 58.

*Vtraque dari debentur in forma mixta.*

*In qualibet republica mixta vel temperata dari debent & jura reservata & alienata sive collata; & conferri formæ secundariæ possunt, quæcunque primariæ non obsunt sed profunt.* Etenim in qualibet rep. temperata & mixta nequeunt omnia summa jura uni tantum formæ simplici inesse, sed necesse est, ut dividantur, & alia alii formæ simplici tribuantur (§. 65 & 128 P. VIII. Jur. nat.). Quoniam sic unaquæque simplex limitatur (§. 138. II.), & temperatio non est nisi limitatio per aliam formam simplicem diversæ indolis & speciei (§. 3): necesse est, ut alia summa jura in mixta rep. sint penes hanc, alia penes diversam formam simplicem. Sed quæ primariæ formæ simplici propria sunt, vocantur jura reservata; quæ alii sunt tributa ea lege, ut exercitium & horum & illorum in salutem publicam eo certiusificentiant appellantur aliena vel collata (§. 57.) Ergo in qualibet republica mixta dari debent & reservata & collata jura (§. 44.). Quia primariæ formæ jura dicuntur reservata, reservanda utique illi sunt jura maximi ad salutem publicam momenti (§. 957.). Quæcunque autem jura summi imperii tanti momenti non sunt, ideoque si alteri cuiquam formæ tribuuntur, primariæ non obsunt, illius juribus nihil derogando, sed potius profunt, illi decus, robur & adjumentum in rebus arduis conciliando: illa merito & pro lubitu conferri secundariæ possunt, & in sapienti temperatione debent (§. 7 & 22.).

Conferri hic poterunt, quæ de reservatis in rebus publicis mixtis prælibata sunt (§. 319. P. I. Polit.).

## §. 59.

*In alia forma mixta*

*Quia differunt formæ simplices, ut una esse nequeat altera, ideoque unaquæque propria sibi habet jura, quæ in alia con-*

constitutione aliter, ratione imperantium præsertim, sunt re- *alia sunt re-*  
 cepta (§. 298. r. I. Polit.): & in mixtis rebuspublicis alia atque *servata.*  
 alia potest & toler esse primaria (§. 44. seq.): evidens est, si  
*alia sit forma primaria, alia quoque dari jura reservata, alia collata.*  
 Hinc generatim in alia forma mixta alia dantur reservata.

## §. 60.

Dum quælibet forma mixta diversos admittit gradus, *Reservata*  
 cum materiales tum formales (§. 54. seq.): & in qualibet for- *quoque gra-*  
 ma mixta alia dantur reservata (§. 59): elucescit jam, in qua- *du differunt.*  
*libet forma mixta ejusdem generis, reservata quoque gradibus differre*  
*præ,* ideoque in alia plura, in alia graviora esse posse reservata;  
 item alias consensum simplicium formarum dari posse majorem,  
 minoremve, & alias firmiorem stabilioremque eundem esse  
 posse vi constitutionis rite factæ (§. 53. seq.).

## §. 61.

Quo graviora & plura sunt reservata, eo minus forma prima- *Hinc & li-*  
 ria erit limitata; quo graviora vero & plura jura formæ primariæ sunt *mitatio for-*  
 adempta, & in admixtam aliam vel alias collata, eo magis primariæ *mx primariæ.*  
*erit limitata.* Summa enim jura alia sunt gravioris momenti &  
 sublimiora, alia minoris momenti & leviora, uti absolutum  
 & limitatum (§. 66. P. III. Jur. nat.) & (§. 54.). Si illa po-  
 nas æquipollere, quæ inter plures formas dividuatur, pote-  
 runt tamen alii formæ eorum plura tribui, alteri pauciora (§.  
 53.) Limitatur vero imperium, cujus exercitium consen-  
 sum alterius requirit (§. 66. P. III. Jur. nat.), ut non omnia  
 jura complectens, vel quia quædam sunt adempta & in alteram  
 formam collata, per se & plene summum non sit, sed limita-  
 tum (§. 73. seq.) Limitatur igitur forma Reip. pro ratione  
 jurium eidem ademptorum & alteri formæ assignatorum. Pro-  
 inde quo graviora & plura sunt reservata formæ primariæ, eo  
 minus illa erit limitata & per alias circumscripta; quo vero *gra-*



graviora & plura jura illi sunt ademta, aut quo leviora & pauciora illi sunt reservata, eo magis limitata arctioribusque cancellis inclusa erit forma civitatis primaria.

Quidquid jurium ademtum est formæ primariæ, illud dimittit ejus jus summum, ne plenum esse possit. Quo majoris igitur momenti sunt jura ademta, eo minus plenum erit illius imperium (§ 62. seqq. P. VIII. Jur. nat.), eoque magis diminutum erit limitatumque. Idcirco etiam dici potest, quo graviora, quoque plura jura summa in aliam formam collata sunt, quæ secundaria dicitur, eo magis primariam, quæ dicitur, esse limitatam.

### §. 62.

*Quis sit finis* Et reservatio & collatio jurium in rep. mixta non nisi melius  
*Reservatio* consequente salutis publicæ causa fieri debet. Etenim sapienti tem-  
*tionis & col-* perationi reip. nihil magis convenit, quam ut commoda mi-  
*lationis ju-* scendarum rerumpp simul in eadem rep. obtineantur, stabili-  
*rium.* antur augeanturque (§. 7.): incommoda vero earum quam optime evitentur (§. 8.). Sed temperatio illa partim primariæ civitatis formæ quædam summi imperii jura reservat, partim alia in admixtam aliam unam vel alteram confert (§. 57.); & in qualibet mixta rep. dari debent tum jura reservata, tum collata seu alienata (§. 58.). Cum omnium, quæ in rep. fieri debent, suprema lex sit salus publica (§. 86. P. VIII. Jur. nat.): fieri & reservatio & collatio jurium in rep. mixta rectius nequit, quam si unice salutis publicæ causa fiat.

Potest v. c. imperium temporarium limitari & summitas populo reservari, ne facile abusus irrepat (§. 71. P. VIII. Jur. nat.). Recte igitur id fit, dum populus non alium ob finem sibi jus quoddam in actus imperantis reservat, aut eos sancitis legibus restringit, aut aliorum consensui eorum exercitium subiecit, quam ne quid detrimenti capiat salus civitatis.

## §. 63.

*Temperatio reip. mixtæ in iis, quæ semper eodem modo fieri possunt, obtruncatur legibus a forma adjuncta ne violentur præscriptis; in vel sit legi-reliquis, de quibus non nisi e re præsentis iudicium fieri potest, utrum sint bus vel sus-e re publica, nec ne; consensu alterius formæ diversi generis obtinenda fragiis alio-est. Nimirum si imperium limitatur, ejus exercitium certis le-rum utique-gibus adstringitur in iis, quæ eodem modo fieri semper pos-sequendis-sunt; ad ea vero, de quibus non nisi ex præsentis tempore sta-tui potest, quid civitati vel conveniat vel repugnet, consensus vel universi populi, vel saltem quorundam ex populo requi-ritur (§ 74 P. VIII. Jur. nat.). Enimvero si leges illæ consti-tutæ sunt ab ipsis rectoribus civitatis, vel & concilium ab eis-dem institutum, sine cujus consensu in rebus arduis nihil age-re velit, nec semper nec necessario iis obstringuntur, sed tol-lere ista pro lubitu possunt (§. 79. *ibid.*). Quid? quod & po-pulus voluntatem suam declarans de iis, quæ rectorem civita-tis facere velit aut nolit, nullum sibi jus in actiones rectoris civitatis reservat, nisi expresserit simul animum, se nolle ejus-judicio stare, si secus fecerit, vel sine consensu consilii quid-quam in reservatis casibus egerit (§. 81 *ibid.*) Quia nisi his-modis & in simplicibus formis civitatis salus publica melius ob-tineri nequit; & reservatio pariter ac collatio jurium in mixta rep. non nisi melius consequendæ salutis publicæ causa fieri debet (§. 62.): omnino dictis modis temperatio reip. mixtæ instituenda erit.*

Omnino interest, ut diserte exponatur in constituenda rep. mixta, quid vel de legibus latis, vel de consensu aliorum impe-trando habendum sit, ne vel invitatus reprehendatur ob actiones, quas sibi licere credidit; vel data operâ aliter agens obtentu gau-dent speciosa. Sic autem nullum dubium esse potest de obli-gatione vel servandi leges, vel adhibendi consensum aliorum, si sine illo consensu, & contra legum mentem suscepta actio nihil vali-

valitura statuatur. Tunc decernens quidquam eorum sine isto consensu praevio, aut contra mentem legum agens rector civitatis convinci potest, quod fidem datam fefellerit, ideoque illius actus hujus generis reddi poterunt irriti nullique. Quam ob rem eo quoque diligentius sibi ab hujusmodi vel consiliis conaminibusque cavebit.

## §. 64.

*Criterion*

*reip. mixtæ.*

*Inprimis temperatio formæ civitatis inde patet, si rector ejus salvis legibus regiminis sublimiora imperii jura quædam sine consensu aliorum exercere nequit.* Leges enim, ad quarum observantiam in exercitio imperii adstringitur, leges fundamentales aut regiminis dici merentur (§. 77. P. VIII. Jur. nat.). Hujus modi vero est lex, qua rector civitatis adstringitur, ut in summis quibusdam negotiis nihil agere possit, sine aliorum praevio consensu (§. 78. ibid.). Quam ob rem potissimum inde noscitur temperatio formæ civitatis, si rector civitatis salvis legibus regiminis exercere nequeat sublimiora imperii jura, nisi consensum sequatur aliorum.

## §. 65.

*Mixtæ reip.*

*dantur con-*

*sortes co-*

*imperantes*

*heterogenei.*

*Mixtæ Reipublicæ temperatio requirit ejusdem summi imperii sed diversorum jurium participes vel consortes heterogeneos.* In mixtæ enim rep. temperatio civitatis facit, ut rector ejus salvis legibus regiminis præesse summis rebus nequeat, sine consensu aliorum (§. 64.). Hi, quorum consensus requiritur ad exercendum summum imperium, sunt ejusdem summi imperii participes, sunt consortes vel socii nonnullorum jurium imperii ejusdem sed diffformes. Requirit igitur temperatio ejusdem summi imperii diversorum jurium participes heterogeneos, quos vulgo coimperantes, antiqui correctores dicunt, germani *Mitherrscher*. De nominibus specialibus suo dicetur loco.



Vidimus *P. I. Polit.* consortes & socios imperii homogeneos, sive collegas vel secundarios vel pares. Pares inter se erant v. g. bini consortionem imperii Laconici habentes. Impares vel secundarii velut erant, qui adsciscendis se arbitrio fere semper affurgebant morigeri, uti in monarchiæ collegis quandoque contigit. In mixtis Rebuspp. alia est consortium imperii ratio. Sunt enim rectores civitatis alii, alii vero correctores vel correctores in suis tamen imperii partibus a rectoribus neutiquam dependentes. Exempli causa, si primaria forma sit monarchica; adjuncta vero secundaria Aristocrata: optimates erunt imperii participes, ut ipsis invitis nullum bellum possit suscipi, nullum tributum imponi &c.

## §. 66.

*I*cet imperii participes a se invicem non debeant, ordinis Inter quos tamen sapientis & consensus in publicam salutem ratio inter eos est ne-ordo & concessaria. Vbicunque enim dantur coimperantes, vel ejusdem sensio in salutem pub. re- imperii participes, ibi plures gaudent jure de rebus summis suffragandi, quod per se liquet. Vbi pluribus jus est suffragandi de rebus summis, ad salutem publicam facientibus; ibi & dissensus facilis & abusus potestatis. unde avertendæ abusio- nis evitandæque confusionis ergo æque ordine sapienti opus est, ac in democratia & Aristocratia (§. 241. 524. 607. *P. I. Polit.*); ibi etiam pluribus illis opera danda est, ut in salutem publicam prorsus consentiant, itaque si non omnes saltem major eorum pars, quorum suffragiis definiendum est, quidnam in re difficili vel agendum sit, vel omittendum. Quare si in mixta rep. salus publica melius est procuranda, ac in simplici fieri potest (§. 7.): utique necessario a consortibus est ordinis & consensus in salutem publicam ratio apprime habenda.

Si ponas dissensum inter diversos imperii participes, aberrabunt vel omnes vel saltem pars dissentiens a salute publica, tanquam meta, ad quem omnibus esset collineandum. Posito co-

imperantium dissensu in rebus publicis, non potest non salus communis in periculum adduci, neque sic erit resp. mixta, sed perturbata & confusanea.

## §. 67.

*Quemadmodum ille consensus sit firmandus?*

Consensus hujus firmandi & stabiliendi causa summa adhibenda est sanctitas etiam fidei juratae poenarumque. Nihil enim juvaret rempublicam quaecunque vel optima mixtio, nisi opera detur, quanta potest, ne illa tollatur; & nisi consensus in salutem publicam quam optimus, uti est necessarius in illa (§. 66.), ita quoque perdureret & sancte observetur. Quapropter opera utique est navanda, quanta potest, ut consensus in rep. mixta vigeat inter comperantes stabiliatur maneatque immotus (§. 7). Omnis ergo adhibenda est vel summa sanctitas, quae violationi promissorum efficacissime ob stare potest, ideoque & religio conscientiae, ipsaque sanctitas fidei juratae. Quam ob rem poenae graves perfidiae perjuriique iis metuendae sint, necessum est, qui nihilo secius a fide data discessisse convincuntur (§. 585. P. VIII Jur. nat.). Neque tantum legibus sancienda sunt poenae, pro gravitate delictorum & criminum dato casu exaspetrandae (§. 636 *ibid*), sed etiam executioni dandae, nisi rationes singulares vel remissionem flagitent, vel mitigationem (§. 656. *ibid*).

In summis rebus summa opus esse sanctitate fidei, res ipsa loquitur. Quo majoris enim momenti res est, eo magis interest, ne illa negligatur; & quo plurimum refert, ne illa negligatur, eo fortiori opus est obligatione eorum, quibus est demandata imperii summa in functionibus ejusdem diversis. In poenis tamen infligendis ea servanda est aequitas, ne graviores adhibeantur, ubi mitiores sufficere possunt.

## §. 68.

*Quando*

*mixta resp. us recta erit, sed degener et corrupta.* Mixta enim resp. e pluribus

sim-

simplicibus specie diversis coalescit (§. 31. *P. I. Polit.*), quæ degeneret at-  
 genuina est, dum tam sapienter est temperata, ut commoda *que corrump-*  
 simplicium rerumpp. in eadem civitate simul obtineantur, fir-  
 missime stabiliantur & quantum fieri potest augeantur (§. 7.);  
 incommoda vero earundem quam optime evitentur (§. 8.).  
 Si his contraria fiunt in civitate, si neglecta salute publica in  
 simplicibus formis non quæatur, nisi privata coimperantium  
 utilitas; si factiones civitatem urgeant, lacerent, obsideantque;  
 si res ad rebellionem excidiumque civitatis spectet, quis tum  
 neget, illam plane degenerasse mixtæ civitatis formam? Non  
 amplius igitur recta, sed corrupta tum erit illa civitatis forma  
 (§. 299. *P. I. Polit.*).

Neque hoc mirum videri debet in humanis institutis, in qui-  
 bus nihil tam bene se habet, & tam recte constitui potest, quin  
 abusu libertatis successu temporis vitietur, depravetur & corrump-  
 patur. Quod uti in formis civitatis simplicibus ostensum est  
 (§. 306. *P. I. Polit.*), fecitque, ut olim tres numerentur pravæ  
 vitiatæque simplices civitatis formæ (§. 30. *ibid.*): ita quoque  
 in mixtis corruptionem contingere posse & solere, e natura mi-  
 scendarum formarum patescit. Quare quot modis formæ mix-  
 tæ habentur rectæ, tot modis quoque, illarum degeneratione &  
 aberratione a scopo, corruptæ nascentur.

## §. 69.

Cum formæ mixtæ recte se habentes vel biformes sint *Divisio cor-*  
 vel triformes (§. 21. 32. & 43.): & formæ corruptæ non *ruptionis*  
 sint nisi aberrationes a recta indole formæ mixtæ (§. 68.): *mixtarum*  
 corruptæ quoque civitatis formæ mixtæ aliæ erunt *biformes, formarum.*  
*aliæ triformes.* Una tantum corrupta sanari per alteram potest;  
 secus est, si omnes sint corruptæ, ulceri exitium eo est propius  
 quo corruptio est major. Si biformes generatim nominibus  
 simplicium pravarum appellare lubet, dari poterunt tyranni-  
 I 2 des



des oligarchicæ & ochlocraticæ; oligarchiæ tyrannicæ & ochlocraticæ; & ochlocratiæ tyrannicæ, oligarchicæve. Sic & tri-formis vitiositatis nomina facile aptantur, v. c. tyrannis oligarchico-ochlocratica &c.

## §. 70.

*Remedium  
corruptionis  
generale.*

*Cavendum est sollicite in temperatione atque administratione tem-perata reip. ne facile corrumpi possit.* Scilicet quando prævidetur, quid sit nociturum, prudentiæ est, illi ejusmodi ratione mēderi, ut noxa avertatur more pugilum ictus prævisos strenue declinantium (§. 465. P. I. Eth. ). Quare sollicite circumspiciendum est, quænam prodesse possint, & quænam nocere, & quæ adjumento esse possint, in temperatione reip. ad ejus stabilitatem, adhibeantur & observentur; quæ nocumento sunt futura, arceantur, evitenturque (§. 466. *ibid.*). Sollicite igitur cavendum est, uti in temperatione, ita in administratione mixtæ reip. ne facile corrumpi possit, itaque validissima nocituris obstacula & remedia promptissima, quæ haberi possunt, opponantur. Quæ nocumenta cum ex abusu potentia, potestatis & libertatis proficiscantur, *remedia corruptionis generalia potissimum ad ea redire patet, quæ abusum potentia, potestatis libertatisque impediunt & prostigant (§. 50. seqq.).* De specialibus paullo post erit dicendum.

## §. 71.

*Resp. mixta  
vel monocratia  
vel polycratia.*

Bimembri divisione resp. simplex vel monocratia est, vel polycratia (§. 316. P. I. Polit.): inde & mixta resp. ratione prævalentis in ipsa primariæ (§. 44. *seqq.*) commode bifariam dividi poterit, sine veritatis detrimento, ut alia sit *monocratia temperata*, alia *polycratia temperata*. Polycratia enim denuo dividitur in aristocratiam & democratiam temperatam. Hinc ratio patet, duorum capitum, nunc sequenturorum quibus enucleanda erunt specialia, quæ de mixtis rebuspp. restant.

Non sunt nova nomina monocratiae & polyocratiae, sed usitata variis v. c. *Paumcistero*, *Martinio*, aliisque. Loco prioris utitur *Suidas* monocratoria, uti & *μενοκρασία* dicitur unus, ille qui rerum potitur. Et loco posterioris occurrit & *πολυκρατία* in *Homero*, & contracte *πολυκρατία*. Prior usitatus monarchia, posterior polyarchia audit. *Machiavellus* illam c. 4. de *Principis Rerumpp.* dixit principatum, hanc rempublicam. *Arnisei* L. II. de rep. Cap. I. Sect. 5. dissensum, quo polyocratiam ideo rejicit, quia speciem non constituit, ideo non moramur, quia hæc ratio nihil probat & eodem rejici modo posset divisio animalis in hominem & bestiam. Nam quis contendat, bestiam constituere speciem, scilicet infimam seu proprie dictam, quam urget? Quæ pluribus refutavit *Martini* Lib. II. *Polit.* c. 2. no. 4. Quia regnum (§. 139. P. VIII. *Jur. nat.* dicitur ea reip. forma, in qua unius imperium sive plenum, absolutum ac summum, sive quomodocunque limitatum aut diminutum penes unum est, modo nulli extraneo comperat aliquod jus in actus imperii, vel modo summitas civitati salva sit: præstabit in systemate Politicæ retinere regnum loco monocratiae. Reip. nomen autem, quia in cæteris casibus polyarchiae receptum est, suo jure non erit privandum.

## SECTIO I.

## CAPUT II.

## DE

## Regno temperato.

## §. 72.

**R**egnum temperatum hic dici regnum, per heterogeneam civitatis formam limitatum, constat ex antea memoratis (§. 71). Idem quoque dici potest regnum legitimum, ratum vel legitimum. Quod (§. 262. P. VIII. *Jur. nat.*) dicitur, in quo rex imperium legitimum.

exercere tenetur juxta leges perpetuas ipsi præscriptas, vel quod legibus humanis rite est limitatum. Iltis autem potius quam his legibus imperium limitari patet (§. 77. *ibid.*) ideoque in eodem jus aliquod in quosdam regis actus esse penes alios, ut summum imperium totum non sit penes regem (§. 44. & 73. *ibid.*). Strictius igitur regnum legitimum infert leges humanas non ab ipso rege latas, & sic paria facit cum regno temperato, quod in toto genere suo ut regnum gaudet forma regia.

Antiquis nec inmerito regnum legitimum vocatur, quod legibus naturalibus vel & legibus sponte a rege electis, respondet. Quemadmodum Sallustius in *Catilin.* c. 6. de primo imperii romani statu scribit: Romani magis dandis quam accipiendis beneficiis amicitias parabant; *imperium legitimum*, nomen imperii regium habebant: delecti, quibus corpus annis infirmum, ingenium sapientia validum erat, reip. consultabant. Hi vel ætate vel curæ similitudine patres appellabantur. Post ubi *regnum imperium*, quod initio *conservanda atque augenda reip.* fuerat, in superbiam dominationemque convertit; immutato more annua imperia, binos imperatores sibi fecere. Eo modo putabant minime posse per licentiam insolescere animum humanum. Si consulimus reliquos rerum romanarum autores, deprehendimus Romulo primo Romanorum regi non ab aliis leges esse præscriptas, sed ipsum sibi elegisse quasdam & alias aliis tulisse, uti paullo post planius fiet. Attamen & illa regna legitima dum dicta sunt, quorum regibus ab aliis hominibus leges fuere præscriptæ. Sic enim *Stagirita* regnum laconicum maxime legitimum (*κράτος νόμιμον*) fuisse tradit *Lib. III. Polit. c. 14.* Vbi & quosdam barbarorum dominatus regna legitima fuisse testatur.

## §. 73.

*Naturaliter omne regnum debet esse legitimum, etiam si forte de-*  
*Naturaliter omne regnum debet esse legitimum, etiam si forte de-*  
*minatur.* Licet enim in regno detur imperium summum, ab-  
 esse debet le- solutum & plenum, ut strictius Monarchia vocari possit (§.  
 gitumum. 134. & 139. P. VIII. *Jur. nat.*), & conscientiæ monarchiæ relin-  
 quen-



quendum sit, quomodo imperet, dum nulli homini rationem reddere teneretur, cur sic non aliter imperet (§. 256. *ibid.*): nihilominus tamen obligatur ad salutem populi universi pro norma regiminis habendam (§. 86. *ibid.*) eique convenienter imperium exercere, nec quidquam facere debet, quod bono publico adversatur (§. 255. *ibid.*). Licet igitur imperium in subditos sit tantum, quantum domino esse potest in servum, mancipiumque, hoc est, licet regnum sit dominatus (§. 264. *ibid.*): quatenus is juri naturæ non adversatur. sed vel populus sua sponte subiit servitutem perfectam (§. 269 - 272 *ibid.*), vel justam penam sentit in ista servitute (§. 874 *Jur. Gent.*), eatenus & ibi monarcha obligatur ad observanda officia, quæ homo homini debet lege naturali (§. 273. *seq. P. VIII. Jur. nat.*), sibi que cavere debet, ne quidquam admittat in imperio exercendo, quod officiis naturalibus repugnet, nec existimet subditum sibi aliter esse obligatum, quam officia ista permittunt (§. 275. *ibid.*), quæ subditos jubent diligere monarcham quoque ut se ipsum, & operam dare, quantam potest, ut sint felices (§. 276. *ibid.*). Cujusmodi imperium legibus naturæ respondens cum jure interno non possit esse nisi legitimum (§. 84. 255. *P. VIII. Jur. nat.*): luculenter patet, naturaliter omne imperium, ipsumque dominatum debere esse legitimum.

## §. 74.

Cum jure interno conscientiam obligante omne regnum *Modus ge-*  
debeat convenire cum legibus naturalibus, itaque legitimum *nuina tem-*  
esse (§. 73.), ob immutabilitatem legis naturæ, oportet ut leges *perationis*  
humanae, quibus regnum limitatur consentiant cum legibus *regni.*  
naturalibus (§. 973. *P. VIII. Jur. nat.*), haud secus ac in formis  
simplicibus (§. 559. 621 - 631. *P. I. Polit.*). Quare quum hic  
legitimum dicatur regnum, quod legibus humanis rite est tem-  
peratum (§. 72.): apparet, eo rectius regnum esse temperatum, aut  
*tem-*

temperari, quo magis leges præscriptæ conveniunt legibus naturæ. Et cum solæ leges præscriptæ rem non absolvant, sed peropus sit legum præscriptarum observatione constanti (§. 77. P. VIII. Jur. nat.), regnum eo melius erit temperatum, quo constantius leges naturalibus conformata in eo observantur.

## §. 75.

Quenam forma in regno temperato sit primaria.

In temperato regno § ordine § re primaria est forma monarchica, quæ § regia latinis dicitur. Item Monocratia vel Monarchia latine regnum dicitur (§. 71.): inde monocratia temperata idem est ac regnum temperatum vel heterogenea rep. limitatum (§. 72.). Jam mixtio civitatum ita fieri nequit, ut singulis simplicibus in ea idem sit aut par jus summum (§. 44.), sed oportet, ut in ea alia sit primaria, alia secundaria sive re ipsa (§. 45.), sive ordine (§. 46.), sive utraque ratione, quando nil obstat. In regno autem nil obstat, quo minus & ordine, & re primaria sit forma regia (§. 72.). Eam igitur regno temperato tribuendam esse relinquitur.

Ordine primas tenere regnum in formis civitatum simplicibus, constat ex §. 308. P. I. Polit.). Ipsum vero & re ipsa in regno temperato prævalere, vel sumi hic potuisset, cum sumtio nihili implicet repugnantia, & in toto capite de regno, attamen limitato, agendum sit. Placuit autem sumtionis quoque rationes reddere, quibus illa niti debet.

## §. 76.

In regno temperato conservanda est luculenta majestas.

In regno temperando majestatis regia ratio nequaquam est negligenda, sed conservanda potius, quantum fieri potest. Generalis enim modus temperandi monarchiam requirit, ut commoda Monarchiæ reddantur certiora, stabiliora & auctiora (§. 22., & quæ propria formæ sunt nec abusu patent conserventur (§. 56.). Sed commodorum Monarchiæ exteriorum facile primum & proprium est in evidentiori usu fructuque personalis majestatis positi.

positum (§. 10.). Quam ob rem in temperatione ejusdem majestatis usui fructuique minime est officiendum. Si vero majestati regiae minime est officiendum, illa non tantum non est negligenda, sed potius luculentior, stabilior auctiorque efficienda in regno temperando. Licet igitur summum imperium totum penes regem esse nequeat in regno temperato (§. 72.); opera tamen est danda, ut saltem *signa illius, quibus eminere consuevit, exteriora retineantur solique regi relinquuntur.*

Indiciis enim & honoribus regiis diminutis in ipsa civitate, nec exteræ civitates majorem regi honorem tribuent, ideoque diminuta majestas vix majestas esse videbitur diceturque. Licet enim divisa adsint summa jura in regno temperato (§. 64.), nisi tamen exterior ejus facies in uno rege conspicua sit, æque illa regi denegabitur ab aliis, ac primati inter optimates vel in populari statu præfidi. Ut ergo intus & extus salvus maneat majestatis splendor, vel in temperando regno studendum est.

§. 77.

Prout jura majestatis sunt ea, sine quibus imperio civili *Que sint jura* salus publica promoveri tantum nequit, quantum eorum ope *majestatis* fieri potest (§. 810. P. VIII. Jur. nat.): ita illorum alia esse *majora?* jura alia minora admonetur (in nota ad §. 247. ibid.). Dicimus igitur jura majestatis *majora*, quæ summum potentiae & potestatis publicæ usum legitimum indubie continent ostenduntque. Inter quæ facile maxima dici merentur jus belli & pacis expediendique omnia negotia publica regio nomine, item dominium & imperium eminens. Reliquis majoribus accensentur jura conferendi dignitates civiles, aliaque munia & præmia publica, jura sacrorum, monetæ, legatorum mittendorum & admittendorum, fœderum pangendorum, gravissimorum suppliciorum decernendorum & remittendorum vel minuendorum &c. Conf. Cap. IV. P. VIII. Jur. nat.). In primis hæc in regno conspicua sunt, quando in uno rege residet veneranda  
(Wolffii Politica P. II. C. II.) K digni-



dignitas autoritasque summa ex horum jurium complexu exercitioque oriunda.

Quia legitimum dico Jurium summorum usum & illum in-  
nuo, qui legibus naturæ divinis, & qui legibus humanis ad di-  
vinarum normam exactis responderet. Ita in regno temperato  
penes regem quoque habetur summus potentiae & potestatis pu-  
blicæ usus, licet is legibus sit circumscriptus humanis, quæ ta-  
men in nostra hypothese non sunt nisi leges naturales, ab homi-  
nibus agnitæ & regibus suis valde commendatæ. Cæterum  
Jura Majestatis, quæ *Tacitus* Sacra regni vocat, ab *Aristotele*  
potissimum hæc commemorantur *L. IV. Polit. c. 14.* jus magi-  
stratus creandi, leges ferendi, jus belli & pacis, fœderum, pœna-  
rum judiciorumque summorum. In *Codice Justiniano* tria  
constituuntur veluti capita majestatis, nimirum jus sacrorum,  
jus boni publici curandi, & jus indicendi bella. *Bodin*us, *Mur-*  
*tini* aliique ea dividunt in majora & minora, quorum illa dicunt  
in quibus summa potestas & dignitas consistit, ideoque primo  
sunt habenda loco. Quorum alia pacis tempore in rep. regen-  
da, alia belli tempore in eadem defendenda sunt exercenda.  
Summi regiminis regalia majora vocant jus leges ferendi & abro-  
gandi, jus summa tribunalia & magistratus creandi, ipsiusque  
ultimæ provocationis; jus circa religionem, jus in rem numar-  
riam, jus creandi principes, duces, comites &c. jus fundandi  
academias, jus restituendi famam, natalium dedecus abrogandi,  
& damnatos supplicio eripiendi. Defendendæ autem reip. in-  
serviunt jura fœderum, & quidquid includunt jura belli & pacis.  
Jure hoc armorum *Bodin*us *L. I. de rep. c. 6.* nullum jus maje-  
statis majus esse statuit. *Aristoteli* majestas modo dicitur το  
κυρια, quod civitatis vocat summam potestatem (το κυριον)  
*Lib. III. Polit. c. 6. & 7. & IV. c. 1.* modo regiam potestatem  
(αρχην, *L. V. Polit. c. XI.* *Cellarius* his addit jus vectigalium  
tributorumque imponendorum exigendorumque. *Polit. L. II. c.*  
*7. n. 26. & n. 30.* majora regalia dicit, quæ occupantur circa res  
præcipuas, vel gravioris ad salutem publicam momenti. De  
qui-

quibus suo loco data opera erit explanandum, uti ad salutem publicam sint conferenda. Quatenus hic attingenda sunt; jam nota pernuatur ex cap. IV. P. VIII. Jur. nat.

## §. 78.

*Evidentior usus majestatis in regno quantumvis temperato requirit, ut majora summi imperii jura reserventur regi.* Est enim in regno temperando Majestatis regiae conservandae ratio, quanta regi sunt reservanda. (§. 76) ideoque signa illius evidentissima soli regi sunt assignanda (§. eod.). Enimvero cum signa nulla tantum vana forent & inania, nisi res, quorum sunt illa signa, regi deberentur tribuerenturque, quod per se patet; res autem, quibus majestas inest, sunt summa imperii jura, in primis quae majora vel maxima dici merentur: prono fluit alveo, quae nam jura regi sint in regno temperato quantumvis salva relinquenda, ut majestatem possidere intelligatur, scilicet ea, quae majora & maxima summi imperii jura dici merentur (§. 77.).

## §. 79.

*Quae jura majestatis majora regi integra relinqui nequeunt, ea si non prorsus saltem tamen ipsi, quatenus nocere nequeunt, sunt reservanda.* In temperatione regni occurrendum abusu jurium regiorum (§. 8.). Hinc quatenus jurium majestatis majorum usus nocere reip. potest, catenus is in temperatione ita erit restringendus limitandusque ne nocere possit (§. 38. 56. & 62. seq.). Quatenus vero usus eorum jurium nocere nequit, eatenus integer & salvus relinquendus est regi, propter majestatem ejus quantum fieri potest conservandam (§. 76.). Reservanda igitur sunt regi majora majestatis jura si non integra, saltem quatenus innocua sunt futura.

Unica saltem praecipua temperationis regni ratio est, ut occurratur damnis ex abusu majestatis oriundis. Quare temperatio & intra hos limites coercenda, ut non obstat nisi nocuentis & abusu ejusdem. Reliqua igitur, quae nocere vix aut parum possunt, integra & illibata Regi sunt relinquenda.

## §. 80.

Quis exerce-  
at jura ma-  
jestatis suo  
vel alieno  
nomine?

Quemadmodum suo nomine agere perhibetur, quisquis aliquid agendi jus perfectum habet, ideoque proprio jure, sua autoritate, aut & sua causa id agit: ita alieno nomine agit, quisquis jure id agendi destituitur, ideoque tantum jure alterius sibi demandato concessio, & tantisper in se recepto vel alterius jussu aut rogatu id agit, uti mandatarius, negotiorum gestor, vel minister & servus. Pariter imperare vel exercere jura majestatis suo nomine dicitur, qui ipse perfecto & proprio jure gaudet expediendi negotia summi imperii, ideoque illa suo nutu arbitraturque vel propria autoritate legitime expedit. E quibus jam claret, quid sit expedire negotium publicum nomine alterius. *Expedire* autem notat, & impedimenta remove, quæ negotio obstant, & cuncta promte penetrare ac provide in rem suam vertere. quæ feliciori ejus executioni & absolutioni adjumento esse possunt.

Si leges sint ferendæ, quin in regno absoluto rex suo nomine illas ferre & promulgare possit, quis dubitet? In regno temperato ne leges nocituræ ferantur, prohibere poterit adeo necessarius ad eas consensus populi vel optimatum, ut sine illo ferri non possint. Enimvero nocere nihil poterit, si rex gaudeat jure proponendi legem, quæ ipsi ferenda videtur, suffragia audiendi, numerandi, & si plerique lex arrisit, eam suo nomine confirmandi, promulgandi ejusque custodiam procurandi.

## §. 81.

Quatenus

expeditio ju-  
rium maje-  
statis regio  
nomine sit  
facienda?

Si usus jurium majestatis præsens deprehenditur e publica re esse futurus ab iis, qui eorum moderaminis sunt participes; nil obstat, quo minus expeditio illorum in regno temperato per gatur regio nomine. Quatenus enim vel majora & maxima majestatis jura nocere reip. nequeant, eatenus illorum usus integer regi est permit- tendus (§. 79). At si usus Jurium Majestatis præsens depre- henditur saluti publicæ esse profuturus, is eidem nociturus non est.



est. Salvus igitur & illibatus is regi erit ita reservandus, ut suo jure & nomine illi præesse possit. Præter ea quoque dignitati & prudentiæ regis convenit sapienter decreti negotii publici expeditio, suæ gloriæ sui que regni bono quam optime peragenda. Neque minus convenit consensui in regno temperato, promovenda isthæc regiæ majestatis fiducia, eo diligentius a rege tuenda, quo promptius assignata sunt regi, quibus ipsi opus est, subsidia, & quo certius denegarentur paullo post, si minus recte collocarentur. Patet igitur, quoties usus jurium majestatis præsens deprehenditur reip. esse expediturus ab his, qui eorum abusui debent obesse, toties vel in regno temperato consultum esse, ut illorum expeditio nomine regio peragatur (§. 80.).

Brevius dici potest, usum & majorum & maximorum majestatis jurium innocuum omnem, regi esse vel in quovis regno temperato relinquendum. Neque enim aliud in eo cavendum est, quam usus eorundem nocuus, seu abusus. Sane belli jura, ideo ad maxima majestatis jura referenda, quod in illo omnis resp. in summum discrimen aut adducta jam est, aut adduci facile potest, vel in Aristocratiis & democratiis unius prætoris aut dictatoris arbitrio feliciter commissa fuisse, & aliquoties in hac politica notatum est, & Historiæ antiquæ non minus quam recentiores exemplis confirmant luculentissimis. Quod in illis prætoribus quandoque item regibus laconicis perpetuo factitatum est insigni cum reip. emolumento & incremento: idem meritis in regnis temperatis retineri cecui mirum videri potest?

#### §. 82.

Dum ad evidentio rem majestatis usum in regno temperato majora & maxima summi imperii jura sunt reservanda (§. 78.); ad maxima autem summi imperii jura refertur jus belli & pacis, jus cuncta negotia publica nomine regio expediendi; item dominium ac imperium eminens (§. 77.), eorumque usus

*Qua breviter recensentur.*

innocuus regio nomine faciendus (§. 81.): relinquatur in regno temperando jura summa publica quæque negotia tempore belli & pacis expediendi nomine regio, itemque dominium & imperium eminens regi esse reservanda. Ex eadem quoque ratione jus conferendi quascunque dignitates civiles, munia & præmia publica, jus vitæ & necis, supremæque jurisdictionis & provocationis, jus sacrorum & monetæ, jus tribuendi privilegia, condendi academias, honestandi natales, & famam restituendi; jus abolendi inquisitionem, jus convocandi ad comitia, & reliqua jura hisce similia regi itidem esse sacrandæ, quantum fieri potest. Sed in temperato regno fieri nequit, ut ista jura omnia soli relinquantur regi (§. 76.). Hinc seu legum norma, seu prævio eorum, quorum interest, & quorum est imperii consortium, consensu publica illarum executio regio nomine est faciendæ, ut quæcunque legitima hinc salutaris & innocua est eorum applicatio, ea sit omnino in regia potestate (§. 81.).

In exercitio jurium quorumque, inde & publicorum summorumque discernendum est decretum sapienter formandum, ubi, quando & quomodo illa in præsentis rerum statu jura sint adhibenda, ab ejusdem executione. Hæc enim fieri potest vel suo, vel alieno nomine. Mandatarius nempe & servus expedit mandantis & domini negotia, non suo, sed mandantis & domini jussu atque autoritate. Jam in regno temperato pariter atque absoluto, deliberatio v. c. de bello suscipiendo aut omittendo, & decretum post maturam consultationem fieri potest pleno consensu eorum, qui vel consulunt tantum in medium, vel suffragia ferunt decretoria. Facto autem decreto, illius executio, prout consultius videtur, vel fieri potest per ipsum monarcham vel per ipsius summum belli ducem, aut plures belli duces, nisi nomine monarchæ omnia in bello gerentes, pacemque tandem pangentes. Pari modo & a rege in regno temperato expeditio bellica secundum decretum ab ordinibus regni factum fieri potest vel ab ipso rege præsentis, suo nomine bellum indi-

cente & prudenter gerente, vel regio nomine & jussu a belliducibus. Prius in decreto postulat temperatio regni, ne temere bellum suscipiatur, posterius in expeditione majestas regia in regno temperato quantum pote conservanda & effulsura.

## §. 83.

*Quantum in regno temperato cavendum est, ne abusus regie majestatis invalescere possit, tantum quoque curandum, ne majestas regia in regno evalescat & in vanum abeat nomen.* *Duo extre-* Nulla enim aut inepta foret temperatio regni, nisi sapienter occurreret abusu regie majestatis, potentiae, absolutique imperii (§ 88. 50). *vitanda.* Quam ob rem omnino necessarium est, ut in regno temperando praecaveatur, ne exitiosa tyrannis ex invalescente abusu summæ potestatis & potentiae, existat prognascaturque. Enimvero si potestas atque potentia regia eo usque diminueretur, ut vix quidquam, præter nomen ejus inane regi superesset, vix amplius regnum dici mereretur, sed ab alia forma præpollente nuncupandum esset (§. 315. *P. I. Polit.*). Quantum igitur cavendum est in regno temperato, ne abusus regie potestatis & potentiae invalescere possit, tantum quoque providendum est, ne majestas regia evalescat, nec nisi vanum ei relinquatur nomen.

Metus tyrannidis in regno absolutissimo, quod *Aristoteli* dicitur dominatio barbarica *L. III. Polit. c. 14.* cum qua & quinta species regni, quam ibidem memorat, propemodum convenit, in qua itidem unus omnium est dominus (*κυριος*); item *παρασιδεια* *cap. XV. ibid.* & contemptus majestatis regie, in vano nomine duntaxat residuae, duo sunt mala, regno pariter fere detrimentosa, itaque & pari fere studio fugienda. Prodesse enim regno nequit majestas, quæ nihili sit domi, nihili habetur foras. Spectabit ergo res ad *αρετιαν*, interitum regni serius ocyus parituram, uti sapius in sacris paginis notatum reperimus *Judic. XVII, 6. XXI. 25. &c.* De Argivis *Pausanias L. II. qui Corinthiaca* inscribitur, postquam eorum reges in tria regna divisos descri-



descripsit, hæc subjungit: at Argivi, qui jam tum ab initio libertatis & juris æquabilis fuerant perstudiosi, regiam potestatem usque eo coegerunt in ordinem, ut Ceti liberis, ejusque posteris nihil omnino quam regni nomen reliquerint. Melanti postremo Lacidai filium, Medonis nepotem, capitis damnatum populus imperio spoliavit, nec ab eo tempore quenquam regnare sivit. Itaque regno everso status popularis, ut jam antea ætatem Lycurgi regnante Labora Lacedæmonii Argivos, sine rege agentes, ob turbatos fines bello petierint. Vid. *Emmius de Rep. Argivorum*.

## §. 84.

*Similia majestati simili-  
ter sunt tem-  
peranda.*

Quod de primo monarchiæ ornameto proprio, usu effulgentis maxime majestatis, diximus, idem facile quoque transfertur ad reliqua ejusdem commoda iniquique, quorum tantum avertendus est abusus. In temperando enim regno opera navanda est, ut commoda monarchiæ evadant eo certiora, stabiliora atque auctiora; incommoda autem & abusus jurium quam optime removeantur (§. 22.). Vti ergo inter commoda ejus primum fere locum tenebat evidentior usus majestatis fructusque (§. 10.); inter incommoda vero ipsius eminebat abusus potestatis & potentiæ absolutæ in aliorum præsertim subditorum injuriam (§. 20.); atque iste abusus erat præcavendus, ne invalescere posset (§. 83.): ita quoque cæterorum Monarchiæ jurium commoda tum conservanda sunt & stabilienda atque augenda, tum incommoda & abusus, qui fieri possunt, & alibi proruperunt, arcenda & cohibenda quam optime fieri queat.

Similium nempe similis, & parium par est ratio, eodemque idcirco & pari modo talia determinantur (§. 220. *Ontol.*). Si qua ergo sunt alia monarchiæ commoda aut incommoda, quæ majestatis regiæ insunt vel facile accidunt: ea priori casu æque erunt venanda & ad regnum perficiendum applicanda, atque posteriori casu declinanda & eliminanda. Postquam ostendimus (§. 78. *seqq.*), quomodo jura majestatis in regno temperato sint refer-

reservanda aut communicanda & conferenda: nunc nullo negotio perspicieretur, quid in juribus regiis vel contineatur, vel eisdem ita innexum dici mereatur, ut similitudo ejus sit aperta, & puritas rationis, inde & temperationis in regno minime obscura. Paucis igitur hæc poterunt explanari absolvi que.

## §. 85.

Novimus autem, præstantiam generis & virtutum monarchiæ, ejus moderationem & benevolentiam erga subditos, ad cetera re-  
ad instar celebratissimorum sui similium, securitatem & fortunæ peculia.  
nationem virtute eximia præditorum, regni diuturnitatem haud interruptam, expeditiorem rerum arduarum consultationem executionemque, arcanorum taciturnitatem, tutissimum rerum gerendarum præsidium, potentiæ & religionis firmamenta commodis regnorum non immerito accenseri (§. 11. seqq.). Ea propter cum quod de majestate personali, cimelio regio dictum fuit, etiam de cæteris juribus commodisque regiis sit accipiendum (§. 84.): perspicuum est, quæcunque in cunctis regni peculis resp. nocere nequeunt, ea conservanda firmanda & amplificanda esse ope temperationis, nec nisi nocituro abusui inprimis potentiæ obiceri esse ponendos (§. 8. & 50.). Quoniam in rebus frequentioribus, eandem normam admittentibus temperatio absolvitur legibus sancte custodiendis; in cæteris vero consensu formæ adjunctæ obtinendo (§. 63.): in his quoque commodis regni peculiaribus promovendis, impediendis vero arcendisque incommodis & periculis simili utendum erit temperatione, quatenus ea est opus.

## §. 86.

Quia in temperanda monarchia libertati civili & naturali civium consulitur (§. 51.) & consulendum est (§. 7.); libertati regni-  
bertati vero civium non nocet nisi abusus potentiæ & potestatis absolutæ, quo cives in statum servitutis redacti pessime habentur?  
(Wolffii Politicæ P. II. C. II.) L ben- dum?

bentur: manifestum est, in regno temperando non nisi id potentiae & potestati summæ derogandum, & vel optimatibus, vel populo conferendum esse, quod sufficere potest ad aver-  
tendum istiusmodi abusum, civibus eorumque libertati perniciosum. Elucet hinc, *quomodo libertati civium in regno temperando sit prospiciendum?*

Nondum hic sermo est, de variis libertati populi vel civium in regno consulendi modis; sed generatim tantum ostendendum est, quo pacto eidem consuli ita possit, ne in servitutem cives detrudantur, dum ab eadem abhorrent. Quibus enim unum idemque esse videtur, sintne liberi an mancipia; illi cura libertatis non afficiuntur, neque de temperanda monarchia cogitant. Sed quibus sua libertas curæ cordique est, hi & in regno temperando illi consultum ibunt, quemadmodum id sibi salutare futurum esse existimabunt.

## §. 87.

*Occurrendumque si- mul licentia.* Dum libertati civium in regno temperando consulendum est (§. 86): *curandum simul est, ne effraus licentia pro libertate habeatur.* Libertas enim est independentia a voluntate alterius hominis in agendo (§. 153. P. I. Jur. nat. & §. 145. P. III. Jur. nat.) Quæ civilis dicitur, quando actiones pertinent ad bonum publicum promovendum; naturalis autem in privatis actionibus humanis se exerit. Licentia autem in imo abusu libertatis ad præva continetur vel in jure ficto agendi quidquid libet (§. 150. P. I. Jur. nat.). Quia ubique cavendum est, ne libertas in licentiam vertatur (§. 159 & 66 P. I. Jur. nat.): & in libertate civium regni firmanda tuendaque cavendum erit, ne & ipsa in licentiam abire possit, vel ne loco libertatis licentia lenocinetur temperatio regni. Neque enim hæc minus exitiosa est regno, ac ipse abusus regiae potestatis potentiaque. Inde æquali cura utrique occludendæ sunt fores.



Non nisi desipientium est, ita vitio cuidam vitando operam navare, ut in contrarium aliud incurratur. Neque evitatur charybden tam incaute navigandum est, ut incidat in Scyllam. Hinc in temperando regno non litandum, nisi veræ libertati, legitimo usu facultatum suarum contentæ. Abominandum vero & longissime proseribendum, quidquid temeritati licentiæque fomitem præbere posset, vel animos ad eandem inflammare.

## §. 88.

Quoniam temperatæ respp. gradibus inter se multum Regna alia differre possunt (§. 55.): regna quoque ita temperari possint, ut gradibus alia dilus admodum differant. Sicut enim temperatio modo plura, minus sunt modo pauciora jura summi imperii alii formæ simplici tribue-temperata. re, alii adimere potest (§. 53.), ut vel sublimiora vel inferiora jura uni aut alteri assignentur, item ut vel major vel minor sit formarum simplicium in usu summorum jurium consensus (§. 54.): ita & in regno temperato plura & graviora jura regi relinquere, vel & cum optimatibus aut populo communicari, aut his ex integro conferri possunt, ut & executio ab iisdem una curetur, saltem rationibus reddendis obnoxia persistat. Pariter & consensus formarum in regno mixtarum alibi majorem esse, alibi minorem experientia & olim & nunc testatur. Vnde pro numero & pondere reservatorum regi jurium, & pro consensus ejus diverlitate cum forma adjuncta, aut sicubi plures fuerint, cum formis adjunctis, different regna temperata.

## §. 89.

Temperatio regnorum aut ex sensu nimii oneris incommodorum Duplex fons  
ejus oritur, aut ex prævisione eorum, & studio illa ita avertendi, ne temperatio-  
sint sentienda. Quia ab hominibus non omnino desipientibus nis regno-  
nihil suscipitur sine ratione, quam sibi sequendam esse statuunt, rum.  
teste experientia communis principio rationis sufficientis suf-  
fulta: oportet, ut qui de regno temperando vel deliberare,  
L 2 vel

vel statuere debent, ratione ad id inducantur sibi perspecta, tantique aestimata, cujus gratia sibi non aliter sit agendum. Ejusmodi vero ratio, aut rationes, perspicui non possunt, nisi vel confusa vel distincta cognitione. Confusam cognitionem suppeditant sensus quicunque, quibus rem præsentem mente sic apprehendimus, ut ejus nobis conscius simus, attentionem in re tota desigentes. Distinctam vero cognitionem debemus intellectui res intimius contemplanti, & quæ ipsi insunt, discernenti (§. 275 & 287. *Psychol. empir.*). Proinde rationes quoque, propter quas temperandum esse regnum videtur, aut confuse percipiuntur ipso sensu nimii oneris incommodorum, ex abusu regiae potestatis potentiaque oriundorum; aut distincta prævisione eorum, antequam adsint & sentiantur, conjuncta cum studio haud proletario illa sic avertendi, ne sint unquam sentienda.

Item rationes temperandi regnum vel cognoscuntur a priori, vel a posteriori (§. 435. *Pry. h. empir.*). Quæ a priori cognoscuntur, ea ex notionibus distinctis ratiocinando colligimus; quæ a posteriori tantum, ea experiundo addiscimus (§. 434. *ibid.*). Sed experientia non est nisi cognitio eorum, quæ ope attentionis ad sensationes nostras patent (§. 664. *Logica*), ideoque non nisi rerum singularium & quidem præsentium (§. 665. *ibid.*). Quare cum experientia non sit ratio nec intellectus, experientia non præstat nobis nisi ideas confusas, sensationibus respondentes. Cujusmodi sunt in nostro casu sensus oppressionis & incommodorum ex abusu regiae potestatis obortorum. Quæ autem ex prævisione malorum & nato inde studio ardenti ea avertendi, ne sint sentienda, ortum ducunt, ea a priori & beneficio rationis distincte cognoscuntur. Quam ob rem patet, temperationem regnorum nasci aut ex sensu nimii oneris abusum regiae potestatis, aut ex prævisione eorum.

rundem, conjuncta cum studio arcendi illa, ne sint perpetuenda.

Scire demum nos rem quamdam antiquissima Philosophia tum statuit, eum causas rei perspectas habemus. Omnes, inquit *Aristoteles Nicomach. L. VI. c. 3.* existimamus, id quod scimus, aliter habere non posse . . . & scientiam esse habitum demonstrandi (*ἐξ ἀποδείξεως*) . . . quando nota (animo) sunt principia (*αἱ ἀρχαὶ* rationes primæ) tum scit. Et *Analyt. L. I. c. 2.* scire rem censetur is, qui causam, per quam quidquam est, ita ipsius causam esse cognoscit, ut non possit omnino id aliter habere. Quare & temperationem regni scire melius non possumus, quam exploratis illis ejus causis & rationibus, per quas certum est, rem aliter habere non posse, vel si in liberis actionibus versamur, per quas intelligimus, morali necessitate rem aliter aut melius comparari non posse. Moralis necessitas adest, ubicunque legibus divinis obligamur ad aliquid faciendum vel omittendum, ubicunque officio nostro est fungendum, vel ubi felicitas nostra & salus societatis civilis aliter aut melius procurari nequit. Moralem hanc necessitatem illi occurrendi abusui summe potentiae & potestatis regiae, quo felicitas singulorum & salus omnium pessumdari potest, duplici modo animadverti posse ostendimus, aut tristi experientia oppressionis jamjam & eversionis salutis communis, aut praevisione ejusmodi lernæ malorum, partem a priori contemplando id, quod abusu libertatis, vel licentia praviratis humani fieri potest, partem ope historię, aliorum regnorum tristibus fatibus confirman- tis, non abs re id merui, quod factum esse sæpenumero docemur.

### §. 90.

Prima & frequentissima temperandi regna ratio ponenda est in Frequentior sensu calamitatum, ex abusu summi imperii utcumque profecturum; ratio tempera-  
rior illa ex praevisione, in prima statim regni constructione ahibita. Difficilior enim est praevisio futurorum contingentium, & quæ a posteriori  
L 3 datur,



quam a prio-  
ri facta.

datur, ea potius eorum est, quæ fieri possunt, quam quæ cer-  
to sunt futura (§. 470. P. I. *ibi*.), quod & sua utriusque  
docet attentio ad se ipsum, aliorum actiones finis diudica-  
turum. Facilius vero certior & cuiusque vel rudissimi homi-  
nis captui respondet sensus malorum, quæ ipsam premunt &  
ægerrime afficiunt (§. 246 & 249 *ibi*.).  
Ejus naturalis effectus est, studium liberandi se illis calamitati-  
bus, easque in posterum arcendi. Quæ si applicemus ad regna,  
abusu summi imperii subditis permolesta, illico patet, nisi  
ejusmodi abusum perraro fieri doceri possit, quod unque fieri  
nequit, frequenter sumum calamitatum ex abusu summi impe-  
rii profectarum homines impulisse ad regum potestatem aut  
temperandam, aut aliis dandam, aut abjiciendam. Hanc ergo  
primam & frequentissimam temperandi regna rationem fuisse,  
& natura hominum docet, & historia confirmat (§. 4.). Cum  
illa prævisio incommodorum Monarchiæ in primis constituen-  
dis regnis & perdifficilis fuerit, & incerta quodammodo &  
ad summum probabilis (§. 471. P. I. *Ehic*.); vix illa sine con-  
sensu & comprobatione sufficere aut tanti videri hominibus po-  
tuit, ut temperandi regni consilium potuerint inire. Postea  
si inituri civitatem ignorarunt tyrannides ex monarchiis ortas,  
aut vicinas tantum spectarunt monarchias absolutas vel nondum  
corruptas, vel barbaricas: Etiam illis temperatio imperii vix  
in mentem venire, nedum ut par est deliberari definiri que po-  
tuit. Eo igitur casu tantum de regno temperando aut refor-  
mando (§. 6), solliciti esse potuerunt futuri aut jam dudum an-  
tiqui cives, quo satis ipsis notum compertum fuit aliorum ex-  
emplis, ad quid compulsi fuerint alii, suis se oppressionibus  
et perpeffis injuriis liberaturi, & quid deprehenderint opti-  
mum factu, in metu periculorum similium profigando. Quod  
cum non nisi raro contingere possit, post respublicas olim con-

constituras; rariorem omnino esse illam regni temperationem a priori, vel ex præscientia incommodorum regni & modi ea arcendi profectam, constat inter omnes.

Vti in aliis rebus, ita & in publicis homines empirici esse consueverunt, in eo adquiescentes, quod sensuum ope recte se habere cognoverunt. Ne malum quidem bene positum vel quod tolerabile iudicant, loco suo movendum putare solent, nisi necessitate quadam, aut instigatione aliorum urgeantur. Propter libidines muliebres regno exutus fertur Sardanapalus, *Justin. L. I. c. 3.* Propter crudelitatem erga Cyrum infantem Astyages in prælio a Cyro captus a regno Medorum ad Hyrcanorum gentem rediit. *ibid. c. 6.* Ocellis magis eligitur Darius Hystaspis. *ibid. c. 10.* A morte Codri, ultimi Atheniensium regis, nomen regium, quod id libertati grave videretur, abrogatum est, filio tantum prætoris (*αρχατος*) nomine dato. Sparta cum ordines præsentis status sui pigeret, Lycurgus adscitus legislator imperii regii nervos incidit, addito Senatu, qui et regem et populum in officio contineret, e 28 sexagenarius viris præstantissimis selecto. Vltimus Laconicorum regum Cleomenes, occiso collega Agide, & trucidatis Ephoris, dum majora molitur ingenti prælio victus sese & regnum evertit, postquam 880 annos dyarchia substitisset. Carthago aliquandiu regio gavisæ imperio, illud libertatis studio postea repudiavit, prout ac urbs Thebana, Corinthus, & tyrannidis pertæsa urbs Syracusana. Samus dominatu rejecto libertatem recuperavit; æque ac Achaja filios Oxygi insolentiores regi potestate exuit. Romanos Tarquinium superbum cum suis exulem esse iussisse, eundemque inter Gabios cædum & principum ultiores interfectum, *Livius* autor est, in fine *Lib. I. Hist.* Plura exempla suggeret & antiquorum temporum, & recentiorum memoria, si pleraque regna temperata mente perlustramus, in causas temperationis intenti. Non dissimulabat Samuel Israelitis abusum regis potestatis & inter ipsos oriturum, quum regem sibi expeterent, qui ipsis ad instar aliarum gentium præsetlet; addita comminatione, si d. injurii

juriis conquesturi & Deum invocaturi essent, eos tum suis calamitatibus ut pœnæ promeritæ relictum iri. 1 Sam. VIII. 11-18. seq.

## §. 91.

*Temperatur  
regnum rege dem nolente  
vel volente  
vel nolente.*

*Temperatio regni vel suscipitur rege autore & volente, vel eo-*  
Etenim si rex absolutus ipse bene imperet, confide-  
rerque, quam facile degenerare quisquam inter suos posteros  
& ita sævire possit, ut regno exuatur; ideoque ut posteris suis  
regnum relinquat stabilius seu perpetuum, ipse illius tempera-  
tionem ejusmodi instituat, qua posteris perpetuitatem regni  
parari posse prævidet, quis illi ea in re obitabit? Quis ipsum  
hoc suo jure facere posse hæreat? (§. 291. P. VIII. Jur. nat.)  
Hoc casu ipse rex temperandi regni autor fiet statorque, ideo-  
que ipso sponte & sapienter hoc volente temperabitur regnum,  
quod huc usque fuerat absolutum. Nec multo dispar erit ra-  
tio, si aliis id suadentibus vel persuadentibus, vel si petenti-  
bus civibus id indulgendum esse arbitretur, atque ita pariter  
sponte consentiat in regni temperationem sapientem.

Enimvero si regi temperatio prorsus displiceat, & bel-  
lo implicetur, quo victus ita ad incitas redigatur, ut victore  
jubente, nec aliter pacem inituro, non possit non in ejusmo-  
di temperationem regni consentire, qua victori pax stabilior  
in posterum paretur: quis tunc neget, temperari ejus regnum  
ipso nolente & vel maxime invito? Hujusmodi autem casus  
plures dari posse, ubi regi invito in temperationem regni sit  
concedendum, non indiget prolixa demonstratione, re ipsa id  
satis loquente. Quare cum jus securitatis omnibus natura con-  
cessum sit (§. 918 P. I. Jur. nat.), & quilibet obligitur, ad im-  
pediendum ne quis lædatur ab alio, quantum in potestate sua  
est (§. 988. *ibid.*): si quis monarcha ab abusu absoluti imperii  
in gravissimas aliorum injurias avocari se aliter non patiarur,  
quin



quin ipso nolente absolutum ejus imperium temperari possit, nullum est dubium.

Priorem casum illustrabo exemplo Regum Laconicorum, Hercules, Agamemnonis & Orestis posterorum, qui olim pro libitu regnarunt. Aristodemus limitavit regnum filiorum dyarchia instituta. Hæc nuda erat limitatio. Deinde Polydoro & Theopompo regnantibus temperatum est regnum constitutis ephoribus, frænum ferocienti regum potestati injecturis. Hinc Theopompus uxori id factum dolenti, respondere potuit, se quidem angustius, sed diuturnius regnum liberis esse relicturum; & Plato ipsum tertium servatorem reipublicæ laconicæ statuit, contenditque divino quodam consilio moderatam senum potestatem *100. L. 1. Q. 1.* insolenti regum potestati fuisse adjunctam, addito quoque ad tumentem piratarum potentiam comprimendam ephororum magistratu. Posteriores vero illustrat Historia Crucigerorum in Prussia, ad quorum impotentem dominationem & bellandi libidinem infringendam Reges Polonia tandem pacem cum ipsis inire noluerunt, nisi ordines Prussiæ subscriberent & hanc conditionem reciperent, prout & ordines regni vicissim promissuri erant, scilicet, si quondam rex Polonia, vel Magister ordinis Teuton. hanc pacem non servaret, sed violaturus esset, tum ordines illi ea in re nequaquam adstipulatu-  
*na Anni 1436. fol. 128.*

### §. 92.

*Temperatio regni a rege, aut generatim republica exter- Regni tem-  
 na procurata, externa merebitur dici. Quæ vero in ipso regno peratio vel  
 a rege & populo vel regni ordinibus tantum peragitur, siue interna est  
 volente siue nolente sed invito rege ineatur, dicenda erit interna, vel externa.  
 ne una cum altera confundatur. Vtramque in regno locum  
 habere posse, haud difficulter perspicitur ex §. 91. & ab expe-  
 rientia consulis.*

Simile quiddam conspici licet in imperio domestico. Potest enim de limitando imperio domestico & partiendo inter se con-  
*(Wolffii Politica P. II. C. II.)* M venire,

venire, tantum pater & materfamilias pacto vel ante post nuptias inito. Possunt quoque parentes futuræ matrisfamilias de imperio mariti in uxorem moderando pacisci, & de aliis rebus ad imperium domesticum pertinentibus, uti de bonis paraphernalibus similibusque. Taceo vel nolente altero conjugē imperium domesticum seu extendi seu restringi posse, precario, clam, aut vi ipsa. Quo minus mirum erit, ea & in regno temperando locum habere. Quod enim ratione imperii domestici est pater & materfamilias, conjunctim in domo imperantes, idem sunt in regno reges & ordines regni. Ordines enim breviter dicuntur secundarii consortes summi imperii, vel illi cives, qui summi imperii sunt participes (§. 65. seqq.), sive illi in regno sint soli optimates, sive etiam populus universus, aut curiatim tributimve spectatus, uti senatus regni superior & inferior passim usitatus. Vulgo sed minus latine ordines regni dicuntur coimperantes secundarii.

## §. 93.

Quando  
temperatio  
interna sit  
periculosa?

Rege nolente, & intus pariter atque extus præpotente, temperatio regni interna sine summo periculo suscipi nequit. Etenim temperatio regni interna vocatur, quæ initur a rege & regni ordinibus (§. 92.). Si vero rex abhorreat a temperatione regni, ideoque sponte in eam consentire nolit, voluntaria regni temperatio locum non habebit (§. 91.). Aliter ergo quam nolente rege, tum regnum non poterit temperari. Si vero rex nolens temperationem summæ potestatis, & intus thesauris & exercitibus, & extus scederatis aliis regnis præpotens sit, infirmiores rege ordines vel cives regni sine summo periculo temperationem extorquere non poterunt. Quam ob rem rege nolente & intus pariter atque extus præpotente temperationi regni interni sine summo periculo adeundo nullus erit locus.

## §. 94.

Occasio temperandi regna sine periculo peti solet a casu fatali, De occasio-  
v. c. morte regis, post graves oppressiones sequuto; nisi extrema neces- nibus Regni  
sitar illum occupare jubeat. Si enim regnum sit absolutum, mo- temperand i.  
narcha invito & præpotente temperatio suscipi non potest sine  
summo periculo (§. 93) ideoque expectandum erit tempus  
opportunum, quo periculum vel nullum sit vel exiguum,  
quum malum minus, quo declinari majus potest, præferen-  
dum sit majori, tanquam bonum esset (§. 897. *Psychol. empir.*).  
Sed occasio continet tempus rei agendæ opportunum faven-  
tesque cæteras condiciones (§. 158. *seqq. P. II. Philos. præct. univ.*).  
Patet ergo temperationem, regni monarcha invito periculo-  
sam, differendam esse in tempus opportunum; offerens occa-  
sionem eam tuto, tranquilleque absolvendi. Cujusmodi tem-  
pus est, si quis casus adeo fatalis regi accidat, ut nihil ab eo  
metuendum sit, veluti si morte regis improlis inopinata jus  
ipsum in regnum extinguatur. Ab ejusmodi casibus igitur pe-  
ti & potest & solet tuta regnorum temperatio, si graves popu-  
li oppressiones ejus desideria accenderunt, ad immunitatem ab  
iisdem summo opere antelandam.

Enimvero uti introductis rerum dominiis nemini aufer-  
ri potuit penitus usus rerum necessarius (§. 562. *P. VI. Jur. nat.*),  
sed mansit hominibus jus necessitatis, ad actus quosdam alias  
non licitos, eo quod sine illis officio naturali prorsus minime  
negligendo satisfieri nequit, (§. 564. *ibid.*): ita quoque impe-  
rio utcumque rite constituto, tolli obligatio civium naturalis  
non potuit, ut cogerentur eidem contraria agere (§. 672. &  
1100. *P. VII. Jur. nat.*). Vnde vel servo ob nimiam domini sæ-  
vitiam aufugere licet (§. 1126. *ibid.*). Quare cum imperium  
in nulla societate extendendum sit, ultra actiones ad finem ejus  
consequendum facientes (§. 214.): patescit, in casu inevitabi-



lis necessitatis, qua aliter satis fieri officiis a Deo injunctis non licet, resistendum esse tyrannidi, per quam officia naturalia tolluntur, inde nec periculum tunc verendum esse cum officio conjunctum. Extrema igitur necessitas parit exceptionem a regula (§. 567. P. VI. Jur. nat.), & occupare tum jubet casum alias tutiorem.

Si consulamus historiam de illis casibus, quibus regna antea absoluta fuerunt limitata, deprehendemus, id plerumque contigisse favente opportunitate, seu tuta id faciendi occasione oblata. Ita mortuo Judæorum Rege Salomone, Judæi tributis exhausti moderationem jugi durioris expetebant, qua denegata, deficiebant a Rahabeamo. Nostris diebus mortuo Carolo Suecorum rege XII. temperatio regni suscepta est & absoluta, servata regni tranquillitate. Helveti autem, Belgæ & Prulli majori cum periculo suo excussere jugum non amplius tolerandum.

### §. 95.

*De reliquis  
ejus adju-  
mentis.*

*Ad temperationem eo tutius instituendam requiruntur etiam reliqua adjumenta, Consensus optimatum & populi in regno, potentia & sapientia civilis, par & internis & externis periculis avertendis. Etenim ad temperationem regni eo tutius constituendam exspectanda est occasio idonea (§. 94.), qua tanquam tempore opportuno melius & securius peragi possit (§. 158. P. I. Ph-los. pract. univ.). Ad ea vero, quibus obtineri tranquille & sine periculo ullius potest temperatio regni, pacto sancienda (§. 3.) utique facit consensus & optimatum & populi in regno, tum & potentia atque sapientia civilis, par & internis & externis obstaculis periculisque tollendis (§. 5. 7. 8. 22 56. & 66.). Quare luculenter perspicitur, ad temperationem regni legitimam, eo tutius instituendam, requiri cuncta, que haberi possunt, adjumenta, inprimis consensum optimatum & populi. ne intestinum ex multorum dissensu exterorumque auxilio exoriat bellum reipublicæ funestum; ideoque & poten-  
tiam*

tiam & sapientiam civilem parem & externis & internis, quæ metuenda sint, periculis profligandis, superandisque.

Tacite hic supponitur jus liquidum optimatum aut populi, temperamentum illud adhibendi, sive naturale illud sit, sive pactitium quoque. Posterius contingere potest v. c. in regno successorio, si regnum regi ejusque masculæ proli tantum delatum sit, & masculi proles jam extincta est. Item si lege publica feminæ a successione excludantur, & ultimus rex improles decessit, antequam de successore quidquam est constitutum. Alius casus foret si successio in prolem legitimam utriusque sexus, regi sit a regni ordinibus tradita, uti 1665. d. 14. Novemb. scripto, & typis 1709. factum esse in Dania constat ex lege regia Friderici III. d. 4. Sept. publicata, quæ extat in *Ludw. Holbergii Hist. Dan. 1730. ed. p. 84. seqq.* & neutrius sexus legitima proles superesset. Præter jus id faciendi, opus quoque est ducibus & autoribus temperationis felicibus & cordatis, qui & audere rem inprimis ancipitem, & persuadere aliis, & incepta fortiter exsequi possint.

### § 96.

*Qui regno gaudent absoluto, ut displicens temperatio non melius cavebitur, quam si paterno more regno suo præsumunt, nec potentia præcaveatur deserviantur compescendi malitiam invidiamque sceleratorum civium & regni absoluti hostium: extraneas vero respublicas nequaquam ledant, sed potius amittunt temperationem? Etenim regni temperatio aut proficiscitur a causis internis, aut externis (§ 92), rege vel volente vel nolente (§ 91.). Si nolente rege instituitur, illius causa externa haberi solet in monarchia aut republica alia, vel pluribus læsis, quæ futuræ securitati non rectius consultum putant, quam ope adhibita temperationis (§. 91). Si vero causa illius interna datur eaque legitima, illam extrema suppeditat necessitas evitandi officus naturalibus sanctissime observandis contraria (§ 94.). Quam obrem si monarchæ regique absoluto displiceat regni temperatio, nullam eidem dare debet justam causam occasio-*

nemque, ideoque nec lædere debet alias respublicas præsertim vicinas, quarum forte debilitatem contemnit sibi que imparem temere arbitratur; nec subditos ad extremam redigere necessitatem, quod nunquam fiet, si paterno imperio utatur.

Neque tamen ita secure & negligenter præesse debet imperio, ut per invidiam malitiamque regnum affectantibus vel æmulis ansam suppeditet ipsum improviso & nullo fere negotio regno exuendi. Qua de re opus est, ut sapientia prudentia & fortitudine gaudeat heroica, delectæ fidelium amicorum opæ conjurationi & vi ingruenti, ne nocere possit, occurrendi auctoresque puniendi. Quæ cum sine potentia interna, & ubi ea opus fuerit, quoque externa præstari nequeat: manifesta est necessitas præcautionis, ne monarcha potentia destituatur compescendi puniendique invidiam malitiamque sceleratorum civium, aut aggressorum externorum.

Si quis monarcha existimet, solam potentiam, v. c. in numero exercitu sitam, sibi sufficere, vel & quorundam exterorum amicitiam, quomodocunque subditos suos tractet & emungat juribus opibusque, eum sibi minus recte prospicere, facile potest doceri. Milites enim vel indigenæ erunt, vel peregrini. Si indigenæ, & vel vi ad militiam sint rapti & duriter habiti, vel suorum oppressionem una doleant; captare poterunt occasionem, se suosque a jugo, quod graviter ferunt, liberandi. Si peregrini fuerint, sentiantque unica sua vi niti regiam auctoritatem, facile displicentem sibi aut invisam regis suis quoque subditis exosi potestatem ad se suosque duces derivabunt, iisdem artibus, quibus duces exercitus Romani sæpius adversus imperatores usi leguntur, aut quibus Tartari regno Sinensium subpotiti & jam nunc potiuntur. Facile thesauri regii, si qui sunt bello absumentur. Facile subditi, ad incitas redacti, deneganti regi tributa exercitibus alendis destinata, ea in vindicandam suam libertatem convertunt, ipsique desperabundorum more dum cantes victoriam reportant. Facile exteri periculorum gravitate



re avocantur ab auxiliis ferendis, præsertim damna jam perpeffi, quorum reparationem nullam fore prævidere possunt. Unde tum demum dilucescit, quantum præsidii positum sit in regimine paterno, omnium civium benevolentiam, fidem & tutelam pariente.

## §. 97.

*Quamdiu monarchæ bene præsunt monarchiæ, neque exteras lædunt respublicas, tamdiu temperationis ratio habebitur nulla modo ut non opus sit posteri quoque tales sint rite curetur.* Displicens enim regni temperatio non melius caveretur, quam si reges more paterno præmonarchiæ? sint regno, neque potentia destituantur compescendi injustorum regni æmulatorum aut aggressorum conatus, exteras vero Respp. nequaquam lædant, sed potius habeant amicas (§. 96.). Eapropter quia bene præsunt imperio monarchæ, quamdiu ritu paterno imperant, neque potentia destituuntur vel se temere privant, & sceleratos cives & hostes coercendi profligandique: negari nequit, quamdiu monarchæ bene præsunt monarchiæ, neque exteras lædunt respublicas, sed potius pacem amicitiamque cum illis colunt, tamdiu nullam fore rationem, imperium temperandi.

Enimvero, quia in tanta fortuna & tam absoluto imperio facillimum est, ut successores monarchæ degenerent, & parum primo degenerantibus jugiter succedant peiores, pristinorum sæculorum memoria historiaque teste: ne mox aut sensim nascatur & adolescat occasio vel necessitas regni aut temperandi aut amittendi; omni cura in ejusmodi educationem futurorum successorum incumbendum est, qua degeneratio eorum præcaveatur. Vera igitur erit regula præcedens tamdiu, quamdiu simul opera datur accuratissima & educatione regniæ sobolis, & legibus, ut & successores bene imperent, abstineantque a læsione aliarum rerumpp.

Quis-

Quisquis enim vult finem, is si sapit non potest non & ea velle, sine quibus potiri sine nequit (§. 941. *Ontol.*). Qua propter si monarcha & ipse abhorret a temperatione imperii, quo gaudet, idque integrum in sobolem suam transmutare & perpetuum posteritati suæ manere cupit; omnino opus est, ut & ipse bene imperet, & bene imperandi necessitatem, abstinendique ab aliarum rerum pp. læsione, & liberis inculcet, & ut idem semper fiat satis superque provideat, quantum fieri prudentia humana potest. Iudicari hinc potest, quid habendum sit de questione, num Regi sponte appetenda sit imperii temperatio?

## §. 98.

*An temperatio imperii sponte a Monarcha sit eligenda?* Quatenus caveri prudentia humana intus & extus potest, ne opus sit temperatione imperii, eatenus illa sponte non erit instituenda; quatenus vero id fieri nequit, eatenus in huiusmodi eventum eam rex sapienter decernere potest. Quoniam nihil fieri debet præsertim in rebus publicis, nisi cujus sat gravis habeatur ratio (§. 70. *seqq. Ontol.*), nisi faciendum sit, quod pro bono vero, si omittendum, quod pro malo vero habeatur (§. 589. *seq. 904 907. & 909. Psychol. empir.*) & (§. 79. *seq. P. I. Phil. pract. univ.*). Sed quatenus temperatione imperii opus non est, eatenus nulla illius habetur ratio, per quam bona & appetenda statuatur (§. 97.). Ergo quatenus caveri prudentia humana potest, ne opus sit temperatione imperii, eatenus illa a rege sponte non erit instituenda.

At quatenus provideri & præcaveri omnia nequeunt, eatenus in eventum inopinatum, & ut ipsa hæc prædestinata temperatio eo fortius a causis temperationis cavendis arceat, sapienter decerni poterit huiusmodi temperatio, quæ arcendis ejusdem causis pro re nata optime videbitur obstitura (§. 713. *seq. P. I. Polit.*). Equidem & limitatio atque divisio regni adhiberi potest. Sed quum fratrum quoque gratia & concordia raro sit in dyarchiis, Triarchiis &c. atque sic & divisione potiss.

tissimum potentia diminuatur; nec facile consortium nec divortium imperii deprehenderetur esse consultum, si exemplis majorum tristibus fides est habenda (§. 683. *ibid.*). Hinc si temperatio arrideat, ea tam sapienter erit ineunda stabiliendaque, ac ipsa successio (§. 715. *seq. ibid.*) eundemque in finem casu utroque & internis opus erit, & externis, quæ haberi poterunt, optimis firmamentis:

Regum Spartanorum imperium primo limitatum instituta dyarchia, deinde temperatum est ope senatus & Ephorum.

§. 99.

Caveri non poterit, ne opus sit temperatione imperii, nisi vel interna animorum convictione viva de imperii recta administratione necessaria, vel adjuncta necessitate externa ope legum familiae & regni, tantisper rectiora unanimi consensu statuerit. Habitus enim bene agendi constantes, ideoque & habitus bene imperandi constantes nascuntur ex cognitione distincta, eaque viva (§. 321. 324. 328. 330. P. I. & §. 599. & 600. P. II. *Phil. pract. univ.*). Quæ cognitio viva simul crebro exercitio actionum bene & parendi, & quatenus concessum est, imperandi habitum ostendit, firmat & auget (§. 323. *seq. P. I. Phil. pract. univ.*). Quare quia habitu bene imperandi monarchæ bene præsunt reip. nec exterarum lædunt Respp.: simul sic cavetur & interne animus sic conformatur legibus divinis, ne opus sit ulla temperatione imperii (§. 97). Utendum igitur hac interna convictione animorum ad imperandum natorum, promovendusque est & perficiendus habitus ita imperandi privatis aut publice paucis, in quibus imperii tirocinia ponenda sunt; ut imperatori deinceps bene præparati & instructi ad imperium summum capeßendum accedant.

Hac interna necessitate vel non admissa, vel sprete, nihil superest, quam ut quadam externa necessitate ingruente officii

(Wolffii *Politica* P. II. C. II.)

N

ci



cii sui admoneantur. Ejusmodi aderit necessitas externa, si reliquis, quibus jus est succedendi, & in quorum fraudem abusus imperii adeo vergit, ut nisi principiis obstant, excidere innocentes jure suo possent, fas sit monere prius iterum iterumque amice, ut sponte ea mutantur, de quibus subditi conqueruntur, vel exteri, vel ambo; si vero spernantur monita & pejora subsequantur, ut ope subditorum, seu ordinum regni, vel & exterorum, quorum interest, ejusmodi moderamen imperii interim constituent, quo pericula ista depellantur, & fiat id, quod fieri in imperio debet, ipsorumque successorum jus salvum relinquit. In statu enim naturali, in quo monarchæ degunt, cuilibet quidem libertas est naturalis, qua nulli hominum reddere tenetur rationem suarum actionum, sed permittendum ipsi est, ut in suis actionibus suum sequatur judicium, modo nil faciat contra jus perfectum alterius (§. 156. *seqq. P. I. Jur. nat.*). Enim vero si quid agat contra jus perfectum & officium alterius, abusus ipsius libertatis tollere nequit obligationem naturalem suam aliorumque (§. 159. *seq. ibid*). Quare adversus ipsum in alios adeo injurium tantum licet, quantum læsioni arcendæ sufficit (§. 980. *ibid*). Vnde perspicitur, posteris suis recte prospecturo licere in hunc eventum ejusmodi sancire leges familiæ & regni, quibus caveatur, ne quid detrimenti salus regni & familiæ ex abusu imperii patiat, sed salva potius monarchia quam diutissime subsistat.

Conferri hic ea possunt, quæ (§. 715. *seq. P. I. Polit.*) de firmanda perpetua successione in regno patrimoniali allata fuerunt. Vergit utique in damnum successorum, si regnum bellis iniquis inconsultisque exhauriatur minuaturque, si commercia persumduntur, subditi ad stipem mendicitatemque nefarie redigantur, & in universum talia sunt, quibus eorum jus successio- nis multum infringatur diminuaturque inique & injuste. Inhiberi id eo melius poterit, si qui ex eadem regia gente conjugio, ele-

electione, aliove modo aliis regnis præsent, aut qui illis imperant, amicos habeant, ut ab abusu imperii avocandus, facile artioribus potestatis & potentiae cancellis saltem ad tempus, dum respiciat, includi possit. Multo tamen præstantius est, si quid quid sacrum sanctumque est, præter demonstrationes solidas, adhibeatur ad animum sui officii suæque felicitatis ita convincendum & studiosum reddendum, ut summa animi lubentia agat, quæ ad imitandum imperium divinum, quale id monarcha in se esse velit, requiruntur.

## §. 100.

Quo minus est studium libertatis in populo quo antiquior ejus barbaries, & quo minor regni moles; eo minus temperatione imperii Dominatus cause ignobiliores. opus erit. Quo enim minor est libertatis amor in populo, eo is magis adsuetus est servituti & monarchiæ tolerandæ. Quo magis huic est adsuetus, eo minus appetet consortium imperii, seu ut jurium quorundam summorum sit particeps. Quo minus appetit populus consortium imperii, eo minus opus erit imperii temperatione (§. 63. & 65.).

Quo majori barbarie & ruditate dudum laborat populus, eo minus est jurium suorum gnarus & quo minus gnarus, eo minus appetens eorum & studiosus (§. 588. Psych. empir.). Inde & quo rudior est populus, semperque ultra hominum memoriam fuit, eo magis esse solet servituti adsuetus, itaque, quo antiquior ejus est barbaries, eo minus de temperanda monarchia erit sollicitus (§. 670. P. I. Polit.).

Denique quo minori imperium mole laborat, eo minus opus erit consortibus imperii (§. 684. P. I. Polit.). Quo minus opus est consortibus imperii, eo cæteris paribus quoque minus erit opus temperatione imperii (§. 65.). Requiritur nimirum & in temperatione imperii ejusdem consortes, ex alia vero simplici forma petiti.

Forte erunt, qui hæc pro commendanda monarchis barbarie subditorum ambabus arripiant manibus. Si barbari imperium absolutum ferunt patienter, dicent, nil erit monarchæ optabilius, jucundius nihil, quam si subditos habeat admodum barbaros. Quo barbarior fieri poterit populus, eo erit patientior iurigi & obsequentior. Sed bona verba quæso! Si, ut ostendimus (§. 363. P. I. Polit.) omnis barbaries e civitate proscribenda est: non nisi tyranno ipsique barbaro barbaries populi arridere poterit & commendari. Neque miranda sunt crimina horrenda, quæ barbaries magno numero peperit semper, & parit hodie, quæ, ipsis regibus suis toties exitiosa, quoties calliditas, vis celeritasque cum indomito affectuum libidine & colluvie conjunguntur.

## §. 101.

*Temperatio* *Temperatio regni instituenda est pro natura ejus reip. quæ ipsi est*  
*omnis sequa-* *adjungenda.* Temperatio enim cujusvis reip. ideoque & regni  
*tur naturam* tam sapienter fieri debet, ut **commoda** miscendarum **forma-**  
*rerump.* rum, quantum fieri potest, simul conserventur stabiliantur au-  
*mixtarum.* geanturque (§. 7.); incommoda earum vero simul amoveantur  
 & evitentur (§. 8.). Cum vero formarum simplicium alia at-  
 que alia sint **commoda** & **incommoda** (§. 10-42.), cum & mo-  
 dus temperandi optimus sit adhibendus (§. 9): apertum est  
 scitum, in regno temperande omnino habendam esse ejus reip.,  
 quæ ipsi est inferenda, ut pro natura illius temperatio quam  
 optimè absolvatur (§. 59.).

Quia ratio hujus normæ temperationis tam generalis est, ut ad omnes republicas extendatur, cum omnium par sit ratio: generatim concludendum est, omnem temperationem civilem ita esse instituendam, ut respondeat naturæ mixtarum rerum publicarum, salvo primariæ & secundariæ partibus qua ordinem, inter eas statuendum.

Neque in mixtione rerum naturalium aliud contingere potest, quam



quam quod natura ipsarum patitur & per illam junctim sum-  
tam obtineri potest. Quod omnes experientia duce observant  
miscendarum rerum artifices, Pharmaceutæ, chemici, ænopolæ,  
aliique innumeri, ne agricolis quidem & hortulanis exceptis.  
Vnde parem esse rationem rerum moralium atque civilium, ut  
una quoque alterius naturam induat, eo minus mirum videri  
debet. Eandem ob causam notavimus ad §. 21. monarchiam  
biformem vel esse aristocraticam, vel democraticam, si priori  
casu temperetur ope Aristocratiae, posteriori ope democraticæ.  
Nunc ordiamur temperationem priorem jure suo posteriori præ-  
mittendam, quæ latinis verbis imperium vel *regnum* dicatur  
*senatorium*, ob senatum optimatum eidem cohibendo adjunctum.

## §. 102.

*Si adjungenda sit regno aristocratia, ea tantum jura summi impe-* In regno se-  
*rii in optimates sunt conferenda quibus abusus potentiae & potestatis re-* natorio ca-  
*giæ ita inhibeatur, ne & optimatibus sua abuti parte imperii conceda-* vendus &  
*tur.* In temperando enim regno majestatis regiae ratio con- regiae & se-  
servanda est quantum fieri potest (§. 76); nec nisi abusus re- natoriae po-  
giæ majestatis est cavendus evitandusque (§. 85.). Quia tamen testatis ab-  
& libertati civium in regno temperando est consulendum (§. 86): ea utique jura majestatis, quibus libertati civium vehe-  
menter noceri potest, non erunt unius regis arbitrio relin-  
quenda (§. 311. P. I. c. 1.). Quare si regnum temperandum  
est ope aristocratiae ipsi adjunctæ, ea tantum jura summi impe-  
rii in optimates erunt conferenda, quibus inhibeatur abusus  
regiae potentiae & potestatis.

Ne vero abusus potentiae & potestatis regiae tantum mu-  
teretur in abusum potentiae ac potestatis aristocratiae: eadem di-  
ligentia & providentia quoque cavendum est, ne & optimatum  
imperium degenerare in similem, vel in duplicem eoque pe-  
jorem possit, & rege & optimatibus in abusu sui juris sibi in-  
vicem conniventibus (§. 22.). Quare in temperanda per Ari-  
stocra-

stocratiam monarchia ita inhibendus est abusus majestatis, ne vel rex, vel optimates, vel ambo, reservatis collatisque summi imperii partibus abuti possint (§ 307. P. I. Polit.).

Si adjungenda est monarchia, ut formæ principi, aristocratia ceu forma secundaria, constituendum est regnum senatorium, per notata ad §. 101. Quare cum temperatio non adhibeatur, nisi propter impediendum abusum formæ primariæ & plenius consequendam salutem publicam (§. 22. & 62.): impediendus non tantum est in regno senatorio abusus regiæ, sed & senatoriæ potestatis, cum uterque non possit non nocere. Ne vero & ipsa temperatio degeneret vel corrumpatur, cavendum id quod est, ne utraque formæ alterius abusu indulgeat, ut sibi vicissim ab altera indulgeatur, itaque corruptio regni temperati nascatur (§. 68-70.).

## §. 103.

*Inde leges  
ferenda &  
supplicia in-  
figenda non  
sunt sine con-  
sensu optima-  
tum.*

Quia potestas est jus dirigendi actiones aliorum (§ 133. P. I. Jur. nat.), vel imperium in personas subditorum (§. 194. seqq. & 661. P. VII. Jur. nat.); imperium autem involvit jus obligandi alterum, ad imperata facienda (§. 197. *ibid.*), & puniendi eum qui secus fecit (§. 198. *ibid.*): facile perspicitur, abusum regiæ potestatis se exferere posse in legibus justo durioribus vel male latis, & in pœnis atque suppliciis immeritis. Quare redit temperatio potestatis ad conferendam legislatariam potestatem de rebus regno facile nocituris in optimates, ut sine eorum consensu rex ejusmodi leges ferre & abrogare bene latis nequeat; item ad supplicia honoratioribus & summis viris præsertim non sine optimatum consensu in criminibus dubiis irroganda (§. 79.). Vi tamen reservetur Regi majestas (§. 76.), leges, quæ optimatibus placuerunt, & rege confirmandæ, & ejus nomine promulgandæ erunt, aut in casu arduo ad ulteriorem deliberationem reservandæ. In suppliciis autem decretis, regi & ratihabitio & nonnulla gradus exasperatio, aut mitigatio, & remissio in rebus præsertim regi-

regiis ob rationes graves debet esse salva (§. 841. seqq. P. VIII. Jur. nat.).

Quando legibus publicis, optimatum consensu latis, pænæ ordinariæ delictorum jam sunt definitæ, tum judicibus inferioribus causarum criminalium & civilium earum executio permitti potest. In casu tamen dubio, ob peculiare personæ & rerum condiciones, de quibus leges nihil habent, appellatio summi senatus est concedenda ut ab ipso & rege definiatur, quod definiri in genere non potuit (§. 63.).

#### §. 104.

Quoniam privilegia jus quoddam concedunt, quo cæteri carent (§. 853. P. VIII. Jur. nat.); sive consistant in immunitate a tributis & vectigalibus, quæ reliquis sunt solvenda; sive in monopolio certarum mercium, aut quocunque alio jure præcipuo: *nec conferenda, nec auferenda erunt majoris momenti privilegia, nisi optimatum consensu, curantium, ne alterutrum fiat, nisi boni publici causa (§. 872. ibid.).*

*Neque privilegia.*

Quæ majoris momenti sunt & jura & officia civium, eo major danda est opera, ut quam optime accommodentur ad salutem publicam. Ambo enim plurimum prodesse recto usu, & nocere abusu possunt. Hinc & regi cavendum, ne quid optimates affectibus dent in illis vel conferendis vel abrogandis, auditis rationibus utriusque partis, & ex æquo definitis communi consensu. Vicissim & optimates proposita a rege circa privilegia ad salutis publicæ normam exigent, & excussis debite momenti in suffragia ibunt. Quatenus & insignia præmia publica bene meritis tribuenda privilegiorum instar haberi possunt, item honores civiles ardui cum redditibus aliisque juribus conjuncti, eatenus & illa optimatum seu commendationi seu oblationi plurimum qui illis digni videntur, in ipsa temperatione regni credi tribuique sic possunt, ut penes regem sit electio. Quænam majora aut minora jura & privilegia censenda sint id populi consensu



sensu ex eorum ad salutem publicam habitu arctiori & momento graviore est statuendum (§. 77.).

## §. 105.

*Neque exercitus parandi, tributa imponenda, aut bellum ineundum.*

Potentia civilis redit ad vires salutis publicæ tuendæ sufficientes (§. 17.), quæ quatenus publica est, aut omnium civium vires conjunctas infert, aut eorum, qui civium loco istis partibus funguntur (§. 50.). Quidam & alendi sunt & indemnes præstandi alique sumtus publici sæpe requiruntur, opus est nervo rerum gerendarum, affluente scilicet tanta pecuniæ copia, quanta ad dictum scopum suppetat (*ita*). Quo facilius illius & perniciosior regno abusus, eo is diligentius in temperatione regni est præcavendus (§. 83.). Proinde in regno aristocratice temperando ad evitandum istum abulum, nec milites extra ordinem legi aut ab externis peti, vel mercede conducti, nec tributa & vectigalia augeri, nec bellum aut pax nisi optimatum consensu decerni debent.

Nimirum & usus potentia publicæ in iis, quæ perpetua salutem ordinaria sunt, temperatur legibus regis, ex ipsis juris naturæ fontibus haustis; quæ vero extra ordinem contingunt & e rerum præsentium facie probe examinata demum determinanda sunt, ea consensu optimatum indigent, & in illorum arbitrium sapienter adhibendum merito conferuntur (§. 63.). Vnde & potentia temperatio potissimum æstimari ex illis casibus solet, in quibus ex potentia publica nisi prævio optimatum consensu uti nequit (§. 64.). Degeneraret vero ista temperatio, si vel rex auderet sine consensu optimatum agere, quæ non nisi illo prævio agenda sunt; vel optimates derectarent in ea promptè consentire, quæ e salute publica fore perspectum habent. Vnde ab utroque abstinendum erit (§. 70.).

## §. 106.

*Quis usus summorum*

*In moderanda regia potestate & potentia per optimates, id exercitium summorum jurium optimatibus est conferendum, cujus abusus mor-*

narchicus nimis esset periculosus; id vero regi permittendum, in quo suff-  
cit censura autoribus post abusum metuenda. In regno enim ma-  
jora majestatis jura regi sunt reservanda (§. 78.); quæ vero in-  
tegra ipsi relinqui nequeunt, ea tamen ei reservanda sunt, qua-  
tenus eorum executio nequit periculosior fieri (§. 79). Qua-  
tenus igitur usus jurium majestatis innocuus est futurus, eate-  
nus regio nomine est expediendus (§. 81.). Ex adverso igitur  
futura, quatenus abusus eorum regius admodum perniciosus esset  
futurus, eatenus exercitium eorum transferendum est in opti-  
mates (§. 62.). Vbi vero abusus insignis non facile est metu-  
endus, ibi usus eorum vel integer regi est reservandus, vel  
admisso abusu sufficit metus censuræ aut damni reparandi, sed  
secundum æquitatem, & habita ratione regiae dignitatis, ne  
ipsi tribuatur, quod administratorum aut ducum belli vitio vel  
culpa est factum.

Est hæc veluti regula generalis, cujus exempla quædam jam  
sunt in medium prolata. Neque in omni casu & ubique eadem  
de his statui possunt, sed attendendum est ad personarum, re-  
rum, locorum & temporum varietatem, ut quid expediat po-  
tissimum, erui & pro re nata destinari possit. Facile autem pa-  
tet, tutiorem temperandi regii juris modum vix dari eo, quem  
hic explanamus. Eligendum quoque est ejusmodi tempera-  
mentum, quod mediam teneat viam inter ea, quæ majoris &  
minoris periculi avertendi causa sint necessaria, ne & regibus  
melioribus molesta, nec deterioribus cerea videri possint.

## §. 107.

Optimatum jura ne a regibus, nec regum jura ab optimatibus vio-  
lentur, sed ambo potius in salutem publicam quam optime congruant; Reliqua tem-  
& sanctimonia religionis jurisque jurandi, & quibus præterea consultum perationis  
videtur, remediis est cavendum, quam optime fieri potest. Occurren-  
tibus enim est degenerationi temperationis, seu corruptioni il-  
lius cuicunque quam diligentissime (§. 70.). Enimvero non  
(Wolffii Politicæ P. II. C. II.) O pos-

posset non corrumpi regnum senatorium, si vel optimates involarent in jura regum, vel reges usurparent jura optimatum, sive vi id fieret, sive quacunque fraude arteque occulta, aut aberratione (§. 68.). Quare ne quid data opera tenterur, religione conscientiae quantacunque erit utendum & fide jurata (§. 67.). Quod enim errore tantum fieret, id admonitione & rationibus persuadentibus facile corrigeretur. Ne quid vi suscipiatur, cum idem illud jusjurandum obstabit, cum & homagium civium militumque cum cæteris abusus potentiae remediis. Iisdem quoque rationibus, & optimatum praestantia sapientiae, integritatis & multitudinis uti eorum collusio inter se, ita & cum rege impediatur, nec postposito bono publico rei privatae studium in utraque forma unita praevalere poterit.

Quantum momenti religio habeat in rebus summis quiete & rectissime curandis, vel hic casus docet, de quo loquimur. Vnde olim Cicero Lib. I. de Nat. Deor. pietate, inquit, erga Deum sublata, fidem & humani generis societatem tolli necesse est, & justitiam virtutum omnium excellentissimam., Arcet religio fraudes occultissimas æque ac vim in aliena grassantem, itaque tutissimum est salutis publicae praesidium palladiumque. Sic cum optimates populi simul partes tueri possint, ejus auxilio erunt fortiores, ne facile abusu regiae potestatis iniqua patiantur.

§. 108.

*Temperatur  
regnum suc-  
cessorium &  
electile.*

*Temperari regnum potest adjuncta Aristocratia, sive reges illius jure hereditario succedant, praelegantur. Modus enim, quo reges ad regnum adspirant per se, nihil facit nec ad promovendam nec ad impediendam regiam potestatem; ideoque ad temperationem imperii modus illud habendi qualiscunque sufficit (§. 66. P. VIII. Jur. nat.). Sive ergo regnum habeatur ope electionis, sive ope successionis, id non obstat, quo minus dum absolutum est, vel dum fieri regnum debet & necdum absolutum fuit, in prima statim constitutione pro voluntate populi tem-  
pere.*



peretur (§. 277. *ibid.*). Si vel temporarium tantum sit, & æsymmetricum, & illud temperari pro lubitu potest (§. 259. *P. VIII. Jur. nat.*). Inde & aristocratice temperari regnum temporarium infeudatum (§. 100. *ibid.*) fiduciarium (§. 102. *ibid.*) & precarium (§. 69. *ibid.*); non repugnat.

## §. 109.

*Si constituenda sit resp. recentior a populo hætenus dissociato, pos- Origo regni sunt optimates eligere regem eaque sibi retinere jura, quæ faciem habent: § senatorii periculosum abusum: potest & rex sua sponte sibi adjungere senatum. Si prima.* enim populus sit dissociatus, is extra societatem est constitutus. Dum idem vult inire societatem, & pro lubitu suo (§. 37. *P. VIII. Jur. nat.*) prudentioribus concedit constitutionem rei publicæ, quæ consulta videatur (§. 277. *P. VIII. Jur. nat.*): possunt illi ex populi voluntate designati optimates omne imperium sibi retinere, & aristocratiam instituere. Possunt vero etiam, quem volunt, regem eligere, ejusque regnum ita limitare, ut quædam majestatis jura, quorum abusus est facilis & plenus aleæ, non nisi prævio ipsorum consensu exercere possit debeatque (§. *ead.*). Posteriori casu oriri regnum senatorium, in propatulo est (§. 102), sive regis legitima progenies debeat succedere, sive subinde novus rex sit eligendus. Si enim imparem se sentiat rex compescendis illis, qui ipsi possent perniciem creare, antequam id ipsi quarant vel vi extorqueant, potest ex illis senatum constituere, ut sibi invicem invident spem regnandi. Vri Romulus 100 legit senatores, quos Patres dixit, ut eos & officii moneret & ipsis plebis amorem & clientelam conciliaret. Ita deinde post Romuli mortem alium regem non ex suo numero elegerunt, jure sibi vel statim concessio, vel deinde usurpato.

Non rectius rerum humanarum indoles perspicitur, quam si ultimam illarum originem sive genesin contemplerur.

Quam obrem & regni senatorii origo evolvenda est, ut ejus indeoles eo liquidior evadat. Non quidem opus est, ut talis casus in medium afferatur, ubi ejusmodi contigit ortus; quia sufficit, distincte explicari & intelligi illum posse. Concepiamus vel in memoriam revocemus consilia illorum, qui Pseudosmerdon magnum solio persico deiecerunt, quæ legimus in *Herodoto* L. III. c. 80. *seqq.* Quorum Otanes commendabat *isocratus* democratiæ, Megabyzus autem Oligarchiam, quam nominans innuit aristocratiam; Darius vero Monarchiam. Prævalente Darii sententia, Otanes reliquis suum jus imperii ea lege cessit, ut ipse nec præesset, nec subesset, nec ullus suorum. Quod ceteri approbantes sponderunt, si quis ipsorum rex fieret, Otanem donari debere ejusque posteros cum omni alia donorum persicorum magnificentia, tum medica quorannis veste, quod primus rem cruerat ipsoque sociaverat. Hæc vero in commune decreverunt, ut unicuique, e 7. his sociis fraudis sublata, sine inter- nuntio liceret regiam introire, nisi forte cum uxore cubaret rex; neve regi fas esset aliunde, quam e familia conjuratorum uxorem ducere. c. 84. Si loco hujus conditionis convenisset inter eos, ut reliqui sex essent illi optimates, sine quorum consilio rex nec leges ferre, nec tributa nova imperare, nec bellum inire posset, haberemus exemplum illius casus de quo hic agimus, fingendo, tantum Persis antea nullam fuisse civitatem. Nam Pontifex romanus cum purpuratorum collegio, quæ huc refertur possit, aliis disceptandum relinquo.

## §. 110.

*Altera origo  
regni senatorii.*

*Si pristinam remp. quacunque de causa mutare placeat, talis ante non fuit, mutare illam licet in regnum senatorium. Si enim rei publicæ quæcunque alia forma fuit, quæ mutanda jam videtur, a voluntate populi dependet, quomodo imperium in alium vel alios transferre velit, & qua lege idem transferre velit (§. 36. P. VIII. Jur. nat.). Potest ergo v. c. ex regno absoluto facere limitatum, & temperare illud ope aristocratiae, aut & ex alia republica corrupta efficere regnum aristocratice temperatum.*

tum. Quoniam vero non sine optimatum consensu in maximi momenti rebus administrandum est regnum senatorium (§. 101): evidenter apparet, si pristina reipublicæ forma quælibet censeatur in aliam esse mutanda, posse populum eam mutare in regnum senatorium, si hoc ipsi consultum videatur.

Notatum ad §. 109. exemplum persicum in hypothese electæ temperationis regis potestatis, dedisset regnum temperatum, loco limitati perparum ratione aditus Regis & matrimonii e familia conjuratorum. Aut igitur prima statim constitutione civitatis, aut jam constitutæ mutatione, seu depravatæ reformatione (§. 6.) oriri potest regnum optimatibus adjunctis temperatum.

### §. III.

Quia in Aristocratia virtutes insignes provocantur & ex- De promo-  
cultæ præmiis afficiuntur, ut in salutem publicam applicentur *venda amu-*  
(§. 23), ideoque vigere in aristocratia debet studium per- *lacione in*  
ciendi excolendique civium complurium virtutes (§. 24.), ita *virtutum*  
ut fere ipsius peculium sit institutum optimos cives complures *studio.*  
consequendi præmiisque lautis condecorandi (§. 25.); in mi-  
scendis autem rebus publicis opera est danda, ut commoda  
miscendarum simul obtineantur, stabiliantur, augeanturque  
(§. 7.): in regno senatorio *potius plures, quam pauciores constituendi*  
sunt optimates, prout ipsius saluti expecteturum intelligitur, *habita*  
*omnium momentorum ratione.* Cumque & in monarchia virtute  
præstantiores facile emergere, tutioresque ab insidiis injuriis-  
que esse possint (§. 13): conjungendum est virtutis studium  
utriusque formæ, ut inter se *amulentur, & qui monarchæ sunt ad-*  
*juncti, & qui optimatum loco sent eruntque.*

Licet enim major optimatum numerus minores procreet re-  
ditus, erunt tamen & inter ditiores, qui non egent redditibus,  
quibus fere sufficiet honor & autoritas optimatum, & jus impe-  
rii summi cum aliqua indemnitate; & inter cæteros, qui pecu-  
niosi



niosi & improles decessuri aliorumque paupertati subvenire poterunt, & salutis publicæ causa volent, ne ipsis desint colendæ Minervæ adjumenta. Præterea his quoque destinari ea poterunt munera, quibus honeste rem facere, & sic ad majora adspirare possint. Quo plures igitur sunt optimates, eo plures spe hujus dignitatis ad virtutum studium amplectendum incenduntur, eoque plures boni cives erunt, cæteris exemplo, quod imitentur, futuri, si omnia sic instituantur, observenturque, uti *P. I. Polit. in Capite de Aristocratia rite constituenda* ostensum est, & exemplis confirmatum. Præterea non inanis sed honesta excitabitur scientiæ & prudentiæ civilis æmulatio, ne vel optimates vincantur a regis, vel hi ab illis; quod rite adhibitum in publicam salutem studium, plurimum attuleret emolumenti regno Senatorio. Ipsius vero numeri determinatio e natura regni, ejusque civium copia & indole magis minusve habili & amante, cæterisque subsidiis erit petenda.

## §. 112.

*Specimini-  
bus appro-  
bando.*

*Varia inde excogitanda & exigenda sunt virtutum partarum exercitamenta & specimina falli nescia, quorum ope iis præstantes & pro gradu præstantia in suo vitæ genere internosci possint.* Neque enim homini datum est, alterius animi dotes perspicere, nisi ex earum usu & documentis omni majoribus hæsitazione & exceptione. Hujusmodi vero sunt falli nescia virtutum, quibus urendum est, partarum specimina coram peritis edenda, & examina ad eundem finem comparata, item exercitamenta diuturniora & velut tirocinia experientia magistra. Patet igitur illiusmodi edenda & exigenda esse specimina ab iis, qui digni haberi muneribus publicis, aliis suam approbare velint industriam, peritiam rerum agendarum præstantiamque.

Animi humani dotes habitusque acquisiti per se non prodeunt in aliorum conspectum, sed illa tantum opera, quæ in sensus incurrere possunt ac solent, & ex quibus luculenter comprobantur, ac extra omnem controversiæ aleam ponuntur. Loqui-

tur enim effectus suam causam, loquitur & demonstrat actionem agendi, & per modum actionis quoque ad legem agendi eruendam aditus paratur, si is attente observetur, & omnia rite meditationi & calculo subjiciantur.

## §. 113.

Quoniam virtutes civiles in salutem publicam facientes *Et premiis incitando.* potissimum promovendæ sunt inter eas, quæ hujus vitæ felicitati destinantur (§ 111.): in earum culturam tum nova inventa augenda, tum antiqua amplificanda & emendanda ut plures incumbant, & æmulatione se vincere contendant, premiis & fructuum percipiendorum, & aliis incitandi & decorandi sunt inventores rerum utilium.

Scilicet si quis opifex aut artifex quidquam novi detexit, cujus ope rem facere possit, si nemo alius præter ipsum similia facere potest, ejus inventi fructus jam per conditionem rei ipsi soli debentur, nec quisquam alius ullum jus ad ea habet. Hinc & quamdiu exerceri id ita potest, ne quis alius eadem aut paria facere possit, tamdiu id per se solus sibi merito habet, solusque inde lucrum percipit. Si vero hujusmodi sit, quod alii quomodoque suum facere possunt, v. c. si liber egregius recudatur, privilegio donari auctor meretur, ut intra definitum tempus idoneum fructus præmii loco solus percipiat. Si vero inventum, satis quidem utile fructuosum non illico sit, nec pari lucrando aptum; aliis inventor præmiis erit afficiendis, prout suadet ratio rei.

## §. 114.

Quia incommodis & Monarchiæ & Aristocratiæ in ha- *Quomodo incommodis aristocratiæ* rum mixtione ita simul est occurrendum, ut ea quam optime evitentur (§ 8. & 22.); præter abusum majestatis, quem inhibet rite adjuncta Aristocratia, diligenter quoque cavenda est in regno temperato *oc-* discordia optimatum & invidia, ambitio & superbia, ope regis, optimatum meliorum judicio selecto ista compescantis & judicata confirmantur? *curretur?* Sunt enim hæc incommoda quædam Aristocratiæ (§. 31.), quæ

quæ in regno sic temperato simul evitanda & cavenda sunt (§. 102.) Quapropter non quidem regi soli de his iudicium est deferendum (§. 107.), id tamen innocuum est aristocratia, si optimatibus senioribus, a partium iudicandarum studio immunibus rex committat vel amicam discordiarum, quæ obortæ sunt, compositionem sua auctoritate suffulcam, vel disceptationem & definitionem causæ legalem sua auctoritate confirmandam (§. 81. s. 44.): Hoc igitur pacto & optimates cordatiores, sed infirmiores cæteris, audebunt recte iudicare, nec habebunt illi, quorum res agitur, cur quidquam iusto gravius metuant a suismet collegis, quibus liberrime defensionem causæ suæ exponere, & si quid antea præteritum vel necdum ad manus fuit, id subungere in iterata discussione & reformatione controversiæ possint.

Forte dicat quisquam, metuendam esse optimatum reuelorum infirmiorumque facilem cum rege collusionem saltem gratificationem sub spe gratiæ & tutelæ regiæ, in potentiorum detrimentum. Sed primum si quisquam cæteris optimatibus etiam hoc nomine suspectus, is tanquam a partium studio non remotus inter iudices designandos locum non haberet, nec esset admittendus, æque ac alius, qui inter dissidentes cuiquam vel eius infensus seu inimicus, vel sanguine, aere aut alio nomine obnoxius & addictior. Deinde hi iudices adstringendi sunt, præter generalem optimatum obligationem, jurata fide ad eandem illam, remota omni pravitatem vel occultissimam, secundum legem non aliter disceptandam finiendamque, atque eandem vellent aliis pertractari, si suamet foret. Taceo, quod legibus quoque selectus iudicium circumscribi, & offerri regi illi possint, e quo regi optio detur.

## §. 115.

Quando regi  
decisio sit

Cæteris recte temperatis, potest regi quoque in casu paritatis sit suffragiorum inter iudices, si eorum decisio secundum leges aliter haberi



nequeat, dari suffragium decidendi. Quidquid enim nocere nequit permittente regni pecuniis id regi in regno temperando est tribuendum da?

(§. 85.). Sed hujusmodi litigiorum decisio, quorum iudices ab ipsis optimatibus oblati sunt regi, quique per se rem definire aut nequeunt, aut nolunt, nocere nequit. Illa igitur dum res manere in eo statu nequit, in quo jam versatur, ut exitum habeat, decisio recte regi relinquetur, qui a neutra parte, quod metuat, habens secundum leges regni & naturalem æquitatem sententiam dabit.

Fieri nempe posset, ut optimates iudicum loco constituti vel revera in ista causa diversis addicti sint principiis, ideoque consentire nequeant, vel non æque momenta causæ perspicientes ancipites hæreant, neutram partem offensuri. Quanquam igitur affectui nullus debet esse locus, quatenus tamen homines plane perfecti in hac vita non dantur, permittendum est, quod mutari nequit, ideoque in casu paritatis suffragiorum vel sortis erit decisio permittenda, vel regi; vel optio alterutrius seu partibus, seu iudicibus concedenda, prout alterutrum consultius videtur. Nisi tamen gravis ratio obster, majestati regis amplificandæ potius deberi videtur istiusmodi decisio, ope rationis facienda.

### §. 116.

Si vel in prima civitatis constitutione, vel in ejusdem mutatione aut reformatione populo placet regem venerari, sed ne nocere possit, illa jura, quorum periculosissimus est abusus, in sua retinere potest, vel si regi placet firmandi regni causa populum in ejus societatem vocare: nascetur regnum democraticè temperatum, vel populare. In prima civitatis constitutione a voluntate populi dependet, utrum imperium, quod est res populi propria (§. 33. seq. P. VIII. Jur. nat.), sibi velit retinere, vel pro lubitu suo in personam unam aut plures conjunctim transferre, & si in aliam transfert, qua lege id transferre velit (§. 36. ibid.). Si ipsi placet, regnum, *Wolffii Politica P. II. C. II.* P potest

potest regi dare vel imperium plenum, absolutum & summum, vel quomodocunque limitatum (§. 139 *ibid.*). Potest igitur & mixtam adhibere formam, quæ in aliis ad monarchiam, in aliis ad democratiâ accedat (§. 138. *ibid.*), ut oriatur regnum democratia adjuncta temperatum seu popolare (§. 21.).

Sive civitas, quæ adhuc fuit, propter corruptionem, sive propter aliam causam mutanda videatur aut reformanda, ob easdem rationes, quas modo attulimus, liberum erit populo universo temperare regnum ope democratiae, ita servando sibi ea summa imperii jura, quorum periculosissimus esse potest abusus, ne rex illis nisi prævio populi consensu uti possit ac debeat. Quod vel per ea intelligi potest, quæ (§. 110.) de regno Senatorio, ex alia pristina forma oriundo, exposita fuere.

Quemadmodum supra (§. 91.) ostendimus, fieri etiam potest, ut rege autore regno adjungatur democratia æque ac aristocratia. Quare si regi placeat populum sibi suæque soboli conciliare, ut forte eo diuturnius posteris relinquat imperium, adsciscere populum potest in quandam regni societatem. Quo facto pariter regnum orietur populari consensu in nonnullis administrandum. Quæ si pauca primum sint, nec magni momenti paulatim augeri sic poterunt. ut abusus regiae potestatis difficulter ingruere possit, vel & regnum plane tollatur.

Fœneratur huic casui lucem quod de Theseo, decimo Atheniensium rege Ilocrates & Plutarchus memorant. Ille enim in Encomio Helenæ & Panashenaica Theseum popularis Atheniensium status autorem dicit. Hic vero, magistratuum creandorum jus populo illum tradidisse innuit. Sibi retinuisse fertur custodiam legum institutorumque ac imperium militare cum dignitate regia. A morte tamen Codri, qui se pro salute Reip. morti devovit, in confertissimos hostes irruens, & nomen regium, quod libertati grave visum, abrogatum est.

Quem

Quemadmodum regnum Senatu optimatum adjuncto temperatum diximus senatorium, ita nil obstat, quo minus regnum adjuncto populari statu dicamus populare. Est enim regnum, quatenus unus illius datur sumus rector. Est vero simul populare, quatenus populo est exercitium eorum jurium majestatis, quorum abusus ipsi posset esse perniciosissimus. Hinc utrumque in unione *regnum est populare*, quod cum *imperio populari* non est confundendum. Nam imperium populare nil est nisi ipsa democratia & status popularis; regnum autem democratiae opponitur, uti forma civitatis alius speciei & naturæ. Sed imperium est genus, quod si uti civile publicum & summum spectatur, æque esse potest regum atque optimatum & populi.

## §. 117.

*In regno populari temperando non minus abusus regie potestatis quam popularis est fugiendus, præcavendusque. Ostenditur hoc eo in eo præcedem modo, quo (§. 102.) in regno Senatorio abusum & regii vendi? & optimatum Juris simul evitandum esse docetur; substituto tantum pro statu optimatum statu populari & adhibitis rationibus licentiam populi coercendi (§. 524. seqq. P. I. Polit.).*

Erat regnum romanum quidem Senatoribus limitatum per notata ad §. 109. Attamen & populus patribus ita verendus est visus, ut illi statim electionem secundi a Romulo regis offerrent, sibi que tantum addendam electioni auctoritatem reserverent, teste *Livio Lib. I. Hist. c. 17.* Postquam populus Numa mortuo Tullum Hostilium regem jusserrat, patresque autores facti erant, Albani, quibus bellum indictum erat, dictatorem crearunt Metium Sufferium. Hic colloquio inito persuasit Romanis, ut sine magna clade utri utris imperent decerneretur. Selecti sunt in utroque exercitu tergemini fratres Horatii & Curiatii, qui pro sua quisque patria dimicarent, ea lege, ibi imperium fore, unde victoria fuerit. Accepta conditione fœdus istum de hac re inter Romanos & Albanos, ut cujus cives eo certamine vicissent, is alteri populo cum bona pace imperitaret. Tum Fetialis post alia rogat regem romanum: *Rex facisne me nuntium regium populi*



*puli romani Quiritium?* Rex respondit: *Quod sine fraude mea populi Romani Quiritium fiat, facio.* Vbi patet regis & populi Romani nomine fœdus iniri, patribus fere subauditis. Similia his Livii narratis *Hist. Lib. I. c. 24. habentur c. 28. c. 32. c. 37. &c.*

## §. 118.

*Analogia regni popularis & senatorii.*

*Generatim ratione generis eadem, ratione differentie similia valent de regno populari, atque de regno senatorio præcepimus, surrogando debite statum popularem statui optimatum.* Est enim regnum populare æque ac senatorium status reip. biformis (§. 21.) vel civitas biformis. Vtriusque forma communis & primaria est regnum (§. 116. 101. & 75.) Vnde quæcunque in genere de regno, & ex genere regni senatorii deducta sunt, eadem applicari merentur ad regnum populare, ratione generis spectatum (§. 49. *Logic.*). Ratione generis ergo eadem valent de regno populari, quæ de regno senatorio, & de regno temperato seorsum præmissa sunt.

Differt autem regnum populare a senatorio propterea, quia hoc temperatur adjuncto statu optimatum, illud vero adjuncto populari statu (§. 102. & 116.). Sed in statu populari imperium est penes universum populum, in aristocratia tantum penes nonnullos cives jure optimatum gaudentes (§. 278. & 295. & 600. *P. I. Polit.*). Quoniam tamen in regno temperando libertati civium consultum itur (§. 86.), & vel in democratiæ comitiis res communes melius per delegatos civium ordinis cujuscunque tractantur, quam per populum universum (§. 542. *P. I. Polit.*), multo magis in ordinariis negotiis publicis gerendis opus est magistratu (§. 535. *ibid.*) cum superiori tum inferiori (§. 569. *ibid.*): apparet similitudo inter aristocratiam & democratiæ, ratione libertatis civium & cavendi abusus imperii monarchici. Proinde similia ratione differentie statuenda sunt de regno populari, ac statuta fuerunt de senatorio,

modo

modo debite substituatur democratia aristoeratiæ, seu salva maneant, quæ propria sunt statui populari, abusu duntaxat sublato (§. 117.).

Est hoc principium fecundum ad deducenda inde ea, quæ in temperando regno ope status popularis observanda, præsertim si addatur & alterum illud, (§. 101.) præmissum, videlicet temperationem regni instituendam esse pro natura illius reipublicæ quæ ipsi est adjungenda. Ex his enim & generalibus temperationis legibus (§. 7. *seqq.* 74. *seqq.*) multo plura derivari possunt, quam quæ in regno senatorio inde haurire opus visum est, ne aliis plura suo Marte addendi materia deesset. Quare & hic brevitatis studio, pauca tantum attingemus.

## §. 119.

Quia ratione generis in regno populari eadem habentur curanda, quæ in senatorio (§. 118.) in senatorio autem regno præcipua forma erat regia, uti in omni regno temperato (§. 75. & 102.); in regno quoque populari majestatis regie conservanda, quanta potest, habenda est ratio (§. 76. *seqq.*). Neque minus cavendum est, ne jura populi a rege, quam ne jura regis a populo violentur minuanturque paulatim; cum potius ambo quam optime in salutem publicam congruere debeant (§. 107.). Pariter quoque hac temperatio locum habere potest, sive reges in regno eligantur, sive lege hereditaria succedant.

Argiva civitas a temporibus Inachi primi conditoris, regio paruit imperio. Ipsi tamen Argivi, ut ait *Pausanias in Corinthiacis*, ab antiquissimis temporibus æquabilis juris ac libertatis perstudiosi fuere, eoque studio ducti & ab iis, qui Diophontis partes sequuti erant, cum eo Epidaurum secesserant, incitari potestatem regiam adeo acciderunt, ut Ceso mortuo liberis & posteris ejus præter inane nomen nihil reliquum fecerint. Melitam postremo capitis damnatum populus imperio spoliavit. Quia postea supremum rerum arbitrium fuit penes populum, credibile sit, jam antea democratiam regno fuisse adjunctam,

& contra nostram regulam peccasse, ut jura regia tandem fere nulla regi superessent.

## §. 120.

Quid concilio populari  
& comitiis  
assignandum  
sit?

Idcirco, quæ optimatibus in regno senatorio, ea conferenda sunt in regno populari vel concilio e populo selecto, vel comitiis populi ob res gravioris momenti stato tempore celebrandis; nisi necessitas quidquam extra ordinem requirat. In regno populari tantum ea, quæ strui populari debentur, rite substituenda sunt illis, quæ in regno senatorio optimatibus tribuenda erant (§. 118.). Sed in regno senatorio optimatibus non erant tribuenda nisi illa jura summi imperii, quorum abusus regius admodum exitiosus esse potest (§. 106.). Quare nec nisi eadem jura, quibus abutens rex salutem populi in summum adduceret discrimen, ita in potestate populi esse debent, ut nisi prævio pro populi consensu iis uti possit (§. 116.). Ea igitur, quæ sæpius exercenda sunt, quam comitia agi possunt, selecto senatui populari, legibus adstricto; quæ vero non nisi e præsentis rerum facie definiri possunt, ea delegatis ad comitia populi ordinibus erunt committenda (§. 535. & 542. P. I. Polit.).

Datur & alia ratio, crebriora regni negotia, cujusmodi sunt legum custodia, tribunalia ordinum populi &c. ope legum præscriptarum in regis judiciis definiendi. Sed merito id relinquitur populi arbitrio, quibusnam causis iudices regii, & quibus populares sint præficiendi. Prouti pacto in regno temperando convenit, ita deinde res erunt tractandæ, nec permittendum, ut sensim pacto derogetur. Quænam vero sint illa, quæ populi comitiis sint definienda, patet per §. 103. seqq.

## §. 121.

Quid regi  
circa comitia  
reservandum  
sit?

Convocatio ad comitia cum ordinaria tum extraordinaria secum una cum præsidio promulgatione & executione eorum, quæ reservandum communi consensu statuta fuere, regia autoritate est facienda. Nimirum vel in Democrazia esse cujusquam debet ius secundum leges



ges comitia indicendi consultanda, proponendi, sententias colligendi, concludendi decreta & publicandi (§. 549. *seqq.* P. I. *Polit.*). Quamobrem quia in regno populari majestas regia conservanda est, quantum sine noxa fieri potest (§. 119.); convocatio vero legitima, ipsumque praesidium comitiorum & decretorum promulgatio executioque eadem sunt, quæ vel in statu prorsus populari fieri debent, neque eidem nocere possunt: manifestum est, hæc ratione comitiorum regi esse relinquenda, ideoque illa omnia non nisi regia autoritate vel regio nomine esse publice peragenda & executioni danda (§. 81. *seq.*).

Arguit scilicet formam regiam non solum regium nomen, sed res ipsa, autoritasque, qua majestas h. e. summa & potentia & potestas denotatur. In regno igitur populari ne vanum esse nomen regium intelligatur, publica & solennia praesertim quæque negotia & in illis, quæ populo placuere & sine pravio illius consensu fieri nequeunt, recte traduntur regiae majestati ad salutem publicam regio nomine curanda & expedienda. Rationes id ipsum exigentes, indicavimus, ubi de regno temperando egimus (§. 76-83.).

## §. 122.

*Quæ seorsum in temperando regno fieri posse ostendimus, ea quoque Dari potest que conjunctim locum habere in regni mixtione triformi, vel in regno regnum triformi, facile dispalescit. Si enim non repugnat, exercitium quorundam jurium summi imperii reservari regi, aliorum vero conferri vel in optimates vel in populum universum (§. 21.): nulla dari poterit ratio, cur repugnaret, ista ita conjungi, ut quod in biformi regno uni separatim, idem in triformi duabus simul conferatur exercendum. Constat enim ex simplicium formarum indole, idem summum imperium, quod in aristocratia penes paucos optimates est, in democratia esse penes populum universum. Si vero & in democratia aliorum juri-*

um exercitium senatui superiori, aliorum inferiori traditur, aliorum denique comitiis populi recte reservatur (§. 569. & 555. *seq. P. I. Polit.*): patet evidenter, hoc idem esse, ac si optimatum ea sint, quæ senatui, populi vero ea, quæ comitiis sunt regenda definiendaque.

Sicut civitas e duabus formis inter se mixtis composita, dicitur biformis, ita & regnum bifforme salutare potest, in quo miscentur duæ formæ, addita scilicet regis formæ vel Aristocratia vel democratia: ita & civitas triformis est, quæ & aristocratiam & democratiam monarchiæ habet copulatam. Hinc si regnum in triformi civitate sit forma primaria, retinebitur nomen regni (§. 315. *P. I. Polit.*): nec tamen immerito triforme diceretur, quia ipsi triplex forma inest, regia, aristocratica & democratica. Danda erit venia vocabulis, non quidem usitatis, ob neglectam harum varietatum considerationem, rei tamen naturæ, quantum licuit conformatis. Cui plura nomina magis arrident, is dicere poterit regnum aristocratice & democratice vel populariter temperatum, vel regnum, cui & optimatum & populare imperium est adjunctum.

## §. 123.

**Regnum triforme bifariam regi potest.**

*Triformis regni jura vel ita sunt divisa, ut nulli forme in alterius jura quidquam liceat; vel secundaria conjunctim eadem habent & exercent jura per primariam exsequenda. Imperium enim publicum varia complectitur jura a se invicem separabilia & personis diversis tribuenda (§. 61. *P. VIII. Jur. nat.*). Quia populus vel omnia sibi retinere, vel aliqua in alium & alios certa lege transferre potest (§. 58. & 64. *ibid.*), ut & divisa quæque in se maneant summa (§. 65. *ibid.*); item ut imperium plenum ex parte limitatum sit, ex reliqua parte absolutum (§. 68. *ibid.*): regnum quoque per imperii vel divisionem vel limitationem temperari poterit consensu populi regisque, sive eligendi semper, sive jure hæreditario successuri (§. 138. *seq. ibid.*). Si jura*

jura imperii inter diversas ejus formas simplices sint divisa, unaquæque sua exercebit suo nomine, legibus in salutem publicam collineantibus, itaque eatenus nulli formæ quidquam in alterius jura licebit.

Si vero formæ secundariæ communia habeant jura, opus erit ut communi consensu illa in salutem publicam administrent, & tunc neutra sine altera quidquam definire poterit, item ambæ sine tertia in communibus juribus nihil expedient, tertia tamen primaria limitatione ipsa consentire in illa obligatur, quæ ambabus arrisere. Proinde secundariæ in triformi regno formæ conjunctim sua exercebunt jura summi imperii suæque formabunt decreta, per regiam majestatem exsequenda (§. 81. seq.).

Liceat hæc illustrare imperio privato domestico. Illud potest exercere vel solus paterfamilias, vel isto defuncto sola materfamilias. Potest vero idem quoque in communione utriusque esse, aut divisim alia jura patri, alia matrifamilias esse, prout solus domestica requisivit, & aliis melius pater, aliis materfamilias melius præesse potest. Sicut in communione imperii domestici omnia communi consensu utriusque in domo gerenda sunt; ita in divisione paterfamilias æque ac materfamilias suas imperii partes suo nomine & arbitrato peragit. Vel si tres fratres patrimonio communi præsunt, aut communi consensu omnia gerent, aut quisque seorsum sed in commune commodum, quæ melius cæteris caller. Itaque quoque tres illæ formæ simplices in regno triformi vel conjunctim administrant jura illa, quorum abusus est exitiosissimus, vel unaquæque sua exerceat secundum leges præscriptas suo nomine, in quo exercitio reliquis est adquiescendum, sua similiter in commune bonum administrantibus. Exempli gratia in regno magnæ Britanniæ Concilium regni inferius tributa sciscit & abrogat, quæ a concilio superiori & rege admittuntur; idem accusat criminum publicorum reos, quos pro re nata damnat & absolvit concilium

(*Wolffii Politicæ P. II. C. II.*)

Q

supe.



Superius summa judicia quævis exercens. Vtroque casu optimates tuendis & regiis juribus contra populum, & populi contra regem operam ratedabunt.

## §. 124.

*Tripartita in  
regno jura  
imperii.*

Inter modos jura summa inter tres formas dividendi, is naturalis convenientissimus est, quo omnibus communia sacra tributa & onera relinquantur placitis decisionique status popularis; judiciorum & legum potius cura optimatibus; expeditio vero decretorum ab ordinibus regni, & jura majestatis innocua regi. Populus enim libertatem conscientiae & civilem amat; item onera & tributa maxime sentit & præstare debet, quod nemo ignorat. Ideo æquum est, ut de eorum necessitate & utilitate convictus, sponte illa amplectatur decernat & subeat, quamdiu intelligit illa flagitare salutem publicam. Jura igitur de communibus sacris, tributis & oneribus, & quæ cum his rite applicandis connexa sunt statuerendi, merito relinquuntur populo universo.

Legum autem ferendarum aut mutandarum ratio scientiam requirit juris, Politicæ, aliarumque rerum, quæ in vulgo populi non datur, sed intellectum requirit haud vulgarem & probe excultum, qualis esse debet optimatum (§ 560 & 605 P. I. Polit.). Licet igitur in rebus populo perspectioribus & ad populi salutem facientibus & in transgressoribus sublimioris fortis accusandis audiendus quoque sit populus, vel & iustitiam dari in legibus statuendis possit; attamen in rebus publicis difficilioribus & majoris momenti nemo veris optimatibus rectius de legibus, earumque rationibus & applicatione ad facta civium dijudicanda censebit. Porior igitur legum judiciorumque cura naturaliter optimatibus debetur.

Quoniam usus jurium majestatis innocuus. & expeditio ab ordinibus decretorum regiae majestati silvus esse debet (§ 79. & 81. seq.), idem quoque in regno uniformi est institutum.

dum, ne regni dignitas evilescat (§. 83.), & sola nocitura avertantur (§. 85.).

Si usquam, & publice in regno temperato suum cuique est tribuendum. Id vero potest in publicis suum cuique dici, ad quod ipse præ cæteris natus, destinatusque est, in quo excellit, & sicut plurimum præstare potest, ita & debet vi pacti initium civitate, vel cum regno in nostro casu. Jam quid majestatis regię sit, quomodo illa exserenda sit & tuenda, id nemo melius callet ipso rege, vel nato & educato in parentum & majorum regio bene imperandi habitu ac splendore, vel electo quidem, sed decessorum vicinorumque optimis exemplis, institutisque tabulariis instructo, ad quæ arcana aditus aliis non patet. Præstantissimorum in quovis scientiarum genere viro- rum est perspicientia rerum abstrusarum in rebus cum civilibus & moralibus, tum naturalibus & sacris quoque supernaturalibus, quibus salutis publicæ consuli quam optime potest, quæ pinguioris rudiorisque ingeniorum multitudinis captum transcendunt. Hi vel inter regis administratos, vel inter optimates suum sortiuntur locum, in quo suum esse deprehendunt, ut pacti religione id quoque optime salutis publicæ causa agant, quod ipsis nemo rectius agere valet in rebus, acumen, profunditatem, scientiam & prudentiam prospicientiamque haud vulgarem requirentibus. Populi denique in rebus ad varia vitæ ignobilioris genera pertinentibus peritia & experientia est, qua privæ fortunæ multitudinis consulendum, qua nec rex nec optimates indigent & æque imbuti esse possunt. Idem ille populus & sumtus in res publicas expediendas conferre & æstimare potest, tum ex iis, qui in rem familiarem faciendi sunt, tum ex calculis, in similibus præsentibusque impendiis subductis populo exhibendis, & facillimis captu. Cum igitur populi sit salus, cujus causa sumtus sunt necessarii, cum ipse sumtus conferre debeat, cum & omnium sit salutis æternæ cura, libertatem religionis poscens: obscurum esse nequit, cur sacrorum, tributorum cæterorumque onerum jura populi sint, & ab eo,

quæ meliora esse deprehendunt, sponte sint eligenda atque præstanda. Dispiciant alii num his respondeant, quæ *Arniseus* in mente habuit *Lib. II. Reb. pol. c. 6. Sect. I.* scribens: mixtio ita posset institui, ut penes regem belli & pacis jus maneat, tributa imperandi monetam cudendi & præmia distribuendi; senatus occupetur in judiciis, mores legibus reformet & jus vitæ necisque habeat; populus vero ærario præficiatur & magistratuum creatione gaudeat, singuli de rebus & officiis sibi commissis leges condant. Videor mihi hæc distinctius digessisse antequam inspexeram ejus placita. Hæc ita sese in regnis temperatis habere, penitior eorum, quæ in ipsis recepta sunt, excussio docebit. Nec ignorari potest, quæ calamitates & turbæ in regnis exortæ sint sæpe perniciosæ, quando secus res sunt tractatæ, quando religio violenter est obtrusa, quando tributis & oneribus populus est exhaustus, & ad incertam desperationemque redactus &c. Non erit igitur a scopo alienum, si præcipuorum horumque regnorum temperatorum faciem, cum ad præcedentia confirmanda, tum ad alia simul & pro arbitrio mutata addenda, more *Aristotelis Lib. II. Polit.* Celebriores sui ævi respublicas percontantis, breviter ob oculos ponamus, postquam præmiserimus pauca, quæ præmonenda restant.

## §. 125.

Quid requirant bipartita regni triformis jura?

Sicubi formarum secundariarum communia sunt jura, ibi, quomodocunque ordines regni dirimantur & in suffragia eant, congregatis & proponenda erunt, de quibus ipsis sciendum est, nec nisi communis consensu decernenda erunt, quæ in regno observanda sint; & ut pares his, sint ordines inferiores consiliis & decretis rite formandis, vel ex ipsismet petendi erunt probe ad hæc exculti, vel adsciscendi ex ordinibus amicis oratores jurisque consulti. Sicubi enim communia sunt formarum secundariarum jura summi imperii, una earum sine altera nihil concludere potest (§. 123); ideoque ut in quavis alia communione vel societate, consensus requiritur sive unanimis sive majoris partis consortium ejusdem juris, quoties quid-



quidquam, quod omnes stringat, est statuendum (§. 107. P. VII. *Jur. nat.*). Quam obrem cum a rege deliberandorum præcipua argumenta sint afferenda, & decreta confirmanda atque exsequenda (§. 121.): patescit, uti in separatis juribus seorsum, ita hic ab eodem ordines esse congregandos, & congregatis materiam deliberandi exponendum. Quomodocunque igitur ordines dispecantur & seorsum consultant ac suffragia ferant; necesse tamen est, ut in id tanta suffragantium pars consentiat, quod ratum fieri debet, quanta per leges requiritur. Idcirco non nisi communi ordinum regni consensu decerni id potest, quod omnibus in regno sit observandum. Quatenus vero ordines inferiores impares per suum vitæ genus esse solent rebus arduis, nec nisi ope solidioris scientiæ perspicendis; eatenus utique necessarium est, ut vel ex ipsismet ingenia egregia erudiantur imbuanturque iis, quibus opus est, habitibus, vel ut adfiscantur ex ordinibus amicis idonei oratores, scribæ & jureconfulti, quorum opera tuto uti possint.

Quicumque in societate & communione versantur, illi eatenus ut unum corpus morale spectantur, cum & integra civitas haberi possit instar personæ singularis, in statu naturali degentis (§. 54. P. VIII. *Jur. nat.*). Quam obrem & ordines regni jura imperii communia habentes, eatenus societate gaudent, & tanquam unum spectantur collegium. Non obstat hoc jus commune, quo minus ordo superior & inferior deinde seorsum deliberent, & quod prævaluit consignent; modo sub finem operam dent, ut in iis consensus, si fieri potest, obtineat, in quibus apparuit dissensus. Ordo rusticorum in Suecia suum sibi legit oratorem, secretarium vero 4 ordines conjunctim ipsis designant.

## §. 126.

In regno triformi discernuntur merito rex, & regni ordines. Sunt enim in regno triformi tres civitatis formæ simplices,

monarchia, Aristocrata & democratia (§ 21.) & (§. 122.). Præpollet in eodem forma primaria regia, cujus caput est rex (§. 75. seqq.), qui præest regno universo. Reliquæ duæ formæ secundariæ continent eos, qui imperii quadamtenus sunt participes (§. 65.), eatenus nempe, quatenus earum ope abusus regniæ majestatis est avertendus (§. 81. 85.) Sed secundarii consortes summi imperii, synedri et vel synarchontes heterogenei, vocantur ordines regni (§. 92. not.). Vnde ordines regni a rege differre, ac meritissimo in regno temperato discerni innotescit, usu etiam stili & sermonis pro nobis faciente.

Cæpit quidem quondam in Polonia Præfulus Cujaviensis auctoritate rex primus & tertius regni ordo vocari, procul dubio. quod ordines regni mutila notione dicti sunt summi imperii participes. Vid. *Heidenstein rer. polonic. p. 53.* & celeb. *G. Lengnichii Jus publ. regni Polon. L. II. c. 1. §. 3.* attamen facile perspicuum fuit ab aliis unum quemdam invita qualibet lingua ordinem, qui multitudinem infert, nominari. Proinde ordines regni tanquam secundarii consortes summi imperii, & quidem ex alia civitatis forma petiti, & inferiores status (nostratibus *Reichsstände*) non sunt regi adæquandi, neque confundendi cum collegiis regni in dyarchiis, triarchiis, Tetrarchiis &c. (§. 67. S. P. I. Polit.). Tamen si enim collegæ secundarii tantum forent, sunt semper ejusdem non diversæ formæ civitatis consortes imperii, ideoque synarchi homogenei, non heterogenei, de quibus hic loquimur. Inde nec principes optimatum, nec demagogi aut tribuni plebis dici possunt.

## §. 127.

Divisio ordinum imperii vel regni.

Pro arbitratu populi ordines regni constitui possunt in temperato regno triformi duo tantum, aut plures v. c. tres, quatuor &c. modo sua cuique jura rite assignentur, & ut ea salva maneant prudenter caveantur. Ordines enim regni sunt heterogenei consortes imperii summi, iique secundarii (§. 126.). Facile igitur patet, dividi illos posse in

in optimates & populum; vel in superiorem & inferiorem ordinem. Qui duo ordines cum alias admittere possint divisiones, verbi causa, ordinem secularem & clericum; nobilem & ignobilem, civilem & rusticum; pro lubitu etiam tres, quatuor & plures regni ordines institui possunt.

Nisi sua cuique jura pacto assignentur, quæ optime callet (§ 124), quilibet ordo sibi arrogabit omnia & sic discordiæ semina factionibus & eversioni temperationis locum dabunt. Si vero cuique sua jura, quibus optime præesse possit, sint assignata, sed non relinquuntur ea ipsis salva (§. 123), verum alius alium contemnit, sibi in illum imperium injuste arrogat (§. 66.), non possunt non inde oriri querelæ, simultatesque in bellum intestinum, vel formæ interitum vergentes. Prudenter igitur cavendum est, ne inter ordines discordia oriatur, sed sua cuique jura salva sint, & in communem salutem omnes ex æquo connitantur. (§. 66.).

Ita Romæ olim erant duo ordines, senatorius vel patritius & plebejus; quibus deinde interjectus est medius, equestris. Polonia regnum duos agnoscit ordines, senatorium & equestrem, ad quos una cum rege cura publicæ rei pertinet, & quibus intercedendi iis, quæ rex vellet, jus est. Ordini equestri subjunguntur quædam civitates, præsertim in regia electione. Ordines imperii germanici habentur tres, scilicet senatus seu collegium Electorum (der Churfürsten Rath, Principum (der Fürsten Rath), & Civitatum (der Reichs Städte). Ordines Regni Galliæ itidem antea tres fuere, clericorum, nobilium & civium; qui & in Regno Hispaniæ Lusitanique habentur. Angliæ ordines regni quidem simili modo dispescuntur; in comitiis tamen nobiles primarii ecclesiastici & sæculares curiam superiorem (das Oberhaus, & nobiles secundarii cum civibus curiam inferioriorem (das Unterhaus) conficiunt. Regnum Hungariæ gaudet ordine 1) præfulum, vulgo Prælatorum, 2) magnatum sæcularium; 3) liberarum civitatum & nobilium. Sueciæ ordi-

nes



nes regni sunt quatuor, Nobilium (der Ritterschaft und des Adels), Sacerdotum (der Priesterschaft); Civium der Bürger-schaft & rusticorum (des Bauern-Standes). Olim Athenis Theseus tres classes fecerat, patritiorum, agricularum & opificum; Erechtheus constituerat 4, tribus armatorum, opificum, agricularum & caprariorum; Solon vero ex censu populum in 4. classes diremit. Spartæ erant Reges, senatus & concio populi cum ephoris suis; Carthaginiensibus suffetes, senatus, & concilium populi; sed has præstat accensere rebus publicis.

## §. 128.

*Ad quenam* In regno triforini exercitium imperii in rebus arduis, quæ sentiri in regno triforini leges que; ad eas vero, de quibus non nisi ex præsentis rerum facie iudicium vel comitia fieri potest, consensus ordinum in comitiis requiritur. Si enim imperium limitatur, ejus exercitium certis legibus adstringitur in iis, quæ semper eodem modo fieri possunt, ad ea vero, de quibus non nisi ex præsentis tempore iudicium fieri potest, utrum sint e re civitatis, nec ne, consensus vel universi populi, vel certorum quorundam ex populo requiritur (§. 74. P. VIII. Jur. nat). Sed regnum triforme limitatur bifariam ope adjunctæ Aristocratiae & Democratiae (§. 122.); & in eadem quoque alia semper eodem modo fieri, alia non nisi e re præsentis definiri possunt. Ea propter in regno triforini quoque priora sunt legibus sacratis & regiis ita subjicienda, ut irritum sit, si quid secus fiat; posteriora vero comitiis reservanda, ut ibi ordinum consensu rite decernantur.

De legibus sacratis tenendum est, eas Romanis fuisse, quibus sanctum est, ut caput ejus, qui quid adversus eas fecerit, consecratur alicui deorum cum familia pecuniaque; item quibus libertas civium & tribunorum plebis sancita est. De quibus Cicero in fragm. pro Cornel. tanta, inquit, in illis virtus fuit, ut anno 16 post reges exactos, propter nimiam dominationem potentium secederent, leges sacratas ipsi sibi restituerent, duos tribunos

hunos crearent, montemque illum trans Anienem æternæ memoriæ causa consecrarent. „Quatenus & regi ejusque ministris „regendi regnum ratio præscribitur, eatenus & regias vel regiminis leges illas dicere liceret, quæ modum bene imperandi „præscribunt.

## §. 129.

*Sacrata hæ leges vel perpetuæ sunt, vel subinde ubi reges eliguntur, novæ præscribuntur.* Continent enim leges sacratæ sunt perpetuam eorum, quæ in regno salutis publicæ causa semper eodem modo fieri possunt (§. 128.), & rex ad earum observantiam obligatur (§. 75. seqq. P. VIII. Jur. nat.). Quia pro voluntate totius populi sive omnium ordinum in regno habetur quidquid cum illis legibus convenit (§. 161. *ibid.*); & leges illæ populi consensu mutari possunt, salvo rectoris civitatis jure (§. 75. *ibid.*): a voluntate ordinum regni dependet, utrum & quas leges fundamentales velit esse perpetuas, & quas subinde præstet mutari (§. 277. *ibid.*). Quare si quas leges cardinales ordines regni bene statuerint perpetuas, hæ semper manebunt eadem, nec indigebunt mutatione. Quas autem animadvertent subinde aliter aliterque esse instruendas, eas personis temporibusque accommodabunt, & præsertim novo rege electo variabunt, prout usu venire videmus.

In imperio romano germanico ejusmodi lex cardinalis est *capitulatio Cæsarea*, quæ inde a Carolo V. cum electo novo imperatore usque adhuc inita est conventio jurata de modo regiminis futuri. Quarum formulas passim typis exscriptas, & a Müllenero quoque in *Capitulatione harmonica* comparatas invicem esse novimus cum Josephina. Agitata quidem sunt non semel consilia de capitulatione perpetua, communi totius imperii consilio sancienda, nec in his nisi eodem consilio mutanda; sed irritò hæcenus successu. In Polonia hæ leges ab anno 1573. appellantur *pacta conventa*, quia non sunt nisi conventiones inter regem novum & ordines, quibus & rex & ordines obligantur.

tur. Inferuntur illa Constitutionibus Regni, in quarum Collectionibus inspicere possunt. Continent hæc parta *legem commissoriam*, qua incolæ regni utriusque gentis ab obedientia & fide regi debita liberi declarantur, nisi rex impleat promissa, sed jus jurandum violat. Addita tamen est explicatio, jura & immunitates non violatas existimandas esse, si per errorem humanum rex contra eas quidquam admitteret, sed si volens & sciens eas vi opprimeret, aut per contemptum & temeritatem in dubium vocaret, ut admonitione senatus ordinumque nihil effici posset. Vid. *Heidenstein rer. polon. p. 40. & in Volum. Constitut. A. 1576. Tit. declaratio articuli de obedientia*. Hæ leges regiminis publici formam præscribentes juris publici peculiari & proprii magnam partem complectuntur.

## §. 130.

*Comitia quoque vel interrupta stant tamen sunt vel perpetua.*

*Comitia quoque regni vel statis temporibus, solitis aut insolitis a rege indicenda, vel perpetuo ipsius auspiciis celebranda sunt.* Illa enim negotia publica, de quibus cujusmodi sunt futura, prævideri nequit, e præsentis rerum indole communi regis & ordinum consensu in comitiis sunt decernenda (§ 128.). Quapropter comitia sunt habenda, indicenda & peragenda in regno quamvis temperato regia autoritate (§. 121.). Quia haberi non possunt nisi suis locis temporibusque; ambo vero vel possunt majoris commoditatis causa rata & fixa esse, vel necessitate jubente extraordinaria: dispalescit, comitia regni vel statis locis & temporibus solitis, vel insolitis necessitatibus ergo esse frequentanda. Denique iniri quoque quædam ratio potest, perpetuandi comitia, ut paucis deputatis, in locis comitiorum commorantibus sine ullo sumtu oneroso, mandata submittantur de emergentibus rebus novis, secundum quæ ipsis suffragia sint ferenda. Quo nihil potest fieri compendiosius, celerum & cursuum publicorum ope.

Ita in Anglia comitia a rege, si vivit, indicuntur, prorogantur, dissolvuntur, durantque in triennium usque immo quia in novis



novis comitia sæpe alii sunt ordinum sensus, præcedentibus ob-  
luctantes, vel in septennium continuata habentur. Vivente re-  
ge Poloniæ, ordines ab ipso ad comitia convocantur tum ordi-  
naria, quovis biennio celebranda, tum extraordinaria, quæ or-  
dine explicat *Ienginchii Jus Polonia publicum* L. II. c. 12. §. 1-7.  
Perpetuorum Comitiorum exemplum Germania dudum sistit in  
Comitiis Ratisbonensibus, quæ antea *pact. Osnabrugensi Art. 8.*  
§. 3. toties habenda statuebantur, quoties publica utilitas aut  
necessitas postulaverit. Postea placuit, ut quovis sexennio ha-  
berentur. Sed auctis rebus, de quibus in comitiis agendum, &  
ut sumtibus parceretur, continuari ea minori sumtu placuit per-  
sapienter. Pergamus ad reliqua hujus imperii momenta!

## §. 131.

*Enarrare temperationem imperii romano-germanici ratione ju- Qualis sit  
rii divisi. Gaudet Germania imperio senatorio, vel mix- temperatio  
to ex Monarchia & Aristocratiâ, (§ 101. not.) quanquam nec imperii ger-  
manici. nisi verbis discrepant, qui ipsi non nihil democratix adjun-  
gant, propter nobiles immediatos & civitates imperiales, ut  
sic imperium triforme dici possit (§. 120-130).*

I) Præcipua imperatoris reservata (*Kaiserliche Hoheiten  
und Vorrechte*) sunt, in quorum nempe communionem ordi-  
nes imperii non sunt admissi 1) Majestas cæsarea vel impera-  
toria, quam venerantur ordines, ut potestatem, cui subsunt,  
& qua omnia administrantur expediunturque, quæ imperio  
universo tribuenda sunt.

Ihuc refertur in civilibus cura quietis & salutis publicæ, ne  
quid illa detrimenti capiat, jus in comitiis proponendi, dirigen-  
di, concludendi, publicandi & expediendi conclusa suo nomine;  
recipiendi legatos & mittendi extra ordinem; constituendi &  
conferendi archiofficia & officia imperii civilia & militaria, au-  
la & judiciorum intra & extra Germaniam; tribuendi dignita-  
tes majores & minores, regum, Principum, archiducum, du-  
cum, comitum varii generis, baronum, nobilium & equitum,

& communicandi cum regibus & principibus &c. potestatem creandi se inferiores; jus investiendi, vel solenniter tribuendi feuda imperii tam sæcularia quam ecclesiastica; concessio privilegiorum imperialium veniæ ætatis, legitimandi vel abolendi maculam natalium, restituendi famam, relaxandi post satisfactionem bannum imperii, dandi moratoria, protectoria, concedendi nundinis generales solennesque, jus postarum generale, potestas suprema judiciaria, jus statuendi de controversiis circa feuda regalia & controversias ordinum imperii circa jus præcedendi, vectigalia, & privilegia; jus fisci, redditus metalli fodinarum aliis non concessarum &c.

II) Tutela sacrorum & jurisdictio externa pactis consentanea; quorsum & refertur jus convocandi dirigendique concilia totius imperii, & cohibendi pontificem atque episcopos, ne jurisdictione sua abutantur; item jus circa constitutionem archiepiscoporum, episcoporum & abbatum; jus primariorum precum, &c. III) Jus prævio omnium ordinum consensu leges imperii ferendi, bellum decernendi, gerendique pacem fœdera & inducias pangendi, exigendi subsidia bellicæ expeditionis ergo recepta, legatorum nomine imperii mittendorum, alienandi & oppignorandi res imperii, eligendi regem romanum, evehendi in electorem, circa comitia, moderationem vel remissionem (matriculæ) tribuendorum, circa reformationem justitiæ & politiæ, circa tribunal imperii, quod camera vulgo dicitur, circa monetam, circa munera directorum in collegiis imperii, circa (bannum) proscriptionem imperii & circa suspensionem vel exclusionem a sessione & suffragio in comitiis &c. IV) Jus prævio tantum electorum consensu instituendi, augendi vel prorogandi vectigalia, cui accessit connexum jus stapulæ & geranii; jus aliis dandi majora feuda imperii aperta; concedendi privilegium cudendæ monetæ, indicendi comitia & præconsultandi &c.

Res imperii in Comitiiis ita tractantur, ut illis præsideat Commissarius Imperatoris principalis, deliberanda in medio ponens. Collegium electorale, cujus Præsides est Moguntinus, plurium consensu unum format suffragium; Collegium principum, cui alternatim Præsidem dat, Austrea & Salisburgum conficit secundum, & Collegium urbium imperialium tertium suffragium. Ubi ob religionem Catholici & Aug. Confessioni addicti in diversa abeunt, non valent plura suffragia, sed amica utendum est compositione per §. 19. *Pacis Osnabrugensis*. In re manifesta imploratur imperatoria Majestas &c.

Hauriri hæc uberius possunt ex autoribus, qui Jus publicum imperii Rom. Germ. typis exscriptum edidere. Id tantum hic videtur esse submonendum, ex indole democraticæ amphoris notum esse, vix unquam in ea omnes pro civibus haberi, neque omnes cives ad comitia confluere (§. 541. *P. I. Politic.*), ideo eam & ibi dari, ubi non nisi delecti ex populo jus comitiorum bona cum voluntate cæterorum habent, & omnium loco agunt (§. 542. *ibid.*). Civis autem vel latius dicitur quilibet homo in societatem civilem receptus (§. 6. *P. VIII. Jur. nat.*), vel strictius, quando peregrinis, incolis, servis &c. opponuntur, membrum civitatis (§. 7. 8. *ibid.*) vel consors juris imperandi (§. 518. *not. P. I. Polit. confer. 523. ibid.*). Si ergo jure & nomine populi vel in democratica non gaudent nisi qui ex pacto consortes juris imperandi sunt (§. 514. *ibid.*) infimus ordo eorum, qui participes sunt Imperii, in formam mixta loco civitatis popularis haberi possunt, dum eminentiores optimatum loco habentur. Hinc quod de antiquis Germanis *Tacitus de Moribus Germanor. c. 11.* refert: de minoribus rebus principes consultant, de majoribus omnes, ita tamen, ut ea quoque quorum penes plebem arbitrium est, apud principes pertractentur; idem & recentiori ætate de Germaniæ imperio censent *Thuanus, Hotomannus & H. de Cocceji*, cujus *Jurispubl. prudentia C. VII. n. 8.* hæc sunt verba: Hoc Germaniæ regnum vere est & dicitur Monarchicum, sed ita, ut a prima origine sua mixtum fuerit ex populari, opti-



matum, & qui deinde accessit, regio statu. „Mixturem non administrationis sed formarum ostendit hoc, quod administrator tantum jure & nomine alterius agit, ejus voluntas ipsi pro norma est; sed in Germania non minus procures populusque, quam Cæsar & jure & nomine proprio in negotiis comitialibus utuntur, monente *J. M. Langgut in animadv. ad cit. locum.* In his quippe nec imperator solus invitis ordinibus; nec ordines invito Cæsare valide quidquam statuendi potestate gaudere. Id liquet, inquit *F. L. de Berger in animadvers. ad Coccejum, b. l.* Imperatorem nil nisi statibus, & hos nil nisi imperatore consentiente circa negotia imperii comitialia statuere posse. Qui ad democratiæ omnis populi confluxum saltem delectos ad quævis comitia delegatos requirunt, illi cum *Carpzovio in Comm. ad Leg. reg. c. 17. sect. 9.* *Hornio in Jur. publ. rom. germ. c. 14. §. 5.* & *B. de Zech im Europ. Herolde fol. 447.* Monarchiam Aristocratiam temperatam in illo statuunt. Hinc merito non audiuntur, qui cum *Bodino Lynceo & Arniseo* nimium Imperatori detrahunt & Aristocratiam prævalere; vel qui corporum civitatum irregulare cum *Pufendorfso* quærent in hoc imperio, vel cum *Reinkingio* unam putant esse Monarchiam.

## §. 132.

Quomodo limitetur imperium Turcicum seu Ottomanicum.

Magni Mahometanorum Sultani qui Imperatoris titulo gaudet, imperium est adeo absolutum, ut de vita & bonis omnium etiam consanguineorum, ipsiusque vel ministrorum principis, quem Magnum dicunt Vezirum, & Pontificis summi, Muffi, pro lubitu statuatur, & fisco suo hæc addicat. At tamen jurare idem obligatur imperium aditurus, se leges Mahometis & fidem Muselmannonum sancte esse servaturum tuturumque. Præterea sæpius contingit, ut displicens pediculus jenizariarum copiis, vel imperio vel vita exueretur, & alius e familia imperatoria princeps in ejus locum sufficeretur. Quare patet, militari vi & jura successionis agnatorum turbari, etque absolutum imperatorem ita subesse, ut impunitas publica certo

certa sit, eoque nomine haud immerito jure an injuria impuni limitatum dici possit imperium copiarum pedestrium arbitrato. Vtitur idcirco potissimum imperator ministrorum principe seu Primace, in quem & pacis & belli tempore culpam ejus, quod in imperio reprehenditur, ipsumque infelicem belli aut praelii exitum, si ejus causa milites exacerbati sunt, devolvat, ipsiusque morte iram illorum demulceat expierque. Id remedium tamen non semper valuisse, historia docet. Vnde constat, parum tutam esse absolutam potestatem, ignorantia licet & summa superstitione, proximorum consanguineorum filiorumque seu interemptione seu captivitate, dignitate precaria, emunctio- ne & obligatione locupletum, divitias suas fisco imperatorio legandi, fato stoico, asiatico auxilio, aliisque suffultam insti- tutis, ad augendam semper potentiam imperii comparatis

Fertur enim Musa Zelebis Solimannum fratrem imperio & vita privasse, qui vicissim a fratre Muhamede III pariter est sublatu. Vnde odium & durities erga fratres &c. invaluit. Orhmanes II. a prætorianis Jenizariis strangulatus est A. 1622; Mustapha patruo in ejus locum electo. Qui iterum imperio privatus ab ipsis fuit Amurathe IV. adolescente Orhmannis fra- tre ad imperium evecto. Postea Ibrahim 1645 itidem a mili- tibus prætorianis strangulatus est instinctu Mustii. Simile fa- tum expertus est Mahometh IV. A. 1687. Mustapha II. 1703. & Achmeth III. 1733. Eccui istiusmodi fata optes? *Busbe- quius* inde refert *Ep. I.* prætorianos illos petendorum congiario- rum avidissimos, si recusantur, confestim ingeminare, salvus frater sit, Fratrem Deus nobis servet, quibus illum imperio ab ipsis destinari haud obscure testantur. Inde fratrum fre- quentia fuere parricidia. Eandem ob rationem nec filiorum adul- torum quisquam vivo patre intra Constantinopolis mœnia pe- dem inferre jubetur: teste, *Ejusdem Epist. 2.* similiter filia im- peratoris 4 vel 5 ætatis anno Beglerbego cuidam despondentur, adjectis nuptiarum ritibus, quem curam educationis ipsius ge-  
rere

rere oportet, ut salva virginitates 5. & plurium maritorum sponsæ aulæ potissimo, fiant. Aliæ tamen & magno Vezirio, in matrimonium dantur. Quod milites prætoriani sibi sumunt, idem interdum populus Constantinopolitanus usurpar, uti A. 1737. minatus est necem Sultano ejusque Ministris, narrante *Fama Europæa illius anni p. 241.* ut alia taceam. Quare si non de jure, ipso tamen facto adsunt, quæ absolutæ potestati limites ponunt. Recentiora nunc imperantis Osmanni (Ottomanni) III. primordia regiminis docent nos, imperium Ottomannicum non tam successione, quam electione obtineri. Mortuo enim Mahomete V. a. 1754. d. 13. Dec. eodem die proceres, summus minister (Magnus Vezirius), Dux Triariorum (Aga Gezariorum) cum reliquis militiæ præcipuis ducibus, Pontifex summus (Musti) cum aliis pontificibus, summus Cancellarius (Reis Effendi), Protothesaurarius (Testerdar), summus claustrum dux &c. illico de eligendo successore congregati sunt, & sacerdotum quidem ordini arrisit primum Mahometi filius Sultani 1730 abdicati; sed is accessit deinde cæterorum rationibus & suffragiis Osmannum fratrem Sultani, mortui statuentibus dignissimum successorem. Quem illico adeuntes electores salutarunt unanimi consensu electum successorem fratris modo defuncti. Deductus post aliquot dies ad inaugurationem solennem in templi suggestum, a sinistra ejus stans Musti, exclamavit Evocato e vivis Mahomete V. æternis Dei decretis electum esse Osmannum III. musulmannorum Sultanium. Dein ipsum attentus dixit. Imperator summe, gloriose monarcha, Deus Te constituit Sultanium Musulmannorum (quod est orthodoxorum) Sis legibus addictus, & prosperabitur imperium tuum! Deinde ad populum conversus, en, ait, quem Deus in æternis decretis suis Vobis præesse jussit, ipse servabit leges, vos ipsi eritis fideles. Accingens illi acinacem hortatus est, ut eo non uteretur nisi ad defensionem legis, populi & justitiæ. Oblato Corano juravit Osmannus, se legem exacte servaturum, splendorem regni tuiturum, & salutem populi amplificaturum.



## §. 133.

Imperium Russicum pariter despoticum est, *neque multo* *Quid de Rus-*  
*quietius imperio byzantino.* Quod docent non tantum seditiones *forum impe-*  
 contra Borislaum Gudnow, affinem Theodori, & ab eodem *rio habend-*  
 rerum summæ admotum a Pseudo-Demetriis excitatæ, item ab *dum?*  
 electo contra ipsum Basilio Zuskio; sed & recentiores sub Pe-  
 tro I. conspirationes, quibus & filius sic implicari se passus est,  
 ut supplicio esset dignus compertus. Attamen Petrus I. qui  
 imperatoris elogium sumisit & obtinuit, a. 1721. seqq. senatum  
 sanctiorem imperii constituit, cujus consilio uteretur, ex pro-  
 ceribus constantem, a Catharina imperatrice servatum, sub  
 Annæ vero imperio mutatum, Catharina ipsa a summo senatu,  
 sacra synodo, & ducibus militum pro jurata jam Petro fide im-  
 peratrix recepta est. Imperatricem Elisaberham a proceribus  
 imperii & prætorianis commotam fuisse ad paternum solium  
 ex testamento materno capeffendum, ipsamet publice mani-  
 festavit. Ipsa Senatum a Petro I. designatum restituit, omni  
 autoritate & potestate qua interna imperii negotia dirigenda  
 instructum, quæ ipsi tributa ab eodem fuerat; externis vero  
 negotiis Cancellarium cum procancellario adjunctisque aliis  
 præfecit. Nonnumquam pro rei necessitate ipsa imperatrix  
 interesse utrique senatui voluit; quæ omnia partes utriusque  
 senatus nonnisi Russos complectentis, in imperio saltem admi-  
 nistrando satis superque loquuntur, & quæ in posterum inde  
 sint oritura, dies docebit.

Non est hic silentio prætereundum, A. 1613. ordines impe-  
 rii, principes scilicet similes Polonorum Palatinis, (Knias) &  
 equitum procures (Bojares), instinctu cujusdam Zachariæ, sibi  
 Czarium (regem) elegisse Patriarchæ filium, Joannis Basilidis  
 nepotem, Michaellem Theodoridem (Fæderowitz). Post  
 Theodori Alexidis (Alexiewitz) mortem filii e diverso matrimo-  
 nio procreati Joannes & Petrus una regnarunt, dyarchiam con-  
 stitu-

stituentes A. 1682, donec major natu Joannes, parum proceribus placens, sponte valediceret, idem cœnobium ingressus, quod sorori germanæ Sophiæ ob excitatam conspirationem pro pœna erat incundum. Post mortem Petri II. A. 1730. Anna Iwanowna, vidua ducis Curoniæ, filia Joannis Alexievii, a proceribus constituebatur imperatrix. Cui quædam leges, potestatem ejus restringentes, primum erant præscriptæ, quæ tamen postquam adierat gubernacula, iterum abrogatæ sunt, animum tamen temperandi potentatum prodentes. A cujus ultima constitutione ferebatur imperium esse concessum sororis suæ nepoti tantum duos menses nato Joanni, filio principis Antonii Vlrici & Annæ principis Megapolitanæ, in imperatricem mox erchendæ; nisi intercessisset Elisabetha Petrovna, adjuncta potissimum prætorianis copiis. In prima enim declaratione imperii suscepti Elisabetha A. 1741. ait, se precibus fidelium subditorum ecclesiasticæ & civilis ordinis, inprimis vero prætorianorum militum adductam fuisse, ad capessendum a Patre Petro I. & matre Catharina relictum sibi imperium hæreditarium. Videtis illam germanice exhibitam in *Fama Europæa nove* P. 79. p. 644. seq. Vbi statim sequitur triduo post edita uberior deductio sui juris, e qua hic tantum inferemus articulum octavum testamenti imperatricis Catharinæ, successionem in imperio jurata ordinum imperii fide receptam, post mortem Annæ, ejusque descendentium, Elisabethæ attribuentis, quem ita latine reddemus: *Petrus II. improles decessit, imperium devolvetur ad Annam ejusque progeniem, & postea ad Elisabetham ipsiusque sobolem, tanquam principes imperatorias; his deficientibus ad Czarianum principem ipsiusque prolem, ita tamen ut mares semper semini præferantur* p. 646. *ibid.* Hinc infert imperatrix, inde a Petri II. morte sibi fuisse jus succedendi, ipso homagio Catharinæ præstito firmatum, non vero Annæ Iwanownæ, quæ gratis dicta fuerat a Petro post Catharinam destinata ad successionem in imperio. Id cujusmodi sit perspicui potest ex *Fama Europæa* n. 281. seq. *ao.* 1725. p. 408. ubi in hæc verba ordines jurant, se fidem & obsequium præstituros integerrime & imperatrici legitimæ Cathari-

tharinæ Alexiwnæ, & ipsius hæredibus, quos ipsa successores instituerit. Senatui imperii instaurato Elisabetha dedit senatores 14, nominatos *loc. cit. P. 70. p. 740. seq.* Cui normam regiminis præscripsit a Petro I. constitutam, una cum reliquis ejusdem, & Catharinæ, constitutionibus & corpore Juris (Sakon-niei Vlosienia), ab Alexio Michaëlide Czario 1647 promulgato, quatenus huic suæ constitutioni non repugnant. Præterea intimum elegit consilium more Patris, undecim complectens personas, in quibus illico peregrini non erant nisi princeps Hassiæ homburg. & Comes Lasci exercitus ductor, viri ambo meritissimi. Ex his cuilibet perspicuum fiet, num & quid proceribus omnium Russorum in summo imperio seu deferendo seu administrando vel sit, vel non sit tribuendum usitatumve.

## §. 134.

Sinensis imperii ratio *mixta dicatur ex Monarchia & Aristocratia.* Neque enim licet imperatori absolute statuere de rebus *De tempera- tione imperii* maximi momenti, nisi consultis imperii proceribus. Neque *Sinarum* quidquam de subditis decernit, nisi imploratus libello supplici, & prævia Collegii, cujus illius rei est discussio, sententia. Neque præmia, magistratus aliaque munera publica confert sine collegii superioris rogatu: quoniam & tributa publica atque vectigalia non inferuntur thesauro imperatorio, sed The-saurariorum ærario publico, e quo solvuntur, quæ gynecæo, liberis, eunuchis, cæterisque ministris & militibus debentur. Senatus censorius uterque, *Choli & Szuli*, imperatori suggerit, quidquid contra leges factum vel censores observant, vel ad eos defertur, ita quidem, ut ne imperatori quidem, ejusque intimis conniveant, etli vel durius accipiuntur, non desinunt tamen libellis supplicibus urgere emendationem, quamdiu medellæ locus denegatur. Quid? quod & libelli supplices cum responsis typis imprimuntur & quaquaversum in imperio distrahuntur.



Hæc tradunt quotquot de imperio Sinico memoriæ prodiderunt, quæ ipsimet experti sunt: uti *Jo. Neuhoff* & qui e societate Lojolitica hoc caput attigerunt. Referunt nempe, si imperatori, quod rarius contingit, tradatur libellus supplex, imperatorem eum remittere ad collegium, quorsum res pertinet, ut libellum examinet, & quid statuendum sit, edoceat exponatque. Jubentur inde omnes primum rem referre ad senatum, cui illiusmodi res sunt discutiendæ, cujus est adscribere suam sententiam, quam plerumque imperator confirmat & injungit, rarius mutat, quando quidpiam consultius deprehendit. Dantur autem sex diversi senatus. Primus, *Sipu* dictus, de magistratibus censet, quinam recte se gesserint, & digni sint magistratu capellendo, adscendendo altius, aut quinam puniendi vel plane excludendi. Secundus, *Hopu* vocatus, redditibus regis recipiendis erogandisque in suos usus præest. Tertius, *Limpu* rebus sacris dirigendis & scholasticis occupatur sic, ut exploret eruditorem profectus, gradus honorum merentibus tribuat, medicos & artifices ordinet, legatos recipiat expediatque, & solemnibus gratulationibus, literisque scribendis operetur. Quartus *Pimpu* est senatus militaris & bellicus, securitati regni, bellipacisque negotiis consensu imperatoris consulens, milites eorumque præfectos legens, promovens, præmiis pœnisque dignos afficiens. Quintus *Cumpu* ædilis est, inspectionem directoremque palatiorum, ædificiorumque publicorum, munimentorum, murorum, navium & classium e re publica curans. Sextus *Humpu* criminalis, maleficorum inquisitioni, damnationi, & pœnarum meritatum executioni animum curamque intendit. Licet igitur imperator, intimo amicorum, qui *Colaor*, h. e. adjutores, dicuntur, consilio utens omnia regat, & ejus nomine cuncta negotia publica expediantur; is tamen Philosophorum, e quibus senatus & collegia quævis constant, consilii, sententiarum, censuris modo supra indicato circumscribitur, ne abuti facile aut diu summa potestate possit. Accedit his Collegium, *Hun Lin yuen* dictum, permagnæ autoritatis, a quo leges, ordinationes, edicta Cæsarea, perscribuntur, colliguntur, annales impe-

imperii conduntur, cæteraque monumenta publica, ut epitaphia, inscriptionesque avidè expetuntur.

## §. 135.

Japanense imperium subegit quidem antiquos reges & De imperii  
Principes hæreditarios, qui olim veluti corpus monarchicum *Japanensis*  
circa annum 1500 constituebant, & belli evitandi causa unum *Limitatione.*  
elegit velut dictatorem *Dairum*. Qui postea a constitutis sum-  
mi belli ducibus potestate exutus est adeo, ut Taicosama circi-  
ter A. 1584. imperio potitus, ipsi Dairo solam sacrorum pote-  
statem reliquerit, cæteris regibus principibusque sibi subiectis.  
At ipse pariter ac ejus successores circumscribuntur Dairorum  
summa potestate in sacris, ut tantum in civilibus imperent, di-  
cique ibi possit, *divisum imperium cum Jove Cæsar habet*. Præter-  
ea majorem reddituum partem in vassallos & milites impendunt,  
ut ab horum arbitrio ipsorum imperium suspendi videatur.  
Neque fieri potest, quin vi derurbantes imperii hæredes, vim  
aliorum vicissim formident. Vnde quæ eventura posthac sint,  
exspektanda erunt, præsertim propter truculenter deletam  
christianam religionem, cum qua admissum forte quorundam  
crimen non fuisset confundendum.

Comparari quadamtenus potest Dairus, quem vocant Japonen-  
ses nostri sæculi, cum Pontifice romano, item Judæorum anti-  
quorum, qui regibus suæ gentis obnoxii non erant. Lieere  
imperium sacrum & civile a se invicem separare, & alii illud,  
alii hoc tribuere; aut & conjunctim utrumque uni eidemque  
dare, constat ex §. 955. P. VIII. *Jur. nat.* exemploque Judæo-  
rum, quorum jus circa siera erat penes pontificem maximum,  
& jus civile penes Regem, ut neuter ab altero in suo munere  
denderet. Cum vero necessaria non sit ejusmodi separatio  
imperii, sed utrumque simul eodem subjecto inesse possit, mani-  
festa est utriusque imperii limitatio vel restrictio, divisione ejus  
admissa; licet stricto sensu temperatum unum per alterum dici  
neque-

nequeat, quatenus jus sacrorum pariter est penes unicum hominem, ac jus summum civile (§. 3.). Conf. *Arnoldi. Montani Gesandtschaften an die Kaiser von Japan. Amstel. 1670. & Jo. Alb. de Mandelslo Morgenländische Reisebeschreibung durch Ad. Olearius 1654.*

## §. 136.

*Temperatio  
Regni An-  
gliz.*

Angliæ sive Magnæ Britanniae Regnum hæreditarium omni modo ita temperatur, ut ipse quidem rex majestate regia gaudeat, quatenus est innocua; attamen coronandus jurati secundum regni leges & privilegia se esse regnaturum; neque sine consensu senatus superioris & inferioris vel novas leges condere, vel abrogare antiquas, vel nova onera & his similia imponere valet. Quod ut distinctius pateat, consulendæ sunt leges cardinales, uti data a Joanne A. 1215. regni ordinibus magna charta libertatum, acta successionis A. 1702. & 1705. & unio cum Sæctia 1706. Præterea tenendum est, regem Angliæ 1) summa gaudere imperii Majestate & in civilibus, & in sacris reformatis, velut summum Episcopum aut pontificem maximum, a quo Episcopi omnes creantur & judicantur. 2) committi crimen læsæ majestatis vel solo consilio regicidii, conspiracyque contra ipsum, intimos ejus administratos, violatione regii sigilli, & privata monetæ fabricatione aut depravatione. 3) Vitam regis vita & bonis cujusque subditi esse tuendam. 4) Suo nomine repressalias adhibendi, bellum indicere & gerere, pacem & inducias sancire, fœdera pangere, legatosque mittere & recipere. 5) Milites conscribere & conducere, omniaque ad bellum terra marique inferendum apparare. 6) De commentu, arcibus, munimentis, portubus & subsidiis æreque publico statuere. Iplius esse 7) jus metalli fodinarum, monetæ cudendæ, peregrinæ recipiendæ aut proscribendæ, ipsiusque pretium statuendi. 8) Jus pondera & mensuras præ-



bendi. 9) Jus ordines regni, seu utrumque senatum convocandi, prorogandi & dimittendi. 10) Jus leges novas confirmandi, aut confirmationem in re dubia denegandi. 11) Jus numerum membrorum in senatu utroque augendi. 12) Jus magistratus civiles & militares præfectos legendi. 13) Jus honores feuda & gradus nobilitatis majores æque ac minores conferendi. 14) Jus condendi academias, civitates, comitatus, tribunalia, collegia, societates, hospitalia &c. 15) Jus concedendi privilegia & immunitates fidem publicam, moratoria, protectionem; 16) Jus pretia rerum & annonæ definiendi. 17) Jus protimiseos rerum quarumque, quibus indiget etiam in conducendis æquo pretio navibus curribusque, & prærogativæ ratione debitorum brevi manu consequendorum. 18) Jus summæ regni custodiæ & vindicandi regia bona etiam si in foro publico aut sub hasta vendita; vel quomodocunque possessa aut usucapta. 19) Jus abolendi sententiam & rem judicatam, quæ violat jus regis. 20) Jus supremæ hæreditatis & bonorum hæredibus destitutorum vel utcunque caducorum; 21) Jus thesaurorum sibi vindicandorum, quorum domini ignorantur, 22) Jus concilia ecclesiastica convocandi, dirigendi, & canones formandi de dogmatibus & rebus sacris. 23) Jus novos erigendi episcopatus, & antiquorum beneficia, minuendi, dividendi, augendi &c. 24) Jus pœnas ecclesiasticas sanciendo infligendi, mitigandi, remittendi, leges & ritus emendandi &c. 25) Jus dispensandi secundum æquitatem in regem assicientibus rebus, pœnis rigorosioribus, & legibus mere positivis etiam ecclesiasticis v. c. ut Episcopatus vacet cujusdam gratia, vel beneficium sacrum per vicarium possideatur. 26) Jus decidendi controversias, nullis statutis vel legibus regni definitas, item definitas pro diversa rerum indole æquius interpretandi. 27) Jus validum efficiendi contractum ipso præsentem, vel

vel in conclavi, ubi sedere in throno solet, initum, qui alias non valeret, v. c. contractum minorennium, feminarum etiam nuptiarum, quibus alias ita contrahere non permissum: dum creditur, ibi omnia sine fraude & dolo agi. 28) Jus praesentiae vel quasi in solio, unde vel absente rege nudato adsunt capite, & reverentia submisso profundius corpore solio exhibetur. 29) Jus veniam aetatis concedendi, & natales restituendi, seu illegitime natis concedendi jus legitimae nativitatis 30) jus conservandi integra jura regia sibi successoribusque, avertendique omnem eorum infractionem diminutionemque.

Quod vero attinet ad senatum regni seu ordinum (*parliament* dictum), in superiori continentur proceres seu optimi res sacri & saeculares circiter 210. diciturque *the house of Lords*, inferior autem senatus *the house of Commons*, popularis est, continens & nobiles & cives urbium, oppidorum & vicorum. jure in comitiis suffragandi gaudentium circiter 550. Temperatur itaque regnum & adjuncta Aristocratia, & Democratia, se invicem ita restringentium, ut commoda singularum obtineantur, evitentur autem incommoda, inde a millennio fere neque ratum censetur, nisi quod & utrique placuit senatui & Regi. Rex scilicet denegare consensum potest iis, quae in comitiis placuisse quidem ordinibus, sed nocitura esse regno regibusque juribus animadvertit. Procerum, qui *Lords* appellantur, curia tuetur & regia & sua jura, denegando his consensum, quae a curia inferiori contra ea fabricantur. Inferior denique curia popularis caver, ne quid populi libertati, & privilegiis adversum irrepat, ideoque talibus & consensum denegat, & violatores legum publicarum accusat, etiamsi proceres forent, vel intimi regis administri, id singulare in utroque senatu habetur, quod uti quilibet procerum suo nomine suam sententiam dicit ex fide jurata regno adstricta: ita quoque quilibet

quilibet nobilis & civis eadem religione & pro ditionis, urbis & patriæ suæ & pro regni salute libere suffragatur sine peculiari perscripto mandato, quod antea usitatum erat, & sine necessitate expectandi consensum eorum, a quibus est missus ad comitia. Duo præcipue comitiis regni collata sunt jura, scilicet leges publicas ferendi vel abrogandi pro re nata, & nova sciscendi onera ac tributa, quorum illæ libertati, hæc dominio populi derogare videntur, ideoque ipsius consensum requirunt. Includunt vero hæc duo alia plura, ita quidem ut rex consensu comitiorum demum omnia agere possit; inde & comitiorum autoritas ad omnia ea pertineat, quæ olim potuit senatus populusque romanus. Sic de bello & pace procul dubio, sed sub silentii fide, & ut concilio intimo, cui ejusmodi membra senatus utriusque insunt, qui ista melius tractare possint, quam comitiorum universitas secretiora committantur cum rege expedienda, in comitiis statui videtur. Pariter fœdera, subsidia aliis concedenda, commercia, indigenatis, peregrinis, Judæisve concedendus, summa jurisdictio, seditiosorum, perduelliumque condemnatio, restitutio famæ, & natalium purgatio, jurium & privilegiorum discussio & promerita ademptio, indemnitas & venia publica, ponderum & mensurarum, similiumque communium rerum constitutio, a comitiis pendere haud abs re dicuntur. Conf. (§. 124).

Sequi in his visum est præter *Schmausii Corpus Jur. Gent. Acad. Tom. I. p. 8. & Tom. II. p. 1157. 1160. 1174. & 1193.* & autorem *des Geist. und weltlichen Staats von Großbritannien P. I. c. 25. & 36.* notitiam Angliæ, sive *the present state of England*, by *Edw. Chamberlayne* Edit. 18. 8vo. Londin. 1694. Unde confirmatio-  
nis gratia pauca subjicere juvabit. P. II. cap. 1. hæc habentur:  
*England is such a MONARCHIE, as that, by the necessary sub-  
ordinate concurrence of the Lords and Commons in the making  
and repeating all Statutes or acts of parliament, it hath the*  
(*Wolfsi Politica P. II. C. II.*)

T

main



main advantages of an ARISTOCRACY and of a DEMOCRACY, and yet free from the disadvantages and evils of either. It is such a Monarchy, as by most admirable temperament affords very much to the industry, liberty and happiness of the subjects, and reserveth enough for the Majesty and prerogative of any King, that will own his people as subjects, not as slaves. Postea Cap. 2. dicitur: The King only and the King alone, by his royal prerogative hath power, without act of parliament, to declare war, make peace, send and receive Ambassadors, make leagues and treaties with any foreign states, give commissions for levying Men and Arms by sea and Land, or for pressing men, if need require, disposing of all magazines, ammunition, castles, fortresses, ports, Havens, ships of war, and publick monies. . . He may convoke, adjourn, prorogue, remove and dissolve parliaments; may to any bill passed by both houses, refuse to give his royal assent, &c. Post multa additur: Yet there are some things that the King of England cannot do. Rex Angliæ nihil injuste potest, and the King cannot divest himself, or his successors of any part of the royal power prerogative an authority inherent and annexed to the crown. . . By an oath of his coronation he hold himself bound, to protect and defend his people, to do justice, and to shew mercy, to preserve peace and quietness amongst them, to allow them their just Rights and liberties, to consent to the repealing of bad laws, and to the enacting of good laws. Especially he cannot without the consent of both houses of parliament make new laws, and raise new taxes, there being some odium in both of them: the one seeming to diminish the subjects liberty, and the other to infringe, his property. Therefore that all occasion of disaffection towards the King might be avoided, it was wisely contrived by our ancestors, that for both these should petitions and supplications be first made by the subject. Capite 13. de concilio regis secreto hæc leguntur: The ordinary way of government in England was by the King and his privy Council. . . The Lords and Commons have oft times transmitted matter of high moment to the King and his

riuy Council, as by long experience better able to judge of, and by secrecy and expedition better able to transact some state affairs, than all the Lords and Commons together. At present it only consult for the publik good, honour, defence, safety and benefit of the realm. Hujus concilii consilio rex convocat ad comitia, promulgat edicta & leges, examinat expeditque summa regni negotia. Legit illud rex ex prudentissimis regni proceribus & inferiori ordine, quemadmodum 34. superioris, & 11. inferioris ordinis membra ejusdem l. c. recensentur. Ut liberiora sint suffragia a postremis sit suffragandi initium, & rex ultimo concludit. Capite 14. de comitiis asseritur: When the King of England is with his parliament in time of peace, he is then said to be in the Height of his royal dignity, as well as when he is at the head of his army in time of war. There is than scarce any thing, that the King cannot do, his power cannot be confined for causes or persons within any bounds. He can with the concurrence of his Lords and Commons abrogate old laws, make new, change right and possession of private men, raise taxes, give indemnity or pardon in general, restore condemned persons and families in blood and name, legitimate one, that is born illegitimate, bastardize one, that is born by common law legitimate, that is to say, one begotten in adultery, the husband bring then within the four seas. He kan make an infant of full age, make an foreigner an english-man, can attain a man of treason, when he is dead. In a word, a parliaments authority is most absolute, and can do all, that senatus populusque romanus could do. . . Quæ verba licet non satis, ubique perspicua se mutuo sic limitant, ut concludendum fuerit, jus belli & pacis non minus pertinere ad comitia, quam seiscenda tributa, quorum maxima moles in bello requiritur. De fœderibus, auxiliis & subsidiis erogandis pari modo statuendum fuisse, & eadem docet ratio, & rationum curiæ offerendarum consuetudo. Sic quoque plura colligi potuissent ex §. 124. si hæc fuisse enarranda & recentioris historiæ monumentis corroboranda fuissent. E quibus id non prætereundum videtur A. 1751. placuisse,

cuisse, ut hæres regni in suam veniat tutelam & regni gubernacula adeat ineunte anno ætatis 18. matre antea cum addito concilio gubernante. Sufficere enim adducta possunt ad temperationem regni magnæ Britanniæ sic satis perspicendam, & ad confirmandum id, quod de adjuncta imperio romano Germanico democratia (§. 131.) attulimus, confessione libri in Angliæ toties recusi approbatique, de democratia in inferiori Angliæ senatu obvia, ubi inferior nobilitas & cives atque oppidani (*Citizens and Burghers*) occurrunt. Neque apud Romanos equites in primo ordine populi erant, sed in medio. Vnde ubi tres non sunt ordines, quia removentur a primo equites erunt in secundo, in quo & cives ingenui occurrunt, æque ac urbibus & oppidis nobiles insunt cives ut barones prope modum (*baronets*), equites geniti (*Knights*) & armigeri (*Esquires*), qui ad comitia mittuntur, & per sepe sunt post primum geniti filii ducum, Marchionum, Comitum, Vicecomitum, Baronum & equitum. Soli enim primogeniti & possessores bonorum illustrium, optimates censentur.

## §. 137.

**De Regno  
Bohemia.**

Bohemiæ Regnum olim temperatum fuit adjectis tribus ordinibus, Procerum vel baronum liberorum, nobilium & civitatum, quibus accessit quartus cleri, primus cæterorum factus. Rex quoque adstrictus erat legibus cardinalibus, in cæteris locus erat comitiis, ubi & electio regum interdum facta. Quam electionem cum sibi ordines extra ordinem vindicare vellent, & Ferdinandum II. nollent sibi præesse, sed Fridericum, Electorem Palatinum Rheni sibi regem eligerent. A. 1620. prælio victi privilegiis religionis aliisque multati sunt. Ipsum enim jus eligendi aurea bulla ipsis tantum extinctis legitimis hæredibus tribuere deprehenditur, & pace *Osnabrugensi* Art. 4. n. 55. Bohemia hæreditariis imperatoris provinciis accensetur. Confirmavit tamen Ferdinandus II. placatus ipsis A. 1626. antiqua privilegia bene parta, in his quoque jus eli-



eligendi sibi regem penitus extincta sua gente, jus comitiorum sed non nisi a se convocandorum & dirigendorum, sciendi in comitiis contributiones æquitate nitentes, suffragiorum libertatem & ordinem pristinum, eorumque collectionem ad formanda inde decreta, & quæ sunt plura circa leges & damnationem maleficorum cognita causa approbandam. Cæterum Regem Bohemiæ esse electorem imperii inter sæculares primum & archipincernam & nexu feudali eidem adstrictum, vel ex formula homagii ipsius constat. Gaudet tamen quibusdam immunitatibus & prærogativis præ cæteris Electoribus, a Friderico II. olim Premislao ob merita concessis, scilicet, ut in regno suo nulla tributi externi exactione gravaretur, nec comitiis a Cæsare indictis adesse obligetur, nisi Bambergæ, Noribergæ, Ratisbonæ aliisque locis Bohemiæ vicinis celebrentur. Sed ex Anno 1708. permissum est quod ipsi gratum fore intelligebatur, Cæsari, tanquam regi Bohemiæ, ut in Comitiis omnibus suffragio gauderet, & instar cæterorum Electorum omnium & jurium & onerum eorundem particeps esset, salvis privilegiis juribusque regni.

Quæ de Friderico II. & Premislao diximus, ea leguntur in *Dubravii Hist. Bohem. Lib. XV. ad annum 1218.* Idem imperator etiam concessit ipsis jus eligendi regem, deficientibus legitimis hæredibus regni, quod confirmavit Carolus IV. habeturque in Domini *du Mont Corpore diplomatico Tom. I. P. II. p. 246.* Posterioris verba sunt hæc: Nos itaque præfatorum Prælatorum, Ducum, principum, baronum & nobilium supplicationibus inclinati, præfatas literas approbamus, & confirmamus electionem regis Bohemiæ in casu duntaxat & eventu quibus de genealogia, progenie aut prosapia regali Bohemiæ masculus vel femella superstes nullus fuerit oriundus vel per quemcunque alium modum vacare contigerit dictum regnum. In sequentibus verbis, præter prælatos dictos mentio quoque fit *communitatis regni præfati & pertinentiarum ejusdem, ad quam dicta electio*

electio transfertur. Hinc in *auræ bulla capite 7.* ubi statuitur de principatibus, quos vacare contigerit, tandem additur: *salvis privilegiis juribus & consuetudinibus regni nostri Bohemæ super electione Regis in casu vacationis per regnicolas, qui jus habent eligendi regem Bohemæ facienda juxta continentiam eorundem privilegiorum & observatam consuetudinem diuturnam a divinis Romanorum imperatoribus seu regibus obtentorum, quibus ex hujusmodi sanctione imperiali in nullo præjudicari volumus, immo ipsa decernimus nunc & perpetuis futuris temporibus in omni suo tenore & forma indubiam tenere roborem firmitatem.* Huc etiam pertinet jus tutelæ futuri regis gerendæ. Ferdinandi II. declaratio post ordinum deprecationem & homagium sequuta legitur in *Ejusdem Corporis diplomatici Tom. V. P. II. p. 580. seqq.* in den *Satzungen und Grundgesetzen des Königreichs Böhmen.* In quibus dicitur *der geistliche Stand der erste, cujus caput est Primas Regni Archiepiscopus Pragæ; der Herren-Stand der andere, darin sitzen zuerst die Herren nach ihrem Alter, dann die Fürsten, Grafen, geheimen Räthe; der Ritterstand der dritte, darin ist der Oberste der Prager Burggraf, dann der oberste Land-Cämmerer, der oberste Land-Richter ic. der Städte-Stand der vierte ic.* Rex Matthias A. 1611. investitus Regno Bohemæ hac usus est formula: *Dan- gen bin ich erbietig gewöhnliche Gelübde und Eid zu præstiren Euro Kaiserl. Majestät und dem heiligen Römischen Reiche und solche Verleihung getreu, gewärtig und gehorsam zu seyn; Euro Kaiserl. Majestät für meinen rechten Lehn-Herrn zu halten, und alles zu thun, was einen Ers. Sceden und Churfürsten des heiligen Römischen Reichs von Rechts. und alter Gewohnheit wegen gebühret.* De readmissione Bohemæ ad paria in comiti- jura videtur *Fabri Staats-Gesetze Tom. XIII.*

## §. 138.

*De pristina  
Dania tem-  
peratione.*

Daniæ & Norwegiæ Regnum temperatum fuit, limitatumque subinde magis magisque ope pactorum, quæ capitulationes vulgo dicuntur. Hujusmodi pacta cum Christophoro

ro II. Waldemaro IV. Olao aliisque inita in Historia commemorantur. Comititia vero a Waldemaro II. celebrata leguntur, quæ vel ordinaria erunt & quotannis semel habebantur, vel extraordinaria, in quibus de maximi momenti negotiis publicis ordines regni deliberabant. Veluti de Electione & coronatione regis, de bello & pace, de legibus, & publicis tributis, de Religione, de moneta, de abusibus abrogandis &c. Convocabantur ad comitia Danorum non nobiles tantum & clerici, sed cives quoque & rustici. Nobilitate vero plus justo sibi arrogante, inprimis immunitatem sibi vindicante a tributis & in alios sæviente ac majora minante, A. 1660. in ipsis comitiis mense Octobri, ordo Sacerdotum, & civium jugum illud excussit, oblata regi Friderico III. absoluta Potestate, equestri Ordine tandem ex parte non tam libenter quam reverenter consentiente. Ita ex eo tempore Daniæ regnum non amplius temperatum, sed solutum est, quam diu regiæ stirpis proles legitima utriusque sexus supererit. Lex publica, ab eodem Rege edita, & religionem Augustanæ confessionis, & successionem, tutelam, & individuum regni integritatem, &c. sancit.

Antiquior Regni Danici facies recensetur ab *Huitfeldo*; recentior ab *Hojero*, *Pantoppidano* & *Holbergio* in cujus *Hist. regni Danici cap. III.* lex illa regia Friderici III. continetur, quæ & seorsum edita, prostat. E qua hic notamus, quæ haud procul ab initio habentur, videlicet ordines regni nobiles & ignobiles, clericos & sæculares sua sponte renuntiasse juri suo regem eligendi, reddidisse & abolevisse juratam subscriptamque regiam conventionem, in gratiam & regis & omnis ipsius legitimæ sobolis utriusque sexus superstitis, absolutum omnino imperium ipsi tradentes. Simul jurata fide professi sunt, se successoresque suos legem regiminis a Rege promulgandam sancte esse observaturos summoque opere defensuros, ut nunquam violetur a quoquam. Successio stabilitur linealis, ut tamen mares  
majo-



maiores natu cæteris, & feminis ejusdem gradus semper præferantur. Rex ineunte anno ætatis 14 exit e tutorum potestate. Num qua conventionem jurium & privilegiorum, præter pristinum imperii consortium, conservationem ordines stipulati sint, una cum reservatione pristinorum imperii & electionis jurium extincta familia Regis Friderici III. id suspicari vel ex eo licet, quod in dicta lege regia nihil habetur de imperio in aliam familiam hac extincta conferendo seu testamento seu alio quocunque modo, quod Episcopi & cives tantam oppressionem a nobilitate imminuentem effugere studuerunt, & quod Codanonia, Faltrix, Lala & Moenæ rustici e statu mancipiorum in libertatem denuo adferti sunt. Præterea quid nobilis quidam templi destructi lateribus suam domum adinecaverat, & sacerdotem hoc reprehendentem trucidaverat, Nobilium non nisi bene meriti vitæ ac mortis potestatem in suos retinere, & egregii inter illos baronum comitum & ducum gradu donari sunt & cohereditati, sublata priori æqualitate dignitatis, ut sublimiori dignitate gaudentes regi eo essent addictiores. Conf. Thuldenus ad Ann. 1660. *Diar. Europ. Contin. IV. p. 385. seq. & Becmannus Hist. eccl. his Terrar. P. II. c. 5. §. 6. & ult.* Certius id patet ex oblato regi absoluto imperio ab ordine ecclesiast. civium & rusticorum in *Corporis diplomatico du Mont T. VI. P. II. p. 3.* his verbis mit unterthänigstem Begehren, einem jeden Stand bey seinem wührenden Privilegien zu erhalten, und dessen mit einem schriftlichen Revers die Stände zu versichern.

## §. 139.

De Regno  
Gallie &  
Navarra.

Galliæ vel Franciæ & Navarra Regnum nationi germanicæ Francorum suam debet originem, indeque libertatis fuit studiosum. Pipinus populi gratiam aucupaturus senatum vel conventum regni si non primus instituit, certe confirmavit *Parlement* dictum, ex præcipuis ordinis clerici & sæcularis magnatibus compositum. Invaluerat ordinum potentia, quam infringit Ludovicus XI., illorum consociationem pro bono publico ini-

initam vanis solvens promissis, absolutamque potestatem sensim occupans. Erant ordines regni tres, Cleri, Nobilitatis superioris & inferioris, atque civium seu populi, qui a Philippo pulchro adiectus, tertius ordo (le tiers Etat) dici consuevit. His constabant comitia generalia, quibus communi trium ordinum consensu reges, quando opus erat eligebantur, eorumque tutores, leges condebantur, a rege præsidente confirmandæ; deliberationes instituebantur de summis rebus; lites magnatum componebantur; tributa sciscabantur &c. Convocabantur comitia hæc a rege posthæc instituta parlamento perpetuo subinde rarius, quando v. c. tributa extra ordinem requirebantur, ut sensim plane cessarent, absolutaque imperandi potestas invalesceret. Sub coronationem jam non nisi hæc jurato rex recipit, tutelam Ecclesiæ catholicæ, ejectionem hæreticorum, conservationem privilegiorum Ecclesiasticorum, & æquabilem justitiæ administrationem. Ludovici XV. jurijurando adjungitur conservatio ordinum equestrium S. Spiritus & S. Ludovici, atque observatio edicti duellorum. Ne parlamenti quidem mere nunc sæcularis, & in dirimendis causis privatis occupati, alia superest autoritas circa mandata regia, quam ut supplicare regi & exponere possint, si quid regno nociturum esse existimant. Quando non exaudiuntur, nihil ipsis restat, nisi aut obsequii gloria, aut exilium. De tutela regia & rectore regni statuendi quædam autoritas relicta est parlamento, quando rex de his nihil decrevit.

Succenset Bodinus de Rep. Lib. II. cap. 1. adeo illis, qui Francorum Monarchiam, qua nulla magis regia fingi possit, e triplici genere confusam scripserant, Senatui Parisiorum Aristocratiam, comitiis popularem statum tribuentes, ut opinionem illam non tantum absurdam verum quoque capitalem ideo dicat, quia capitale sit, regi subditos dominatu ac potentia æquare, aut imperii socios adjungere. Quibus & plurimis verbis se-

(Wolffii Politica P. II. C. II.)

U

quæ-

quentibus sui sæculi statum spectare potius deprehenditur stabilitæ jam monarchiæ absolutæ, quam antiquiorem. Revera enim leguntur ordines regni elegisse regem Pipinum, teste *Fredegarii Continuatore*, his utente verbis: Pipinus electione totius Franciæ in sedem regni cum consecratione episcoporum & subjectione principum, ut antiquitus ordo deposcit, sublimatur in regno. n. 117. Vid. Dni *Pigand de la Force l'Etat de la France cap. 2. sect. 10.* Simili modo electus dicitur Hugo Capetus, *Libro eodem cap. 16. sect. 2.* Vbi postea notatur, Philippum pulcrum ab ordinibus Eduardo prælatum adseivisse in comitia & populum, ut eo lubentius onera & tributa reciperet. Auctis vero controversiis privatis, tribunal perpetuum, vel parlamentum parisiense, ab eodem est institutum, ne crebrioribus opus esset comitiis, ubi factiones & moræ rebus gerendis multum nocere deprehendebantur. Inde Ludovicus XI. jam comitiorum pertæsus fuit, sed successores difficultate temporum adacti utebantur eorum subsidio, donec Ludovicus XIII. ab Anno 1614. ea non amplius convocaret. Eodem capite forma & modus comitia celebrandi legi possunt. Anno 1327 post Caroli pulchri mortem ordines regni rectorem regni denominabant Philippum Ducem Valentiniæ, & post fata regis Ludovici Hutini fratrem defuncti Regis Philippum. Carolo VI. in dementiam prolapsus ordinum consensu Dux Burgundiæ regno præfuit. Oborta post Francisci II. obitum controversia de regni administratione, in comitiis & regina & rex Navarra tutelæ regiæ & regimini præficebantur. Vid. *ej. capitis sect. 1.* Cognitionem de edictis regis cœvam parlamento adhuc tulit Ludovicus XI. repulsam interferendi actis edicti passus, qui tamen absoluti imperii tam avidus fuit, ut pleno jure regnasse & auctoritatem regum extra ephebos posuisse dicatur (qu'il a mis la souveraineté hors de page). Ira enim propter repulsam sedata, appellavit senatores patres patriæ, gratias ipsis egit, rogavitque enixius, ut perstarent post hac iidem in remp. fide & animo; malle se regem esse virorum tam strenuorum, quam parasitorum, quorum adulatio exitiosa sit populo pariter ac Regi. Franciscus vero I. & Carolus IX. jam



jam jufferunt, edicta regis non in dubium vocari sed publicari. Vid. Bodinus de rep. l. III. c. 1. Anno igitur 1620 Ludovici XIII. procancellarius senatoribus procrastinantibus edicta pecuniæ populo exitiosa actis inferere, rege præfente dixit: præpostere oblectatum esse jussis; primam aut alteram admonitionem permissam esse, si rex persisteret propositi tenax, superesse cæcæ obedientiam. Instituta apud Gallos esse parlamenta molliendæ non adimendæ regibus potestati - - - Ut de edictis censeant, male ab ipsis in officii necessitatem verti. Possè pro regis arbitrio adimi quæ gratis possidentur. Edictorum & de rep. cognitionem parliamentis indebitam penitus, nisi quatenus Regi placuerit - - - Pertinaci edictorum refutatione instrui perniciose populum, ut regum jussis contradici possit, ut alieno arbitrio regnent non aliter valituris ipsorum legibus, quam si senatus consulto firmentur - - - Qui contra amplius faxit, exciturum in se Regis iras, proximoque perduellioni crimine, & daturum impotentæ specimen & pœnas luiturum. Vid. Grammondus Hist. Gall. l. V. p. 272. seq. Vbi in sequentibus Princeps & Præses senatus plura profert de Juribus Parlamenti vetustis & vigentibus adhuc, quorum partem antea indicavi. Sic prævaluit Regis autoritas, & Anno 1661 pars parlamenti inharens acius suæ potestati in exilium missa est; nostris vero superioribus annis integrum parlamentum simile sensit fatum, sero post deprecationem revocatum restitutumque. Henrico IV. Anno 1610 a sicario perempto, Parlamentum matrem relictæ principis reatricem regni constituit. Cum Ludovicus XIII. reginæ vices regis reliquisset, adjuncto ipsi Senatus Collegio, parlamentum 1643. approbavit quidem reginæ vices, sed concilium illud abrogavit, reginæ omnem tradens administrationem. Ludovico XIV. defuncto hujus sæculi Anno 15. in Parlamento Dux Aurelianensis unanimi consensu Rector Galliarum creabatur, qui tamen & generale concilium regiminis, & sex inferiora concilia adscivit. Vid. Piganon de la Force l. c. cap. 1-6. Sect. 1. Habetur istud Parlamenti decretum in cit. Corp. diplomat. T. VIII. p. 456. unde hæc inserimus: *La Cour, toutes les chambres assemblées,*

*que estoient les Princes du Sang, & les Pairs--- a declaré & déclaré Mr. le Duc d'Orleans Regent en France, pour avoir l'administration des affaires du Royaume pendant la minorité du Roi.* Norandum, Ludovicum XIV. in suo Testamento de his nihil statuisse, tacita velut approbatione Juris Parlamenti; item Ducem regentem nomine Ludovici XV. confirmasse Parlamento libertatem remonstrandi Regi circa edicta promulganda & in actum redigenda, quod e rep. fore existimat, eodem anno 1715. *ibid.* p. 457.

## §. 140.

*De tempera-  
tione regni  
Hispania.*

Hispaniæ Regnum plura quidem complectitur diversa regna, de quibus generatim dici potest, unum ipsis præest Regem, cujus imperium olim magis, ac nunc, circumscriptum erat. Post Ferdinandum catholicum enim Philippus II. cum successoribus, liberius castellanum imperium, magnatum spiritibus depressis, juribusque accisis, & in cæteris sensim exercuit, ita tamen ut pristini temperamenti reliquiæ supersint. Sunt enim ordines regni tres: 1) clericus, cujus caput est primas regni, Archiepiscopus Toletanus classes autem hujus ordinis sunt tres; suprema, media & infima, quarum prima continet Archiepiscopos & episcopos; media abbates, Priores & Commendatores; ultima monachos & similes. 2) Nobilis, cujus caput est Navarchus Castiliæ; classes vero sunt Duces, Marchiones, comites, barones, equites. 3) Et ignobilis, continens cives in comitiis suffragio gaudentes. Adsunt leges & privilegia regni varia, quæ A. 1677. rex in genua procumbens, digitis libro Evangeliorum impositis, interrogabatur, num servaturum se esse juraret, respondit: utique hoc juro. In sacris tantum 8 Archiepiscopatus & 16 episcopatus conferre potest; qui regales ideo appellantur. Præterea in comitiis rex quidem præsidio gaudet, attamen munera regni præcipua conferre non debet nisi hispano, nec prætorianos milites alere nisi asturi-

asturienses, nec arragonensibus & Catalaunis militum hospitium hiberna & similia imponere, nec nova tributa exigere potest. Quantum horum hodieque restet, satis exploratum non habeo, certe id parum fore, præter ecclesiastica ex recentioribus bellis, conjecto. Comitum enim non leguntur convocari nisi ad homagium præstandum aliasque festivitates. Publica vero negotia curantur in concilio regis sanctiori (consejo de Estado). Navarræ superesse dicuntur propria jura & judicia cum privilegio de non appellando, quæ Arragonibus Catalaunisque sunt ademta.

Regna Hispaniæ ex initio tituli cognoscuntur, qui sic habet: *Rey de Castilla de Leon, de Arragon, delas dos Sicilias, de Jerusalem, de Portugal, de Navarra, de Grenada, de Valencia, de Galicia, de Mallorca, de Sevilla, Sardinia, Corleova, Corcega, Murcia, de los Algarves, de Algezira, indias orientales y occidentales, &c. &c.* Ordines regni in comitiis, quæ cortes generales dicuntur, appellat ipsos A. 1320. *los infantes & los Prelados, & los Ricos hombres, & los consejos, & los ordines, & la chancilleria del regno de Castilla & de Leon & de Galizia &c.* Inter primi ordinis nobiles eminentes creati, qui jure coram Rege caput tegendi aliisque privilegiis similibus gaudent. Recens creati nobiles vocantur *hidalgos*, & si feuda possident, *cavalleros*. Vi legis publicæ ibi viget successio cognatica, a Castellana ad cæteras regni partes extensa testamento Philippi II. A. 1598. item individui regni sanctio. Vid. *Corp. diplom. supplement. T. I. P. I. p. 101. seq.*

#### §. 141.

Hungariæ rex, ab Henrico Aucepe imperatore creatus De temperatione regni est, qui dux adhuc fuerat, Stephanus A. 996. Postea imperio tributarium hoc regnum factum est, saltem ejus feudum, & Hungariæ iterum hoc nexu liberatum. Magnates illius elegerunt sibi reges A. 1440. 1455. 1490. 1526. quod jure an injuria factum sit,



fit, disputatum diu armis fuit. Nunc hæreditarium illud esse pater, ex quo ordines Regni 1687. & 1715. successionem marium domus Austriacæ, & 1723 etiam feminarum salvis cæteris privilegiis admiserunt & pacti sunt, reservantes sibi tantum electionem regis deficiente sexu utroque. Ordines regni hungarici dividuntur in prælatos, Magnates, nobiles & communiter vel cives. Prælatorum regni primas est Archiepiscopus Strigoniensis, isque simul legatus natus Papæ; Totius regni vero Prorex est Palatinus regni, quem ordines eligunt ex candidatis a Rege propositis, cujus tanta est autoritas, ut coram ipso Rex ab ordinibus conveniatur, tanquam iudice suo, si excessisse videtur. Ao. 1723. a Carolo VI nominantur Domini prælati, barones, magnates & nobiles cæterique status & ordines regni Hungariæ & partium eidem annexarum. Confirmantur ibi tertio articulo unversorum statuum & ordinum regni partiumque annexarum tam diplomaticarum quam alia jura, libertates & privilegia, immunitates, prærogativæ, leges & consuetudines, in sensu articulorum 1. 2. & 3. Anni 1715. formulæque juramenti ibidem contentæ intelligendorum. Quia nobilitas obligatur militare pro regni defensione, conservatur ipsis immunitas a tributis quibusque *artic. 1.* & *artic. 7.* generalium comitiorum celebratio, quæ secundum articulum 1. Anni 1609 salutare remedium est gravaminum, instituenda recipitur juxta articulum 14. Anni 1715, quovis nempe triennio, ita tamen, ne ultra bimestre spatium præter necessitatem extendatur. Omittimus reliqua de criminibus, iudiciis, militia, indigenatu cæterisque.

Plura quisquis scire, restringere suam scire poterit ex *articulis de statibus Anni 1722 & 23.* quorum sunt 129. & *Tom. III. Corporis diplomatici Sect. 2.* complent paginas 24 a 51 incipiendo. Pauca tantum ad confirmationem hujus si inde excerptimus.

mus. *Articulo 1.* gratias agunt ordines quam maximas pro sponte oblata sibi confirmatione jurium suorum, privilegiorum & legum jam conditarum & condendarum in posterum, & pro accepta clementer oblatione libera successionis sexus quoque feminei. Quam fusius declarant *articulo 2.*, unde ambagibus omissis hæc afferenda videntur: ordines regni quosvis motus internos & mala interregni sollicitè præcavere cupientes, majorum suorum exemplis incitati, & gratos se erga Cæsaream majestatem exhibitori, in defectu sexus masculini jus hæreditarium succedendi in Hungariæ regnum & coronam ad eandemque pertinentes patres, regna & provincias, etiam in sexum augustæ domus austriacæ femineum, primo loco a modo regnante sacratissima Cæsarea & regia majestate, deinde in hujus defectu a divo olim *Josepho*, his quoque deficientibus ex lumbis divi olim *Leopoldi*, imperatorum & regum Hungariæ descendentes, eorundemque legitimos romano-catholicos successores utriusque sexus Austriæ archiduces, juxta stabilitum per Sac. Cæs. ac regiam regnantem majestatem in aliis quoque suis regnis & provinciis hæreditariis, in & extra Germaniam sitis, primogenitura ordinem, jure & ordine præmisso indivisibiliter ac inseparabiliter, una cum regno Hungariæ & partibus regnis ac provinciis eidem annexis, hæreditarie possidendis, regendam & gubernandam transferunt, & memoratam successionem acceptant, taliterque eandem successionem femineam, in augusta domo austriaca introductam & agnitam, (extensis ad eam nunc pro tunc articulis 2 & 3 Anni 1687 & pariter 2 & 3 Anni 1715) juxta ordinem supra dictum stabiliunt, per femineum sexum ejusdem domus prævio modo declaratos hæredes & successores utriusque sexus archiduces Austriæ acceptandam, ratihabendam & una cum præmissis ordinum regni &c. libertatibus & prærogativis futuris semper temporibus observandam determinant, & non nisi post omnimodam prædicti sexus defectum, avitam, approbatam & receptam consuetudinem prærogativamque statuum & ordinum in electione & coronatione regum locum habituram, reservant intelligendam. „Quæ regna hic intelligantur,

tur, id declarat articulus 7. scilicet Regna Croatiae, Dalmatiae, Slavoniaeque; provinciae autem sunt Transylvania, Servia, Bosnia, & pars Walachiae. Plures ex Ferdinandi Titulo notantur, nempe olim Gallicia s. Wallachia, Lodomeria (Wladimiria), Cumania & Bulgaria, quae Moldavia, & quorundam jam fere in aliorum potestate sunt aequae ac Transylvania, libero principe fiduciario & tributario Magni Sultani gavisa. Rationes cur Transylvania protectionem Ottomanorum se submiserit, habentur in mantello principis Mich. Apafi I. edito 1666. in *Europ. Herald* E. 849. seq. qui tamen A. 1658 rediit in clientelam imperatoris, tanquam Regis Hungariae, successorem suae soboli stipularus. Pace tandem 1699 relicta et Transylvania Regi Hungariae, & post filii ad Christianos reverti Apafi improlis mortem, inter provincias habetur hungaricas Jura Hungariae Jussu Vladislai collegit ex decretis & articulis regni *Steph. Werbuczii* (Verbecius) in *Jure seu Corpore imperitito*. Cui postea adjungere oportet pacta prius Carolovicensis, Passarovicensisque cum prorogatione, privilegia recentiorum articulos diatarum seu comitiorum hisque similia diplomata. Inter quae olim erat decretum Andreae II. abrogatum 1687. *Conf. Matth. Belli notitia Hungariae novae.*

## §. 142.

De regni  
Portugalliae  
tempera-  
tione.

Lusitaniae vel a Portu Gallitiae dictae Portugalliae, & Algarbiae regnum ab anno 1181 gaudet legibus *Lamecenibus*, sub primo Rege Alphonso Henrique II conditis. Deinde A. 1640 Hispanorum jugo se liberavit pristinaeque recuperavit faciem electo sibi Rege Johanne, Duce Brugantino, cujus avia armis potius quam Jure ab Hispanis victa dicebatur in jure succedendi. Post diuturnum bellum 1668 pace inita a Rege Hispaniae Rex Portugalliae agnitus fuit ejus filius tum regnans Alphonsus VI. Qui cum plerisque displicuisset, eodem anno regno abdicatus & in insulam Terceram relegatus fuit. Pariter antea remotus fuerat Sanctius II. & Philippus IV. Vnde jam liquet



liquet quanta ordinibus regni in Regem potestas fuerit, inde ab electione Joannis. Quum denuo electio fratris Alphonsi, videlicet Petri, confirmavit. Electis his regibus eorumque successoribus normam regiminis esse præscriptam, ut sua cuique jura & privilegia salva manerent, apertum est ex actis, item declaratione trium ejus ordinum, Ecclesiastici, nobilis & popularis, Anno 1641. d. 28. Januar. edita, in cit. *Co pore diplom.* Vol. VI. p. 202. seqq. Qua ipsum solemniter suum acceptant regem in solio ipsius aviæ & patri debito, autoritate & jure Regni antiquo, Anno 1142. & seq. jam usurato. Afferunt ordinibus Regni jus indubium statuendi de successione in Regno, & pro sua sententia adducunt Testamentum Joannis I. & decretum ordinum regni, ne ad peregrinos transferatur, quo Ferdinandi I. filia, Regis Castiliæ conjux, exclusa, electus sit Joannes I. filius Petri quanquam illegitimus, &c. Ordinis sacri primas est Archiepiscopus Ulyssiponensis; Nobilitatis ibi occurrit Marchio Ferreiræ & tertii ordinis primi nominantur Procuratores urbis Lisbonensis. Conferri tamen meretur jurandum a Rege Petro ordinibus & ab his Regi præstitum Tom. II. Supplem. Corp. diplom. f. l. p. 381. seq. Vnde apparet jam tum ordines promississe regi obsequium absolutum. Excipienda tamen est cum ordinibus definienda tributorum novorum impositio & successio in regnum defecturis hæredibus, autore *Sousa Lujitan. liberat. p. 476.*

E pace cum Hispania inita A. 1668. quæ habetur Vol. VII. Corp. diplom. p. 70. seqq. notamus, articulo 1. statui inter Regem Hispaniæ & Portugalliæ pacem firmam & inviolabilem terra marique ab omnibus subditis colendam; & redditionem omnium fere locorum occupatorum alterutri regno debitorum, item captivorum; commercium securum, auxiliumque contra piratas; reparationem promptam damnorum datorum & dandorum; remissionem omnis culpæ admixtæ & amnestiam; & præcautionem

nem ne vel directe vel indirecte contra hæc pacta veniatur impune, &c. Rex Hispaniæ ratihabet pacem pro se & hæredibus successoribus, item pro subditis quibusque, sequestro & conciliatore Rege Angliæ. Jurat vero Rex sub coronationem suam, se jura & libertatem populi non violaturum, justitiam rite curaturum, pacemque & florem commerciorum conservaturum. Episcopaliū redituum partem tertiam conferre potest, quibus vult, confirmationem Romæ petituris. Vid. der Europäische Herold p. 669. seqq. Schmausens Staat von Portugall P. II. c. 5. aliique.

## §. 143.

*De regni Polonia temperatione.*

Poloniæ præest rex in comitiis electus, sed potestatem suam tum ad leges regni, tum ad comitiorum decreta exercens. Quæ temperatio regiæ potestatis electis Ludovico Hungaro & Vladislao Jagellone adolevit, consummata sensim posthac, ut jam reges potiora imperii jura non nisi ordinum consensu exerceant. Ordines duo sunt, senatorius, & equestris, vel hoc mavis superior & inferior, cui cives jure comitiorum gaudentes annectuntur. Jura, quæ Rex solus exercet, versantur potissimum circa conferendas dignitates & bona regia. Dignitates vel sacræ sunt, ut Archiepiscoporum, episcoporum eorumque coadjutorum substitutorum, & 12. abbatum, vel saculares eæque seu togatæ seu militares, uti senatorum, nobilitatis, indigenatus. Bona regia sunt *capitaneatus* seu Comitatus, vel Præfecturæ prætoriae in arcibus, oppidis, vicis sine jurisdictione, *tenutæ* seu præfecturæ, & *advocatiæ*, villas, vicos, molas, popinas et scultetorum agros exemptos continentes. Præterea regis est præcipua reip. cura; convocatio ordinum ad comitia ordinaria quovis biennio, & extraordinaria; deliberandorum, cum Senatoribus constitutorum, communicatio in ipsa convocatione, eorumque uberior coram congregatis ordinibus explanatio & commendatio; legum confirmatio, promulga-

mulgatio & custodia; privilegiorum veterum confirmatio & novorum largitio legibus limitata; judiciorum comitialium & relationum præsidium, cæterorum autoritas a Rege; jus recipiendi ignobiles in regium patrociniū adversus magistratus inferiores; jus nobilitatem aliosque aulae titulos conferendi sine indigenatu, præsertim exteris; jus extra comitia consilio senatorum regem comitantium ministrorumque statuendi de negotiis reip. quorum rationem in comitiis reddant, jus legatos mittendi in negotiis minoris momenti, & missos ad Regem audiendi; imperium in bello supremum; vocatio nobilitatis ad arma; jus restrictum proficiscendi extra regnum; jus instituendi academias; jus pensiones bene meritis assignandi ex dictis bonis regiis pinguioribus &c. Senatores Regni vel prælati sunt, seu Episcopi vel barones h. e. vel sacri vel sæculares. Illorum caput est Archiepiscopus Gnesnensis, idemque Primas regni; horum olim Palatinus Cracoviensis, & post illius perduellionem Castellanus Cracoviensis. Referuntur ad hunc ordinem cum Palatini, tum Castellani, & ministeriis aulae gravioribus præfecti 15.

Jura summi imperii in quorum communionem ordines Regni in comitiis veniunt, & quæ Rex non nisi ordinum consensu exercet, hæc habentur. Ex sententia ordinum unanimi fere Rex bellum indicit, propulsatque, militem scribit, fœdera sancit, pacem componit, legatos in rebus gravioris momenti ad externos mittit, tributa & vectigalia imperat, rem monetalem ordinat, leges fert abrogatque, judicia instituit, ac ex religionis diversitate controversias dirimit, indigenas creat, &c. Peculiaris est Poloniae in pactis cum rege conventis clausula commissoria, de qua dictum ad §. 129.; prorogatio eorundem comitiarum & continuatio alio tempore, sive jam definito, sive Regis arbitrato definiendo; & sub Joanne Casimiro tentata



potestas unius tantum nuntii terrestris sistendi consiliorum progressum, immo quando ab intercessione vel privatae causae ergo non recedit, abrumpendi comitia, ut plane irrita sint. Quae audacia tum diris devota, impunis tamen mansit, & toties iterata in consuetudinem abiit. Idem fit, si litibus ex lite motis tempus comitiis destinatum frustra absumptum est, ut nihil constitui potuerit.

De his pluribusque aliis ad ambitum & restrictionem jurium regiorum & ordinum etiam in interregno pertinentibus solide exponit illustris Syndicus Gedanensis *Gottfrid. Lengnichius* in *Jura publ. Regni Poloni T. I. & II. praesertim Lib. II. cap. 3. n. 12. nec non Libro III. & IV.* Cujus industriam ut in aliis regnis imitarentur rerum patrii sui regni, vel patriae reip. aequae consule, vehementer esset optandum commendandumque. Ceterum difficultas latinis verbis reddendi quae usus hodiernus alia habet, ac olim romanus habebat, etiam hic apparet, uti in multis aliis ita quoque in palatinis, capitaneis, tenutariis &c. Palatinus enim polonis est *Woiewoda*, hoc est belli Dux, sed non quilibet, verum nobilium sui palatinatus (*Woiewodztwo*) dicti, & simul regni Senator non vero haereditarius. Qui ideo non confundendus est cum Palatino Regni Hungariae, qui ibi est secundus a rege & interrex, uti primas Regni in Polonia. Capitaneus Polonis *Starosta* nomen habet a *Stary*, quod est senex & vetus, verobtenus ergo seniore judicio castri (arcis) praefectum notat hinc Germanorum titulo a senectute cana derivatum *Grav* vel *Graf* responder. Quare quia comites imperatorum simul iudices fuere, capitanei hi etiam comites appellari, & *Starosta* etiam comitatus dici amant. Advocatia, aut sculteria polonis *woytostwo*, praetura reddi solet a praetore rustico, (*Woyt*) qui sculterus (*Schultheiß*) audit, tanquam primo in hoc honorum ordine. Si ad omnia proferendum esset nomen, *praedia extra* seu libera *kleine Frengüter* dici possent, qualia & urbana dantur & rustica. Regia vero ideo dici merentur, quia ejusmodi immunitas, qualis his praediis tributa est, ab oneribus vulgarissimis,

mis, a rege, saltem rectore civitatis, impetrata est, nec nisi paucis datur.

## §. 144.

Vnum, quod præcedentibus addere visum est, Regnum Sueciæ Gothorum & Vandalorum electione regum Audum claudit, & reges amovit salutis publicæ infestos. Ao. 1394 prodierunt leges sacratæ, quibus cavebatur inter alia, ne munera publica senatorum, satraparum &c. nisi indigenis conferrentur, ne tributa imponerentur & administratio summi imperii perageretur, sine consensu Senatorum populique. Propter merita Gustavi circa regnum & religionem A. 1544. successio ipsius soboli promissa est, donec superfutura sit, ut non nisi ea deficiente novus rex sit eligendus; procul dubio sub conditione, si vestigiis regis insisteret. Hinc cum Ericus mente caperetur, captivo illius fratri Joanni regnum obtulere. Qui cum in gratiam uxoris, poloniæ regis filiæ Sigismundum filium pontificia religione imbui pateretur, isque promissis non staret de religione evangelica illibate conservanda, abdicatus est successusque ipsi Carolus A. 1607. promissa & ipsi sobolis masculæ successione. Quæ promissio A. 1627. ob defectum sobolis vicilis in filiam ipsius unicam Christinam, fuit translata. Ordines interea manebant summi imperii ejusque exercitii participes, adjunctis regi 44 Senatoribus Regni, sine quorum consensu graviora imperii negotia, imprimis pacis, belli, tributorum & vectigalium decerni perficique non poterant. Reservata tamen Regi erat constitutio senatorum Regni & Magistratuum, salvis ordinum juribus denominandi eos, unde eligeretur successor, stipulæ, monetæ, molarum regiarum, fisci rata in mulettis & caducis, fabricatio armorum & exportatio mineralium perceptio. Tandem meritis propriis & paternis ob factiones procerum senatorumque A. 1682. in comitiis tra-

De Tempe-  
ratione Re-  
gni Sueciæ.

dicta est Regi liberior laudabilis imperii & soluta potestas, ut suo arbitrio imperaret, quem bene regnaturum & salutem publicam pro suprema lege habiturum esse cognoverant. Quam fiduciam conservare successorum admodum interfuisset.

Carolo XII. anno 1718. in obsidione urbis norvegica extincto, relicta soror Ulrica Eleonora paterno quidem testamento debebat succedere; enim vero dicebatur a Carolo XII. suavis Gorzii destinatus esse successioni filius sororis natus majoris defunctæ, necessebanturque aliæ difficultates. Quas remota Ulrica, non ignara, quantum regno nocuisset absoluta regis potestas, & quantum populus ejus esset perturbatus, sponte sua fertur ordinibus in comitia convocatis promississe tantum juris renuntiationem, & privilegiorum pristinorum restitutionem. Quam ordines ambabus gratissime amplexi petebant, ut in illius confirmatione publica Regina se electam vocaret reginam, quo in posterum Reges ab ordinibus eligerentur. Simul ordines tam tristitia fata experti absolutum imperium peritus abrogarunt, statueruntque pacto, ut is esset exors throni regii & regni hostis, quisquis sibi clam aut palam dominatum esset arrogaturus. Neque minus & ipsi jurarunt, se nullo modo per se aliosve consilio aut ope dominatum esse restitutos adjuturosve, sed potius summa vitæ viriumque ope & contentione impedituros, & extemplo indicaturos, si perniciosa ejusmodi consilia a quoquam agitari senserint. Annuntiis his Reginæ summa promissa est fides & obedientia in cunctis his ordinum juribus & salutis regni non contrariis, modo Regina religionem, jura & privilegia tueretur. Inde & regina abjurato potentatu se salutis Regni operam esse daturam juravit; & ordines ipsi homagio suo pariter atque Fredericus reginæ maritus, uti Generalissimus, summam fidem & operam dicto modo jurarunt.

Deinde



Deinde edita regiminis forma Ulricæ Eleonoræ Reginæ sic orditur: Postquam Dei gratia & ultronea ordinum regni consensione electa declarata & accepta sum regina Sueciæ &c. neque regiam potestatem ad alia porrigi volo, quam ad regni subditorumque securitatem & salutem, nihil magis optavi, quam ut ordo concordia & vires regni constanter conserventur nec ullo modo disjungerentur, sed in eo statu semper perseverarent, quo suæ salutis & defensionis sufficerent, clementer concessi, ut ordines regni eam inirent regiminis formam, præsentique patriæ faciei & tempori accommodarent, quæ perpetua esse observarique semper posset, quam & meratissimam, confirmaturam & sequuturam esse promisi sancteque recepi. Quare hanc unanimi consensu initam formam ut legem perpetuam omnino & per omnia approbo & confirmo, uti verbotenus hic perscripta attestatur. Nos subscripti regni Sueciæ senatores & ordines, Comites, barones, episcopi, equites, nobiles, clerus, præfecti militiæ, cives & (rustici) communes, hic congregati, pro nobis nostrisque omnibus, notum facimus, quod summi numinis beneficio inter tot regni calamitates & pericula hoc nobis solatium concessum fuerit, ut ultronea propensione, & unanimi omnium consensu vacans solium ornari potuerit clementissima regina Ulrica Eleonora &c.

Tum Articulo 1. recipitur religio evangelica, uti illa A. 1686. ordinatione ecclesiastica continetur.

2) Regiæ Majestati legum juris & veritatis custodia reservatur, & injuriæ, iniquitatisque prohibitio amolitioque; irrogatio suppliciorum & bonorum confiscatio aut ereptio, sed non nisi legitime convictorum damnatorumque; defensio protectio & vindicatio omnium recte se gerentium, sceleratorum vero cohibitio, territio & punitio; veritatis exploratio; con-

concessio ulterioris paludum & terrarum incultarum culturae, & moratoriorum; interpretatio legum pristinorum gentium, & novarum latio praevio Senatorum consensu, restitutio natalium & honoris promeriti; revisio & medela gravaminum oblatorum erga sententias magistratuum superiorum, ut iustitia ubique vigeat, nusquam vis & injuria praevalent.

3) Successio sobolis regiae 21 annos natae antequam regnare occipiat, assumitur ex decreto comitiorum 1650. qua defutura ordines placitum regiae majestati successorem constituent, ejusque regiae educationi in religione lutherana puriori idoneos praeficient et ad rationes vocabunt Educatores.

4) Legum novarum latio, et veterum mutatio vel abrogatio sine consensu ordinum fieri nequit; si quid inter comitia cum Senatoribus ordinandum, id in proximis comitiis ordinum judicio submittendum

5) Si qua belli necessitas oriatur, sine ordinum consensu auxilia, tributa, comineatus, vectigalia, aliaque onera imponerari, nec diutius possunt, quam ordines pacem constantem omni opum vi promoturi id consultum ducunt.

6) Quemquam bello aggredi nefas, nisi ex ordinum decreto; sed aggressorem hostem illico vi repellere, consultis senatoribus tantum licet.

7) Pariter foederum, induciarum, & pacis conditio num sine mora in eundarum momenta cum Senatus regni consilio expenduntur & pro salute regni quam optime fieri potest adhibentur, ut in comitiis proximis ad ordines referantur.

8) Omnia regia jura, legibus perscripta, ab ordinibus salva sint & illaesa.

9) Monetæ aureæ & argentæ valor genuinus consensu ordinum decernendus, nec sine illo mutandus.

10) Reges sine ordinum consensu regno ne excedant.

11) Regi

11) Regi propter amplitudinem curæ reip. opus est consiliariis præfectisque.

12) Horum præcipui sunt Senatores regni, seligendi ex nominatis ab ordinibus dignis Suecis, pro quovis loco vacante tribus. Senatores regni pro tempore statuuntur 24. quibus non nisi duo proximi consanguinei vel affines interesse possunt.

13) Regis est imperare ad leges secundum non adversus senatorum consilium.

14) Senatorum est, ut eadem fide & regi & regno consulant quam optime valent, regem & inconsulti jurium & salutis regni commonefaciant, nec ipsius majestati, nec juribus ordinum Regni detrahant, & hos quoque fidei & obsequii admoveant, ubi opus est, omni seposito affectu; tacenda silentio premant, & secundum recessum regni 1602. formatum ex officii lege consulant non imperent; inprimis excubent & impediunt, ne qua potentatui obtrudendo consilia in ordinum ipsiusque salutis publicæ fraudem exoriantur, quorum autoribus vitæ honoris & bonorum jactura certo sit irroganda; denique consiliorum suorum rationes in comitiis reddant, neque tamen ipsis imputetur infelix eorum exitus, aliorum-culpæ non suæ tribuendus.

15) Nemo senatorum præsentium a consiliis magni momenti publicis absit; si plures haberi nequeant, saltem decem confluant, ne publica negotia turpiter differenda sint aut negligenda, sed potius mature & tempestive curentur. Paribus suffragiis, ea pars vincit, cui rex accedit; vincit & illa, quæ duobus tantum suffragiis superatur, si ejus sententia tutior meliorque regis majestati videtur. Alias major suffragiorum numerus prævalet, ut tamen Senatores in comitiis rationes reddere oporteat, si perniciofa consuluerint.



16) Rege vel absente, vel ita ægrotante, ne interesse consiliis possit, in rebus moram non patientibus interim senatores majori suffragiorum numero statuent, quid sit agendum, vel si paria sint suffragia, senior senatorum decider: mortuo vero rege improle, Senatus interim regno præest, dum ordines regni illico congregentur, quibus de Electione regis statui licet.

17) Diligentioris meliorisque publicorum negotiorum expeditionis causa collegia habentur varia superiora, quibus nonnulli præfunt senatores, ea dirigentes, monentes & ad reddendas rationes vocantes, ut ad regem sua & illorum gesta referre possint.

18) In quovis summo tribunali (Hofgericht) unus præfidet Senator, eruditione & experientia par rebus disceptandis definiendisque, gaudens propræside & assessoribus usitatis. Horum tribunalium est administratio justitiæ secundum veram legum Suecicarum mentem, ut & regi & senatoribus & quando opus in comitiis rationes reddere obligentur; atque attentio ad judicia inferiora sollicita, ne & illa secus agant, neque executiones vel retardentur vel mutantur ullius culpa vel dolo. Contra leges agentes iudices non tantum ad damnum reparandum, sed & pro re nata ad infamiam, multam, confiscationem honorum, & supplicium damnantur. Graviter tamen puniendi sunt iudicum & executorum calumniatores & quotquot eorum criminationes evincere nequeunt. Neque regiis fiscalibus quidquam liceat in innocentes.

19) Senatus bellici partes in copiis terrestribus, armis, tormentis, apparatu rerum cæterarum, quas illorum usus requirit, munimentorum & propugnaculorum firmitate & præfidiis rite curandis præscribuntur.

20) Copiæ militares terrestres æque ac marinæ non regi

regi tantum vel reginæ, sed simul ordinibus sacramento se obstringunt secundum formulam præscriptam, a quibus & earum expeditio & stipendium præstatur.

21) Chiliarchis cæterisque militum præfectis non licet sine venia regis in senatu data ad expeditionem copias convocare nisi quis hostis regnum ex improvviso adoriatur, quod regi quantocyus nuntiandum; cæteroquin temeritatis aut prævitæ pœna gravissima luetur.

22) Senatus classiarius (Admiralitæt) præside gaudens præter Senatorem regni summo classium præfecto cum cæteris prætoribus navalibus, & naves omnes bellicas earumque structuram, nautas, & classes, classiarios, instructionesque rebus quibusque necessariis rite curat secundum institutionem A. 1692. factam, equorum senatorum numero saltem unus militiæ & rei navalis peritus regiæ majestati præsto est.

23) Senatus codicillorum regni (Reichs-Canzler) præside gaudet eximio senatore cum tribus aliis regni senatoribus adjunctis, Cancellario regio & tribus Secretariis, omnesque leges, statuta & recessus regni totius, acta comitiorum, fœdera, tractatus cum hoste, legationum instructiones nec non privilegia informat & expedit, pariter ac mandata (Botschaften) literas publicas, & senatorum cum rege deliberatorum protocolla. Neque minus rei cursoriæ cum summo ejus magistro prospicit, unique a secretis tantum res externas, alteri res bellicas, tertio cæteras accurate & sine cunctatione expediendas committit.

24) Ut liberi solide erudiantur & scholæ leges emendabuntur, & subsidia & præmia augebuntur. Prout 4 nobiles cæteris in studiis proveciores, & peregrinatione habiliores, tabularum publicarum percontatores pensione annua gaudebunt,

bunt, ut ex tabulis antiquis & recentioribus discant & colligant, quæ futuris consultationibus deductionibusque inservire possint, & legationibus muneribusque aliis se dignos reddant.

25) Aerario publico (im Cammer-Collegio und Staats-Contoir) præsidet senator, cum alio ex senatoribus regni adjuncto, cæterisque consiliariis (Cammer-Rähte). Huic tribunali subsunt ac rationes reddunt, quotquot redditibus regni & regni seu recipiendis seu erogandis præficiuntur, ne regalia fisci pereant, vel minuantur, vel male erogentur, sed augeantur potius emendata œconomia rurali &c. Pertinent ad illud quoque vectigalia marina, majora & minora, cum accisis vulgo dictis, secundum regni decreta, ut tamen Regiæ majestati instituto Caroli XI. certa pecuniæ summa relinquatur pro regio arbitrato adhibenda.

26) Tribunali montano (Berg-Räht) præest senator regni cum duobus consiliariis reddituum metallicorum, & 4 assessoribus; quorum est cura metalli mineraliumque fodinarum indagandarum, conservandarum & in ampliores usus convertendarum, & judicium supremum rerum huc pertinentium.

27) Commerciorum tribunali itidem præest regni senator, cum duobus consiliariis commerciorum & 4 assessoribus, duobusque mercatorum delegatis (Commissarien), cui cura florentis augendique commercii, opificiorum, fabricarum rerumque cæterarum eodem facientium incumbit.

28) Rationariorum regni examini causisque (die Cammer-Revision) itidem præest Senator regni cum assessoribus suis, & fisci regii collegio, operam dans, ut libri rationum publici diligenter, & qua fieri potest brevitate, instruantur exhibeanturque quotannis examinandi; ut defectibus aberrationibus mendela promte adhiberi possit. Huic collegio 4 adjunguntur Auscultantes, scrutinio & peritia harum rerum sibi gradum ad hono-



honores editis peritiæ diligentiaque speciminibus luculentis munituri.

29) Est & summus Marschallus seu aulæ Præfectus, regni senator, qui regiae aulæ, arci, mensæ, aulicis & stabulo regis præest.

30) Supremus itidem Gubernator Holmiensis, qui & ædibus regiis in metropoli, & universæ civitati, ut caput præest, in regimine, re ædili, commerciis, privilegiis, exercitio armorum, & executione quavis.

31) Horum Senatum est, sibi invicem subvenire & opitulari, ubicunque unus indiget altero in regis & regni comoda & in commitiis acta præcipua commemorare. Præsides dum in regis & regni negotiis suisve absunt, nil præcipere valent, sed ipsorum partibus tum fungitur secundus ab illo (der älteste Beyfiger); quod & mortuo præside obtinet.

32) Præfecturæ regni constituuntur 24, quorum instructiones.

33) Temperationi præsentis conformes edentur, ac interim generalia officia injunguntur earum præfectis (den Landes-Hauptleuten).

34) Potioribus aulæ ministeriis quinam præficiendi sunt, senatorum quidem consilia requiruntur, qui personarum maxime sunt periti, quæ videntur illis adhiberi posse; liberatamen electio regiae est majestati relicta, modo eligatur idoneus in regno Sueciæ natus. Superiores copiarum præfecti eliguntur uti 1716 mense Septembri a rege defuncto est injunctum. Inferiorum electio manet apud eos, quorum fuit anno 1680. In conferendis muneribus quibuscunque non attendentur natales, sed peritia experientia & virtus. Episcoporum cæterorumque sacerdotum electio peragetur secundum ordinationem eccle-

ecclesiasticam A. 1686. editam, ut jura patronatus salva manerant iis, quorum fuerunt.

35) Comites, barones & nobiles non creabuntur nisi pauci iisque de patria insigniter meriti, uti rogarunt ordines A. 1660.

36) Tertio quoque anno ordines ad comitia sunt convocandi, nisi salus regni intermedia flagitet. In his exponenda sunt, quæ a proximis comitiis in regno gesta sunt, quæ patriæ & rerum publicarum facies, quæ fuerint pondosa senatorum de rep. consilia, & cum rege decreta? Quæ postea futura salus providenda & ordinum consensu concludenda. Rege vel absente, vel aegro aut mortuo a senatoribus cunctis reliqui ordines convocantur. Extincta autem regia progenies mascula confluunt ordines sine convocatione ulla tricesimo a morte regis die ad electionem novi regis, a nemine impune impediendam. Mortem vero hujusmodi Archiepiscopus Vpiscopus & præconsul Stokholmienfis quaquaversum in regno sine mora nuntiare obligatur.

37) Nobilitas in singulis comitiis sibi eligit Marschallum, & oratores omnium ordinum ordini rustico Secretarium eligent idoneum.

38) Nobilium Esthoniæ Livoniæque privilegia regia Majestas confirmabit, & ut salva maneant curabit.

39) Nequeminus confirmabit Teutonicarum provinciarum privilegia, quæ recuperari poterunt.

40) Pariter & civitatum suecicarum privilegia bene parta, & jura statutoria temporum rerumque præsentis inde conformanda confirmabuntur, ut tamen rationes administrationis suæ debito loco reddant.

Cum A. 1743. Adolphus Fridericus, ab Episcopatu Lubecensi declararetur a Regni ordinibus Regis successor, is

dem legibus se esse obtemperaturum recepit, idque 1751. adiens regni gubernacula, cum conjuge jurata fide repetiit. Eisdem legibus regia potestas transibit ad ipsius legitimos hæredes, 21. annis completis. Comititia vero aguntur Stockholmiae in 4. diversis conclavibus palatii comitalis, & durare fere per annum consueverunt. Conf. die *Versicherungs-Acte Regis Adolphi Friderici.*

Non fore plerisque politicis ingratum existimavi, si hanc recentiore regni Suetici temperationem plenius attamen in compendio exhiberem, ob rerum multarum in temperatione attendendum distinctiorem, quam continet, explanationem. Quæ reperitur in *vita & gestis Friderici Regis Sueciæ p. 493-537.* Confirmat hæc omnia, quæ Reginae instinctu A. 1720. in Comititiis, ad quæ etiam belli duces aliquæ præfecti admissi fuere, sequuta est, electio Regis Friderici sub conditionibus sponte seu oblatis seu acceptis. Transit nempe Rex ad religionem Lutheranam; nec quenquam ministeriis Suecicis adhibebit, nisi Lutheranae religioni addictum; nec alii religioni cærum permittet, nisi exterorum regum legatis. Masculis ejus hæredibus æque ac fœmineis non dabitur nisi certa pecuniæ summa. Rex normam regiminis sancte observabit, nec magni negotii momenta, nisi in comitiis & collegiis, quorum curæ illa demandata sunt, pertractabit. Præfectos militiæ solus constituit usque ad chiliarcham, hunc vero superioresque cæteros cum senatu. Nemo munere suo abdicabitur nisi prævio legitimo processu. Germanicas provincias rex dum vivit nemini cedit nisi suismet liberis. Successionem rex non desiderabit nisi pro regina ejusque legitima sobole, electione postea ordinibus reservata. Si quis contra hanc conventionem quidquam in medium afferret, eum instar proditoris esse puniendum. Quæ fusius narrantur in *excitata regis vita a. p. 584-592.* Norandum est, omissam esse legem commissoriam, quam obtulisse rex fertur *l. c. p. 589.* Se adeo abhorreere a dominatu, ut veller subditos ab obsequio solutos, simulac illum unquam affectaret. Sufficere putarunt jusjurandum



dum potentatui plane contrarium, quod rex præstitit coram ordinibus p. 600. l. c. & pœnam regum consultorum adiutorumque antea statutam. Triste executionis hujusmodi suppliciorum exemplum suppeditavit annus præterlapsus, forte ideo rigore ad leges conformatum, ut alii eo magis a similibus autis absterrentur. Alioqui vicina nec præter rem a rigore legum recedens Russia, pluribus tamen contra regiminis formam autis, Siberiam tamen mitiori pœnarum genere maluit pœnæ loco esse quam ipsummet supplicium. Quod haud abs re convenientius judicat & incertæ rerum humanarum sorti, & colendæ subinde per exules terræ vitæque incultæ. Neque Sueciæ desunt loca ubi exilium in religionis christianæ & politiæ culturam adhiberi posset, rebus rite in hunc finem institutis.

## §. 145.

*Hypomnemata quedam.*

Privatæ industriæ relinquo his adjicienda regna, indicum magni Mogoris, Persicum, Corsicum, Sardinicum, Sicilicum, Prussicum, & quæ præter hæc placuerint ex antiquis & hodiernis principatibus. Autumavi, in adductis, tanquam certidem speculationes varias temperandi monarchiam sat clarescisci conspici posse, ut adducendis, principatibus, ducatus, &c. &c. supersedere potuerim, de quibus non desunt consulendi. Nisi enim totus fallor, multa ex illis elucet facillique negotiorum deduci possunt, quæ paucissimis obiter tantum indicabo, ut in systemate, summa rerum capita persequente, fieri par est. Longus enim temperationis usus in imperio romano germanico docuit, quænam brevius minorique sumtu absolvi possint, ac in plerisque aliis fieri consuevit. Facta ipsa comprobant veras rationes, monarchiam absolutam opportune commutandi in temperatam, modumque id efficiendi convenientissimum publicæ salutis. Ostendunt vero etiam, quæ causæ temperamentum evertere soleant, ut propter arrogantiam ordinis unus, nobilitatis v. c. reliqui ordines malint uni soluto regi esse

esse quam tot aliorum injuriis exponi. Ostendunt, quam subtilibus artibus absolutum imperium sensim suffici possit in locum temperati, hujus juribus tacite abrogatis, & quod illius abusus januam aperiatur anhelandi libertatem dataque opportunitate illud vicissim abolendi, & in ordinem moderatum redigendi. Ostendunt, quanta opus sit cura & cautione. ne temperatio ipsa degeneret. Quam ardua inde patefcunt problemata politica conservandi feliciter ac firmandi mutandique sapienter regni una cum analysi usu jam comprobata? Quid non prævideri & prædici inde de futuris potest? Sed manam de tabula! Sapienti sat.

## SECTIONIS I.

## CAPUT III.

## DE

## Reipublica temperata.

## §. 146.

**V**ti in omni republica vulgo dicta imperium non est penes unum sed In rep. temperata imperium plurium limitatur perata limitatur penes plures: ita in Rep. temperata imperium plurium limitatur perata limitatur admixta alia civitatis forma. Etenim resp. in genere quidam quidam omnem notat ordinem formamque civitatis (§. 235. seq. dam poly-  
P. I. Polit.): vulgo autem Monarchiæ opponitur tamquam *πολυκρατία*.  
P. I. Polit.): Quia temperata resp. infert limitationem formæ ipsius per aliam heterogeneam (§. 3.), & ubi respp. simplices specie diversæ confociantur, ibi mixta est resp. (§. 310. P. I. Polit.): dispalescit, temperatam remp. plurium imperium limitare admixta alia simplici civitatis forma.

Strictiori & vulgatori sensu respp. audiunt, quibus plures conjunctim præfunt, ut popularis & paucorum. *Aristot. L. IV. (Wolfs Politica P. II. C. III.)* **Z** *Polit.*

*Polit. c. 3.* Nempe ubi plures imperant sive summæ rerum præsent, ibi vel penes omnes est summum imperium vel penes paucos. Prior est democratia; posterior Oligarchia, latius dicta, prout Aristocratiam comprehendit. Hinc in republ. temperata semper quædam prævalet imperantium multitudo, non vero rex aut alius monarcha. Ita *Stagirita* præter Monarchiam, Aristocratiam, oligarchiam & democratiam affert eam, quæ communi omnium nomine vocatur resp. ubi inquit non tantum ob divitias (πλουτην), sed & ob virtutes præstantissimas (ἀρετην) eliguntur imperantes. Quam resp. naturam optimatis sapere ob curam virtutis publicam statuit. Vbi ergo resp. respicit & ad divitias, & ad virtutem, & ad populum, ut apud Carthaginienses, ea naturam optimarum induit (ἀριστεράν), & ubi ad duo solum, ut lacedæmoniorum, ad virtutem & ad populum, ibi mixtura est democratiae & virtutis (aristocratiae). Quas post Aristocratiam simplices duas ejus mixtas species vocat. *L. IV. Polit. cap. 7.* Hinc resp. hanc cap. 8. indicat mixturam paucorum gubernationis & popularis (μικτὴν ὀλιγαρχίας καὶ δημοκρατίας).

## §. 147.

Quid in rep.  
temperata  
prævaleat?

*In republica temperata non prævalet imperium unius, sed plurium semper.* Si enim prævalet imperium unius, regnum erit temperatum (§. 75.). Sed respublica temperata differt a regno temperato neque est regnum temperatum (§. 146.). Si igitur in regno temperato primaria forma est regia (§. 75.): in republica temperata semper primaria forma non erit regia, sed polycratica, cujus imperium summum sit penes plures. Non præpoller igitur in democratia temperata imperium unius, sed plurium semper, aut optimatum scilicet, aut popolare (§. 45.).

Si existimas æquipollere potius in republica mixta debere firmiores in ipsa consociatas, ut ipso æquilibrio eo sint firmiores stabilioresque: confundis mixtionem physicam & moralem. In physica mixtione si sola quantitas attenditur, possunt æqualia in-



invicem misceri, ut æqualis mensura aquæ & vini, item pollinis nitrosi, sulphurei & carbonum. Et tamen an præstet æqualitas miscibilium eorundem inæqualitati, res est indaginis altioris, huc non pertinentis. In politicis autem æqualitatem, quæ in eodem jure imperii æqualem inferret potestatem, locum habere non posse, constat ex (§. 44.). Aequilibrium, quo opus est, ne una forma aliam suo jure privet, aliis obtineri potest modis, nec indiget æqualitate jurium summi imperii eorundem in formis sese invicem temperantibus, quemadmodum luculenter perspicui potest ex iis, quæ de temperatione Monarchiæ capite præcedenti sunt dilucidata, & facile luculentius doceri potest.

## §. 148.

*Si quæque forma reip. temperata contenta est summis juribus sibi Quomodo ex pacto debitis, nec patitur illa ab alia admixta forma usurpari, dimi- æquilibrium*  
*ui sibi que sensim eripi; salva erit nec degenerabit resp. mixta. In forma mixta*  
*mixta enim rep. summum imperium certa lege debet esse divi- servetur.*  
 sum inter formas simplices, e quibus coaluit (§. 311. P. I. Polit.). Quarum jura licet a se invicem non dependeant; eorum tamen exercitium pacto ad consensum in salutem publicam ita est redactum, ut partim legibus humanis, partim consensu alterius formæ sit limitatum (§. 311. ibid.). Prout igitur pacta sapienter inita sunt servanda (§. 789. P. III. Jur. nat.), & dum servantur salva manent: ita & temperatio reipublicæ pacto nritur (§. 3. & 4.) & sancte servanda est. Dum servatur, quæque forma reip. temperatæ contenta est summis juribus, quæ sibi ex pacto debentur.

Enimvero si una forma pateretur, sua jura ab altera usurpari, altera forma alterius jura imperii summi invaderet, vi aut dolo illa occupatura (§. 1073. P. VIII. Jur. nat.), eaque non resistente illa jus sibi non competens exerceret possideret. que jus alienum, ex indole usurpationis (§. 984. Jur. Gent. in not.).

not.). Quare usurpans partem jurium alterius formæ, illius jura sensim diminueret; omnia vero alterius jura usurpans, illa ipsi penitus eriperet. Vtroque casu non posse salvam manere rep. temperatam, per se liquet; sed potius propter neglectum officii & violationem pacti degenerare. Relinquitur inde, si resp. temperata salva esse nec degenerare debeat, oportere ut nulla forma simplex patiatur alteram in sua jura involare, ut sensim vel minuantur vel ipsi adimantur prorsus.

Rationes, quibus hic utimur, tam sunt generales, ut non solum in strictius dicta rep. temperata, sed & in latius dicta rep. temperata seu mixta eodem gaudeant robore. Quod & indicatur verbis hujus decreti postremis, quibus loco temperatæ mixtæ dixi rempublicam. Vnde & ad regnum temperatum hæc, & inde deducenda statim, erunt referenda. Obligatio servandi pactum temperationis reip. eo est evidentior, quod hoc pactum est publicum & salutis omnium causa initum, unde non privatum tantum unius vel alterius causa, sed omnium interest civitatis consortium, ut sancte servetur. Præterea quoque hoc pactum non continet unius tantum formæ promissionem & alterius nondam acceptionem, sed mutuas promissiones, acceptionesque (§. 788. P. III. Jur. nat.) & (N. 4.). Cujus est indoles, ut si una forma a pacto recedat, alteri quoque eo recedendi jus sit, nec altera ipsi ex eodem amplius obligetur (§. 827. & 835. P. III. Jur. nat.). Ut ergo salva maneat temperatio, quælibet forma suis contenta esse debet juribus, nec uno modo involare in jura alterius cujuscunque.

#### §. 149.

**Remedia invasioni opponenda.**

*Si qua forma simplex reip. temperatæ a pacto recedere conetur, & per leges is conatus debet esse irritus, paræque perfidia & perfuræ obnoxius, nisi ab eo desistatur, sed etiam resistentiæ eorum, quæ in interest, repellendus, si melius fieri nequit, jure belli finito. Debet enim quælibet forma temperatæ reip. contenta esse summis juribus, sibi ex pacto debitæ, nec pati, ut alia admixta formæ*

illa vel diminuat vel sibi adimat prorsus (§. 148). Quod dum patiendum non est, initiis contraveniendi confestim est occurrendum. Primordia vero se exserunt in conatu contraveniendi & tentamine seu periculo quodam facto, experientia magistra. Eapropter si qua forma simplex reip. temperatæ a pacto recedere conetur, & per leges istiusmodi conatus jam debet esse irritus, & eidem se exserenti illico est resistendum, si quid involvat, quod fraudi foret, & rescindi vix aut ne vix quidem posset, ne id perpetrare queat. Si spreta resistentia a pravo conatu non desistatur, & invasor prenæ subjici possit, utique peritiæ & ob jura tum pactum perjurii pœnas incurret, quatenus eas meretur.

Si conatus eversionem temperationis sibi propositam habere intelligatur, propulsandus is erit quovis licito modo ab iis, quorum interest, ne temperatio rite facta evertatur (§. 148.). Hinc quia naturaliter homini est jus belli adversus eum, qui studio pacta non servat (§. 848. P. III. Jur. nat.), & violatio pactorum justa est belli causa (§. 849. ea l. P. III. Jur. nat.): clarum est, invasionem usurpationemque jurium alterius formæ in rep. temperata jure belli, quod infinitum est (§. 1107. P. I. Jur. nat.), si melius fieri nequit, repellendam esse.

Si usquam hic valet antiquorum regula: *principiis obsta, sero medicina paratur, cum mala per longas invaluerit moras*, quam Ovidius Lib. I. de remed. amor. v. 91. hausisse videtur ex illo Theognidis v. 1120. *ἔντωμεν δὲ λυγρὰ φάρμακα θυόμενω*, quod sic reddi solet, pharmaca nascenti sunt adhibenda malo. Quare & Cicero Philipp. V. c. 12. omne, ait, malum nascenti facile opprimitur, inveteratum sit plerumque robustius. „Sæpius quoque docuit antiquior recentiorque observatio commutationum civilium a quam parvis initiis, quam inopinato subitoque, & quantâ sæpe proficiantur? Ipsa sæpe salus a pertenui pender seu fido, seu hilo tantum, facillime ni caveas, rumpendo. Insignes



hic sunt prudentiæ partes, ne vel intempestive ex parva & nullius momenti scintilla per se extinguenda, magnum exciteretur incendium; vel parvi pendatur indicium fatalis ictus opinione citius erupturi, nec pœnitentiæ nisi nimis seræ & inutili locum relicturi.

## §. 150.

Præcipua jura  
in rep.  
temperata  
sunt communia.

*In republica temperata summi imperii præcipua jura sunt in plurium communione.* Neque enim in illa summum imperium potest esse unius, sed semper est prævaletque plurium (§. 147). Vbi plurium prævalet imperium, ibi quædam polycratia est forma primaria, & præest aliis vel alii admixtæ (§. 45). Cum igitur penes primariam formam sit summa rerum (*ibid.*): in temperata rep. necesse est, ut præcipua summi imperii jura sint in plurium communione (§. 295. & § 10. P. I. Polit.). Inde præcipua imperii jura in republica esse communia patet.

Et in democratia populus, & in Aristocratia optimates summum imperium non habent singulatim sed conjunctim; ideoque & conjunctis viribus illud exercent, & nemo suo arbitrio regere potest, sed communi opus est seu omnium, seu in dissensu oborto plurium consensu (§. 291. & 295. P. I. Polit.). Quare par est ratio, ac si in domo communi consensu geratur imperium & exerceatur dominium a pluribus hæredibus ejusdem patrimonii sibi relictæ. His imperantibus in communione, conjunctim idem jus est, quod alias esset tantum uni & antea sit illius, cujus sunt hæredes. Inde commune ipsis est imperium & dominii jus, pro sua cujusque rata (§. 128. P. II. Jur. nat.). Si ratæ sint æquales, dominium commune & imperium, ejusque administratio pariter gaudebit aequalitate, ut suffragium uniuscujusque æquipolleat suffragio alterius. Inde & ob communionem juris ratione summi imperii plures illi, quorum id est, eodem in ipso gaudent jure (§. 3. *loc. cit.*). Quare communes sint. ad quis pluribus idem jus est (§. 4. *ibid.*). Summum imperium pluribus est commune, itaque & præcipua.

illius jura pluribus sunt communia, sive illi plures totus sint populus, sive soli optimates.

§. 151.

*Jura majestatis in republica temperata nequeunt esse penes unum. Jura majestatis in rep.* Majestas enim est dignitas ejus, penes quem summum imperium est indivisum (§. 206. P. VIII. Jur. nat.), & jus majestatis *temperata* est omne jus, quod pertinet ad summum imperium illiusque *nequeunt esse* exercitium (§. 207. *ibid.*). Sed præcipua summi imperii jura *se unius.* sunt in republica temperata penes plures (§. 150.). Fieri ergo nequit, ut simul non sint plurium sed unius tantum (§. 27. §. q. *Ontol.*). Nequeunt ergo in rep. temperata jura majestatis esse penes unicum.

Idem & sic ostendatur: In republica temperata non prævalet imperium unius, sed plurium semper (§. 147.) Sed in quacunque rep. prævalere nequit imperium unius, in ea nec majestatis jura penes unum esse possunt (§. 78.). Est igitur in propatulo, jura majestatis, nequidem præcipua in rep. temperata, penes unum dari posse.

§. 152.

Quia jura majestatis in republica temperata penes unum *Cujus sit in* esse nequeunt (§. 151.), sed vel præcipua illorum in plurium *rep. tempe-* communione dantur (§. 150.): *ipsa majestas realis in repullica rata maje-* temperata *conjunctim datur* penes plures, nec tamen penes solos *stat?* optimates, nec penes solum populum, sed *penes formas simpli-* ces, *in ea unitas vel consociatas.* (§. 146.)

Scilicet in sola Democratia est majestas populi universi (§. 208. P. VIII. Jur. nat.); & in Aristocratia sola illa est omnium optimatum conjunctim sumtorum, sive cætus optimatum (§. 246. *ibid.*). Qua de re in rep. temperata illa nequit esse vel hujus, vel illius, sed si duas illas coaluisse ponamus, conjunctim illa erit utriusque; si aliæ formæ simplices in ipsa coaluere, illarum

larum conjunctim majestas erit, quæ mixtam constituunt, aut si hoc lucidius videtur, e quibus mixta constat.

## §. 153.

*Titulus vero  
ejus est nul-  
lus.*

Eo, quod certum est, in republica temperata majestas non tantum conjunctim pluribus hominibus, sed & pluribus formis civitatum simplicibus competere (§. 152); cogitur majestatis titulum nec in Aristocratia, nec in Democratia, nec de nec in republica temperata, utpote in qua vel Aristocratia præpollet vel Democratia, cuiquam convenire & merito tribui posse (§. 10.). Hunc enim soli Monarchæ, seu absoluto seu imitato tribuendum esse, ratio docet & usus, (§. 76 & 78.) ob- stans adeo, ut ne sibi quidem a suis subditis istum tribui titulum jubeant, multo minus eum inter alias res resp. impetrare studeant.

Vti tituli omnes non sunt nisi verba, quibus præcellenti cujuscumque supra alios ob merita denotatur (§. 763. P. VIII. Jur. nat.): ita usu genuino non sunt tribuendi, nisi eos merentibus vel ea gaudentibus præcellentiā, quam designant. Sed majestas notat dignitatem summam civilem, quæ in hominem cadere potest, imperium scilicet publicum idque integerrimum (§. 206. P. VIII. Jur. nat.). Tale vero & tantum in nemine unum cadere sinunt respp. temperatæ (§. 151.). Satis igitur habent, si resp. dicatur serenissima, uti Veneta præpotens, Belgica, libera, vel absoluta, uti Helvetica &c. Cum sui juris sint & Aristocratia & Democratia, mirum non est, temperatam quoque temp. ab aliorum imperio esse solutam, plenaque libertate naturali & civili præditam, haud secus ac monarchia & regna. Vnde absoluta summaque potestas (Souveraineté) & majestas realis ipsis denegari nequit (§. 152.); personalis vero titulus (§. 10.) ob rationes allatas nemini vindicari potest.

## §. 154.

*Vnde con-*

*Ut constet, quam formam in rep. temperata prævaleat, illa est, quæ for- majoribus majestatis juribus gaudere & quodammodo cæteris præ-*



præesse debet. Necesse enim est ut in formis civitatum mixtis *ma in rep.* una sit primaria seu prævaleat, ita ut penes ipsam sit summa *temperata* rerum, ipsaque cæteris quadamtenus præsit (§. 45.). Cum *prævaleat?* resp. temperata sit mixta civitatis forma (§. 71.): patescit, in illa quoque unam formam, in qua imperium summum penes plures est, prævalere dicto modo debere. Quare cum vel Aristocratia præpollere in illa possit, vel Democratia (§. 71.), criteriis opus est, unde hæc diversitas agnoscat, & duæ illæ formæ a se invicem internoscantur. Ejusmodi sunt potiora seu majora majestatis realis jura (§. 77.), quibus prædominans monarchia agnoscebatur (§. 78.). Quapropter præcipua majestatis realis jura in republica temperata penes illam formam polycraticam esse debent, cujus in ipsa primæ sunt partes. Idcirco ut constet, quamnam forma in rep. temperata prævaleat seu primaria sit, illa majoribus majestatis juribus gaudere cæterisque quodammodo præesse debet. Scilicet saltem eatenus, ut licet formæ secundariæ suo nomine jura sua exerceant, tamen propter eorum abusum in jus primariæ civitatis vocari ad reddendas rationes luendasque pœnas promeritas (§. 45.). Quod cum facile in sensus incurrat, ex eo judicari de primaria forma potest.

Solent multa relinqui in confusione, e qua deinceps lites nascuntur inutiles, cujusmodi olim & in politicis agitæ fuerunt, aliis alia pro confusa notione sumentibus statuentibusque. Cujusmodi controversiis melior obex poni non potest, quam singula distinctius explicando discernendoque. Etsi enim liberum manet cuique, velitne consule tantum res spectare, & in generali nomine adquiescere; id tamen cum in vulgari cognitione eodem modo se habeat. obesse nemini debet, accuratorem rerum penitentioremque cognitionem quærenti, quo minus discernat a se invicem, quæ in re ipsa differre intelliguntur, ut par esse possit dubiis solide refutandis, quæ ex confusione nasci consue-

(Wolffii Politica P. II. C. III.) A a ve-

verunt. Cæterum hæc non tantum ad internoscendam, verum quoque ad constituendam rite formam primariam valent.

## §. 155.

*Vnde hoc  
distinctius  
intelligatur.*

Quoniam majora seu præcipua majestatis jura sunt ea, quæ summæ potentiæ potestatisque usum legitimum indubie ostendunt (§. 77.): si scire velis, quænam forma sit primaria in rep. temperata, dispendium erit, cujus formæ sint jura fœderum, belli & pacis, tributorum, sacrorum, moneta, legatorum mittendorum, & recipiendorum, imperium atque dominium eminens; cujus autoritate summa negotia publica expediantur, cujus sit munera reip. summa tribuere & adimere, leges ferre & abrogare, cujus denique sit supremæ jurisdictio & suppliciorum gravissimorum seu confirmatio seu mitigatio & remissio? (*ibid.*) Ex his enim perspicietur, illius formæ præriora esse majestatis realia jura exercitiumque, itaque illam prævalere. (§. 154.).

Ponamus exempli loco bellum, erga hostem declarandum auspiciandumque. Si illud declaretur, geratur, finiatur jussu, decreto & autoritate solum optimatum, ibi prævalere Aristocratiam constabit. Si vero idem non fiat nomine optimatum, sed populi universi, tum Democratiam esse primariam formam, non noteseit (§. 80.). Neque qualiscunque consensus ad hæc jura exercenda requisitus, criterium primariæ formæ esse potest, sed cujus proprio nomine & autoritate ista exerceantur dispendium est. Potest quoque unius vel alterius juris exercendi nomen datum seu privilegium secundariæ formæ tribui, cujus tamen nomine decreta non fiunt nec expediuntur reipublicæ causæ peragenda.

## §. 156.

*Continuatio  
ejusdem dis-  
quisitionis.*

Præterea in dijudicanda statuendaque forma primaria respiciendum est ad rationes publicæ rei causæ gestorum reddendas, cui formæ illas exigendi, dijudicandi, puniendique reos criminum publicorum altius vel omnis formæ sit peculiare? Etenim ut constare possit, quænam

nam forma in Republica prævaleat, illa cæteris quodammodo præesse debet (§. 154.). Enim vero qui præest aliis, ei ab altero rationes sunt reddendæ rerum a se ipsius jussu & nomine gestarum, item rerum suo jure & nomine gestarum quatenus & illis præest. Ideoque judicium de rebus gestis penes ipsum est, ut pro re nata præclaris gestoribus præmia, prævaricatoribus autem & violatoribus legum cardinalium pœnas & supplicia legitime dictare & irrogare possit. Quare & illa forma in rep. temperata alteri suberit, quæ ad rationes alteri reddendas, & ad adquiescendum in illius sententia saltem ejus executione obligatur; licet & altera forma audienda sit, vel in illa saltem nonnulli extra partium studia positi una aut præcipue cognoscere causam & suffragia ferre ad sententiam dicendam possint, ne sine suo consensu quisquam damnetur. Primaria igitur in republica temperata illa erit forma, cui rationes sunt reddendæ & pœnæ dandæ.

Illustrabimus hoc exemplo tutorum. Procul omni dubio tutor superior cæteris in tutela gerenda præest simul, quatenus eos vocare valet ad rationes gestæ tutelæ ipsi exhibendas, quatenus gaudet jure reprehendendi & damnandi tutorem, qui minus rectè administrasse tutelam deprehenditur; quatenus denique ipsum remove a tutela valet. Etsi cæteroquin tutores ipsi non subsint nisi ratione tutelæ, nihilominus ipsis eatenus præesse intelligitur. Similiter fieri in rep. temperata potest, ut diversæ illæ formæ civitatis, quæ in ea consociatæ sunt, ratione jurium ipsis in summo imperio relictorum, sint sui juris, suoque nomine & arbitrio illa exerceant. Quia tamen in salutem publicam conspirare debent, oportet, ut emergente abusu & leges sint, & earum custodes, qui violatores illarum in jus vocare & damnare pro meritis possint. Quatenus in eadem forma supersunt, innocentes, qui ab illa legum violatione abhorrent, eatenus hi rectè judices constituuntur, ne quid gravius meritis in sui similes statuatur. Quia tamen reliquæ formæ aut



simul læsæ esse possunt, aut communi consensu statuenda sunt, quæ salus publica postulat; eatenus primaria præsertim in hoc quoque rationum reddendarum, repetundarum, & vitæ necisque judicio, eo magis primas meretur partes, quo minus ipsa aberrare a recto imperii usu intelligitur. Multo magis id necessarium est quoque propterea, ne quod dici solet, corvi dimittat corvos, vexet censura columbas; aut quando omnes ejusmodi formæ consortes complices sunt. Exceptio unica datur, si ipsius formæ primariæ sit crimen: quo in casu, quod legibus provisum est, & prudentia suadet, vel justitia exigit, erit sequendum.

## §. 157.

*Summa curandorum in republica temperata.*

Siquidem resp. eodem modo temperanda est, ac monarchia (§. 47.), sed hæc in genere ita erat temperanda, ut commoda illius fierent certiora, stabiliora & ampliora; incommoda vero quam optime removeantur (§. 22.): in republica temperanda itidem erit curandum, ut quæcunque in illa haberi possint commoda, ea obtineantur, incommoda autem ex ea proscribantur, quantum tutissime & aptissime fieri potest. Quare cum inter commoda reipublicæ; cujus imperium est penes plures, habentur libertas naturalis & civilis, quanta salva salute publica dari potest (§. 33. & 51.), & plurium civium incitatio per spem imperandi ad culturam virtutum theoreticarum & practicarum (§. 24. & 38.), nec non studium pacis & tranquillitatis (23. & 34. seq.): Opera danda est in republica temperata, ut libertas, cultura virtutum quarumque, pax & tranquillitas in ea vigeat floreisque quam maxime. Ex adverso quia inter incommoda illius habetur degeneratio libertatis in licentiam & affectuum libidinem, hinc in vitia, virtutibus inimica, in lites factionesque: adhibenda quoque sunt optima, quæ dari possunt præjdia & remedia contra licentiam, vitia, dissidia, factiones, & bella.

De rebus publicis potissimum valet, quod Poëta olim cecinit: *nulla salus bello, pacem te poscimus omnes.* Etsi enim regna quoque calamitates sentiunt, quas sibi mutuo inferunt, si ponamus finito bello res redire in pristinum statum; non tamen id æque sentiunt reges quam subditi, de quorum corio iuditur, illis tamen exceptis, qui subditorum sincero amore flagrant, eorumque sanguinem, vitam, & salutem suammet statuunt. Si qui enim ambitioni litant, atque animadvertunt, sæpius bello vincentem lucrari id, quod victus amittit: hi facile spe victoriæ bella movent inferuntque vicinis debilioribus, quorum ditiones sensim suas facere nituntur, idque favente fortuna, vel quamdiu Deo visum est, ipsis uti vindictæ suæ instrumentis, continuant, donec mereantur & ipsi tardiore quidem, sed & eo graviorem ultionem. Sed in rep. omnibus ferendi sunt sumtus, omnes ægre sentiunt calamitates & pericula, ideoque ab illis eo vehementius abhorrent, eoque magis sunt pacifici, ac de suis potius conservandis, quam de alienis acquirendis solliciti. Quamquam diffiteri nolumus, in magna rerum publicarum frequentia, qualis olim fuit in Græcia, etiam extinxisse bellicolas, ambitiosasque, de principatu inter se contententes, contra quas plurium confociationes fuere excogitatae & stabilitæ, donec omnibus longa servitus fuit subeunda. Vitia enim in magna fortuna facile adolefcunt & ad carceres suos decurrunt, cæcus alia, alia lentiori gradu.

## §. 158.

Occurrendum est in omni republica temperata vel temperanda in-Occurren- commodis a multitudine imperantium oriundis, cujusmodi sunt, præter dum ne-  
dissidia, communium rerum neglectus tarditasque. Etenim in rep. neglectui & temperanda incommoda illius sunt quam optime removenda, tarditati cu-  
optimaque remedia dissidiis & factionibus opponenda (§. 157.). raudarum  
Sed in omni rep. temperanda & temperata plurimum prævalet rerum com-  
munium (§. 147.). Inter incommoda vero polycratiæ habetur tardior congregatio hominum, deliberatioque & definitio  
ac neglectus negotiorum publicarum (§. 31. & 42.). Quare  
his

his diligenter medendum esse malis, a multitudine imperantium oriundis, evidentissimum est.

*Segnius expediunt commissa negotia plures, & naturale velut vitium est, ea, quæ communia sunt, devolvendi ad alios, & rueriter negligendi.* Quod multorum commune est, in eo nimiam adhiberi diligentiam, suo tempore *Aristoteles* observavit (*Lib. II. Polit. c. 13*). Propria enim dum quisque curat, communius, quam singulis incumbere, ad se pertinere statuit quemadmodum in servilibus mun steriis multi plerumque deteriorius res heriles curant, quam pauci. Ea experientia domesticæ etiam nunc confirmat. Par vero ratio est reip. ut si multi illa præsent, juxta *Isocratem* magistratus alii alios intuentes multo negligent, & privatorum sint studiosiores, quam publicorum. Inde *Tacitus Lib. I. Hist. c. 89.* communium curarum, inquit, expers est vulgus & populus & *c. 90.* privata cuique stimulatæ est, & vile jam decus publicum, ut in fam. liis ex servitii libidine. Nocituræ igitur moræ negligentiaque quemadmodum mendela sit afferenda, in genere quidem sic doceri potest, si uti res vera sunt, communia non spectentur nisi ut privata & sibi peramanda ob illa, quæ inde proficiunt bona. Duo inquit, *Nicomachus Lib. II. Polit. c. 4.* sunt quæ faciunt homines curare amare maxime: proprium scilicet & perdilectum s. eorum admodum. Neque enim tantum sua cuique formæ jura sunt propria, licet administratio eorum pluribus sit communis; sed videndum quoque est, nisi diligenter quælibet illa curet, alteram formam neglecta sibi sensim esse vindicaturam, ut seras detestæ negligentia pœnas, nec ad amissa recuperanda admittatur. Cavendum igitur, uti (§. 68. seq.) dictum est, ne facile corrumpatur temperatio recte instituta. Quorsum & ea faciunt, quæ jam subjungemus.

#### §. 159.

Quenam legibus quæ sarum consensu stabilitis, quibus ordinaria negotia publica & salutis comitiis sint curentur; extraordinaria in comitiis sunt deliberanda decernendaque, temperanda?

Opus est in republica temperata legibus communis formarum diversis, quibus ordinaria negotia publica & salutis comitiis sint curentur; extraordinaria in comitiis sunt deliberanda decernendaque, temperanda?

morum



*moram patiantur.* Generatim enim temperatio in negotiis eodem modo expediendis fit legibus non violandis, in reliquis, quæ non nisi ex præsentis rerum facie cum consensu formæ unius vel alterius admixtæ definiri possunt, opus est obtinendo consensu (§. 63.). Sed priora sunt *ordinaria*, posteriora vero *extraordinaria*, usu verborum recepto. Quam ob rem *ordinaria* negotia publica circumscribenda sunt legibus sacratis, secundum quas administrantur ab iis, quibus illa sunt demandata; *extraordinaria* vero conventui publico in comitiis erunt reservanda, ut ibi communibus consiliis excutiantur decernanturque, modo istam patiantur moram.

Quodsi autem occurrant negotia gerenda, quæ subito expedienda sunt, nec differri in comitia possunt, hæc uni vel paucis, qui eis rebus gerendis præfecti satisque periti & fideles sunt committenda erunt, ut illa quam optime valent expediant, obnoxii vero sint rationibus reddendis, si illæ postea poscantur (§. 74. P. VIII. *Jur. nat.*). Alias resp. in hujusmodi casibus multum caperet detrimenti, quod averti posset, ideoque avertendum est, ut propterea dudum unica in his casibus lex injuncta sit: *ne quid resp. detrimenti capiat.*

Nostra nunc non refert, siue ejusmodi rector civitatis temporarius quadamtenus absolutus tempore suæ potestatis, vel si id mavis, suæ dictaturæ, & postea demum re male gesta obnoxius inquisitioni, num qua & quanta sua culpa id contigerit, an & precarium tantum habeat imperium, vel & in ipso eo statu limitatus aliorum consilio & consensu obrinendo antequam statuatur quidquam. Sufficit, eum vel & eos non posse absoluto gaudere imperio in rep. temperata, utpote quo omnis tolleretur temperatio, & vel Aristocratia induceretur, vel monarchia absoluta. Conf. notata (ad 731. P. I. *Polis.*)

## §. 160.

*Differt resp.  
temperata  
& genere &  
gradibus.*

*Differre potest resp. temperata cum genere tum gradibus.* Toto enim genere differet Aristocratia temperata a Democratia temperata, sub quibus & biformes & triformes species dari possunt (§. 32. & 43.); item temporaria & perpetua (§. 48.). Præterea unaquæque harum modo plura, modo pauciora jura summi imperii habere aut non habere potest in hac vel illa forma simplici, e quibus est composita (§. 53.). Neque minus consensus formarum constituentium vel major esse potest, vel minor (§. 54.); ideoque gradibus gaudebit aliis aliisque, seu materialibus ratione numeri & ponderis jurium; seu formalibus, ratione perfectioris aut minus perfecti consensus earum. Perspicuum ergo est, & generum & graduum discrimen dari posse in rep. temperata.

Nondum hic agimus de quæstione, an actu dentur tam diversa genera, diversæque species, & diversi quoque gradus rerum publicarum temperatarum. Sufficit hic ostendisse, de illa posse, pro arbitrio eorum qui civitatem temperare malunt quam simplici ejus forma uti. Temperata enim, quia mixta est, & e pluribus diversæ naturæ simplicibus constat, tanquam composita considerari ab eaque distingui meretur. Genera enim forma primaria; species forma secundaria; gradus denique diversitate jurium & consensus luculenter determinantur.

## §. 161.

*Oritur temperatio reip. vel a posteriori vel a priori.*

*Temperatio reipublicæ cujuscunque æque ac monarchiæ, oritur ducit vel ex sensu abusus imperii plurimum intolerando, vel ex fluctuatione illa mala avertendi.* Prima enim & frequentissima regni temperandi ratio haberi solet in sensu nimii oneris ex abusu regniæ potestatis profecti; rarior autem in prævisione ejusdem sollicita de illius aversione in prima regni constitutione (§. 50.). Sed prouti temperatio Aristocratix eodem modo est instituen-

da ac monarchiæ (§. 47.): ita quoque temperatio, tanquam optimus miscendi respublicas modus (§. 5), iisdem niti debet rationibus & fundamentis. Quare & illa frequentius ortum suum ducet a posteriori ex sensu & dolore intolerando abusus imperii plurium multi jugis, vel a priori ex studio prævisa hæc juga avertendi a suis posterorumque cervicibus.

Nonnihil de his habet *Aristoteles Lib. IV. Polit. c. 5.* scribens: Nec latere nos debet, quod multis locis accidit, remp. quæ secundum leges non sit popularis, more tamen & gestione populariter gubernari. Similiter apud alios contingit, remp. secundum leges esse popularem, moribus tamen & gestione ad oligarchiam magis referri. Quod in his non de modo gubernandi apparente agat, hæc docent, quæ illico sequuntur: Contingit autem hoc maxime post mutationem rerumpublicarum, non enim statim mutantur, sed contenti sunt ab initio homines parva accessione potentia. Itaque lege quidem manent, ut prius erant, prævalent (*ὑπάρχει*) tamen qui remp. mutaverunt. Ita cum Athenis primorum tumesceret ambitio, & avaritia atque iniquitate locupletum premeretur inops plebs, cresceret ultra modum æs alienum, atque hinc discordia & factiones existerent, periculoseque motus libertati exitiales viderentur imminere, omnium vero maxime divites ab ira plebis sibi metuerent: tandem ad extremum civitatis casum declinandum oculi omnium in Solonem sunt conversi, quem solum repudiata, quam ipsi obtulerant, tyrannide, mederi his malis & saluti civitatis quam optime consulere posse universi putabant. Is promulgata *ἡ δόξα* æs alienum & scenus levavit, plebique judiciorum sortito constituendorum, & eligendorum magistratuum, rationumque ab ipsis reposcendarum potestatem concessit. Quod Jus nonnullis nimium est visum, teste *Aristotele Lib. II. Polit. c. 10.* Ipse vero illud magnum quidem, sed necessarium fuisse judicat conservando plebis statui, ne inimico in remp. animo esset. Hoc insigni temperamento multitudinis jus optimatum juri quasi



æquavit, simulque perniciosas factiones, ex Cylonia seditione ortas, extinxit.

## §. 162.

*Per causas  
vei internas  
vel externas  
temperatio-  
nem varie  
ordinando.*

Potest & hæc temperatio causas habere internas aut externas; item vel pristina forma manere primaria vel fieri secundaria. Prior pars hujus sciti eodem ostenditur modo, quo illud dicimus de regno (§. 91. 92.). Quod eo majori jure huc transfertur, quia & ex regno fieri potest resp. temperata. Est enim in arbitrio populi rempublicam temperaturi, sive in ordienda rep. nova, sive in reformanda corrupta (§. 6. & 49.), quomodo illam temperare (§. 21. 32. & 43.) & cui formæ potiora & plura, cui pauciora & minora imperii jura tribuere (§. 53. seq.) ideoque quam formam statuere velit primariam, quam secundariam (§. 45.). Quapropter etiam a causarum internarum externarumque libera voluntate pendet, debeatne in reformanda civitate corrupta pristina ejus forma manere etiam nunc primaria, an tantum secundaria fieri mereatur, prout prudentia vel hoc vel illud præferendum esse dicat.

Vsitatum id esse, multa docent exempla, ut sola illa sufficere illustrationi possint, quæ de Græcarum civitatum conversionibus modo in regna & tyrannidem, modo in Aristocratiam, modo in democratiam, modo in varie mixtam formam relata leguntur in Aristotele aliisque autoribus fide dignis. Athenis v. c. a Cecrope conditore reges fuere. Theseus rex decimus, prima jecit libertatis fundamenta, præcipuas regni vires, per oppida & vicos distractas, in sedem regiam contrahens, majorem & libertatem & securitatem omnibus pollicitus, civibus in tres classes distinctis, quorum prima esset patritiorum, secundam agricularum, tertia opificum; & nomen modo regis, custodiam legum & imperium militare sibi reservans. Codro regum ultimo pro salute patriæ in bello gloriose mortuo, filio Medontii, sublato regis nomine, prætoris (ἀρχαῖος) tantum potestas

reddendis rationibus subiectu est tributa. Cujusmodi Archontes perpetui ibi fuere 14 per annos 315. Quorum ultimus Alcinaon fato functus cum nondum biennium in principatu fuisset, occasionem novandi status civitatis dedit. Quoniam enim perpetuo principatu freti principes liberius agere coeperant, cum in decennalem mutarunt. Quorum sexto abutente imperio, novem archontes iique annui simul creati sunt, quorum diversas functiones *Emmius in republ. Atheniens.* enarrat p. 9. *seqq.* Post hos secuta est illa Solonis reformatio, de qua diximus ad §. 161.

## §. 163.

Facile erit, ad respp. temperandas ea applicare, quæ de *De prudentia* respp. prudentia temperationem non nisi bona civium voluntate & *temperandi*, salva omnium & singulorum salute instituendi, nisi extrema *tuendique*, necessitas obstat, postulans vim adhibendam (§. 94. *seqq.*); item de modis temperationi nullam dandi ansam (§. 96. *seqq.*), & temperationem bene institutam tuendi, ne degeneret (§. 70. 98. *seqq.* & 148.) dilucidata fuere. Vnde his immorari superfluum duco, quæ cujusvis privata industria pro lubitu suo supplere potest & amplificare, formas quoque corruptas reip. temperatæ dirigendo in suas classes.

## §. 164.

*Aristocratia ducali primas dari partes inter Aristocracias temperatas licebit.* Potest enim Aristocratia trifariam temperari, *Sci- Aristocracias* licet ut biformis alia sit, alia triformis. Biformis autem vel *ducalis.* limitatur adjuncta monocratia vel democratia; & triformis utramque admiscet (§. 32.). Sed si temperatio involvit monocratiam, ducalis dicitur Aristocratia (§. *eod.*). Jam constat, si non nisi ordinis ratio habetur, in formis mixtæ reip. primariam esse monarchiam (§. 46.) licet reapse in Aristocratia temperata præpolleant optimates (§. 45. *seqq.* & 160). Quapropter & dux in Aristocratia merito primas occupabit partes, & inter

inter cæteras Aristocracias temperatas, ducales ordine saltem potiores erunt duce destitutis. Poterunt vero & re ipsa antecellere cæteras, si ponamus cætera esse paria, vel & quam optime instituta gubernataque (§. 308. P. I. Polit.).

Consentit cum his *Hertius Polit. P. II. Sect. 7. §. 16.* Vbi his utitur verbis: Dubitari nequit speciem regiae gubernationis optimum Aristocratiæ institutum esse. Subnectit *Cantareni* locum *L. II. de rep. Veneta*: A nostra civitate sapientissime institutum fuit, ut in hæc rep. constitueretur quædam species regiae gubernationis, adeo legibus temperata, ut quovis incommodo & periculo, quæ reip. imminere possent amoris, utilitate vero & commodo, quod regia gubernatio habere solet, accito nihil relictum esse videretur, quod sit desiderandum, ac simul remp. liberrimam, & regem (ducem innuit) præsidem haberemus. Hæc ille. Quibus addo in illis potissimum casibus periculum fieri, quid incidente bello, & rebus moræ impatientibus, in opportunitate feliciter capessenda, hæc valeat temperatio, si non demum creari debeat, sed præsto jam sit optimus præfutura.

## §. 165.

*Aristocratia  
ducalis vel  
biformis est  
vel trifor-  
mis.*

*Duobus autem modis dari potest Aristocratia ducalis, altera biformis, altera triformis.* Ducalis enim appellatur Aristocratia cui adjungitur Monarchia seu imperium unius, ita tamen ut præpolleat Aristocratia (§. 32). Sed per se liquet, hoc fieri posse tum, quando Aristocratia temperatur adjecto solo principatu, sive perpetuo, sine minus; tum quando simul principatu & democratia admixta limitatur. Quia Aristocratiæ temperatæ priori casu tantum insunt duæ formæ simplices, merito biformis; posteriori autem casu triformis dicetur (§. 32.).

Cum Atheniensi Reip. non rex amplius, sed (αρχων) princeps, vel prætor tantum, præesset, obnoxius rationibus reddendis, sive populo, sive arcopagi & ephetarum collegio, sive magis



magis adhuc solorum nobilium & ditiorum quam universi populi iudicio: principis autoritas non re ipsa, sed ordine tantum primaria fuit, re vera autem prævaluit seu optimatum seu populi simul potentia. Itaque fuit Aristocratia ducalis seu biformis seu triformis. Si (αρχων) princeps reddatur, fuit illa Aristocratia principalis, tum quando principes perpetui fuere, ad dies vitæ, tum quando solum decennales fuere. Vnde alia prodit diversitas temperatæ hujus reip. ducalis, vel quod idem sonat, principalis, scilicet, ut alia agnoscatur esse ducalis perpetua, alia temporalis, ad certum tempus restricta, ideoque non perpetua. Ducalis perpetuæ exemplum adhuc prostat in Rep. Veneta; temporariæ autem in Rep. Genuensi de qua posthæc dicetur. Alii vocant Aristocratiam ducalem *regie temperatam*, cum Hertio Lib. cit. P. II. Sect. 7. n. 16. a qua discernunt aristocratrice temperatam §. 19. *ibid.* quam dicunt, in qua datur senatus optimatum rebus summis & arcanis imperii tractandis destinatus. Sed ut hanc restrictionem vocare præstat ita non opus est, ut illam ad Aristocratias temperatas revocemus. Si in triformi rep. primaria forma sit regia, refertur illa ad regnum; si Aristocratia, refertur ad Aristocratiam temperatam; si primaria sit democratia, referenda erit ad democratiam temperatam. Ut tamen discernatur ducalis biformis a triformi, vel his nominibus utendum erit, vel illa dicetur strictius *ducalis*, hæc *triformis* simpliciter, quia alia triformis Aristocratia non datur.

## §. 166.

In utraque ducali Aristocratia illa duci erunt committenda summi imperii jura, quæ moram nullam patiuntur, & arbitrio unius satis in Aristocratiæ ac felicitatis optime geruntur, modo ad rationes reddendas obligetur, non bene gesta. Etenim in temperanda republica adhibendus est modus eas miscendi quam optimus (§. 5.), hoc est ut commoda formæ ducalis seu principatus quam optime sed ita obtineantur, ne ipse contra hypothesin prævaleat (§. 157) incommoda vero vitentur (§. 158). Duci autem optime committi

possunt, quæ solus sua, quam ipsi inesse debere præstruimus, peritia, præsentia animi celeritate consilium ex arena capiendi, & virtute melius præstare valet, quam plures, quod per se planum est. Hujusmodi vero sunt ex illo genere, quæ nullam patiuntur moram, vel in quibus opportunitas rei gerendæ subito capeßenda est, frustra posthac expectanda (§. 159.); & in quibus gerendis ipse aliis felicior esse consuevit.

Quoniam vero primariæ formæ est jus poscendarum judicandarumque rationum, & puniendi criminum publicorum reos (§. 156.): Aristocratia ducalis est, re non bene ceptæ aut gesta ducem in jus vocare ad reddendas rationes. Quem admodum usu venit in rep. atheniensi Archonte perpetuo, vel prætore belli utente aliisque (§. 165.). Cum ducis eadem ratio in utraque Aristocratia ducali, eadem utrobique ejus jura esse possunt, aut si hæc quadamtenus vi pacti differunt, saltem rationes re male gesta reddendæ erunt in bifor¬mi solis optimatibus, in triformi simul & populo ad comitia congresso vel delegato.

Re bene gesta non opus est, ut dux Aristocratia vel & populo in comitiis rationes reddat, cum jam ex eventu contestetur ipsum rem bene gessisse. Nisi posteros suo exemplo prudentiam docturus exponere velit, quam caute solummodo ista per egerit. Neque audiendi sunt iniqui ejus accusatores, non nisi impossibilia & suspensiones inanes per invidiam prolaturi, quos fortis urit, se non fuisse aut esse ducis loco. Satis enim felix eventus docet, ipsum recte rem gessisse. Quoniam in fortuitis solus eventus non evincit prudentiam consilii; excusationem tantum promptam habet, eo quod divina providentia & erratis humanis bonum exitum largiri solet, quando id convenit sapientia iustitiæ, vel & fiducia in Deo collocata. Si quid enim erratum prehenderetur, id per se futura cautioni inservit. Inde quod nec infelix eventus per se culpam auctoris probat, vocatur is

rationes reddendas, ut perspici ex illis possit; sine eventus potius fortunæ vel fato divino tribuendus quam culpæ ducis. Quod si ita se habeat, ne infaustus quidem exitus duci poterit imputari.

§. 167.

Præterea utrobique duci tribui potest *jur innocuum moderandi* Item *innocuum omnes functiones publicas ut in salutem publicam collineent, & magistratum omnium stratus in officio contineantur & quidcunque formæ primariæ non obest functionum* *se* *prodest.* Fieri enim potest, ut non tantum defectu sed & excessu in functionibus publicis peccetur, & communi bono nocetur dum quisque egregie munus suum obire studet. Ne qua ergo nimia sedulitate, aut negligentia supina communi saluti officiat, sed potius omnes functiones ad ultimum hunc finem exacte referantur & conspirent, boni communis cura, præcipua omniumque functionum ad illam directio in republica temperata ob ipsam functionum multitudinem facilemque collisionem est necessaria & consulta (§. 157.). In ducali vero Aristocratia hoc munus, harmoniam functionum in commune bonum procurandi, & avertendi contraria, nemini melius injungi potest, quam ipsimet duci, hisce si rite lectus sit, qualis esse debet, curis pari (§. 166.). Modo simul caveatur, ne id nocuum fieri possit, ideoque quoad ejus fieri potest, omnis abutendi hoc jure facultas ipsi adimatur, ut penitus innocuum sit, quidquid ab eo fieri debet ad magistratus quoque in officio suo continendos.

Quia quæcunque commoda in temperanda rep. haberi possunt, sectanda, incommoda vero, quæ evitari possunt, arcenda sunt (§. 157.): patet in Aristocratia ducali quæcunque formæ primariæ non obsunt sed prosunt, ea cuncta duci lubenter esse conferenda & largienda. Id quod generatim quoque de omni rep. temperata valet (§. 58.).



*Contarenius de Rep. Veneta Lib. II.* ostendit, uno quopiam digno præside unionem civilem civitatis rectius conservari, quam functionibus ipsis in varias partes distractis. Per has enim ex singularum sedulitate circa munus suum fieri posse, ut cum sibi invicem tum communi bono repugnent. Si v. c. rei frumentariæ præfecti diligenter curent, ut opera sua undique magna frumenti copia pretio viliori invehatur, sed eo ipso vectigalibus publicis derogetur. Navalis rei curatores posse plurimas adificare, omnibusque bellicis nauticisque instrumentis egregie exornare naves, pecunias undique coactas in hunc munus ita expendendo, ut ex redditibus publicis non restet; quod reticiendis arcium, oppidorumque munimentis, propugnaculis, stipendiis militum, & custodibus regionum satis esse possit. Pluribus id munus non æque tuto committi, ne pariter negligant, quod pariter pluribus esset curandum; ne ignoretur, in quem culpam admissa sit conferenda, & ne simultates ac invidia bono communi injustæ sint noveræ. Admonet vero hunc principatum ita legibus esse temperandum, ut quovis incommodo & periculo amotis, commodum autem adseito, nihil, quod desiderandum esset, relictum videatur. Principis munus esse, ut tanquam in quadam reip. specula positus conspicetur, quid publica auctoritate ornati agant, de cujusque crimine ad collegium referant, sed nihil solus statuere possit, uno tantum suffragio gaudens.

## §. 168.

Reliquæ Ducis Partes.

Quatenus innocua esse potest, Ducis est receptio literarum & legatorum ad Rempublicam responsio, expeditioque, decretorum & legum promulgatio, justitiæ æqua administratio, moneta justæ signatio est, &c. que. Nihil enim nocere Aristocratiae temperatae potest, si duci inscribendæ sint & aperiendæ quælibet literæ, ad Rempublicam datæ, ut earum argumentum ad eos referatur, quorum legitima est de his rebus consultatio & suffragatio, & si respondere ad eas non nisi ea, quæ a collegio sunt decreta, suo nomine subscripto. Item si legati & oratores admittantur, solenniter

audiantur, &, deliberatione tractationeque debite a collegio vel comitiis peracta, responsum reip. a duce accipiant & honorifice dimittantur. Nihil nocere potest reip. si decreta & leges, publico, quo debent, consensu latae, a duce promulgentur, & administratio justitiæ secundum illas urgeatur procureturque. Nihil denique nocere potest Aristocratiae nostræ, si moneta aurea & argentea cura ducis ita cudatur, ut ipsius effigies & nomen doceat autorem, cujus sit de ejus puritate & pondere legibus satisfacere & respondere. Quæ uti per se patent, sic ita quoque fieri potest, ut in duce regis speciem intueri possis, potestatem nequaquam. Prout igitur in regno temperato jura innocua majestatis regi recte permittuntur (§. 124.): ita in Aristocratia ducali pariter innocua summi imperii exercitia duci merito attribuuntur (§. 167.), ne nomen plane sit inane.

Hæc jura Duci Veneto etiam nunc esse, in vulgus notum est ibidem, & exteris proditum est per Venetos autores. Cæterum ne cui scrupulus inde nascatur, quod *Contarenius l. cit.* ait: publicæ literæ omnes sub ipsius nomine prodeunt obsignanturque . . . promulgationesque legum &c. nomine principis fiunt. Nummi omnes tam aurei quam argentei cum nomine atque imagine ipsius excuduntur, quasi hæc regiam formam loquerentur, cum talia in regno temperato regis nomine fiant: notandum est aliter ista in regno temperato fieri regis nomine, aliter in aristocratia ducali ducis nomine. Etenim ibi regis nomine id fieri perhibebatur, quod jure regis proprio & perfecto fiebat (§. 80.). Hic autem nomine quidem principis ista fiunt, sed ita ut honoris tantum causa publicentur ejus sed non unius nomine ab optimatibus vel & populo decreta, & ut in his quoque, quæ suo nomine agere valet, legibus sit adstrictus sibi præscriptis, & ad dandas rationes obligatus (§. 166.). Inde enim intelligitur, ducalem formam in illa rep. temperata non esse primariam (§. 154.). Patet tamen plus inferre ducis nomen in hujusmodi negotiis, quam si nudus mandatarius aut procurator, vel syndicus,

dicus, Oratorve Regis aut Reip. nomen suum subscribit, prorsus tantum vicaria potestate agens, cum dux propria quidem praesidisque sed non sufficiente per se potestate agat. Hoc sequenti confirmo *diplomatis principio & fine A. 1547. editi*, Marinus Grimano D. G. Dux Venetiarum universis . . . . . significamus, hodie in consilio nostro rogatorum captam fuisse partem tenoris infra scripti . . . . . Quare auctoritate *supra dicti concilii* mandamus vobis, ut supra scriptam pactionem observetis, & ab omnibus inviolabiliter observari faciatis. Ita Reges non scribere nemo nescit.

## §. 169.

*Emolumenta ducalia & honestamenta.*

Potestatis vero dispendium rependitur duci dignitate prope regis honoribus nulli alii tribuendis, & tot etiam publicis redditibus, quibus indemnis illi sit ducalis splendor & magnificentia. In temperatione reip. in genere (§ 58.), & Aristocratiae quoque omnia, quae haberi possunt, simplicium formarum commoda sectanda, incommoda vero fugienda sunt (§. 157.) itaque quaecunque formae primariae non obsunt sed potius profunt, ea formae secundariae tribuenda sunt (§. 167.). Jam in Aristocratia ducali forma primaria est aristocratica, secundaria autem forma ducalis (§. 165.); itaque salva Aristocratia duci tribui potest tantum reddituum publicorum, quantum indemnem illum praestare potest, in magnificentia ducali reip. causa cum illius condecorazione sustentanda (§. 645. P. I. Polit.). Tribui ipsi quoque potest respondens duci (per (§. 676. *ibid.*)) summus honorum externorum gradus, qui a regia maiestate proximus sit, quique ideo nulli alii praeter ipsum in hac rep. tribui debeat. Inde dignitate propemodum regia, seu secundo gradu summi honoris publici ducem colendum esse pater.

Ipsam Maiestatem personalem regibus tantum & imperatoribus tribui consueville, non vero ducibus, principibusve extra controversiam aleam positum est. Vnde sufficit, illis proximam Regi-



Regibus honoris gradum tribui, ut *serenissimi, illustrissimi* que dicantur, & cætera quoque honoris signa regibus parum sint inferiora. Ita omnes cives detecto capite & stantes illum alloquuntur sedentem in sede pæne regia, ipse vero nulli assurgit. Aequum vero esse, ut qui recte sancteque magistratum summum gerunt, honoribus alios omnes antecellant, *Stagirita* jam in *Ætolicis* statuit. Cum vero nemini officium vel privato tantum præstitum debeat esse damnosum: multo magis officii publici hoc est omnium causa suscepti peractique, indemnitas summa commendatur æquitate. Hinc *Contareus Lib. II. de rep. Veneratorum* quid ibi hujus indemnitatis causa statutum sit, sic recenset. Hac specie regia principi affixa, quoniam plerumque contigerat, ut privatæ opes satis non essent, ad tuendam eam dignitatem, atque ad eum locum honestandum, ex publico ærario constituta sunt in singulos annos duci tria millia & quingenti aureorum. Ne vero fortassis quisquam paulo avarior eam pecuniæ summam in rem familiarem neglecta dignitate utilitateque publica convertat, injuncta sunt illi munera quædam, quæ suis impensis obeat, suæque ipsius dignitati & usui reip. consular. Quæ si negligat, ut pecuniis parcat, hæredibus tam ingens mulcta est imposita, ut dum rei augendæ & hæredibus prodesse studere velit, magnam ejus jacturam faciat, si ob avaritiam dignitati suæ desit; hæreditariam simul ignominiam & dedecus posteris relicturus. A quo non potest non, quisquis sapit, abhorreere.

## §. 170.

In triformi Aristocratia, æque ac in triformi regno, optimum Optimum est providere, ne vel dux populi, vel populus ducis jura invadat, mi- officium in nuat, evertatve. Gaudent enim nostro casu optimates juribus im- triformi Ari- perii præcipuis potioribusque (§. 164. seq.). Quatenus tan- stocrotia. tum ordinis formarum simplicium ratio habetur, ducalis forma gaudet præcipuo honore (§. 169.). Ne ergo dux populi jura sensim invadat, eum sibi subiecturus, vel aucupio auræ

popularis gratiæque vel alio clandestino aut violento modo, optimates facile prævidere possunt populi favorem captatum jurium adquirentium abusum & sibi fieri posse perniciosum. Ideoque mature his obviare, populi que jura tuendo eum sibi amiciorem reddere, itaque ducem in officio suo continere debent. Enimvero par periculum oriri potest, si populus ducis jura invadat, eaque sensim sua faciat, ducem detestatus. Quapropter ne id fiat & populus præponderare in imperio occipiat, ducis jura strenue tuendo cum ipso suas vires conjungant, ut populum intra suos cancellos manere obligent, itaque utriusque formæ adjunctæ gratia & studio mutuo temperationem triformis Aristocratiae eo efficiant stabiliorem validioremque. Simili fere ratione in regno triformi quoque conservationi jurium formæ cujusvis erat opera navanda, sive conjunctim, sive separatim jura secundaria exercebantur (§. 123.).

Prouti Duci quædam est cura & custodia legum, innoxia nempe (§. 167.): ita Aristocratia tanquam primariæ formæ in nobili præcipuam curam custodiamque legum observandarum. & compescendarum transgressionum ac violationis jurium sibi nobilissimo vindicat (§. 156.) Vrgentur vero ad hæc optimates non solum nobili officio primariæ formæ peculiari, sed & omnibus communibus privatisque erga se ipsos, & alias formas legum sociatas, ut sua cuique jura relinquuntur salva.

#### §. 171.

*Sitne Aristocratia triformis optima respublica temperata?*

*Simpliciter dici nequit, Aristocratiam triformem omnium temperatarum rerum esse optimam. Videtur quidem Aristocratia quæ hic est forma primaria, quando revera optimatum imperium infert, eo ipso jam reliquis formis simplicibus esse præferenda, ideoque & compositis, quando optimo gaudet ducem per quem in articulis rerum subitis omnis tollitur mora, omniumque arcani dissensionisque impedimentum; & præterea populo ducem*

ci & optimatibus ex asse respondente, nec vitæ nec lacertis, quoties opus est, parcente. Sed positis iisdem conditionibus de regno triformi idem statui posset; nec non de triformi democratia. Præterea non liquet, utrum vel ad breve tempus tantum ejusmodi conditiones junctim dari possint in hocce depravato naturæ humanæ statu? Quapropter cum omnis resp. salva esse possit, quatenus & imperantes & parentes officiis suis non desunt (§. 150. *seqq.* P. VIII. *Jur. nat.*); cum & graduum temperationis ratio sit habenda (§. 53.-55.); & regionum seu fertilitatis seu sterilitatis rerum naturalium & artium, commerciorum, potentiæ, & situs inter alias respp. seu amicas seu inimicas: generatim statui nequit, Aristocratiam triformem omnia & singula formarum commoda optime complecti; neque de alia temperata rep. simpliciter dicere licebit, illam in se hac vel meliorem esse vel deteriolem, ob habendam multorum aliorum rationem curatioremque determinationem, quæ modo in hac, modo in illa rep. adesse possunt, aut abesse. Vnde adquiescendum in rep. est, modo quantum fieri potest ad finem suum consequendum apta sit & maneat, quolibet studente, ut quantum valet ad ejus salutem conferat, & contrariis obster. Neque enim fieri potest, ut ubique terrarum omnia æque proveniant, neque ulla est regio in terris, de qua id verum esset, neque si qua talis fingatur, in ea omnes homines contineri & beatissimi esse possent; sed terra ubicunque potest est habitanda, & ad hominum salutem ac summam Dei gloriam quam optime excolenda & adhibenda, moribus in utrumque rite conformatis; & contrariis pro virili omnium civium cohibitis eliminatisque.

Tam sapienter a Deo facta sunt omnia, ut salva necessaria varietate, quæ iidem summæ sapientiæ est opus & documentum, ubivis terra aptum esse possit rerum naturalium promue-  
rium



rium domiciliumque aliarum aliarumque; & ut homines ubicumque vellent constituere possint civitatem, cujuscunque vellent generis indolisque a Deo inventæ, & ab ipsis rite electæ cultæque, & in eadem felices esse, suis quisque partibus rite fungendo. Vti non omnibus omnes gradus facultatum humanarum dari potuerunt, ita nec omnibus eadem convenit vel forma reip. vel graduum felicitatis ratio. Si qua comparatio esset inter summi imperii formas instituenda, ea quæ Dei est in omni rerum universitate, primas mereretur. Sed ea est omnium simplicissima, est monarchia monarchiarum universalissima & summa. Quare si unicus omnium hominum ponatur esse perfectissimus ratione omnium, quæ in hominem cadere possunt, positus omnibus reliquis in omnibus cæteris, qui dari possunt gradibus perfectionis inferioribus; is utique jure meritoque omnium foret Monarcha humanus, supremusque in omni humanum genere in æternum perennaturo. Eum vero omnis peccati expertem esse debere liqueret.

## §. 172.

*Ubi imperantes perpetui sint vel non?*

*In Aristocratia triformi cum dux tum optimates, tum populi jura exercentes, vel possunt esse perpetui vel temporarii, prout civitas vel abundantiam vel penuriam idonearum personarum sentit, & ipsi consultius videtur. Ducem esse perpetuum tum expedit, cum omnis ejus potestas ita est in ordinem redacta, ut periculosa fieri republicæ non possit; partim propter singularem scientiam & prudentiam, partim propter experientiam diuturnam, longæ demum usu perficiendam (§. 165). Quo pauciores sunt adeo virtute excellentes, eo rarius fieri poterit, ut plures quod unus æque digni sint ducatu. Quo pauciora vero duci curanda sunt, & quo pauciora in ipso ac vulgatiore requiruntur, & plures erunt idonei, eoque breviori tempore alii aliis poterunt surrogari.*

*Optimatum & populi jura exercentium par fere ratio erit, scilicet, quo major scientia & peritia ab ipsis requiritur, tractantur*

tractanda rep. & quo pauciores illa præstantia præditi reperiuntur; eo erit rationi convenientius, ut optimates sint iudicio senioque graves & exploratæ fidei & virtutis viri, ideoque perpetui legum custodes præsidesque, iisque mortuis demum alii præsto sint, qui ipsis sufficiantur. Quo major vero illorum copia habetur, eo aptius excitandæ cohonestandæque virtuti merentium erit, ut ipsorum functio sit brevioris temporis, v. c. semestris, annua, vel duorum aut plurium annorum, nec præter necessitatem ultra statutum tempus prorogetur. Aliæ quoque functiones majoris momenti possunt in eadem rep. recte perpetuari & legibus sapienter circumscribi; aliis tantum præfixo tempore gerendis.

Supra notavimus, Athenis fuisse olim archontes perpetuos, tum decennales, denique annuos ad §. 162. Arcopagitarum vero munus, Solonis instituto non conferendum nisi in maximis reip. negotiis absque vitio jam versatis, erat perpetuum, nisi quis desciscens ab integritate vitæ se eo indignum reddebat. Romæ consules legebantur quotannis, venetiis senatores itidem singulis annis ab universo civium cætu creantur. A senatu 16. cives leguntur præconsultores, quorum magistratus semestris est. In rep. temperata libertati & æqualitati civium est litandum. Ea propter quotquot digni sunt munere quodam publico, illi eodem jure gaudent illius adipiscendi, ac alii. Quapropter brevitate functionis fieri potest, ut paribus paria sint munera & jura, quibus pariter fruantur, itaque invidia & simultates, factionesque evitentur.

## §. 173.

Ceterum ducali Aristocratiæ satius est, si duces pro meritis eligantur, quam lege quadam sibi succedant. Sunt enim duci committenda negotia maximi momenti publica, quæ sæpius moram nullam patiuntur, & quæ tamen ipse melius expedire possit, quam quisquam alius (§. 166.). Est & eidem jus dirigendi

*Dux potius  
eligatur  
quam ulla  
lege succedat.*

di cæteres functiones ad salutem publicam (§. 167). Quæ cum singularem requirant scientiam, peritiam & experientiam, quæ paucissimis esse solet, nec generatione propagatur, sed partim ingenio nititur eximio, partim ejus cultura exquisita (§. 605. P. I. Polit.): obvium est hæc consideraturis, omnino rectius consuli Aristocratiaë ducali, si dux eligatur omnium merentissimus, adhibito quoque modo eligendi fraudes erroresque longe removente, quam si vel optima lege illius successio stabiliatur (§. 613. *ibid.*).

Laconum reges olim succedebant, sed cum aliis nominibus tum & hoc ipso Regnum illis non Aristocratia temperata tribuitur a quibusvis, etiam Philosophis ejus ævi summis. Similiter Regnum erat Atheniensibus etiam cum post Theseum perpetua potestatis regie ipsis superesset. Postquam abolito nomine regio archontes sive principes perpetui jamque ad rationes reddendas obligati placuerant, hi quidem succedebant sibi jure hereditationis & generationis e regio sanguine ultra 3 sæcula. Postquam decennales & tandem annui legebantur archontes novem viri. Et ratione & usu rerum approbarunt electionem ducum respublicæ recentiores, quibus dux arrisit & retinetur hodieque. Adduximus quoque quemdam veluti labyrinthum electionis Venetiis ideo receptum, ut excluderentur eo magis errata & affectuum temerationes ad (§. 616. P. I. Polit.). Aliis tamen brevior placuit electionis via, cum non ipsa multitudo actionum sed ratio nocitura remove debeat & religio. Hinc sufficere si tum candidatorum tum ducis electores præter religionem iuramentis adstricti sint ad damna reip. refundenda, quæ dux fecerit sitan sit reip. sua saltem culpa daturus, ipseque reparare conetur. Eo enim cautiores habebit electores seu suffragatores eoque acriores inspectores & consiliarios, ne quid detrimenti capiat resp. Vid. notata ad (§. 615. P. I. Polit.). Si enim alii ad electionem admittuntur, quam qui sint solvendo, suomet periculo peccare prohibebuntur nolentque.



## §. 174

Si Aristocratia popularis arrideat, impendia in splendorem duca- In populari  
lem non erunt necessaria, & urgente id necessitate dictator vel belli præ- Aristocratia  
tor citra tantam pompam habebitur. Dicitur quippe Aristocratia minores sum-  
popularis, in qua Aristocratia est forma primaria, cui adjun- tur publici  
cta est Democratia tanquam secundaria forma (§. 32). Quia requiruntur,  
illa Aristocratia tantum temperatur ope Democratiae, nulla hic & pro re na-  
datur ratio ostendendæ magnificentiae ducalis serenitatisque tria dabitur  
paulo minoris, quam regiae. Neque ideo opus est sumtibus dictator.  
in istum splendorem insumendis; sed sufficit, si optimates me-  
diocri præcellentia, qua vel ducibus gaudentes egent, utantur.  
Liquet ergo, tunc impendia in ducis splendorem facienda neu-  
tquam esse necessaria, sed potius superflua fore.

Si quando necessitas ingruat, utendi summo belli præ-  
tore, qui par sit rebus bellicis feliciter gerendis, & in rebus  
moræ impatientibus difficillimisque consilia capere possit ex  
arena: tum eligi ad tempus poterit ejusmodi vir, cui ista opti-  
me committi possint, qui minus recte se gerendo in jus voca-  
tus damnari debeat, bene re gesta autem præmio sit condeco-  
randus. Equidem si de ipsius fide, ut par est, satis constet cum  
ex vita & moribus, tum ex religione jurisjurandi, nulla alia  
cautione opus erit; nisi in casum avertendæ omnis corruptio-  
nis cæterorum militiæ præfectorum, ipsorum militum Sacra-  
mento, vel imperata a quoquam duce aut præfecto reip mani-  
festo adversa deprecandi. Ne quid tamen fingatur, quod non  
est, non id ipsis nisi suo periculo licebit, si falsa sequuti esse  
deprehendantur. Hunc belli prætorem nulla indigere pom-  
pa ducali, per se est manifestum.

Ejectis Romæ regibus, penes Consules & senatum erat impe-  
rium, ita tamen ut Brutus avidum novæ libertatis populum, ne  
postmodum flecti precibus aut donis regiis posset, jurejurando  
(Wolffii Politica P. II. C. III.) D d adi.

adigeret, neminem romæ passuros regnare, utque senatus au-  
geretur ex equitibus selectis patribus conscriptis, ut trecentorum  
summam exleret. Rerum divinarum, quæ regis fuerat, curam  
Pontifici sui jecere, bona regia post detectam conjurationem  
plebi dedere diripienda. Cum fama ferret, Valerium affectum  
regnum, augeturque consulis animum, ipse vocato ad concilium  
populo submissis fascibus in concionem adscendit. Gratum  
multitudini spectaculum fuit, summissa sibi esse imperii insignia  
confessionemque factam, populi quam consulis majestatem videri  
que majorem esse. . . Propter quæ & alia dein Publicola dictum  
fuit Valerius. Deinde in maximarum rerum expectatione  
licita civitas dictatoris creandi consilium iniit, & ut consul  
crearetur, lex jussit de dictatore creando lata: sic T. Lartius  
hunc A. Posthumius dictator factus, qui sibi magistrum  
tum adscivere. Oborta seditione populi adversus ferociores  
senatores, cum hostes in armis essent, dictator creatus est  
Valerius, Volesii filius, populo non ingratus. Quæ Livius  
suis enarrat Lib. II.

## §. 173.

*Modus con-  
servandi  
Aristocra-  
tiam popula-  
ri.*

Opus vero erit potissimum, ut optimates erga plebem sint popu-  
lares, & accurate tum dominatum tum Ochlocratiam affectantibus  
sint. Cavendum enim est, ne resp. temperata facile corrumpi  
possit, ope remediorum corruptionis, quæ abusus potestatis  
& potestatis libertatisque impediunt (§. 70.). Quæ enim  
vitiis optimatum, utpote invidiæ, discordiæ, ambitioni &  
perbiæ erga populum debeant mederi, illorum fuga generata  
summa requiritur, & virtutum contrariarum illis vitiis studiosius  
minime vulgare, quæ summa æquitate & in popularitate veluti  
cardo suo vertuntur (§. 28. & 31.). Ne autem quisquam  
aut uno plures dominatum affectent, remque publicam multis  
involvant calamitatibus; aut ex altera parte populus sibi  
optimatum arroget, validissimis cavendum est legum sanctio-  
num pænalium & religionis repagulis, & vigilantia optimatum

diligentissima prudentissimaque (§. 67. & 127.). Certum enim est, ex dissidiis violatisque aliorum juribus non posse non animos erga se invicem exacerbari, & exulceratos animos in vehementissima proclives esse odia excidiaque, saltem in defensionem & victoriam ab adversariis reportandam.

Commendandum est optimatibus populi patrociniū, quod favorem defensionemque ejus in causis quibusque justis & æquitati consentaneis infert, ne facile a quoquam ulli injuria fieri possit. Quale olim apud Romanos viguisse, notavimus ad §. præcedentem, quibus exemplis plura alia addi possunt a quolibet patrociniū populi inculcaturo. Vt æquitas in pænis & mitigatio alias, severitas quoque, ubi opus est, adhibeatur, in Aristocratiā populari suffragia & optimatum & populi sunt meritis conformanda, cavendumque in pænis capitalibus ne quis vel optimarum, vel ex populo damnetur, nisi sui ordinis potissimum suffragiis delegatorum judicium minime suspectorum. Nihil enim efficeretur, si optimates illum damnent, populus absolvat, de quo agitur. Si vero optimatem populus, vel populum optimates damnarent, facile orirentur querelæ, contentionesque inanes forte, periculosa tamen reip. At si accusante altera forma alterius membrum, huic judicium permittitur in suos exercendum secundum acta & probata ab iis, qui sunt & ejusdem formæ loci, & ab utraque forma a partium studio alieni agniti, & ad justitiam exacte sectandam jurato adstricti; reservato formæ utrique inprimis accusanti jure mitigandi aut remittendi pœnam dictatam per dictos judices: ansa querelarum de iniquitate optime removeretur, & concordia, stabilitatque temperationis, mutuaque amicitia firmamenta præbentur exquisitiora. Plura huc faciunt ex iis, quæ *P. I. Politica de Aristocratiā* ostendimus, hic non repetenda. Conferri hic etiam possunt, quæ *Aristoteles Lib. V. Polit. c. 7.* attulit, e quibus hæc hic suffecerint: Dissolvuntur maxime & respp. & Aristocratiæ propter transgressionem justitiæ in ipsis factam. Cujus origo est non bene temperatam esse in rep. Democratiā &



Oligarchiam, quas & resp. conantur miscere & Aristocratie bene multæ, ideoque aliæ magis, aliæ minus sunt stabiles. Bene temperatæ & iustitiam colentes utique rutiliores sunt. Facile enim adquiescunt æquum habentes, suo contentæ. Quæ autem divitiis abundant, si resp. illis excellentiam tribuat, illi contumelia afficere alios & vexare, ac plus, quam par sit, bonorum adipisci student. Quare & L. II. Polit. c. 9. monuit, opus esse, rempublicam, quæ conservari debet, cunctas partes civitatis velle stare & permanere easdem s. salvas.

## §. 176.

Cujus nomine res gerenda in hac Aristocratia?

Ob præcellentiam optimatum in Aristocratia populari negotia summa gerentur vel solius senatus, vel senatus populi que nomine & autoritate. Etenim in Aristocratia populari præpollent optimates (§. 164), inde præcipua majestatis jura sunt penes ipsos (§. 154. 1e.). Quæ idcirco soli suo nomine exercent (§. 80). Quæ vero soli exercere vi pacti temperantis nequeunt, ea sine consensu populi exercere non possunt (§. 64.). Hæc igitur nomine optimatum & populi simul sunt gerenda. Conficitur inde ob præcellentiam optimatum in Aristocratia populari negotia summa gerenda esse vel solius optimatum concilii, vel populi simul autoritate.

Exemplo hac in re nobis est resp. romana. Romulo enim e vivis sublato, & plebe fremente, multiplicatam servitutem, centum dominos pro uno factos: patres offerendum ultro ratum, quod amissuri erant, decreverunt, ut cum populus regem jussisset, id sic ratum esset, si patres autores fierent. Ergo concione convocata interrex: quod bonum, faustum, felixque sit, inquit, Quirites, regem create. Ita patribus visum est; patres deinde si dignum crearetis, autores fient. Quod adeo gratum plebi fuit, ut, ne victi beneficio viderentur, id modo sciscerent juberentque, ut senatus decerneret, qui Romæ regnaret. Vid. Livius Hist. Lib. I. c. 17. Post reges. expulsos nihil frequentius successu

successu temporis in promulgandis legibus, pactisque publicis auditum est, quam illud? *Senatus populusque romanus.*

§. 177.

Si *democratia sit temperata vel temperanda*, *primaria forma in De primaria ipsa non erit nisi popularis.* Si enim *democratia est temperanda, forma in de-* statui populari adjungenda & alia quædam civitatis forma, ut *mocratia* vel *biformis* fiat vel *triformis* (§. 43.). Sed *temperatio ejus temperata.* ita fieri nequit, ut singulis simplicibus formis æqualia essent jura (§. 44). Inde *primaria forma illa ipsa erit, quæ est tem-* peranda, penes quam potiora sunt majestatis jura, & quæ cæ- teris quatenus præest (§. 45.). Adjuncta igitur vel *mo-* narchica, vel *Aristocratica* forma, vel utraque non erit nisi *se-* cundaria, *primaria autem erit popularis* (§. 45. & §. 151. seq.). Quemadmodum vero *populus in democratia pura uni vel plu-* ribus committens exercitium imperii sibi reservat jus in omnes actus imperantis (§. 164. P. VIII. Jur. nat.): ita in *democratia* temperata *secundaria quidem jura sunt penes aliam formam,* ita tamen, ut rebus male gestis ratio & pœna populo sit danda (§. 148. & §. 166.).

§. 178.

Quia *democratia temperata vel biformis est vel trifor-* *Democratia* *mis, & biformis vel ducalis esse potest vel Aristocratica; tri-* *temperata* *formis vero itidem ducalis esse potest* (§. 43.): innotescit *cun-* *quotuplex* *ctis, uti in Aristocratia, ita & in democratia temperata aliam dari sit?* *ducentem, aliam aristocraticam utrobique autem præpollere Democratiam* (§. 45. & 147). Indidem perspicitur quoque, *ducalem vel esse* *biformem tantum, vel triformem* (§. 165.). *Ducalem inter illas* primo loco esse ponendam, patet per (§. 164.).

De hac temperatione Hertius in *Elem. Prud. civil. P. II. Sect. I.* §. 1. scribit: Quemadmodum temperamenta in Aristocratias, ita & in politiis insignem usum habent. Hinc Politia etiam regie temperata laudari meretur, quoniam obstaculo est, ne popula- ritatis

ritatis studium & libertatis abusus in factiones & licentiam abeat. Quam ipse regie temperatam dicit, eam nomine apriori ducalem diximus, quia reges populo subesse non consueverunt. Alias regia brevius dici potuisset. Disertus de illi exponit *Anacephal.* §. 249 - 51. Politia vel pura est, vel temperata. Temperata vel est regie, ubi unus aliquis auctoritate eminet, sed suadendi magis, quam iubendi potestate; vel aristocratice, ubi universae multitudini senatus quidam isque perpetuus velut anchora concionis popularis praesidet, nec senatores mutantur nisi merite aut turpi facto, quod remotionem mereatur.

## §. 179.

*Vnde agnoscatur democratia praeminere?*

Praeponderante in democratia temperata imperio populi (§. 176.) necesse est, ut praecipua imperii jura sint populo (§. 150), & majestatis titulus in ipsum non cadat (§. 153.); populus tamen caeteris praestet (§. 154.) & Jure foederum, pacis & belli, legum ferendarum & abrogandarum imperio & dominio eminente & suprema jurisdictione gaudeat ejusque nomine omnia gerantur (§. 155.).

Ordinis ratio quidem efficere potest, ut dux vel optimus prius nominetur honoris causa, re autem vera populus prius imperii partes sibi reservaret. Hinc Servius jactari voces audiens, *se injussu populi regnare*, conciliata prius plebis voluntate, agro capto ex hostibus viritim diviso, ausus est iterum ad populum, *vellent juberentne se regnare?* Quo facto is iterum consensu, quanto haud quisquam alius ante, rex est declaratus. *Livius L. I. c. 46.* Immo Tullus rex belli indicendi haec formulam feciali praescripsit: ego sum publicus nuntius populi romani, iuste pieque legatus venio, verbisque meis fides est. . . . Quod populi latinorum adversus populum romanum Quiritium fecerunt, deliquerunt, quod populus romanus Quiritium bellum cum priscis latinis iussit esse, senatusque populi romani censuit, consensit, conseivit, ut bellum cum latinis fieret: ob eam rem ego populusque romanus populis priscorum latinorum



latinorum hominibusque prisceis latinis bellum indico facioque. Vid. Livius Lib. I. c. 32. Quibus verbis regis ne quidem mentio fit, qui tamen de bello inferendo patres consulebat, eorumque majore parte bellum consciscente jubebat illud indici; & fecialis se nominat ante ipsum populum romanum. Vti inde inferri nequit, bellum non esse indictum gestumque regis auspiciis, sed fecialis populique romani: ita quoque si populus in rebus publicis propalandis gerendisque præmitteret nomen ducis suo nomini, vel & suum nomen omitteret, ducis tantum & optimatum facta mentione, non posset inde concludi, populi imperium non esse primarium (§. 164.), re ipsa id satis loquente.

## §. 180.

*Democratia temperata duci eadem committi rite possunt, quæ Quænam duci in aristocratia ducali recte attribui posse ostendimus. Vti in Aristocratia præcipua imperii summi jura sunt penes optimates, mittenda in & secundaria innocua penes ducem (§. 164. seqq.): ita in democratia temperata summa rerum est penes populum (§. 177), inde primaria forma in ea est democratica, secundaria ducalis. Quamobrem quæcunque salva aristocratia prærogativa committi poterant duci ejusdem, eadem quoque in democratia ducali committi poterunt duci, salvis populi privilegiis sibi que reservatis juribus (§. 146. seqq.). Ostensum vero est, quænam duci in Aristocratia ducali recte concedantur (§. 166-168.). Vnde cogitur, eadem quoque jura duci democratia ducalis committenda esse saltem committi arbitrio populi posse, quatenus ipsi consultum videtur: quia & hic graduum varietas locum habere potest (§. 53. f. qq.). Item quemadmodum duci rependi potest in Aristocratia ducali dispendium potentia (§. 169.): ita idem fieri posse in democratia ducali facile est judicatu.*

Compendio hujus si multa comprehendo, quæ seorsum enumerare & repetere supervacuum existimavi. Evolventi enim  
cita-

citatos §os. ista cuique per se patent. Non intelligimus vero per duces demagogos, qui in democratia absoluta reperiuntur, nec sunt nisi vel præpotentes; vel populi adulatores assentatoresque, quibus fides a populo adhibetur. Vid. *Aristoteles L. II. Polit. c. 4.* Ponamus democratiam georgicam, (agricolarum) quam *Aristoteles* optimam vocat inter democracias *Lib. VI. Polit. c. 3.* contentam potestate creandi magistratus & corrigendæ delicta, unum constituere dictatorem aut belli prætorem. Fere uti apud priscos Germanos reges ex nobilitate, duces ex victoriis sumebantur; neque regibus infinita aut libera erat potestas, & duces exemplo potius quam imperio, si promti, si conspicui, ante aciem agant, admiratione præerant: teste *Tacito in Germania c. 7.* Exemplo esse potest eorum dux *Arminius* de quo *Tacitus Annal. L. II. c. 88.* hæc memoriæ prodidit: Cæterum *Arminius* abscedentibus Romanis & pulso *Mantodua*, regnum affectans, libertatem popularium adversam habuit; petitusque armis cum valetudinem certaret, dolo propinquorum cecidit, liberator hæc dubie Germaniæ, & qui non primordia populi romani, sed alii reges ducesque, sed florentissimum imperium lacessierit, præbuit ambiguus, bello non victus. Septem & triginta annos vixit, duodecim potentiæ explevit.

## §. 181.

De triformi  
democratia.

*Triformis democratia eadem est ratio in jure imperii distribuendis, quæ in triformi Aristocratia, nisi quod sibi primarias partes dicat democratia, relinquendo cæteris, quod illis innoxie tribui potest.* Temperatione sapienti commoda miscendarum formarum multum sunt obtinenda, tuenda & amplianda, quantum fieri potest, incommoda vero arcenda (§. 7. & 8). Quam obrem cum primaria jura reservanda sint forme primariæ, secundaria vero reservanda (§. 45.) & temperatio fieri non debeat, consequendæ melius salutis publicæ causa (§. 62.); democratia reservanda sunt in triformi democratia jura primaria, secundaria vero cæteris formis, ita tamen, ut cuique eo potissimum tribu

tribuantur, quibus ipsa melius fungi potest, & tantum abusuū quam optime occurratur (§. 101. & 124). Quoniam & in Aristocratia & in democratia triformi eadem sunt formæ simplices, & primaria imperii jura utrobique sunt penes plures (§. 147): utrobique duci tribui debet jus innocuum circa res moræ impatientes aliasque ab uno melius expediendas, quam a pluribus (§. 166. *seqq.*); quænam populi jura esse debeant, patet ex (§. 154. *seqq.*), quorum abusuū cum iis modis medendum, qui in democratia sola valent, tum juribus cæterarum formarum, in hunc finem institutis. Quæ vero optimatibus concedenda sint, patet ex (§. 124). Triformis igitur democratiae in juribus summi imperii distribuendis par propemodum est ratio, ac Aristocratiae triformis, nisi quod primaria jura in illa non optimatibus sed populo sunt reservanda, cæteris vero conferendum, quantum abusuū democratiae præcavendo sufficit, iisdemque & salva populi prærogativa & sic tribui potest, ut eo rectius fungantur, quam populus valeret.

Duæ sunt rationes in temperatione præsertim attendendæ, scilicet ut cuilibet formæ tribuatur id, quo illa rectius fungi, quam alia ulla potest, salvis primariæ formæ juribus; & abusuū jurium cujusvis formæ quam optime ope adjunctæ formæ jurium obviam eatur & obices ponantur. Posita igitur democratia in nostro casu ceu forma primaria, popularis imperii abusuū navisque medendum est tanto jure, quantum huic scopo conducit, reliquis formis assignato; item videndum est, quid vel ab uno duce, vel ab optimatibus melius, quam ab universo populo administrari possit, ut hoc ipsis injungatur, cavente populo per rationes sibi reddendas, ne quid detrimenti capiat resp. illorum administratione. Quæ in sis citatis distincte enucleata reperiuntur, ut plura subungere nihil attineat.

## §. 182.

In democratiam aristocraticam conveniunt fere eadem, quæ Ari- De Demo-  
(Wolffii Politicæ P. II. C. III.) E e stocra-



cratia Ari-  
stocratica.

stocratia populari consentanea sunt, transferendo tantum jura majestatis primaria uti par est in populum. Neque enim differunt democratia aristocratica, & Aristocratia democratica, id est popularis ratione materiæ seu civitatum simplicium, sed tantum ratione formæ, quod permutata sunt jura primaria & secundaria (§. 174. & 178.). Jura enim primaria in democratia sunt penes populum, in Aristocratia vero penes optimates (§. 177. & 164. seq.). Quadrant igitur instituta pleraque aristocratix popularis in democratiam aristocraticam, ordine jurium primariorum & secundariorum permutato, sive transferendo jura optimatum in populum, quantum fieri potest. Jam ergo intelligitur in democratia aristocratica non opus esse splendore ducali & in eadem pro re nata constitui posse dictatorem (§. 174.); neque enim summa in eadem administrari vel nomine populari, vel simul nomine populi & optimatum (§. 176.); ergo optimates vero populum talem esse debere, quales vult in se esse optimates in aristocratia populari (§. 175.), hoc est humanissimum & meritorum admiratorem remuneratoremque.

Vera enim popularitas involvit studium salutis populi (§. 64. P. I. Polit.): cui respondere populus nequit nisi pari studio salutis optimatum. Quare debita ipsorum virtuti existimatione meritorum præconio, præmioque digno in magistratu senatuque quo carere democratia nequit (§. 569. P. I. Polit.) item in obsidibus legationibus (§. 1042. Jur. Gent.) & (§. 155.) prosequendi colendique, vel demerendi sic sunt, ut invitentur ad majorem subinde commoda in remp. conferenda. Neque enim populus nisi omnis historix rerum civilium ignaro, propriaque tuto experientia, ignotum esse potest, quantum ad salutem publicam momenti situm sit in ea, quæ veros optimates gignit eximia virtute. Neque sibi eadem prædito denegatum cupere, quidquid illa meretur. Proinde optimatibus ita, ut sibi idem fieri vellent, si optimatum esset loco, tribuere debet indemnitate.

tem, honoraria, humanitatem, admirationem, remunerationem-  
que promeritam. Opera enim danda, ut libertas æqualitasque  
civilis, quam sibi præsertim curæ cordique habet status popula-  
ris (§. 508. *seqq.* P. I. *Polit.*), non solum non degeneret in tur-  
pem licentiam, vitiorum & accelerandi reip. exitii genitricem  
(§. 512. *ibid.*) sed potius in æmulationem virtutum quarumque,  
sine quibus felicitas reip. dari nequit (§. 40. *ibid.*) provehen-  
dam (§. 558. & 564. *seqq.* *ibid.*). Quo majori igitur ornamen-  
to civitati ac laudi sunt, quo plus celebritatis adepti sunt optima-  
tes, & quicumque virtutibus excellentes, eo magis suis ipsis  
constare debet honor præstantiæque fructus, ut iisdem non glo-  
riari solum, sed perfici subinde amplius & eminere inter cæte-  
ras civitates gentesque possit, cum omnes obligentur ad doctri-  
næ morumque culturæ studium (§. 54. *Jur. Gent.*).

## §. 183.

*Præstat quidem optimates habere indigenas, nisi peculiaris ratio Cujusmodi  
alienigenas præferre jubeat; quinam vero perpetui esse debeant, vel an-optimates  
nui aut temporarii, id ex arbitrio populi pendet & prudenter est con-democratia  
situendum. Emolumenta enim & gubernacula reip. non con-sint adjun-  
cedenda sunt nisi optime de rep. meritis & in posterum meri-gendi?  
turis (§. 571. P. I. *Polit.*). Sed cives indigenæ, eorumque ma-  
jores plerumque & peritiores reip. & amantiores, & meritis  
insigniores esse possunt & debent, quam advenæ peregrini.  
Quare si indigenæ tales sint, quales esse debent, omnino par  
est, ut æque ac in domo extraneis, præsertim se parum aut  
nihil melioribus, præferantur (§. 852. *Oecon.*). Si qua tamen  
peculiaris ratio occurrat, propter quam præferri mereantur  
peregrini, salutis publicæ magis promovendæ causa, quin illi  
tum recte præferantur dubium esse nequit (§. 86. P. VIII.  
*Jur. nat.*).*

Quia a populi voluntate pendet, num & quatenus im-  
perium sibi retinere, item qua lege & quatenus illud in alios  
Ee 2 trans-

transfere vellet (§. 37. & 64. P. VIII. Jur. nat.); item num imperium debeat esse perpetuum an temporarium (§. 210. seqq. *ibid.*): Etiam in arbitrio populi erit, num in temperanda forma populari eidem adjungere velit optimates perpetuos an temporarios. Quoniam vero temperatio melior præferenda est deteriori (§. 56.); sapientia & prudentia opus esse intelligitur, qua, quid præstet, discernatur, eligatur, deducaturque in actum in constituenda temperatione (§. 612. P. I. Polit.).

Alii fuerunt solliciti, ne optimates libertati insidias struerent, ideoque more civitatum italicarum post labascentem Cæsarum auctoritatem alienigenam constituere magistratum superiorem a potestate denominatum quotannis, qui summæ rerum tam pacis quam belli tempore præest. Quod institutum prudentiæ singulari tribuit *Car. Sigonius Lib. V. de Regno italicæ*, forsitan propterea, quod peregrino non potest non difficile esse, quàm moliri contra tot indigenarum argos præpotentes. *Bonniensis Hist. Lib. II.* scribit. ad prætorem alienigenam se contulisse videntur, ut civitatum libertate abutentium gliscentia in dies certamina sedarentur, & ut jus nec odio nec gratia cuiusquam variaretur. Vid. *du Cange Glossarii potestas*. Alii vero populi indigenas maluerunt sed plures & temporarios, ob eandem fere rationem. Sic de Atheniensi rep. *Plutarchus in Solone* refert: concioni, in quam universus populus coibat, & cujus erat suprema in civitate potestas, tanquam grandi navi, fluctuationibus & tempestatibus obnoxia, alia duo collegia (Areopagum innot & senatum) velut anchoras ejus subjuncta fuisse. Etenim fluxisse civitatem, quamdiu salva fuit Areopagi auctoritas, ruisse autem in perniciem ea sublata, ex *Isoerate & Plutarcho* pluribus docet *Meursius in Areopagi c. 9.* annumerat munus 400. senatorum. E contrario aliis optimatibus perpetua erat potestas, uti in areopago, nisi quis propter crimen admissum esset ejiciendus. Peculiaris fuit *Colonia Agrippina* consuetudo, ubi consularatus manet inter viros sex, ita ut tertio quoque anno ad unumquemque redeat, ideoque semestris sit consularatus. Qua  
es



ex re id consequuntur, ut nec unius nimia sit potestas, nec a rerum imperiis resp. regatur. *Conzenio L. VII. Polit. XVI. §. 13.* non probatur illa imperii brevitās, quam non meliorem statuit, ac si civitas singulis annis novum medicum crearet. Vid. *Hertius P. II. Sect. IX. §. 3. seq.* Quod tamen promiscue dici nequit, neque omnino absonum est. Ponamus medicos vel semestri spatio diem supremum claudere; ineptumne erit defunctorum loco novos adhibere? Aut si medicus electus non rite fungatur officio, præstabitne illum abdicare & novum adesseere meliorem, quam manente inepto aut negligente vitam periculo exponere? Talis vero est reip. ratio, cujus saluti & libertati timendum est periculum. Vbi vero non imminet huiusmodi periculum, ibi nec opus est annua vel semestri tantum potestate. Patet ergo, attendendum esse ad rerum publicarum statum præsentem, & quid illi vel propter præteritum vel futurum, proprium aut aliorum similem prorsus statum imminere & expedire videatur, postquam omnia iusta mentis trutina fuerit librata.

## §. 184.

*Temperata Democratia commodis accensetur, si negotia magni momenti a peritissimis secreto tractantur, leges publicæ conservantur, democratia ne a demagogis subruantur, si subitis recte provisum factionibus & de-temperatæ degenerations fores sunt ritè occlusæ. Incommoda enim democratia procuranda.* sunt præcipua, difficultas subitæ congregationis & consensionis in rebus arduis, facilis licentia agendi pro lubitu contra leges, arcanorum proditio, discordiæ & factiones, seductio populi per demagogos, & degeneratio quæcunque (§. 42.). Eorum igitur remotio vera ipsi commoda non potest non præstare. Sed in temperatione reip. sapienti curandum est, ut incommoda removeantur, commoda vero, quorquot haberi possunt, obtineantur (§. 7.). Quapropter oportet, ut in temperanda sapienter democratia opera detur, quo res magni momenti per adjunctum seu ducem, seu optimatum peritissimo-

rum delegatos sat taciturnos nihil a prodicione habeant merendum. Præterea leges publicæ sapienter latæ contra licentiæ machinationes sancte sunt tuendæ, ne earum violatio sentissimè impunis evadat, ipsæque leges ita perperam abrogentur (§. 512. & 559. P. I. Polit.). Ex iisdem rationibus liquet, contra subita mala subitis utendum esse remediis expeditionibusque, ab adjuncta civitatis forma petendis, quam optime fieri potest (§. 158.). Discordiis vero & factionibus nisi meditata sit ipsa temperatione democratiæ, illa sapienter temperata dici nequit, sed insigni commodo erit orbata, quo fuisse beanda (§. 157.). Denique commodorum agmen claudit probe probeque evitata degeneratio tum democratiæ, tum formæ eidem admixtæ, tum ipsius bene institutæ temperationis, quum omnis temperationis pestem esse internecinam contra ex (§. 68. & 163. seqq.)

Ne optimates facile oligarchiam vel tyrannidem inducant, eorum electio & remotio populo sit reservata: si senatus sit perpetuus, illi quotannis adjungi possunt assessores annui e populo quasi tribuni plebis. Spirentium hoc institutum correxisse non nihil priora vitia, autor est *Lehmannus in Chron.* nempe senatores e totidem tribubus lecti perperuum conficiebant senatum. His totidem singulis annis addebantur, lecti a perpetuis illis senatoribus e viginti quatuor viris, quorum duos singulis duodecim tribus edebant.

## §. 185.

De tempera-  
tis Demo-  
cratiis rusti-  
cis, urbicis  
& mixtis.

*Democratia temperata esse potest tum ruralis sive per vicos sparsa, tum urbana, tum mixta, quarum postrema utriusque commoda conjungere debet.* Dantur enim democratiæ & per vicos sparsa & oppidanæ & mixtæ (§. 528. seq. P. I. Polit.). Quamobrem quælibet democratia temperari potest (§. 547.): apertum est democratiam & per vicos sparsam, & urbicam seu oppidanam, & ex utraque mixtam sapienter temperari posse. Quia mixta demo-

democratia præter vicos & pagos simul oppida & urbes complectitur, dari in illa poterunt & ea commoda, quæ per vicos sparsa sectantur, & ea, quæ urbicæ propria sunt. Ideoque mixtam hanc utriusque commoda sapienti temperatione coniungere fas est (§. 7.).

Tribuit *Aristoteles* primas partes Democratix, Georgicæ *Lib. IV. Polit. c. 6. & Lib. VI. c. 4.* proximas ab hac mixtæ *ibid.* ob rationes ad (§. 529. *P. I. Polit.*) adnotatas. Quæ si conceduntur, cæteris paribus, etiam temperatæ democratix rusticæ primæ, & secundæ partes mixtæ erunt tribuendæ. Cavendum tantum, quod & in simplici democratia requiritur, ne dissimilitudo dissidium animorum publicis commodis adversum pariat foveatque. Vti olim Athenis non eodem modo fuere affecti, sed populares magis, qui Pyræum habitabant, quam qui Astu: fere quemadmodum in præliis fossæ interjectæ vel exiguæ acies jam ordinatas distinent sæpe ac sistunt. Quæ verba sunt *Aristotelis Lib. V. Polit. c. 3.*

### §. 186.

Quemadmodum resp. temperatæ pacis sunt studiosio- *Necessaria in* res, pacisque conservationem, quam fieri potest, maxime diu- *pace præpa-* turnam inter sua commoda eaque præcipua ponunt (§. 157.): ratio ad bel- ita tamen ipsis tempore pacis quoque non negligenda sunt, *lum, canta.* quibus indigent in bello fortiter repellendo & pacis causa feliciter finiendo, ubi ejus necessitas incumbit (§. 565. *P. VIII. Jur. nat. & §. 121. seq. & 152. seqq. P. I. Polit.*). Quare quia ad res bellicas feliciter gerendas opus est habitu easdem expedite tractandi æque ac ad curam corporis singulorum (§. 184. *Ethic. P. IV.*), & bellum iustum gerenti auxilia præstare licet ac in officio est (§. 656. *Jur. Gent.*): & domi exercendi atque expediti reddendi sunt in rebus bellicis milites eorumque præfecti, & stipendia recte merebuntur apud alias resp. bellum gerentes, modo, ne contra se invicem aliæque pacta & officia militandum sit, provideatur.

Obli-



Obligantur homines ipso jure naturæ ad mutuam defensionem, quantum sibi invicem prestare possunt (§. 990. seq. P. I. Jur. nat.). Initia civitatis firmat hæc obligacionem ipsam pactum quo civitas coalescit (§. 2. & 28. P. III. Jur. nat.). Inde artibus quoque bellicis opus est, quibus bellum optime administrandum indiget. Omnes vero artes nituntur habitibus educendis exercitiisque & usu frequenti conservandis perficiendisque. Quamobrem & bellicæ artes aliter acquiri excolique nequeunt, quam exercitio frequenti. Quod quando domi imbraticum duntaxat est, ut indolis occupari & obdurescere possit, & veterani in artibus militaribus probe subacti habeantur, qui imminente bellandi necessitate, tirores docere regere & imperes efficere possint: recte illi, quibus domi non indiget res pacata, tanquam copiarum auxiliares & stipendia merendo augumentantur res patrias, & fortitudinem artesque bellicas excolunt majori sibi patriæque erunt emolumento. Hunc morem veteris olim usitari laudarique, æquem potest praterire? Certe vero nefas foret, aliorum causa se ipsos interimere vel illi committere, omnino pactis provide curandum est, ne unquam committantur pacta officia & se invicem copiis auxiliariis pugnandum prout & alia pacto caveri possunt copiis auxiliariis funestum & scopo, cujus causa militant, prorsus adversa.

## §. 187.

*Reip. venetæ  
facies tem-  
perata.*

a) Postquam sui juris esse cepit resp. veneta circa annum 697. abrogatis maritimis tribunis duce gavisa est absoluta tanquam rege, usque ad annum 1173 auctu commerciis & provinciis, Istria, Dalmatia, Syria & Longobardia. Sed propter abusum absolutæ potestatis, variasque conjurationes, caed. occisionesque ducum aliorum per alios, populus rempublicam instauravit antiquam, duci novo Sebastiano Ziano parum præter honores primos & præsidium relinquens. Institutus est amplius senatus 470. civium a 12. electoribus ex omni populo creandorum, quorum arbitrio res maximi momenti gererentur.

rebantur. Quo tempore resp. democratia ducalis dici meruit § 178. & 180.). Atque dominium maris adriatici, Candia multæque aliæ insulæ in mari mediterraneo reip. potestati fuere subiectæ. Oborto a An. 1290. gravi inter plebem & patritios dissidio ac tumultu, plebis ferocia cœpit domari, & An. 1298. magnus senatus ita reformari, ut quotquot eo anno & proximis 4. superioribus illius membra fuerant, illi certa lege cum suis descendens perpetui essent senatores. Quo factò summa rerum venetarum potestas transiit ad optimates, qui nobiles ibi dicuntur, & ab antiquis tribunis ac ducibus ortum ducunt. Quoniam vero sic nonnulli nobiles æque ac præstantiores ex populo cæteris postpositi erant, & quædam velut oligarchia constituta videbatur; intestinum fere bellum exarsit, atque aristocratia tandem rectius instituta est, ut ex democratia fieret prævalens Aristocratia ducalis. Missis jam rebus postea gestis & fatis reip. formam ipsius duce Contareno *Lib. I. de rep. Venet.* dicemus non immerito Aristocratiam triformem, quæ & principatum fere regium & optimatum gubernationem & civile regimen involvit, ita tamen ut summa autoritas sit penes nobilium concilium, Senatumve, nec modo in universa rep., sed & in qualibet ejus parte imperante eadem obtineat temperies. Quod cujusmodi sit, sic habendum est.

b) Princeps scilicet vel dux (il Doge) omnes honore antecellit, sed adempta omni facultate principatu abutendi, ut *Contareno Lib. 2.* statuat, nihil minus reip. veneræ esse timendum, quam ut princeps ullum unquam libertati negotium facessat. Is quoad vixerit reip. præest, postquam scrupuloso scrutinio electus juravit, servaturum se omnia, quæ legibus dux præstare tenetur, & quæ bonum principem deceant, bonoque reip. nullius privati commodi habita ratione consulturum, imprimis justitiæ munus sanctè obiturum, daturumque

(Wolffii *Politica* P. II. C. III.) Ff ope-

operam, ut æquum jus omnibus administraretur; non rei familiarum, non labori ulli, non denique vitæ parsurum, si reip. suis incommodis prospici possit. Is ut omnes magistratus in officio continere possit, cuivis civium collegio se adungere potest collegam præfidi, pari cum illo jure, & unico gaudens suffragio, quo tamen nec gentili nec consanguineo competitori in comitiis, more reliquorum, adesse potest. Eum tamen, qui officio suo defuit, accersitum & coram universo collegio verbis castigare, & si res ita tulerit, de consilii sententia punire valeret. Hinc necesse est, ut omnes ejus castigationem auctoritatemque vereantur, & munera injuncta majori sedulitate perferant. Principi adjunguntur Consilarii 6., singuli ex unaquaque urbis regione vel tribu non secus ac senatores eligendi in comitiis, quorum magistratus est octimestris. Hi assident principi in concilio ducali omnia cum principe audiunt, & in rebus non magni momenti cum principe statuunt, ita tamen, ut 4. suffragiis iisque scriptis opus sit, si quæ literæ publicæ exire ex decreto consilii & jussu principis debeant. Si quæ autem res majoris momenti occurrat, de ea pro re nata ad comitia esse referendum, vel ad senatum, vel ad decemviros suffragando censent summi hi septemviri (vulgo la Signoria).

c) Decemviri optimatum loco habentur, estque summæ auctoritatis eorum collegium, teste *Contareni Libro II.* Ejus cura præcipua est, ne qua inter cives discordia, ne qua factio & conspiratio, ne quis Catilina surgat in reip. perniciem. Si quid enim hujusmodi furtim obrepit, summa gaudent potestate procurandi, ne quid resp. detrimenti patiatur. Horum magistratus non est nisi annuus, & quisquis vel per diem tantum in eo fuit, is & eodem & toto futuro anno ejus muneris vacatione gaudet. Annectitur is principi & consiliariis, ut 17. universum conficiant summum collegium. Ex decemviris singu-



singulis mensibus tres sorte constituuntur primores (vulgo *capì dieci* capita decemvirum), quibus jus est cogendi collegium & ad illud referendi. Ne tamen temere is senatus consultatur, duo sint necessum est, qui de eadem re velint referre, vel quatuor consiliarii. Neque abrogare quidquam jam sancitum possunt, nisi 2 collegii id id consenserint. Hujus collegii severitati ac censuræ postea quoque gravissima nobilium crimina & facinora enormia commissa fuere, uti adulteratio moneatæ, pæderastia, hæresis, blasphemia, homicidia clandestina, magistratuum & præfectorum militiæ quorumque prævaricationes, peculatus &c. Quem in finem accersuntur tum in hoc Collegium præter sapientes primi & secundi ordinis, Advocatores quoque & Procuratores 9. S. Marci, qui maxima gaudent veneratione, & 15. Senatores, iis a comitiis adjuncti, ut tamen non suffragentur nisi decemviri, concilium ducale, & 15. adjuncti, h. e. 32. Utuntur eam in rem *tribus inquisitoribus*, ex selectis quibus & ducem in cubiculo recubantem adeundi, ejus claustra aperiundi & literas inventariumque perscrutandi vel & eundem suffocandi aut in aquam dejiciendi potestas irrefragabilis conceditur. Licet in rebus dubiis & gravioris momenti absque senatu statuere nequeant, in rebus & criminibus manifestis tamen appellationem nullam admittunt.

d) Quantacunque autem sit hujus decemviratus auctoritas, non tamen solum illud, sed simul quoque collegium præconsultorum vulgo sapientum (*il consiglio dei Savi*) ad optima referendum erit, quod ideo decemvirali collegio præferendum censuit *de Zech* in dem Europäischen Herolde pag. 885. Jungitur id concilio ducali in gravioris momenti negotiis quo casu vulgo *collegium* vocatur, estque collectum e triumviris 40. virorum rerum capitalium (*Capidi quaranta*), & ex præconsultoribus trium ordinum. In primo ordine sunt 6. senatores

(*Savi grandi*), primarii cives, quorum præcipuum munus est, ut de administranda rep. de bello & pace aliisque summi momenti negotiis præconsultent, & consulant Senatum. Secundo ordini insunt quinque cives (*Savi di terra firma*), quorum est cura imperii continentis & militum, qui reip. stipendio aluntur. Tertiū ordinis ibidem 5. sunt præconsultores, (*Savi degli ordini*, sive di Marino) quibus demandata est rei maritimæ cura. Hi 16. præconsultores a senatu eliguntur, semestri funguntur magistratu, gaudentque jure cogendi Senatum & ad Senatum referendi, quorum cæterus collegium appellari consuevit. Summo mane conveniunt cum principe ac consiliariis alias causas privatorum & publicas cum ipso decidendo, alias ad senatum remittendo. Quibus finitis secedunt in conclavum suum de publicis negotiis consultaturi. Vbi postquam considerunt illius hebdomadis præses rem, de qua consilium ineundum profert, rogans secundum tres ordines & ætatem singulorum sententiam, postremus omnium suam adducit. Rem discussam, sive consensus adsit, sive dissensus, refertur ad principis concilium, priusquam senatum cogant, cujus auctoritate decernenda sunt consultata, ut fieri possit senatus consultum ex eo quod majori parti senatorum est probatum.

e) Pari quoque ratione petitioni oratorum exterorum respondetur. Quæ senatus placita parte vocari, & legatis collegii & concilii ducalis facie edi consueverunt. Quod, *Contarelli sub finem Libri III.* fatetur, triumviros rerum criminalium semper assidere duci, & Aristocratæ esse, quod senatus nihil possit decernere, nisi de eo prius ad ipsum senatum a principe præconsultoribus & triumviris capitalibus relatum sit. Quibus addo, patere ex narratis, ipsum principem contra remp. conspirare, subesse judicio & pænæ optimatum quod luculento Marini Faletri, Ducis exemplo comprobatur quæ

qui tyrannidem moliendo decemvirum prudentia oppressus poenas dedit, perpetua insuper ignominiae nota affectus, ut in ea curiae parte, in qua pictae sunt imagines principum cum elogiis rerum gestarum, ejus locus sit imagine vacuus, inscriptis tantum versiculis, quibus dicitur pro criminibus securi percussus. Peculiare est, quod post fata ducis cujusque a comitiis quinque viri creantur, qui de consilii sententia, si quid ab eo contra leges sit factum rescindant, & si a quopiam munus acceperit, vel statutae pepercerit impensae referant ad comitia, ubi haeredibus irrogatur multa, quam leges jubent. Vid. *Contareni Lib. II.*

f) Senatus 120. complectitur legitimos senatores, quorum 60. in comitiis sorte creantur ex nuncupatis tantum in urnam conjectis, reliqui sexaginta eliguntur, & prioribus adjunguntur, unde nomen *la giunta*. Praeter hos senatorum jure gaudent consilarii ducis; decemviri; 40. viri judices capitalium causarum & criminum graviorum; salis & annonae frumentariae praefecti, divi Marci Procuratores, multique praeterea magistratus, ut summa saepe 300. exaequet. Senatus partes jure optimatibus accensentur a *Contareno Lib. III.* his verbis: Senatus ac decemvirum consilium in civitate veneta referunt statum optimatum, velut medium, quo status popularis, magnus consilium, & princeps invicem vinciuntur. Hic senatus statuit de bello & pace, de foederibus, tributis, vectigalibusque, de moneta, aerario, de praefecturis militiae nauticae & terrestres, de legationibus, aliisque summis juribus rebusque. Idem eligit collegium Praeconsultorum suffragiis dimidio numero pluribus, iisque tum manifestis; tum vero occultis, cum invito munus onerosum est injungendum.

g) Comitia singulis fere hebdomatibus habenda sunt, ipso *Contareno* autore *Lib. II. & III.* status Venetiarum popularis, ubi



ab universo nobilium civium cœtu creantur, qui ipsius nomine rempublicam administrent, Senatores, iique nobiles. Illi constituunt Senatum modo dictum, eumque selectum seu expetitum, qui inde dicitur (*Consiglio di Pregadi*). Ad comitia vero non admittitur plebs, nec censu potiores, sed nobiles; dum mercenarii statuuntur opifices & sordidi, quia bonarum artium expertes nil nisi lucrum sapiunt, & quia mercede operam suam locant, veluti servi publici. Cum servi non sint liberi, nec ideo cives; majorum virtute & genere nobiles, aut sua virtute insignes & de rep. bene meriti, ideoque, nobilium numero adscripti, solum cives ducuntur, postquam 25 annos nati, aut ex nobilibus 20. annos supergressis sorte civitatem sunt adepti. Univerſus igitur civium venetorum cœtus more recepto est populus illius (§. 514 P. I. Polit.) appellaturque magnum concilium, (*grand-conseilio*) penes quod summum civitatis reip. jus est, & a quo etiam Senatus magistratuumque omnium autoritas pendet, in hac republica vicem refert popularis status, ut verbis utar *Contareni Lib. I. de rep. Ven.* (§. 524 & 527. *ibid.*). Univerſus hic patritiorum cœtus ultra 2500 excreſcere solet, qui numerus vero modo major est, modo minor. Amplioris hujus Concilii est Confirmatio legum publicarum & statutorum velut plebiscitorum; electio magistratuum quorum etiam extra urbem in ditionibus illius ipsiusque ducis.

h) Ne vero populus ægre ferat nobilium vel patritiorum imperium, institutum est, ne ulli impune liceat quemquam de plebe, vel infima, injuria afficere; patricium vero plebejo contumeliam facere pro scelere magno habetur, qui tanto graviores dat pœnas, quanto majoris est dignationis. Præterea diligenter a senatu consulitur tum annonæ triticeæ, tum omnium rerum copiarum quæ faciunt ad victum incolumitatem.

remque populi, cum magno sæpe publici ærarii dispendio. Quem in finem quoque publicæ salubritatis curatores excubant, & annonæ præfecti, & pauperum curatores. Distribuitur populus in honestiorem & plebejum. Plebejis rei que familiaris potissimum studiosis, opificibus, suæ sunt classes, leges & dignitates, quibus suæ classi præsunt per vices sub decemviris, suæque jura. Honestiores ad munera quædam decora & fructuosa admittuntur, a quibus patricii sunt exclusi. Sic scribarum vel notariorum ordo est honestius, quorum fidei & solertiae codices committuntur, quibus res omnis privata & publica continetur, quorum stipendium rei domesticæ amplificandæ satis est. Honestior est illorum 28, qui viris & senatui sunt a secretis, qui redditus habent, ex ære publico 400-2000 aureorum annuorum, qui omnibus interfunt consultationibus magnoque in pretio habentur, eoque in honore versantur quoad aurâ vitali menteque sana fruuntur. Princeps eorum est Cancellarius Venetiarum purpuratus, in comitiis creandus, cum cæteri eligantur a decemviris. Is tanto est in honore, ut a quovis patritio illi loco cedatur, præterquam a procuratoribus & consiliariis, nec ullum ignorat reip. arcanum, per magnis gaudens redditibus fixis 3000. salsis duplo pluribus aureis, & post fata funebri oratione honestandus, ad instar ducis, quia veluti ducem ex populo refert. Sunt populo 5 societates peculiares exornantes exsequias focii, qui diem clausit extremum, quæ suis gaudent præfectis annuis, quorum fidei magna vis pecuniæ pauperibus erogandæ commissâ est a testatoribus piis, ut ea in re procuratoribus d. Marci, patronis miserorum inter patricos, minime concedant, qua in re populus nobilitatem æmulatur. Quibus tamen præsunt decemviri, caventes, ne officere reip. possint. Illa æquitate erga populum effectum est, ut libenter obtemperet, nec ullum excitet tumultum.

Acce-

Accedit, quod & nobilitas terræ firmæ ab imperio veneto excluditur, populo autem nonnulla indulgentur in luxu & voluptatibus, idem humaniter leniterque a magistratu tractantur. duæ factiones illius, Castellanorum & Nicolotarum foventur ac subinde e civibus nobiles creantur, si 100000 aureos ærario publico inferant.

Notandum præterea est Patriarchas & clericos pariter nihil juris in imperio habere, & inquisitioni hæreticæ assidere non possunt. Senatores, sine quorum consensu nihil agi nec decidi potest. Dux appellatur serenissimus princeps, & Serenitas ac præfatus summorum conciliorum, etiam comitiorum, ubi duobus electoribus suffragiis; confert omnia beneficia ædis d. Marci, nec non primicerii, decani & 26 canonicorum; & protector est ecclesiæ huius virginum nobilium. Olim summus erat belli & clausuræ prætor, quod A. 1645. ita mutatum est, ut nec in ipsum in ullum ejus consanguineum istud imperium cadere possit. Neque ipsius filii & cognati ipso vivo ad munera insignia quidem ad Episcopatum vel abbatiam admittuntur. Quia quædam annis ex publico ærario 2500 aureos accipit, 4. ipsi parati sunt singulis annis convivia lauta & opipara 60. & amplius, ad consiliandam sibi civium benevolentiam. Nuntiis die Stephani invitantur seniores dignioresque; die S. Marci ætatem attigere, quibus cum bucentaurum navim consecrantur mare sibi injecto annulo aureo desponsaturus. Denique die & modesti epulis excipit juvenes cives. Adhibentur semper ante convivium solennes sacrorum pompæ, in conviviis saltatores, mimi, cantatores egregii, & ludi. Hieme præterea ne quis præteritus videatur, singulis jure suffragii in convivio gaudentibus 5. anates marinæ veluti convivii portio mittuntur. Dux stipatores alit complures sed inermes, præsidia in solitudine habiturus. A qua ne desiscere possit in palatio dum splendido velut in carcere custoditur & observatur a reip. inquitur toribus speculatoribusque, neque sine venia urbe excedere possit.



Hinc dicitur esse lex in purpura, Senator in curia, in urbe captivus. Si quid ab officio alienum committat, id illico statuat d. Marci loquuntur & teste denuntiant. Proximum ipsius conclavi est decemvirale tremendum tribunal non sine monito constitutum. Eligitur plerumque senex, & quando præesse amplius nequit, abdicatur invitus, uti invitus quoque eligi sæpe solet, neque enim principatum, istam nobilissimam servitutem, electo declinare neu eidem post aliquot annos valedicere fas est, cum id facturus proscriberetur publicæ bonis. Absente, ægroto, vel mortuo duce vices illius tuetur consiliariorum primas dispari tamen honoris gradu utens, nec insignia ducis usurpare audens. Idem comitia eligendi ducem illico indicit, ne interregnum 8. dies excedat.

Quia a pacto civitatis seu expresso seu tacito pendet, quinam civium loco sint habendi, ratione summi imperii nihil novi Venetiis est constitutum, quando ab eo interni cives ignobiles, item nobiles nondum viginti annos nati, exceptis illis, qui sortis beneficio post annum ætatis vigesimum recipi solent, & multo magis nobiles ditionis externæ remouentur. Imitati enim sunt Sesostrim antiquissimum Aegyptiorum legislatorem, qui teste Aristotele L. 7. Polit. c. 10. genere distinctos esse voluit eos, qui armis regionem tuentur, quive de bono publico consultant, ab agricolis mechanicasque artes exercentibus, mercenariam operam locantibus. Inde Lib. III. Polit. c. 5. ad quæstionem, num opifices & mercenarii sint cives nuncupandi, responder, non omnes dicendos esse cives, quibus civitas carere nequit. Vetustis temporibus opifices fuisse servos, aut peregrinos: optimam civitatem (Aristocratiam putat, in qua honores virtuti tribuuntur & dignitati) nunquam civem facere opificem, cum publice ministret aliis, vilis & sordidus. In quadam ramen rep. opifices & sordidos esse cives & nothos, propter civium paucitatem & defectum; aucta multitudine illos & spurios paulatim excludi, & præferri habiles ad honores capellendos. Vti apud Thebanos lex fuit, ut nemo habilis esset ad honores reip. suscipiendos, nisi decem annis a Mercatura abstinuisset.

(Wolfsi Politica P. II. C. III.)

Gg

Si

Si quis in vulgari civium notione adquiescat, & nobiles tantum supra dictos præesse Venetiis consideret, is, facile reip. Venetam dicit Aristocratiam ducalem vel aristocratiam aristocratice temperatam cum Hertio. *El. prud. civ. P. II. sect. 7. no. 19* vel Oligarchiam nobilem, in qua populi non nisi exigua habetur ratio, vel medio vocabulo *imperium primorum*, quod Zeeho *l. c. p. 834.* placuit, cum nobilitatis imperium multis modis variari possit, & restringi, licet cives quorundam munerum civilium & militarium sint consortes, quibus nuda obsequii & fidei gloria sit relicta. Enimvero si populi & civium nomen non notat in politicis nisi participes imperii obsequiique publici, negari nequit, quod ipsi Veneti larcuntur, popularem statum præpollenti Aristocratiae, qualis haberi in hac hominum tota potest, esse admixtum. Ipsa enim comitia complectuntur & infimi generis cives, qui imperii sunt participes, & paulatim ex civibus orti ac virtute meritisque de rep. nobilitati. Hi tamen comitiis non illa sunt jura, quæ concioni Atheniensibus judicandi de senatus actis, jubendi bellum, reficiendi pacem, pangendi fœdera, hæc enim aliorum esse ostendimus. Scilicet eligi magistratus & confirmari leges, quæ in formam secundariam cadere posse, constat ex (§. 163. *P. VIII. Jur. nat.*) ubi ostenditur, aristocratiam esse temporariam, in qua populo quidem jus est quotannis constituendi personas, qui imperium summum habeant. Præterea Cancellarius reip. Venetæ nomine nobilis, nec fieri potest, & tamen veluti dux civium purpuratus est, tanquam secundus a duce, ipse omnium arcanorum civilis conscius, plurimos antecedit nobiles, & sigillo reip. munit publica scripta &c. Sed de nomine reip. Venetæ, aut ullius aliter, non est cur multum laboremus, modo de re ipsa contem-

## §. 188.

*Temperatio  
Reipublicæ  
Genuensis.*

a) A variis rerum discriminibus, hic non commemorandis, Respublica Genuensis in eum libertatis statum adiperavit, in quo etiam nunc versatur. Contigit illud potissimum, cum Caroli V. auspiciis a Gallorum imperio liberaretur, &

A. 1518 Dux *Andreas Auria* (a' *Oria*) reformatione reip. nomen patris patriæ mereretur. Quoniam dissidia nobilitatis & populi tantum non imminens reip. exitii causa fuerant, ad illa abolenda factionum nomina sustulit, & cives eorundem imperii & honorum jurium participes reddens, selectis nempe in hunc finem 23 familiis antiquæ nobilitatis, & quinque familiis plebejis. Metropoli & reip. Genuensi plura quam decem oppida Liguriæ, una cum insula Caposavia & regno Corsicæ Pisanis erepto subsunt, cives vero Genuenses circiter 80000.

b) Gaudet Resp. Duce, qui die Januarii tertio a majori senatu sic eligitur, ut primum conclavi includantur 50 nobiles globulorum aureorum sorte electi, qui 20 nuncupant candidatos e quibus 15, qui plura retulerunt suffragia, deferuntur ad minorem Senatum, suis suffragiis sex eligentem quinquagenarios senatores candidatos quorum singuli & alii his digni sunt iudicati ducali Sparta. Ex his deinde major Senatus eum constituit ducem, qui plurimis gaudet globulorum suffragiis. Qui inauguratus palatio ducali ita adstringitur velut captivus, ut egressus in privati civis sortem recidat. Autoritas ejus tanta est, ut sine ipsius consensu in rep. nihil valide decernatur agaturque; ipse vero ut præses argumenta rerum deliberandarum exhibeat, legatos audiat, collegia convocet, & ejus nomine omnia expediantur negotia. Quingentis gaudet armatis corporis custodibus helveticis, non tamen nisi biennium suo muneri præest, futurus postea perpetuus procurator annua pensione 500 scutorum (Scudi) gavisurus. Adjunguntur eidem 12 gubernatores ultra annos 40 nati, non mediocris prudentiæ famæque, ab utroque senatu simili fere ratione ac dux electi, qui Protosynedrium seu summum conficiunt concilium (la signoria) cum duce. Singulis semestribus duo novi creantur gubernatores, ut pariter biennali munere fungantur.



c) Horum Gubernatorum deliberationes expeditionesque occupantur in negotiis publicis levioribus arcanis subitisque maximique momenti. Cætera graviora, quæ moram patiuntur ad senatum majorem sunt referenda. Bini illorum duodecim virorum duci in ipso palatio per trimestre spatium semper præsto sunt, reliquis domi suæ degentibus. Hi cum duce majori intersunt senatui & finito biennio procuratorum numero aggregantur itidem in biennium, quorum procuratorum bini etiam palatium principis per tres menses incolunt. Octo hi procuratores præter perpetuos æque ac gubernatores dicti pari gaudent autoritate in senatu ut nempe sine eorum consensu nihil statui possit. Idem Procuratores quoque ephori sunt patrimonii, censuum, vectigalium itaque ærarii & reddituum reip. nervorum, a quibus puræ sint manus servandæ; ipsi us ducis censes sunt Quinqueviri (Syndiratores dicti). Ad hos deferuntur, si quæ occurrunt de duce cæterisque magistratibus querelæ. Idem postquam finitum est ducis munus, inquirunt in illius res gestas, atque propter admissos excessus, ut *Stephanus Larcarius* in *Thuano* notatus, non admittitur ad procuratoris emolumenta locumque. Ad hos quoque syndicos appellationes variæ ab aliis magistratibus deferuntur, ut Vindicem libertatis suæ Genuates præmii loco Protosyndicum constituere consueverint. Causas civiles controversas secundum leges disceptant & decidunt; doctores juris in palatio principis habitantes, quorum confessus vocatur *concilio della Ruota*. Causas summarias & tutelares nomine principis semestri spatio discutunt; extraordinarii cognitores; criminales vero Præses (*potesta* dictus), ICrus extraneus, cum duobus adjunctis iudicibus. Præsidis vicarius (*luogo tenente*) & civiles peragit executiones & criminales a majore senatu approbatas.

Ne quid commercio nociturum a quoquam admittatur, censores cavent.

d) Senatus major 400 continet Senatores reip. quales leges jubent nobiles; minor vero tantum 100 nobiles. Familiarum nobilium Genua ultra 600 habet, quarum recentiores æque sunt munerum publicorum participes, ac antiquissimæ. Arctior Senatus cum principe ejusque gubernatoribus res summas deliberat, præconsultata vero majoris momenti ad majorem amplioremque senatum refert, & sic cum illo de bello & pace aliisque summis negotiis statuit. Munus vero Senatoris non est nisi annuum, nec eligi potest nisi 25 annos natus exceptis in majori senatu, si ita res fert & expedire videatur, 60 qui 22 ætatis annos excesserint. Majori Senatui minimum 300 & minori 80 interesse debent, si quid concludendum est.

e) Ad eligendum concilium Senatus majus lubente Decembri Senatus minor octo horarum spatio ex universo nobilium cœtu certis legibus seligit 30 cives optimos, quorum quisque  $\frac{1}{2}$  suffragiorum tulit, nec suffragantibus arcta cognatione vel affinitate conjunctus est. Hi scilicet sunt electores utriusque Senatus majoris & minoris, quam electionem illico simili ratione secundum leges aggrediuntur & quanto cyus absolvunt. Electis 400 patribus concilii majoris, ex illis centum digniores, circiter 50 non minus 27, & 50 reliquos non minus 30 annorum, & qui per quinquennium antecedens artem mechanicam, nobilibus indecoram non exercuerint, eligunt in senatum minorem familiarum congruam rationem habentes. Si qua oriatur dissensio in constituendis 30 electoribus, ut electio 8 horis absolvi nequeat, ex numero gubernatorum procuratorumque sorte illis adjunguntur 14, qui si sex horis numerum nondum impleverint, sorte 11 patres tolluntur ex concilio minori ejusque adjunctis, ut tandem numerus tricenarius impleatur.

tur. Pariter si 30 electores in eligendo majori senatu non reperiuntur 400, qui 18 suffragiis digni sint iudicati, sorte remouentur tres electores, ut cæteri facilius numerum deficientem suppleant, adhibita si opus est, suffragiorum iteratione. Sic & in centumviris legendis partim iterum de iisdem suffragia feruntur, quorum numerus pæne adfuit, partim decimatione adhibita sorte tres remouentur, ut paritas tollatur.

f) Præterea summo studio eliguntur 20 Patres, experientia, prudentia & virtutum laude meritisque in patriam præstantiores, tanquam seminarium majorum magistratuum. Horum nomina servantur in urna ducis, Procuratoris Senioris & Cancellarii clavibus diversis demum referenda, si quis magistratus v. c. gubernator, procurator &c. sorte sint educendi coram gubernatoribus, procuratoribus, & minori senatu. illi inde petantur; rejectis tantum iis, qui interim vel mortui sunt, vel absentes, vel morbo impediuntur, vel indignos se postea reddiderint, vel lege prohibentur. Neque enim duo ex eadem gente simul gubernatores, aut procuratores esse possunt, neque unus simul ad obeundos duos magistratus admittitur, neque Senator aut Procurator fieri potest, nisi lapsis annis decem ab adepta nobilitate; neque dux, nisi 15 annos nobilitate gavissus. Sic nemo ad magistratum adhibetur, nisi qui octo annis nulla usus est arte nobilibus interdicta, cujusmodi sunt manuarie, mercenarie, exploratorie mercium ad portus vel pontes, descriptorie pro mercede, stenerantie, mercatorie minutatim vel propriis manibus exercitæ, illicitæque omnes. Neque gubernator fieri potest, aut procurator qui bona decoxit, vel obætatus est nec solvendo.

g) Non tantum dux, sed & gubernatores procuratoresque subsunt syndicatui, ut eo melius in officio contineantur. Finito præsertim munere inquisitione submituntur quæ in magistratu



ab illis sigillatim gesta sunt. Quæ enim ab universo aut ambobus (gubernatorum & procuratorum) collegiis contra leges decreta sunt, ea Senatui minori dijudicanda traduntur, qui quod justum erit, frequentioribus votis decernet. A sententiis syndicorum, quando de vitæ, honorisque privatione agitur, conceditur appellatio ad senatum centumviralem. Neque secus reliquis magistratibus internis externisque severæ rationes sunt reddendæ concussionum, extorsionum, violentiarum, similiumque transgressionum. Inter præmia iis, qui bene se gesserunt in primariis magistratibus numerari potest, quod dux & gubernatores elapso quinquennio ad eundem magistratum promoveri possit, ne frequentia elatiores fiant; & procurator elapso quadriennio. Senator vero post annuam vacationem rursus eligi potest in utroque senatu. Ne qui bene gesto ducatu perpetui procuratoris beneficium meruere, deinde degenerent, singulo biennio a syndicis adjunctisque 5 centumviris eorum actum in officio, diligenter excutiuntur, ut si quas meruere pœnus luant.

h) Ad conciliandos civium animos, tollendasque similitudines & rixas frequentiori calculo eliguntur tres *conservatores pacis* ex collegiis, qui biennali cura matrimonia tractent & stabiliant; in similitudines vero & dissidia inquirent, eaque quantocyus componantur, aut contumaces ad illustrissimam dominationem quam dicunt protosynedrium (la Signoria) deferant, ubi iustitiæ satis fiet. Oborto autem Genuæ vel in illius ditione tumultu, Protosynedrii & adjunctorum Procuratorum est illum summo opere sedare, vocato prætore, quatenus expedit, & votæ iudicio, ut auctoritati etiam consilium jungatur, & nulla interposita mora autores scelerum comprehendantur, debitaque pœna afficiantur. Si qui Commissarii in provinciam delegandi sunt, provinciam lustraturi & facinorum compescen-

scendorum causa, nonnisi hi, qui graves magistratus præclare gesserunt, eligentur, ut suprema autoritas dignissimis prudentissimisque commissa esse intelligatur.

i) Pariter biennale est munus *Conservatorum leorum* duorum, virorum gravissimorum, qui a duobus collegiis & centumviris mense Januario eliguntur. Horum cura præcipua est, ut in electionibus quibuscunque leges observentur. quas ideo ante electionem, prout præsentì electioni v. c. ducis, electorum, Senatorum & Magistratuum præscriptæ sunt, publice alta voce ab omnibus intelligenda curant recitari, ut forma servanda in memoriam non tantum revocetur, sed & omnino observetur. Adigunt hi eos, quibus est jus eligendi, ad præstandum solemniter præscriptum jusjurandum: juro ego N. ad sancta Dei Evangelia manibus corporaliter tactis scripturis, & in animam meam, me in electione, quam hodie facturus sum de . . . . remoturum ab animo meo iram, amicitiam, amorem, odium, proficuum affectum ad quemcunque colorem & factionem; sed Deum ante oculos habiturum, & hujus reip. & libertatis nostræ, publicæque quietis conservationem, daturumque suffragium meum illis tantum, qui mihi virtute, prudentia, fide & integritate præstantiores videbuntur. Ita me Deus optimus maximus adjuvet & hæc sancta Dei Evangelia. Electis vero, antequam ad magistratum accedant, illorum cura hoc præstandum est jusjurandum: juro ego N. . . . . me munus hoc mihi demandatum legaliter & fideles obiturum, & hujus reip. libertatem, publicamque quietem quantum in me erit, curaturum & defensurum. Ita &c. Præterea fraudibus, quæ fieri in conventu quocunque poterunt ut occurrant, & si quem in flagranti crimine deprehendant, ad illustrissimum ducem illico deferant, oportet, qui eum uti usque voti impotem declarabit, & pro culpæ gravioris modo

pœna mulctabit. Immo universa salus & vita reip. his conservatoribus legum ardentè commendata, postulat, ut comitiis collegiisque attente intersint, nec ipsi a legibus recedant, eorumque locus, si vacarit, confestim repleatur.

k) Electio supremorum Magistratuum extra Genuam, ut gubernatoris Corsicæ, Prætoris Savonæ, commissariorum (scilicet Capitaneorum) Clavariensis, Spediæ, Sarzanensis, Bonifacii & Calvi, item locum tenentis ultramontani seu prætoris Ayacensis, sic expeditur, ut a duobus collegiis & senatu minori tribus partibus ex quinque suffragiorum nuncupentur hujusmodi dotibus instructi, quales in centumviris desiderantur, duo 3. vel 4. quadragenarii pro quolibet loco. Horum nomina ad majorem senatum deferuntur, ut ex illis aptior visus muneri calculorum frequentia declaretur. Oratores & legati, præfecti triremium, militum prætorianorum, qui forum, prætorium & urbem custodiunt, præfecti arcis Savonæ, & sinus Spediæ, aliaque munera majora eliguntur a duobus collegiis centumvirisque & suffragiorum. Reliqua officia a Protosynedrio, vel collegiis ambobus, vel collegio Procuratorum antiquo more conferuntur.

l) Civibus vero ignobilibus consulitur modis sequentibus, ne habeant, de quo conquerantur. Honestioribus, ut spe gloriæ ad virtutem & bene merendum de rep. alliciantur accendanturque, consequendæ nobilitatis præmia sunt proposita. Ad quæ qui adspirant, illi se candidatorum nobilitatis numero adscribi curant, & meritis abstinentiaque ab artibus nobilitati derogantibus secundum leges dignos se ostendunt. Tum singulis annis initio Januarii a Protosynedrio, duobus synedriis, & centumviris diligenter consideratur an & quanam digni sint, qui inter nobiles cooptentur. Quod si visum fuerit, non ultra decem, nimirum ex civitate septem, ex ripariis vero tres, reip.



profuturi, nobilitate insigniuntur. Oportet autem ut splendore nobilitatis honestandi, sint bonæ famæ, ex legitimo matrimonio nati, ab omni arte nobilibus prohibita ultra triennium alieni, ut urbem genuensem vel riparias vitæ integritate morumque honestate diutina majorum habitatione incoluerint. nec ulla hæreticæ pravitatis, seditionis, aut criminis, infamiam irrogantis, labe laborent; quod per quinque electos indagatores summa diligentia, fide, silentio & prudentia inquiritur, & suffragaturis sine ulla fraude referendum est. Hi nobilitati ad senatum amphorem non admittuntur antequam per 4. annos legem nobilitatis servarint; ad minorem senatum vero & magistratus in civitate ejusve dominio non nisi 6. annis ab eorum cooptatione in nobilitatem elapsis. Gubernatores, procuratores & syndici fieri nequeunt, nisi lapsis decem annis ab adeptu nobilitate.

m) *Doctores legum, artium, & medicinæ non nisi talari veste utendum si velint suis frui privilegiis immunitatibusque. Hi dignitatis ergo & quod maximo usui esse reip. intelliguntur, lecto capite sedentes audiuntur ab omnibus magistratibus, excepto ducali & gubernatorum synedrio, possintque ad omnes in rep. dignitates promoveri, etiamsi munus senatorium & magistratus nunquam obierint, supra excepta.* Collegium Ictorum tenetur quotannis duos sui ordinis subministrare, qui pauperes & miserabiles personas, tam in foro civili, quam criminali, gratis pietatis ergo tueantur & protegant; ad quod & medicorum ordo in medendo obligatur, in quem non recipiendi sunt Judæi, nec diplomate doctoratus destituti.

Neque minus eorum ratio habetur, qui civium numero non continentur. In hos enim æque ac alia in cives ipsos alia civitatis inscriptos conferuntur gratis officia scribarum, notariorum, & qui a secretis sunt illustrissimo synedrio ducali, procuratores.

curatorio, Supremis, prætorio, tribunali (rotæ) tam civili quam criminali omnibusque magistratibus tam in civitate, quam in universo ejus dominio. Porro iis cedunt officia consulum rationis, receptorum pecuniæ (modo idoneam præstiterint cautionem) tam apud licitatores vectigalium & reddituum publicorum, quam apud ærarium Georgianum, de quo paulo post dicemus; unum inter censores, unam inter conservatores sanctorum, inter præfectos annonæ unum; præturæ 30. locorum, 4. vicariatus, & omnia alia officia his inferiora. Secretariorum & scribarum electio est penes protosynedrium, procuratores & centumviros, qui scientia, probitate, continentia, prudentia & fide muneri aptiores, 25. annis majores, nec nisi  $\frac{2}{3}$  suffragiorum copia seligunt in quinquennium, quo bene exacto in triennium pari votorum frequentia prorogant. Qui munere fideliter expleto nobilitate donantur, eamque ipso jure & facto adipiscantur, ab officio cum commendatione dimissi, ut tam insignis præmii & gloriæ spe victi ad bene de rep. merendum animentur.

n) Si leges receptæ abrogandæ aut emendandæ vel novæ condendæ sunt, matura opus est consultatione synedriorum coactorum in qua quæ  $\frac{2}{3}$  suffragiorum placuere deferentur ad centumviros discutienda, quorum nisi  $\frac{2}{3}$  consentiunt, nihil actum erit. His autem consentientibus, opus est Senatus majoris frequentia suffragiorum solita in iis, quæ legibus receptis adversantur. In cæteris, quibus nulli legi receptæ derogatur, ferendis sufficit duorum synedriorum centumvirorumque consensus ex  $\frac{2}{3}$  consciscientibus oriundus. De fœdere quoque pacis, de bello, induciis & pace similibusque rebus gravissimis, nihil statuendum, nisi prævia matura deliberatione  $\frac{2}{3}$  illustrissimorum collegiorum consenserint, & quod his visum est a  $\frac{2}{3}$  centumvirorum approbetur. Vectigalia, tributa alia-

que onera populo imponi nequeunt nec remitti, nisi prius summa duo collegia & centumviri saltem  $\frac{2}{3}$  suffragiis consentientibus, declarent non modo necessitatem eorum, sed & nullam meliorem rationem reperiri, qua opportunius reip. consuli possit, idque sancitum amplior senatus, principem & rempublicam referens, frequentia votorum decernat.

o) Concedendæ delictorum gratiæ autoritas residet apud illustrissimum principem ac duo collegia consentientibus binorum eorum suffragiis ex tribus quibusque, si legitima partis offensæ vel hæredum ejus remissio accedat. In casibus vero criminis læsæ majestatis & seditionum, in quibus principem deesse quasi inexorabilem, gratia non est concedenda, nisi ex magna causa, ob bonum publicum unanimi utriusque collegii & Centumvirorum consensu. In homicidiis vero, animo de liberato patris, parricidio, assassinio, mandato occidendi officialem in effectum deducto, latrocinio, fabricatione falsæ monetæ, raptu monialium aut mulierum honestarum, nonnullis interventu  $\frac{2}{3}$  dictorum suffragiorum literæ restitutionis aut gratiæ impertientur cuiquam.

p) Exacto præstantium virorum judicio jam ab annis septem supra millesimum & quadringentesimum excogitatum est ad omne laborantis reip. subsidium, quoddam confugium & asylum, instituto ærario peculiari, quod est societas versuram facientium. Creditorum, qui in reip. usus pecuniarum collocarunt ea lege, ut ex publicis redditibus ipsis refundatur fors cum usuris largioribus. Qui modus comparandi pecuniam, ipsis *compera* (*compra*) h. e. emptio vocatur, & quia administratores ipsius ad ædem D. Georgii plerumque convenire solent (*compera di S. Georgio*) ærarium vel consortium Georgianum dici consuevit. Multitudo creditorum seu locatorum requisivit exactam administrationem publicamque securitatem præ-



præsertim cum publici redditus, provinciæ integræ & præfecturæ societati oppignerarentur aut & darentur in solum. Adepta est propterea societas privilegia eximia imperatorum, paparum aliorumque principum, præter domestica, quorum insigne hoc est, quod societas suo gaudet magistratu, non nisi principi & reip. obnoxio. Inde communitas Genuensis in duas abiit partes, majorem, quæ principis regimini, & minorem, quæ Georgianæ addicta est societati, ejusque parat magistratui, qui officium D. Georgii audit. Constat is magistratus ex octo protectoribus annuis, quorum 4. quolibet trimestri eliguntur; quibus propter amplificata negotia 45 adjutores A. 1545. fuere dati, qui minoribus rebus præsunt, ut exactiōi vectigalium & censuum vel proventuum, solutioni debitorum pro modo crediti, controversiarum circa has res dijudicationi. Quid? quod criminum etiam capitalium discussio & cognitio secundum leges, nullam admittens provocationem Societati concessa est, & immunitas pecuniæ ipsi creditæ ab omni vel publica detentione & confiscatione. Ideo ingens vis pecuniæ privatorum & exterorum undiquaque in hoc ærarium confluit, nec ulla calamitas publica obfuit, quo minus creditoribus satis fieret, & vel perduellionis damnatis eorumque hæredibus æque salvi fuere hi proventus ac optime meritis.

9) Inde opibus ira crevit societas Georgiana, ut progressu temporis Cynrum insulam, quæ nunc Corsica dicitur, varias urbes, municipia & regiones sibi & reip. patriæ adquisiverit. Post tanta potentiæ incrementa lucris sacra fames induxit societatem, ut omnem fere thesaurum suum Regi Hispaniæ Philippo II. mutuum daret, constitutis quidem ipsi hypothecis, sed hispanicæ dirionis, eoque se rempublicamque ipsi obnoxiam redderet, nisi excidere velint oppigneratis dynastiis ditionibusque. Nec sine fidei suæ detrimento diu sæpe nihil

accepit, quando hispani vel non poterant solvere vel nolebant. Philippo IV regnante plane jacturam 17 millionum aureorum incurrisse perhibetur.

Primo hic notandum duco, non abs re visum esse, vivam velut imaginem exhiberi reip. temperatæ, tam antrope luctu lento exemplo, in quo velut in speculo & præceptorum ultis confirmatioque, & varietas mirabilium perspicitur. De ipsa facie reip. Januensis, uti alias vocatur, *Hieronymus de Marinis* Genuensis Patrius *Genua sue Sect. II. c. 2. A. 1665.* statuit summam omnemque potestatem esse penes patritiorum familiam. Ducem vero esse totius reip. caput. *Petrus Bizarus* autem *reip. Genuens. statu & administratione p. 1457. Gravii Thesauri antiq. Italiae T. I. edidit*: omnis Resp. vel Aristocratiam sequi solet vel democratiam - - - Hoc tamen dicens mihi absurdum non videtur, eas respublicas optime institutas esse, quæ ex Aristocratia & democratia iusto quodam temperamento ita sunt constitutæ, ut in illis etiam monarchiæ ratio politus non negligatur. Quæ ab ipso in reip. Genuensem ducta fuisse, quis demiretur? Recensendo electionem ducis sequentis eram *Zechium*, qui *Bizarum* videbatur expressisse. Cum *Bizari & Hieronymi de Marinis* dissensum de hac electione de numero Gubernatorum &c. animadverterem, existimavi majorem fidem habendam esse legibus cardinalibus Genuæ legatis summi Pontificis, Cæsaris & Regis Hispaniæ, in quibus per reip. collata fuerat autoritas, conditis A. 1576. & d. Mart. publicatis. Cum his legibus consentit numerus gubernatorum, & fere quidquid in legibus de ducis electione continetur, exceptis iis, quæ nunc subjungo, quæ quia liber *Hieronymi de Marinis* integro fere sæculo recentior est, partim contra ista esse judico, partim casu tali emergente adhuc observantur. Scilicet in dictis legibus eodem *Gravii Tomo* post duos illos articulos recisus *cap. 26.* jubentur 50 pilulæ (lineæ vel lineæ) dentatæ, & his simillimæ tot argento obductæ, quot in comitiis præter 50 adsunt consilarii, dentis duobus collegitis, in urnam reponi

recondi probeque permisceri. Ex his quilibet consiliarius cæco manus imperi unum educit. Quisquis auratum tulit, eum assidentibus conspiciendum præbet censoribus nomen ejus notantibus, moxque juberetur occulte nomen cujusdam chartulæ inscribere, quem secundum leges ducis munere dignum judicat, & ex comitio exire. Si contigit, hoc pacto nondum 20 esse nominatos, denuo aurati globuli in urnam conjecti extrahuntur per eosdem, aliique nuncupatis adduntur, ut numerus vicenarius aut major prodeat. Ex his 15 per Concilium majus, & ex illis 15 sex candidati per concilium minus  $\frac{1}{2}$  suffragiorum seliguntur, majori concilio ad postremam discussionem remittendi. Major senatus tandem votis prævalentem renuntiat ducem. Si autem vota fuerint paria, iterum sunt ferenda, & paritate nondum sublata, sorte e concilio dimittuntur quinque, ut repetitis suffragiis paritas cesset.

## §. 189.

a) Septem Provincias fœderati A. 1579. Belgii sui juris *Temperatio* & liberam remp. esse jussit A. 1648. d. 30. Jan. pax Monasteriensis, qua Rex Hispaniæ pristino Juri suo plane renuntiavit. *Reip. fœderati Belgii.*  
 Vid. *Corpus diplomaticum J. du Mont Tom. VI. P. I. p. 420 - 435.* Fœdus illud ultrajectinum in *Commentariolo de statu concessatarum provinciarum Belgii p. 5. seqq.* varias continet leges, quarum 2da qualibet ditiones ut singularia sua jura, privilegia, statuta & consuetudines integra & illibata conservent, aliæ alias quavis ope juvare adversus quosvis obligantur, inter ipsasmet vero obortæ lites, vel amico contractu, vel arbitrio & compromisso aut judicium sententiæ sopiendæ recipiuntur. Lege 5ta munio propugnaculorum limitaneorum communi consensu & sumtu fieri jubetur. Lege 9 *seqq.* non nisi omnium assensu bellum, induciæ, pax ac fœdera ineunda, & tributa aut vestigalia indicenda sunt. Lege 12 eadem moneta ab omnibus probanda est & improbanda. Lege 13 singulæ ditiones liber-



libertatem religionis conscientiaque cuius indulgere, ne quemquam ejus causa persequi jubentur. Lege 15 omnes ditiones admodum cavere debent, ne exteris belli interendi occasionem præbeant, ex æquo & bono cum omnibus ut cum indigenis agendo. Lege 17 consilia publica ut optime iniantur omnium nomine mandatarii plena instructi potentia constituendi mittendique sunt ad locum conventui destinatum &c.

b) Indiētis comitiis convenere legati ordinum fœderatorum aliquoties, & militiæ summum ducem provinciarumque unitarum gubernatorem (*stathouder*) creavere Guilielmum Nassovium, Arausionensium principem, suæ libertatis primus auspice, jurato adstrictum legibus, secundum quas res fœderis domi militiæque in posterum gererentur. Adjunctis eidem ordinum senatum (*en Raedt van Staten*) assiduum, a quo decreta ordinum executioni darentur, & ad quem oblata negotia possent referri. Hujus erat, leges præscriptas observandasque alii indicare, commune ararium curare, impendia persolvere, & providere ne quid res fœderis detrimenti caperent, graviora autem negotia, de quibus nihil erat tutum, ad ordines singularum ditionum referre urgente necessitate generalem conventum flagitare. Praeses hujus natus erat gubernator, Senatores vero legati ordinum seu fœderatarum ditionum, cum addito thesaurario & tribus, essent ipsi a secretis. Is senatus adigebatur in solenne iusjurandum, se in hujus muneris administratione non iis, a quibus essent legati, sed omnibus fœderis provinciis pariter adiectis fore, singulisque trimestribus rationem rerum a se gestarum acceptique & expensi ad singularum ditionum ordines mittere, ut constaret, recte ac ordine omnia pro communibus commodis administrari.

c) Ar

c) Aucta vero republica, auctisque negotiis publicis, accedentibus & aliis rationibus, propter pacta cum Regina Angliæ Elisabetha placuit fixum splendidioremque senatum procerum generalium federati Belgii instituere. Supremo huic senatui non insunt nisi septem provinciarum legati septem tantum suffragia efficietes in perpetuis comitiis Hagæ Comitum, hoc ordine, Geldria, Hollandia, Selandia, Trajectum, Frisia, Transisulania & Groninga. Civitates Brabantiae, aliaeque vi subactae in eum non admittuntur. Occupatur hic senatus in iis, quæ commune foedus spectant, militaris in primis rei administratione, foederum cum exteris initorum observatione, excipiendis audiendisque exterorum legatis, æque ac foederatorum desiderijs & querelis ad commune foedus pertinentibus, & similibus speciatim ipsis attributis. In gravioribus vero & extraordinariis rebus non jubendi, sed pro libertate reperta deliberandi, consulendi, & de iis ad suos referendi potestatem habent, ut ex transmissis sibi conspirantibus placitis procerum foederatorum nomine, quod ipsis consentaneum est declarari possit decretum. Supremo Gubernatori, imperatorique militiae terra marique non est in eo sententiae dicendae locus. Consilia tamen ejus pro rep. & desideria ab eo plerumque expetenda, aut sponte oblata, audienda sunt. Subinde ipse praesens ea exponit, saepius tantum senatus praesidi ipsum consulenti. Hujus vero senatus Praeses singulis octiduis mutatur, vicibus ordine statò recurrentibus. Singularum provinciarum ordines e suo magistratu deligunt, quos huc amandant, unum, duos, tresve, ut lubet, qui tamen tres vel quotquot fuerint unum tantum dant suffragium. Ejusdem quidem autoritatis sunt suffragia, nisi quod Hollandiae, Zelandiaeque consiliis plusculum tribuitur, quia oppidorum, hominum & tributorum numero caeteras multum superant, & sine

illorum opibus consilia non possunt dari effecta. Plerique hoc munus suis credunt in triennium, alii in sexennium, pauci ita, ut demum cum vita terminetur, quo vices tantæ dignitatis ad plures possint redire.

d) Quid concilio generalium fœderati Belgii ordinum, quod *Grotius in Libro de antiquitate Reip. batav. & Amphictyonum* conventui ad amussim respondere statuit, tribuendum sit, in eis us constare non poterit, quam si præter præmissa, modum regiminis præcipuarum ditionum, quibus reliquæ sunt limitibus paucis ob oculos ponamus. Inprimis id ipsum discemus ex Hollandiæ Frisiæque comitiis, quorum decretum de hoc argumento promulgatum extat A. 1587. Constant illa comitia ex deputatis ordinis equestris, qui appellantur *die Ridder* scilicet *ende Edelen*, & civitatum, quare decretum sic orditur: *equester ordo, nobiles, & Hollandiæ West frisiæque urbes, representantes eundem provinciarum ordines.* Hi in commune bonum patriæ & dynastiis illustres 12 fere aut 13 unum ferant suffragium civitatum vero 18 consules cum adjunctis senatoribus totidem habeant suffragia, ut summa suffragiorum faciat 19. Ipsorum vero suffragia non sunt nisi nomine nobilitatis & civitatum demandata, quibus propterea dum convocantur præcipua liberandorum capita sunt perscribenda, ut, quid potissimum salutare futurum sit deliberare & delegandorum fidei ac prudentiæ committere possint. Hinc dimissis comitiis delegatorum est, rationes consultatorum omnium autoribus suis reddeere Comitia illa ordinaria & perpetua sunt Hagæ comitis, ubi illius membra vocantur consilarii delegati *gecomiteerde Raeden*, quorum dignitas est triennalis, præses vero *JCrus disertus* & orator nobilium, vulgo *Racht Propna int*, director est horum comitorum, aperiens in comitiis agenda, & quod majori parte



placuit in acta referens. Horum actorum exemplaria deinde nobilitati singulisque civitatibus mittit, quo cuique in promptu sit rerum actarum notitia certa. In novis tamen tributis aut vectigalibus sciendis, bello indicendo aut finiendo, federe faciendo, & similibus extraordinariis, de quibus nihil in committis habent, non ratum habetur, quod major pars consci-  
verit, sed omnium requiritur consensus, necessario exspe-  
ctandus a convocandis propterea per hoc concilium comitiis  
extraordinarius. Uterius ibi habentur duo collegia, alterum  
rationum (*de Camer van Rekeningen*), quinque gaudens assessoribus.  
penes quos est administratio publicorum proventuum ex  
dominiis, quod ducit a Triumviris, quibus cura inspiciendi  
rationes vectigalium, tributorum, aliorumque reddituum attri-  
buitur. Alterum summi Tribunalis, rerum tum civilium, tum  
criminalium.

e) Urbium magistratus constat plerumque ex Prætoribus,  
Scabinis, communitate selecta Senatu & Consulibus. Prætor  
nulla juris dicendi potestate gaudet, ideoque instigator potius  
est publicus, qui reos accusat apud Scabinos. Communitatem  
(*den breuen Raedt*) conficit selectus civium potiorum ditiorum-  
que 30, 40, &c. qui convocari non solet, nisi ubi ex ipsis de-  
legendi sunt novi consules & Scabini, vel deliberanda & expe-  
dienda sunt capita, de quibus in comitiis est statuendum, ubi  
quod majori parti visum est, habetur pro sententia totius ci-  
vitas. Penes frequentius hoc concilium est quoque censura  
consulium & Scabinorum, si muneris sui leges, & in comitiis  
limites mandatorum exceßerint. Quo majori ea in re liber-  
tate, promptiorque utantur, prudenter cautum est, ut eorum  
perpetua sit dignitas, nec possint loco suo moveri, nisi ob cri-  
men læsar majestatis aliudve infamans. Scabini 7. plerumque  
vel 9 judicant causas civiles æque ac criminales secundum le-  
ges

ges statutarias, & ubi hæ deficiunt romanas, ita tamen ut gravato per sententiam liberum sit appellare ex legum præscripto. Consulum 4. vel duorum, est cura politiæ civitatum, compositio controversiarum amica vel arbitrorum more, ne faciles ferantur inutiles. Cæterum & his, & Scabinis & concilio frequentiori perpetim assidet facundus legumque peritus syndicus (vulgo Pensionarius) quasi quoddam in rebus arduis difficilibusque oraculum.

f) Liquet ex dictis, non esse ordinibus fœderatorum generalibus supremum imperium in omnes provincias, sed esse illos tantum suorum delegatos, quorum nomine agunt quicquid agunt. Licet igitur exterorum legati nomine ordinum generalium audiantur & responsa accipiant, literæque ad externos perscribantur, tantum tamen abest, ut per ordines generales intelligendi sint ditionum legati, ut potius hoc nomen veniant cujusque provinciæ ordines & primores, qui ad operam mutuam sibi ferendam ætillimo fœdere connectuntur. Hinc dum extraordinem magnus habetur conventus, ejus conclusa prævalent. Pariter Polybius ostendit, non ideo Romæ summam fuisse potestatem penes senatum, quia apud eum oratores exterorum audiebantur & responsa accipiebant, sed penes populum. Ita & Græciæ rebuspp plenum erat domi imperium, quæ tamen adversus vim Persarum inter se colligabantur, & ad communia fœderis negotia expedienda Amphictyonum instituerant conventum. Salva ut sint singulis fœderatis provinciis sua jura, & melius mutuo auxilio defendantur, initum est eorum fœdus. Hinc ordinum generalium leges non habent vim obliganti a deputatis magistratibus, sed quia autores eorum facti sunt consentientes supremi magistratus fœderatarum ditionum.

g) Habet hic senatus generalis non omne jus summæ imperii

imperii, sed pars illius restat apud Senatum antiquiorem duodecim virorum, vel concilium publicum fœderatorum ordinum. Constituitur is ex hujusmodi, quibus alter, provinciarum delegatis, præterquam quod in ipso perpetuum præsidem agat & sententiæ dicundæ jus habeat Princeps Gubernator militiæque utriusque imperator. Ad hunc & ordinaria & extraordinaria referuntur negotia minoris momenti, quæ commune fœdus militiamque spectant. Præsertim cura reddituum, rei militaris & exsecutio decretorum communium ipsius sunt. Ad eum quoque aditus conceditur illis, qui gubernatori summo destinati sunt successores, ut eo rectius adsuescant curandis imperii rebus. Solent enim ordines fœderati Belgii meritorum & Reip. causa gubernatores constituere hæreditarios. Quod institutum licet A. 1651. post fata Wilhelmi interruptum sit, abrogata suprema gubernatione principis, Anno tamen 1672. est restitutum; item abruptum A. 1702, & 1747. de novo restitutum & auctum, electo rursus totius fœderati Belgii gubernatore prorsus hæreditario, armorum terra marique præfecto supremo & Indiarum orientalium rectore perpetuo, Principe Arausionensi & Nassovio, *Wilb. Car. H. nr. Frisone.*

h) Quamvis igitur princeps, summus est militiæ præfectus, miles tamen non soli ipsi sed simul fœderatis ordinibus sacramentum dicit, penes quos est conscribendorum, exauctorandorumque militum, & stipendiorum solvendorum potestas. In castris & expeditione bellica quidem liberrima gaudet dignitates militares vacuas conferendi in quoscunque vult, potestate; pacis vero tempore præfectos eligit ex tribus, quos ordines cuique functioni idoneos judicarunt denominaruntque candidatos. Non vero nisi ordinum in destinationem impensasque assensu impetrato expeditionem suscipere licet, a quibus ipsi 3. vel 4. adduntur ex summo senatu in arduis negotiis



tiis consiliarii, qui reip in castris gerant personam, & decretis conciliant auctoritatem, ubi necesse est. Solvitur principi stipendium imperatoris honorarium, & quidquid impendendum est in consilia hostium exploranda. Præterea ipsius est cura executionis eorum, quæ ab ordinibus sunt decreta, quam & jurato recipit. Gaudet jure ignoscendi delinquentibus, quando id e re publica videtur, eligendi majores magistratus in urbibus e tribus ipsi exhibitis candidatis; in quibusdam etiam quotannis dimidium magistratum mutandi & seligendi ex duplici candidatorum nominatorum numero. Est ipse præses tribunalium, quorum decreta ipsis nomine publicantur; est præfectus saltuum summus (*opper hout Persia*); est supremus academiarum curator; est arbiter gravium controversiarum, quæ vel inter ordinum membra, vel inter ordines eorumque subditos exoriuntur. Denique nulla res major sine illo geritur, cum summa gaudeat dignitate non solum tanquam princeps sui juris, sed etiam tanquam Belgii federati summus hæreditariusque gubernator rerum civilium, militarium, classium & Indiarum.

i) Notandum enim est maximum lucrum Belgii federati pendere ex commercio Indico, quod sortis vigecupium Hispanis esse compererant. Ad quod obtinendum decreto & privilegio ordinum instituta est in 20 vel 30 annos certis legibus & privilegiis primum societas indiæ orientalis, in quam spe lucri ingentis certatim collata est ab opulentis pecunia, ut ultra sex miliones argenti parati congregarentur. Præfati sunt illi societati curatores 67. (*Bevont-bebbers*) experitissimi mercatoribus, qui ultra 6000 florenorum contulerant, qui quotannis rationem reddunt suæ administrationis, quæ nisi cum vita vel lapsu 21 annorum non finitur. Horum cura, lucrantis triplici quadruplive subducta distributione annua, intra

tra sexennium fors societatis aucta fuit ad 30. miliones florenorum belgicorum, plurimaque castella, oppida & ditiones partim vi armorum, partim donis pactisque sub societatis potestatem venerunt. Inprimis ex parte societas Javam adquisivit & caput illius imperii constituit munitam satis urbem, Bataviam, cui societatis legatus eo gubernator praest, velut supremus magistratus bellicae praetor, olim perpetua, dein triennali, aut pro re nata mutabui dignitate. Attamen eidem duplex adjungitur magistratus, quorum alter, justitiae tribunal in litibus & delictis exercet, alter cum gubernatore res publicas, ad pacem, foedera, commercia & bellum pertinentes tractat. Res autem universae societatis ternis quibusque mensibus accurate perscriptae in Belgium transmittuntur, ut curatores inde perspicere possint, quid bene se habeat, quid sit vitiosum emendandumque. Deinde auspiciis & modo paribus instituta quoque est societas Indiae occidentalis dispari successu. Cujus opes cum ad 18 miliones crevissent, expugnata est ora maritima Brasiliensis, & munitissima urbs Fernambucum, e qua sacchari copia provenit immensa. E quibus Societatibus non solum Resp. identidem ingentem vim pecuniae ob impetrandam privilegiorum continuationem, velut redhostimenti loco stipulatur, sed & privatis locupletatis ipsa amplificatur per ditiones societati partas, quarum praefecti militiae simul reip. sacramento obstringuntur.

*Meteranus* formam Reip. belgicae aristocraticam statuit; *Zechius* Remp. primorum sed democratia temperatam; Alii plane Democratiam, & quandoque ochlocratiam. *Grotius in apologetico* corpuscam dicit foederatum ad communem defensionem rerum publicarum. penes quarum singularum primores summum datur imperium. *Carolus V.* ait, in leges cujusque nationis belgiae jurasse, & principatu abeuntem a. 1555 ad legatos dixisse: *quanquam ea essent diversa & separata, ab iis tamen*

unum constitui corpus, atque ejus corporis membra debere operam inter se ferre mutuam. Nam absque tali concordia & consensu ratione partium, promptum hostibus fore, ipsas invadere; quod si manerent inter se colligata, & alie aliis auxilio, experiri poterat compertum, quid possent in externa vi repellenda. In principia foederis trajectini haec haberi: quod tamen sine fraude sit legum libertatis, juris & morum cujusque nationis oppidi, partium singularium ac civium: quae foederati sanguine facultatibus, opibusque omni defendunt ac propugnabunt adversus vim a quocunque illatam. Post alia, quae praetermittimus, adducit locum editum in veteranorum annalium 1614, ab his auctae, qui eminenti loco in reip. loco: quod jus summum imperii in communi attinet, nationes singulae penes se retinuerunt, tum in negotiis civilibus tum in jure dicendo, salvis etiam legibus, moribus ac libertatibus. Ipsi ordines Hollandiae in decreto suo A. 1587. sic de se loquuntur: quapropter notum sit omnibus, nos, qui penes ordines summum imperium esse declaramus, non intelligere hic privatos vel legatos, sed auctores ipsorum, videlicet nobiles & civitates, quae secundum demandata sibi illi representant. Haec de generalibus quoque foederatorum proceribus delegatis valere, eadem ratio ostendit. Paulus Merula in calce suae de statu reip. bataviae tribu, confecto, inquit, Batavorum reip. temperatam esse suam riter ex triplici genere laudabili, regali, optimate, populi. Primi quidem notas esse in summo exercituum nostrorum duces, cujus arbitrio & nutu omnia post acceptum imperium in terra marique gubernantur. Secundi signa esse in ipsis oratoribus, qui de omnibus rebus agendis consilia incunt, viasque bene feliciterque persciciundis cum cura diligentiaque persequuntur. Terti denique esse indicia in ipsis civitatibus, quae non pusillius majora negotia insolens tractare, nefas pertractare. Omnia rite perpenis, conspicuum fiet, primas reip. partes ordinarie esse penes optimates, extraordinem & in minoribus quibusdam rebus. penes populum, unde secundariae sponte innotescunt, adhibitis argumentis antea dilucidatis & ad exempla applicatis. Recentiora consignavit Rouffet duobus diversis libris.



ad fœdus ultrajectinum commentari cœpit *Bondtius* & diplomata colligit *Franc. van Mieris*.

## §. 190.

a) Ab exiguo fœdere decennali trium pagorum Helvetiæ A. 1308. inito, crevit subinde fœdus perpetuum & per varios fortunæ casus tandem pace Osnabrugensi art. 6. A. 1648. fœderatis pagis Helvetiæ plena libertas & exemptio ab imperio, in id consentiente, est attributa. De cujus forma audire lubet *Johann. Simlerum de Rep. Helvetiorum Lib. II. pag. 2.* sic sciscitentem. Rempublicam communem totius Helvetiæ, ut olim Romanorum & Carthaginensium amplissimæ respUBLICÆ, & veneta, mixtæ nominari possunt, quod aliqua sui parte regiam potestatem, alia optimatum imperium exprimerent, & populum quoque non prorsus a gubernaculis removerent: sic Helvetiorum resp. ex optimatum & populi imperio mixta est. Etenim ex his populis, quibus tota civitas constat, quidam mere democratico utuntur, ubi totius plebis consilio fere omnia aguntur, veluti in his pagis, qui nulla habent oppida, uti sunt Vranii, Suitii, Vndervaldii, Glaronenses & Abbatiscellani, & par ratio est Tuginorum, quamvis hi oppidum habent. Alii ab optimatibus reguntur, ut omnes urbes Helvetiæ, Tigurum, Berna, Lucerna, Basilea, Friburgum, Salodorum, Scaphusium. Sed cum potestas summa penes populum sit, a quo Magistratus eliguntur, mixtæ sunt hæ resp. & aliæ magis aristocraticæ, aliæ plus populares sunt. Quare cum tota civitas constet his populis, qui non una eademque reip. forma singuli utuntur, non una quoque sed mixta est politia, quæ ex his conficitur. Etsi enim legati, qui in publicis conventibus in commune reip. helveticæ consulunt, aut jus dicunt, videntur optimatum politiam constituere; tamen cum plerique domi a populo deligantur, & in causis paulo majoris momenti non habeant libe-

*Reip. Helvetica temperatio.*

ram decernendi potestatem, sed omnia ex mandato populi agant, & ad eum de singulis referre cogantur, facile appareat, talem Senatum non plene Aristocraticum censei posse.

b) Complectitur autem Resp. Helvetiorum tres partes. pagos 13 supra nominatos (die Eids-Genossen); deinde confociatos & fœderatos, scilicet Abbatem & oppidum S. Galli, Rhætos seu canos fœderatos, Valesianos, Mulhusium, bipontines S. Biennam, Genevam Allobrogum, Neocomumque; & populos atque præfecturas, quæ communi pagorum imperio reguntur. Cujusmodi sunt urbes quinque, Bada, Bremogurum, Frauenfeldum, Mellina & Rapersvila; & præfecturae novem, comitatus Badensis, 8 pagis obnoxius, liberæ provinciae ad Rusam fluvium, vel regio olim comitatus Rore dicta, quæ septem subsunt pagis æque ac Turgea omnium amplissima, Sarunetes, Rhegufci, Luganenses, Locarnenses, Mendrin Madia vallis, quarum 4 postremæ trans Alpes in Italia sitæ italica lingua utuntur, de quibus consulendus est *Simlerus Lib. 1.* Tribus pagis subest Bilitionum oppidum, Vallis palensis & Riviera; omitto ea, quæ duobus aut uni tantum pago subsunt. Differunt autem hi confociati vel arctius fœderati inter se, ab externis fœderatis, nempe duce Sabaudia, Rege Galliarum cum quo fœdus perpetuum habetur aliisque, de quibus ibidem agitur sub finem *Libri primi.*

c) Præcipua fœderum intimorum capita redeunt 1) ad mutuum auxilium sponte & propriis sumptibus ferendum contra omnem vim injustam; ne tamen temere bellum suscipiantur legibus cautum est. quomodo hæc sint definienda, & quantum in variis casibus sit conferendum. 2) Ad controversias pagorum publicas seu amice & ex æquo dirimendas, seu legibus tutata iudicii forma. 3) Ne quis pagus absque aliorum consensu fœdus ineat; neque ullum fœdus novum antiquiori deroget.

get, multo minus juribus, privilegiis & consuetudinibus singulorum pagorum; neque se ullius alterius imperio subiciat. 4) Proditoris, & violatoris fœderis bona sunt confiscanda. 5) Damnatuſ & proſcriptuſ a ſuo pago, etiam in alio pago quovis ſit proſcriptuſ, & finibus arceatur; ſi quiſ talem hoſpitio exceperit vel ope ſua adjuverit, iſ ipſe vel exilio vel alia multa punitor. 6) Præſcribitur ratio exigendorum nominum & pignorum. 7) Cauſæ diſceptentur in illiuſ pagi iudicio, ubi reſ acta eſt & juſ dicatur abſque fraude & dolo, ac quiviſ alteriuſ pagi legibuſ & conſuetudinibuſ contentuſ eſto. 8) Nulluſ paguſ alteriuſ ſubdituſ concitet contra magiſtratuſ, nec ſollicitet ad defectionem. 9) Præda bello communi capta æqua ratione pro militum numero dividenda, quem pagi in caſtris habuere. Immobilia vero bona & jura eorumve lytrum inter paguſ æqualiter diſtribuantur; vel ipſiſ communia maneant. Nec civiſ aut ſervuſ in aliuſ paguſ recipienduſ eſt, niſi conſtet, illuſ eſſe liberuſ ab eorum imperio &c.

d) Senatuſ Helveticuſ, iſque maximuſ & frequentiſſimuſ, præter paguſ complectitur & eorum ſociuſ ex fœdere, præſertim S. Galli, Prætoruſ & Mulhuſianoruſ delegatuſ. Rariuſ iſ convocatur, nec niſi quando de bello aut pace, de legibuſ, fœderibuſ, ſimilibuſque rebuſ aliis agenduſ eſt, quæ ad omneſ fœderi adſcriptoſ ex æquo pertinent. Frequentiuſ tantuſ 13 pagoruſ legatuſ conveniunt ad aquaſ helveticaſ Bada circa ſolſtitiuſ æſtivuſ, de rebuſ ad civitateſ helveti am ſpectantibuſ deliberaturi & ſuffragia laturi. Hujuſmodi reſ ſunt fœdera, legatuſ, pax, legeſ, controverſiæ gravioreſ, præfeſturaruſ rationeſ, conſtitutio præfeſtoruſ, pinguioris officii &c. Eſſi vero pluſe ab uno pago mittuntur, illi tamen pluſe non gaudent niſi unico ſui pagi ſuffragio. Quando tantuſ agitur de præfeſtuſ, quæ ab 8, 7, 3 vel 2 pagiſ regun-



tur, tum non conveniunt nisi illorum pagorum deputati, quorum jus ibi est exercendum. Postquam religionis diversitas in pagis obtinet, dantur etiam peculiares conventus pagorum 7 catholicorum, Lucernæ, Vrania, Suitiæ, Vndervaldiæ, Tiguri, Friburgii & Salodarii; & 4 pagorum reformatorum, Tiguri, Bernæ, Basileæ & Scaphusii. Suffragio in rebus ad religionem pertinentibus sicubi differunt, plura nihil valent, sed ex pace 1712. inita per arbitros utriusque religionis pares amice componendum est dissidium. In summi momenti rebus civilibus unanimia requiruntur. Convocandi senatum jus est penes Tigurinum pagum, qui veteri privilegio primum locum inter pagos tenet, & singulis pagis per literas causam tempus & locum conventus indicit. Vbi tamen plures alii pagi conventum optant, primum de ea re ad pagum Tigurinum est referendum, petendumque ut pagi ad communem deliberationem evocentur. Pariter & legati exterorum regum & principum a Tigurino pago jus adeundi senatum impetrant, inprimis quando extra ordinem senatum haberi petunt.

e) Ordo in hoc senatu agendi est hujusmodi. Postquam per apparitorem publicum Tigurinum legati in curiam pridie invitati convenerunt, primo loco editioreque subsecho ad mensam consider legatus Tigurinus, proximum ab eo habet Bernas, posthunc Lucernas, & deinceps reliqui, juxta pagorum ordinem. Tigurinus salutatis reliquis pauca præfatus, exponit deliberanda, quæ plerumque ex proximo conventu in hunc sunt dilata, quandoque & alia posthac oborta. Adhuc postea quid de ea re a sui pagi magistratu in mandatis acceperit. Idem faciunt ordine reliqui legati. Quo facto præfectus Badensis ex ordine sententias rogat. Primus sententiam dicit Tigurinus, tum reliqui suo ordine. Sententiis dictis ab eodem suffragia numerantur, ut liqueat in quam sententiam plerique

rique consentiant. De quibus nondum convenit, illa referuntur ad pagos, vel differuntur in conventum futurum.

Subjungam his quædam specimina notatu digna. Cum cæteri pagi gallicum fœdus de concedendo Regi certis legibus militum delectu inirent, Tigurinus illud recusavit ob rationes, quibus Zwinglius quotidie gravissimis concionibus populum in militia mercenaria hujusmodi dehorrabatur, docens, nefas esse homini christiano, ut mercede conductus fundat sanguinem hominum miserorum plerumque innocentium, a quibus nulla unquam injuria sit affectus. Quas his addidit, eas pariter recenset *Simlerus Lib. I. cit.* una cum responsione ad illas. Modus componendi pagorum controversias is placuit, teste *ejusdem Lib. II. cap. de Judiciis publicarum controversiarum.* Si controversiæ amica transactione, aliorumque pagorum intercessione sopiri non potuerunt, utraque pars ex suorum numero duos seligit iudices, qui ad hoc negotium absolvuntur jurejurando, quo suo pago sunt obstricti, fidemque dant, se ex jure æquo & bono controversiam cognituros & datuos operam, ut vel amice componatur, vel jure decidatur. Decollante spe transactionis, si major pars judicum sententiam dedit, eorum judicio standum est parti utrique. Si paria fuerint suffragia, deligitur quintus seu arbiter, vel ab ipsis iudicibus, vel ab actore causæ secundum leges præscriptas; qui alterutram sententiam approbando litem dirimit. Inter alias leges helveticas habentur & hæ: sacerdotes, exceptis ecclesiasticis causis, nullo judicio civili peregrino adversus quemquam utantur, si quis secus fecerit, is nec hospitio cibo potuque juvetur, nec ab aliis recipiatur pagis, donec exteris judiciis renuntiet. Eo loco, ubi reus habitat, judicio agendum est. Nemo suam actionem alteri tradat, ut molestiam creet adversario suo. Omnes pagi curanto, ut tuta sint itinera, nemo in ullo pago absque magistratuum consensu ab altero pignora capiat aut damnum det. Cum bullari sacerdotiorum nundinatores molesti essent iis sacerdotibus, qui jure constituti erant, decretum est, ut si pergant suum jus bullatum urgere,

in vincula conjiciantur, & ni huic renuntient, aquis submergantur, (ut bullæ bullis eluantur). Domi appellantur Helveti die löblichen Eid-Genossen; ab exteris magnifici Domini (magnifiques seigneurs).

## §. 191.

*Pagorum  
helveticorum  
diversa po-  
litia.*

a) Pagorum Helveticorum respublicæ ad tria genera referri possunt. In aliis summa imperii est penes plebem, oppidis fere carentem, cujus capita vocantur (Ammanni). Præli-des, & forma imperii est democratica. Alii pagi habent sua oppida, quorum est imperium totius pagi. Horum illi, qui principes olim habuere dominos aut conditores, a sculteto (Schuldheiß), qui libera electione ex omni civium numero petitur, administrantur, gaudentque forma Aristocratica, ut Berna, Lucerna, Friburgum, Salodorum. Quædam vero oppida sunt in certas tribus distributa, atque ex his tributim plebis suffragiis magistratus creantur, cujus Caput Consul (Zürger-Meister) nominatur, ut Tiguri, Basileæ, Scaphusiæ, ubi mixta est politia.

b) In tribus his oppidis populus distribuitur in duos ordines, nobilium & ignobilium, sive plebejorum; Tiguri nobilibus adjunguntur belli tempore qui nec opificium exercent, nec mercaturam faciunt, cum bajulis & mercenariis, ad stipendia facienda. Ignobiles abeunt in mercatores & opitices vel in duodecim tribus. Major Senatus est ducentorum virorum inter quos 18. nobiles; minor 50., quorum 6. sunt nobiles. Præfecturæ huic pago sunt 35. Scaphusiæ e tribu nobilium non plures leguntur senatores, quam e tribu ignobilium quorumque ibi sunt decem. Majori Senatui dantur ibi 60., minori 26. Præfecturis gaudet 11. Basileæ olim duæ fuerunt societates (Constaßel) nobilium, quæ posteaquam in suas arces se receperant, urbe fere deserta, a gubernaculis reip. amore fue-



fuerunt, ut e duabus gentibus qui remansere accenseantur 4. primariis tribubus (*Herren-Zünfte*), & sic ex illis quidam in senatum cooptantur. Sunt autem Basileæ civium tribus 15., quarum nobiliores habentur mercatores; aurifices & stannarii vinarii (*cenopolæ*), atque aromatarii, & omne genus institutorum, quæ omnium tribuum est populosissima. Ibi major Senatus habet 180. minor 64. membra. Præfecturæ ipsi sunt novem. Nempe Tiguri singulæ tribus dant ternos, Basileæ quaternos, Scaphusiae duos viros quibus accedunt in singulis duo consules, & Basileæ præterea totidem tribuni (*Zunft-Weisser*), qui una cum consulibus capita vocantur. Tiguri nobilium societas in senatum minorem senos mittit, aliæ tribus ternos, quibus sex alii liberis suffragiis adjunguntur, ex quibuscunque senatui visum est tribubus. Tribus in his urbibus quotannis circa solstitia eligunt binos magistrōs seu tribunos semestres, itemque minorem senatum, veterem & novum, quorum ille continet eos, qui per medium annum suo munere jam defuncti sunt, & quandoque tantum cum novo senatu convocantur. Basileæ etiam majus concilium simili modo dividitur, & e duodecim viris tribuum sex veteri, & sex novo accensentur. Vtrique senatui præest consul, quem alibi major senatus quotannis eligit, Basileæ vero semestris est consul, & cum senatu novo semper a veteri eligitur. Est quoque Basiliæ Collegium præconsultorum, cujus membra sunt duo consules, cum duobus tribunis, & aliis 9 e senatu delectis, & 4 capitibus adjunctis, unde Tredecimviri a numero appellantur. Ad hos omnes causæ graviores referuntur, ut prius de illis deliberent, quam res universo senatui exponantur. Jus monetæ cudendæ commune est tribus urbibus, singulæ tamen propriam & peculiarem monetam.

c) Oppida secundi generis non tantum tribus nullas habent,

bent, sed & legibus caverunt, ne liberi debeant. Bernates & Tigurini federe inito invicem obligantur; hi quid in adjuvandum, ne quis in illorum urbe tribus instituat. illi vero, ne quis tribus horum aboleat. Nihilominus opifices in his quoque oppidis suis gaudent collegiis, quæ non reip. & magistratuum creandorum, sed opificiorum exercendorum causa instituta sunt, ideoque non tribus, sed societates (*Gesellschaften*) appellantur. Publica consilia in his urbibus itidem duobus agitantur modis, nempe in Senatu majore & minore semestri. Major Bernæ & Friburgi saltem ducentis, Lucernæ centum gaudet viris. Minor Bernæ 26. Friburgi 24 Lucernæ 18. Senatores habet. Solodorensis vel Solodurensis suppar fere Lucernati est 12. gaudens præfecturis. Sculteri munus Lucernæ est annuum, Bernæ biennale, sed quotannis nova electione constitutum. Proxima ab eo Bernæ autoritas est quarum signiferorum (*Venner*), qui ex his 4 collegiis, fabrorum, corbariorum, pistorum & lanionum deliguntur. Ibidem magna est dignitas duorum quæstorum, quorum alter reditus urbanos & agri germanici, alter eorum, qui ex Antuatibus vel agro Sabaudico colliguntur, quorum munus pro senatus & ipsorum lubitu continuatur. In Senatum minorem Bernensem nemo admittitur, nisi qui in urbe, saltem eo, qui Reip. causa abieci fuit, natus est ex legitimo thoro, nec ulla laborat famæ nota. Quoties de vita cujusdam agitur, tam Bernæ quam Lucernæ uterque Senatus causa cognita sententiam fert. Habent Bernates tum gallicas sive sabaudicas, tum germanicas præfecturas. Germanicarum 4 sunt suburbanæ, quibus signiferi præfecti sunt, sub quorum signis singulæ præfecturæ in bellum proficiscuntur; & præter illas aliæ 27. & 9. cenobiorum. Gallicæ sunt præfecturæ tredecim. Lucernarum 18 sunt præfecturæ & duæ urbes ipsorum clientelæ subjectæ. Gaudent & hæc ur-

bes jure suam sibi cudendi monetam. Friburgo subsunt 21  
præfecturæ.

d) Inter pagos vicatim habitantes, qui vulgo Ländler dicuntur, habetur quidem Tugium oppidum, suis magistratibus urbanis gaudens, verum totius pagi imperium non est penes oppidanos, sed qui agrum Tuginum colunt, pari jure cum oppidanis imperant. Ammannum, quem cæteri Germani Amtmann, h. e. Præfectum officio publico prædiorum rusticorum, vocant ipsi præsidem suæ reip. vel sui pagi rustici. Cui adjunguntur Vicarius, quæstores (Sackelmeister) & qui præfecturis præsunt. Dividuntur & hi pagi in certas partes seu consortiones (Gnosstammen), quia publicorum pascuorum, honorum & honorum seu munerum sunt participes. Suiiis sunt partes sex (vulgo quartæ; subsylvanis duæ scilicet supra & infra sylvam quernam habitantes (ob und nadt dem Kernwald); Tuginis duæ, oppidum cui duo, & agri, cujus tres sunt conventus; Glaronæ 15 (vulgo Tagwan); abbatis cellanis 12. (Nöden) sex interiores, & totidem exteriores; Ex his partibus in plerisque pagis sexaginta deliguntur; Tuginis vero 45, & abbatis cellanis 144, qui de rep. consulendi circa res ordinarias potestate demandata gaudent. Si graviores agendæ sunt causæ, neque totus populus convocandus censetur, tum in plerisque pagis numerus duplicatur aut triplicatur. Ad consilia vero non adhibentur nisi veterum colonorum posteris, & novi perdifficiliter idem jus consequuntur. Summum jus in his pagis est penes concilium totius plebis, ad quod conveniunt quotquot annum ætatis 16 excesserunt. Publici conventus in præcipuo quodam & circa medium sito loco habentur. Vti alia multa jura, ita & judicia rerum capitalium plerumque in his pagis exercentur in senatu ordinario duplicato sub dio, ut omnibus spectandi audiendique causam & sententiam facultas detur.



e) Abbati S. Galli variæ subsunt præfecturæ, & comitatus Toggenburgiorum, qui peculiaribus gaudent privilegiis & immunitatibus. Mulhusio, & oppido S. Galli fere similis est resp. nisi quod in postremo datur societas nobilium, & præter eam sex tribus, quarum præcipua est textorum lineorum. Minori ejus concilio intersunt 24, majori 66. qui semestri utuntur magistratu & binis solstitiis creantur. Consules, tres, qui illi præsunt, tam ex nobilibus, quam e tribubus deliguntur a tota civium universitate suffragiis occultis, (mit den Xun) quorum tertius judiciis rerum capitalium præest. Tribuni, quem vocant Unterburgermeister munus est curare vigilias urbis, viduis & pupillis curatores dare & tutores, eorumque inspicere rationes. Populus vero universus ter quotannis convocatur, primum quando consules eliguntur, secundo quando novo consuli jusjurandum dant, die Stephani, tertio circa festum Bartholomæi, quando ordinatio tributorum recitatur. Rhætorum primum fœdus, quod canum ob antiquitatem vocatur, continet conventus 28, quorum singulis suus est præfectus, omnibus vero communis Judex (Landrichter). Secundum vero fœdus, quod domus Dei audit, 19 communitates habet, quæ nonnunquam in undecim majores contrahuntur, cujus caput est urbs Curia, qua remp. Tigurinæ similis. Tertium fœdus decem jurisdictionum nominatur, quarum princeps in vico Davosio habetur, in quo & omnium ditionum comitia habentur. Ex his 57. Rhætorum conventibus (Gemeinden) una est, citur Resp. quæ gaudet senatu trium fœderum, & comitiis, in quibus primum 28, secundum 23, tertium 14 gaudet suffragiis, sic & plures mittuntur. In his comitiis de summis rebus agitur, ut de pace & bello, fœderibus, legationibus, legibus, appellationibus huc devolutis &c. Vallesiae superioris septem sunt conventus, inferioris 6; princeps totius regionis est Episcopus scopus

scopus Sedunensis, qui Comes Vallesiae vocatur. A quo proximum locum habet praefectus (der Lands-Hauptmann), ad quem causae civiles deferuntur. Singulis quoque conventibus suus est iudex criminalis; vulgo *Major* (der Moger) dictus, sub quo est Ammannus. Comititia (Land-raht) quotannis Majo & Decembri coguntur Seduni, ubi eliguntur gubernatores, Magistratusque, consilia de rep. tractantur & summum jus dicitur. Rennensis resp. subest Episcopo Basiliensi, qui suum ipsis praeficit majorem ex Senatu, distribuitur in 6 societates, e quibus eligitur quovis anno exeunte senatus minor 24, & major 30 virorum, quibus praestit Consil.

f) Oppidis 5 stipendiariis suis cuique est magistratus & senatus duplex, major 40, minor 12 virorum, quibus praestit sculterus. Praefecturis, quae communi imperio reguntur, suum est iudicium provinciale (Land-Gericht), ubi causae graves inprimis capitales cognoscuntur decernunturque, ita tamen, ut summum imperium sit penes praefectum qui iudicio praesidet, & sententiam mitigare potest; appellationes vero ad senatum Helvetiorum, cui subsunt, devolvuntur, cui quotannis circa solstitium aestivum rationes administrationis quoque sunt reddendae. Caetera petantur ex *Smlero* aucto, de *Watteville l'Etat de Suisse*, aliisque recentioribus scriptis.

## §. 192.

Genevensis Resp. Helvetico foederi juncta, mixta est ex *Reip. Genevensis Templum* Aristocratia & Democratia praevallente. Univerfus enim populus sive concilium generale, eligit sibi 4 Syndicos ex iis, quos peratio. Senatus nominavit, 4. Syndicatu jam bene functis, & 4. aliis; qui tribunorum plebis loco sunt, jurantque se religioni, civium libertati, reip. ejusque legibus sancte servandis, & justitiae administrationi diligenter praefuturos, neque passuros, ut his contraria committantur. Idem alios quoque constituit magi-

stratus, & Procuratorem generalem, qui amplioris senatus caput, & populi quasi os atque tutor habetur munere triennali. Cætera ducentorum virorum, qui ampliorem senatum constituunt, membra eliguntur a Senatu minori 25 virorum, e 4 gentibus patriciis oriundorum, sub exitum anni cujusque. Inter cætera amplioris concilii jura datur quoque jus maleficis gratiam delicti vel veniam dandi. Minor Senatus est perpetuus, & si quis ex illis moritur vel quasi, reliqui duos nominant candidatos, e quibus major Senatus unum eligit in locum defuncti vacuum. Protosyndicus est caput arctioris senatus, expediens omnes res majoris momenti, nomine reip. universæ: quanquam in fœderibus omnes syndici primo loco leguntur. Syndicus alter Director est ærarii, reditusque curat cum quatuor adjunctis rationum consiliariis (Rechen-Rächten). Tertius præest ædi hospitali cum quodam senatore optimato, item consiliario (Rächts-Consulent) Sacerdote quatuor aut 5 ducentum viris, Secretario & receptore. Quartus ærarium militariæ ministrat, uti quæstor (der Rentmeister) reliquaque solvit salariâ. A Syndicis proximus est similiterque eligitur Locumtenens, qui justitiæ cum Syndicis per vices administrandæ adhibetur cum 6. auditoribus, 2. Secretariis & 12. officialibus. Fœdus hujus reip. non cum universa Helvetia, sed tantum cum Tigurinis & Bernatibus initum est Anno 1584. d. 30. Augusti.

Continetur id fœdus in *Rouffetti* Tom. II. *supplémenti au corps diplomatique* P. I. p. 194. seqq. Vnde ad Confirmationem eorundem tantum hæc subiciemus. *Nous Bourguemaisre &c. & Nous l'Advoyé &c. d'une part. Et nous sn. liques, petit & grand conseil, dit les deux Cents, & le general de Geneve d'autre part.* Promittitur in perpetuo hoc fœdere mutuum auxilium in bello offensivo & defensivo, dimidio sumtu auxiliantis & adjunctæ civitatis præstandum, & si in bello communi quidquam adquire-



retur, id dividendum esse pro numero militum a tribus hisce  
fœderatis præstitorum &c. Inde patet, cur genevensis Resp.  
non sit in numero pagorum Helveticorum. Plura sitiens con-  
ferat *Jac. Sponii Histoire de Geneve* editionem auctiorem  
1730. 4.

## §. 193.

Respublica Luccana præter circumjacentem regionem *Reip. Luc-*  
s. oppida sub se complectitur, & est Aristocratia per antesi- *cenis tempe-*  
gnanum seu vexilliferum (olim Cæsareum Castruccium) tem- *ratio.*  
perata. Formam Aristocratiam aperte loquitur lex Martini,  
quæ vocatur, cardinalis, qua administratio Reip. omniumque  
munerum nobilitati tribuitur. Constat vero amplior Senatus  
annuus ex 260 nobilibus, quorum alii sunt Senatores ordinarii  
alii extraordinarii. Illorum sunt bis 120, qui summæ rerum  
per 6. menses præsunt. Hi tantum ad certa negotia deputan-  
tur, quæ contingere quandoque solent. Minorem senatum  
constituunt 36. nobiles octimestri spatio bis per hebdomadem  
consultantes. Ditioni vero reip. extra urbem & peregrinis ac  
summis rebus Decemviri præficiuntur sequenti ratione. Sunt  
urbi tres Partes datæ, S. Salvatori, Paulo & Martino dicatæ,  
quorum nomine hæ regiones appellantur, ipsarum vero Ma-  
gistri *Assortatori* audiunt. Quovis trimestri Senatus ex quali-  
bet regione tres cives, itaque novem eligit seniores (Anziani),  
excellentium encomio gaudentes, & cum capite Reip. & ante-  
signano suo (Gonfaloniere) Decemviros constituentes, quibus  
res gravissimæ demandantur, quique summum collegium (la  
Signoria) exhibent. Horum munus obeundum est in Palatio  
summo per trimestre spatium ære publico, nec egredi e palatio  
interim fas est. Præses, Senior cujusque Triadis, *Commenda-*  
tore dictus, per vices tridui sigillo & jure proponendi gaudet,  
nec tamen sine collegii consensu quidquam decernere vel exse-  
qui

qui valet. Deliberata de rep. in hoc collegio per antesignanum deferuntur ad ampliorem senatum, pro re nata decernentem, quæ ipsi arrident. Præconsultatores 18 (il consiglio di colloquio), e Senatu delecti, de rebus perplexis dubiisque cum decemviris consultant, quæ ad ampliorem senatum referenda sint. Seviris e senatu committitur cura redituum publicorum, utentibus exsecutore Camerario (camerlengo). Judicis præ sunt tres JCti, 50. lapides ab urbe nati. Quorum unus causas civiles, secundus criminales, tertius peregrinorum causis cognoscit, idque per vices semestres. Rebus ad commercia fabricas & opificia pertinentibus e qualibet regione tres, h. e. novemviri præ sunt cum Syndico suo, JCro pariter alienigenæ suprema gaudentes jurisdictione. Alii novemviri abundantie victus procurationem (officio dell'Abondanza) in septennium sibi demandatam habent, cui adjunctum est ærarium, fere quæle Genuæ est Georgianum, e quo lucrantur præter remp. & cives mercatores belgæ, angli, aliique, frumenta citra vectigal advehentes. Nec prætereundum est institutum pigrorum servitium, quo desides nebulones & mendici aut laborare coguntur aut in exilium mittuntur saltem in triennium. Minora magistratuum munera civibus relicta, aliaque instituta, civis ditiores nobilitandi & eorum patrocinium gerendi quibus concordia inter cives & nobiles conservatur, præterimus, tantumquam iis assinia, quæ in aliis Italiæ rebus pp ulsantur.

Milites aluntur circiter 300. ultra 50. lapidem ab urbe nati, quorum 60. custodiam corporis antesignani obeunt, qui fere instar Ducis Genuensis habetur quoniam An. 1328. Castruccio vexillifer imperii illi pro Duce est datus. Unde Aristocrata ducalis dici posset, licet antesignani jura videantur esse solito puriora. Neque desunt, qui antesignanum elogio principis honestarunt. Sic *Misson l'oyage d'Italie p. 321. L'état de Liguurie est fief & sous la protection de l'Empire, & le gouvernement est pur*

purement Aristocratique. La Souveraineté reside dans un Conseil de 240. nobles, qui se divisent par moitié & se succedent par jémestre, & à leur teste est le Gonfalonier. Dont la charge repond assez à celle des Doges de Genes. . . . On lui donne le nom de Prince, mais on ne le traite que d'Excellence. cat.

## §. 194.

Ad finum Venetum in Dalmatiae peninsula habetur *Temperies Respublica Ragusina*. Vrbs Ragusa An. 1637. & 1667. terræ Reip. Ragusinae. motibus fere absorpta, resuscitata tamen & penitus, & impetratori Byzantino propter tutelam tributaria. Imitando Lucensem remp. utitur rectore, cujus imperium non est nisi unius mensis. Adjunguntur ipsi decemviri, qui cum ipso summum conficiunt concilium (la Signoria). Senatus major 60. constat nobilibus, minor tantum dimidio illorum numero. Penes illum sunt summa reip. pacis bellicue negotia; penes hunc res civiles ærarii & commerciorum. Libertatis conservandæ causâ nobiles nec armati incedere, nec per noctem sine senatus venia ab ædibus suis abesse possunt, nec portæ interdiu nisi ad certas horas patent. Inprimis solícite observatur, si quis Saracenus in urbe pernoctet. Arcis, in petra editiori sitæ & imminentis tuendæ causâ quotidie novus datur præfectus præsidio militum ex Hungaria lectorum.

Sunt qui cum Venetis & Romano pontifice ditionem Ragusinam negant esse liberam remp. eam tantum communitatem Ragusinam vocantes. At licet liberior sit resp. nullius ne tutela quidam indigens; si non desinit esse liber homo, qui tutoribus subest, neque resp. nec regnum libertate destituitur quando alterius utitur tutela. Reveretur Lucca imperatoris romano-germanici clypeum, neque eo lecius est Respublica sui Juris. Quis negat Genuensem remp. sui esse Juris, licet & illa subfuerit imperio germanico, nec omnino ab illo absoluta statuatur hodieque. Potest imperium infeudari (§. 98. P. VIII. Jur. nat.)



nat.) & nihilominus esse absolutum, plenum & summum (6. 100. seq. *ibid.*). Nonne pleno gaudet imperio Rex Neapolitanus, licet quotannis Pontifici romano album det asturconem, frano, stapede, soleis argenteis, ephippio, holo serico & stragula auro intexta ornatum, una cum crumena 6000. aureis referata. Inde licet aliorum quoque patrocinio studeat Ragusi, ut Turcis 12. vel 20. nullia aureorum solvit, hoc non obstat ipsius pleno imperio, quo sui juris esse dicatur.

## §. 195.

Quid habendum sit de Vrbinum Petræ insita, & 6. vel 9. millia hominum circiter  
Rep. S. Marini?

Perexigua est resp. Marinensis, inter Romandiolam & Vrbinum Petræ insita, & 6. vel 9. millia hominum circiter ambitu suo, milliare germanicum quadratum fere complectente, fovens. Præter ipsam urbem 7. comprehendit loca sibi subiecta, neque commerciis vel divitiis florens. Inde reclusa publica (*sepublichetta*) Italis dici consuevit, & Pontificis romani clientelæ subest, cujus ope aliquoties periculo subiectionis liberata est. Neque hoc impedit, quo minus venetam rempublicam carissimam saluter sororem (*sorella*). Eligit sibi quotannis mense Martio & Septembri e nobilibus duo capita vel præfectos (*Capitani*), cum adjunctis senatoribus, semestri imperio præfuturis.

Mr. Misson dans son Voyage d'Italie Tom. I. p. 299. scribit: On aperçoit la vers l'Apennin la ville & République de S. Marin, sur le sommet d'une montagne, au bas de la quelle sont les limites de l'Estat. Ce petit Essaim d'abeille se maintient heureusement depuis plusieurs siècles, parce qu'il n'est exposé à l'envie ni à la jalousie de personne. Plura addat, qui tenet, de illius forma seu aristocratica seu mixta. Parvitatæ exempla similia aut non longe dissimilia dabit Belgium, Helvetia, & Græcia antiqua. Nobis hæc Rerumpublicarum nunc suffecerint exempla.

## SECTION II

DE

CONSTITVENDA SAPIENTER  
PROCVRATIONE JVSTI CIVIVM  
NVMERI.

## CAPVT I.

DE

## Civibus eorumque justo numero.

§. 196.

**O**mnī civitati opus est civibus. Civitas enim est societas vi- *Civium in*  
corum libera, quantam optat, salutis causa inita (§. 31. *civitate ne-*  
*P. I. Polit.*), & quodlibet membrum civitatis, vel qui- *cessitas.*  
libet confors ejusdem est civis (*ibid.*) & (§. 6. *P. VIII. Jur. nat.*).  
Per se vero manifestum est, uti societas dari nequit sine so-  
ciis (§. 4. *P. VII. Jur. nat.*): ita nullam civitatem dari posse sine  
civibus, qui illius sunt socii, & in illa confociati. Quare  
cum nulla civitas esse possit sine civibus, omnem civitatem ci-  
vibus indigere, ideoque unicuique civitati suos esse debere  
cives constat.

Vti civitas in Politica non accipitur tam stricte, ut non de-  
notet, nisi cæterum hominum oppidanorum, a nobilibus & rusti-  
cis discernendorum: ita civis quoque hic unumquemque notat  
hominem, qui societatem quandam civilem intravit, ab eadem  
pro socio est receptus, & sic in eadem degit. (*Ein Mitgenosse*  
*des Staats vel Staats-Genosse*) Dudum esse receptum, no-  
tatur ad (§. 6. *P. VIII. Jur. nat.*), ut civium nomine appellen-  
tur singuli homines, quos societas tenet. Non ergo, nisi pe-  
(*Wolfsi Politica P. II. C. I.*) Mm regri-

regrini, qui non sunt membra nostræ civitatis, civium numero excluduntur (§. 7. P. VIII. Jur. nat.). Ad cives quodammodo referuntur illi quoque quorum opera & adjutorio cives indigent, ut incolæ, mercenarii, servi.

## §. 197.

Cur non  
omnes in ci-  
vitate neces-  
sarii sint ci-  
ves?

Non tamen omnes in civitatem recepti sunt appellandi cives, <sup>pro</sup> omnes in ci-  
bus civitas carere nequit. Omnis quidem civitas ita indiget ci-  
vibus, ut sine illis esse civitas nequeat (§. 196.). Enimvero  
civitas debet esse societas libera (§. 31. P. I. Polit.), inde a libe-  
ris pacto libere ineunda est (§. cit.), & (§. 195. & 216. ibi).  
Sunt vero & servi in civitate necessarii (§. 580. & 590. O. c.).  
Quam ob rem non omnes illi quibus civitas ita indiget, ut si-  
ne illis esse nequeat, in genere ejus cives erunt appellandi.  
omnis civitas ubique est societas (§. 31. P. I. Polit.). Societatis  
vero focii non sunt, nisi qui mutuo consensu ejus socii socii  
facti (§. 4. P. VII. Jur. nat.). Nulla autem societas eos admitti-  
tere volat, quibus ipsa non indiget in communi scopo seu be-  
no obtinendo. Multo minus eos recipiet, qui ipsius scopo  
sunt obfuturi. Inde quoque civitas non alios statuet in civita-  
tem esse admittendos, nisi quibus se egere sentit ad salutem  
publicam promovendam. Quos ergo repudiavit, illi non erunt  
ejus cives; quos vero admisit, ideoque sibi ad scopum suum  
necessarios judicavit, illi vel servi ipsius, vel cives appellari  
possunt.

Confer. notata ad (§. 187.). Cum ex meris servis nulla civi-  
tas fieri possit, δαλων πωλιν in proverbium abiit, ad notandum  
rem absouam impossibilemque.

## §. 198.

Quinam sint  
cives?

Proprie igitur cives non sunt: nisi qui gaudent jure civitatis  
itaque pacto cum civitate inito habiles sunt declarati bonorum & ho-  
norum, quos merentur, capeffendorum, ipsiusque juris imperandi. <sup>et ho-</sup> <sup>ci-</sup>  
ves



ves enim non sunt peregrini (§. 7. *P. VIII. Jur. nat.*), nec incolæ tantum civitatis (§. 8. *ibid.*), nec advenæ temporarii (§. 413. *ibid.*), nec nati ex hisce (§. 414. *ibid.*), nec servi (§. 197.). Restat igitur, ut cives sint liberi homines præditi jure civitatis seu pacto cum civitate inito ea lege admissi, ut habiles sint declarati bonorum & honorum, quos merentur, capessendorum, itaque & consortes juris imperandi (§. 518. *P. I. Polit. not. 2.*)

De cive, inquit *Aristoteles L. III. Polit. c. 1.* quis sit, sæpe contenditur, nec eundem omnes fatentur esse civem; & qui in populari civitate civis est, is per sæpe in oligarchia non erit civis. Qui imperfecte (*ατελής*) sunt participes fori & judicii, ut pueri nondum propter ætatem inscripti, & senes ob senium emeriti, non simpliciter dicendi sunt cives, sed quodammodo (*πας*) cives. Civis simpliciter non est, nisi qui potest esse particeps potestatis publicæ judicandi & imperandi (*μετεχεν κρισεως και αρχης*). Illa autem potestas vel est determinata ad certum tempus, vel indeterminata & perpetua, ut illius qui in concione deliberat & suffragatur. Indefinitæ hujusmodi potestatis particeps proprie & super omnes alios civis est vocandus. Quia populus est multitudo hominum in civitatem consociatorum (§. 5. *P. VIII. Jur. nat.*), quod de civibus diximus, idem etiam de potiori populo erit statuendum, tanquam de multitudine seu universo civium cœtu (§. 515. *seqq. ibid.*). Quem naturaliter liberum esse docuit (§. 55. *ibid.*).

#### §. 199.

Quia jus civitatis est id, quo cives fruuntur (§. 412. *P. VIII. Jur. nat.*), & jus populi, quo populus gaudet; in demoves sint pri-  
cratia autem idem populus imperio & præest & alio respectu marii & se-  
subest (§. 510. *P. I. Polit.*): jus populi & civitatis vel est prima-cundarii?  
rium seu superius vel secundarium seu inferius; illo particeps  
et imperii publici, hoc particeps est obsequii publici. In de-  
mocratia, & quandoque aristocratia & monarchia utrumque

modo cadit in eundem, modo non amplius, pro vicissitudine, seu legibus statuta, seu eligentium optione. Alibi alterutrum est perpetuum. Inde & *populus* & *civis* vel erit *primarius*, qui a jure imperandi non est exclusus, vel *secundarius*, qui ad eo est exclusus. Vbi cives gaudent jure civitatis (§. 198.), sic cives *primarii* gaudent jure aut spe imperandi tanquam jure civitatis superiori; *secundarii* vero tantum jure civitatis inferiori sunt potiti. Vnde a potiori facta denominatione cives simpliciter dicti sunt cives *primarii*; *secundarii* vero tantum cives quodammodo vel aliquatenus, seu non-cives & subditi uti *populus* tantum inferior seu *plebs* (§. 518. P. I. Polit.). Iam cives imperantes, hi parentes & subditi sunt.

*Martini L. I. Polit. c. 8.* civem appellat socium universitatis participem suffragiorum & juris de rep. statuendi. Quibus verbis cum *Stagirita* civem *democratiae*, κατ' ἐξοχην sic designat sinit. *Bodinus* vero de Rep. L. I. c. 6. civem vocat liberum hominem, summæ alterius potestati subiectum, h. e. sinit non civem secundarium, nec adæquate, cum & incolæ tales sunt. Addi his meretur *Aristotelis* illa explicatio L. III. Polit. c. 2. in fine, quæ civem universale dicit esse eum, qui imperandi & regendi est particeps (ὁ μετεχων τε αρχειν και αρχεσθαι). . . . optima vero rep. eum, qui possit & velit parere & imperare virtuti congruenter (ὁ δυναμενος και πραττειμενος αρχεσθαι και αρχειν προς τον βιον, τον κατ' αρετην). Quia non semper tales sunt cives, quales esse debent, sufficit eas retinere notas, quæ in omnibus semper deprehendantur. Hæ vero sunt in jure civitatis, quo cives gaudent, non-cives carent. . . Est igitur *jus civitatis* (das Bürger Recht) distinctius enucleandum, cum non sit ubique nec omnibus unum.

## §. 200.

Quod inferat

*Jus civitatis* vel *indigenatus* notat complexum jurium immixtum *jus civitatis* tatum & commodorum nisi non habendorum in civitate. Est nempe

jus civitatis non aliud, quam quo cives fruuntur (§. 412. *P. vel indigenatus. VIII. Jur. nat.*). Sed cives multis fruuntur juribus, cum universalibus, tum peculiaribus, tanquam membra civitatis (§. 6. *ibid.*), ad felicitatem prosperitatemque tendentis (§. 4. *ibid.*) & (§. 45. *P. I. Polit.*). Notat ergo jus civitatis, quod & jus indigenatus vocatur, complexum eorum jurium, quibus cives fruuntur. Non fruuntur autem his juribus aliter, quam natura civitatis permittit. Sed & ipsa natura civitatis non nisi lege divina & pacto constituitur (§. 169. *seqq.* & 216. *P. I. Polit.*); & complexus jurium in illa obtinendorum ipsius ope itidem lege naturali & pacto nititur (§. 198.). Proinde jus indigenatus infert complexum jurium & emolumentorum non nisi in civitate quadam adquirendorumve; vel complexum jurium non nisi e salute publica oriundorum.

Ratio, cur jus civitatis quoque appelleretur jus indigenatus, hæc habetur, quod civium numero non immerito accensentur, qui ex civibus nati sunt, per quos civitas est conservanda. Quoniam indigenæ sunt, qui ex civibus in ea regione, quam incolunt, nati sunt (§. 411. *P. VIII. Jur. nat.*), visum est nonnullis, ævo Alexandri M. civem non dicere nisi eum, qui parente utroque cive natus est; aliis ne id quidem satis est, nisi & avos & proavos & atavos, fortasse & tritavos fuisse constet cives. Vid. *Aristotelis Polit. L. III. c. 1.* Qui quantis se involvant difficultatibus, non animadvertunt. Poteritne de atavo & tritavo itidem queri, fueritne ille cive, & si continuo ulterius adscendas, admitendusne erit progressus in infinitum, an perveniendum tandem ad civem, qui non sit cive natus? Quam difficultatem *Leontinus Gorgias* observans, maluit jocose an callide dicere cives ex civibus fieri, & cives esse, qui cives progenerant. Quæ satis consona sunt illis, qui contendunt, composita nisi ex compositis fieri non posse, eodem æumine, quo negarent panem fieri posse, nisi ex pane, exercitum nisi ex exercitu, grandinem nisi ex grandine, &c. Quamquam lege quadam arcerentur a jure civi-



ratis, nisi qui ex civibus legitime nati sunt; non tamen hoc obstarat, quo minus ita natus demum expleto, uti Athenis, vigesimo aetatis anno, actu in civium numerum reciperetur, interea tantum spe civitatem adipiscendi lætatur. Pariter senes depontiani, quos *Festus* dicit sexagenarios, qui de ponte deiciebantur, h. e. suffragio de ponte fieri solito, privabantur & immunitate seu otio donabantur, Aristoteles vero dimissos, emeritos & effictos *παγεμωλῶς*) aptius vocat, tanquam qui fuerunt cives pleni, jam vero exitum e civitate meditantur opperianturque, considerantur, & saltem eatenus civibus accensentur.

## §. 201.

*Jus civitatis  
pactis deter-  
minatur.*

Quoniam a voluntate populi sive ejus, qui populi jura habet, voluntate dependet, quem & quousque in civitate numerum, item utrum peregrinum in civium numerum recipere nec ne, & qua lege eum recipere velit (§. 409. P. VIII. Jur. nat.) ideo pariter ab eadem voluntate pender, utrum illum civibus cæteris æquiparare, omnibus eorum juribus in ipsum collatis an vero tantum quædam civium jura eidem conferre, aut dumtaxat permittere velit; ut in regione sua habiter, h. e. eum tanquam civem reliquis æqualem, aut inæqualem, aut tanquam incolam recipere velit (§. 410. *ibid.*). Enimvero solius civitatis voluntas nec civem nec incolam in statu naturali quenquam facere potest, nisi qui talis fieri velit. Opus igitur est illius libero consensu, qui jus civitatis adipisci debet, æque ac civitatis, ideoque opus est conventionem civitatis & futuri civis idem jus civitatis. At conventio de iisdem promissionibus pactum est (§. 788. P. III. Jur. nat.). Liqueat igitur *jus civitatis vel indigenatus, item incolatus pacto esse acquirendum & ex pacto determinandum.*

Siquis hæc restringere velit ad cives adscititios vel assumptos nihil ille quidem profiteretur a veritate alienum. Sed id præteriret in sua consideratione, quod si quis civis non factus sit

natus esse dici debeat, id æque per se locum non habeat, ac si Poëta natus dicatur, cum revera poëtæ non nascantur, sed fiant. Natus nempe Poëta non nisi propter facultatem & ardorem adipiscendi artem poëticam appellatur; nec natus vel originarius civis dici potest, nisi cui majorum pacto, in legem translato, jus civitatis est promissum, ut ejus sit habilis, & si velit illud acquirere prorsus suo tempore possit vel debeat. Vnde quod vulgo nativitati vel origini tribuitur, revera ex pacto esse, nec aliunde esse in civitate posse plane manifestum est. Quæ ergo civitas pateretur sibi pro civibus obtrudi quoscunque homines, nascendi forte in ipsius ditione editos? Num honestum & proficuum illi foret, servis, spuris, mendicis abundare?

## §. 202.

Si qua jura in civitate cuiquam sunt pacto adquisita, quæ ad jus Quenam civitatis sufficere ab ipsa negantur, is propterea nondum erit civis, ra non suffi- Etenim jus civitatis vel indigenatus pacto est acquirendum (§. ciant ad jus 201.). Quare si pacto jus civitatis cuiquam non sit adquisi- civitatis. tum, is non erit civis. Sed si quis jura quædam in civitate pacto adquisivit, quæ civitas negat jus civitatis dare, is jus civitatis non adquisivit, non nisi utriusque paciscentis consensu acquirendum. Ea propter quamvis compos illorum jurum, civis tamen non erit, nec pro cive in illa civitate agnosceretur licet plebi & subditis annumeretur (§. 518. P. I. Polit.).

Quisquis hujusmodi jura, ideo quia cives quoque iisdem fruuntur, jura civitatis appellare, & eorundem participem civem vellet appellare: is quidem suo uteretur arbitratu, multos vero dicere cives, quos ipsa civitas negat esse cives subditorum loco eos ponens. Inde præstat, usum loquendi in civitatibus receptum retinere, quum novis vocabulis memoriæ præter rem molestias creare. Ita Martini *cives forenses* vocat advenas, fororantum, nundinis & commerciorum jure utentes secundum mores & leges civitatis. Sed hujusmodi advenas temporarios, agyras, petauristus, empiricos, nec civibus nec incolis annumerandos

dos esse, docet (§. 413. P. VIII. *Jur. nat.*), neque natos ex iisdem ubi commorantur, ibi cives esse vel incolas, sed ubi parentes vel cives sunt vel incolæ (§. 414. *ibid.*). Eodem refertur jus incolatus, vel perpetuæ habitationis in civitate. Incola enim & ab ipso procreati censentur inter nudos inquilinos vel peregrinos aut subditos, quibus tantum permissum est habitare & rem suam agere in civitate (§. 8. *ibid.*). In eundem censum referuntur homines mercenarii, qui civibus locant suas operas pro certa mercede, cujuscunque sint nominis uti adjutores mercaturæ, artificii, opificiique civium qui aliis a secretis, libris rationarum, a manu sunt, notarii, candidati varii, studiosi, strictius dicti operarii mercenarii que, mellores, milites, apparitores accensi, hortiarii, hortulani, servi & ancillæ, & qui præter hos generis ejusdem, nempe ut in civitate quidem degant & victum quaerant, sed in civium numero non habeantur. Dantur enim in civitate mercatores peregrini, eorumque consules, aut factores & gestores negotiorum, incolarum loco tantum habendi. Dantur musici, comædi, laboratores chemiæ, lixæ & calones, prope-læ, mangones, scrutarii, Judæi, aeditui, vespillones, alique hujusmodi commatis, qui ad jus civitatis non admittuntur.

## §. 203.

Contenta  
pleni juris  
indigenatus.

*Ad jus civitatis refertur communio felicitatis prosperitatisque civilis, quanta haberi mutua omnium ope potest in eo, quod quis de civitate genere & quanta pacto est adquisita. Quippe si plenum est jus civitatis, cujusmodi in archidemocratia datur indigenatus, continet illud jus acquirendi possidendique proprio nomine bona immobilia, quod includit jus perpetui & proprii domicili; jus communibus emolumentis mutua opera semper promovendis fruendi, & libere exercendi jugiter artem, quam quisque caller, aut suum vitæ genus, & in eo quodvis lucrum licitum quaerendi percipiendique; jus adspirandi ad imperium, munera, honores, beneficia, & redditus, quatenus meretur; jus de summis rebus futuris consultandi in comitiis & suffragandi.*



gandi; de præsentibus salutares leges condendi, & contrarias abrogandi; de præteritis judicandi promeritaque seu præmia decernendi, seu supplicia irrogandi, aut hæc pro rebus natis mitigandi remittendique; jus de tributis & vestigalibus, de fœderibus, bello & pace prout consultum videtur, consciscendi; & ut paucis absolvam, participationem publicorum jurium, privilegiorum immunitatumque legitimum & captui salutique publicæ respondentem. Si minus plenum vel extra democraticam est jus civitatis, priora duo fere & tertium quodammodo involvit, ut scilicet municipes sint & ad nonnulla civitatis munera admittantur, nisi temperatio quædam popularis status adjuncta sit. Generatim igitur si absolutum non sit jus civitatis, videndum est, quantum ejus pacto sit acquisitum (§. 201.).

Municipes *Varroni* dicuntur, qui una munus fungi debent, vel ut *Paullus* ait, qui munera civilia capiunt, eorumque ideo sunt participes. *Themistocles* oraculum delphicum interpretaturus, quod muri lignei navium præsidium designent, omnibus persuadet, patriam *municipes* esse, non mœnia, civitatemque non in ædificiis, sed in civibus positam; melius itaque salutem navibus quam urbi commissuros. Hujus sententiæ etiam *Deum* esse auctorem. Quæ sunt verba *Justin. Hist. L. II. c. 12.* Vbi municipes pro civibus adhibentur. Quo modo & *Ulpianus l. 1. ff. ad munic.* municipes, inquit, nunc dicimus suos cujuscunque civitatis cives.

Jus civitatis (*πολιτευμα*) *Martini* vocat jus utendi & fruendi utilibus & necessariis inter cives ejusdem universitatis constitutis, ad vitæ hujus usum & consortium - - Civis dum jure civitatis gaudet, jus quoque suffragiorum habet saltem potestate, licet id non semper exercere possit. Id vero est ex accidente, quatenus inter vulgares cives, qui non nisi subditi sunt, numerantur. Exercet tamen hoc per alios cives, qui ad suffragia edenda deputantur. Addi his posset, in Aristocratia & monarchia

cratia, cives jus de rep. vel de summa rerum statuendi, exercere per eum, vel eos, quibus illud commisit, vel potius in quos jus suum transtulit. Eam ob rationem *Augustius de civitate Dei* L. II. c. 21. ita statuit ex *Cicerone*: populus non est omnis cætus multitudinis, sed cætus juris consensu & utilitatis communione sociatus.

## §. 204.

*Cur jus civitatis multum discrepet?*

Quia jus civitatis ex pacto est meriendum (§. 201.), & notat complexum jurium non nisi in civitate habendorum (§. 200); plenum autem & plurima & summa complectitur jura; minus plenum vero innumeris modis potest variari & numero & gradu jurium populo relictorum (§. 203.): constat luculenter, jus civitatis & in simplicibus, & præsertim in mixtis rebus publicis mirum quantum discrepare posse & solere. Nam modo majorem modo minorem complexum jurium publicorum, seu modo plura modo pauciora, jura modo superiora modo inferiora jura & cujusque juris gradum quoque majorem aut minorem, item jurium majorem minoremve consensum involvit. Quibus accedit varia quoque civium degeneratio depravatioque. Vnde & in eadem civitate cives alii majora alii minora item plura & pauciora jura habent.

Varietas in denominatione civium non præterit primum Politicæ, quam in aula macedonica didicerat, editorem, qui *Lit. III. Polit. c. 1.* ita seiscit: civem pro singulis rebus publicis alium esse oportet. Quare explicatus maxime est civis in democratia, in aliis vero fieri quidem potest, ut sit, non tamen esse necesse. Quod repetii *cap. 8. ibidem*. Singulis rebus publicis esse cives, nec semper juris imperandi, nec ex æquo participes, sed prout aliis aliisque pactis nituntur. Vnde civem non idem semper sonare, sed per analogiam illi plus tribuendum esse in democratia, in aliis fornus minus.

## §. 205.

Sicut jura nascuntur ex officiis (§. 23. P. I. Jur. nat.): ita *Itemque civium officia?* quoque jura civium, quibus in civitate gaudent, eorum ducunt ex civium officiis erga se invicem. Vbi omnia civitatis jura civibus sunt reservata, ut in Archidemocratia, ibi etiam omnia officia & onera civibus æqualiter incumbunt. Vbi vero pauciora civibus tribuuntur & inferiora tantum jura, ibi etiam pauciora tantum officia & onera ipsis injuncta erunt, ut tot periculis minime subsint, quot alii. Ea propter præter jura & commoda civium spectanda quoque sunt eorum officia, onera & incommoda vel pericula, quibus salutis publicæ gratia subjiuntur semperque subsunt, quoties ingruunt. Quare juribus civitatis respondent quoque onera & officia civitatis, ut cui civi plus jurium datum est, ab eo etiam plus officii requiratur, vel cui plura injuncta sunt officia reip. causa exantlanda, eidem quoque plura h. e. omnia illa jura tribuenda fuerint, sine quibus fungi suo officio non posset. *Sunt ergo uti diversa civitatis ejusdem aut diversæ civitatis jura, sic & diversa civium officia,* tum ratione numeri, tum ratione momenti, quoad plures molestias, dispendia, labores & pericula cum ipsis sæpe conjunctæ, ratione membrorum integritatis, sanitatis, vitæque.

Hoc respiciens Aristoteles in cive enarrat communicationem & imperii & obsequii (not. §. 199.). Est enim æquitatis naturalis, ut cujus sunt commoda, ejus & sint incommoda; & cujus sunt incommoda rei, ejus quoque sint illius commoda & emolumenta. Jura civitatis sunt illa commoda & emolumenta, quibus cives gaudere & frui possunt. Incommoda vero sunt illa onera & officia, sine quibus illa emolumenta haberi & perpetuari nequeunt. Cæterum ostenditur in hoc §. simul, nec jura sine officiis, nec officia sine juribus dari, uti alias, sic & in civibus. Qua de re licet seorsum ista tractari possint; uno tamen posito ponitur alterum, ut in definitione civis sufficiat mentio



juris civitatis, quia ex jure officia & onera derivari possunt. Jus nempe utendi fruendique salute publica, instar finis civium considerari potest, e quo officia illius causa obeunda naturaliter oriuntur explicanturque. Quæ ut manifestiora fiant, sequentia addere lubet.

## §. 206.

*Norma officiorum civium.*

*Civium officia non sunt alia, quam quæ salutis publicæ fructum omnimoda requirit.* Finis enim civitatis non est nisi salus publica, ejusque non impedita fruitio (§. 36. P. I. Polit.) complectens omne illud commune bonum, quod aut non melius, aut non nisi conjunctis omnium viribus parari, conservarique ita potest, ut singulis tuta sit illorum perceptio fruitioque (§. 35. ibid.). Non nisi hujus finis obtinendi gratia civitates ineuntur colunturque, vel sunt ineundæ & colendæ (§. 31. ibid.). Quæ cum officia civium non sint nisi actiones, ad quas obligantur tanquam cives (§. 224. P. I. Phil. pract. univ.) obligantur vero ad illas, quæ salutis publicæ fruendæ causa sunt necessariae (§. 118. ibid.): manifestum est, officia civium non esse alia, quam quæ fruitio tuta salutis publicæ requirit, vel quod eodem modo sine quibus fruitio salutis publicæ nequit haberi & perpetuari item nequit esse tam ampla, certa stabilisque, ac esse potest.

Hæcundum hoc est principium heuristicum, uti detegere & ex fontibus suis derivandi quælibet vera civium officia, ita & illa demonstrandi, de illis animos convincendi, spuria autem & falsa rejiciendi refutandique. Quod experiri atque agnoscere poterit, qui omnia civium officia genuina in systema reducere volet.

## §. 207.

*Regula officiorum civium distribuendi.*

*Officia civium pro meritis ita sunt distribuenda, uti quisque illis salva fruitio salutis publicæ, bene vel melius fungi potest.* Officia enim sunt actiones liberæ, ad quas obligamur (§. 224. P. I. Phil. pract. univ.). Obligamur autem ad præferendum melius dare

deteriori (§. 192. *ibid.*), inde obligamur quoque ut cives, ad præferendas actiones civiles meliores deterioribus. Quare hæc obligatio sit naturalis atque immutabilis (§. 130. *ibid.*). & meritum proprium æque majorum ratio sit habenda (§. 659. *seq.* P. VIII. *Jur. nat.*): & unusquisque per se ea suscipere debet officia, & civitas ea imponere cuique debet officia civium, quibus fungendis singuli pro meritis non modo pares sunt, sed & quibus bene saltem, & melius quam aliis aut alii fungi possunt. Liquet igitur, officia civium ita esse distribuenda, uti quisque illis, salute publica plene fruiturus, bene & melius quam aliis officiis, & quam alii cives fungi potest.

Male fungens officio publico, aut parum prodest saluti publicæ, minusque ac posset & deberet, aut impar illi & perverse agens, vel negligens agenda, plane obest eidem. Quare curandum est in officiorum civilium distributione, ne illa inepte & in detrimentum salutis publicæ, sed potius sapienter in tantum illius emolumentum fiat, quantum haberi potest. Hinc absurde expeteret civis ejusmodi officia civilia, quibus fungendis aut prorsus impar esset, aut deterius fungeretur ac deberet. Neque nisi error, impotentia animi & delirium, vel vitiosus habitus & affectus ferre ipsum in talia expetenda & audenda posset. Insipienter quoque non expetita officia illis vel invitis imponerentur, qui ipsis vel ex toto, vel ex majori parte impares deprehenduntur, neque id dissimulant, sed illa serio deprecantur, & inviti subeunt, quando ipsorum rationes spernuntur.

## §. 208.

*Officia civium vel sunt communia, quæ non tantum civibus quibusque, sed & non civibus pacto seu expresso seu tacito incumbunt; vel sunt propria, quæ solis civibus qua talibus sunt attributa. Ambo vel sunt plebeja & vilia, quæ vulgari capto & educatione fieri possunt, nec ulla arte indigent; vel eximia, & eximia.*

quæ non nisi ope artis cujusdam diu exercendæ præstari possunt  
(§. 427. P. VII. Jur. nat.).

Officia communia singulorum sunt subiectio, obedientia, fidelitas & reverentia connubia, legum communium custodia, communis boni promotio, damni averfio pro viribus, & periculum imminens, quando innotuit, denuntiatio tempestiva. Ad hæc enim obligantur recepti quicumque advenæ, pacto si non expresso saltem tacito, quo admitti in civitatem voluerunt & admissi sunt, utique a nulla civitate recipiendi, si animum hoc contrarium præ se ferrent, & pro meritis puniendi, si secegerint. Propria vero civium obligatio est in subeundis quibuscunque oneribus civilibus, ad quæ advenæ, inquilini & histimes non obstringuntur, sed cives tantum quæ tales, vel quæ sunt cives.

## §. 209.

Vnde communia omnium officia oriuntur.

Officia civium communia oriuntur ex jure habitationis, tranquillitatis securitatisque in rebus suis peragendis, quo in civitate frui cupiunt & pacto tacito saltem fruuntur. Etenim non minus advenæ hospites & peregrinantes, quam cives & inquilini cupiunt civitatem sibi præstari ab injuriis & damnis in itinere & in hospitibus & diversoriis, ubicunque commorantur, in commercio aliis commercio & negotio, in jure dicundo, si quid legum ipsis oboriatur, & hac commoditate, tranquillitate & securitate sibi in civitate præstita pacto tacito saltem utuntur fruuntur, quamdiu in illa versantur (§. 791. P. III. Jur. nat.). Neque alium casum nunc ob oculos habemus. Sed officia civium communia sunt, quæ non tantum civibus quibuscunque sed & inquilinis, qui non sunt cives, sed pacto tacito aut expresso tantum in civitate quiete degunt & res suas agunt, incumbunt (§. 208.). Atqui ob commemorata emolumenta æquum est, ut non cives (die Unbürger), nolint melioris esse conditionis quam ipsimet cives, ideoque ut civium commodis fruituri etiam non cives



cives erga civitatem se gerant, civium commoda itidem quaerendo, damna vero avertendo, ideoque legibus & magistratui debitam reverentiam, obedientiam fidemque praestando.

Si radices horum officiorum imas scrutari & eruere lubet, deprehendentur illae in ipso jure naturae & per illud injectis officiis erga alios. Omnem enim facere tenemur facultatum nostrarum usum, qui ad perficiendum animum, corpus & statum aliorum hominum, & ad arcendam omnem imperfectionem ac molestiam ab eorum anima, corpore & statu requiritur, quatenus id absque neglectu officiorum erga Deum & se ipsum fieri potest (§. 609. P. I. Jur. nat.). Eodem quoque civitates pacto fuerunt constituendae (§. 2. 3. & 4. P. VIII. Jur. nat.). Eodem & pacta cum expressa tum tacita sunt servanda (§. 789. seqq. P. III. Jur. nat.). Sed si qui vel brevi tempore tantum commodis alterius civitatis frui velint, quibus indigent, communibus nec civium commodis obfuturis; vel expressum adhibetur pactum, quo recipiantur, uti si studiosi in academia aliquamdiu commorari velint, vel tacitum, ubi expressa commode adhiberi nequeunt ob nimiam multitudinem peregrinorum, ad nundinas aut solemnes festivitates spectandas confluentium, vel copiose transeuntium, peregrinantium & ad breve tempus tantum commoraturorum.

#### §. 210.

*Propria civium officia nascuntur ex jure civitatis, quatenus illud Unde fluant pacto est acquisitum, & ex eodem sunt metienda.* Propria enim civium officia solis civibus incumbunt propterea quia sunt cives *um officia?* (§. 208.). Sed cives sunt propterea, quia adepti sunt jus civitatis (§. 198), quod notat complexum jurium, immunitatum privilegiorum ac emolumentorum communium, quae pacto sunt promissa (§. 200.), & quae fruitionem salutis publicae praestant (§. 203. & 206.). Quia officia civium non alia sunt, quam quae postulat secura fruitio publicae salutis (§. 206.): patet.

rescit inde, propria civium officia nasci ex jure civitatis, Quare-  
nus cives illud pacto sunt adepti.

Quia jus civitatis modo plenum esse potest, quod omnia  
infert emolumenta non nisi ope civitatis habenda, modo minus  
plenum, quod non omnia, sed quædam duntaxat jura & com-  
moda publica infert (§. 203), & in diversis rerum publicarum  
formis mirum quantum variare potest (§. 204): utique illud  
non nisi ex pacto erit metiendum (§. 201.), cum juribus re-  
spondeant officia civium, & prout illa differunt, ita hæc quo-  
que diversa sint (§. 205.).

Quod ut exemplo illustremus, cives capiemus romanos. Hi  
necessario erant in quodam ordine & quadam tribu ac centuria  
in qua ad comitia vocati suffragia ferre, & in legione militare  
cum aliis obligabantur, urbis periculo aut bello id flagitante  
tributa instar aliorum Quiritium pendebant; pro civibus se de-  
rebant, seque mutuo juvabant ac defendebant; connubia in-  
ter eos romani obibant more romano; legibus, magistratibus & ju-  
diciis romanis obtemperabant &c. Ita discernebantur a munici-  
piis, libertinis & inquilinis; quia his tantum jus habitationis  
illis præter habitationem & libertatem etiam tribus erat, ut mu-  
lus ad honores aditus, istis vero & tribus & suffragium & in  
honores petendi capiendique; sed nondum domicilium; Quare  
si Romam migrabant municipes, ibique domicilium figeba-  
nt, tunc pleni erant cives vel jure civitatis optimo utebantur. Nondum  
enim plenum erat jus civitatis, propter domicilii defectum  
urbe romana. Tria demum illa civem romanum optimè  
ostendebant, domicilium, tribus & jus munerum capiendorum

#### §. 211.

Officia civium, Reip. causa oblata, vel consistunt in operibus  
in operis vel in rebus ad publica commoda conferendis. Res enim dicitur  
in rebus dan- omne ens durabile ad hominis perfectionem conducens (§. 429)  
tur. P. I. Jur. nat.). Sed dum res factæ sunt singulorum, itaque  
dantur.

desierunt esse communes, sunt illæ in dominio (§. 117. seq. P. II. Jur. nat.). Quia opera non est nisi actio libera, & æquiparatur rebus (§. 436. & 437. *ibid.*) subest & ipsa proprietati dominioque humano (§. 12. P. I. Philof. præf. univ. & § 955. 959. P. I. Theol. nat.). Jam officia civium non sunt alia quam quæ salutis publicæ fruitio requirit (§. 206.). Sed salutis publicæ fruitio requirit cum operas in commune bonum conferendas (§. 20. seqq. P. VIII. Jur. nat.), tum res & sumtus (§. 277. seq. *ibid.*). Ea propter officia civium redeunt vel ad operas, vel ad res seu opes in publica commoda conferendas.

Operæ tanquam actiones liberæ, vel & conatus ac contentio libere agendi sunt mutationes status, quarum ratio est in agente (§. 713. *Ontol.*). Omnis vero rei mutatio posita est in variatione modorum ejus (§. 703. *ibid.*), & variatio infert successionem modi unius in locum alterius (§. 704. *ibid.*). Inde manifestum est, quando mutatio dicitur, illam differre a re durabili, in qua dari debet, quod diserte exprimit §. 703. *cit.* Inde res notant ens quodvis durable, sive externum sit, uti opes, sive internum, uti jura, obligationes, & habitus; operæ sunt actiones liberæ in mutatione rei fluxa & illico transeunte nec reverte[n]te consistentes ideoque non durabiles. Hinc operæ differunt a rebus.

## §. 212.

Operæ, a civibus boni communis causa subeundæ vo-  
cari possunt *operæ publicæ*, & *onera personalia* (§. 28. *Oecon.*). Res *personalia* vero ab iisdem in commune bonum erogandæ & conferendæ vel *realia*. sunt sumtus publici, vel *onera reip.* (§. 774. P. VIII. Jur. nat.), quæ & *onera realia* seu *patrimonialia* civium vocari solent. Unde patet officia civium vel *personalia* esse vel *realia*, quorum illa faciundo hæc dando absolvuntur (§. 1. P. IV. Jur. nat.). Brevitatis causa illæ tantum operæ, hæc onera dicuntur, quando contextus docet, de civium officiis sermonem esse.

(Wolffii Politica P. II. C. I.)

O o

Onera



Onera reip. (§. 774. cit.) dicuntur omnes sumtus reip. ad ministrandæ vel defendendæ causa faciendi. Qui sumtus vel in annona sunt, in publicos usus suppeditata, vel in vectigabilibus portoriisque, vel in tributis (§. 926. seqq. P. VIII. Jur. nat.). Ope tributorum vicariæ aliorum ordinariæ operæ acquiri possunt, quibus merces pro illis obeundis præstatur. Cujusmodi operæ sunt excubiæ pro securitate publica noctu diuque agenda, exercitium & usus armorum atque expeditio bellica contra hostes, angariæ & parangariæ, h. e. operæ reliquæ ordinariæ & extraordinariæ, hospitaliones militum &c. Si ordinariæ operæ per alios tanquam vicarios præstantur; tantum opus erit extraordinariis, per ipsos cives obeundis, ubi ordinariæ non sufficiunt nec satis tutæ videntur.

## §. 213.

*Operæ vel  
vulgares, vel  
artificiales.*

Operæ publicæ vel sunt *vulgares vel artificiales*, & vel nobiliores ac *liberales*, vel *illiberales* & ignobiles, quarum prima finis, sordidæ appellantur. Operæ enim publicæ sunt operæ a civibus hominum communis causâ subeundæ (§. 212). Quæ operæ sunt actiones liberæ (§. 437. P. II. Jur. nat.), et actiones vel sunt artificiales seu eximiae, vel plebiæ & vulgares (§. 208.), ut ipsæ artes (§. 483. P. I. Phil.). Vti ergo artes vel liberales vel illiberales sunt & sordidæ (§. 483. cit.), ita quoque operæ artificiales aliæ erunt liberales, aliæ tantum illiberales aut planè sordidæ.

Quæ mediæ artes vocantur, illæ a potiori factæ denominantur ne ad nobiles seu liberales inferioris gradus referri possint. Qui vero id nolit, & has medias operas inter illiberales & illiberales saluter, pro libitu suo. Ad operas vulgares referri etiam possunt connubia, ad procreandam educandamque sobolem ineunda.

Operæ vulgares, quibus homines indigent, ad vitæ suæ provisionem fidia querendi, merito ita ipsis manent propriæ, ut vacare officiis naturalibus se suosque honeste alendi possint. Quatenus vero

vero Resp. iis indiget, eatenus quia in omnium commoda cedunt. omnibus aequaliter sunt subeundæ, nili sint, qui pro aliis eas subituri sunt pro stipulata æqua mercede. Pariter quoque artes vulgares, manueria opera potissimum peragendæ, eo magis quæstui privato hominum relinquuntur, ut quicumque illarum operibus uti cupiunt, ab his ea emant, qui illis parandis vitam suam potissimum dicarunt. Harum aliæ faciunt ad necessaria alimenta obtinenda, uti agricultura, res pecuaria, piscatio, venatio, vinearum & horti cultura, coquinaria, brassatoria laniena, pistoria; alia ad vestimenta necessaria consequenda, uti textoria, tinctoria, sutoria, sartoria, pilearia, pellionaria; aliæ ad habitationem & munimenta, uti architectonica varia omnisque fabrilis, circa ligna, lapides, lateres &c. parandos struendosque occupata; aliæ ad res transportandas uti vehicularis, navicularia, nautica &c. aliæ ad vasa & instrumenta omnis generis, quibus indigent homines in re domestica & arte sua, paranda, ut figulina, seriniaria, arcularia, doliaria, ephippiaria, velificatoria, carpentaria, restiaria, tornatoria, vitriaria, stannaria, aurificina similesque mechanicæ complures; aliæ ad mercaturam omnis generis; aliæ ad vitam & securitatem, ut bellica in omni ambitu suo, & gymnastica; aliæ ad sanitatem conservandam & reparandam, uti chirurgica, chemica, pharmaceutica, medica; aliæ ad oblectationem, commoditatem & ornamenta, uti musica omnis, saltatoria, pictoria, statuaria, sculptoria, cælatoria, fusoria, plastice, similesque ad compitum, ludum, spectacula comparatæ. Nec dum quidquam dico de liberalibus ad mentem perficiendam comparandis. Quatenus omnes illæ ad honestum privatum quæstum faciunt, eatenus liberum cuique earum manet exercitium.

## §. 214.

*Si quæ opera publica perpetui usus sunt in civitate, ut earum Quæ opera causa negligenda sint privata officia naturalia, ad illa subeunda non o publicæ sint obligatur, nisi cui plena pro illis præstatur indemnitas. Quilibet compensan-*  
*enim civis alios quidem quoscunque ope sua indigentes juvare?*

re debet, ut ea consequantur animi corporis ac fortunæ bonæ, ad quæ acquirenda obligantur, quatenus illud in sua habet potestate (§. 612. P. I. *Jur. nat.*). Enim vero quidquid præstare aliis non valet nisi cum neglectu officii erga se ipsum, id non habet in sua potestate (§. 610. *ibid.*). Eapropter ad illa quæ sine neglectu officii naturalis erga se præstari nequeunt aliis civibus præstanda nemo civium obligatur.

Prout nemo alteri damnum dare sed potius unusquisque omne damnum & a se & ab aliis avertere debet (§. 492. & 495. P. II. *Jur. nat.*): ita civitas quoque obligatur ad cives quoscunque indemnes præstandos, si quod damnum occasione de mandati muneris subierunt aut subeundum esset (§. 682. P. I. *Jur. nat.*). Velle enim moraliter nequit, ut cuiquam officium suum sit damnosum (*ibid.*). At quoniam pro pecunia res & operæ ab alio comparari possunt (§. 293. *ibid.*), pretio vel honorario æquo scilicet ope pacti determinato (§. 322. & 325. *ibid.*): collatio & susceptio hujusmodi officii alias damnosi pactis ita est perficienda (§. 900. P. VIII. *Jur. nat.*), ut pro eo salarium detur a civitate (§. 904. *ibid.*), quo honeste sustentari possit eadem fungens (§. 907. *ibid.*) hoc est, quo plena ipsi præstetur indemnitas.

Turpius multo foret civitati integræ, quam singulari culpam homini, si vellet cum alterius damno locupletari (§. 586. P. II. *Jur. nat.*). Quamobrem quameunque potest, sibi que honorificam judicare debet, indemnitem illis præstare debet, qui neglecto officio privato recte publico funguntur pro pacto sibi redhostimento (§. 721. P. VIII. *Jur. nat.*). Quoniam salarium honorariumque ex pacto debetur, recte fungenti partem suis illud perfecte debetur (§. 735. P. IV. *Jur. nat.*): ideoque si ipsi non solvitur, fit illi injuria publica, quæ pessimi est exempli. Si precibus, si æquitati nullus relinquitur locus, adeo is casus, quo uno paciscentium recusante quod debet, nec alter



ad id præstandum tenetur, quod ipse ex eodem debet, sed ipsi ab eo recedere licet in quantum recedit ab eo alter (§. 827. P. III. Jur. nat.).

## §. 215.

*Indemnitas publico officio fungentibus vel præstatur salario seu Modi indemn-  
honorario, vel concessione immunitatis & privilegii, vel redditibus ipsam nitatem pu-  
diligentiam officii involventibus indefinitis vel hisce mixtis. Indem- blice præ-  
nitare nimirum præstanda efficiendum est, ne cuiquam offici- standi.  
um suum evadat damnosum (§. 632. P. IV. Jur. nat.). Quod  
aliter fieri nequit, quam ex asse compensando ipsi neglectum  
officii privati, qui fungendo officio publico evitari nequit (§.  
214.). Sed si salarium conventum solvitur, datur merces pro  
operis reip. in obeundo munere publico præstitis (§. 905. P.  
VIII. Jur. nat.). Si datur honorarium, donatur alteri pecunia  
animo remunerandi ipsum ob præstationem gratuitam, vel æsti-  
mari nesciam (§. 731. P. IV. Jur. nat.), quæ excedere solet ve-  
rum operæ pretium seu mercedem (§. 741. ibid.). Si conce-  
ditur immunitas ab aliis oneribus & operis publicis, idem est,  
ac si eorum valor donetur. Quare cum merces æque ac hono-  
rarium tam in pecunia, quam in rebus aliis quibuscunque  
consistere possit (§. 1211. ibid.): immunitates recte salario &  
honorario æquiparantur, quatenus ipsarum pretium æstimari  
potest. Lucratur enim immunis a solutione, quantum alias sol-  
vere deberet; lucratur qui operam præstare non obligatur  
mercedem illius operæ. Quid! quod immunitas ista, qua quis  
fruitur, privilegium recte censetur. Sed lucrum & commo-  
dum ex privilegio, propter officium concessio, merito refer-  
tur in partem salarii (§. 906. P. VIII. Jur. nat.). Idecirco quan-  
tum privilegii usus valet, quantum commodi affert, tantum  
id vergit quoque in efficiendam ipsius indemnitem, qui pri-  
vilegio ob munus publicum gaudet. Denique redditus indefi-*

niti quidem, sed ad majorem in officio diligentiam comparati, siue quadamtenus statim sint siue prorsus variabiles, vulgo accidentia, aut jura stolæ vocari solent (§ 909. P. I. III. Jur. nat.) & pro valore suo recte in partem salarii, vel in ejus locum cedunt (§. 910. *ibid.*). Denique & conjungi ex his varia possunt per se patet.

Revocari præstatio indemnitas potest ad duo capita, res scilicet corporales & incorporeales. Res corporales sunt salarium seu honorarium, siue in pecunia consistit, siue in rebus pecuniæ valentibus, iisque aut definitis, aut indefinitis, quæ summa non est eadem, nec valor quotannis idem. Res incorporeales sunt jura, privilegia & immunitates, quibus idem suum est pretium, ut pecuniæ rebusque aliis.

## §. 216.

*Civium plenorum jura & officia.*

Cives ordinarii itque pleni omnibus gaudent juribus civitatis, & cuncta ejusdem onera obligantur. Cives enim plerique & universissimi dicuntur ordinarii; iidem vero ut cives gaudent jure civitatis (§. 198). Sed jus civitatis involvit complexum patrimonii, immunitatum, & commodorum nisi in civitate non habendorum (§. 200). Quod cum multa involvat ad felicitatem prosperitatemque civilem facientia (§. 203.): pater facile. Patrum vero civem non esse, nisi qui omnibus gaudet civitatis juribus. Quum vero juribus sua respondeant officia (§. 205), quæque fructio salutis publicæ requirit (§. 206): cives pleni erant obligantur ad quævis officia atque onera civitatis subeunda (§. 208. *seqq.*). Si igitur cives ordinarii ac pleni omnibus gaudent civitatis juribus; iidem quoque obligantur ad cuncta civitatis officia & onera subeunda, siue per se, siue per alios mercedibus conductos, ubi illi civibus recte surrogantur, nec periculum est verendum.

Sunto rursus exempli loco cives romani, de quibus jam ad §. 210. notavimus, illorum jus civitatis plenum dictum esse optimi item Jus Quiritum. Pleno jure civis censetur in quodam ordine & aliqua ex 35. tribubus civium, & in sua tribu suffragium ferebat; gaudebat aditu ad magistratus honores dignitatesque; non poterat virgis cedi, nec vinculis coerceri, nec capite plecti, nisi populi judicio; (quod jus a *Terre* violatum vehementer urget *Cicero Or. V. c. 61. seq.* Gavius, inquires, loqui Messanæ cœpit & queri, se civem romanum in vincula esse conjectum, sibi recta iter esse romam &c. Verres repente hominem proripi atque in foro medio nudari ac deligiri, & virgas expediri jubet. Clamabat ille miser, se civem esse romanum. Que vox & imploratio multis in ultimis terris opem inter barbaros & salutem tulit. Hic se commemoratione civitatis omnia verbera depulsurum, cruciatumque a corpore dejectorū arbitrabatur - - o jus eximium nostræ civitatis, o lex portia, legeque Sempronie &c. Eodem jure se Paulus Apostolus tuebatur *Actor. XXII, 25-29.* Solis civibus romanis jus erat in legione militare, honestore militis. Inde Gavius ille probaturus, se civem esse romanum, clamat, se municipem esse Colanum, meruisse se cum L. Pretio, splendidissimo equite romano, qui Panorini negotiaretur, ex quo hec Verres scire posset. Soli cives romani fiebant milites beneficiarii, atque in beneficiis ad ætadium referebantur. *Cic. pro Argil. P. c. 5.* Soli liberos habebant in potestate & jus patronorum in liberos, gaudebant jure adoptionis, gentilitatis, & togæ ferendæ. Soli testamento hereditates civium capere & facere testamenta poterant, sacra more romano faciebant, quirites dicebantur populusque romanus, utebanturque legibus moribusque romanis. Ipsos vero quoque ad onera romana adstrictos fuisse §. 210. notatur.

## §. 217.

*Modus aspirandi ad jus civitatis vel proprio tantum nititur pa-* *Modus civi-*  
*vel 3 modorum.* Jus enim civitatis, quo cives æstimantur *tatem adipi-*  
 (§. 198), pacto adquiritur (§. 201.). Hoc pactum vel *scendi du-*  
*tum* *plex.*



tum est proprium civitatem ambientis; vel illud jam antecessit pactum parentum majorumve, qui antea ejusdem civitatis jus sunt adepti. Sane id experientia plurimorum magistra attestatur. Posteriori casu pactum adjuvatur & superstruitur pacto alieno; priori caret tali adiumento & fulero externo, fundamentoque quasi præstructo. Duplex ergo datur modus adspirandi ad jus civitatis, alter proprio tantum Marte, alter alieno quoque adjutus suffultusque, h. e. alter proprio tantum pacto incoatus & absolutus, alter jam ab aliis nempe progenitoribus inceptus & proprio pacto tantum absolutus.

Potest nempe jus civitatis vel esse personale, vel hæreditarium saltem ex parte. Si personale tantum est, cum ipsa persona extinguitur, nec in posteros transit vel transmitti potest, quod non nisi pacto personali est acquisitum (§. 801. P. III. Jur. nat.). Si vero ad personam adquirentis non sit restrictum, sed in posteros transmittendum; hæreditarium erit, saltem ex parte hæredes transiture. Inde & pactum, quod acquiritur ea lege ut transmitti in posteros possit, erit reale (§. cit. 801.) & §. 90. P. VII. Jur. nat.). Vti imperium datur successorium (§. 27. seq. P. VIII. Jur. nat.).

## §. 218.

*Cives vel*

*nati sunt vel*

*facti.*

*Cives nati* & veteres dicuntur, quorum parentes jam fuerunt cives; *facti* autem vel *novi*, qui suo demum pacto cives evaserunt. Vtriusque generis cives dari posse, patet ex §. 217.); actu illos dari experientia testatur.

Cives, inquit *Hertius Prud. civ. P. I. Sect. 5. n. 4.* aut nascuntur, aut sunt. Ita Paulus se natum dicit civem romanum *Act. XXII, 28.* Licet igitur pactum ita iniri posset, ut ipsius nativitatis jure civium liberi essent cives, quemadmodum regnum est hæreditarium, in quo jure hæreditario succeditur (§. 335. P. VIII. Jur. nat.); id tamen civitati promiscue non expediret, eaque propter nec receptum est. Sufficit enim natos

civibus indigenas jus propius, certius & minus sumtuosum habere ad civitatem, quam extraneos & alienigenas. Hinc nec expectandum est civium liberis, donec parentes mortui sint, ut eorum loco succedere possint, sed vivis ipsis cives sunt si velint. Vnde & in civibus, qui nati dicuntur, pacto quodam opus esse notavimus ad (§. 201.) quo plane cives evadant. Nati cives aliis dicuntur nativi naturales & originarii, quia originem suam ducunt a civibus.

Dari posse quodammodo civitatem, ubi nulli cives nascuntur, nullaque dantur matrimonia, sed aliunde peruntur & adsciscuntur, pontificis romani clericorum civitas comprobatur. Qui vero ex nativitate sua nullum jus habent ad civitatem, illi nisi suo pacto fieri cives nequeunt. Hinc Demostheni vocantur *τῶν πομπῶν πολῖται*, & Ciceroni cives adscripti vel adscriptitii, item adsciti. Dividi subtiliter nati cives nonnusquam solent, in eos, qui ex alterutro vel utroque parente cive nati sunt, item, qui & avos, proavos, abavos, atavos, tritavos &c. utriusque sexus cives habuere. Quæ divisiones ibi attendendæ sunt, ubi peculiaris jura secundum hos generationum gradus data & concessa sunt. Quemadmodum Romæ liberti civitate donati non protinus in civium honestiorum & egregie meritorum numero habebantur, sed adscribebantur quatuor inferioribus tribubus romanis, nec in legionibus jus militandi habebant. Postquam vero eorum posterius per aliquot generationes bene de rep. meruerant, altius adscendebant ad jura veterum avitorumque civium romanorum.

## §. 219.

Si natales indigenarum respicimus, ceteris paribus utique præfere-  
rendi sunt legitime nati illegitimis, ingenui servis, majorum meritis com-  
mendati his, qui illis destituuntur, & honoratioribus viciis in qui-  
busdam civitatis juribus distribuendis. In distribuendis enim civi-  
um juribus & officiis respicienda sunt civium merita, ne alia  
tribuantur illis, quam quibus singuli pares sunt, & melius quam  
aliis & alii sunt functuri (§. 207.). Sed legitima soboles vir-  
(Wolffii Politica P. II. C. I.) Pp tati

tui debetur, illegitima vitio; & virtutes in civitate sunt promovendæ vitia vero impedienda (§. 40. seq. & §. 246. P. I. Polit.). ea propter & in jure civitatis tribuendo indigenis legitimi natales præferendi sunt quibuscunque illegitimis, spuriiis scilicet, adulterinis, ex incestu & vulgo quæsitis. Præterea cæteris paribus ingenui præstant libertis, libertinis & servis municipiisque, quod per se ipsasve notiones horum nominum patet. Neque minus evidens est & evictum, bene meritos per se suosque majores civitati præponendos esse illis, qui saltem majorum meritis defutuntur, etsi propriis paribus gaudent (§. 659. P. III. Jur. nat.). Digniores autem & honoratiores meritis præclari sunt, ideoque & civibus magis meritis comparandi, & vilioribus anteponendi. Si ergo natales indigenarum attendi, cæteris paribus anteferendi sunt legitime nati illegitimis, ingenui servis majorum meritis clari, iisdem delictis & vilioribus honoratiores.

Attamen habenda est ætatis ratio, ut scilicet nati a civibus nati ante admittantur ad civitatis jura plena, quam iis recte & e salute publicæ uti ac frui possint. Solet hoc plerumque fieri quo ordinarie emancipantur, vel sui sunt juris, eo quod se ipsos regere & libenter legitime prospicere didicerunt. Romæ jure ætas censebatur annus ætatis 17. summa nempe virili rogæ Athenis erat annus ætatis 20, venetiis anno 25 ad Senatus consilia admittuntur, exceptis paucis sorte post annum 20. isto jure potitis. Neque tamen trahendi sunt in civium natorum numerum, qui fortuito nati sunt in civitate, ubi eorum parentum non sunt cives sed peregrini. Sic e Gallis quidam Carolum subditum regni Galliarum vocarunt eo quod Gaudavi in municipio Galliarum fortuito natus fuerat.

## §. 220.

Nemad prio

Affinis est generationi adoptio, & minori ex parte manumissio. Et manamis quilibet idem aditus ad jus civitatis munuitur. Adoptione enim aditus prius



trans jura patris, & adoptatus jura filii ipsum adoptantis con-  
 sequitur (§. 784. P. VII. Jur. nat.). Quoniam in voluntate ado-  
 ptantis positum est, qua lege velit prolem alienam adoptare (§. *aditum ad*  
 786. *ibid.*): potest illum quoque ea lege adoptare, ut ipsius fiat  
 hæres & nomen quoque familiæ gerat (§. 792. *seq. ibid.*).  
 Affinis igitur est generationi & nativitati adoptio, & si nulla  
 obstat lex civitatis, sed hoc potius liberum civibus relinqua-  
 tur: adoptato propter adoptantem velut patrem ex pacto,  
 aditus quoque patebit ad jus civitatis, tanquam filio per ado-  
 ptionem electo. Manumissione servi adipiscuntur libertatem  
 (§. 1121. P. VII. Jur. nat.), ideoque non solum ut liberi homi-  
 nes, sed & ut de dominis & civitate bene meriti exhibentur.  
 Sed hujusmodi hominibus apertus est in civitatem introitus per  
 sua & domini manumittentis merita, qui & sic velut pater sal-  
 tem patronus a libertis est colendus. Hinc est nonnulla quoque  
 inter manumissionem, adoptionem & generationem affinitas  
 quoad gradum, quem ad jus civitatis panditque munitque.

Audiendus est Ulpianus l. 1. ff. ad municipalem & de incolis  
 seiscens; municipem (ita civem vocat) aut nativitas facit aut  
 manumissio, aut adoptio. Additur l. 15. *ibid.* jus originis (patriæ)  
 in honoribus obeundis ac muneribus suscipiendis adoptione non  
 mutatur; sed novis quoque muneribus filius per adoptionem pa-  
 trem adstringitur; & l. 16. si emancipatur ab adoptivo patre, non  
 tantum filius; sed & civis ejus civitatis, cujus per adoptionem  
 fuerat factus, esse desinit. Sic latini a romanis adoptati, dein  
 emancipati domum redierunt, ut jus civitatis ibi susceperent.  
 Conf. Cod. de Municip. & originariis. Disputatum est, an li-  
 berti eo ipso, quod manumissi sunt, civitatem obtineant? Ari-  
 stoteles illos ex perfectorum civium numero eximit. Manumis-  
 sio cum non sit nisi datio libertatis & liberatio a servitute, per  
 se civitatem non dat, quia & advenæ peregrini liberi sunt, &  
 incolæ, nec tamen cives. Hinc licet Romæ liberti ex lege Ser-

vii promiscue civitatem assequerentur, nihilominus semper infimo civium gradu relinquebantur ob memoriam pristinae maculae l. patrono de natal. restit. Inde Cicero pro Balbo c. 9. Servos denique, inquit, quorum fortunae conditio infima est, bene de rep. meritos, persaepe libertate, id est civitate publice donari videbamus. Cap. 26. addit: Et adoptio Theophani agitata est, per quam Cornelius (Balbus) nihil est, praeterquam propinquorum suorum hereditates assecutus.

## §. 221.

*Novi cives  
sunt pacto  
vel benefico  
vel oneroso.*

*Novi cives solo pacto in civitatem adsciscuntur vel gratis; merita seu praeterita seu sperata, vel contractu oneroso, si merita aut sola non attendantur. Cives enim non sunt nisi pacto (§. 201). Sed pacta & contractus naturaliter non differunt (§. 794. III. Jur. nat.). Contractus vero vel sunt benefici & gratuiti, ex quibus tantum alter contrahentium quartam gratis percipit (§. 417. P. IV. Jur. nat.); vel onerosi, in quibus uterque contrahentium obligatur, ad alteri vicissim aliquid dandum faciendum (§. 878. ibid.). Ea propter jus civitatis quoque contractu gratuito, sive gratis dari potest, & sic novus civis allicitur gratis in civitatem; vel contractu oneroso, ut pro civitati vicissim aliquid praestetur, & sic adsciscitur civis contractu oneroso: Patet igitur jus civitatis vel gratis conferri posse vel oneroso modo.*

Cum vero ratio adesse debeat, cur vel gratuita sit vel onerosa civis novi cooptatio (§. 70. Ontol.); ad gratis largiendum cuiuspiam jus civitatis invitabunt merita vel jam praestita civitati, quae merentur tale donum, vel speranda in posterum hoc dono incitanda nec melius accipienda. Ad onerosam vero civitatis acquisitionem incitabit civitatem defectus meritorum, indigentia civitatis, & vel oblatio vel stipulatio futuri civis onus conventum in se suscipiendi, v. c. tanto, quanto convenit, pretio emendi jus civitatis.

*Actorum* XXII, 28. Claudius Lyfius fatetur jus civitatis romanæ magna æris summa a se esse comparatum *εγω πολλὰ καφάλας τὴν πόλιν αὐτὴν ἐκῆσαμην*. Pervulgatus hodieque est hic modus onerosus civitatis jura consequendi. Primi vero, qui in civitatem mutuis pactis coaluere, gratis procul dubio jus civitatis acceperunt, cum sat aliorum onerum in se & formandam civitatem subierint. Sic multi alii meritorum causa & spe civitate donati sunt. Marius Syllæ exemplo mille homines Camertes propter navatam insigniter operam in bello civitate donavit. Ita Cicero *pro Balbo* c. 13. largitionem civitatis vocat, qua universæ gentes in civitatem sunt receptæ, ut Sabini, Volsci, Hernici &c. Lege Gellia & Cornelia Pompejo definite data est potestas civitatem donandi, c. 14. De Archia poëta Cicero c. 3. commemorat, eum Tarentinos, Rheginos Locrenses & Neapolitanos ob celebritatem nominis civitate sua cæterisque præmiis donasse. Postea ei cum Lucullo Heracleam transeunti, data est & illa civitas. *Cap. 5.* de Græcis ait, eos mediocribus multis & aut nulla, aut humili quadam arte præditis gratuito civitatem impertitos esse. *Cap. 10.* de Pompejo scribit: quid? Noster hic magnus, qui cum virtute fortunam adæquavit, nonne Theophranem Mitylenæum, scriptorem rerum suarum, in concione militum civitate donavit?

## §. 222.

Præter cives ordinarios dantur etiam *cives extraordinarii*, De civibus qui ordinariorum loco non censentur. Tales sunt, qui certis privilegiis & immunitatibus ab oneribus aliorum civium præditi sunt, & *privilegiarii* dicuntur; item qui honoris causa jure civitatis potiti sunt, & cives *honorarii* appellantur. Quod cur sæpe fiat, patet ex § 215. Cujusmodi rite illi censentur, qui melius aliter quam vulgari modo salutis publicæ serviunt.

De C. J. Casare Suetonius c. 42. narrat, illum omnes medicinam Romæ professos, & liberalium artium doctores, quo libentius & ipsi urbem incoherent, & cæteri appetere, civitate donasse.



nisse. Hoc ergo præcipuo munere honoris causa eos affecte  
 Jus Quiritium vero ante illa tempora Romæ primum datum fuit  
 Archagathæ, Medico, qui Peloponneso Romam venerat A. V. C.  
 535, L. Aemilio & M. Livio Coss. & taberna in compito Acilia  
 ob id publice emta. Quod *Plinius* narrat ex *Callio Hemina*.  
*Hist. nat. L. 29. c. 1.* Persarum Rex honoris causa genti Pello-  
 pidarum jus civitatis dedit, teste *Plutarcho* in *Pelopida*. Atheni-  
 enses olim Evagoram, Cypri regem, Dionysium Siciliæ tyran-  
 num, Antigonum quoque & Demetrium Asiæ Reges civitate do-  
 narunt. Helvetii Regi Galliæ jus civitatis suæ dederunt, ut  
 Megarenses Alexandro M. Sed de his plura congesti *Tom.*  
*Exhibitionis prussicæ, (der Preussischen Lieferung) p. 137-194.*  
*not. §. 229.* Cæterum & illi, qui immunitatibus & privile-  
 giis quibusdam gaudent, extra ordinem cæterorum civium er-  
 constituti v. c. senes rude donati, exempti, immunes a tribu-  
 aliisque oneribus, monopolio gaudentes & similes hisce.

## §. 223.

*Necessarium  
 civium di-  
 scrimen.*

Omnium civium una eademque ratio & conditio esse nequit,  
 datur in illis uti similitudo varia, ita & dissimilitudo. Necesse qu-  
 pe est, ut unusquisque civis differat ab altero in singularitate  
 essentiae & naturæ suæ. Idcirco fieri nequit, ut in unico civi-  
 tantum omnia eadem sint, quæ sunt in altero (§. 183. *Ontol.*).  
 Hinc cujusque singularis essentia & natura quidquam continere  
 debet, quod non continetur in altero quolibet (§. 246. *Ontol.*).  
*Cosmol.*). Cujusvis igitur alia quoque est series cogitationum  
 actionumque, quam alterius cujuscunque, neque tantum in  
 alio vitæ genere, sed & in eodem similive. Nequit ergo  
 oranium civium, immo nequit ullius civis prorsus eadem esse  
 indoles & conditio, ac alterius cujusquam (§. 247. *Cosmol.*).

Quoniam vero in quovis vitæ genere certum rerum  
 genus eodem fere modo tractatur, cæteris paribus, & rerum  
 qualitates & actionum generatim conveniunt eademque  
 Hinc

Hinc similitudo in eodem vitæ genere occurrit (§. 195. & 464. *Ontol.*). Quatenus omnia ac singula rectæ vitæ genera in communem salutem collineare & dirigi in civitate debent (§. 86. *P. VIII Jur. nat.*): eatenus omnia inter se quoque similia sunt, & ad idem tendunt. Quia tamen differunt cuncta vitæ genera a se invicem & eorum permulta requiruntur (§. 1. & 2. *P. VIII. Jur. nat.*): oportet, ut vel res, circa quas versantur, vel modus eas tractandi & ad usus humanos aptandi, vel utrumque differat. Inde eatenus dissimilitudo & inter diversa vitæ genera, & in eodem quoque vitæ genere internum quoddam modi res tractandi discrimen dari potest & solet. Sic liquet, civium variam dari & similitudinem, & dissimilitudinem.

Conferri hic possunt notata ad §. 213. & quæ de diversis vitæ generibus dicta sunt in *Oeconomicis*.

#### §. 224.

Ordo civium gradusque constituendus pendet ab arbitrio populi, Civium ordo ad rerum indolem & salutem publicam accurando. Neque enim <sup>§</sup> gradus omnium civium eadem ratio & conditio esse potest (§. 223.); unde pendet? sed si in multis datur similitudo, in aliis quoque dissimilitudo detur necesse est (*ibid.*). Enimvero similitudo in modo, quo res sunt, ideo & in modo, quo cives in suo vitæ genere se gerunt pro civibus, vel cives sunt, ordo appellatur (§. 472. *Ontol.*). Dissimilitudo vero in facultatibus internis externisque & innatis inde multis vitæ generibus, ad salutem publicam facientibus applicandisque, magis minusve recipit, & propterea diversos admittit gradus (§. 746 & 751. *Ontol.*). Quare cum benemulta sint vitæ genera (§. 792. *seqq. Oecom.*) nec omnia in quavis civitate æque locum habeant, aut æque saluti publicæ expediant, experientia duce; cum & multi sint gradus in unoquoque vitæ genere, tum in diversis inter se comparatis (§. 516. *seqq. P. I. Polit.*): pacto civium libere definiri par

par est, & quis ordo inter cives esse, & quibus gradibus a se invicem differre debeant. Quoniam vero arbitrium humanum sapienter adhibendum est, & in civilibus salus publica summa prema lex est (§. 86. P. III. Jur. nat.): utique arbitrium & in ordine ac gradibus constituendis secundum naturam & indolem rerum salutis publicæ est conformandum. Inde & eo rectius comparatus erit ordo gradusque civium, quo melius ille rerum maiori ac utili & salutis respondet consentitque.

Optima quidem norma est indoles & pretium rerum, ad salutem publicam relatarum referendarumque; quæ si ubique æque perspecta foret, in paucioribus ordo gradusque civium discreparet, quam rerum ad salutem publicam adhibendarum genera & species aut nihil aut parum in diversis locis differant. Sed cum intimior rerum natura nec ubique, nec in eodem loco omnibus æque sit perspecta, & cives pro suo capto aut recte aut perperam de illis statuunt: major inde nascitur diversitas ordinum graduumque inter cives diversarum civitatum.

## §. 225.

*Visitatores  
civium ordi-  
nes.*

Plerumque civium ordo est duplex, imperantium & parentium & subditorum; imperantium ordo differt pro natura temperationis reip. ut alibi sit duplex, alibi triplex, alibi quadruplex, etiam si Rex, tanquam unicus, ordinibus non accenseatur. Subditorum vero ordo vel nobilis est, vel ignobilis: ac uterque passim aliter aliterque est distributus, pro functionum & vice generum varietate.

Cives enim vel sunt primarii, qui imperandi jus habent, vel secundarii, quibus obsequii gloria est relicta (§. 199). Unde illi sunt imperantes, hi vero parentes, sive subditi, quorum tamen & non-cives quoscunque complectuntur (§. 209.).

In mixta Rep. vel duæ formæ uniuntur, vel tres, & in singulis casibus alia atque alia forma simplex præpoller ac temperatur (§. 21. 32. & 43). Unde ordo imperantium, licet in



jure imperandi sibi non subjectorum (§. 66.), multis tamen modis variari potest ratione numeri, momenti, & consensus jurium imperii divisorum (§. 53 - 55.), ut aliis ordo sit duplex, aliis triplex; aliis quadruplex, sive rex ad ordines referatur, sive minus (§. 569. & 625. *P. I. Polit.*).

Populus civitatis vel clarus est vel obscurus, quorum ille etiam nobilis, hic ignobilis & plebejus audit (§. 515. *seqq. P. I. Polit.*). Propterea & cives inferioris ordinis seu parentes ac subditi, tanquam pars populi (§. 199.) aut nobiles esse possunt solentque, aut ignobiles. Ambo cum multis modis differre possint, ratione functionum & vitæ generum (§. 516. *seqq. P. I. Polit.*): mirum non est, eundem passim aliter aliterque distributum deprehendi (§. 127).

De rege & Monarcha *Hertius El. prud. civ. P. I. Sect. I. n. 2.* scribit: summus imperans si non qua talis, sed qua pars communitaris consideretur, civium numero excludendus non est. Apposite *Seneca Ep. 85.* duas, inquit, personas habet gubernator, alteram communem cum omnibus, qui eandem conscenderunt navem, qua ipse quoque vector est, alteram propriam, qua ipse gubernator est. Quod petisse videtur ex *Aristotelis Lib. III. Polit. c. 4.* in ejus principio hæc habentur: ut igitur nauta unus eorum, qui sunt in communi societate, ita & civem dicimus. Nautarum vero quanquam dissimiles sunt secundum potentiam, ut alius sit gubernator, alius remex, alius proram dirigens, alius aliam appellationem habens: conservatio tamen navigantium commune est omnium opus. Sic & civibus licet dissimilibus commune opus est conservatio communis societatis . . . Non una tamen omnium civium est virtus . . . Laudandum est, posse imperare & parere, ac præclari civis virtus est, posse præesse & subesse laudabiliter. Sic *Plinius in Panegy. c. 2.* Trajanum vocat civem. Sunt, qui ordine regni latius sumto pro consortibus imperii summi, Regem Angliæ, sorte cum concilio intimo, primum ordinem, & duos Senatus

(*Wolffii Politica P. II. C. I.*)

Qq

regni,

regni, ceteros vocant ordines, itaque tres imperantium ordines statuunt, forte quia lex, ab utraque curia comprobata, non valet, si rex non fiat ejus autor, sed ulteriori deliberationi reservat, antiqua denegandi consensum formula: *le roy s'avisera*. V. Grosbrit. Staat 1. Theil Cap. 36. §. 2. & Chamberlains pref. state of England P. II. ch. 14. Hæc an alia subfit ratio medio relinquo, cur Poloni quidam Regem suum tertium vocant ordinem, secundum Fengnich. Jus publ. Poloniae P. I. cap. §. 3. Nobilium ordines secundum provincias plerumque dantur, in quibus prædia sua possident; ignobiles & eandem admittant distributionem, & aliam ab operibus, quæ tractant & rebus circa quas versantur. Vid. notata ad §. 213.

## §. 226.

Quomodo cives gradu differant?

Gradu autem differunt cives, quatenus vel in eodem ordine, vel diverso aliis præstantiores sunt aut præferendi. Gradus enim internum discrimen qualitatum earundem (§. 746. Ontol.) Quatenus nempe comprehensio ejus notionis in aliis plus infertur aliis minus. Quapropter & cives in suo primum ordine plus minusve valentes aliis in eodem præstabit, aut ab illis præferentur: prout & idem civis in hujusmodi ordine positus, ejus habitu nititur, diverso tempore tiro, artifex & magister esse potest, aliosve magistros multis post se relinquere intervallis. Neque minus in diversis ordinibus alii plus comprehenduntur aliis, ideoque cæteris paribus ipsos antecedunt. Noscuntur ergo cives gradu differre, quatenus vel in eodem vel in diverso ordine aliis sunt præstantiores præferendique.

Ita si spectemus cives nobiles, variis illi gradibus nobilitatis differunt, neque iidem gradus ubique sunt, neque ejusdem dignationis. Angliæ nobilitas verbi gratia his veluti gradibus gaudet, superiori altero, altero inferiori. Superiorem nobilitatis classi insunt Duces, Marchiones, Comites, Vicecomites & Barones qui *Lords* vocantur omnes, & dignitate pares, sed per se impares. Hos omnes tamen antecedunt. Princeps Walliæ Aquæ

Aquitaniæ & Cornubiæ, cæterique nati nepotesque principes & consanguinei Regis archiduces. Inferiori nobilitati accensentur quasi barones (*Baronets*), equites militesve (*Knights*), quorum alii sunt ordinis S. Georgii, alii vexilliferi (*Bannerets*), alii a balneo (*of the bath*), alii aurati (*Batchelors*). Sequuntur equites illos armigeri (*Esquires*) & nobiles seu gentiles (*Gentrys*), tandemque ingenui (*Gentlemen*). Ignobilium primi & nobilitati proximi sunt immunes (*the Freeholders*) plerumque dicti *geomen*. Tum mercatores imprimis commercii externi, artifices mechanici, opifices, in medio sunt; ultimum locum occupant mercenarii. Romæ erant olim patritii & plebeji. Patriciorum alii erant consules, alii senatores, alii equites. Deinde etiam ex plebe erant senatores equites, & plebs ipsa, ad quam & sæx plebis referebatur. In his & similibus graduum discriminibus semper inferiores vel minores gradu cedunt superioribus vel se præstantioribus. Hi vero non tantum eadem habent jura & privilegia, quæ minores gradu, sed præterea plura & majora. Vnde & præcedunt, & præsidet, aliisque gaudent privilegiis sibi propriis. Conf. (§. 676. seq. P. I. Polit.)

## §. 227.

Civis unius civitatis eodem modo simul esse nequit civis alterius civitatis. Civis enim gaudet jure civitatis (§. 198.). Sed jus civitatis complectitur non solum fruitionem jurium & bonorum (§. 200.) verum etiam varia officia communia & propria (§. 205. seqq.), quæ ex juribus noscuntur (§. 209. seqq.), & tum in officiis tum in rebus præstandis occupantur (§. 211.). Jam facile liquet, uti idem membrum nequit simul duorum esse corporum: ita civem in duobus locis simul habitare, in duobus locis simul excubias agere, aut contra hostem & interdum se ipsum proficisci non posse (§. 28. Ontol.). Ideo civis unius civitatis simul eodemque modo nequit esse civis alterius cujusdam civitatis, sive illam ponamus alteri amicam, sive inimicam.



Nemo unquam vidit, nec fieri potest, tempore uno homo idem duobus locis ut simul sit, inquit *Plautus in Amphitr.* Romanis in more positum erat, ut sicut adoptio patris potestatem extinguebat, ita cooptatio in aliam civitatem extingueret jus patriæ. Ita *Cicero pro Balbo c. ii.* Duarum civitatum, inquit, nostro jure civili civis nemo esse potest, non esse hujus civitatis civis, qui se alii civitati dicarit, potest. Vbi *cap. 12.* pergit: Nos non possumus & hujus esse civitatis, & cujusvis præterea. Errore ductos vidi egomet nonnullos imperitios homines, nostros cives, Athenis in numero judicum atque Areopagitarum, certa tribu, certo numero: cum ignorarent, si illam civitatem essent adepti, hanc se perdidisse, nisi postliminio recuperassent. Peritus vero nostri juris ac moris, nemo unquam, qui hanc civitatem retinere vellet, in aliam civitatem se dicavit. Exemplo ei *Pomponius Atticus*, de quo *Corn. Nepos in ejus vita* refert, ipsum oblato beneficio civitatis Atheniensium uti noluisse, ne alia adscita Romanam amitteret. Hoc vero niti videtur ratione, quam hic urgemus. Conf. *Martini Polit. L. II. c. 8. de hac Quæst.*

## §. 228.

Quomodo  
diversarum  
civitatum?

Diverso modo quempiam civem diversarum civitatum esse, nullo habet a re alienum, sed pacto constitui potest. Neque enim nisi repugnancia vera in eodem modo obvia, obstat (§. 227.). Idcirco hoc non potest quidquam repugnantiae habere, si quis alio modo unius, alio alterius civitatis fiat sitque civis, ut scilicet alter modus alterum relinquat saluum Cujusmodi cum simul esse possint (§. 569. *Ontol.*): etiam plures ejusmodi civitates in unum eundemque civem simul cadere possunt.

Quoniam vero in arbitrio hominum est positum, utrum ea, quæ fieri possunt, fieri velint, sibi que consulta statuatur: civitatis est, dispicere, utrum pro re nata consultius videatur, ut suos cives patiatur & alterius civitatis cives esse, nec ne: item quo modo hoc permittendum statuatur, vel non permittendum

tendum. Quamobrem si cives sint participes imperii, neque adspirare in imperio semper possint, quousque vellent; consultius erit, ut ipsis negetur jus alienæ civitatis, ne forte quidquam in alia civitate contra prioris commoda privatæ rei studio machinentur; obliti suorum erga illam officiorum. Idem & inde decere videatur, majoris civitatis juribus æquiparari jura minoris vel præponi. Vbi vero & quatenus nihil periculi imminere civitati potest ex jure civitatis alterius, sed id potius fieri ipsi utile & honorificum, ibi nil obstat, quo minus cives alterius quoque civitatis cives simul fiant, maneatque.

Inglorium, saltem non satis honorificum Romæ visum esse videtur, tantæ civitatis, cujus imperium erat amplissimum, jura aliarum civitatum juribus æquiparari aut posthaberi, si quis civis romanus alterius civitatis jura adquisitum iret, ut statuerent amitti civitatem romanam adquisita aliena. Enim vero alias urbes romanæ civitatis jus ambire & eodem potiri, & lucro erat & honori civitati longe lateque imperanti, & amicos ipsi ubique conciliabat. Inde jus civitatis romanæ non singulis tantum personis, alterius civitatis civibus, sed & integris civitatibus concedebatur. Inde tot coloniæ, tot municipia, tot municipes romani quaquaversum habebantur. Hinc *Cicero pro Balbo c. 12.* cum ex omnibus civitatibus via sit in nostram, cumque nostris civibus pateat iter ad cæteras civitates, tum vero, ut quæque nobiscum maxime societate, amicitia, sponsione, pactione, fœdere conjuncta est: ita mihi maxime communionem beneficiorum, præmiorum civitatis continere videtur. Atqui cæteræ civitates omnes non dubitarent nostros recipere in suas civitates, si idem nos juris haberemus, quod cæteri. Sed nos non possumus & hujus esse civitatis, & alterius; cæteris concessum est. Itaque in græcis civitatibus videmus Athenis Rhodios, Lacedæmonios, cæteros undique adscribi, *multarumque esse eosdem homines civitatum.*

## §. 229.

*Casus civi-  
um in pluri-  
bus civitati-  
bus.*

Quoniam diversis modis pacto definitis, cives iidem di-  
versarum civitatum esse possunt (§. 228): fieri potest, ut propter  
diversa bona immobilia in diversis civitatibus sita, æque sit civis di-  
versarum civitatum ac vassallus propter feuda ejusdem condi-  
tionis (§. 154 seq. P. VI. Jur. nat.); modo cuique civitati onera  
præstet realia & personalia per vicarios, caveatque ne contra  
se ipsum agere compellatur (§. 173. & 182. seq. P. I. Jur. nat.).  
Fieri potest, ut quisquam alibi sit civis ordinarius, alibi extraor-  
dinarius, isque vel privilegiarius, vel honorarius (§. 222.); itam-  
ut honorarius sit diversarum civitatum. Licet enim honorarius  
eodem modo civis esse videatur, scilicet honoris causa, ut ci-  
vitas gloriæ ejusdem civis particeps sit; & vicissim civis gloriæ  
civitatis una fruatur; revera tamen & hic aliquid diversitatis est  
sub eodem genere uti in ordinario cive forum rei sitæ diver-  
sum habebatur. Scilicet quod ex jure civitatis honorario ha-  
betur, eorum aliud situm est in alia civitate. Gaudet v. g. ju-  
re domicilii, possidendi immobilia, connubii, hæreditates cer-  
nendi, immunitatis, municipatus, in singulis civitatibus, qua-  
rum est civis, & jure optionis, quoniam uti & quamdiu ma-  
nit in hac vel illa civitate, prout sibi magis expedire hoc ve-  
illud animadvertet. Qua optime gaudere nequit, qui non uni-  
us civis est civitatis.

*Demosthenes in oratione de ordinanda Rep. de ævo Themis-  
toclis & Periclis ait: majores nostri ingens quid & præcle-  
rum jus civitatis atticæ arbitrabantur, & quovis alio beneficio  
majus. Nec honorem illum tribuebant, nisi viris principibus  
aut regibus, aut copiarum militarium ducibus, nec nisi ob in-  
gentia in civitatem merita, velut præmium summum.*

Romæ municipes strictius dicti erant, qui alibi domicilium  
& bona possidebant immobilia, nempe in municipiis; neque  
ca



eo minus munia romana poterant petere & accipere, quando suffragiis ad ea evocabantur. Hi Romæ erant instar civium honorariorum, quatenus honores ibi ipsis patebant, cum aliis immunitatibus. Homerum post mortem honoris causa sibi vindicabant præter alios Colophonii, Chii, Salaminii, Smyrnæi, qui & delubrum ejus in oppido dedicaverunt, teste *Cicerone pro Archia c. 8.* Meretur hic adduci, quod *Gellius N. A. LXVI. c. 13.* docet: Municipales sunt cives romani ex municipiis, suo jure & legibus suis utentes, muneris tantum cum populo romano honorarii participes, a quo munere capebendo appellati videntur, nullis aliis necessitatibus, neque ulla lege populo romano adstricti, quum nusquam populus eorum fundas esset factus. Primos autem municipales sine suffragii jure Cærites esse factos accepimus, concessumque illis, ut civitatis romanæ honorem quidem caperent, sed negotiis tamen atque oneribus vacarent, pro sacris bello gallico receptis custoditisque. Hinc tabulæ cærites appellata versa vice, in quas censores referri jubebant, quos notæ causa suffragiis privabant. Et quot locorum civis honorarius fuerit Archia, adnotatum est §. 221. conf. quoque (§. 222.). Sic hodieque dantur qui dum patrimonii sunt hæredes in civitate peregrina, neque ipsis consultum videtur illud alienare, solent ibi cives fieri, & per villicum vel administratorem eo utuntur, fruuntur, officiisque alterius civitatis satisfaciunt. Idem fere sequuntur institutum, qui bona quidem immobilia possidere, sed subditi alterius civitatis fieri nolunt, nec si velent reciperentur nisi civem, suo loco ista possidentem & præstanda præstiturum surrogent. Si quis vero in hujusmodi civitate fundis gaudeat, cum qua bellum sit gerendum, is ne contra se ipsum in utraque agere obligetur, villicum e. g. contra se ipsum in prærium armando, vel suam tamen pecuniam contra se erogando, rectius ager, si mature vendat ejusmodi bona plurimum offerenti, ne in sua velut viscera furere intelligatur.

## §. 230.

*Iustus civium numerus dicitur, ea ipsorum frequentia, quæ Quis sit ju-*

*Justus civium numerus.* ex asse sufficit civitatis fini consequendo. Eapropter quia finis civitatis est salus publica (§ 36 P. I. Polit.): oportet, ut justus civium numerus plane sufficiat publicæ ejus saluti adipsiscendæ, conservandæ, tuendæ. Hinc tantus debet esse civium numerus, quantus requiritur ad paranda ea, quæ ad vitæ necessitatem commoditatem & jucunditatem omnium, ad promovendam eorum felicitatem, eosdemque tutos præstandos ab injuriis civium, & vi externa; seu ad provehendum commune civitatis bonum, eamque adversus vim hostium defendendam (§. 398. P. VIII. Jur. nat.). Hinc is numerus tantum par est saluti civitatis, & par est civitas ejusdem salutis præstandæ, ut omnibus illis atque singulis in civitate bene et omni, quo fieri potest, modo.

Postquam de civium varietate actum est, sequitur, ut & eorum copiam et quantitatem lustremus, quam latinus multitudine, vel numerum dicemus. Præit in hisce Aristoteles IV. Polit. c. 12. scribens: Omnis civitas est ex quali & quantitate. Dico autem quale libertatem, divitias, disciplinam, nobilitatem, quantum vero multitudinem populi frequentiamque. Præterea autem potest, ut quale insit uni parti, quantum vero alteri, majorem esse numerum ignobilium, quam nobilium, & pauperum, quam divitum. Lib. VII. Polit. c. 4. Primo in civitate videndum est de multitudine civium, quam multos & quante esse oporteat; & de regione statuendum pari modo. . . Magna civitas dicenda non tam ob numerum habitantium, quam ob potentiam. . . Neque ex quavis multitudine v. c. servorum, indolentium, hospitem, sed eorum e quibus civitas constat, civitas. Neque idem est magna civitas & populosa (πολυπληθής). De civium bonis & malis animi, corporis & fortune, item de variis artibus, ad salutem publicam referendis componendis, suo demum loco exponendum est. Ratione numeri cives minime pauci vel multi dicuntur; speciatim vero, id quod momenti est momenti, hic quæritur, quis numerus eorum justus

dicendus, quis contra justus dici nequeat. Neque cum Bodino facere possumus, qui *Lib. I. de rep. c. 2.* existimat tres familias & 15 liberos homines ad civitatem constituendam satis esse. En verba ejus: Quodsi tribus personis nec paucioribus constat collegium, totidemque familia præter patrem ac matrem familiæ, sequitur tres familias, nec pauciores ad civitatem constituendam necessarias esse. Inde opinor Apulejo ac veteribus tritum illud: *quindecim personis populum constari . . . .* Si ex tribus familiis unus pater familiæ cæteris imperit, eique pareatur; aut unus duorum imperium subire non recuset, aut tres simul ac semel summum jus in trium familiarum subditos exerceant; æque resp. dicetur, ac si multitudine cives innumerabiles complectatur. Quæ quantum valere possint, me tacente cuivis patebit. Neque cum Platone decem millia sufficere ad remp. ideo pronuntiare audemus, quia cives Athenienses dividebantur in 4. *Φυλæ* (classes seu curias) *Φυλὸν* in tres *Φεαλῆας* (tribus), *Φεαλῆα* vero in 30 *γενῆ* (genera seu turmas); *γενὸς* quodlibet in 30 viros, ut 10800 viri in illa haberentur. In Græcia enim, ob minorem aliorum civium in civitatibus exiguis numerum, hæc utrumque statui approbarique poterunt, si inter se istæ respp. compararentur. Adversus Persas enim & romanos vix conjunctis viribus sibi sufficiebant.

## §. 231.

Quia justus civium numerus non est, nisi qui sufficit consequendo civitatis fini, hoc est salutis publicæ & adipiscendæ, *Quot & quales requiruntur cives?* & conservandæ & tuendæ (§. 230.); & ad omnem societatem tot ac tales requiruntur personæ, quot & quales ad finem ejus obtinendum sufficiunt (§. 174. P. VII. Jur. nat.): in qualibet quoque civitate necessarius est justus civium numerus, sive tot requiruntur talesque cives, quot & quales ipsius fini consequendo pares sunt. Duo igitur in definiendo justo civium numero sunt spectanda 1) ut tales sint cives, quales ad salutem publicam primariam & secundam

(Wolffii Politicæ P. II. C. I.)

Rr

cui;



cundariam requiruntur, 2) ut tantus sit eorum numerus, quantum huic scopo respondet, & sapienter adhiberi potest.

Quemadmodum nulli societati consultum esset, si in eam promiscue admitterentur socii quotcunque & qualescunque: nec civitati perinde esse potest, quinam in ea recipiantur, quot numero recipiantur cives. Inepti ad negotia societatis merito ab illa arcantur, aut si degenerent in tales, excluduntur ab eadem. Ita quoque inepti ad civitatis salutem, aut illius potius hostes & insidiatore sceleratissimi quique, nihil ad mentem afferrent publicæ salutis, sed illi potius impedimento essent aut exitio. Quare tales rectissime vel non admittuntur, vel si degeneres facti sint, removentur ab eadem. Pari modo dicandum de similibus aliis. Num fieri posset, ut resp. ex mris constitueretur mendicis, qui quo magis ipsi egerent, eo minus alii quidquam dare possent, & quo magis a labore abluerent, eo minus ipsi essent habituri?

§. 232.

*Primaria salus quales requirat cives.*

*Ratione salutis primariæ ubique contra barbariem sceleratiorum mores opus est civibus, qui alios erudiant ac legibus divinis, bonis moribus, solida virtute veraque religione imbuant.* Salus enim primariæ in summi boni consecutione residet (§. 37. P. I. Polit.) quæ non nisi virtutibus quibuscunque obrineri potest præsertim illarum quæ genuinæ debentur religioni, & civium cum omnium reipublicæ singulorum veram præstant felicitatem (§. 39. seq. ibid.). Quia virtutes mentis ac voluntatis cum non sint homini innatæ, sed ex institutione & disciplina aliorum ope acquirendas esse inter omnes constet; utique primariæ salutis causa in qualibet civitate contra barbariem sceleratosque mores opus est civibus qui alios scientiis & artibus erudiant, & cum legibus divinis tum solida virtute, vera religione bonisque moribus imbuant.

Præcipua cujusque civitatis cura esse debet salutis primariæ quæ nisi ope virtutum intellectus & moralium haberi nequit.

40. P. I. Polit.). Quam culturam animorum, veræ felicitati civium lenocinantem & inservituram, si qua civitas negligit, illa vitioso laborat statu, qui barbaries vocatur (§. 389. *ibid.*), & fecunda Mater est infelicitatis ac pernitiei omnium ac singulorum, in ista barbarie moriturorum. Caterum suo loco distinctius erit tradendum, cujusmodi opus sit magistris literarum, artium & scientiarum ac virtutum moralium, ratione diversæ civium ætatis.

## §. 233.

*Non alii requiruntur cives ad salutem secundariam, quam qui Norma secundariæ rerum naturalium, quæ in civitate obtineri possunt earumque cunctariæ instructioni ad usus hominum amplissimos idonei sunt.* Tales enim in qualitatibus civium. rep. cives esse debent, quales ad consequendam salutem publicam requiruntur (§. 231.). Sed salus publica secundaria præter bona corporis parabilia bonorum externorum tutam fruitionem, & a malis ambobus immunitatem (§. 42. P. I. Polit.) ideoque & artium opificiorumque usum fructumque uberiorem, & affluentiam rerum ad necessitatem, commoditatem securitatemque vitæ innocuam facientium, una cum copiosiori earum acquisitione, conservatione & administratione tutiore (§. 43. *ibid.*). Sed res, quarum copia in civitate haberi potest, sunt partim res naturales, quæ in ea aut sponte proveniunt, aut industria & cultura adhibita copiosius provenire possunt; partim eæ, quæ ope artis humanæ inde parari ad omnigenos hominum usus debent, ne cives officio suo desint. Quam ob rem cum teste experientia non omnis ferat omnia tenuis, nec omnia ubique eodem successu ex illis effici queant: planum esse arbitror, non alios requiri cives in quadam civitate, quam qui culturæ rerum naturalium, quæ in illa obtineri possunt, earumque comparatione quam optimæ ad usus hominum amplissimos idonei deprehenduntur.

Quaecunque res ad usus vitæ humanæ valent, ea vel naturaliter munere divino donantur hominibus, vel arte parantur, adornanturque ad eosdem. Priori casu ad annonam referuntur, aut ad penum naturalem. Posteriori casu non debentur nisi arti humanæ, a qua sunt efficiendæ præparandæque ad varia indigentiae humanæ commoditatisque instrumenta. Sed piscari in aëre aut ubi nulla est aqua, & navigare, ubi maria defunct, nemo potest. Vel universim cultura rerum naturalium ibi est frustranea irritaque, ubi provenire vix ac ne vix quidem possunt; nec arte fieri quidquam potest, nisi ubi præto est latet earum rerum copia, unde artis opera sunt contrahenda. His in aliis civitatibus harum in aliis aliarum rerum naturalium tria velut nativumque solum habetur. Neque deficiunt res, ab eisdem artificibus & ex iisdem rebus non eodem succedunt una civitate efficiuntur, quo in alio.

## §. 234.

*Eademque  
non una ubi-  
que.*

*Fieri nequit, ut quales cives uni conveniunt civitati, tales quoque alteri conveniant quoque alteri eademque.* Neque enim omnium civitatum eadem esse potest natura, etsi regiones forent æquales, propter diversitatem regionum & climatum in quibus dantur, neque experientia aliud testatur. Quare cum non alii cives requirantur in civitate, quam cultura rerum naturalium, quæ ipsis haberi possunt, iisdemque ad usus hominum amplissime adornandis idonei (§. 232): patet omnino fieri non posse, ut quales cives uni conveniunt civitati tales quoque alteri conveniant cuicumque. Immo *iidem cives vel & artifices non possunt in qualibet civitate eadem gaudere prosperitate.*

Qui fieri posset, ut nauta peritissimi ibi visu abundent, nemo est, qui navibus uti velit possitque? Quid agricola efficiat, ubi steriles dominantur avenæ, aut nonnisi præteritæ petrarum & montium jura? Quid pictor ibi valeat, ubi præteritæ rerum nullum est pretium nullus honor? Quomodo bene eruditus ubi eruditio est in numero rerum damnatarum prohibetur



tarumque, vel inter meros barbaros nullo habetur loco? Quid ceteri artifices opificesque ibi sperent, ubi ne quidem rebus potiri possint, in quibus suam exerceant artem? Accedunt & physicae rationes, ut v. g. nostalgia laborantes alibi degere non possint quam in patria; aut in alio climate educati ferre nequeunt alius climatis temperiem aëris, humores, frigus, calorem, vitium, ideoque vel mente capiuntur, vel corporis valetudine laborent & breviter absumentur &c. Manifestum igitur est, non posse eandem hominum qualitatem cuicunque civitati æque expedire & salutarem esse: uti nec artifices & homini generatim in quacunque civitate æque bene esse potest, sed alibi floret ac mirifice discescit, qui alibi fame periret, aut non nisi stipe coacta miseram toleraret vitam.

## §. 235.

*Non nisi ejusmodi cives secundariæ civili saluti respondent, quippe Metienda e cultura & artis res ejus naturales in suos aliorumque usus amplissimos rebus naturæ, multiplicare & aptare vel ipsi possunt, vel his præesse, quorum talibus usui opera & ministerio indigent.* Fieri enim nequit, ut homines aura fucuris. Accedant, amicianturque, cum indigeant rebus ad alimenta & vestimenta sua aptis. Quæ si ibi non nascuntur, ubi ipsis est degendum, nec comparari ex iis possunt, quæ ibi aut sua sponte aut arte proveniunt & habentur; ipsis foret pereundum, itaque nec sibi, nec civitati per eos foret consultum. Sed res generi humano utiles, quæ in quadam regione orbis terrarum aut sponte sua proveniunt atque ope culturæ copiosius provenire possunt, aut ope artis ex his, quarum copia ibi habere potest, fieri & elaborari possunt, dicuntur res naturales civitatisque saluæ. Præterea quoque fieri nequit, ut cujusmodi cives uni conveniunt civitati, tales & conveniant cuique alii, neque ut iidem cives in qualibet civitate æquali gaudeant prosperitate (§. 234). Inde non nisi ejusmodi cives secundariæ civili saluti respondent, qui ope culturæ & artis res ejus na-

turales in suos aliorumque usus amplissimos parare, multiplicare & aptare possunt, vel his præesse, quorum opera & ministerio egent.

Stricte quidem loci cujusdam res naturales non nisi illæ dici consueverunt, quæ ipsi sunt peculiares, propriæ & patriæ, et quod ex ipsius gremio sponte aut cultura tantum adhibita nascuntur. Quia tamen idem est, utrum ejusmodi res in ipsa tantum copiose proveniant, & a suis civibus emanant, an ab aliis civibus æque copiose advehantur, vilius emanant & majori cum lucro ipsis iterum aliisque vendantur: nolui ipsas nec potui excludere e numero rerum illarum, quibus salus civitatis secundaria eger, & ad quas respiciendum sit in qualitate civium legenda. Si non sunt ibi naturales, ubi non sine lucro civium tractantur, sunt tamen in vicinia, aut ibi, unde advehuntur, æquiparari domi natis aut anteferri mereantur. Notum sane est in multis jam civitatibus veterum esse naturales res v. c. lucum anglicam aliis vendere civitatibus, a quibus olim copiose emanabant & nunc expetuntur propterea, quod inde fabricata & effecta non sine magno lucro rursus venduntur. Sic ubi opus est, ibi urbes florere non possunt, uti in nonnullis Helvetiæ pagis, ibi adquiescendum est in pagis, agricultura, horticultura & pecuaria, nec aliis opus est civibus.

### §. 236.

*Quales cives  
requirat  
securitas?*

Quia ad salutem publicam requiritur securitas a vi hostium externa (§. 45. seq. P. I. Polit.), cives quoque apti ad ipsam defensionem in ipsa dari debent, itque cæteris paribus potius indigebunt saltem ex maxima parte, quam alienigenæ. Tales enim requiruntur cives, quales ipsius fini consequendo pares sunt, quem finem secundario etiam refertur immunitas a læsione hostium sive securitas (§. 44. *ibid.*). Vnde quum ista securitas dari nequeat, nisi cives idonei sint ad civitatis suæ defensionem, testibus omnis ævi documentis: manifestum est, requiri in

in civitate aptos ad defensionem ipsius cives (§. 398. P. VIII. Jur. nat.). Cum vero amor patriæ & suorum plus incitet ad debitum fortitudinis usum, quam salus aliena & nuda stipendiorum solutio a peregrinis facta; satius est majorem militum partem esse indigenam, pro aris & focis sollicitam, quam peregrinam & auxiliarem duntaxat, nisi singulares rationes istud suppleant incitamentum.

Omni enim ævo compertum est, cives ipsos pro sua suorumque salute multo rectius fortiusque depugnasse, quam extraneas & conductitias copias. Nonne Romani victoriis & amplificatione imperii sui ultra modum proficere, quia legiones illorum, præfecti & duces imperatoresque cives erant, non suæ tantum vitæ defensionem intenti, sed & salutem uxorum, liberorum, familiarum & patrimoniorum ob oculos habentes? Germanorum aliorumque populorum victoriæ civibus debebantur, pro aris focusque suis simul decertantibus. Si qua tamen necessitas auxiliari milite, aut aliunde conscripto uti jubet, opera erit navanda, ut hi instar civium spe præmiorum, pœnarumque metu, incitentur, & tales ex parte magna sint, qui e vicinia communi periculo, & fœderis, sacrorum quoque religione adstringantur animenturque ad parem cum civibus fidem virtutemque militarem ipsorum exemplo præstandam. Alias intuta omnia erunt vel ab his, a quibus tuta resp. & tecta esse debebat.

## §. 237.

*Non potest unus idemque civium numerus cuicunque civitati justus Justus civi-*  
*esse. Liquet hoc jam ex eo, quod numero idem civium nu-um numerus*  
*merus non nisi eisdem præditus est qualitatibus, eosdemque nequit ubi-*  
*continet homines, quod nulla indiget probatione. Sed fieri que idem esse.*  
*nequit, ut quales uni conveniunt civitati cives, tales conveni-*  
*ant & alteri cuicunque, & ut iidem homines in qualibet civi-*  
*tate æque prosperis utantur rebus (§. 234). Deinde si vel di-*  
*versissimi sint cives, solo munere equales, tamen civitates mul-*



tum discrepant ratione magnitudinis (§. 99. *seqq. P. I. Polit.*) ideoque non nisi tot requirunt cives, quot consequendo finis ejus sufficiunt (§. 231.). Neque promiscue omnes civitati conveniunt, sed ii ratione salutis secundariæ, qui ope culturæ & artis res naturales in suos aliorumque usus amplissimos parare, multiplicare & aptare vel ipsi possunt, vel his præesse, quorum opera & ministerio utuntur (§. 235.); & qui defensionem ipsam contra vim hostium sufficiunt (§. 236.). Jam ad majoris civitatis defensionem, & culturam rerum naturalium, ideoque & artem in rebus naturalibus exercendam multo plures requiri homines, quam in civitate minori, aut plane parva, extra omnem positum est controversiam. Inde luculenter apparet, non posse se unum eundemque civium numerum cuicunque civitati sufficere.

## §. 238.

*Sed in diversis civitatibus est diversus.*

Quia unus idemque civium numerus, sive iisdem generibus deat personis, sive diversis, cuicunque civitati justus esse debet (§. 237.); perspectu est facillimum, diversis civitatibus uti non posse eundem numerum. *Esse debere civium numerum.* Licet enim ponamus duas civitates, quarum regiones & ditiones inter se sunt æquales; ipsa tamen situs diversitas diversam quoque earum indolem, qua naturam fertilitatis sterilitatis soli in agris, pascuis, silvis, lacubus, pecudibus, piscibus, avibus, feris, ut paucis multa comprehendam, in rebus naturalibus & humanis, & arte accommodandis in multiplices usus vitæ humanæ determinat. Ergo vix ac ne vix quidem fieri poterit, ut duæ tantum, minus ut plures civitates ita penitus sint æquales, ut & æquali civium numero jugiter egeant & utantur.

Ipsa rerum diversitas, quæ multitudinem involvunt non est determinatum per se intelligibile, quæ qualitatibus determinari solent, sed quoque earum, quæ per se intelligibiles sunt.

queunt, sed tantum homogenea quadam notiori assumta, operationis, quam ad illam habere deprehenditur, explicari possunt, h. e. ratione quantitatum inter se differre consueverunt. Mirum igitur non est, si civium, quorum quilibet ab altero multis modis differt, tanta multitudo, quanta ad tuendam salutem publicam, numero quoque differt & potentia, viribusque. Hæc enim ad numeri vel ejusdem diversitatem valere, nemo non agnoscit. Accedit, quod numerus civium in dies sit mutabilis, si vel ad tempus breve eundem & æqualem numerum in duabus civitatibus statuere velimus. Alii enim quotidie nascuntur, alii moriuntur, nec fieri potest, ut totidem semper & ejusdem utrobique conditionis semper & nascentur & moriantur. Quare etsi fingatur æqualis prorsus numerus civium in duabus civitatibus, per naturam hominum tamen, locorum & rerum, fieri non poterit, ut talis maneat, sed continuo variabitur & magis magisque ab æqualitate pristina, si qua fuit, recedet.

## §. 239.

*Abundans dicitur civium numerus, qui tantus est, ut per* *Numerus civium justus*  
*esse possit. Sufficit alterutrum, sive enim propter tantum nu-* *major & minor.*  
*merum vel nonnullis consultum esse nequeat, vel plerisque aut*  
*universis propter eundem tam bene esse nequeat, ac fieri pos-*  
*set & deberet. Abundans civium numerus ideo plures quam*  
*par est cives habet, seu non inservit fini civitatis consequendo,*  
*estque justo major. Ex adverso minus & justo minor erit, qui*  
*tantus non est, quantus sufficeret, vel qui propter ipsum nume-*  
*rum deficit, aut non sufficit ad consequenda omnia quæ ma-*  
*ior numerus civium præstare salutis publicæ posset.*

Si comparatione quadam hæc illustranda sunt, cogitemus ventriculus, cui justus cibi & potus modulus prodest ad sanitatem, vitam & temperantiam; justo vero major nocet, causas morborum producendo variis modis. Minor quidem alimenti mensura non tam aperte & repente nocet, sensum tamen emaciat

corpus, debilitat vires, itaque minus boni præstando malum tandem & sensim creat.

## §. 240.

*Idem numerus ne quidem eidem civitati semper est justus.* Neque videm civitati semper idem vel æqualis civium numerus conveniet, aut esse debet, sed qui numerus alio tempore ei dem justus fuit, aut esse poterit, alio non erit, sed vel justo major vel minor. Nulla enim civitas semper in eodem statu interno & externo versatur, aut propter status mutabilitatem versari potest (§. 709. seq. Ontol.). Sed tantus esse debet civium numerus, quantus (pro statu civitatis) requiritur ad paranda ea, quæ ad vitæ necessitatem, commoditatem & jucunditatem innocuam omnium civium ad promovendam eorum felicitatem, eosdemque tutos præstandos ab injuriis civium aliorum & vi hostium externa; vel ad promovendum commune civitatis bonum, eamque adversus vim hostium defendendam (§. 398. P. VIII. Jur. nat.). Quare in alio civitatis statu, eoque inprimis valde mutato, alio atque alio opus erit civium numero; neque infrequens erit census, quo qui in statu A justus est civium numerus, idem in statu B sit justo major, & in statu C justo minor. Siquidem justus est, qui salutis publicæ sufficit (§. 230.), ideoque justo major, qui plus quam sufficit, seu abundat; & justo minor, qui nondum sufficit, itaque deficit vel defectu laborat, ut præcedens excessu.

Vt hoc distinctius perspiciatur, ponamus mediocrem civitatis statum notare statum A; atque in eodem justum esse civium numerum N. Emendetur status civitatis, sitque multo melior quam ante; sive quod ejus terra cultior facta, & a desertis, per ludibusque liberata pluribus alendis sufficit, sive quod commercia, artes fabricæ nunc demum ad florem eximium perducitur. Apertumne est, in hoc provectiori florentiorique civitatis statu C illum numerum obtinendæ omnigenæ salutis non amplius suffecturum, sed defecturum esse? Hoccine est justum



stum ante numerum civium tum fore justo minorem? Vice versa ponamus, quocunque modo statum civitatis B admodum esse depravatum sive de populationibus vastationibusque bellicis, sive terræ motibus, qui multa subvertere aut terram subsidentem contegere solent aqua, sine inundationibus aut intemperie & sterilitate multorum annorum, sive conimerciolorum diminutione vel cessatione. Fieri ne sic poterit, ut non amplius civitas sufficiat, tot hominibus alendis, ditandis, beandis, ideoque prior numerus civium jam abundet, sitque & civitati onerosus, & superfluis adversus nec tolerandus. Itane is civium numerus, qui in mediocri status justus merito dicebatur, in hoc statu deteriori B justo erit major, utpote in quo nec omnibus, nec singulis ita consultum erit, uti ipsimet optant, & postulare publica salus.

## §. 241.

*Statrendum est, e § pro re nata quis civium numerus sit justus, Justus civi-*  
*nec ne.* Nequit enim unus ideoque civium numerus cuilibet *um numerus*  
 civitati justus esse (§. 237.), sed aliis civitatibus alius respondere *e re nata est*  
 (§. 238.). Quid? quod ne eidem quidem civitati idem *semi-metendus.*  
 per aut æqualis civium numerus convenit, sed qui alio tem-  
 pore justus est, ille alius aut justo major aut minor esse potest  
 (§. 240.). Quod cum a diverso admodum civitatis statu de-  
 pendeat, (per adnotata ad §. 240): pro publica re nata, vel  
 quod eodem redit, pro præsentis civitatis statu metiendus is  
 erit civium numerus, qui justus sit vocandus nec ne. Nempe  
 si in isto statu ad omnem civitatis salutem consequendam vires  
 abunde suppetant, vel pares sint, erit is justus numerus & quan-  
 tus esse debet (§. 238); si non possit per eas finis obtineri qua-  
 tenus per majorem civium numerum in potestate esset, erit is  
 justo minor; si ideo fieri nequeat, quod plures adsunt cives,  
 quam qui scopo sufficerent, hoc est, quod abundantia civium  
 obstat, numerus civium erit justo major (§. 239.).

Est igitur civium numerus inter eas res referendus, quæ sunt pro facie civitatis alia atque alia mutabiles, atque secundum præsentem statum determinandæ. Nempe quia status civitatis est mutabilis, non potest non quidquid illo nititur, pariter cum ipso variari, & alia aliæque indui veste. Quare & numerus civium e statu civitatis mutato suum sortitur mutationem, suasque vicissitudines, fere ad eundem modum, quo alimenta ipsa, eorumque mensura accommodanda sunt statui ægritudinis seu morbi, & sanitatis ejus, cui destinantur.

## §. 242.

*In quavis  
parte finium  
civitatis.*

Nec tantum ratione finis primarii, sed & secundarii ac utriusque partium quæ optime consequendarum, justus requiritur civium numerus, similiter metiendus. Justus enim civium numerus non est nisi qui ex asse consequendo fini civitatis par est (§. 230.). Si finis civitatis est salus publica cum primaria tum secundaria (§. 36. 42. seqq. P. I. Polit.). Inde numerus civium sufficere debet ad plene consequendam salutem tum primariam, tum secundariam; hoc est justus requiritur civium numerus non tantum ratione finis primarii, sed & secundarii, qui in salute secundaria continetur.

Quoniam vero multa requiruntur ad consequendum et asse finem uti primarium, omnem culturam virtutum intellectus pariter ac voluntatis universamque felicitatem includentem (§. 39. seqq. *ibid.*) ita & secundarium, ad omnem vitam necessitatem, commoditatem & jucunditatem innocuam comparatum (§. 42. seqq. *ibid.*): unumquodque eorum, quæ ad utrumque faciunt, velut pars felicitatis prosperitatisque omnium considerari meretur (§. 38. & 45. *ibid.*), verbi causa affluentia rerum, tranquillitas & securitas civitatis (§. 42. seqq. 46. *ibid.*), ne gradibus quidem exceptis (§. 57. seqq. *ibid.*). Quæ salus cum & omnium & singulorum esse debeat, qui se recipiunt in civitate (§. 39. *ibid.*). Utique utriusque finis parte

um quarumcunque quam optime consequendarum ratio habenda est, quoties de justo civium numero statuendum est. Justus nempe erit civium numerus, quando sufficit omnibus & primariæ & secundariæ salutis partibus ex asse & quam optime consequendis.

Quemadmodum igitur in genere justus civium numerus ex fine civitatis meriendus est, quatenus is ex asse est consequendus (§. 230.) tum ratione qualitatis, tum ratione numeri. ut tales & tot sint, quot & quales obtinendo fini ipsius ex asse pares sunt (§. 231. *seq.*): ita quoque in singulis partibus utriusque finis id curandum est, ut ad quamlibet partem, vel scientiam, artem, & vitæ honestæ indolem & tales adsint & tot cives, quales & quot eidem satagendo & sibi & universæ civitati beandæ fortunandæque quam optime & plenissime obtinendæ pares deprehenduntur. Quæ quoniam nec in quamlibet civitate, nec in eadem civitate eodem modo semper habere possunt (§. 237. *seqq.* & 240.): etiam in qualibet parte & functione, ad salutem publicam pertinente, justus civium numerus nequit esse ubique, nec in eadem civitate semper unus idemque, sed pro nata rerum facie diversus, seu alias major, alias minor erit adhibendus & pro justo tum agnoscendus.

Constat inter omnes, in unoquoque vitæ genere, v. c. in Theologia, Jurisprudentia, Medicina, Chirurgia, & quolibet officio justum esse Theologorum, JCtorum, Medicorum, Chirurgorum, artificum & opificum numerum, quando eodem indiger salutis publicæ procuratio amplificatioque, ipsique hujusmodi cives in civitate florere & rebus secundis uti fruique singuli partibus suis rite vacantes possunt. Si vero pares non sunt partibus omnibus fungendis, aut nimio labore suscepto sibi ipsis noceant, aut civitati abstinentes ab iis, quibus salvis officiis erga se nequeunt fungi. Tunc apertum erit, eorum numerum esse justo minorem. Denique si tot sint Theologi, JCi, Medici, Chi-



rurgi, artifices & opifices, quot ali & commode vivere in civitate nequeunt, ut ideo ipsis cum inopia & fame sit conflictandum, vel ad stipem mendicandam refugiendum, qui laborare possent vellentque, modo non nimio aliorum numero arcerentur; manifestum est, numerum eorum, in isto vitæ genere, quæ ejusmodi indigentia premuntur, esse justo majorem (§. 239). Neque refert, utrum talis tantusque eorum numerus antea existens fuerit, aut postea futurus sit, an hoc nunquam in ea contigerit aut sit futurum.

## §. 243.

*Justus sit vera civium numerus.*

Studendum vero, ut judicium de justo civium numero indubitanitatur veritate & universim, & ratione partium in quibuscunque vitæ generibus, in civitatem admittendis. Ponamus judicium de justo civium numero abluere a veritate, eritne eo ipso falsum (§. 505. Log.)? Quia tamen non pro falso sed pro vero habetur, erit simul erroneum (§. 623. Log.) & præjudicium (§. 1011. ibid). Qui in isto errore & præjudicio versatur; is non potest non in rebus ad publicam salutem pertinentibus suo aliorumque plurimorum periculo multis modis vel legitime inde concludendo ab officio aberrare. Qui errores quo graviores sunt momenti, eo magis sunt fugiendi. Eapropter studendum est, ut judicium de justo civium numero inprimis apud eos quorum est cura salutis publicæ, indubitanitatur veritate, tum univèrse, tum singulatim circa hæc vel illa vitæ genera in civitate necessaria admittendaque (§. 230. seqq.)

Habent hoc errores omnes commune, ut noceant iis, qui eos fovent, & qui ipsos sibi persuaderi patiuntur. Inprimis tamen capitales illi universalesque errores, qui principia concluduntur sunt, eo plus afferunt nocimenti, quo plura inde deducuntur, & quo gravioris momenti sunt res, in quibus foveantur. Quis potest vero in his terris majoris esse momenti publica omnium salute? Et cum hac justus civium numerus tam arcte est con-nexus, ut illo tanquam fundamento & ab initio superstruatur, &

postea sustentetur. Quo majori studio opus est, ne iudicium de justo civium numero temere formetur, & a rei veritate turpiter aberret.

## §. 244.

Errandi periculo se exponunt, qui circa dijudicandum justum *An numerus civium numerum in recepta adquiescunt opinione, numerum in ea obtinentem esse justum.* Videri quidem ita posset, receptum civium numerum experientia esse comprobatum, inde ipsum esse justum. Sed quis nescit, & in publicis rebus dari errores sæpe sat manifestos aliis, qui illis non sunt innutriti occupative? Contingit enim, ut is numerus quidem olim fuerit justus, nunc autem justo vel sit major vel minor (§. 240.). Nec ignota est hominum de tantis rebus ignorantia & temeritas statuendi, pro suo captu vel affectu, quam fovet pertinacia in opinione præconcepta, dum nolunt videri errasse. Quisquis igitur sibi persuadet, recte a majoribus illum numerum esse constitutum & usu longo comprobatum, nec meliorem dari; is errandi periculo se temere exponit, antequam illud ita se habere compertum habet. *Non est igitur circa dijudicandum justum civium numerum in recepta opinione citra convictionem de ejus veritate adquiescendum.*

Non desunt regna, in quibus multo plures cives possent affluere rebus secundis, deserta coli & civitas potentior fieri, ac haberi jam consuevit.

## §. 245.

Citra errorem justus civium numerus non potest dijudicari, nisi *Modus numerum duce experientia & exemplis aliarum civitatum perquam similium, merum civium dijudicandi a posteriori & ex principiis antea hic traditis petita.* Immunis est ab errore animus, quando de veritate indubiis argumentis est convictus. Argumenta indubia nituntur principiis vel a posteriori vel a priori asserta demonstrandi (§. 561. & 1232. Logic.).

gie.). Principia a posteriori suppeditat experientia indubitata a priori vero definitiones accuratae & quae inde evincuntur (§. 562. *ibid.*). Sed non sola civitas, in qua degimus, verum etiam aliae antiquae & recentiores civitates, quo nostrae sunt similiiores nobisque perspectiores, eo certiori nos imbuunt experientia eorum, quae de justo civium numero sunt statuenda. Regulæ autem, quas supra (§. 231-236.) ex genuina justitiae civium numeri derivavimus, sunt principia demonstrandi a priori nostra de justo civium numero judicia. Nequit igitur justus civium numerus dijudicari nisi a posteriori exemplis aliarum civitatum indubiis, nostrae simillimis, & a priori peritæ convictione ex principiis supra adductis. Hinc ex iis, quae peritæ obtinent, statui solet numerus fixus & clausus civium illius civitatis generis, haud temere mutandus.

Si usquam, hic quoque opus est connubio rationis experientiae, ut utriusque amico consensu convictio animi evadat eo magis certiorque. Quia similium similis, & dissimilium dissimilis ratio est, exemplorum perspicientia hac in re nihil nos juvaret, nisi pateret inter ea tanta requiritur ad argumentum analogia recte ducendum. Interim principia a priori regenda hac in re nos possunt, etiamsi exempla non prostant, & ad quae prostantia non porriguntur, modo convictionem ex demonstrationibus quaeramus & consecuti simus, antequam judicium pronuntiemus.

## §. 246.

Criteria justitiae  
civium numeri.

*Ubi justus est civium numerus, ibi datur prohorum quorumque in civitate degentium avaritia, singulorum naturae & artium thesaurorum florentissima cultura, & constans ab hostibus securitas.* Nunc cum justus civium numerus sufficit fini civitatis ex asse conueniendo (§. 230.) ideoque talis & tantus est, qualis & quantus sufficit salutis publicae ex asse parandae, tuendaeque (§. 231.) Ideoque ad felicitatem sibi comparandam (§. 232.), & ad re-



rum naturalium culturam instructionemque ad usus amplissimos obtinendam nihil in ipsa deeris iis, qui officio suo deesse nolunt (§. 233. & 235.). Comparare ergo sibi poterunt, & qui sapiunt comparabunt affluentiam rerum, quibus indigent cum suis ad vitæ præsentem ac futuram necessitatem, commoditatem, innocuamque recreationem & voluptatem, ac tranquillam earum gaudebant tum possessione tum fruitione. Neque minus pares erunt defensioni salutis publicæ (§. 236.), ut constanti gaudere possint immunitate a vi & metu hostium. Quare cum in his consistat proborum quorumque in civitate degentium *αυταρκεια* (§. 43. P. I. Polit.) & prosperitas (§. 45. seqq. ibi.): patescit, ubi justus est civium numerus, ibi dari proborum quorumvis civium, incolarum, & summatim in civitate degentium *αυταρκειαν*, singulorum naturæ & artium thesaurorum debitam culturam florentissimamque, & constantem ab hostibus securitatem.

Sequuntur nempe, quæ hic enarravimus ex justo civium numero tales & tot homines complectente, quales & quot sufficiunt saluti publicæ acquirendæ, conservandæ & defendendæ, tanquam fructus illius hominum consociationis, quæ civitas vocatur, exoptati & peculiare. E quibus si præsto sunt, tuto colligitur ipsa, quam faciunt salus publica, civiumque numerus talis & tantus, qualis quantusque in ea obtinere debet. Minant inde quoque criteria sufficientis civium numeri alia, quorum hæc indicasse suffecerit. Non deerit ulli probo in civitate occasio, non copia laboris honesti, unde se suosque alere, liberos rite educare, & in senio sic vivere possit, ne aliis cogatur esse molestus & onerosus. Non audientur justæ querelæ vel de neglectis thesauris a natura liberaliter indultis; non de Eruditorum, artificum, opificumque, quibus indiget prosperitas civilis, vel defectu, vel imperitia, vel insolentia in pretiis præter rem flagellandis & augendis; non de penuria vitæ præfidiorum, omniumque honestorum vitæ generum, quæ locum

ibi haberi & admitti pro rebus natis & locorum conditione possunt. Nemo erit probus, qui neget sibi bene esse, quique malit alibi esse, quam in sua civitate. Neque querimonia audietur nisi ab his, quorum manifesta omnibus est, aut illico se proderit delidia, luxuria, nequitia, pravusque aut sceleratus animus deterioris sue sortis faber, quibus in nulla civitate meliora evenire fata possunt, nisi emendentur. Præterea aderunt, quæ dari possunt, incitamenta & adjumenta virtutum & rerum secundarum, impedimenta vero injuriarum, vitiorum rerumque adversarum, quæ in ulla civitate humana providentia & industria comparari possunt. Vbi igitur nemo bonus habet cur deleat de his, quæ in civitatis potestate sunt ad salutem publicam amplificandam, ubi nemo nisi improbus effundere querelas intelligitur, ibi florere civitatem justo tot & talium civium numero, quot & quales in illa desiderari possunt, exploratum ceterumque est.

## SECTIO II.

### CAPUT II.

## De sapienti Procuratione justorum civium numeri.

### §. 247.

*Vbi justus civium numerus obtinendus.*

**S**i deest civitati justus civium numerus, is sapienter erit obtinendus. Etenim jus civitatis pacto est acquirendum (§. 201. Pacta sine paciscentium consensu mutuo inire nequeunt (§. 788. P. III. Jur. nat.), idcirco & civitatis & cujusque civis cooprandi libero opus est consensu. Cum vero varia sint hominum ingenia, varia animorum sensa, & unusquisque sponte consentire debeat (§. 699 & 574. *ibid.*): sapienter ejusmodi bona civibus in civitate sunt promittenda, quorum causa sponte

te jus civitatis appetant. Quapropter si deest justus civium numerus, is sapienter erit quærendus obtinendusque.

Quæ pacto itaque consensu alterius sunt obtinenda, ea nec vi nec metu incusso sunt extorquenda (§. 575. P. III. Jur. nat.), & quisquis vi metuque alterum adigit ad promittendum, nullum inde jus adquirere potest id, quod promittitur exigendi (§. 576. *ibid.*). Cum ergo promissio de civitate vi metuve extorta nulla sit, nec valeat quidquam (§. 228. P. I. Polit.) sapienti opus est promissione ejusmodi bonorum in civitate, quæ tanti singulis videatur, quorum causa cives ejus fieri malint, quam alterius aut nullius civitatis. Sapientia enim & fines eligit & modos, & ordinem rerum legitimos ac jure præferendos.

#### §. 248.

*Vbi justus civium numerus habetur, ibi opera danda est, ut maneat & per successores continuetur.* Vbi idem Justus enim civium numerus continuandus in civitate est necessarius si finis ipsius ex asse est consequendus (§. 231.). Quia necessarius est, fieri nequit, ut sine illo salus publica salva maneat. Si absque illo salus omnium ex asse haberi nequit, civitas illo non potest carere. Si illo carere nequit, necesse est ut maneat tantus, qui semper sit sufficiens, ideoque per successores ob legem mortalitatis continuetur.

Vti vita hominis est continuanda, si finis ejus debeat obrineri; ita & sufficiens civium numerus, per quem civitatis finis est consequendus, manere in civitate & semper præsto esse debet suis functionibus peragendis. Si ibi motus circuitusque sanguinis, si respiratio cessaret, cessaret quoque vita. Sic si cessaret in civitate justus civium numerus, a quo salus ejus dependet, cessaret & salus civitatis, quæ ejus est vita, qua animatur.

#### §. 249.

*Procuratio justī civium numeri ita ne requirit instituta, justum civium numerum obtinendi perpetuamque.* Si justus esse debet civium justī civium numerus, omnia a civitate sic sunt instituenda ut is & haberi numeri que possit, & continuari. Inde si deest civitati justus civium numerus, rat?



merus, sapienter omnia sic sunt instituenda, ut is obtineatur habeaturque (§. 247.). Si jam habetur, opera est navanda, ut sapienter continetur perpetueturque (§. 248.). Quare procuratio iusti civium numeri, idonea requirit instituta, iustum civium numerum & obtinendi & perpetuandi.

*Perpetuari* dicitur quidquid sine intermissione continuatur, vel ita ut in omni casu sit maneatque idem (§. 1062. P. I. Theol. nat.). Cives ergo perpetuantur, dum retinentur totidem, aut decedentibus quibusdam, illico sunt, qui eorum occupant locum, eorumque obeunt partes. Instituta idonea nostrates vocant gute Anstalten.

## §. 250.

*Instituta  
quid sint ra-  
tione ci-  
vium.*

*Instituta iustum civium numerum consequendi idonea ratione de-  
vium non sunt nisi invitamenta, ad civitatem eos fortiter allicientia, &  
in eadem detinentia. Instituta enim idonea esse debent ad ius-  
tum civium numerum impetrandum & perpetuandum (§. 249.). Sed cum ad obtinendos sapienter cives, liber eorum  
consensus requiritur & appetitus civitatis (§. 247.), tum ad  
retinendos eosdem & per successores continuandos (§. 248.).  
Ad liberum vero consensum & appetitum excitandum confer-  
vandumque requiritur tantus bonorum cumulus, quantum  
omnium animos vi & ope sua flectere & allicere constanter  
& allectos fovere ac retinere in civitate solet. Bona vero tanta  
efficacia quia invitamenta appellantur, manifestum est, ido-  
nea instituta iustum civium numerum consequendi, non esse  
nisi invitamenta, quæ eosdem ad civitatem suaviter alliciunt  
& allectos coopratosque constanter in eadem retinent.*

Quæ motiva dici solent, argumenta potius sunt & incita-  
menta: ideoque dum appetitum procreant, seu bona appa-  
tenda animo offerunt, recte invitamenta appellantur. Valent  
hæc non tantum ad cives strictè dictos, sed etiam ad incolas &  
advenas vel convenas alliciendos, capiendos, nec ingratis secum  
tener

tenendos, quatenus illis opus est ad salutem publicam rite curandam.

## §. 251.

*Prima procuratio justī civium numeri obtinet in civitatū primordiis.* Homines enim obligantur ad civitates optimas eligendas, condendas colendasque (§. 174. P. I. Polit.). Quales cum esse nequeant, nisi iusto gaudeant civium numero (§. 230.). In ipso statim primordio civitatis primam procurationem justī civium numeri necessariam esse liquet. Idem & sic evincatur: in primordiis civitatis nihil prius esse debet nihilque antiquius ipso sine civitatis actu obtinendo omnium in eum appetitu & vi consentiente (§. 235. P. I. Polit.). Sed iusta civium copia non est nisi ad consequendum civitatis finem suffectura (§. 230.). Inde procurationem iustæ civium copię primam in ipso civitatis primordio requiri, omni majus est exceptione.

Hanc primam idoneæ civium copię curam si quis relegandam ex politicis patet propterea, quia civitates, quotquot habentur in terrarum orbe dudum sunt constitutæ, & demortuis illarum conditoribus frustra regulæ traduntur; is vel nesciret, vel non attenderet ad pristinas civitates, quarum vix ulla superest, aliis in earum locum substitutis. Vbi enim est regnum Judæorum, Assyriorum, Aegyptiorum, Macedonum, Persarum, Romanorum &c. quæ suo tempore & celebratissima fuere & potentissima? Quid restat Trojæ, Babylonis, Ninivæ, Tyri, Carthaginis, Hierosolymorum, æquantarum urbium metropoliumque? Vbi fuerunt antiquitus, quæ nunc præpollent civitates, & notane sunt illarum exordia, ex parte ante hoc sæculum nuspiam obvia? Quæ everisiones antiquarum, & origines novarum civitatum quid docent, nisi similia fata nec in posterum esse defutura? Vnde primordia civitatum non esse inter antiquata, nec amplius locum habitura, numeranda cogitur luculenter.

## §. 252.

*Specialis casus prima procurationis civium.*

*Si prima copiae civium procuratio in medio aliarum civitatum instituenda est, id vix aliter aut melius fieri poterit, quam propositis majoribus pluribusve privilegiis alibi non habendis. Si enim nova civitas condenda est in medio aliarum civitatum, illa majorem civium numerum accipere non poterit, nisi ex civitatibus circumiectis; & siqui ex remotioribus civitatibus sint sperandi illorum non nisi par erit ratio, ubi singuli suae civitatis amore sunt capti. Quam obrem manifestum est, neminem suam civitatem esse postpositurum alteri, in primis novae vix sine invidia condendae, nisi plura & meliora in ea consequi possit, ubi, ubi jam commoratur aut fixam habet fortunarum sedem. Quare quotquot sponte sua alliciendi sunt in novam civitatem appetendam ineundamque, illi non nisi majoribus bonis & privilegiis, quibus in sua civitate potiri nequeunt, in ea invitabuntur. Majora igitur commoda, jura & privilegia, quae nea erunt in hoc casu invitamenta ad cives aliarum civitatum in novam alliciendos, ut relicta sua civitate migrare in novam velint (§. 250.). Si igitur prima copiae civium procuratio in medio aliarum civitatum instituenda est, ea vix aliter aut melius fieri poterit, quam propositis majoribus pluribusve emolumentis privilegiisque, alibi non habendis.*

*Intueamur verbi causa primordia civitatis romanae in medio civitatum italicarum conditae. De qua Livius Hist. ab urbe condita Lib. I. c. 8. Crescebat interim urbs munitionibus, cum alia & quae alia appetendo loca (conciliati jam Albani Latini)que spes futurae multitudinis munirent. Deinde ne vana urbis magnitudo esset, adjiciendae multitudinis causa, veterem condentium urbes, qui obscuram atque humilem conciebant se multitudinem, natam sibi e terra prolem ementiebantur locum, qui nunc septus densis sentibus inter duos lucos est (Romulus), asylum aperuit. Eo ex finitimis populis turba omnis*



sine discrimine liber an servus esset, avida novarum rerum per-  
fugit, idque primum ad cæptam magnitudinem roboris fuit.  
Cum jam virium haud pœniteret, consilium deinde viribus parat  
centum creat Senarores patrum elogio gavifuros &c. Sed  
penuria mulierum hominis ætatem duratura magnitudo erat . . .  
Tum ex consilio patrum legatos misit ad vicinas gentes, qui so-  
cietatem connubiumque novo populo peterent. Sed nusquam  
benigne legatio audita est, plerisque rogitantibus, ecquod fe-  
minis quoque asyllum aperuissent, id enim demum compar con-  
nubium fore. Quod Cicero *pro Balbo c. 13.* eo vertit: nullam  
esse gentem ex omni regione terrarum, neque tam dissidentem  
a populo romano odio quodam atque discidio, neque tam fide  
benevolentiaque conjunctum, ex qua nobis interdictum sit ad-  
sciscere civem, o jura præclara, atque divinitus jam inde a prin-  
cipio romani nominis a majoribus nostris comparata! Neque  
id ignoravit Alexander M. condens Alexandriam, cui tam sin-  
gularia eaque magna concessit privilegia, ut brevi tempore un-  
dique in eam confluerent homines domicilium ibi construcentes  
eam efficerent populosissimam. Quamquam *Curtius Lib. IV. c. 8.*  
narrat jussum quoque accessisse: ex finitimis urbibus commi-  
grare Alexandriam jussis novam urbem magna multitudine im-  
plevit. Sola vero jussa si fuissent, condita ab ipso urbs & ca-  
put ægypti cum ipso Alexandro quoque esset extincta. Asy-  
llum vero nefariis non erit concedendum, nisi prorsus emendentur.

## §. 253.

Quia propositis ejusmodi emolumentis privilegiisque *Indaganda*  
allicienda est civium copia, quæ in aliis civitatibus haberi ne-  
queunt (§. 252.); explorandum est, *quænam in aliis præsertim vici-  
lis civitatibus non prostant exoptata civibus jura & privilegia, & quo  
pacto illa novis civibus possint indulgeri.* Hoc quippe si fiat, certum  
est iisdem haud paucos cives allectum iri ad ineundam novam  
civitatem.

Fieri scilicet potest, ut ad tempus quoddam civibus indulge-  
antur, quæ perpetuo ipsis dari nequeunt. Civitates populosæ  
igi-

igitur propter ipsam populi multitudinem nec omnibus id dare possunt, quod paucis, neque eripere illis privilegia, quibus dum gaudent. Inde multi consequi in illis nequeunt, quæ optant. Cessat quoque in illis ratio, privilegia dandi ubi vix ulla restant danda, certe nulla danda sunt ad cives obtinendos quorum non copia tantum, sed abundantia fere adest.

## §. 254.

*Ut largitio  
civitatis  
gratuita.*

*Ad alliciendos novos cives, jus civitatis gratis est largiendum.*  
Etenim in civitatibus numerosis jus civitatis cives vel rari ob merita gratis adseiscuntur, vel plerumque contractu oneroso (§. 221.), præsertim in tali vitæ genere, in quo arrisit numerus civium fixus, nec sine gravi ratione mutandus (§. 241.). Quare cum ad novas civitates convocandi sint cives illecebri in aliis civitatibus non obviis (§. 252.) atque id exploratum habeatur, in civitatibus populosis jus civitatis perraro cuiquam donari, tantum abest, ut id premiscue omnibus donetur: ad alliciendos cives novos jus civitatis gratis est elargiendum. *Neque tantum in condenda nova civitate, sed & in vastata instauranda idem illud valere ex rationibus iisdem constat.*

Romanos bene meritis, etiam in florentissimo civitatis statu civitatem donasse, inter alios locupletissimus est autor C. Gracchus. Qui c. 13. pro Balbo, Romuli auctoritate & exemplo numquam ibi intermissam esse dicit a majoribus largitionem communemque civitatis. Cujus rei innumera passim memorantur exempla. Vbi vero fixus certorum civium numerus est, nec oneroso contractu ejusmodi jus civitatis, nullo vacante loco, obtineri posse, manifestum est, inprimis cum nulla gravis ratio mutationem numeri fixi urget.

## §. 255.

*Ne hostibus  
quidem te-  
mere ne-  
ganda.*

*Facit ad augendam civium copiam, sive illi quidem tenere a civitate arceantur, qui hostium numero fuere. Etenim qui hostes fuere, illi nunc non amplius sunt hostes, ideoque vel ut amici*

considerandi erunt, vel ut peregrini. Vtroque casu nulla ratio est, cur a civitate excludantur, dum hæ ipsæ sunt rationes eos ad civitatem admittendi. Quare sive nova civitas sit condenda, sive olim conditæ desint cives, sapienter propterea obrinendi (§. 247), faciet ad justam civium copiam consequendam si ne illi quidem a civitate insipienter arceantur, qui hostes antea fuere, nunc autem vel devicti sunt, vel conciliati amici, a quibus nihil periculi metuendum.

Laudat hoc Cicero cap. 13. pro Balbo his verbis: illud sine ulla dubitatione maxime nostrum fundavit imperium, & populi romani nomen auxit, quod princeps ille, creator hujus urbis, Romulus, fœdere Sabino docuit, etiam hostibus recipiendis augeri hanc civitatem oportere . . . Itaque & ex Latio multi & Tusculani & Lanuvii & ex cæteris generibus gentes universæ in civitatem sunt receptæ, ut Sabinorum, Volscorum, Hernicorum. „Factum inde, ut quædam gentes fœderibus cave-  
rint, ne in romanam civitatem cooptarentur, procul dubio studio libertatis avitæ. Ad quam rationem ita Cicero c. 14 pro Balbo commentatur: At enim quædam fœdera extant, ut Germanorum, Insubrium, Helvetiorum. Japydum, nonnullorum item ex Gallia Barbarorum, quorum in fœderibus exceptum est, ne quis eorum a nobis civis recipiatur. Quod si exceptio facit, ne liceat, ibi necesse est licere, ubi non est exceptum., Contra hæc Lacedæmoniis & Atheniensibus non sine damno exitioque suo usitatum est, ut armis maxime valentes, exosos haberent victos, nulloque commercii vel civitatis jure dignos censerent. Quia tamen sapientes cives sunt adsciscendi, unique & in peregrinis, & hostibus conciliatis in civitatem recipiendis delectus est habendus, ne quid detrimenti salutis publicæ afferatur.

## §. 256.

Immunitates onerum intra definitum ex æquitate annorum nume- Et immuni-  
rum, aliaque privilegia, non minus allicere novos cives solent. Onera tates ab one-  
enim vel realia sunt, vel personalia (§. 212.), quorum illa in ribus civili-  
(Wolffii Politica P. II. C. II.) Uu rebus, bus.



rebus, hæc in operis, ad publica commoda conferendis, habentur (§. 211.). Vtrobique privatæ rei decedit, quod publicæ est tribuendum. Quia immunitas est beneficium liberans civem ab eo, quod ab aliis est præstandum, ideoque privilegium in juris negativi concessione positum (§. 853. P. VIII. *Jur. nat.*): impendi id potest rei privatæ, quod alias publicæ esset impendendum, quod inter bona privata referendum esse liquet. Sed bona in civitate obtinenda, quæ in alia haberi nequeunt, idonea sunt invitamenta, allicientia ad eundem & in eadem detinentia (§. 250. & 252.). Relinquitur ergo, immunitates onerum allicere novos cives eo magis, quo major æquitate numerus annorum istius immunitatis est definitus.

Prout immunia prædia commodiori sunt conditione, quam quæ pensitant: ita quoque civitas gravior videri debet, quæ immunitates onerum civilium concedit, quam quæ illas negat. Quo plures ergo, quoque majores immunitates civitas concedit, aut alia quædam offert præstaturque suis civibus, quam alia cumjectæ civitates, quo diutius, & quo majori æquitate privilegia conferuntur: eo plures undique ad eam invitabuntur, eoque lubentius in ea manebunt, ceteris nempe non disparibus. Anni vero immures, pro sumptuum ratione, qui faciendi in condenda domicilia, in agrum extirpandum & eradicandum quinque decem aut plures esse solent, prout pacto ex æquitate convenit. Sic & ipse immunitates alias plures, alias pauciores item gravioris aut levioris momenti pro pacti tenore habentur.

Immunitatibus addi possunt alia privilegia, jurium positorum fructum complexa (§. 853. P. VIII. *Jur. nat.*). Videlicet concedi possunt novis civibus jura & leges, quibus adfueverunt antea, modo in concordiam revocentur; Dari ipsis possunt ligna lateres, solum agri, prata, pascua gratis, unde struant domicilia & victum querant; admoveri possunt honoribus & magistratibus, aliisque spartis & reditibus certa lege hæreditariis. Indulgeri illis potest electio magistratuum annua a civibus & civi-

civibus dignis peragenda; Religionis liberum exercitium cum jure eligendi sibi suos sacerdotes & removendi eos, qui id mereri deprehendantur; monetae, ei mensurarum fixa ratio; participatio jurium metallicorum similiumque.

Exempli loco esse hic potest privilegium Culmensis; quo Crucigerorum ordo hæc & plura civibus Culmensibus & Thorunensibus largitur, eaque deinde ad reliquos Prussos extendit.

§. 257.

*Elapsis primæ immunitatis annis cum pacti religione, tum emolumentis honorum reddituumque majorum, & quantum fieri potest onerum minorum, ac in aliis civitatibus dantur, novi cives retinendi sunt in recenti civitate.* Pactum enim initur, non ad annos immunitatis, sed ut civitas perpetuetur, ipsaque immunitate ad perpetuandam civitatem invitantur novi cives. Quare pacti initum religione cives, hætenus immunes, jam obligantur ad onera communia, more in omnibus civitatibus recepto, subeunda, & ad novam civitatem jugiter colendam (§. 789. P. III. Jur. nat.). Præterea, quæ adepti interim sunt, bona immobilia, ut domicilia, fundi, agri & jura, tanti iam erunt, ut illis carere in posterum nolint: sed potius iisdem perpetim uti fruique cupiant. His si accedant sperandi propediem honores, quos merentur, commerciorum lucra, spartarum publicarum redditus, aliaque jura & privilegia alibi non speranda, onera denique quoad fieri salva rep. potest, pauciora ac minora alias utilitatis, cuncta hæc bona, quorum illecebris refertum est primum pactum, sufficient, uti ad alliciendos novos cives (§. 250. & 252.), ita & ad eosdem lubenter tenendos, ne exire velint, etiam ipsis libera abeundi facultas concedatur.

Prædicat similia de civitate romana *Cicero pro Balbo c. 13.* O jura præclara atque divinitus jam inde a principio romani nominis a majoribus nostris comparata, ne quis invitus civitate mutetur, neve in civitate maneat invitus! Hæc sunt enim fun-

damenta firmissima nostræ libertatis, sui quemque juris & retinendi & dimittendi esse dominum. „Quæ de ordinario & pacato civitatis statu, ubi nihil detrimenti ex abitu civis metuendum, intelligenda esse, ipsa rei natura quemque potest docere, & suo loco postea ostendetur.

## §. 258.

Opus quoque  
est terriculamentis  
salutaribus.

Ob diversitatem civium præter invitamenta, opus quoque est terriculamentis aliisque institutis civitatis saluti profuturis. Non est ea omnium civium indoles, ut propositis tantum bonis & præmiis flecti se & contineri in officio patiantur, id quod vel domestica loquitur experientia, vix unicam sistens domum, in qua nunquam aliis opus sit rebus, quam gratis, ad regenda domesticorum actiones. Multo igitur minus in civitate, innumeram domorum & vicorum copiam postulante, omnes vel accedent ad illam sola spe præmiorum illecti, vel in illa perseverabunt, nisi & metuenda sint mala si seces fecerint. Quam obrem cum qui spe honorum duci non possint aut nolunt metu malorum ad officium adigendi sint, exemplo parentum (§ 515. O. C. n.) ipsiusque Dei (§ 1079. P. I. Tr. d. n. t.): præter invitamenta opus quoque est in civitate terriculamentis, aliisque institutis saluti civitatis profuturis, suo loco nunc reservandis.

Duplicis generis bona in civitate sunt procuranda, communia, quæ salutem publicam constituunt, & privata, singulorum civium delictis explendis apta. His in civitate est litandum, quatenus sine detrimento illorum fieri potest. Unde si quod privatis expediret aut placeret, idem publicæ saluti noceret, consulendum est salutis publicæ vel ei in detrimento privatarum rei (§ 252. P. I. Polit.). Multo magis, si quod civium nonnullis placeret, repugnaret salutis publicæ, itque civium ab inepto desistere nollent, opus esset comminationis ut propositisque terriculamentis & pœnis certo irrogandis. Quænam admodum enim oderunt peccare boni virtutis amore: ita admodum run peccare mali formidine pœnæ. Facile inde perspicitur, quo



quomodo malorum metus & ad ingrediendam civitatem et ad colendam illam animos quosdam movere possit.

## §. 259.

Neque tamen subsistendum est in externis tantum invitamentis Et internis avocamentisque, sed quantum fieri potest, interno virtutum studio & virtutibus. vitiorum odio animi civium sunt imbuendi, & in officio suo continendi. Actiones enim civium etsi officio conformes, rectæ nondum sunt, quæ tantum spe præmii eliciuntur, aut metu pænæ extorquentur (§. 349. P. I. Philos. pract. II. v.). Atqui salutis publicæ, quæ suprema lex est omnium civitatis institutorum (§. 86. P. VII. Jur. nat.), primario inest felicitas civium quorumvis, non nisi virtutibus consequenda (§. 39. sep. P. I. Polit.). Quare cum rectæ actiones civium non sint, nisi quæ ex virtutibus proficiuntur (§. 334. P. I. Phil. pract. II. v.): subsistendum non est in civilibus præmiorum invitamentis & pænarum terribilitate; sed animus civium est virtutum studio vitiorumque odio imbuendus, & sic melius in officio suo continendus.

Prodest illa animi convictio de virtutum studio, vitiorumque odio necessario non solum in officio civium perficiendo, sed & in ipso civitatis primordio amor virtutum & vitiorum detestatio multum faciet ad justum civium numerum, talesque & tot cives facile obtinendos, quales & quot salus publica requirit. Virtutis enim salutisque, quanta haberi potest, studiosi, convicti sunt, nec aliter nec melius felicitatem prosperitatemque adquiri posse, eaque propter sponte sua ferentur in amorem civitatis, justæque civium copię conficiendæ.

## §. 260.

Justa civium frequentia obtenta, manenteque eadem ipsius facie, Officia generalia circa partim procuranda sapienter est ipsius conservatio & propagatio, partim aliter perfectio accessioque incrementorum; mutata vero civitatis facie si civium numerus evaserit justo minor, is erit augendus; si justo vium numerus major, is erit minuendus eoque, donec iterum justus babeatur. Sarrum.

piens quippe procuratio iusti civium numeri non tantum idonea requirit instituta iustam civium copiam consequendi, verum etiam eandem perpetuandi (§. 249.). Obtena jam iusta civium copia priori huius procurationis parti satis est factum. Restat ergo pars altera, perpetuationem illius sibi propositam habens. Quoniam mutabilis est reip. facies, etsi durare aliquamdiu possit (§. 240.), dispiciendum erit, ut sapienter fieri ulterior procuratio illius possit, utrum eadem sit civitatis facies, an diversa ab ea, quæ hæc copia iusta deprehendebatur.

Manente eadem civitatis facie, quæ posita antea erat, fieri nequit, ut qui civium numerus iustus erat, jam non amplius sit iustus, sed potius idem perget esse iustus (§. 27. *tol.*). Proinde tantum opus erit, ut quantum fieri potest præ legem mortalitatis humanæ, idem ille sarrus tectusque, sibi & incolumis conservetur, & ob mortem alios post alios ex vita evocantem, per successores perpetuetur (§. 248.). Deinde quia summum bonum hominis continetur in non impedito progressu ad maiores subinde perfectiones (§. 374. *P. I. Pract. univ.*), idque inest salutis publicæ (§. 39. *seqq. P. I. Pract.*), copia civium dum quoque manet eadem, tamen subinde ulterius est perficienda & ob futuros usus incrementis roboranda. Hoc casu ergo sapienter procuranda est civium & conservatio & propagatio, & ulterior perfectio, quanta datur.

Mutata autem civitatis facie sic, ut prior civium numerus iustus jam dici nequeat, sequetur ut is vel sit iusto minore vel major (§. 239.), ideoque in utroque casu mutandus. Si iusto minor est factus, utique is erit mutandus in maiorem, & e. supplendus ac augendus eo usque, donec iterum iustus evadat, seu habeatur par publicæ salutis tuendæ (§. 230.). Si vero iusto major sit, ut iterum ad paritatem seu iustum numerum revo-

revocetur, oportebit. Quod fieri non poterit, nisi mutetur in minorem h. e. minuatür eo usque dum justus denuo habeatur. Quarum cum justo minor fieri justus nequeat nisi augendo (§. 247.), nec justo major, nisi minuendo (§. 239): in aprico est, justo minorem civium eo usque esse augendum; justo majorem vero eo usque minuendum, donec pro hac civitatis facie justa plane civium copia habeatur.

Redeunt igitur generalia procuracionis copię civium officia ad quatuor hęc capita 1) ad justum civium numerum, cujus nihil adhuc habetur, obtinendum: 2) ad adquisitum conservandum & perpetuandum; ideoque 3) si quo casu is justo minor sit factus, ad eum seu redintegrandum, seu augendum ad justam copiam, & 4) si justo major factus sit, ad eum diminuendum, quantum necesse aut consultum est. De primo capite jam dixi, restat ut de reliquis capitibus exponatur, quid factu opus sit.

#### §. 261.

*Conservatio civium requirit curam prorogandi civium vitam & Conservationes, quoad fieri potest, & avertendi his adversa. Conservatio civium quid* enim est actio, qua efficitur, ut res existere pergant (§. 842. *involvat?* *P. I. Theol. nat.*). Quę cum proprie Dei sit, nemo se ipsum, nec alium vi sua conservare potest (§. 843. *ibid.*). Quoniam tamen multis modis homo & suam & aliorum conservationem impedire, & eidem contraria admittere potest: & ipse cavere debet, ne eam suo vitio aut sua culpa impediatur, eidem contraria suscipiendo (§. 350. *P. I. Jur. n.r.*), & alios quoque suo imperio subiectos a similibus ausis avocare. Ideo quoque conservatio civium ornanda, a rectore civitatis (§. 641. *seqq. ibid.*) involvit curam cavendi & licitis modis impediendi, ne quid cives committant, quod conservationi vitę ipsorum adversatur: item ne quid ipse temere admittat, quo civium vita in discrimen adducatur, sed ut hęc omnia, quoad fieri potest, ab



ab ipsis avertat (§. 532. & 655. P. VIII. Jur. nat.). Hac ergo tendens cura publica prorogandi civium vitam & vires, & avertendi his contraria, continet conservationem civium sapienter administrandam (§. 260.).

Conservare vult Deus hominum vitam vires & valetudinem non miraculose, sed cum hoc naturaliter fieri possit ope debita usus rerum naturalium his finibus destinatarum. Quare quicumque has res ignorat, aut iisdem non debite utitur, sed vitabitur, vel & contrariis utitur, in alios fines destinatis, is vitat pedit conservationem Dei, abjicit id munus divinum, aut plane eidem contraria molitur seque pessumdat. Pari modo peccata quoque potest contra aliorum vitam, sanitatem, integritatem membrorum, viresque, uti ostensum est in *Philosophia practica universalis*. Quatenus ergo rector civitatis debitum usum rerum, ad vitæ conservationem promovere & perficere, neglectum vero, abusum & contrariorum usum avertere valet, eatenus cura prorogandi civium vitam in manu sua habere, & ut illam curam præstandam obligatus esse intelligitur.

## §. 262.

*Curam vitæ  
præsidiorum  
salubrium.*

Prorogatio vitæ civium fieri nequit sine debita copia & usu præsidiorum vitæ, teste experientia quotidiana. Sed præsidia vitæ sunt res ad vitæ necessitatem, commoditatem, incamquamque voluptatem facientes, quorsum etiam refertur salubritas aeris, loci, & alimentorum. Quapropter *sapiens prorogatio vitæ civium*, qua ad vegetam perducantur senectutem, ejus cura rectori civitatis incumbit, requirit procuracionem copiamque sufficientis omnis generis præsidiorum vitæ, omniumque rerum, haberi possunt, ad satisfaciendum vitæ necessitati, commoditati jucunditatique (§. 420. seqq. P. VIII. Jur. nat.); nec non curam salubritatis aeris, locorum, & alimentorum (§. 716. P. I. Jur. nat.).

Neque

Neque enim annonæ caritati, & inopiæ alimentorum, quæ fame perirent cives, & insalubritati locorum alimentorumque melius occurri potest, quam tempestive instructo publico penu, moderamine pretii rerum & nutrimentorum, legibus & sanctionibus pœnalibus adversus defraudationes, flagellationem annonæ, venditionem rerum insalubrium, examine rerum venalium, & denuntiatione eorum, quæ contra leges attentuntur. Sufficit hæc subindicasse, quæ alibi enucleanda erunt.

## §. 263.

Quia non solent deesse, qui ebriositate, gulositate, libidine suam, rixositate, convitiandi & calumniandi, confligendi denique temeritate alienam pariter ac suam sanitatem, integritatem organorum ipsamque vitam non verentur periculo obicere: *Privata in vitam injuria ne sit unpunis.* Severis quoque legibus pœnisque cavendum est, ne propria & aliena sanitas ac vita proterve in discrimen adducatur (§. 532. P. VIII. Jur. nat.); ideoque ne impunis sit ebriositas, libido venerea, effusa dicacitas, audacia convitiandi & calumniandi, aut certaminis singularis, vindicta privata, & similia, unde cædes aliorum, aut αὐτοχειρία sequi solet, aut vitæ brevioris usura (§. 651. & 655. P. VIII. Jur. nat.).

Grassari homines plurimis vitiis in suam aliorumque sanitatem ac vitam solent, alii malitia enormi, ut fures & latrones, alii insidiis modisque tectioribus, alii culpa sat turpi. Quæ in his occultiora sunt, nec evinci satis possunt, ea quidem impunita in foro civili manent. Sed apertiora & graviora, quæ luculenter comprobari possunt, cum tam funesta sint civitati, meritissimo in jus vocantur, damnantur, legibusque severis interdiciuntur (§. 653. P. VIII. Jur. nat.).

## §. 264.

Quoniam ex morbis & læsionibus corporis haud raro Occurrit periculum & jactura vitæ enascitur, teste experientia luculentum morbita: curæ superiori esse debet, ut non modo præsto sint & præsertim æquo pretio venumdantur medicamenta salutaria omnis generis. (Wolffii Politica P. II. C. II.)

neris, sed etiam ne desint medici & chirurgi periti (§. 717. P. VIII. Jur. nat.). Ob permagnam vero stragem civium quam morbi contagiosi & pestes edere solent, maximo curandum est opere, ut arceantur a civitate morbi contagiosi & imprimis pestis, & sicubi irrepserit, ut grassari prohibeatur (§. 718. *ibid.*). De instituendis ad hunc finem in civitate uberius dicetur deinceps. Hic enim satis est, ostendisse, conservandæ justæ civium copiae causa quoque necessariam esse hanc curam.

## §. 265.

*Avertenda  
aut quanto-  
cuius finienda  
sunt bella.*

Neque ignotum cuiquam esse potest, quantam cladem quot cædes inferre soleat bellum: eapropter summa adhibenda est cura, ne bellum privatum, sive intestinum, rebellio, seditiones factionesque, neve bellum publicum cum hoste externo præpotente temere & præter summam necessitatem suscipiatur (§. 560. P. VIII. Jur. nat. & §. 580. & 582. & 962. *seqq.* Jur. Gent.). Sapienter arcendum igitur est a civitate bellum civile, privatum & publicum, atque omne genus latrocinii, rebellionis, seditionisque, & si quid subortum sit, aut evitari non potuit, & gerendum quam minimo vitæ humanæ dispendio potest, & sopiendum quantoque (§. 482. *seqq.* P. I. Polit.).

Sunt & hæc suo loco ulterius deducenda & comprobanda, quorum ratio hic ostenditur tantum in officio civium vitam perogandi in vegetam tantamque, quanta datur, senectutem. Neque enim tantum numerus civium justus ita rectius conservatur, quam si hæc cura negligatur; sed eadem quoque ad multa alia civitatis commoda adhiberi potest & pertingit.

## §. 266.

*Avertenda  
nimii laboris  
& ruinarum  
pericula.*

Quia rectori civitatis quoque curæ esse debet, ne subditi labore nimio sanitati officere cogantur (§. 720. P. VIII. Jur. nat.), ideoque his, qui muneribus publicis præficiuntur, salaria sufficientia sunt constituenda, ut illis diligenter obeundis pares maneant (§. 721. *ibid.*); item viarum, pontium, ædificiorum



ciorum securitas & commoditas curari debent (§. 722. seqq. ibi): Manifestum est, conservanda civium vitæ quoque deberi laborum namque & periculosi inundationumque aversionem, & curam stabilitatis pontium, ædificiorumque, quorum ruina multis fieri potest pernicioſa.

Plura similia hominum vitia aut incuriæ damna, quæ ex errore aut perverso vitæ genere & more, v. c. otio torpescunt, itaque sanitati & vitæ noxas contrahentium, ex his facile intelligi, & ad salutem publicam accommodari possunt; legibus institutisque salutaribus vetando, immorigeros puniendo, ignaros docendo & convincendo de suis vitæ conservandæ præstandis officiis. Vnde non opus erit, ut his ulterius deducendis immoremur.

## §. 267.

Ad conservandum justum civium numerum facit quoque impedi. Impediendus legitime noxiū ipsorum discessus. Tantus enim debet esse civi. legitime civium numerus, ut bono communi promovendo, & defensionī viciū discessus insultus hostiles sufficiat (§. 398. P. VIII. Jur. nat.), sus nociturus. ideoque cavendum ne minor sit, quam huic fini consequendo collecturus, & ne desint tales, quales ad hanc vel illam partem communis boni & securitatis requiruntur (§. 399. ibi.). Quamobrem si civium numerus non sit nisi justus, aut si ne quidem justus sed justo minor sit, discessu civium non potest non minor evadere, quam esse deberet, cum a civitate discedens desinat esse civis fiatque peregrinus (§. 416. ibi.). Relinquitur ergo conservandi justī civium numeri causa legitime impediendum esse ipsorum discessum civitati nociturum.

## §. 268.

Impediri legitime potest & debet noxiū civium discessus cum Modi eum ipso pacto, quo civitatis jus acquiritur, tum manantibus inde sanctio. legitime institutis pœnalibus, ne quis civium sine superiorum consensu discedere auctori. deat, sancte observandis. Civitates enim cunctæ pacto constituuntur

untur (§. 4. P. VIII. *Jur. nat.*) quo plurimi homines non alio fine consociantur, quam ut conjunctis viribus sibi parent, quæcunque ad vitæ necessitatem, commoditatem, jucunditatem & felicitatem requiruntur, curentque ut unusquisque jure suo quiete fruatur, quod ipsi debetur ab alio quopiam tuto consequatur, denique se suaque, adversus vim quamlibet externam defendant (§. 1. 2. *ibid.*). Cum quilibet civium pacto, quo civitatem adquirit, se obliget ad hoc commune bonum pro sua virili promovendum (§. 18. *ibid.*) & ad conferendum ad illud, quantum potest (§. 19. *ibid.*): manifestum est, ipso jam pacto civem quemque obligari ad manendum in civitate pactum suum servante, & ad cavendum, ne communis boni fruitio & defensio vel a se, vel ab aliis ullo modo impediatur (§. 20. *ibid.*). Quod pactum cum discessu suo violaret, quilibet civis ipso jam pacto, quo civitatem iniit, obligatur legitime, ne ex eadem sine civitatis consensu discedat.

Ex eodem pacto nascitur jus civitatis prohibendi, ne quis sine consensu ejusdem discedere audeat, pœnasque vetito addendi & irrogandi illis, qui contra pactum venire audent, & vi conjuncta impediendi, ne id fiat. Quare si leges illas discessum prohibentes, sanctionesque pœnales civibus promulget, si vigilet, ne quis impune eas violare audeat, atque vi sua noxio obstat discessui civium, legitime impedit, ac impedire vi pacti obligatur, ne quis sine superiorum consensu abire e civitate justamque civium copiam diminuire possit (§. 258.).

## §. 269.

*Casus speciales prohibendi discessum.*

Quoniam iis discedere non licet a civitate, quorum operum & studio maxime indiget ad bonum publicum promovendum, etiam si civium numerus justus superet (§. 403. P. VIII. *Jur. nat.*): civitas recte prohibet, ne quis discedat, qui in suo vitæ genere præclaram Reip. operam præstare potest (§. 405. *ibid.*), item

cujus opera carere nequit, ad defendendam Remp. adversus vim hostium, nisi æque idoneum in locum sui substituere possit, consentiente in substitutionem civitate (§. 406. *ibid.*). Talis est prohibitio discessus belli vel obsidionis tempore, vel discessus ad hostem; aut non quidem ad hostem, sed gregatim præter necessitatem faciendus (§. 408. *ibid.*); item discessus locupletum, nisi relicta parte bonorum, civitatem præstent indemnem (§. 404. *ibid.*).

## §. 270.

Naturalis modus defunctorum aut deficientium civium locum sup-  
plendi habetur in promota sobolis procreatione & educatione. Hac  
enim ratione divinitus conservatur augeturque genus huma-  
num, & animale per totum, qua patet, terrarum orbem, ut  
ope generationis & propagationis soboles nascatur educetur  
& succrescat adultior, parentum defunctorum loco futura, at-  
que itidem suam prolem procreatura. Sed cives ubique sunt  
homines, indigentes animalibus aliis, gaudentesque facultate  
prolem suscipiendi & educandi (§. 6. *P. VIII. Jur. nat.*). Quare  
naturalis iste modus in civitate qualibet vigere & promoveri  
debet, ut pro conditione civitatis, illius ope naturaliter justus  
civium numerus per successores redintegrari (§. 248.), con-  
servari & augeri possit (§. 260). Negari ergo nequit, natu-  
ralem modum defunctorum subinde civium locum supplendi  
haberi in promota sobolis & procreatione & educatione.

Conservan-  
tur cives so-  
bolis propa-  
gatione &  
educatione.

Cum Deus semper optimum eligat (§. 383. *Jeqq. P. I. Theol. nat.*), modus naturalis conservandi & propagandi viventia, quia a Deo est electus, non potest non esse omnium optimus. Quamobrem in qualibet civitate melior, & in ipsius potestate posita ratio perpetuandi per successores justum civium numerum dari nequit ipsa civium sobolis propagatione atque educatione. Hæc ergo in qualibet civitate non tantum non negligenda, sed & ita promovenda est, ut scopo civitatis, quantum fieri potest, respondeat.



## §. 271.

Rationes

cam promo-  
vendi extra-  
ordinarie.

*salutaris, quo inopinatus partim ex bello, partim ex peste & contagio, partim ex aliis plagis publicis ingens oriri consuevit civium absumentis & straget. Docet enim omnium sæculorum memoria, in plerisque & tantum non omnibus civitatibus ejusmodi incidere tempora, nequaquam certo prævidenda, quibus modo bellicæ clades in præliis, & abductions in captivitatem, modo morbi contagiosi & pestes, modo terræ motus, fames & inundationes permagnam prædiorum, agrorum, urbium & provinciarum inducunt depopulationem vastationemque. Tantæ civium jacturæ reparandæ impar foret civitas, nisi ultra ordinariam mortalitatis legem nascentium sors valere & augeri posset (§. 270). Quod uti in animali regno naturaliter fieri videmus: ita in civitatibus cavendum, ne civili quodam vitio aut errore impediatur, sed potius idoneis institutis promoveatur perficiaturque. Liquet inde, eo magis procurandam esse in civitate sobolis propagationem educationemque salutarem, quo citius præter opinionem partim ex bello, partim ex peste & contagio, aliisque plagis publicis ingens exsurgere potest solerque civium jactura.*

Propagatio proprie fit in regno vegetabili, ubi propagines v. c. vitis, si Festo credendum, a porro pangendo nomen traxere, ut ex una plures fiant. Notat ergo plurium ex uno productionem, ope traducis, vivradicis, furculi, gemmæ, seminisque. Transfertur deinde ad regnum animale, in quo emittuntur quæ propagatione ex unico multiplicantur; neque tamen hæc tantum, sed & procreationem prolis ab utroque sexu una notat, quam progeniem salutamus. Neque is significatio omnino a plantis abhorret, quum & in illis sexus diversitas Theophrasto atque Alexandro M. jam innotuerit.

## §. 272.

*Adjuvanda imprimis est legitima progeniei copia, matrimonia præ- Legitima  
ter rem non restringendo, nec onerando; sed potius ea injungendo his, progenies uti  
qui hujusmodi fruuntur emolumentis, unde alere se & liberos possint pro augeatur.  
sortis suæ conditione.* Etenim si leges præter rem restringunt  
matrimonia vel plane interdicens ea, vel non concedendo  
illa, nisi concessio pretio, de quo conveniri potuit, redimatur,  
nil aliud his agitur, nisi ut multa conjugia impediuntur ejus-  
modi pretii causa, quod tanti non est, etsi in ærarium publi-  
cum inferatur. Multo minus vero id admittendum est, quan-  
do exterorum ærario vindicatur dispensationis lytrum: cum  
potestas leges ferendi & dispensandi non sit nisi illius, cujus  
in civitate est majestas (§. 824. P. VIII. Jur. nat.). Liberandi  
ergo vel non adstringendi sunt cives oneribus conjugii super-  
vacuis.

Non desunt legitimis matrimoniis sua onera & impedi-  
menta in plerisque omnibus civitatum generibus, quæ partim  
ex civitatis institutis nascuntur, dum multi parentes suæ sor-  
tis pertæsi abhorrent a conjugio intra eandem sortem persti-  
tuto, & altiore sortem frustra ac temere affectant, luxui si-  
mul indulgendo, ut ei pares esse videantur. Multi præterea  
sumtus in nuptias effunduntur, ultra sortis conditionem, ut  
inopes sæpe fiant novi conjuges, & nec sibi nec liberorum  
educationi consulere possint. Hæc ergo & similia incommo-  
da & instituta vitiosa aut abroganda, ubi invaluerunt aut non  
intermittenda sunt in civitatem, & injungenda his sunt matri-  
monia contrahenda, qui ea perperam impediunt, cum admissi  
sint ad ejusmodi statum & emolumenta, unde pro sortis suæ  
conditione honeste conjugem & liberos alere possunt. Quod  
in infimo vitæ genere, quod labore manuum vulgari victitat,  
eo minus difficultatis haber, quo minus illud ad luxum sequen-  
dum sufficere solet.

Ira

Ita legibus Mosaicis in Judæorum civitate perpauca tantum conjugia interdiciuntur & mature ineuntur, quæ propterea quæque in tam stupendum hominum numerum excrevit, in quantum vix alia ulla. Non ignotæ sunt rationes, ob quas veluti circumscriptæ sunt illæ divinæ leges aliis humanis, privati potius exterorum commodi, quam ipsius civitatis aut virtutis causa. Inter agricolas, opifices similesque inferioris ordinis cives partim ipsum vitæ genus conjugium requirit, partim & leges passim prostant, id injungentes, ut vel eo tutior sit civitas, vel liberi hujus sortis eo citius conjugii participes fiant. Antiquissimæ leges ad conjugia cives tanquam ad seminarium civitatis compellant, & apud Romanos censoria nota iis inurebatur, qui matrimonium inire recusabant. Opificum leges passim jubent novos magistros primo anno matrimonium contrahere sub mulcta solvenda. Si anno secundo cælibes manent, gravior ipsis dictatur mulcta. Quodsi ne anno tertio quidem conjugium inierint, ejiciuntur e tribu sua. Cæterum num opus sit pœnalibus limitationibus, prudentiæ magistratuum & civitatum relinquendum est.

## §. 273.

Quando præ-  
miis pœnis-  
que promo-  
venda sobo-  
lis procrea-  
tio.

Ob magnam civium penuriam & præmiis & pœnis cives ad copiosam prolem procreandam educandamque invitari justum est, improprie si aliunde cives haberi nequeant, aut admitti inconsultum videtur. Opus enim est in civitate justo civium numero (§. 230. *seqq.*). Quando alicubi civitati deest justus civium numerus, is sapienter est obrinendus (§. 247.). Modus autem naturalis supplementationis civium defectum habetur in sobolis procreatione & educatione promota (§. 270.) Quæ eo magis est necessaria, quæ plures illi defunt cives (§. 271.) Sed ubi magnus datur civium defectus, ibi per plures defunt civitati cives ad justum eorum numerum necessarii. Inde ad copiosam sobolis procreationem cives eo magis sunt invitandi, quo minus aliunde haberi possunt, aut ut admittantur, consultum videtur. Quare cum



cum ad actiones necessarias in civitate obligandi sint cives legibus, item præmiis pœnisque idoneis (§. 582. & 585. P. VIII. *Jur. nat.*): pater quoque, ob magnam civium penuriam indigentis conditionibus cives præmiis & pœnis invitandos esse ad copiosam prolem procreandam educandamque.

Ex hujusmodi civium penuria natæ videntur quædam antiquorum leges pœnales contra misogamos sive matrimonii contemtores, qui Germanis *Magistolze* dicti fuere, cum 25 annos nati matrimonium inire ob vanas rationes deincepsabant. Civis enim utriusque sexus habilis matrimonio ejusque oneribus sustinendis, temere tamen illud repudians post annum 50 ætatis moriens hæredes bonorum a se partorum habere non poterat per pœnam, nec testamentum facere, sed ejus bona fisco addicebantur. Romani privilegium dabant his, qui tres genuerant educarantque liberos, ut nempe in dignitatibus & muneribus anteferrentur carentibus liberis. Unde qui sterili matrimonio utebantur, merebanturque honores, precibus amicorum impetrabant ab imperatoribus, ne sterilitas ipsis fraudi esset. Sic *Plinius Viconio Ep. 13. L. 2.* & *Suetonio Tranquillo* jus trium liberorum expetiit a *Trajano* obtinuitque *L. X. Ep. 95.* qua *Epistola* has affert rationes. *Suetonium* tanto magis diligere cœpi, quanto propius perspexi. Huic jus trium liberorum necessarium faciunt duæ causæ. Nam judicia amicorum promeretur, & parum felix matrimonium expertus est, impetrandumque a Tua bonitate per nos habet, quod illi fortunæ malignitas denegavit. Ita & *Martialis Epigramm. L. 2. 91.* petit a *Domitiano*: quod fortuna vetat fieri, permitte videri, natorum genitor credat ut esse trium. *Juvenalis Sat. IX. 87.* hæc jura sic expressit: Propter me scriberis hæres, legatum omne capis, nec non & dulce erueum, si numerum, si tres implevero. Forte id Romani accipere a *Spartanis*, de quibus *Helianus Hist. L. II. c. 6.* Lex est *Spartanis*, ut qui tres liberos suppediavit reip. is ab excubiis liber esset. Neque alia ignorantur præmia, secundis & multitudine liberorum claris civibus tributa, quæ nunc persequi nihil attinet.

(*Wolffii Politicæ P. II. C. II.*)

Yy

§. 274.

## §. 274.

Et in quo  
potissimum  
genere civi-  
um homi-  
numque.

*Etiam si tanta non sit civium penuria, ob rationes tamen supra memoratas (§ 271.) hujusmodi argumentis augendus est civium ordinis & servientium numerus. Etenim rusticorum, opificum, mercenariorum, fervorum & ancillarum magnus requiritur numerus, unde milites obdurati in laboribus petantur, hostes copias abacturi. Quæ cum per se plana sint, operam dandam esse patet, ut legitima procreatio & educatio opificum, & agricultum, agricolarum, hortulanorum, mercenariorum, & servientium privatim ac publice, ac in defensionem civitatis armæ exercitatorum & militiæ peritorum promoveatur (§. 270-273).*

Antiquitus in laude ponebatur, si Reges principesque numerosa gauderent prole, forte quia hi alendæ illi & perficiendæ ac fortunandæ præ cæteris pares erant. Gideoni fuere 70. *Judic. IIX, 30.* Jairo 30 & totidem urbes, *Jud. X, 4.* Jaidoni 40 & nepotes 30, *ibid. XII, 14.* Davidi novemdecim præter illos, quos ex concubinis habuit. 1 Paralip. III, 1. Roboamo 28 filii & 60 filiarum. 2 Paralip. XI, 21. Achabo filii, 2 Reg. X, 6. Artaxerxi. Xerxis filio 221 liberi, *Arabo. Regi Erotimo 700 filii, secundum Justini Hist. L. 39.* Quam raro autem felicia fata illi experti sint, notum est divinis. Vnde potius his pauciores sufficiunt liberi, tuendæ civitati apti. Inferioris autem ordinis hominibus quo pluribus civitas, eo magis quoque curandum est, ut eorum procreatio numerosior habeatur. Docet enim experientia, quam male civitati consultum sit, si ad infimi generis ministeria subesse desit tanta hominum copia, quanta ad hæc requiritur, ut æquâ mercede operæ mercenariæ & serviles prostant. Vstratum præsertim est, ut boëthi opificum uxores ducant, suo se labore irascunt alentes, & liberos aliorum educationi locantes, quando ipsorum est serviendum. Cujusmodi connubia etiam militibus quibusdam conceduntur. Quod & servis mancipiisque in eundem modum apud omnes fere gentes ejusmodi procreatio prolis inducitur.

geatur, iisdem nititur rationibus, quas hic urgeamus. Neque negandum est, passim usitatis meliora substitui posse.

## §. 275.

Quoniam in civitate multi quoque pauperes dantur, in- *De educan-*  
ter quos non desunt, qui liberis suis alendis educandisque im- *dis paupe-*  
pares sunt, aut & moriuntur orphanosque relinquunt summæ *rum liberis.*  
inopiæ ergo morituros, nisi aliorum beneficiis alerentur: illa  
cura, quæ civium propagationem per liberos eorumque edu-  
cationem requirit (§. 271.) præsertim in ordine inferiori infi-  
moque (§. 274.), postulat quoque, ut pupilli egeni educantur (§.  
741. P. VIII. Jur. nat.) publico ære in brephotrophiis & orphanotro-  
phiis (§. 742. *ibid.*), & ut in scholis pauperum gratis instituan-  
tur (§. 744. *ibid.*).

Paret inde peculiaris pauperum usus in civitate, ratione nu-  
meri civium conservandi & augendi. Si enim vel id tantum  
possent, ut civitati liberos procrearent, non tamen inutiles, vel  
ob solum hunc usum censendi essent. Sic fuci in alveari non  
alterius usus gratia dari solent, quam ut soboles obtineatur api-  
um, fecundata matre, regina apium; & tamen propter eun-  
dem admodum sunt necessarii, non minus ac ipsa regina. Est  
quidem pauperum liberorum educatio onus civitatis, sed salutis  
ipsius causa necessarium, nec ideo defugiendum. Quatenus in-  
opes parentes honeste liberos in matrimonio procrearunt, ho-  
netteque publico sumtu educantur, merentur utique, ut ad di-  
scendas honestas artes adhibeantur, ad quas apti sunt, & impul-  
su naturæ feruntur.

## §. 276.

Neque illegitimæ prolis educatio in civitatibus negligenda *De prolis il-*  
est, sed certis legibus legitimæ equiparanda, quatenus illud civitati est legitima edu-  
expediaturum. Dicuntur enim liberi illegitimi quicumque catione &c.  
non sunt nati secundum legem naturæ in matrimonio,  
sed extra matrimonium, uti spurii ex stupro, adulteri-



ni ex adulterio & vulgo quæriti ex promiscuo concubitu  
 nati (§. 537. P. VII. Jur. nat.). Jam si horum mater certa est,  
 & prolem alere utrumque possit, utique naturaliter ad id obli-  
 gatur, & obliganda est in civitate ad ejus educationem, æque  
 ac pater si is deregi possit (§. 546. *ibid.*) & (§. 270. & 277.).  
 Quia tamen liberis imputari nequit quod non fuerint in matri-  
 monio nati (§. 545. P. VII. Jur. nat.) nec liberi propter paren-  
 tes puniri possunt (§. 665. P. VIII. Jur. nat.): quatenus paren-  
 tes in liberis sunt puniendi (§. 668. *ibid.*) scopo civitatis conve-  
 nit, ne sint ejusdem conditionis ac liberi legitime procreati.  
 quatenus vero infimus aut inferior civium numerus per eos au-  
 augendus, idque intelligitur e re civitatis futurum esse, eate-  
 nus certis legibus ad instar legitimorum ad honesta vitæ ge-  
 nera sunt admittendi. Sive ergo parentes emendati id petant  
 sive instituto reip. melius educatis hoc indulgendum censeatur,  
 procuranda illegitimæ prolis educatio ita comparari potest, ut  
 legitimæ proli æquiparetur, quatenus id augendo civium nu-  
 mero profuturum esse constat.

Moris antiqui est, ut tanquam legitime nati tractentur in ci-  
 vitate spurii propter subsequens matrimonium, propter recti-  
 ptum principis, propter privilegium brepho & orphanotropho-  
 in quod recepti, eodemque educati fuere, quod privilegium  
 jubet liberos in eo educatos pro legitimis haberi & ingentem  
 sive de eorum legitimis natalibus constet, sive minus. Cuius  
 modi privilegia passim in civitatibus prostant, usumque habent  
 indubitatum. Spuriorum celebrium in civitate & imperio  
 exempla non ignorantur.

## §. 277.

Occurren-  
 dum noxis  
 liberorum

Negari tamen nequit, naturalem cives propagandi augendique  
 modum multo plus valiturum esse, si negligentior cura partus, variorum  
 rum aliorumque morborum noxa, quantum fieri potest, e civitate pro-  
 scri-

scriberetur. — Docent indices morientium in civitatibus accurate in partu, variolae, maximam hominum partem mori intra annos infantiae, variolis &c. pueritiae, adolescentiaeque, & quidem in partu & variolis potissimum. Docuit vero quoque jam obstetriciae promotae & insitionis variolarum artificium effecisse, ut perpauca in difficili partu & variolis bene applicatis curatisque mortem oppeterent, itaque multum diminui possit, haec liberorum jactura. Qua propter cum nascendis & natis in civitate hominibus conservandis magna impendenda sit cura (§. 261. seq.), & qui e mortis faucibus quasi eripiuntur ac a contagiis immunes praestantur (§. 264.), insigniter faciant ad perpetuandum augendumque civium numerum; patescit, naturalem homines in civitate propagandi augendique modum insigniter adjuvari & perfici posse, si ars medica, chirurgica & obstetricia subinde melius perficiatur in tollendis impedimentis partus difficilioris difficillimique, quibus puerperae cum prole multae extinguuntur, item in variolis similibusque morbis minoris aetatis, quantum fieri ope humana potest domandis & solito adhuc discrimine vitae, & solita voracitate liberandis (§. 264.).

Incumbere in hujusmodi cimelium generis humani deberent & academiae scientiarum, & rei medicae chirurgicaeque periti, & praemiis provocandi ad inventionem salutarium remedium ministeriorumque in omni genere morborum praesertim frequentiori, eorumque causis tollendis ac praeventendis. Si solis variolis  $\frac{1}{7}$  hominum perit, & ope insitionis vix  $\frac{1}{107}$ , planum est, quanti sit hoc remedium & quod omnino oprandum esset, ut pars medicorum potissimum in liberorum salutem incumberet, publicisque sumptibusque alerentur qui ea in arte excellunt, ut pauperum liberis gratis mederentur.

## §. 278.

Lente quidem procedit naturalis civitatum propagatio, eo tamen Propagatio est praestantior, quod ordinario modo ubivis terrarum cuilibet sufficit civine sobolis vita qualibet ci-

*vitas sibi  
sufficit.*

*vitati, omnibus, uti par est, in officio manentibus.* Nil melius in civitate excogitari potest eo, quo ipsarum quaelibet sibi sufficit (§. 31. *seq. P. I. Polit.*), neque quidquam est certius, quam unamquamque civitatem in officio suo debere manere ne ullam aliam lædat (§. 476. *seqq. P. I. Polit.*). Nam unaquæque id aliis debet quod sibimet ipsi (§. 156. *Jur. Gent.*), hinc & aliam quamque diligere debet ut se ipsam (§. 161. *ibid*) ejusque felicitatem omni studio adjuvare, infelicitatem autem pro viribus avertere (§. 162. *ibid*). In quo officio si maneat quaelibet civitas ut par est & fieri propter immutabilem Juris naturæ obligationem debet (§. 130. *P. I. Phil. pract. univ.*), manifestum est, quod generi humano per omnem terrarum orbem ex uno hominum pari procreando diffundendoque sufficit huc usque per tot millennia, idem illud, nempe propagationem naturalem debitamque educationem, quoque in posterum educatione maturata præsertim cuilibet civitati ad numerum civium ordinaria conditione suorum conservandum augendumque quantum opus est, suffecturam, non obstante lento progressu esse.

Dux sunt conditiones, a quibus suspenditur hoc dogma ordinarius & plerumque obtinens rerum humanarum status. Si homines eorumque rectores in civitatibus non recedant ab officio suo. His enim positis nihil sapientius ad justam civitatis copiam, & profuturam ipsius amplificationem multiplicatam nemque dari excogitarique posse, quilibet sentiet, qui meditari eam rem penitus studebit. De eo igitur, quod mutato ita rerum naturalium ordinario in extraordinarium, aut quando una vel altera civitas erga se aliasve contra officium suum agitur, constituendum salutis publicæ causa sit, nunc nondum disputetur. Cæterum non sine gravi ratione multum temporis requiritur ad generis humani propagationem, educationem & mediocrem multiplicationem, profundior meditatio dignitatis ejusdem. & scopi nobilissimi ad gloriam majestatis divinæ amplificandam.



meliusque, quam aliter fieri posset, illustrandam, sapientiores haud difficulter docebit. Minoris enim dignitatis res viventes, quas plantas vocamus, maxima ex parte intra annum & brevius suam absolvunt propagationem stupendamque multiplicationem. Quæ majores fieri & durare diutius, pluribus usibus adhiberi debent, ad id ipsum quoque longiori indigent ætate & majori ad incrementa quælibet obtinenda annorum numero. Sic & bestię omnis generis citius & copiosius nascuntur pleræque & adolescunt, & emoriuntur rursus quam homines, tanquam ignobilioribus finibus destinatæ. Perfectioresque majores & longiori ævo destinatæ pariter nonnisi majori annorum numero id perfectionis assequuntur, quod capere valent. Mirum igitur non est, nobilitatem humanæ naturæ itidem optime per gradus & lente ad illam adspirare præstantiam, qua omnes bestias antecellit & antecellere debet.

## §. 279.

*Si qua necessitas urgeat citiorem numeri civium acquisitionem vel redintegrationem, aut in ipsa civitate, aut extra ipsam in aliis civitatibus ea erit quærenda, pactoque peragenda. Etenim si quis civitati obortus sit defectus hominum, ad obtinendam salutem ipsius necessariorum, is erit sapienter tollendus (§. 247.). Quare si id modo naturali, lentius procedente (§. 278.), fieri nequit, propter necessitatem citius supplementum urgentem: opera danda erit, ut illud supplementum alio quodam modo obtineatur. Cum per se pateat, illud in hoc casu ex adultis hominibus petendum esse: illi quæri non poterunt, nisi vel intra vel extra illam civitatem; ideoque in alia quadam civitate utrumque autem non nisi pacto fieri poterit (§. 701.). Ea propter si qua necessitas urget repentinam numeri civium instaurationem, ea aut in ipsa civitate aut extra eandem in aliis civitatibus erit quærenda, pactoque consequenda.*

*Vnde repentina civium instauratione petenda?*

Si opus esset illustratione hujus disjunctionis, ponamus horum esse rigida hieme majori parte arborum frugiferarum orba-

tum. Quoniam tamen aliqua pars arborum restat, atque interest domini, ut repente reparetur damnum arborum fecundarum, nemo aliter statuere poterit, quam reparationem peti non posse, nisi vel ipsomet, vel ex alieno horto locove, aptas arbores suppeditaturo. De posteriori casu quis est, qui dubitaret? Priori ratione id fieri posse patet, si cogitemus superesse arbores aut seminarium, quibus turculi feliciter inferi possint, aut unde ablaqueando haberi possint novæ arbores fructus suos prope diem daturæ. An in civitate aliqua ratio supersit, sine auxilio alieno, urgente necessitate, jacturam civium aliquatenus reparandi, jam erit inquirendum.

## §. 280.

*Venia ætatis  
merentibus  
concessa.*

Ex ipsa civitate reparari jactura civium ætutum poterit, si venia ætatis detur his, qui non multum absunt ab ea ætate, quam lex civibus admittendis requirere solet; eamque merentur. Etenim non solent ad civitatem admitti, nisi qui eam adepti sunt ætatem, in qua tantum non omnes maturo gaudere solent judicio (§. 219. not.). Non solent tamen deesse, qui merentur citius admitti, quia viribus mentis & corporis vulgarem hominum modum supergrediuntur. Licet ergo horum causa exceptionis non sit opus, dum nulla id urget necessitas; aliter tamen statuendum erit urgente hanc exceptionem necessitate (§. 279.). Quamobrem, urgente necessitate repentinam jacturæ civium reparationem, fieri illa ætutum ex parte poterit venia ætatis his concessa, qui eam merentur etiam propterea, quod non multum absunt ab ea, quam lex requirit, ætate usitata.

Solet quoque ob privatas rationes venia ætatis iis indulgeri, qui illam merentur & expetunt. Majori igitur jure ob rationes publicæ salutis innexas venia ætatis concedendi erit illis, quibus civitas & indiget, & recte uti ut civibus potest. Nec opus est ut expectentur ipsorum preces, sed sponte oblato hoc beneficio invitari vel adigi poterunt, ad jus civitatis acquirendum.

## §. 281.

## §. 281.

Cum incolæ non sint cives, nec horum liberi, quos in- *Cooptatis in-*  
 quilinos dicamus, ut liberti & libertini discernantur (§. 202.). *colis, boëthis*  
 neque civium boëthi aut tirones, neque mercenarii & servi *mercenariis*  
 (nos. *ibid.*): illi quoque citra necessitatem civium numero non *servis.*  
 sunt adscribendi. Vrgente tamen duro necessitatis telo, me-  
 rentibus id præ cæteris idoneis viris ex horum numero civita-  
 tem recte donari, variis comprobatum est exemplis *In casu*  
*ergo necessitatis idoneos quoque incolas & inquilinos, civium boëthos,*  
*mercenarios libertos, milites & servos in civium numerum copiosius reci-*  
*piendos esse largimur.*

Non abhorret ab usitato cives augendi modo praxis, adiutores  
 seu socios opificum, artificum, mercatorumque inter candidatos  
 civitatis referri, eademque potiri, quando civitas eorum desi-  
 deriis gratificandum ducit. Nil novi ergo tunc contingit, quan-  
 do eorum solito major copia in numerum civium recipitur.  
 Quod cum pariter incolis inquilinisque, item mercenariis, mili-  
 tibus & servis, a mancipiorum sorte diversis denegari non so-  
 leat: & ex his majorem solito multitudinem in civium sortem  
 evehi urgente necessitate excusatur facile, si qua opus sit excu-  
 satione. Non ignorantur casus & tempora, ubi vel mancipia  
 manumissa & civitate donata sunt exigente id civium penuria.  
 Mansere tales, ut par fuit, in infimo civium ordine, saltem in  
 inferiore aliis, prout res & ratio suasit. Ex medio ordine ob-  
 eandem quoque rationem in superiorem seu nobilem & patri-  
 ciorum ordinem allegi & transferri consueverunt, qui pro legi-  
 bis civitatis tanti sunt, ut eo adspirare possint. Quod exemplo  
 reip. Venetæ & aliarum planum est, quæ antea recensuimus,  
 & præterea passim occurrunt.

## §. 282.

Viri inter viros dantur animi effeminati, ita inter femi- *Virorum lo-*  
 nales viriles occurrunt virtutes viresque & habitus corporis. *co an & fe-*  
 (Wolffii Politicæ P. II. C. II.) *7.2* Neque



*mina adhi-  
bende?*

Neque civium viduæ desinunt esse cives, quanquam publice non possunt quidquam agere sine autore, sed propter sexus infirmitatem & rerum forensium ignorantiam in perpetua veluti tutela habentur. Quia tamen prostant imperia & regna, quibus feminae præfuere & præsunt etiam nunc; quia feminae quondam fortiter contra hostes pugnarunt, & quaedam viri vestitu animoque insciis commilitonibus & præcelsis militibus egere: non omnino alsonum esset, si casu necessitatis variorum loco regeretur ex mulieribus sortitionibus exercitatus in armis Amazonum noster sagittis exercitus, cui & feminae quæ duces atque præfide aut militis satis perire. Quæ si fortitudinis merito civibus interirentur, forentne idem ac si milites donarentur civitate? Si micerentur in prælio viris virili lago indutæ, quando pauciores essent, nescio an id longe deteriori loco esset habendum, quando dum feminae literatæ disputant aut docent inter viros eruditos eorundemque more, præscriptis tantum libidinis & lascivie vitis.

Multa habentur in historiis antiquis de Amazonum exercitiis, rebusque fortiter gestis, quæ in medio relinquo, & propter argumenta, quæ non sunt huius loci, fere fabulis accensum puto, natis fortassis ex quibusdam feminarum virilium fabulis, quibus cetera attestare in promptu sunt. Decere simul videretur autores illi, ad quos usus sexus sequior saltem in necessitate casu adhiberi posset. Reprehendi præter alios & monachos a quibusdam constat vel propterea, quod miliones virorum procreanda sobole non ob rationes physicas, sed ordinis legem avocantur, quibus quidem religiosarum in cænobis numerus non æquatur, nec optandum est, ut æquaretur, etiam si eorum numerus non sit exiguus. Sed disceptandum aliis relinquo, an militum numerus multo sit minor futurus, qui pariter in caliditate vivere coguntur. Equidem alii respondent, non esse hoc caliditas adeo steriles, ut non multa fecunditatis suæ specimina ubivis terrarum relinquunt. Non contradixerim rerum referre

monii, longe tamen infra matrimoniorum prolem positus; sed illud interrogarem, possentne milites pacis tempore præsertim tam frequentibus gaudere matrimoniis, ut furtiva illicitaque venus, numen exercitui iratum & adversum pariens severe proscriberetur, & exercitus ab ipsis militibus propagaretur augereturque, ne aliunde legendis ære haud exiguo militibus opus esset? Sed unde inquis tot uxores alerentur? aliæ domi laboribus femininis, ut vulgo fit; aliæ in exercitu lorrices & coquæ essent; aliæ stipendia sagatæ inererent, quarum animus virilis; sive ut cohortes separatæ, sive potius ad latera maritorum suorum se mutuo defendendo, & ad præclara incitando. Facile experientia ostenderet, utrum virtuti augendæ & vitiis cavendis satius esset.

## §. 283.

Deinde ad repentinam civium acquisitionem faciunt præter privilegiorum illecebras ipsæ emigrationes civium ex aliis civitatibus. De Aliunde emi-  
invitamentis per privilegia in hoc casu eadem valent, quæ su-  
gra exposita sunt (§. 250. seqq.). Quæ privilegia eo seu majore  
esse debent, seu plura, quo major advenarum convenarum-  
que frequentia desideratur, & ut longe lateque innotescant, promulgatio eorum procuranda (§. 466. P. I. Polit.). Enimvero non facile sic tanta obtinebitur copia civium, quam si ut olim integrarum gentium migrationes dabantur, ita jam emigratio numerosior quacunque de causa contingat, & emigrantes pro civibus recipiantur. Quare cum erga exules & emigrantes misericordia sit exercenda (§. 150. seqq. Jur. Gent.) si repentina civium copia opus sit, emigrantes atque exules ex aliis civitatibus eo lubentius erunt recipiendi, quo minus delictorum & criminum rei deprehenduntur (§. 465. P. I. Polit.).

Est quidem & illis exulibus, qui criminis aut delicti causa seu aufugerunt, seu proscripti sunt, jus alicubi habitandi (§. 14. Jur. Gent.) ob quod & recipi possunt, nec ibi puniendi sunt (§. 151. ibid.), modo spes emendationis non decollet (§. 148. seqq. ibid.).

*ibid.*). Inprimis tamen vel insontes, vel ob culpam & errorem ejecti e civitate, aut sponte emigrantes recipi merentur. Cujusmodi casus haberi solent, quando milites copiose finito bello dimittuntur, nec in ea civitate habeant, unde subsistant; si ob calamitatem publicam, v. c. summam annonæ penuriam, inundationem regionis, pestem &c. abundum ipsis sit; si religionis causa ab adversariis non videntur esse tolerandi. Cujusmodi emigrationes Salisburgensium in recenti memoria versantur. Pristinæ vero migrationes gentium plurimæ non ad supplendum civium cujusdam regionis numerum instituebantur, sed potius ad expellendos cives antiquos aut trucidandos eorumque sedes & fortunas occupandas comparatæ erant, nec reducendæ sunt in cultiorem terrarum orbem.

## §. 284.

*Aut abundantes con-*

*tractu aliunde querendi.*

*Nonnunquam contractu interveniente alia civitas alii abundantes sibi cives tradere potest, si is sapienter ineatur.* Quando enim civitas abundat civibus, numerus civium illius est minuendus quia justo major ipsi non est profuturus (§. 239 & 241.). Quocirca si abundantes cives alii civitati permittere velit, id ipsi liberum erit & consultum. Fieri id poterit contractu donationis, aut permutationis, verbi causa ea lege initæ, ut si quo casu in posterum illam abundare, & alteram laborare penuria civium contingat, par pari sit referendum; aut alio de quo conveniri poterit, contractu. Sapienter igitur, ut e re esse videtur, ineundus foret contractus, ad abundantem alterius civitatis aut plurium copiam nanciscendum.

Donatio civium civitati deficienti optatior cæteris acquirendi modis continget, si illa adquiri possit. Commodatio ad tempus concessa etiam benefica erit censenda, neque indicata permutatio, aut similis alia, multum a donatione recedet. Onerosior foret emptio, si a barbaris nationibus captivi, aut mancipia venaliuario more aliis vendantur; ubi tamen aliter consuli civitati non poterit, suo usu non caritura.



## §. 285.

*Si qua terra aut insula habitata periculum ab inundatione aut* Quando per-  
*terre motibus vulcanisque vomentibus extremum passā habeatve metuen-* suadenda se-  
*dum, ejus cives commode invitari & persuaderi ad eam derelinquendam diū dere-*  
*poterunt a civitate, cui cives desunt.* Rarior quanquam hic casus, *licitio?*  
 & per se perspicuus non plane silentio prætereundus fuit.  
 Neque enim omnes modi, civium defectum tollendi. possunt  
 esse ejusdem census, copię & frequentię, neque ubivis lo-  
 corum obvii; sufficit suis locis temporibusque illos esse reip.  
 salutare. Id quod de hoc nostro nemo infitias ibit.

## §. 286.

*Quod generatim de civium penuria tollenda dictum est, idem De supplē-*  
*quoque de defectu in quolibet vitę genere supplendo tenendum.* Indi- do defectu  
 get enim civitas omnis varii generis civibus, ordinariis & ex- *particulari.*  
 traordinariis (§. 216. & 222), imperantibus & subditis, no-  
 bilibus & ignobilibus, sacri sæpissime, oppidani & rustici or-  
 dinis (§. 225), nec non militaris (§. 236). Si ergo contin-  
 gat, ut vulgarium quidem civium copia ipsi suppetat, quanta  
 indiget salutis suę causā; sed in hoc vel illo peculiari vitę ge-  
 nere v. c. in metallis & mineralibus e terrę gremio indagan-  
 dis, eruendisque, in re nautica & struendis navibus, in alia  
 denique scientia & arte ipsi vel desunt prorsus. vel excellentes  
 magistri, alios erudituri: nemo dubitat, quin & hujusmodi  
 civium defectus sive aliunde accersitis supplendus sit secun-  
 dum §. 283 seqq., sive indigenę præmiis excitandi sint &  
 peregre mittendi, ad discenda ea, quibus opus est ad salutem  
 publicam, & ad æmulandos ea in re exteros (§. 367. & 422. seqq.  
 P.I. Polit.).

Quis nescit, hoc pacto Petrum I. Russorum imperatorem fe-  
 liciter multa instituisse utilia in amplo Moscovię imperio, qui-  
 bus olim destituebatur? Quæ & posteriori tempore succedentes  
 ipsi

ipsi in imperio non continuarunt tantum, sed & amplificaverunt & subiade amplificare pergunt. Neque aliter ad alia regna traductæ sunt artes & scientiæ exterorum, antea in ipsis ignoræ. Qua via insigni cum successu hæcenus inita, eundem erit quoque in posterum civitatem suam aucturis iis civibus, unde salus publica majora capiat incrementa.

## §. 287.

*Defectus vera religionis civium similiter tollendus.*

Si in rebus vulgaribus quæ defunt civitati comparandæ sic esse, ut diximus, nemo dissitetur, & primariæ saluti civitatis primaria debetur cura civitatis (§. 50. seq. P. I. Polit.), numquam dignius civitatibus fieri posset, quam p. præter curam salutis secundariæ quælibet & vera reli. tum naturalis, tum revelata foret. prædioissima, rejectisque sectarum præjudiciis unica litaret veritas. ut erroribus solide reprobatis sensimque diminutis, quibus deest, humanissimis, concordia quanta posset obtineretur usquequaque? que enim aliis opus esset subsidiis, quam ut sinceræ salutis religionis studio illius doctores audirentur placide, legenturque, & mitterentur indigenæ ad externos, ubi illa floret. eam, velut olim scientiæ & artes philosophicæ, mathematicæque, ad quas mechanicæ referuntur, secum domum vocarent, suosque cives illius ardore inflamment, & cupidos illius imbuant, uti olim factum est, scientia solida & virtutibus se ipsas cæteris civibus commendaturis (§. 372. seqq. P. I. Polit.).

Mirumne videatur, in rebus ad salutem secundariam facientibus, civitates facile conspirare in scientiis & artibus eorum discendis & in suam civitatem adfiscendis, in gravissimis vero momenti rebus circa modum salutis æternæ adipsas tantæ regnare & tam funesta civitatibus dissidia! Quæ dissidia quum evidentissime monstrantur contradicentes sibi invicem sententias idem illud esse, quod forent dissidia in rebus ad salutem secundariam facientibus, v. c. si qua civitas scientiis & artes damnet, ejusque professores puniret, quas plurimæ alie

aliæ valde salutare esse experiuntur: uti hæc dissidia merito tolluntur, sublatis ignorantia & errorum caliginibus offusis, ita illa quoque simili ratione essent eliminanda. Neque enim hæsitari potest, inter ea, quæ sibi contradicunt, plura quam unum verum esse non posse.

## §. 288.

Quia illa civium copia justo minor est, quæ non sufficit ad omnia illa consequenda, quæ major eorum numerus præstare posset (§. 239): quamdiu præstans civium copia sufficit ad omnia ea præstanda, quæ major præstare posset, tamdiu illa justo minor non erit censenda. Quare si annis fertilibus tanta esset annonæ abundantia, ut multo plures cives inde alii posset, non sequitur ullam civium copiam esse justo minorem pronuntiandam: cum abundantia reservanda sit in annos steriles, & quæ reservari nequeunt vendenda sint, ut pecunia aliis ulibus necessaria adquiratur, vel ut alio tempore annonæ penuria emitione aliunde sublevari possit. Ex his igitur, & generatim ex rationibus infirmis temporariusque justo minor civium numerus æstimandus non est.

Plures dari possunt rationes instabiles, quæ videntur justo minorem civium numerum arguere, atque fallunt. Ponamus, quoniam illum ideo talem statuere, quia alibi in æquali regione multo plures florent cives; sed ipsum non attendere ad illas rationes, cum internas tum externas, quæ illuc ibi faciunt, alibi vero desunt. Nonne neglecta dissimilitudo rationum falsum pariet iudicium? Neque enim idem civium numerus cuicunque civitati justus est (§. 237.) etsi regiones forent æquales (§. 234.). Cives validiores, robustiores, & cultiores unius civitatis cetera alteri pariter ad multa præstanda sufficient, quam major numerus alterius civitatis debiliior incultiorque inde quoque ineptior ad civitatem beandam tuendamque. Ita si belli tempore civitas parva sibi non sufficiat contra hostium insultus, ejus



ejus cives ob hanc rationem temporariam non erunt numeri justo minoris, sed aliis modis sibi contulere debebant (§. 138. P. I. Polit.).

## §. 289.

*Criteria justo*

*minoris civi-*  
*um numeri.*

*Si data civium copia constanter impar sit debito flori naturæ artisque ibi excolendæ, e quæ defensionis, quam justus numerus esset præstiturus, ea juxta minor erit et aliena.* Justus enim civium numerus sufficit singulorum naturæ & artium thesaurorum florentissimæ culturæ, constantique ab hostibus securitati (§. 246.). Hinc qui non sufficit dictis communibus bonis consequendis is erit justo minor (§. 239.). Sed ea civium copia, quæ constanter impar est debito flori naturæ artisque ibi excolendæ, eique defensionis, quam justus numerus esset præstiturus, ea non sufficit suo fini consequendo. Si ergo data civium copia constanter impar est debito flori bonorum naturæ & artis consequendorum, eique defensionis, quam justus civium numerus esset præstiturus, illa non nisi juxta minor & inopia erit statuenda.

Ne obscurum videatur, quod de constanti imparitate hic perhibetur, cum status civitatis semper sit mutabilis & inconstans. Notandum est in ipsa vicissitudine status civitatum, quod plerumque obrinet, seu medium quoddam servat inter mutationis extrema rarius incidentia, pro constanti norma habendum esse. Ad hoc enim respiciendum, & huc comparanda sunt instituta perpetui usus. Quæ ab his aliquando recedunt in quodam seu defectu seu excessu; illa ubi occurrunt, facilem reperient medelam. Quod ut quodam exemplo explanetur, esto ordini sacro tam paucos esse consecratos, ut vel nimio labore brevitertempore conficiantur viribus fracti & exhausti, vel si ab illo abhorreant & muneris sui partes negligant, male erit civibus, per ruditatem deficientemque diligentem inspectionem exhortationemque degeneraruris in suam non tantum, sed & civitatis perniciem. Conf. (§. 286.).

## §. 290.

Percurrendo rationes, quibus iusto minori civium numero medendum est (§. 279 seqq.), patebit, illas sæpe non esse in potestate civitatis, quæ illa reparatione indiget. Proinde quanta fieri potest cura cavendum est, ne opus sit hisce remediis. Quod continget, si causis occurratur, unde isti defectus nascuntur. Scrutandæ ergo sunt causæ istiusmodi civium læturæ, illisque sapienter fores obstruendæ sunt. Quæ cum in conservando perpetuandoque iusto civium numero jam sint exhibitæ cum suis antidotis, relinquitur, *tisdem modis*, quibus *iusta civium frequentia* prorogatur perpetuaturque, simul caveri, ne defectus *debitæ civium frequentia* facile oboriatur, & quatenus evitari nequit, simul suppleri eundem.

Si iusta est civium frequentia, eadem simul iusta minor esse nequit (§. 27. Ontol.). Quare quisquis curat, ut iusta illa sit & maneat, is simul curat, ne sit & evadat facile iusta minor. Modi igitur obtinendi & perpetuandi iustum civium numerum non possunt non simul esse modi cavendi, ne evadat iusto longe minor, ita scilicet, ut tantæ omnium salutis, quanta haberi potest valde impar evadat. Neque enim statim vulgarium civium qualiscunque lætura civitati perniciosa est, sed ea demum, per quam constanter salva manere & fine suo potiri nequit.

## §. 291.

*Abundans civium* & *incolarum numerus ipsa abundantia sua salutis publicæ officit*. Abundans enim civium incolarumque numerus tantus est, ut per eum nec singulorum nec universorum salutis satis consultum esse possit (§. 239.). Ipsa igitur ejus abundantia impedit salutem publicam, & qua singulorum, qua universorum salutis adversatur seu obstat, quo minus ea ita obtineri possit, ac per numerum iustum. Sic propter abundantiam civium & incolarum eorum salus tanta esse nequit, quanta esse posset ac deberet (*ibid.*), ideoque abundans civium

vium numerus ipsa sua abundantia salutis publicæ & privatorum impedimento est & nocumento.

Aequè nimium rebus humanis nocet ac parum, vel æque excessus obest ac defectus, ubicunque iusta requiritur mensura & proportio. Quæ cum in civium numero pariter requiratur (§. 231.), manifestum est, in civium numero quoque abhorrendum esse ab eo, quod nimium est. Cujusmodi est omne id, quod impedit, quo minus tanta esse possit civium omnigena prosperitas, quanta in iusto civium numero haberetur. Quod si clarius ostendendum est, ponamus iustum civium esse  $n$ , et excessum illius  $\frac{n}{4}$ . Deerit sic iusto numero quarta pars reddituum, si illi pro parte quarta accessioni huic cedunt. Jam quidem ditioribus decrementum quartæ reddituum partis non afferret multum detrimenti, quia hoc reliqua abundantia opum facile sarcietur. Si tamen diu dureret id detrimentum, quotannis  $\frac{1}{4}$  decedens sensim divitias notabili summa minuet, & ubi copia parum excessus habuit, prorsus tollet. Ei quippe, cui reddituum quotannis abundavit, nihil nunc supererit, sed consumantur omnes. Cui  $\frac{1}{8}$  superfuit, ei jam quotannis deerit pars octava. Hinc si illa pars octava desit necessitati, ipsi quovis die octavo erit cum suis jejunandum aut mendicandum. Quibus quarta pars reddituum in mediocri statu deest, iis necessariorum victus præsidiorum  $\frac{1}{4}$  deerit, ut quarto quoque die ipsis sit esurendum. Quibus esurire non libet, illi ditioribus molesti erunt expetendis vitæ præfidiis, aut furtis vel violentis modis, latrociniis &c. Et quid de pauperibus fiet, quibus ne quidem necessaria in iusta civium copia suppetebant. Patetne sic civitatem nec singulorum, nec universorum salutem recte prospiciendam esse, sed subinde deterioribus involvi fati & interituras, nisi abundantia medela paretur.

§. 292.

*Civium*

*abundantia*

*sapienter mi-*

*nuendur.*

*Si civium incolarumque numerus abundat, is sapienter est minuendus. Si civium atque incolarum numerus abundat, is est iusto major (§. 239.), ideoque ipsa sua abundantia salutis civitatis*



tatis obstat (§. 291.). Dum abundantia nocet saluti, & impedimenta salutis vitanda sunt atque abroganda (§. 195. P. II. Phil. pr.un.) abundantia erit tollenda. Atqui justus civium numerus in civitate est necessarius (§. 230. seqq.). Eo usque igitur tollenda e medio est abundantia, donec justa relinquatur frequentia civium (§. 250.). Quod dum fit, numerus sapienter minuitur. Planum igitur est, si civium numerus abundat, eum sapienter esse minuendum, vel ad justum numerum esse reducendum.

Non nisi justa civium copia fini civitatis consequendo sufficit (§. 230.). Numerus ergo, qui justo est major, eidem non sufficit sed officit. Curandum igitur ut justus evadat. Sed hoc fieri nequit, nisi tollatur abundantia, eaque sola. Sola ergo abundantia sublata, justus restabit numerus, vel reducetur numerus antea justo major ad justum. Qua in re sapiens diminutio numeri abundantis unice consistit, scilicet ut sublatis abundantibus minor eo usque fiat, donec sit justus.

## §. 293.

*Abundantia civium & incolarum vera non erit, nisi quando Criterium civitas propter solam abundantiam impar est omnium atque singulorum abundantie debitæ conservationi fortunionique.* Abundantia enim civium & civium. incolarum continet eorum numerum justo majorem (§. 239.). Sed solus justus eorum numerus est is, qui sufficit fini civitatis ex esse consequendo, & cujus saluti propterea par est civitas (§. 230.). Si vero se imparem sentit civitas tanto civium numero, uti par est, beando, nec justis civium querelis medellam æquam reperire potest; omnino hoc rerum statu, viribus civitatis insuperabili, cives in ea abundabunt. Vera igitur civium incolarumque abundantia non aderit, nisi quando civitas propter solam abundantiam impar est omnium atque singulorum debitæ conservationi fortunionique.

Alias removeo causas fortuitas, dum solam nuncupō abundantiam. Neque enim nunc ago de illis casibus, ubi cives quidam violato officio suo se indignos civitate præbuere, ut vel e vita, vel e civitate exturbandi sint. Si istiusmodi scelera admitterentur, eo tempore, quo civitas abundat civibus, merito istiusmodi purgamentis per pœnam liberaretur, itaque aliquatenus sapienter quoque numerus civium minueretur. Sed quoniam idem illud fieri quoque tum debet, quando vel iustus vel iusto minor est civium numerus, ex longe alia ratione, quam non minus cum salute publica cohærente; proprie illud non pertinet ad præsens negotium, ubi una civium abundantia sapientem eorum diminutionem requirit. Criterium ergo nimiae civium frequentiae ejusmodi adducendum fuit, e quo illud plane liqueret. Ostensum enim supra est (§. 243.), cavendum esse, ne judicium de iusto vel injusto civium numero a veritate aberret. Quare uti iusti numeri criterium (§. 246.), iusto minoris (§. 289.), ita hic iusto majoris exhibendum fuit, e quo & civibus singulis & universæ civitati illa abundantia fiat indubitata.

## §. 294.

*Cives abundantes non aliter abundantes in deteriorem sortem ideo detruderentur, ut relictæ sunt detrahendi in statum deteriorem.* Durum esset, nec justitiæ sapientiæque consentaneum, si cives aliter abundantes in deteriorem sortem ideo detruderentur, ut relictæ sunt detrahendi in statum deteriorem. Sunt enim cives & incolæ tales, quorum saluti ex pacto, quo jus civitatis incolatusve consequuti sunt, est a civitate consulendum (§. 203. seqq.). Neque, ut nunc eos consideramus, ullatenus officio suo defuere, ut proprios delicta vel crimina pœnam meruissent, per quam in deteriorem sortem essent dejiciendi sola officientes abundantia (§. 291.). Ea propter æque sunt innocentes ac cæteri cives, itaque afficerentur injuria a civitate eos in pejorem sortem redigente, quod & justitiæ & sapientiæ e diametro repugnaret (§. 926 seqq. P. I. Jur. nat.). Quare cum civium numerus abundans non nisi sapienter sit minuendus (§. 292.), sapientia autem inter-

inter licita præfert quæ cæteris sunt meliora (§. 678. seqq. *Psybol. rat.*) ad quod & naturalis obligatio adest (§. 192. *P. I. Phil. præf. univ.*): utique durum foret, nec justitiæ sapientiæque consentaneum, si cives abundantes ideo in deteriore statum detruderentur, ut reliquis eo melius consuli posset.

Sic repugnaret officio civitatis erga abundantes cives & incolas, si illi in statum incolarum advenarumque, hi in statum peregrinorum detruderentur aut ejicerentur ex civitate. Hoc enim modo non nisi peregrinis, & sub conditione ad tempus tantum admissis receptisve injungi discessus e civitate potest. Civibus autem perpetuum jus civitatis incolis perpetuus incolarum promissus est pacto, quo sunt recepti (§. 6. & 8. *P. VIII. Jur. nat.*). His ergo pactum est servandum, quamdiu ipsi suis parribus proborum civium incolarum inquilinorumque non defunt.

## §. 295.

*Sapiens numeri civium diminutio fieri non debet, nisi ut ipsis* *Diminutio*  
*melius ipsorum consensu consulatur, quam fieri in præsentem ipsorum sta-* *civium ipso-*  
*tu posset.* Civitas enim est societas mutuo consensu civium & *rum consensu*  
*incolarum inita (§. 201.).* Pactis cum standum sit, nisi mu- *facienda.*  
*tuo consensu dissolvenda censeantur (§. 798. & 840. P. III.*  
*Jur. nat.):* civium quoque pactum cum civitate non nisi mu-  
*tuo consensu erit dissolvendum.* Quia ratio ineundi pacti  
 cum civitate communis boni fruitio fuit, quod cives conjunctis  
 duntaxat viribus, sibi invicem præstare possunt (§. 35. *P. I. Po-*  
*lit.):* dissolvendi ejusdem ratio justa vix alia aut melior esse po-  
 test, quam ut ipsis melius, atque in præsentem ipsorum ex pacto  
 emergente statu fieri posset, consulatur (§. 294). Eapropter  
 sapiens numeri civium diminutio fieri non debet, nisi ut ipsis  
 sponte consentientibus in alio statu melius consulatur, quam  
 fieri in præsentem statu posset.



Imminutio civium frequentiae postulat, ut numerus civium minor evadat, ac jam habetur. Quae si continetur, donec justus evadat, sapiens dici meretur (v. 292.). Si ista ratione saluti civitatis prospicitur, æquum est, ut non minus saluti civium prospiciatur. Quod fieri nequit, quam ut praesens illorum status mutetur in meliorem, ipsisque ita arridentem, ut illum sponte malint subire, quam in praesenti manere, aut alium quemquam præoptare. Ita enim sapienter utraque mutatio, & diminutio onerosi numeri obtineatur.

## §. 296.

*Abundantia  
vel est tem-  
poraria vel  
perpetua.*

*Distinguenda est abundantia civium temporaria a perpetua.* Temporaria enim non durat nisi tantisper, quantisper ejus causae fortuitae subsistunt, iisque sublatis vel cessantibus cessat. Perpetua quæ erit, habet causas constantes, neque humana ope amovendas. Illa non nisi brevi tempore dari potest, quo elapso finitur, nec quidquam superflui numeri tum restat. Hæc semel posita causis naturalibus perpetuatur, nisi fortuitas intercedat diminutio, haud facile meruenda admittendaque pro arbitratu.

Si qua oboriatur sterilitas annorum, atque annonæ caritas & inopia ingens cives premat, ut multi vix ac ne vix quidem vitam conservare possint præ alimentorum defectu, adeoque præ fame aut contractis ex insolito alimento morbis contagiosis interimantur, efficiet illa tanquam causa fortuita civitatem ad tempus imparem, alendis fortunandisque civibus suis, quorum numerus propterea tunc censebitur justo major. Sed cum hæc sit nubecula propediem transitura, non opus erit, ut civitatem valde turbet aut angat. Cessantibus enim superatisque illis causis, numerus superfluous dici nequibit. Si vero inundatione maris aut aquarum aliave ratione magna pars terræ sterileseat, ut alendis incolis impar evadat, nec ope humana reparari dumnum possit: manebunt ejusmodi deficientis alimonii causæ, nisi for-

fortuita rursus contagia aut pestilentia tantum numerum hominum e vivis eripiat, ut residuus civitati fiat justus.

## §. 297.

Quia imminutio civium fieri non debet, nisi ut ipsis consentientibus melius consulatur (§. 295.), si temporaria tantum hujusmodi diminutione opus sit (§. 296.), partim permittendum illis pauperculis, qui interim cum suis migrare aliorum velint, ubi melius subsistant, ut libero gaudeant discessu, liberoque reditu; æque ac peregre abeuntibus studiorum aut artium & opificiorum colendorum causa id eodem casu & alias indulgeri consuevit; partim procurari ipsis alibi interea temporis *jus hospitii* potest. Præterea si alia civitas interim egeat auxiliis, concedi potest, qui sponte militem sequi & se patriæ causa in illa perficere cupiunt, vel stipendia merendo, vel suis sumptibus suoque periculo militando. Si majoribus indigeat copiis in bello, & conducere exercitum velit, recte illi locabitur tantus militum numerus, quanto nunc civitas non indiget. Si qua civitas amicis indigeat civium supplemento, illud ipsi ex abundantia alterius commendari ea lege potest, ut posthac in pari casu vicem reddat. Neque oberit in eodem casu quidquam, si illi liberaliter cives dare velit. Si in aliquo vitæ genere tantum abundant cives, in alio deficiunt, cujus generis abundantia alibi habetur; permutatione abundantes utrinque imminuentur vel & ad justum numerum revocabuntur. Quidquid enim in hujusmodi contrahibus mutuo consensu ita conveniet, ut civium abundantium saluti consulatur, id licite fiet & sapientiæ legibus erit conformandum.

In Comitibus Spirensibus A. 1570. procures Germaniæ in decreto §. denselben testantur sub aliis principibus & regibus etiam extra Germaniæ limites militare Germanis semper liberum fuisse: daß es im heiligen Reich deutscher Nation von Alters eine löblich

Iöbliche Gestalt deutscher Freiheit gehabt, um Ehr und Ruhm mit ritterlichen Thaten fremden Potentaten ohn alles Bedingen des Vaterlandes und dessen Zugehörigen zu dienen. Quæ libertas tamen merito limitata est, ne contra patriam, nec in ejus damnum locum habeat, nec invito superiore liceat, quod in eodem decreto notatur. Propter annone caritatem olim Jacobus cum familia sua concessit in Aegyptum; Elimelech abibat in regionem Moabiticam; Sunamus quoque jussu Elisæi 2 Reg. VIII, 16.

## §. 298.

Quid in casu  
dubio con-  
sultius sit?

Quam diu ignoratur, siue causa abundantiae civium perpetua futura, nec ne, utendum est partim iisdem modis, quibus temperant abundantia medemur, partim luxu proscripso frugalitati ab omni beluandam & egenis quantum fieri potest subveniendum. Ingruunt enim sæpe tempora, ubi calamitates publicæ multos cives perimunt, quorum jactura tum per abundantes reparari illico potest, si in civitate commorantur. Consultum igitur & e re civitatis est, si cives abundantes quamdiu commodè fieri potest, in ea retinentur, quamdiu ignoratur, siue causa abundantiae breviter tempore cessatura, aut siue avertendæ calamitatis publicæ causa opus futurum, ut per abundantes nunc, sequutura imminutio civium suppleatur. Quare illi modi, quibus abundantia temporaria sapienter minuitur cum spe recuperandi dimissos (§. 297.) & in dubio hoc casu locum sortientur.

Quoad cæteros vero, qui remansere, opera danda est, ut amoris causis, quibus attenuantur, vel sua culpa deteriori sunt conditionis, meliori sorte fruantur (§. 296). Quapropter pter luxus est proscribendus, quatenus facit ad exhauriendam æmulatione ditiorum mediæ fortis homines, & frugalitate ejus locum surrogata & severe custodita horum res in meliorem loco collocandæ sunt. Opum vero affluentia tum in pauperum operas mercenarias provocandas sustentandasque, tum in liberaliter utendos ejusmodi egenos, qui labori sunt impen-



res. Nulla enim usquam datur civitas, quæ omnis calamitatis expers eodem semper flore rerum secundarum gaudeat. Sed uti in secundis non est superbiendum, & quod tunc superest, reservandum in futuras adversitates: ita quoque in adversis rebus animus non est despondendus, sed patienter ferendo speranda sunt meliora.

## §. 299.

*Vbi perpetuæ emergunt rationes civium abundantie, ibi vel colonie eo erunt mittendæ, ubi istæ civibus usui sunt futuræ, vel jus liberæ emigrationis iis concedendum, quibus in civitate prospici nequit.* Perpetuæ enim causæ sunt constantes, neque humana ope tolli possunt, ubi sunt (§. 295.). Inde abundantia sublata sunt removendæ, qua nocent civitati (§. 291.): quia alias civitas impar manet omnibus beandis (§. 293). Sed si civitas abundantes cives mittit in colonias, duo lucratur commoda, dum & par evadit fortunandis civibus potioribus, quos retinet, & simul meliori sorte donare valet eos seu tenuiores cives. seu emeritos milites, quos in coloniam mittit, eo sibi addictiorem, & ad amplificanda civitatis commoda aptiorem futura (§. 296).

Si vero coloniarum locum non habeant, in aliis civitatibus sibi abundantes domicilium & sedem fortunarum quærere poterunt ut mutuo consensu pactum civitatis tollatur (§. 296.), concedendum ipsis erit, qui alibi meliora sperant, jus discedendi & liberæ emigrandi. Quibus enim favit fortuna, ut lautioris sint conditionis, ii discedere nolent, etiam si possent (§. 257). Quos vero aut offendit fortuna, aut nondum benigne adspexit, illorum abitus civitatis emolumento servit, tantum abest, ut detrimento esse posset, quod relicta bonorum parte esset pensandum. Immunis igitur abitus ab omni detractu imminutioneque bonorum discessuris est indulgendus. Ergo jus liberæ atque etiam viaticis adjunctæ demigrationis civibus

(Wolffii Politicæ P. II. C. II.)

Bbb

abun-

Rationes co-  
lonias insti-  
tuendi & de-  
migrationes.

abundantibus vel offerendum, vel precibus ipsorum tribuendum est.

Athenienses Chersonesum colonos misisse, memoria prodidit. *Nepos c. 1. Miltiadis.* Cujus generis cum magnus numerus esset, multique ejus denigrationis pererent societatem, ex his delectum Delphos deliberatum missi sunt, qui consulerent, quo pontium duce uterentur. Nam tum Thraces eas regiones tenebant, cum quibus armis erat dimicandum. His consulentibus nomen Pythia præcepit, ut Miltiadem sibi imperatorem sumerent. Id si fecissent, incepta prospera futura. Hoc responsum Miltiades cum delecta manu classe Chersonesum est profectus. . . . Ibi brevi tempore tota regione, quam petierat, pontius res summa æquitate constituit, loca castellis idonea communit, multitudinem in agris collocavit, crebrisque excursionibus locupletavit &c. En coloniam non sine insigni periculo ad bellum potius, quam ad pacata loca missam, & feliciter propositum sibi Peloponesum subjiciendi consecutam! Romani pariter per multas celebratissimasque condidere colonias, imperium suum amplificantes, suis civibus coloniarum fidem firmantes, eas tum romanos mores fingentes, & una cives suos fortunantes, in coloniis, tum Romæ caritatem annonæ minucentes. Sciebant eum in finem eligere *triumviros colonie deducenda*, peritos rerum romanarum & autoritate pollentes. Hi denique dirigebantque areas, domos, agros, constituiebant legem, curiam & magistratus. Harum coloniarum aliæ erant romane, quarum cives erant municipes, paræque civibus romanis Romæ quoque; aliæ latine, quæ jure Latii h. e. immunitatis a tributis capitis & soli gaudebant inferiori romano; aliæ italicæ &c. omni generis. Sed Julius Cæsar omnibus dedit jus civitatis romanæ. Sic Gellius *noct. att. L. XIV. c. 13.* Coloniarum, inquit, alia necessitudo est. Non enim veniunt extrinsecus in civitatem, nec suis radicibus nituntur, sed ex civitate quasi propagata habent, & jura institutaque omnia Populi romani, non sui aburi habent. Quæ tamen conditio cum sit magis obnoxia & minus libe-

libera, potior tamen & præstabilior existimatur, propter amplitudinem majestatemque Populi romani, cujus istæ coloniæ quasi effigies parvæ, simulacraque quædam esse videntur, & simul, quia obscura obliterataque sunt municipiorum jura, quibus jam per ignorantiam uti non queunt. Coloniæ immunes dicebantur, quæ nulla pendebant tributa; stipendiariæ vero erant tributariæ & militares, bello occupatæ &c. Si in hunc casum emigrationes religionis causa reservarentur, promptiorem haberent exultationem, cæteris & hac in re ad liberum jus emigrandi conformatis.

## §. 300.

*Si civitas bello infestatur, abundantes commode in bello adhibentur, ut in hostico alantur, & alii re feliciter gesta ibi fortunarum civium numerum reperiunt, alii extinctorum loca supplere possunt; propter minueri causa vero civium numerum bellum ordini infestum, nefas; dubium bellum gerendi periculosum foret. Bello civitatem contra injuriam hostis defendere, officio est consentaneum (§. 629. Jur. Gent.). Quod cum sine multis militibus, eorumque vitæ periculo geri non possit (§. 610. ibid.): cives abundantes, qui aptiores & prociiores cæteris sunt ad militiam, eo rectius ad bellum gerendum adhibentur, cum iidem quoque ex justo, & justo minori numero alias petendi essent. Accedit, quod iis hoc casu rectius in bello consuli potest, quam si nullum esset bellum. Non enim tantum alimenta ex hostium ditione quærere, sed & fortitudine ac felici exitu belli ad honores & fortunam adspirare possunt, ad quam alioqui nullus ipsis aditus fuisset.*

Injustum bellum esse, quod infertur nulla nec facta imminente injuria bello digna, constat ex (§. 618. Jur. Gent.), idque illicitum & nefas esse per ipsum nomen patet (§. 1111. p. I. Jur. nat.). Quare nec homines in civitate abundantes ad suscipiendum bellum injustum adhiberi & invitare civitatem debent.



Si causa belli sit jus controversum, id bello decidere non licet (§. 632 *Jur. Gent.*). Sed si causa belli est dubia, ea redit ad jus controversum. Ergo si causa belli dubia, ideoque ipsum bellum dubium, decisio ejus bello obtineri nequit. Quoniam jus controversum transactione est componendum, si qua pars nullo modo in transactionem æquam consentire velit, bello quidem adigenda ad transactionem esset, modo rationes felicem ejus exitum sperare jubentes adsint (§. 622. *seq. tit.*). Quoniam vero illis non deficientibus belli exitus tamen incertus nec sat probabilis manet, ob alias rationes hominibus sæpe ignotas; vel in hoc casu, ubi transactio tantum extorquenda est, multo magis ubi transactio æqua respicitur, bellum erit periculosum, ideoque potius evitandum & differendum sapienter (§. 265.).

## §. 301.

*Vti imminuenda sobolis procreatio!*

*Minuendi abundantis civium numeri causa matrimonia quatenus per se cessabunt, ob defectum subditorum familiam alendi, alia quæ inhiberi possunt in gradibus consanguinitatis per se non illicitis, aut alibi permitti; illegitima veri sobolis procreatio acrius inhibenda est. Quam admodum deficientis copię civium procreatio sobolis erat agenda rationibus civilibus (§. 270-274): ita abundantis copię hominum causa impedienda atque imminuenda est copior sobolis procreatio. Hoc jam ex parte per se fluit ex ipsa hominum abundantia, quatenus illa vitæ præsidia, & modum honeste rem faciendi minuit, inde multis obstat. quo minus matrimonium inire, ejusque onera ferre possint. Ex parte id promoveretur, cives applicando ad hujusmodi vitæ generis in quibus tantum quisque suæ vitæ subsidia consequi valet, uti plerumque fit in statu militari aliisque similibus vitæ generibus: item prohibendo gradus quosdam cognationis, quilibet & al-*

& alias in eadem civitate permitti solent; aut & prohibendo matrimonia inter homines diversæ religionis, &c.

Quatenus vero ob easdem rationes effusior fieri potest licentia illegitime coeundi & sobolem illegitimum cumulandi; eareus civitatis interest, ut illicitus concubitus, per se prohibendus, eo acrius & severius inhibeat, pœnis in eum finem exasperatis. & pro meritorum ratione irrogatis Si sic copiosior sobolis procreatio impediatur, cum homines, qui abundant, morte sensim consumantur, facillime abundantia civium corrigetur, & ad justum numerum redigetur brevi tempore, ut his subsidiis non amplius sit opus futurum.

Constat ergo multis modis licitis obtineri posse, ne abundantia hominum civitati noceat, ut minime opus sit illicitis crudelibusque modis, quibus olim Pharaon contra Israëlitas grassatus est, enecari iubens omnem prolem Hebræorum masculam. Exod. I, 16. Neque melioris commatis foret expositio infantum olim frequentata. Pariter abhorreret a lege divina vetitum ex matrimonio suscipiendi prolem præter unum aut alteram: quia concubitus solius libidinis causa introduceretur, legi naturæ repugnans (§. 240. P. VII. Jur. nat.). Abhorreret ab eadem castratio sexus masculini, aut turpis prædæstia, præpostera Venus & sodomia; abhorreret sexus sequitoris deductio in statum sterilitatis, procuratio abortuum, destitutio & privatio opis in partu, aliaque commatis ejusdem.

### §. 302.

Fœderatorum civium, qui dicuntur, quia nec cives sunt, nec in- *Hypomnema*  
cola, mentio tantum obiter facienda. Dicunt politici scriptores de civibus  
civem fœderatum, qui ex fœdere jus civitatis in quibusdam *fœderatis.*  
est consecutus; aut extraneum, qui jus civitatis habet etiam si  
in illa non habitet. E quibus abunde patet non esse illum ci-  
vem sed peregrinum, fœderatum tamen seu fœdere aliquid  
beneficii adeptum, quod non nisi civium esse consuevit. Vero

ergo nomine fœderatus est appellandus, & municeps quodam modo, saltem privilegii cujusdam civilis particeps. Quod vero illi fœderati nec cives sint, nec incolæ civitatis, ex eo patet, quia ne quidem constans domicilium in civitate habent, sed quando negotiorum suorum causa instar advenarum sed privilegiorum ibi sunt. Dici ergo melius possunt advenæ fœderati & privilegiarii.

*Bodinus de Rep. L. I. c. 6.* narrat, ejusmodi civitatis communicationem ex fœdere mutuo dari inter Bernenses & Genevenses, qua si quis civitate sua deserta, alteram adire & in ea domicilium constituere velit, confestim civis illius fiat, sine peculiari cooptatione. In eundem censum referebantur civitates hanseaticæ, ex fœdere eo gaudentes privilegio, adhuc vigente, ut natus in una fœderata civitate plenum habeat aditum & munem ad jus alterius civitatis præ cæteris adipiscendum, tanquam fere esset indigena. Helvetiorum fœdus similia his quædam usurpat. Antiquitus indidem cives Gedanenses, Thorunenses & Elbingenses ex fœdere gaudebant jure mutuo mercæ ab extraneis ibi tanquam in sua civitate domum vehendas emendi, suas vero allatas divendendi, non tamen peregrinis extrandinas, sed civibus, aut & eas deponendi. Thorunenses vendunt suas Elbingæ & Gedani in nudinis, prout lubet, & deponunt, quarum emtor nunc non reperitur; vicissim emunt ab Elbingensibus, aut exteris ibi in nudinis obviis, & Gedanensibus, vel in nudinis quoque a peregrinis ibi emerunt, eorum fecum domum deportant. Non esse fœderatos hosce munices, patet ex §. 222. & 229. Neque eos cives privilegarios esse apparet, quia non sunt cives sed advenæ privilegiarii (§. 222) & temporarii (§. 413. *P. VIII. Jur. nat.*). Sed hæc de numero civium sapienter curando. Sequitur cura efficiendi, ut tales sint cives, quales ad salutem publicam ex asse obtinendam requiruntur.



SECTIO III.

DE

SAPIENTI CVRA MENTEM  
CIVIVM PERFICIENDI.

CAPVT I.

DE

Perficiendo civium intellectu, sive de  
perficiendis scientiis & artibus.

§. 303.

**Q**uia non nisi tales requiruntur in civitate homines, qua- *Cur publica*  
les salutis publicæ comparandæ ac tuendæ pares sunt (§. opus *ut cura*  
231.); neque tales per se nascuntur & adolefcunt (§. efficiendi ho-  
232. *Orcon.*): sollicitos nos esse oportet de modo homines ita *mines tales,*  
formandi, uti in rep. requiruntur. Jam quidem parentum *quales in rep.*  
officium naturale huc comparatum est, ut liberos suos rite *esse debent.*  
educare debeant (§. 263. P. VII. *Jur. nat.*). Sed teste experien-  
tia multorum liberorum parentes moriuntur, antequam eos edu-  
care potuerint; alii licet non moriantur, dissolute tamen vi-  
vunt & officio educationis defunt; alii per errorem educatio-  
nem perverse instituunt; aliis tanta est egestas, ut sive vivant  
sive moriantur, impares sint liberis suis rite educandis. Præ-  
terea multi parentes per se non sufficiunt ad liberos suos in his  
instituendos, quibus opus est tum quod ipsi eorum sunt im-  
periti, tum quod ipsis non vacat per alia omnino agenda. Quo-  
nam vero in rep. curandum est, ut conjunctis viribus subsidia  
suppedientur ad satisfaciendum officiis naturalibus, & ut eo-  
rum praxis facilior perfectiorque reddatur (§. 396. P. VIII. *Jur.*  
*nat.*):

nat.): manifestum est, conjunctis quoque viribus enitendum esse, ut cives  
 & generatim homines in civitate evadant tales, quales postulat salutis  
 publicæ comparatio conservatioque quam optima.

Parentum educatio scire privata respicit, quæ quia etiam ne-  
 cessaria sunt in rep. ad honeste sibi paranda vitæ privæ subsidia,  
 ipsis merito relinquuntur, ea tantum adhibita directione, ne  
 aberrant a scopo. Et tamen propter diversitatem ingenii libero-  
 rum, ne in his quidem parentes sufficere liberis suis per se  
 possunt, quum sæpenumero ignorent aut male didicerint ea,  
 quæ liberi melius sunt edocendi. Multo minus igitur ea intel-  
 ligunt & docere possunt, quæ publicorum negotiorum ratio re-  
 quirat, ut sciant & agere possint.

§. 304

Quid ideo  
 exploran-  
 dum?

Explorandum est, quenam generatim, & speciatim pro indole  
 civitatis in ea salutis publicæ causa conjunctis viribus instituenda  
 Etenim in qualibet civitate conjunctis viribus enitendum est,  
 ut homines in illa evadant tales quales postulat salutis publicæ  
 optima comparatio conservatioque (§. 303.). Sed quæ postu-  
 lat salus publica, vel communia sunt in qualibet civitate acce-  
 denda, vel propria, quæ peculiaris civitatis indoles requirit  
 (§. 285. seqq. P. I. Polit.). Hæc vero differunt non tantum ratione  
 genere rerum publicarum; sed etiam ratione specierum, quæ  
 sub illis continentur, siue simplices spectentur siue mixtæ,  
 ratione singularium determinationum, quæ in rebuspp. indi-  
 viduis occurrunt. Quare cum nesciretur, quenam institu-  
 da sint conjunctis viribus, nisi perspecta haberentur (§. 94.  
 Ontol.): Omnino explorandum est, tum quæ generatim, tum  
 quæ speciatim sigillatimque pro indole civitatis in ea salutis  
 publicæ causâ conjunctis viribus instituenda sint.

Notum satis est ex antecedentibus, diversa dari & genera  
 rum publicarum simplicium & mixtarum, & species; & unius  
 cujusque speciei rectæ pariter atque corruptæ innumeras de-  
 pendi.

posse varietates singulares, e diversa regionum climatum & rerum ibi obtinendarum, hominum quoque indole statuque oriundas. Vnde elucet, non posse eadem omnibus convenire, nisi quorum ratio omnis in genere contineatur; reliqua utique pendenda erunt ex indole speciei aut individuo propria, ideoque differrent & differre debent, prout illa exigere deprehendetur.

## §. 305.

*Generatim bona educatio parentum in quavis civitate necessaria* Generatim est, ut liberi tales evadant, quales ad salutem publicam requiruntur & bona opus ut eas discant veritates, artes & scientias, quæ jam & privata & publica est liberorum educatione. In statu naturali bona educatio sobolis necessaria est, ut liberi vitam hominis vivere possint (§. 255. P. VII. Jur. nat.), & ut pares evadant officiis erga Deum, se ipsos & alios præstandis, uti par est & præscriptum lege naturali (§. 255. P. VII. Jur. nat.). In statu civili eadem quoque valent, sed præterea quoque proles ita educanda est, ut vitam quoque civis, uti par est, vivere, salutemque publicam conservare & amplificare possint (§. 303.). Quod quum cuilibet civitati conducatur, ideoque curandum sit, dubium esse nequit, generatim bonam educationem parentibus in quavis civitate incumbere, ut ejus ope liberi ipsorum tales evadant, quales ad salutem publicam requiruntur.

Actum est data opera in *Oecon. Sect. II. c. 2.* de bona liberorum educatione, quæ modos exhibent, eandem ad felicitatem privatam accurrandi. Neque illa præcepta per statum civilem ullo modo tolli possunt, sed potius perfici debent, quantum conjunctis viribus fieri potest. Vti vis unita fortior, sic fructuosior quoque sociata plurium in perficienda educatione opera esse solet. Ipsa quoque vita civilis parentum rite instituta suo exemplo ad discendam vitæ civilis rationem faciem præferre debet. Liberi enim uti vitam hominis, non nisi inter homines, ita civilem non nisi in civitate intueri, imitari & rite adornare possunt.



Veritates, artes & scientiæ, quæ jam inventæ sunt, aliisque & hominibus & civitatibus profuisse intelliguntur, procul dubio aliis quoque & privatis hominibus & civitatibus æque in posterum prodesse possunt. Ea propter opera danda est, ne ignorentur, sed potius discantur & cum fructu exerceri possint. Liquet ergo liberos docendos esse veritates, artes & scientias salutare. ut eas discere, quas didicerunt, exercere, saltem de illis vere judicare possint, ne ab aliis nefarie decipiantur, seducantur, aut damno afficiantur. Veritates ergo, artes & scientiæ, quæ aliis magno usui fuere in futuros similes usus in rep. docendæ sunt, & a liberis discendæ.

Perfacilis est ratio discendi utilia, si adsint aut haberi possint qui doceant. Sed perdifficilis aut vires superans si proprie Marte essent investiganda. Hinc conjunctis viribus procuranda est liberis tam facilis via ad suam aliorumque felicitatem.

## §. 306.

De promovendo parentum officio.

Quæ privata parentum industria fieri possunt, ut tales evadant ipsorum liberi, quales requirantur ad salutem publicam, ad ea tum obsequandi sunt, tum adjuvandi boni; pravi autem parentes impediendi sunt. Et terreni, ne officio suo desint, aut si nolint obsequi, pro meritis boni puniendi. Nimirum quia exploratum habetur, generatim bonam educationem parentum in qualibet civitate esse necessariam, ut tales evadant ipsorum liberi, quales salus publica requirit (§ 305): bona liberorum educatio per parentes in civitate, quantum fieri potest, promovenda est (§. 303). Hoc autem fieri aliter nequit, quam si parentes ad illa rite obligentur, quæ privata ipsorum industria obtineri possunt, & promittuntur ad officium suum in eodem adjuvantur, nec ab aliis impediuntur; cæteri autem officium suum negligentes a pravitate sua absterreantur, & si obsequi nolint, poenis subjiciantur pro meritis (§. 395. P. VIII. Jur. nat.). Opus ergo est, ut parentes ad bonam

bonam liberorum suorum educationem obligentur, & prout ad illius observationem, juventur excitenturque, ut quæ privata industria ad eam conferre possunt, ex asse conferant, nec eo in studio a quoquam impediuntur; pravi vero a neglectu officii sui absterreantur, & si nihilo secius eidem contraria designent, puniantur quantum meruere.

Est enim legis naturalis, ut quilibet homo omnem adhibeat facultatum suarum usum, qui ad perficiendum mentis & corporis sui statum, & ad arcenda his contraria requiritur (§. 173. P. I. Jur. nat.). Quæ vero homo quilibet sibi debet, eadem debet quoque aliis, præsertim suis (§. 608. *ibid.*). Quamobrem parentes quoque omnem tenentur facere usum facultatum suarum ad perficiendum mentis & corporis liberorum suorum statum, & ad avertenda ea, quæ his sunt contraria (§. 609. *ibid.*) & (§. 637. P. VII. Jur. nat.). Quod ut eo certius faciant obligandi sunt civilibus momentis, & ut eo melius id peragant, non tantum liberandi sunt ab omnibus impedimentis, quæ objici ipsis ab aliis possent; sed adjuvandi quoque, ut eo facilius perfectiusque id peragere possint.

§. 307.

Ea liberis in educatione præstanda sunt, quæ a parentibus ipsis privata industria præstari possunt (§. 306.). Sed lo- *Discenda est vernacula.*  
quitur experientia, ad perficiendam mentem liberorum & rationis usum iisdem comparandum, ante omnia requiri usum sermonis, saltem quoddam sermonis analogum. Opera igitur conjunctim danda est, ut *parentes liberos doceant loqui, & res quasque suis appellare nominibus in lingua vernacula.*

Fortasse nonnullis supervacuum videatur & indignum publica cura, quod hic præcipitur de sermone vernaculo. Privata cum educatio illius necessitatem utilitatemque incultat ut sponte parentes id agant, nullaque ad hoc opus sit autoritate publica. Fatemur, ob rationes privata vitæ non facile negligi hoc officium educationis, nec difficultate in plerisque omnibus laborare,

nec sumtu egere. Interim illud non est censendum leviculum, cum primordia usus intellectus & rationis contineat. Non enim posse res recte nominari absque ratiocinio, liquet ex (§. 354. seqq. Psychol. empir.). Quare dum liberi res recte nominare discunt, simul discunt primum usum rationis, ejus tum sunt capaces. Quod & ex iis patet, qui inter feras adoleverunt, nec loqui didicerunt. Illi enim simul usu rationis manifeste caruere, donec loqui cœpere. Vnde patet, si qui parentes id officium liberis præstandum negligere quacunque de causa velent, posse eos publica autoritate adigi ad vitandam supinam ejusmodi negligentiam. Neque ideo nihil attinuit, de his verba facere, quia perquam rarus est iste officii neglectus. Et raris occurrendum salutis publicæ nocumentis. Quod confirmat vicarius signorum aliorum usus, iis inculcandus, qui surdi & muti simul sunt, si tam sibi quam aliis prodesse in civitate debent (§. 254. Oecon.).

## §. 308.

*Cui rationis  
usui vernacula  
infer-  
viat?*

*Vernacula habitus vulgo acquisitus rudi tantum & confuso rationis usui inservit.* Etenim non aliter vernacula disci solet, quam ut res ostendantur, suisque nominibus frequenter appellentur. Sed res ostensæ sensibus obeuntur, itaque confuso animo concipiuntur, inde non nisi confusæ ideæ & notiones nominibus auditis & pronuntiatis tribuuntur (§. 628. 1. c.). Sed confusæ ideæ & notiones suppeditare nequeunt, nisi confusa judicia, nec hæc nisi confusa ratiocinia (§. 362. 374. §. 378. Psy. h. empir.). Quæ cum rudibus hominibus usitata sunt, nec propter confusionem tollere ruditatem possint: perspicuum est, vernaculæ habitum vulgo acquisitum rudi tantum & confuso rationis usui inservire.

Constat inter omnes, maximam hominum partem esse rudem, qui non obstante ruditate sua homines tamen sunt. Sed esse homines non possent, nisi ratione gauderent uterenturque. Quomodo vero uterentur ratione, nisi ratiocinarentur? Sed si

distincte



distincte ratiocinarentur, eatenus non forent rudes. Ruditas ergo hominum in confusa adquiescit ratiocinandi facultate & consuetudine: uti eruditio distinctam requirit rerum cognitionem & ratiocinationem. Inde habitus vernaculæ vulgo adquisitus intra confusam cognitionem subsistens, sufficere nequit nisi ad rudem tantum rationis usum vulgaremque.

## §. 309.

*Confusus ille rationis usus ratiocinandique habitus valere per se nequit nisi ad operas pueriles vulgares artesque opificiarias & his gemellas sensibiles addiscendas.* Confusus enim rationis usus simul est rudis (§. 308.), ideoque distinctus simul esse nequit, cuiusmodi est perfectior & eruditus illius usus habitusque. Dum vero rudis est tantum & vulgaris ille rationis usus ac argumentandi habitus, per se quoque valere nequit nisi ad alia vulgaris & puerilia illius ope acquirenda. Cum hujus generis sint operæ vulgares, artesque opificum aliorumque his affines quarum error statim in sensus incurrit; apertum est, confusum rationis usum, & rationes connectendi habitum, per se valere non posse, nisi ad operas pueriles, populares, artesque plebejas & manuaris addiscendas.

*Ad quid valere possit rudis ille usus rationis?*

Quotidie id usu venire videmus, ut confuse cogitandi & colligendi habitus sibi semper similis maneat, nec per se ad altiora aspirare possit. Hinc proficiscuntur omnia illa vitæ genera, quæ non obstant, quo minus illis utentes rudibus accenseantur. Est quidem artifex vulgaris & opifex suæ operæ suæque artis peritus, si eam debite caller; sed eruditus propterea dici nequit, eo quod confusa tantum gaudet illius cognitione & argumentandi habitudine. Verbi causa confuse novit, quomodo aurifex, quomodo vel in se, vel in affricu ad lapidem lydium conspiciatur aurum. Inde metallum sibi oblatum adspicit, flectit & affricat ad lydium lapillum; concluditque ex colore ei affricato id esse aurum, quod tamen extus comparatum cum veriori noto tantum huiusmodi est, neutiquam intus, uti Corona Hie-

ronis, quæ colorem auri ostendebat, lapidemque lydium ferebat. Per se igitur confuse cognoscendi ratioemandique habitus non præstat nos ab erroribus immunes, nec nisi ad aliam item confusa cogitata valere potest, quæ regnare deprehenduntur in vulgaribus operis artibusque, ne meretura quidem excepra. Si ad alia progressus est faciendus, oportet, ut accedat distincta cognitio seu ore seu scripto ab aliis nobiscum communnicata, cujus ope ad alia similiter distincte & verissime perspicienda manuducamur.

## §. 310.

Quid circa  
ignobiliores  
artes con-  
iunctim cu-  
randum?

Et in his artibus ignobilioribus discendis adjuvandi sunt parentes publica cura, ut qui eas recte & æquo pretio doceant, præsto sint in civitate, item ut parentes liberos applicent debite, & pacto satisfaciuntur. Diversa enim sunt liberorum ingenia, neque omnes ad parentum vitæ genus vel apti vel feruntur, vel reip. expectaturi essent, quod per se pater. Accedit, quod neque sciunt cuncti parentes liberis, ea vel docendis, quæ ipsis sunt discenda, vel alendis tantum & vulgariter educandis (§. 303). Inde quia conjunctis viribus in civitate subsidia sunt subministranda ad satisfaciendum officiis naturalibus (§. 396. P. VII. Jur. nat.): & in artibus ignobilioribus, quibus eget civitas discendis adjuvandi sunt parentes publica autoritate, ut qui eas recte & æquo pretio doceant, præsto sint in civitate.

Præterea cum inutiles essent civitati accersiti magistri idonei, nisi parentes liberos idoneos illis darent arte ista instruendos: rectoris civitatis est, obligare parentes, ne liberos otiosi aut inertesadolescere patiantur, sed ut eos dent magistris exasciandos. Pariter obligandi sunt & magistri, ut vi pacti initi recte doceant, & tirones eorumque parentes, ut pareant magistris & recte discant donec absolverint discenda, neque corruptores & depravatores evadant non tolerandi in civitate (§. 230. P. VIII. Jur. nat.). Si quæ lites oboriantur

& querelæ, neglecti ab alterutra, aut utraque parte officii, iustitiæ & æquitati ut satisfiat, curandum est rectori civitatis.

Misera foret civitatis facies, si in artibus plebejis negligeret eam procurare rerum & abundantiam, & præstantiam, quæ omnes egent juvanturque: inde enim, quæ domi habere posset, non sine tædio, dedecore & majori sumtu aliunde petere cogeretur. Quare publica opus est cura ut in quolibet vitæ genere, utut ignobiliori, habeantur tamen qui in illo tum rerum naturalium tum artificialium abundantia præstantiaque, quanta dari potest, operam dent, nec negligant officium, quod civitati præstare possunt debentque. Si tales præsto non sint, publica cura aliunde sunt arcessendi, propositisque præmiis invitandi, ut alios idoneos cupidosque perfectiori agendi & operandi genere imbuant. Quo enim melius opera peraguntur & elaborantur, eo ornatiores erunt, durabiliores & utiliores omnibus atque honorificentiores. Nec tantum recte illa sunt docenda, sed & æquo pretio, hoc est modico & facile parabili; quod contingit, dum complures simul docentur & symbolas conferunt. Immo in artibus vulgaribus, ob paupertatem tironum pretium consistere debet in operis, quæ certo annorum numero sunt præstandæ pro alimentis, vestimentisque.

§. 311.

*Vulgo sufficit, confuse has artes doceri ac disci, paucis nempe præceptis, exemplis vero pluribus, eorumque imitamentis per frequentibus, usque emendata subinde. Quæ enim in artibus ignobilioribus discenda sunt & dein exercenda, ea manuum ministerio, aliorumque organorum corporis motibus nituntur absolvunturque. Sed illa omnia in sensus incurrunt, eorumque ope discerni possunt, quemadmodum lippis notum est sonforibusque. Quare non opus est, nisi ut tirones genelin rei animo comprehensuri, paucis præceptis doceantur nomina rerum & operationum, nonnunquam & rationem quarundam, ut iubeantur attendere ad singula quæ fiunt, dum res formatur* (§. 687.



687. *Logic.*), & dum hæc memoria tenent, adigantur ad *cre-*  
*bram* imitationem, & quæ male facta sunt, aut si fieri possent,  
 corrigantur, aut reprehendantur, vel rejiciantur, ut rectius  
 agere discant, aut si quam negligentia meretur, pœnam  
 luant.

Adest in hoc modo docendi & discendi aliquid distinctionis  
 ita tamen, ut multum confusionis restet. Discernunt quidem  
 tirones, & multo magis eorum magistri res, quibus indigent  
 suisque appellant nominibus. Discernunt quoque actiones  
 genesis operum artis necessarias simili modo. Tenent, quæ  
 didicere, actionum ordinem & nexum servandum, ne se  
 excidant. Sed parum vel nihil explicare & demonstrare valent  
 eorum, quæ agunt, & quæ insunt operibus suis. Inde vel ma-  
 gistri artis suæ Systema condere nec audent, nec possunt, & tan-  
 tum non omnes negarent, id fieri a quoquam posse. Receperunt  
 inde ubique gentium est hic modus elare quidem sed contra  
 discendi, tenendique artes ignobiliores propterea, quod 1) ma-  
 ditati & captui plebejo is apprimè convenit, & dum illa ma-  
 bit, aliter habere non poterit; 2) exercitium harum artium  
 quotidianum requirit, ut ista potius quomodocunque mem-  
 infixa sint, quam ut distincte in libris perscripta prostent  
 ignorentur; 3) exempla & imitamenta compendio sunt in  
 cuo in rebus practicis præsertim faciliorebus. Hic enim si  
 quam illud valet, longum iter per præcepta, breve per exem-  
 pla, si nimirum attente considerentur nec tantum imitanda  
 mantur, sed & imitatio subinde magis magisque perficiat  
 De modis perfectiora consequendi, dicetur posthac.

## §. 312.

*Vbi confu-*  
*sus rationis*  
*usus non suf-*  
*ficiat?*

Quo majoris vero momenti sunt res discende, eo minus confu-  
 sus rationis earum notitia ad salutem publicam sufficit, & eo quoque exquiritur  
 cura indigent earum cognitio conjunctis viribus promovenda. *Leve*  
 ris enim momenti res & artes obtineri quidem confusio ratio-  
 nis usu possunt, utpote ad quas is utcumque sufficere potest  
 (§. 301)

(§. 309.). Quapropter cum confusus ille habitus non nisi ad operas artesque vulgares sufficiat, sequitur eundem ad operas artesque non vulgares minime suffecturum esse. Sed ejusmodi sunt res majoris momenti, ab hominibus salutis publicæ causa discendæ. Quo majoris igitur momenti sunt res discendæ, eo minus confusa earum notitia sufficit.

Sed quo minus in earum confusa notitia adquiescendum est, eo major opera danda est distinctæ earum cognitioni. Hujus adquisitio ideo perfectioribus indiget magistris, majoribusque sumtibus, quibus illi indemnes præstantur. Cum vero pleraque civium pars paupertate laboret, saltem tenui gaudeat patrimonio, tot impendiis impari: conficitur, conjunctis viribus operam esse navandam, ne cuiquam sumtus graves fiant, qui illarum rerum scientia est instruendus. Constat igitur, quo majoris momenti sunt res addiscendæ, eo exquisitori cura opus esse, ut earum cognitio in promptu habeatur, & habitu eas tractandi perficiatur.

### §. 313.

*Scientiæ & artes nobiliores, ad salutem publicam necessariae de- Quæ scien- prehensæ, conjunctis viribus sumtibusque in civitate sunt provehenda tæ & artes pæduntque & legibus stabilienda. Quo enim majoris momenti sunt sint prove- res discendæ, eo exquisitior cura adhibenda est, ut unitis vi- bende. ribus promoveantur (§. 312.). Sed nullæ res discendæ sunt majoris momenti, quam scientiæ & artes nobiliores, ad salutem publicam necessariae, cum salus publica omnium suprema lex & mensura sit in civitate (§. 86. P. VIII. Jur. nat.). Nihil ergo liquidius est certiusque, quam scientias artesque nobiliores, salutis publicæ gratia necessarias, conjunctis viribus sumtibusque in civitate esse provehendas perficiendasque.*

Quia subinde multa pro civitatis sæculorum & ingeniorum indole mutantur saltem variare possunt, ea, quæ rata esse

& observari debent pactis legibusque sunt matura deliberatione prævia definienda & ingenius, locis temporibusque accommodanda. Neque enim omnia omnibus placere pro diversitate captus & nationum possunt. Neque optima factu quæ sint, illico prævidentur ubique. Longa ergo dies, aliorumque temporum & locorum usus subinde meliora suggerere, aut & reformare recte instituta sed degenerantia & depravata docent. Interim quo prudentior est civitas, quoque appetentior salutis omnigenæ, eo magis curabit, ut quæ in his ab arbitrio pendent, quam optime & instituantur, & emendantur, & pactis legibusque idoneis stabiliantur (§. 192. P. I. *Philos. pract. univ.*).

Vti ignobiliores artes exiguo tantum intellectus usu indigent & corporis habitu potissimum periguntur: ita nobiliores præstantiam & culturam mentis potissimum requirunt (§. 791. *Or. con.*). Quibus mixtæ aliquatenus adjungendæ sunt in gradu ætatem inferiori (§. 796. *ibid.*). Quatenus in his item in illiberalibus & sordidis eximia opus est inventionem aut emendationem, eatenus præstantiori opus est intellectu ejusque cultura ad illam reperiunda & ad captum vulgarem accommodanda.

## §. 314.

*Quæ ad illas referenda sunt in artibus ignobilioribus?*

*Ad artes nobiliores merito referuntur sublimiora, in artibus ignobiliorum detestione, emendatione & directione ad salutem publicam necessaria.* Sublimiora enim in artibus vulgaribus insignem requirunt scientiam & sapientiam in rebus non tantum illis, quarum cultura aut usus amplificari debet. verum etiam in multis altis rebus privatis & publicis, ad quas illæ sunt exigendæ. Vbi sint illa sublimiora, non nisi profundiori solidiorique perspicaciæ pervia, facile perspicitur si attendas ad inventionem eorum, quæ in his sunt ignota, vel ad emendationem eorum, quæ meliora esse possunt, quæ pariter meliorum inventionem requirit, vel ad directionem illarum ad salutem publicam, quæ



quæ sublimem regendi artem scientiamque regiam exercet. Quæ cum præstantiam mentis ejusque culturæ non vulgarem postulare, nemo infitias sit iturus, qualis non nisi in nobilioribus nobilissimisque artibus habetur (§. 370. *Ethic.* & 30 *Polit.*): patet luculenter, ad artes nobiliores merito referri sublimiora in artium ignobiliorum detectione, emendatione & directione, ad salutem publicam requisitis adhibendisque.

Relinquitur hinc, primordia artium quoque vulgarium eguisse non vulgari usu & habitu rationis, saltem quatenus ad tale præstantiæ fastigium perducere debuerunt, quale admittunt. Vti enim hodieque nova deteguntur ab illis, qui sublimiori gaudent scientia & arte inveniendi pollent, deinde jam inventa revocantur ad regulas & praxes confuso intellectus usu & habitu capiendas exercendasque: ita olim cæteras artes humanas inventas esse excultisque, facillima assequimur conjectura. Neque id negare audent, qui in iisdem vulgatis postea artibus vitam terunt consumuntque, quando in eam incidunt aut deducuntur quæstionem, quomodo illa plane ignota potuerint detegi & in istam redigi formam, qua jam sunt usitata. Quantæ nunc v.g. facilitatis est ars vulgatissima animi sui sensu eloquendi ita, ut ab aliis dicta bene capiantur? Et quantæ difficultatis esse debuit illius artis grammaticæ inventio, emendatio, perfectioque? Quare nulla ars tam vilis & abjecta censenda est, quæ non præstanti ingenio & arte invenienda fuerit. Proprie rerum omnium inventio divinæ est originis, maxime sublimis, cujus non nihil suo tempore hominibus communicatur.

#### §. 315.

Sunt & nonnullæ partes rectoris civitatis in regendo vitæ generis delectu, ne inepti, nec justo plures certo vitæ generi destinentur. *delectum vitæ generis*  
 Qui enim ad scientias & artes perficiendas apti sunt, ii omni modo juvandi sunt, ut iisdem vacare possint (§. 427. *P. VIII. curandum. Jur. nat.*). Similiter qui ad certum vitæ genus apti sunt, illi *fit?*  
 omni modo adjuvandi sunt, ut idem sequi possint, inprimis  
 Ddd 2 tamen

tamen illi, qui præclari quidpiam in eo sunt præstituri, parum apti vero ab eodem arcendi (§. 428. *ibid.*). Licet igitur parentum sit, liberos convenienti vitæ generi destinare, cui ipsorum facultates respondeant (§. 331. *Oecon.*); quia tamen id esse debet ejusmodi, cui non tantum apti sint, sed & in quo se utiliores aliis præstare possunt (§. 719. *P. VII. Jur. nat.*), & parentes aut ignorantia, aut vanitate quadam affectuum errare ea in re ita possunt, ut resp. inde detrimentum sentiat: rectoris civitatis est, cavere ne id fiat, dum ea facere obligatur, quæ ad bonum publicum promovendum requiruntur, ea vero impedire, quæ eidem adversantur (§. 84 *P. VIII. Jur. nat.*). Quocirca recte sciscimus, esse nonnullas partes rectoris civitatis in regendo vitæ generis delectu, ne scilicet affectu & errore parentum ad certum vitæ genus destinantur, qui ad illud sunt inepti, multo aptiores utilioresque civitati in alio vitæ genere, ad quod aptiores sunt, futuri.

Præterea quia publica justii civium numeri procuratio ejusmodi requirit instituta, quibus justus civium numerus obtineatur perpetueturque (§. 249), & justus eorum numerus in quolibet vitæ genere est perpetuandus, qui idem sequuntur (§. 425 *P. VIII. Jur. nat.*): rectoris civitatis partes circa delectum vitæ generis regendum etiam ad numerum pertinent definiendum, ne scilicet parentes, ignorantia quadam aut errore inducti, plures certo vitæ generi adsuefaciant, quam quibus indiget justii numeri perpetuatio, & quibus beandis civitas par sit. Licet igitur non inepti essent futuri ad illud vitæ genus, cui destinantur; tamen vel ideo, quia illorum exitu e civitate, si fortunandi sint, civium numerus perperam minueretur, vel manentes in civitate fortunari in isto vitæ genere non possent, in alio & sibi & reip. magis expedituri: rectoris civitatis est, cavere sua autoritate, ne plures justo illi destr-

destinentur, sed vel ineptiores ad illud, aptiores vero ad aliud, alii huic destinentur; vel pariter quidem apti ad plura vitæ genera illi dedicentur et adhibeantur, in quo sibi & reip. utiles sunt futuri.

Obstat interdum parentum quorundam imperitia, ut non nisi suo vitæ generi liberos consecratos cupiant, aliorum aut ignari, aut sibi nimium suffenti; interdum aliorum affectus, v. c. odium, quo in alia vitæ genera feruntur, suo tantum bene cupientes, filios ab alio discendo absterrentes, filiasque a matrimonio in alio vitæ genere avocantes; avaritia, qua lucrosiori vitæ generi inhiant, eique liberos dicatos unice cupiunt; ambitio, qua si ipsi adscendere altius nequeunt, liberos tamen aliis anteferri, & ita participes fieri filiorum aut & filiarum elocatarum auctoritatis, honoris & potentiae gestiunt. Quæ si Rector civitatis observet contra commoda publica invalescere, omnino ipsius est, indicatis rationibus ostendere, quam male ita rei privatae & publicæ consuleretur, ideoque severe prohibere, ne id fiat, addita poenæ convenientis comminatione, illis vel parentibus, vel tutoribus, vel magistris, qui contra hanc legem sint quidquam designaturi. Exempli loco esse possunt plures iusto opifices certi generis, aut mercatores, qui ipsa multitudine nimisque copia se invicem perderent & alios, & violatae fidei ignominiam non suo tantum ordini, sed & civitati contraherent, uti olim græca vel punica fides macula & approbrium gentis facta est, quæ commercia non minuit solum, verum & sæpenumero ruinæ dedit. Similis ratio esset juvenum, qui inepti ad studia vel suo vel parentum fastu feruntur, aut & iusto majori numero literis operam navant, ut demceps sibi invicem impedimento, aliis vero oneri, ipsique eruditioni dedecori sint. quando saltem hoc objici ipsis potest; nullius usus esse studia famelicis, cum in alio vitæ genere qui didicit, quæ debet, fortunæ suæ faber facile fiat. Ne quid dicam de monachorum & monialium copia, persæpe otiosa, aliisque onerosa.



## §. 316.

*Vti habilitas sit exploranda?*

Quinam apti sint futuri, de eo magistrorum judicium ex capitis debite experimentis pro conscientiae religione est ferendum, uti populi circa iniquitatis querelam superiorum d. cipione. Quodammodo quidem parentes audiendi sunt, quibus de causis liberos certo vitæ generi aptiores judicent, ut intelligatur, rectene usi sint officio suo (§. 331. 1<sup>a</sup> q. Orcon), an cæcæ liberorum impetum, aut præjudicia sequantur. Quia tamen errare possunt parentes, & haud raro errorum causis indulgent (§. 315.), liberi vero frequentius erroribus ducuntur, si illis indulgeant parentes: veniendum a magistris est in rem præsentem, ut explorent ingenium, & observent, uti se primordia dent. Capitis enim tirociniorum experimentis hi pro sua peritia & dexteritate rectius, quam quisquam, judicare poterunt, quid sperandum de illis sit, quid minus? Qua in re ut eo incorrupte se gerant, pro conscientiae religione adstringendi sunt, ne ferendo judicio suo a veritate recedant sub mulctæ meru vendæ, si per alios ejusdem artis magistratos juratos redarguerentur. Ne quid igitur affectibus detur, locus erit relinquendus parentum eorumve vicariorum querelæ de iniquitate judicii, si quis immerito rejectus videatur, sub alia mulcta, si judicium præcedens confirmaretur. Oborta quadam dissensionem non nullius momenti, aut ambiguitate, superiorum decisiones erit definienda, & mulcta exigenda, vel prænumeranda casum querelæ damnatæ.

Vt plurimum relinquatur hoc judicium privatis seu parentibus, seu tironibus, neque curatur, quomodo illi sibi, quoque modo publicæ consulant rei. Satis videtur provisum hunc ad magisterium aspirantes specimina artis suæ edere jubentur. Quæ vero si non sint, qualia esse debent, res redit ad reprehensionem quandam & mulctam, quæ si solvatur, nihilominus magisterio donatur satis eo indignus. Suo enim periculo id tan-

tum fieri creditur, cum tamen alii multum inde damni sentiant, qui modis quibuscunque inducuntur, vel & publica auctoritate adiguntur, ad emenda non alia quam civium opera. Quædamna in plurimos redundantia, utique essent avertenda, & averterentur procul dubio curatori exploratione habilitatis, & speciminum publicorum necessitate, cum præmiis pænisque conjuncta; nec non æmulatione in gradibus præstantiæ. Si enim præstantiores in sua arte magistrorum socios major, cæteris minor merces statueretur, & opera præstantiora carius, cætera quanto sunt vilius essent emenda ac vendenda; id utique non posset non universis expedire, fraudibus autem dolisque adversum tenere.

## §. 317.

*Justus vero tironum boëthorumque numerus judicandus est tum unde constat ex numero magistrorum justo, tum ex horum indigentia illorum ad labore possit de re suis absolvendor.* Justa enim magistrorum frequentia æstimo justo numero? matur pro re civitatis nata ex rerum uti naturalium ita artificialium cultura ad usus quam amplissimos sufficienti (§ 233.); & ex florenti eorundem pariter ac cæterorum civium statu (§. 245. seq.). Quam obrem cum laboribus opus sit ad opera quam optime efficienda, & viliores operæ per tirones, præstantiores autem, quibus solus magister non sufficit, per adjutores artem probe callentes. qui boëthi appellantur, efficiendæ sunt; liquet pro laborum præstandorum copia numerum tironum, sociorumque esse definiendum, uti a quovis magistro in sua officina, ita quoque ex horum opitulorum numero per idoneam annorum seriem notato & illius medio assumpto a rectore civitatis, ejusque vicariis. Quam diu nempe idem manet civitatis rerumque & commerciorum status, tamdiu quoque idem sufficiet numerus. Muta o autem statu publico in melius, majori. in deterius, minori opus erit horum opitulorum numero, quantum scilicet mutationis ratio requirit.

Gene.

Generatim igitur ex magistrorum justo numero, eorumque indigentia de justa tironum boëthorumque copia erit statuendum.

Ob incerta rerum humanarum fata non tam stricte inharrendum est numero medio reperto, ut nihil ultra illum indubigendum sit. Sufficit enim, si opera detur, ne eadem civitatis facie manente facile infra istum numerum consistat sodalium & tironum frequentia. Quamquam enim aliunde arceffi solent, quando defunt, hoc tamen extra calum necessitatis consultum non est. Lucrarentur tunc peregrini, quod indigenis deberetur & denegari possent, aliamve ob causam fastidire exteros. Preterinde si magistris, quærentibus tirones vel sodales, hi nolent æquis conditionibus subvenire, vel magistratus autoritate imperari posset, ne id fiat, nec immorigeris id impune cedere. Aliquanto major numerus eo facilius concedendus est, quæ mors & contagia inopinato sæpe multos civitati eripit aliorumque auxiliores, quo casu commodum accidit civitati, si ex abundantibus sint, qui loca vacantia supplere possent indigentem patriæ amantes. Præterea quoque nihil nocet ars illis, qui inde aliis reip. operis destinari possunt, e. g. qui militia quamdiu nomen dent, & vacantibus horis suam artem commilitonum commodo exercent; vel inde denati aut quomodocumque dimissi denuo arte sua honeste vivere possint.

§. 318.

Quid circa  
scholas pri-  
vatas curan-  
dum?

Est quidem ditioribus permittendum, ut liberos suos privatim tibus & scientiis imbui curent, modo caveatur, ne quid ibi doceatur, quod publicæ saluti repugnaret. Obligantur enim parentes ad proficiendos liberos suos, quantum possunt (§. 642. P. VII. Jur. nat.), neque est, cur expectent ab aliis, quod ipsi met liberos suis per se vel alios præstare possunt (§. 332. seq. P. I. Phil. priv. univ.). Ditiores vero parentes abundant opibus, ideoque possunt liberis suis institutionem in scientiis artibusque, si non per se ipsos, saltem per præceptores privatos quos domi suæ alant (§. 432. P. VIII. Jur. nat.). Ea propter cum opera danda sunt civi-



civitate, ut qui ad legem naturæ servandam proni sunt, juven-  
tur, nec ab aliis impediuntur (§. 345. *ibid.*): parentibus quoque  
locupletioribus permittendum est, ut liberos suos privatis præ-  
ceptoribus imbuere curent scientiis & artibus ad quas idonei de-  
prehenduntur: præsertim quando ea in re non nisi felicitatis  
liberorum suorum rationem habere intelliguntur, saltem habere  
sibi videntur.

Quia vero salus publica suprema lex est omnium in ci-  
vitate agendorum permittendorumque (§. 86. *P. VIII. Jur. nat.*);  
necesse est, ut privata quoque institutio liberorum saluti publi-  
cæ conformetur. Hinc si innotesceret, privata institutione  
errores reip. perniciosos invehiri & disseminari contra leges civi-  
tatis; vel si injuria in scholas publicas tententur: ea utique  
permittenda in civitate non essent, sed prohibenda potius, &  
omnino impedienda, prout salutis publicæ ratio flagitaret.  
Cavendum ergo, ne quid institutione privata fiat, quod saluti  
publicæ adversetur.

Male contra hæc adduceretur id, quod (§. 430. *P. VIII. Jur.  
nat.*) docetur, scilicet parentes vi compellendos esse ut publicæ  
institutioni liberos suos committant. Patet enim illico, si  
omnia perlustres, ibi non agi nisi de parentibus curam educa-  
tionis liberorum negligentibus. Cujusmodi haud quaquam  
sunt, qui curam privatæ institutionis vel ipsi suscipiunt, vel per  
alios suis sumptibus liberis præstant. Neque tamen hæc in de-  
trimentum institutionis publicæ vertenda sunt, ut illa præter  
meritum contemnatur, calumniis oneretur, & sic autoritas pu-  
blica elevetur. Neque minus ferenda esset errorum pestilenti-  
um, uti Atheismi & similium, vel ad seditionem rebellionem-  
que vergentium inculcatio disseminatioque (§. 473. *l. c.*).

### §. 319.

Quoniam in primis scientiæ artesque nobiliores, ad sa-  
lutem publicam necessariæ, conjunctis viribus sumptibusque in  
(*Wolffii Politica P. II. S. III. C. I.*)

E e e

civi- blicis.

Cur opus sit  
scholis pu-  
blicis.

civitate sunt provehendæ (§. 313.): publica tributa ita sunt instituenda, ut eorum, quantum sufficit, destinetur impendaturque scholis publicis quæ optime ad salutem publicam constituendis. Qui enim ad scientias & artes perficiendas apti sunt, illi omni modo juvandi sunt, ut illis vacare possint (§. 427. P. VIII. Jur. nat.). Sed cum omnes fruantur commodis ex scientiis & artibus nobilioribus oriundis, omnes quoque pro opibus quidquam conferre debent ad sumtus scholis publicis, in quibus doceantur (§. 433. *ibid.*), impendendos. Ut vero scopus ex æsse obvineatur non tam consultum est, ut seorsum symbolæ pro scholis impenderentur & colligantur, ne qui signiores ad istas fiat, aut emere opinentur, istos sui causa non esse necessarios, quam sub aliis publicis tributis comprehendantur. Præterea ob eandem rationem tot quoque adhibendi & dicandi sunt scholæ quot sufficere possint iis quam optime ad salutem publicam instruendis.

Esset quidem re ipsa perinde, utrum separatim darentur symbolæ, an conjunctim cum aliis, nec desunt loca ubi rata sunt impendia scholastica a reliquis. Sed quia tenues solent, onerosum & sumtuosum est, ratas illas seorsum colligere & querelis minutis inutilibusque circa earum collectionem fores aperiuntur. Quare cum non faciendum sit, quod onerosum civibus sit, & quod uno actu fieri potest, frustra peragitur: præstat hæc impendia cæteris imputari & exigi cum iisdem, velut unicuique, particulatim tamen diversis temporibus solvendum, uti fieri consuevit, ita simul cavetur ne detrahatur scholæ publicæ obtentu sumtuum in privatam intinuerem faciendorum.

Quoniam vero scholæ publicæ præsertim & curatius ad salutem publicam sunt instituendæ, quam fieri privatim consuevit, nec in illis tolerandum est, ut quidquam doceatur & fiat contra salutem publicam adversum (§. 318.). Eade re præscribendum est præceptoribus, qui id ignorare, aut modum docendi pervertunt.

ineptum sequi possent, & quid ipsis sit docendum, & quomodo; & quid illis faciendum sit fugiendumque, ut discendum & intellectus perficiatur & voluntas. Quare quæ compendia doctrinæ ipsis sint adhibenda, explananda & in succum & sanguinem discipulorum vertenda, ipsis & injungendum est, & curandum atque in examinibus explorandum est, num fiat id, quod fieri debet. Si quid enim neglectum, aut secus ac par erat, factum esse deprehendatur, id reprehendendum & mature corrigendum erit. Eadem quoque salutis communis provehendæ ratio requirit, ut eligantur ejusmodi institutionum compendia, quæ in scholis superioribus non sint dediscenda, sed quibus potius superstruenda sint deinceps altiora. Spectari enim scientiæ & artes possunt & solent, ut ædificia in mente exstruenda, quorum fundamentis rite jactis reliqua deinceps firma compage superstruantur, ut systema evadat immortum liberumque a metu everisionis.

## §. 320.

*Scholarum publicarum ædificia ubi requiruntur vel publicis sum- De ædificiis  
tus sunt exstruenda conservanda & reparanda vel privatis indemnitas scholarum  
habenda. Scholæ enim publicæ requirunt loca, in quibus pu- publicarum.  
blica autoritate institutio liberorum peragatur (§. 433. P. VIII.  
Jur. nat.). Sed hæc loca tantum non ubique contra varia im-  
pedimenta studiorum imprimis aëris injurias includenda & mu-  
tienda sunt ædificiis, in quibus docentes discentesque partim  
doceant & discant: partim habitare commode possint. Quæ  
cum multos sumtus requirant, & scientiæ artesque nobiliores  
communibus sumtibus provehendæ sint (§. 313.): in apri-  
co est, scholarum publicarum ædificia siubi requiruntur publicis  
sumtibus in communes usus esse exstruenda. Si privatis ex-  
struenda essent, opera danda ut illorum causa indemnes præ-  
stentur. Quoniam ædificia indigent conservatione, eorum-  
que, quæ vel læsa sunt, vel collapsa, reparatione; ut omnes*



quos possunt, usus præsentis & futuræ posterorum civitati præstent: eadem ædificia scholarum aut publicis quoque sumptibus conservanda sunt & quando opus est, restituenda (§. 319), aut privatis indemnitas est procuranda.

Data opera dixi, ubi requiruntur ædificia publicis scholis destinata: quia partim non omnium climatum eadem est ratio, partim copia tanta non habetur, quorum causa fierent, partim sumptus excederent vires. Judæis erant scholæ Prophetarum, qui modo sub dio e monte, navi, in deserto docebant, modo in ædificiis, quæ sibi discipuli struebant 2 Reg. VI, 2. seqq. 1 Sam. X, 10. seq. 2 Reg. IV, 25. seqq. I, 9. Matthæi III, 1. seqq. IV, 23. V, 1. seqq. XIII, 2. XV, 29. item in superiori ædium parte & cœnaculo Act. I, 13. XX, 8. Inter Græcos Plato docebat in moroso agello & villa Academi, Aristoteles in Lyceo, loco suburbii atheniensis, in quo milites exercebantur in artibus bellicis, ejusque ambulacro s. peripato Cicero Acad. Quest. I. c. 4. pariter Stoici a stoa, porticu variegata, & Cynici a cynolago, ubi docebant, denominati sunt. Inter Sinas Confutius legitur privatus scholam aperuisse tanto quidem applausu, ut ter mille discipulos nancisceretur. Post ejus fata Gymnasia in omnibus urbibus oppidisque instituta, ejus disciplina personant. V. Bruckeri Hist. Philos. T. IV. p. 860. seq. Vbi non nisi pauci instituendi sunt, ibi intra privatos parietes institutio fieri potest, quemadmodum & ibi privatæ scholæ habentur, ubi publicæ prostant. Ita plerumque puellæ domi suæ, aut in privata domo a magistra quadam instituuntur in artibus femininis, nendi, texendi, pingendi, faciendi funiculos, limbos, fimbrias egregie distinctas & denticulatas, & alia ornamenta muliebria; in his ne quidem opus est publico sumtu, cum privatam plurimum institutionem facile comparent mediocres sumptus privati, singularem autem sumtus ditiorum, aut operæ inopum institutioni est pacto æquiparata. In iis autem, quæ utrique sexui discenda sunt, in pueritiæ annis sufficere possunt scholæ utrique sexui communes.

## §. 321.

*Schola publica vel sunt inferiores vel superiores.* In Scholis *Schola vel inferiorum* publicis (§. 313.) junctim curandum est ut rudes erudi-  
endi facilius & absque sumtu oneroso instituantur in iis, quo-  
rum notitia ipsis est necessaria & utilis (§. 429. P. VIII. Jur. nat.).  
Excolendæ igitur in illis sunt facultates cognoscendi (§. 53.  
psychol. empir.). Hæ autem facultates vel sunt inferiores vel  
superiores, illisque cognitio rerum clara quidem sed confusa,  
his autem distincta acquiritur per veritates, artes & scien-  
tias, (§. 54. seq. ibid.) quæ aliis magno usui fuere (§. 305.).  
Facultates cognoscendi inferiores sunt facultates sentiendi,  
imaginandi, fingerdi & recordandi. loc. cit. cap. 2 - 5. Faculta-  
tes autem superiores sunt facultas attendendi, reflectendi, ab-  
strahendi, intelligendi &c. ibid. Sect. III. cap. 1. sepp. Scholæ in-  
feriores docent ea, quæ memoria comprehenduntur; superio-  
res intellectu comprehendenda (§. 434. P. VIII. Jur. nat.). Elu-  
cescit ergo, scholas publicas vel esse inferiores vel superiores,  
& inferiores præcedere ac præparare ad superiores, quæ  
Gymnasia, athenæa, lycea dudum nuncupantur.

Obligantur homines ad facultates mentis suæ perficiendas, &  
habitu iis utendi quam optime instruendas (§. 197. & 209. seqq.  
P. I. Jur. nat.). Sed in prosequendis officiis suis adjuvandi sunt  
in civitate & republica (§. 427. P. VIII. Jur. nat.). Ergo ju-  
vandi quoque sunt, qui animum suum rerum salutarium cogni-  
tione imbuere gestiunt, ut faciliori negotio, & sine multis sum-  
tibus ad rerum illarum cognitionem pervenire queant. Faci-  
unt huc Scholæ publicæ ita instituendæ, ut modo facillimo salu-  
tarium rerum cognitio adquiratur, earumque acquisitio ob sym-  
bolarum multitudinem exiguo sumtu comparari possit, vel in iis,  
quæ privatim docenda sunt; publicis sumtibus in publicæ, hoc  
est gratuito, docendis. Iam quæ discenda sunt, vel ope sensu-  
um sunt observanda, & ope imaginationis revocanda in men-  
tem,

tem, rebus vel maxime absentibus, vel ope fictionis comminiscenda, & memoriæ mandanda. Inde Scholarum inferiorum munus versatur circa imbuendam mentem salutarium rerum observationibus accuratis, circa amplam imaginem, perfectiendum fingendi habitum, & circa memoriam amplificandam. Quæ memoria, quia præmissis facultatibus producta promitte redere debet et recognoscere, in Scholis inferioribus potissimum excolenda esse intelligitur. Hæc memoria quoniam non est nisi rerum confuse perceptarum; sensitiva est, bestis communis, nec confundenda cum memoria intellectuali. Deinde quiescunt Scholæ inferiores in memoria imbuenda variarum rerum cognitione confuse, nec rationes tenent vel tradunt earum, quæ memoriæ suggerunt ediscenda & ineuleant. Scholæ autem superiores distinctam rerum & rationum, cur res ita sint, applicationem præstant, ideoque excolunt intellectum. Scholæ inferiores nostratibus dicuntur niedrige Schulen, vel untern Schulen aut simpliciter Schulen; superiores autem Oberen vel hohe Schulen.

## §. 322.

*Inferiores*

*vel triviales res.*

*sunt vel vulgares.*

Scholæ inferiores vel *triviales* sunt, vel *infimæ* seu *vulgares*. Hæ docent in omni vitæ genere cognitu salutaria, sicut legere, scribere, computare & religionis elementa. Illæ præparant præparationem ad usum facultatum superiorum in eruditione tribus potissimum artibus liberalibus, grammatica, rhetorica & poetica præter historiam & elementa de Deo. Posteriorum ludi literarii dici solent, quoniam literarum primordia & præparata tractant, & ita tractare debent, ut ludi instar addiscantur jucunde, infimæ etiam ludi inde dicuntur. Hinc qui præfunt ludi magistri vocari consueverunt. Plerumque Scholarum nomine veniunt vel vulgares, vel triviales vel ambæ.

Triviales dicuntur ludi hi a trivio hoc est tribus primis artibus liberalibus & verbalibus Grammatica, rhetorica & poetica. Sic *Justinus* L. 21. c. 5. ait: Dionysius ludi magistrum præfuisse pueris.



pueros in trivio docebat. Et *Horatius Art. Poët. v. 246.* caveant Pueri, ne velut innati triviis ac pane forenses aut nimium teneris juvenentur versibus unquam. *Quintilianus* vero *L. I. 4.* in verbis, inquit, quis est adeo imperitus, ut ignoret genera & qualitates & personas & numeros? literarii pane ista sunt ludi & trivialis scientie: alio nomine humaniora dici solent ea quæ in ludis trivialibus discenda sunt & docendi (§. 277. *Oeconom.*). Quibus nonnulli rudimenta logicæ adjungunt. Quorum respectu in Scholis vulgribus docenda ac discenda non immerito *humani* dicerentur, & si in gradibus pergere placeret, restarent pro superioribus scholis *humanissima*. Dici etiam posset, in scholis infimis doceri plerumque pueros & puellas in trivialibus adolescentes, hisve similes.

## §. 323.

*Scholarum inferiorum copia juxta in qualibet civitate est constituta.* In omni enim civitate cives propagantur per liberos, *Quanta scholarum copia requiratur.* (§. 270), ideoque magna adest liberorum copia, quorum educatio & institutio ad vitam civilem conjunctis viribus est promovenda (§. 303. *seqq.*). Enim vero cum ubicunque magna est hominum copia, multi quoque procreentur liberi, & perpauca parentes cum ista gaudeant facultate, quæ ad instituendos liberos requiritur tum ista ab aliis negotiis curandis vacatione: necesse est ut suas partes aliis demandent. Perpauci vero tam locupletes sunt, ut alere liberorum suorum præceptores possint: ideo communibus sumptibus id faciendum est in scholis inferioribus. Quæ si vulgares sint, vel in infimo civium genere requiruntur ad humanam præstantiam utcumque tuendam; si vero triviales, in eorum commoda sunt instituendæ, qui se literis consecrare humanioribus decreverunt (§. 322.) Proinde pro copia eorum, qui vel in scholis vulgribus ad legendum, scribendum, & arithmeticam vulgarem manuducendi, vel in trivialibus ad humaniora formandi & ad sublimi-

sublimiora præparandi sunt sufficiens numerus scholarum in qualibet civitate est constituendus, conservandus, augendusve.

Eædem rationes, quæ justum civium numerum postulabant, postulant quoque justum scholarum numerum. Interest enim salutis publicæ, ut in civitate sint homines, & cives boni: cuiusmodi esse non possunt, nisi vel privata vel publica institutione formentur. Quam ob rem cum multis rationibus Scholæ publicæ commendentur, suæque manifesta & utilitate & necessitate & præstantia gaudeant præ privatis: earum quoque numerus eiusmodi est procurandus, qui sufficiat quidem ad earum scopum consequendum, non tamen abundet, & superfluas infra tantum civibus onerosas, complectatur.

§. 324.

*Vnde æstimandus sit justus scholarum numerus?* . *Vulgarium Scholarum justus numerus in se æstimari potest ex tot parentum copia, quot sufficiunt ad comode alendum præceptorem liberorum suorum, vel communem ludi magistrum, suffeceruntque alibi in simili statu.* Scholæ enim in se sunt instituta civilia ad liberorum communem disciplinam comparata (§. 433. l. p. VIII. Jur. nat.), quarum justus in qualibet civitate numerus est constituendus (§. 323.), qui inde nec abundare debet, nec deficere (§. 239). Non deficiet is, si ubicunque tot adsunt parentes quot sufficiunt indemnitati, ludi magistri præstandæ, pro operam liberorum institutione ponenda, ibi schola constituatur aut adit. Non abundabit, si parentes commodè eos, qui constituti sunt, præceptores alere, vel indemnes præstare possunt ob docendi operam, liberis impedendam. Superfluæ autem illæ erunt, quæ ibi non sine insigni parentum incommodo & damno conditi, que sustentari poterunt. Quia parium par, & similium similis est ratio determinandi (§. 220. Ontol.); si alibi similis est parentum status, & perspectum habetur, quot scholæ ibi suffecerint tot parentibus, nec oneri fuerint, colligi inde potest, quot alibi pariter sint suffecturæ. Quare justus scholarum numerus

inde quoque potest æstimari, si constet aliunde, quot parentibus, in simili statu positis, scholæ alibi nec oneri fuerint, nec impares scopo.

Forte cuipiam aptius videatur, si liberorum potius, quam parentum numeri ratio habenda diceretur. Licet vero liberi in scholis sint instituendi, tamen horum numerus paulo major aut minor parum ad rem præsentem facit, quia de sumtibus agitur, ad scholas condendas conservandasque necessariis. Hi vero a parentibus sunt suppeditandi. Vnde horum rationem potissimum hic habendam esse dilucescit. Neque liberorum numerus propterea negligitur, quia liberi a parentibus procreantur, & successu ætatis eorum locum suppleant.

### §. 325.

*Vbi templa habentur & verbi divini præcones, ibi concludi vel- Aliud princt-  
nismiliter poterit; totidem quoque scholas esse habendas, quot tem- pium idem  
pla. Hoc casu enim sufficit illa civium multitudo ad alendum dijudicandi.  
doctorem adutorum, majori sumtu; quidni ergo sufficeret  
quoque alendo ludi magistro? Et quum adutorum numerus  
par fere sit liberorum numero, aut eo plerumque minor, si is  
indiget peculiari Ecclesiaste, etiam hic præceptore egebit.*

Si experientiam consulimus, hanc regulam fere ubique vigere observabimus, nisi quoddam peculiare intercedat obstaculum. Sed ipsum ejusmodi obstaculum disparem ostender rationem, qua regula firmabitur in casibus quibuscunque liberis ab eodem. Ponamus v. g. ipsum sacerdotem simul agere posse & velle ludi magistrum; aut esse inter parentes quemquam suos liberos instituentem, eodemque negotio simul & alienos docentem. Et patebit, ubi nil hujusmodi occurrit, ibi regulæ locum esse relinquendum.

### §. 326.

Quia diversa dantur genera rerum discendarum, seu *Quid classes  
comparandorum habituum mentis, qui adquiri non possunt, int in scho-  
(Wolffii Politica P. II. S. III. C. I.)* Fff nisi lit.



nisi ab iis, qui eorum sunt habiles, discipuli segregandi sunt in diversos cœtus, ut qui pauciorum sunt habiles, in cœtu inferiori, & qui plurium ac majorum sunt habiles in cœtu superiori contineantur & congregentur. Separati cœtus discipulorum e diverso gradu habilitatis oriundi, ideoque & ad peculiarium discendorum genera vel disciplinas adstricti, *classes*, & in Gymnasiis (§. 321) curiæ civium vocantur, metaphora a romanis civibus petita, qui in 30 curias dirimebantur. Quælibet curia in certa domo congregabatur, quæ pariter ab ipsis curia dicebatur.

Classes quoque romanis Civibus erant quinque, a censu digestæ & institutæ, a Servio Tullio. Quæ mox ad scholas translata fuit distributio multitudinis. *Quantilianus* enim L. I. c. 2. non inutilem, inquit, servatum esse a præceptoribus morem qui cum pueros in classes distribuerant, ordinem dicendi secutum vires ingenii dabant; & ita superiori loco quisque decemabatur, ut præcedere profectui videbatur. Hujus rei judicium præbebantur, ea nobis ingens palmæ contentio; ducere vero classem, multo pulcherimum. Classes quoque per metonymiam dicuntur conclavia & auditoria classium.

## §. 327.

*Classes in  
scholis neces-  
sarie &  
emulatio.*

*Scholæ vulgares trivialesque secundum genera rerum discendorum*  
 & profectus discipulorum recte in classes dispescuntur, & loca in classibus  
 secundum profectus majoresque deligentia gradus merentibus assignantur.  
 Vti ordo in omni rep. est necessarius (§. 236. & seqq. P. I. Polit.);  
 ita quoque in scholis ordo ipsarum scopo conveniens est adhibendus.  
 Sed scopus scholarum est inferiores mentis facultates excolere, & imbuere memoriam rebus salutaribus (§. 321).  
 Quæ res in scholis vulgaribus sunt lectio, scriptio & computatio,  
 præter primordia religionis (§. 322); in trivialibus vero grammatica linguæ latinæ, historia, rhetorica & poësis  
 (ibid.) vernacula & latina. Sed per se liquet in his rebus dari  
 progres-

progressus quosdam naturales, inter quos infimum locum tenet lectio, tum sequitur scriptio, & quia arithmetica indiget & lectione & scriptione, excipit scriptionem arithmetica, & religio inchoanda per traditam cognitionem Dei, ipsiusque operum, creationis, conservationis & gubernationis mundi & legum hominibus datarum. In trivialibus præcedit grammatica rhetoricam, & hæc poësin, cum suis exercitationibus, quibus interferi variationis & utilitatis causa merentur historica, geographica, genealogica fabulæ utiles, & similia hiscæ. Ast ordo naturalis ac scholæ jubet, ut ea prius discantur, quæ inserviunt cæteris facilius discendis (§. 829. seqq. *Logic.*). Quare ut facilius discantur & memoriæ infigantur, quæ prius discenda sunt rerum genera, diversis separatisque opus est discipulorum ceteribus, qui classes vocantur (§. 326.), eatenus segregandæ, ne se invicem turbent & impediant, & eatenus conjungendæ, quatenus gradus diversi profectuum in eodem genere discendorum incitationi inserviunt æmulationique. Opus ergo est in scholis classibus, secundum genera discendorum, & naturalem in his ad ampliora progressum disponendis ordinandisque. Enimvero quia in qualibet classè & quovis ideo genere discendorum varii dantur gradus profectuum in iisdem, minores aliis aliique majores; & majores ob oculos positi & ostendunt quid amplius sit discendum, item quod illud disci possit, & quomodo discatur, iidem incitamento sunt illis, quorum profectus sunt minores ad enitendum diligenterque discendum, ut sensim ad illos adspirare possint. Quare secundum profectus loca sunt ordinanda, ut priora & superiora loca occupent illi, quorum profectus sunt majores; posteriora vero & inferiora, quorum profectus sunt minores. Hinc ut quotidie incitamenta adsint, & æmulationem in diligentia promoveant, præmii loco certantibus in diligentia, qui in ea vi-

cere alios, recte jubentur illos præcedere & negligentioribus seu remissioribus præponuntur. Bene promovetur & conservatur diligentiae æmulatio, ista locorum assignatione & variatione pro documentis diligentiae facta; & quando assecuti sunt rationes, quantum sufficit in isto genere rerum, seu in ista classe, tum recte transferuntur ad proximam classẽm superiorem.

Genera discendorum inter se certo gaudent ordine naturali prout unum continet principia & rationem cætera facilius discendi. Prout vernacula in potestatem redacta, facilius est legere vocabula iam ex usu loquendi nota, quam discere lectionem lingue cujus vocabula prorsus sunt ignota. Quæ difficilior via tunc est ineunda, quum facilior non datur. Quod usu venit in linguis mortuis & plane ignotis eas discituro. Lectio rationem continet, literarum ductus & diversitatem tenendi, unde ad illarum imitationem in scribendo facilis est progressio. Quem ordinem naturalem si ordo scholæ sic sequatur, ut simul memoriarum sublevandæ studeat: is ordo classium erit genuinus, atque ita recte ab inferiori classe fiet transitus adscensusque ad superiorem, & quidem proximam, quia natura abhorret a saltu. Quod etiam de scholarum ordine est tenendum. Aemulationem diligentiae, præmia illius in prædria, scholæ publicæ ob multitudinem ingeniorum, & discipulorum eiusdem ætatis habent præcipuam, ideoque eadem recte utuntur ad commune bonum promovendum. Neque in ista ætatula & pueritia ex illa certatione de loco superiori, ambitio invalescet, si contra eam proposita sit pœna dejectionis de gradu, atque id premium non modeste concedatur, a vana ambitione alienis.

## §. 328.

*Coniunctio  
scholarum  
inferiorum.*

*Trivialis scholæ classibus inferioribus recte inferuntur scholæ vulgares, ut ambæ in unam coalescant. Sicut quoque Gymnasia & scholæ triviales interdum coniunguntur. Omnis enim societas unito auxilio plus valet, quam seorsum etiam in scholis (§. 1. P. VII. Jur. nat.). Etenim si eius classes 6 constituentur, sexta continebit cæterum*



œtetur eorum, qui legere discunt seu vernaculam tantum seu quoque latinam &c. donec habitum bene legendi adepti sint; quinta classis continebit scribere discentes, eo usque ut habitum nitide & recte scribendi vel calligraphiam & orthographiam obtineant; quarta classis docebit arithmeticam tirones donec illam calleant. Hæ sunt classes scholæ vulgaris, quibus varietatis delectantis & utilitaris causa adduntur preces, discenda primordia religionis, musicæ, verba latina, declinationes, conjugationes, & similia. Reliquæ classes comprehendunt discenda in scholis trivialibus, tertia videlicet grammaticam linguarum eruditæ familiarium cum ipsius exercitationibus in analysi & synthesi faciliiori stilo ac imitatione; secunda rhetoricam, cum tropis, figuris, & primordiis oratoriæ, additaque exercitatione in analysi, synthesi, & peroratione, seu recitatione concionum; prima denique poësin cum ipsius praxi analytica & syntherica, v. c. in trajectis versibus in ordinem redigendis, & pangendis versibus, &c. Neque oberit hæc conjunctio vel docentibus vel discantibus, si classes rite discernantur conclavibus necessariis, ut illæ tantum in eodem conclavi doceantur, quæ parum a se invicem recedunt, vel diversis horis ibi tractari possunt, aut iisdem a diversis docentibus sic, ne ulla classis per aliam impediatur.

Vsitata propterea ibi est hæc scholarum inferiorum conjunctio, ubi trivialibus opus fuit, uti in oppidis majoribus urbibusque. Vbi vero aut nulli aut perpauca sunt literarum studio capti ibi merito solæ vulgares scholæ separatim habentur; & si quis literatus fieri cupit, is mittitur aliorum ubi in vicinia schola trivialis habetur. Cæterum ubi magni est discipulorum copia, ibi & quælibet classis dividi potest in superiorem, quam teneant prævectiores in illo discendorum genere, & inferiorem, cui insint tirones minorum profectuum cum iniciandis, ut graduum in diligentia & profectibus eo melior haberi ratio possit.

Neque in paucitate discipulorum a re & scopo alienum est, si  
duæ vel tres classes ita in unam redigantur, ut diversis horis aut  
horarum semissibus alii alia doceantur vel ab eodem ludi magi-  
stro, cæteris interim aliis discendis agendisque occupatis.

Si enim studis philologicis adduntur theologicæ cate-  
cheses & principia philosophica, quæ res tradunt faciliores  
& usum rationis in logicis, pneumaticis ethicis, & faciliori  
matheſi, accedunt ad studia trivialia saltem ex quadam parte  
elementari gymnastica studia (§. 321.). Vel accedit trivium id  
quod *Beethii* vocavit quadrivium, subaudiens Mathematicum  
videlicet Arithmetica, Musica, Geometria, Astronomia. Satis  
enim patet, sublimiorem, criticam & elegantiorē literaturam  
vel philologiam ad ea referendam esse studia, quæ cum philo-  
sophicis mathematicisque elementis Gymnasiorum ordini tri-  
buuntur (§. 329.), nec raro in ipsis academiis discuntur, tan-  
quam primordia academicorum e trivialibus scholis venien-  
tium.

Est & his compendiis sumtuum publicorum suis passim lo-  
cus relictus, & per classes, quæ ibi tractanda sunt, in ordinem  
rediguntur, ut præter secundam & primam alia elassis habea-  
tur, quæ suprema dici solet &c.

## §. 329.

*Gymnasia &  
Academia.*

*Scholæ superiores divini pro scopo suo consueverunt in Gymna-*  
*sia & Academiis seu almas & summas. Etenim scholæ superiores*  
*fini suo respondentes docent non nisi intellectu comprehen-*  
*denda (§. 434. P. VIII. Jur. nat.), & qui in illis docent juvenes*  
*professores appellantur (§. 435. ibid.). Enim vero hi verita-*  
*tum artium & scientiarum utilium, quæ prostant (§. 305. &*  
*321.), aut faciliores tantum, aut omnes docent sublimi-*  
*scientias, usu receptas: vel aut inchoant tantum scientias, aut*  
*absolvunt (§. 312. seqq.). Aliquæ tantum eæque faciliores*  
*scien-*

scientiæ traduntur, in Gymnasiis, nec in illis absolvuntur. Omnes vero traduntur absolvunturque in academiis seu scholis summis. Gymnasiorum quædam tantum altiores criticas & elegantiores philologicas & philosophicas tractant scientias, nec eas quidem omnes vel plene, sed faciliora tantum earum & theologiæ elementa, quæ nuda dicere licet seu simpliciter Gymnasia; alia vero omnes etiam superiores tractant scientias & tantum non absolvunt; si vero absolvunt, magistros tamen creandi jure destituuntur. Hæc *Gymnasia academica* merito appellantur.

De illis valent verba: in iis adolescentes ad studia academica præparantur; de his: immo etiam docentur, quæ in academiis doceri solent (§ 435. P. VII. Jur. nat. in not.).

Olim frequenter, nunc rarius Gymnasia vocantur academice, quæ in privilegiis pristinis *studia generalia* salutantur. Vnde tum studium particulare vel pædagogium alteram velut classẽ Gymnasiorum notabat. Gymnasia Academica & Archigymnasia appellantur, uti Romæ, Tremonix, cæt. & scholæ illustres, v. c. Daventrix, Amstelodami, item Groningæ & Franequeræ, antequam ibi academice instituerentur. Clarius tamen Gymnasia academica audiunt Gedani, Sedini, Coburgi, Stadæ, cæt. Cujusmodi sint Gymnasia Hamburgi, Lubecæ, Elbingæ, Thorunni, Altonaviæ, Bernæ, Tiguri, Hammi, Posnaniæ, Leopoli, Geræ, Gothæ, Gorlitzii, Bregæ, Servestæ, Susati, Sigenæ, Stralsundix, Steinfurti, Leucopetræ, Stargardix, Bremæ, Rigæ, Reveliæ, Sittaviæ, &c. ex definitionum applicatione patet. Indidem quoque patescit, quid statuendum sit de scholis provincialibus, Grimenfi, Misnensi, Portensi, cæt. nec non de *academiis*, quæ vocantur *equestribus*, & præter studia gymnastica docent exercitia nobilium equestria. Cujusmodi dantur Berolini, Dresdæ, Viennæ, Lignitii, Lüneburgi & alibi.

Gymnasiis academicis non tantum habentur Professores Linguarum eruditis utilium, Eloquentiæ & Poëseos, Philosophiæ & Ma-



& Mathematicum, sed & facultatum superiorum Theologiæ, Jurisprudentiæ & Medicinæ. Quapropter nec nisi Professores saltem Doctores & Magistri legentes ex academiis evocari ad obeunda hæc munera solent. Cum ergo tales iis sint Professores, quales ipsismet academiis seu universitatibus; a superiorum voluntate pender, utrum velint, ut studiosis omnia tradant, quæ traduntur in academiis, itaque absolutis eorum studiis & examinibus publice institutis, digni reperti muneribus publicis adhibeantur. Rationes rem ita instituendi esse existimo, 1) ne pecunia studiis academicis impendenda præter rem exteris detur, nihil tale reddentibus, cum civium & Professorum communis pro scopo civitatis debeat. 2) Ut disciplina domestica liberi melius avocari a pravo consortio & profusione patrimonii possint, quam apud externos fieri potest, ubi licentia & deductio non paucos corrumpit. 3) Ut examinibus superiores ipsi interesse, & si velint examinare pro lubitu possint, saltem quando non vacat, e testimonio, pro religione conscientiæ & fide ab examinadoribus dato, certi sint collatores, quinam meretur præferri, nec ne? 4) ad removendam omnem compersionem, examen partim sæpius e. g. singulis semestribus studiorum academicorum, institui potest; partim ultimum, quæ velut adepti & magisterio digni declarantur, tradi potest plane diversis a Professorum collegio viris aut addi illis possunt, qui pariter ac ipsi examinare queant, quæcunque volint. 5) Passim jam receptum est in civitatibus, ut sicut in rebus aliis, quæ domi disci possunt, apud externos non sint quaerenda ita & studiorum causa nummi ne quidem peregrinando ad externos exportandi sint, sed linguæ exoticæ ab earum magistris, reliqua ex libris optimæ notæ plenius discantur, quam ex vulgari peregrinatione fieri potest, nec reduces peregrinos mores & vitia potius quam virtutes, & quæ in civitate noscenda agenda sunt secum referant. Nec sunt hæc plane inusitata, sed passim in cœnobiorum ordinibus studia absoluntur, inque illi digni reperti adhibentur ad quævis munia ipsam adeo summam pontificis dignitatem. E Gymnasiis academicis passim, & He-

lenſi reformato peti admovendos ad munera publica conſtat, & poſterius confirmat von Dreyhaupts Beſchreibung des Saal- freifee P. II. p. 267. ſeqq. varia quoque proſunt exempla eorum, qui ex Gedanenſi Athenæo & domi & foris, tum ad munera ſcholæſtica, tum ad juridica minoris momenti, tum ad eccleſiaſti- ca fuere admoti, & paſtores ſacri in pagis & oppidis evaſere.

## §. 330.

In Academiis & Gymnaſiis academicis liberum eſſe debet Pro- Quæ eſſe de- feſſoribus ſoliditate & integritate conſpiciis, utrum ſcientiæ artiſve ſuæ beat Profeſ- appol atum publice compenſiam in docendo ſequi, an ipſi perfectius ede- ſorum do- re vel compendium vel ſyſtema malint? Profeſſores enim docent in cendi liber- ſcholis ſuperioribus, vel juvenes ad ſcientiam rerum ſcitu ne- tas? ceſſariarum & utilium perducunt (§. 435. P. III. Jur. nat.). Ii- dem ea probe callere debent, quæ ab ipſis ſunt docenda, & dono docendi gaudere (§. 436. ibid.), & in Gymnaſiis rudis tantum profitentur faciliores ſcientias artesque humaniores, in academicis vero & difficiliorem ſcientiarum vel ſuperiorum facultatum elementa (§. 329.). Quæ deinceps in academiis abſolvuntur ſeu quoad integrum ſyſtema exhibentur, tanquam in ſcholis ſummis (§. eod.). Quapropter ſi Profeſſores ſoli- de callent quæ docere debent, ſi dono docendi excellunt, pa- riter ac integritate cæterisque virtutibus; egregiæ & pleniores cæteris, quæ proſtant, inſtitutiones ab illis proficiſci poſſunt, aut ſi ſatis bonæ ſint utilitate, ex iisdem meliores eligentur ab iisdem. Quare cum optima quæque de illis ſperari poſſint, ſive ipſi compendia doctrinæ eligant ex venalibus, ſive melio- ra, vel & integra ſyſtemata edant: permittendum ipſis eſt, in Academiis & Gymnaſiis academicis, utrum malint facere, mo- do actu præſtent quod optimorum approbationem mereatur.

Illæ quidem ſcientiæ & artes, quæ vix aliam admittunt mu- tationem quam in ſtilo & methodo, duce antiquo compendio ſatis ſuperque approbato, æque bene docentur, ac ſi novum  
(Wolſi Politicæ P. II. S. III. G. I.) G g g nihi-

nihilò melius adhibeatur. Ita Euclidis elementa rectè docens & discens, æque proficiet, ac si recentiorẽ epitomen Geometriæ in manus sumisset. Res enim manent eadem, & ab Euclide rite demonstrantur. Licet ergo in scholis inferioribus compendia satis approbata præscribi possint præceptoribus, ut illa tantum rectè doceant (§. 319.) cum ibi pleniora non desiderentur, nec facile dari possint a præceptoribus: non tamen opus est, ut in Gymnasiis & Academiis idem metuatur, nisi ubi docentium imperitia, vel methodus præpostera manifesto se prodit. Quare si sint Professores soliditate & virtute integerrima conspicui, idem ipsis licere debet, quod aliis viris solidæ eruditionis laude celebribus, ut scilicet sua doctrina non præsentibus tantum auditoribus imbuere, sed & multo plures absentes, & post hæc sua supersites, libris suis, siue compendia sint doctrinarum sue systemata, erudite, & simul lucrari quidquam ex pretio eorum, qui emtores, reperere, possint.

## §. 331.

## Divisio academiarum.

Scholæ almæ vel privilegiis publicis ejusmodi sunt instructæ, ut non subsint nisi majestate præditis, vel illis carere & subsint magistratui civili, qui summus non est. Illas dicunt solent privilegiarias, has nudas: vel illas recentiores, has veteres, aut potius illas *eximias* vel egregias, has non *eximias* seu *gregales*. *Eximias* vel omnibus, quibus possunt, gaudent privilegiis, vel quibusdam tantum prouti e re publ. visum est (§. 313.). *Priores* rectè dicimus *universitates*, subaudiendo *reterarias*; posteriores academias, nomine generali vel restrictivo res. Quæ *eximias* non sunt, nomen sortiantur a magistratu dependente cui subsunt, v. c. electore, duce, principe, comite, urbe, atque uti *eximias*; vel gaudent privilegiis *creantur* magistratos artium & scientiarum, vel iis destituuntur.

Germani *eximias* vocant privilegierthe hohẽ Schulen, *gregales* schlechte hohẽ Schulen. Possent etiam priores dici *universitates*, *sub* bære, posteriores, *mittelsbære*, ratione supremæ potestatis, et



subiungunt, quemadmodum nobiles urbes, pagi Germanici imperii dantur utriusque generis, unmittelbarer Reichs-Adel, unmittelbare Reichs-Städte und Dörfer, und mittelbare. Quod ex hoc discrimine in academiis nascantur alia atque alia, id patebit e sequentibus. Veteres academias destitutas fuisse illis privilegiis, quibus recentiores præditæ sunt, controversia vacat. Sive enim Babyloniorum Chaldaeorumque, magos & sideralis scientiæ autores chaldaeos ex *Strabone Lib. XV. p. 580.* afferas, quibus ait peculiarem habitationem esse in Babylonia constitutam, tanquam Philosophis indigenis & Astronomiam plurimum colentibus, quorum sectas astronomicas *pag. 569.* duas nominat Orchenos & Borsippenos, ceteras omittens (Borsippa vero dicit urbem Dianæ & Apollini sacram); sive Aegyptiorum sapientes a quibus Moyses est institutus *Actor. VII. 22.*; sive Persarum fora libera vel scholas, ad quas cuivis Persæ liberos suos mittere licebat, ut apud magistros publicos institutis liceret inter ephobos adulescere, quod illis haud fas erat, qui hujus institutionis cursum non tenuerant, & qui inter ephobos legibus præscripta præstiterant, illi virilem adepti ætatem soli poterant magistratorum honorumque participes fieri, teste *Xenophonte in Cyropæd. L. I. p. 7.*; sive Confutii scholam Sinensem; Palæstinæ Kirinth Sepher *Josue XV. 15.*; sive Judæorum Abel 2 *Sam. XX. 18. seq.* & scholas propheticas; sive Pythagoræ hemicyclium; sive Druidum Specus & nemora; sive Indorum Gynnosophistas; sive ipsius Platonis Academiam, cæteraque Græcorum Gymnasia laudes: non tamen ostendes usquam vestigia ejusmodi Privilegiorum, quibus recentiores academiæ effulserunt, & iam passim exsplendescunt. Quidquid vero de Alexandria, Romana, Berytensi, & Constantinopolitana academia dicatur, nonnulla quidem ipsis privilegia v. c. examinandi eos, quibus facultas de jure respondendi concedenda esset, & immunitates quasdam datas esse deprehendimus. Sed nec Parisina, nec Bononiensis tales ab initio & per longum tempus fuere, quales postea factæ sunt, hodieque sunt. *Linnæus Jur. publ. L. VIII. C. I. n. 16.* docet, nunquam Parisinam Academiam ju-

ris romani Professionem habuisse, nec Aurelianensem Theologiam &c. Revera Aureliae non datur nisi una facultas juridica, cujus sex sunt Professores. Accessit quidem postea seminarium Theologicum, sed ab academia sejunctum plane, aeque ac Collegium Societatis Jesu humaniora tradens & Philosophiam. Scholares academicae unius tantum facultatis olim plures fuisse, ut in Salernitana medicae fere facultatis fuit. Edimburgi juridica facultas non esse fertur. Altorfina Academia ab anno 1575. quoque ad annum 1678. caruit privilegio creandi Baccalaureos & Magistros. Doctores vero & Licentiatos Juris ac Medicinae demum adquisivit A. 1622. Denituitur vero jure creandi Doctores Theologiae, Sic Argentinenfis Baccalaureos & Magistros creavit ab anno 1566. Doctores vero demum ab anno 1622. Constantinopoli fuere A. 425. tres oratores, denique Grammaticos quinque Sophistae, unus Philosophus & 2 Juris Doctores. Russorum academia Moscuensi Jurisprudentia nunc demum acceri cepit, Medicina & Theologia necdum ibi docentur.

## §. 332.

*Dividuntur  
privilegia  
academia-  
rum.*

Privilegia academiarum & universitatum duplicis sunt generis; alia *civilia*, nempe alia *literaria*, ambo aliis consona institutis. Referuntur enim privilegia primo ad statum civilem quia extra dubitationis causam positum est, majestatem imperii tribui non posse, certe non esse tributam, ideoque eas civitatem in civitate subesse. Idem comprobatur ipsa privilegii natura, inferens concessionem juris cujusdam certo personarum ordini factam, quo caeteri carent (§. 853. P. II. Jur. nat.). Iam privilegia concedendi ad jura majestatis pertinet (§. 855. ibid.). Concedi autem privilegia solent vel illis, qui non subiunt majestati gaudetibus, vel eadem destitutis. Priori categoriae nascuntur privilegia civilia summa, nempe non obtemperandi nisi summa praeditis potestate, quae faciunt academias universitatesque eximias (§. 330.). Si vero academiae non summae exemptae jurisdictioni inferiori, carebunt summis civilibus privilegiis.

Vilegiis. Gaudere tamen poterunt æque ac eximiæ privile-  
giis civilibus inferioribus quibusdam, & literariis, confe-  
rendi scilicet honores acquisita intellectus cultura promeri-  
tos, una cum jure privatim alios similiter erudiendi. Quia  
hæc sunt præmia rei literariæ seu eruditioni propria, literaria  
dici merentur istiusmodi privilegia. Sunt ergo duplicis ge-  
neris privilegia academiarum, civilia nempe & literaria.

Neque inusitata in civitate sunt hujusmodi privilegia.  
Cui ignotum est, non paucos dari in civitate, qui nulli sub-  
sunt alii, præterquam majestate gaudenti, eximii merito di-  
cendi ratione eorum, qui hujusmodi jure destituuntur? Quot-  
quot nempe dantur v. c. in regno, qui soli subsunt regi, tot  
dantur academiarum civilis exemptionis simillimæ exempla.  
Præterea nullis denegatum est, aut denegari potuit artifici-  
bus opificibusque civitatis jus adsciscendi tirores, eosdemque  
instruendi & perficiendi eo usque, ut omnia tandem calleant,  
quæ in ista arte sunt reperta exercendaque (§. 309. seqq.).  
Quid causæ ergo fuisset, academiis denegandi quod ne illibe-  
ralibus quidem aut fordidis artibus potuit recusari? Ambo  
igitur academiarum privilegia aliis consentiunt civitatum insti-  
tutis.

### §. 333. a

Inter privilegia literaria *Dignitates academice* vocantur, *Quid sint di-*  
honores acquisita intellectus cultura promeriti, unde hæc digni-*gnitates aca-*  
tates non sunt hæreditariæ sed personales. Quoniam merita *demice*, &  
alia sunt majora, alia minora: opus quoque fuit *graduum di-* *tituli gra-*  
veritate, ut scilicet aliæ dignitates essent inferiores, aliæ *duisque?*  
periores, aliæ summæ. Quæ dignitates literariæ cum suis  
nominibus appellandæ & discernendæ fuerint, & tituli sint  
vocabula, quibus significatur præstantia in meritis erga rep.



(§. 763. P. VII. Jur. nat.): titulis quoque opus fuit academicis, quod est in academiis promerendis conferendisque.

Quemadmodum dignitas civilis est præcellentia ejusdam supra alios in rep. (§. 205. P. VIII. Jur. nat.): ita quoque dignitas literaria, academica præsertim est præcellentia in parte intellectus perfectione, vel in parte habilitate constanti absolutaque. Quæ cum naturaliter ab illis tribuenda sit, qui eorum rerum, in quibus conspicua est, sunt intelligentissimi; quorum judicium sequi eos par est, qui earum minus sunt periti: utique utique honorem, qui & in nostro casu ab intelligentibus per meritum ratione confertur, & a summo imperio ratihabetur. Hi honores dum præmia esse debent virtutum & ex eis nobilitatis decorari meruit, ac civili nobilitate aliarum virtutum præstantia. Quia scientia & artes nobiliores ad salutem publicam sunt necessariae, conjunctisque viribus in civitate sunt promerenda (§. 313.), & opera danda, ut qui in virtutibus excellunt & meritis eminent, in quovis vitæ genere fortunis quoque circiter adequentur (§. 565. P. I. Polit.): commodum quoque accideret Reip. si antiqua meritum adequatio pro æquitate usque quaque inter gentes cultiores vigeret. Antiquitus autem artium & scientiarum Doctores in muneribus publicis non illis æquiparabantur in aulis, rebusque (v. c. Genuensi) Canonibus, præfulatu & pontificatu. In auditorio JCtorum Prætorum legitur: Ex præmissis concludendum, ut Magistri & Doctores publici, qui per 20. annos continuos docuerunt in aliqua famosa universitate, ipso quidem iure efficiantur duces & comites simul, & propterea ob utramque dignitatem dicantur Illustres, cum alias simpliciter duces & comites, tantum dicantur spectabiles. Middendorp. P. II. p. 285.

## §. 333. b

Tres gradus  
academici.

Dignitatum academicarum infimus gradus est laurea baccifera, a qua baccalaurei vocantur; medius est candidaturum

rum summi honoris, vulgo *Licentiatorum*; summus est magisteriorum unde *Alumni* & *Doctores* appellantur. Scilicet qui insignes profectus ostendunt, primo: qui fere digni sunt Magisterio, Candidati medio, & qui absolverunt scientias, aliosque æque perficere valent, summo gradu ornantur.

Laurea olim victores Delphis & triumphantes Romæ coronari solebant. Duo ejus genera tradit Carus, Delphicam & Cypriam. Pompejus Lenæas adjecit, quam mustacem appellavit, quoniam mustaceis subjiceretur. Hanc esse folio maximo, flaccido & albicante. Delphicam æquali colore viridiorē, maximis baccis atque e viridi rubentibus teste *Plinio H. N. L. 15. c. 30.* Quia laurus Apollini dicata erat, apollinea vocatur *Ovidio Fastor. VI. 91.* Procul dubio, quin laurus semper viret, & milites triumphantis currum sequentes laureati erant: translata fuit laurea ad premium primum bene in castris musarum militantium perpetuumque decus ipsorum denotandum, cum Apollo musis, quas Cicero humanitatem & doctrinam interpretatur, præstet. Novæ dignitati novum nomen tribuerunt, & cum Latinus laurigeros vel laureatos dicere potuissent, baccalaureos dicere maluerunt. Unde Galli suum *Bachelier* & Angli suum *Bachelour* formarunt. Horum igitur est, in arte dicendi examimbus, disputationibus, aliisque speciminibus haud vulgares ostendere profectus, si prima laurea coronari velint. Postquam deinde majores adepti sunt profectus in scientia rerum, ut propemodum digni sint summis honoribus, idque speciminibus idoneis prælectionum disputationumque comprobarunt, candidati eorum, vulgo *Licentiat* creantur, & alios docendi licentia h. e. facultate donantur. Regiomonti tamen sunt & illi Candidati Juris quibus facultas juris privatim docendi, habita disputatione pro facultate legendi, tribuitur. Vid. *D. Arnoldus P. I. Hist. acad. Regiom. p. 219.* Denique ubi perfecti, iisque pares facti sunt, qui summis fruuntur honoribus, præstitis præstandis creantur Magistri & Doctores suæ scientiæ. Neque tamen ubique primus gradus usitatur, sed passim nullus aut raro ipsi  
est

est locus; neque necessum est, ut separatim isti gradus & alii quot annorum intervallis adquirantur. Qui enim eo usque studia absolverunt sua, ut summis honoribus capeffendis digni sint illi eodem actu solemni ad summum gradum, quo se dignos esse probarunt, evehuntur. Neque opus est, ut qui primum vel medium adepti sunt gradum, summum quoque adficeant cum hæc res sit arbitrii. Sunt & in artibus ignobilioribus hæc gemella. Qui enim pæne omnia didicere quæ ipsis sunt discenda, tirocinia artis suæ propemodum absolvisse dicuntur, ita prope edocti (*bald ausgetehrte*). Deinde renunciatur absolventi a tirociniis (*ausgetehrte, oder Gefellen*). Hæc prima quasi laurea est ipsorum. Post hanc perhærentur subinde ulterius. ut candidati magisterii (*Meisterknechte, Altgefellen*, dicantur. Tandem ipso magisterio præstitis præstandis condecorantur, evaduntque magistri (*Meister*). Quia veri magistri artem suam probe callent, possunt solentque eam & alios docere, inde doctorum nomen enitum est (*Lehrmeister*). Sed quia & loci bonique magistrorum idem plerumque facere jubentur & consueverunt: ratio liquet, propter quam & candidatis magistrum cultas docendi alios ea, quæ norunt, concedatur; & doctorum crenti olim magistris inferiores existimati sint, unde manavit nomen multa: nos magistri & doctores &c. Ceterum magistrorum nomina etiam in re literaria sunt perantiqua, uti Epicuri præludi fuit magister, & Aristotelis magister Plato; nec minus magistri bonarum artium antiquitus etiam doctores dicti fuerunt docendo. Primus vulgo fertur fuisse Gregorius IX. qui hunc sui magistris Parisiis creari iusserit; sed talem bullam ignorat *Bellarminus romanus nec vita Gregorii hæc habet. Potius* *legit in Historia universitatis Parisiæ T. II. ostendit*, *secundum XII. ante ejus tempora Magnates & Cardinales Titulo Magistri esse ornatos & compellatos, uti M. Melchiorum & M. Petrum Tusculanum, Cardinales. Prima ibi fuit facultas; neque præseis Academiis alii fuere quam artium magistri & doctores. Noris causa dicti. Numerabantur autem quia artes liberales septem Grammatica, rhetorica, poëtica complectens, arithmetica,*



sica, dialectica, geometria & astronomia, quibus dein addebantur hæ tres philosophicæ, Ethica, Physica & Metaphysica. Vid. Anton. a Wod Hist. Acad. oxon. Lib. II. p. 1618. & 32. Lektionen Theol. grammat. & rhetor. arithmet. & musicas, nec non geometricas & astronomicas Alfredus Rex circa annum 879. instituisse & stipendiis pensasse fertur. *ibid.* p. 30. Ita Oxonii & Cantabrigiæ Rectores primorum sæculorum non fuere nisi artium magistri, qui etiam nunc in Comitibus academicis soli jure suffragiorum gaudent. Hi summo tum erant in honore & doctoribus Theologiæ præferebantur, qui Anno 1151. Luteriæ creari cœpere & magistri diu sunt appellati; donec omnis artibus liberalibus inepti affectarent magisterium in Theologia, ideoque ne impares muneri admitterentur, decerneretur, ne quis gradum Theologiæ capesseret, nisi qui progressum in artibus documentum & honores adeptus alios pene docuisse & rexisse intelligeretur. Quod circa annum 1253 institutum calide eo adhibitum fuit, ut Theologia cum Jure & Medicina longe anteire cæteras facultates artium facultatem judicaretur, & ex trito versu diceretur: *dat Galenus oper, dat Justinianus honores; sed genus & species cogitur ire peder.* Qui excellebant in artibus earum Magistri & doctores appellabantur. Qui facultate quadam docendi artem suam alios donabantur, dicebantur baccalaurei v. c. Grammaticæ, rhetoricæ, musicæ. Vnde & Doctores ac Magistri Musicæ in Anglia creantur. Idem Woodius Lib. I. p. 216. 246. Druidas simili fere ratione de Deo, rerum natura, mundi & terrarum magnitudine, de animorum immortalitate, juventuti undique ad eos confluenti tradidisse, omnesque controversias civium decidisse autor est *Cæsar. L. 6. de Bello Gall. c. 17-19.*

## §. 334.

Successu temporis divisæ sunt scientiæ, quæ in Acad. Facultates miis docentur, in duas facultates, superiores nempe & inferiores, Academicæ non ratione facultatum mentis (§. 321.), sed pro arbitrio ratione usus, quem cultoribus suis in civitate more recepto præstant inferiores.

(Wolffii Politica P. II. Sect. III. C. I.)

H h h

stant inferiores.

stant (§. 333. b). Superiores nimirum dicuntur facultates, quæ superiorum facultatum habitibus majorem usum in honoribus redditibusque publicis prout lubuit consecutæ sunt. Inferiores autem superiorum principia tradunt & ornamenta, quæ nunc tantum minora cultoribus suis emolumenta afferre consueverunt. Posset etiam dici, superiorum necessitatem ad salutem publicam statutam esse majorem, ob decerptos & subreptos primævis usus potiores, quam inferiorum, licet hæc ad illas præparent animos & illarum bases sint fontesque.

1) In statu integritatis homines, ad omnes felicitatis humanæ partes creati, omnibus donis divinis ex æquo utebantur, hæc præcipua æternæ salutis cura & ipsis fuisset. Post lapsum partiter quisque debebat suæ operari felicitati, mansitque residuarum virium causa arbitri electionis boni & mali, suæque fader fortunæ *Deuteron. XXX, 19.* Debent illæ facultates mentis & corporis, & habitus iisdem parti communibus usibus & propriè sapienter secundum leges divinas impendi, neque temere contemni vel postponi, ut Christianos Paulus quoque instructione membrorum corporis. *1 Corinth. XII, 12-26.* Vult qui plus in omnibus valebat, actu cæteris præficeretur, exemplo esset, v. c. ut primogenitus inter liberos primus esset in imperio & sacerdotio, modo id mereretur *Genes. XVII, 18-21. XXVII, 29. 36. seq. XLIX, 3. 8.* Deinde Moles tanquam Deus proponebatur Aaroni facundo Pontifici summo *Exodi. IV, 10.* Cum in Christo primæ summi imperii & sacerdotii doctorisque divini partes unitæ essent *Joan. XIII, 13.* noluit tamen apostolos suos dominari & primas affectare partes *Luc. XXII, 25. seqq.* reprehendit quoque Phariseos *πρωτοκλισίαν & πρωτοκαθεδραν* captantes cum titulo doctorum & magistrorum *Matth. XXIII, 2. 6. seqq.* Sicut organa corporis singula suis usibus destinata & adhibenda sunt: ita & facultates animi, tanquam Dei dona sunt adhibenda usibus, nec aliæ aliis temere præferendæ aut spernendæ, qui contemptus in Deum redundaret autorem, singula ad

ad gloriam suam sapientissime conferentem & largientem. Efferentes se citra rem turpiter se dant coram Deo hominibusque. Si consideremus, quæ in superioribus habentur facultatibus, & naturæ viribus debentur, non sunt illa nisi pars usum philosophiæ, scilicet Theologiæ naturalis, Juris naturæ, & Physicæ. Revelationem excipio, cujus donum est supernaturale, quo superbire velle idem esset, ac si mendicus stipe donata superbiret; præsertim cum non solis Theologis sed omnibus datum sit, salutis adipiscendæ causa, & quisque non aliorum sed sua fide sit beandus. *Rom. I. 17.* suaque nequitia damnandus. *Rom. II, 12.* *Seqq.* Pariter quisque suus esse debet judex & suus medicus, ne indigeat aliis, per se id intelligens & agens, quod agere debet. Est ordine opus, ut omnia decenter fiant, est & graduum meritorum ratio habenda; sed notum est, quomodo illa obtineantur in rebus aliis, salva dignitate rerum & personarum, salvaque virtute, ne fenestra vitiiis aperiatur. Quod quia Judæorum Rabbini usu venerat, merito damnabatur a sapientissimo salutis humanæ reparatore suisque discipulis interdicebatur.

2) Olim alia fuit studiorum divisio in academiis, ut vel circa verba vel circa res versarentur, quarum facultatum prior *Philologia*, posterior & præcipua *Philosophia* dicebatur. Hoc discimus ex *Strabonis Geograph. Lib. XIV. p. 463.* ubi, tantum, inquit, Tarlensibus studium rerum philosophicarum & disciplinarum, quas encyclias vocant, incessit, ut superaverint Athenas, Alexandriam, & si quis alius locus nominari potest, ubi *Philosophorum & Philologorum* scholæ habentur. Et paulo post appellat, quam hic vocat *εγκυκλιον παιδειαν*, omnis generis circa orationem S. liberalium artium scholas. (*σχολαι παιδαγωγικαι των αλλων περι λογου τεχνων*). Tum Juris disciplina petebatur a Philosophis, qui & ipsi fuere legislatores, uti Solon, Lycurgus, cæteri. Nota est *Evathli & Protagoræ* pæctio de didaetro, quæ celebri locum dedit litis forensis labyrintho, teste *A. Gellio notitium Att. Lib. V. c. 3. & 10.* Tum *Plato* recte præcipiebat, felicem esse remp. in qua aut Philosophi regnarent, aut impetantes recte philosopharentur. *L. V. de Rep.* Ita *Alexandri M.*



formator fuerat Aristoteles. C. Jul. Cæsar operam dedit Apollonio, clarissimo dicendi magistro, ac Eloquentia præstantissimorum gloriam æquavit, autore *Suetonio c. 4. & 55. in ejus vita*. Idem de *Augusto c. 84.* Eloquentiam studiaque liberalia ab ætate prima & cupide & laboriosissime exercuit. Mutinensi bello, in tanta mole rerum & legisse & scripsisse, & declamasse quotidianie traditur. Neque deinceps in senatu, neque ad populum, neque apud milites locutus est unquam, nisi meditata & composita oratione, quamvis non deficeret ad subita extemporale facultate. *cat. Cap. 85.* Multa varii generis composuit pro oratione, ex quibus nonnulla in cœtu familiarium velut in auditorio, recitavit. . . . Quæ volumina cum jam senior ex magna parte legisset fatigatus Tiberio tradidit perlegenda. Item hortationes ad Philosophiam, & aliqua de vita sua, quam 13 libris Cantabrico tenuis bello, nec ultra exposuit. *cat. Titum, Trajanum, multosque alios omittentes, Marcum Antoninum, Philosophum dictum, & reliquos eruditione insignes, sua sponte animo obversaturos esse, nulli dubitamus.* Principia vero & fundamenta superiorum dari in inferioribus, patebit ex earum explicatione jam addenda.

## §. 335.

Divisio facultatum inferiorum.

Inferiores facultates aut circa sermonem expoliendum occurrunt in prosa & versa seu ligata oratione; aut circa res singulares in Historia & antiquitatibus omnis generis; aut circa sententias philosophicas & mathematicas tanquam res communes. Quia Philosophia Mathematica, velut alteram partem completitur, & philologia non minus indiget discussionibus philologicis, omnes hæ facultates uno philosophicæ facultatis ambitu & nomine comprehendere consueverunt. Cernitur hinc ratio Professorum Linguarum O. O. & Græcæ, Eloquentiæ & Poeseos, Historiarum, Logicæ, Metaphysicæ, Physicæ Juris Naturæ, Moralium, Oeconomicæ, Mathematicæ inferiorum superiorumque. Hæ tamen Professiones alibi aliter aut conn-

stuntur, aut separantur, aut in eadem Academia alias aliter pro Personarum studiis distribuuntur, ut circiter octo usque ad Professores Facultatis ordinarii habeantur, præter extraordinarios, titulo & spe successionis aliqua gaudentes. Cæterum Facultas philosophica creat Magistros & Doctores Philosophiæ, & in Anglia quoque separatim Doctores Musicæ. Poætæ olim in ludis Capitolinis certarunt carminibus, & laurea donati sunt qui vicerant alios, unde laureati dicti fuere. Quæ solennitas subinde ampliata est, ut laureati fere sint, saltem existimentur, quasi magistri & doctores poëseos essent creati. Dixi fere sint, cum a peritis is honor esset tribuendus. Vnde contentum parit, si gratiæ potius quam meritis tribuitur, pari fere modo, ac doctores bullati, qui olim a comitibus palatinis creati sunt, aliisque ludibrium debuere. Facili negotio Facultas philosophica dirimi potuisset in philologicam, quæ linguas eruditioni inservientes cum critica, historiam, Oratoriam & Poësin contineret; philosophicam strictius dictam, & mathematicam.

Præter antiquitates ad Historiam quoque referuntur mythologiæ, Geographiæ civilis, Genealogiæ, Chronologiæ, Heraldicæ, diplomaticæ, lapidariæ, numismaticæ, gemmaræ, institutiones, & polyhistoria, ac sigillorum, statuarum, inscriptionum, hieroglyphicorum & emblematum peritia. Multitudo Professorum Philosophiæ procul dubio debetur majori cum numero disciplinarum, tum ipsius usui per omnes cæteras facultates diffuso; cum mathematicarum disciplinarum numerus sit sat copiosus, sive puram spectes Mathesin, sive applicatam. Quid alii de quadripertita facultatum academicarum divisione sentiant, videsis in *Ludwigii Diss. de eadem*, & *Dieterici non adæquata eruditionis in 4 facultates Divisione*. Cæterum Professoribus Facultatis philosophiæ tanquam ejusdem census Eruditis paria ferme solent dari stipendia, & locus assignatur in Facul-

tate eo ordine, quo muneri suo sunt admoti. Oxonii datur Professor Arabicæ linguæ uti & hebrææ.

## §. 336.

*Superiores  
Facultates  
sunt theolo-  
gica, juridica  
& medica.*

Superiores vel præcipuæ facultates numerantur tres: *theologica, iuristica & medica.* Aut enim versantur circa salutem æternam, aut circa temporalem, quæ vel salutem publicam quaerit, vel vitæ ac valetudinis conservationem. Cura salutis æternæ adipiscendæ vel veræ religionis pietatis & rerum divinarum proposita est Facultati theologicæ. Cura prosperitatis publicæ item legum explicatio destinata est facultati juridicæ, ut suum cuique jus tribuatur. Cura vero corporis, seu sanitatis, morborumque profligandorum, Facultati medicæ est relicta. Eæque Facultates, quo definivimus illas ordine, se invicem excipiunt: quoniam per se liquet salutem æternam potius esse temporali, & hujus salutem publicam recte præponi saluti privatæ corporis. Hinc quarto demum loco succedit Facultas philosophica, sive Artium Facultas.

Vbi vera religio non habetur, sed vel plane nulla est, vel idololatria duntaxat & inanis species religionis, ibi mirum non est, si quæ academice habentur, in illis hujusmodi cultiorem facultatem, quas vocant, academicarum ordinem non dant. Interim non erit a re præsentis alienum, hic annotasse Museum Alexandrinum, quod Academiæ instar habendum esse supra innuimus, partem regiarum fuisse præditam deambulatione (*εχον περιπασιον*), exedra, maximaque domo. Huic museo præfuit sacerdos, olim a regibus, postea ab imperatore constitutus, memorante Strabone L. 17. p. 546. Sacerdotes autem legebantur e Philosophis, maximoque habebantur in honore, adeo ut ex eorum probatissimis reges eligerentur. Apud Aegyptios rasi erant capite, ornati corona gemmis distincta. Faciebant docebantque sacra, & præerant juri dicundo fere ut apud Judæos. Vnde quidpiam prærogativæ Præfecto collegii alexandrinæ



drini, & sacerdotio pagano fuisse apparet. Fuit, ubi juridica facultas in duas ita dirimebatur, ut doctores in decretis seu Juris Canonici essent in secunda, & Legum seu Juris civilis in tertia facultate. Tum facultas philosophica quinta dicebatur, & discrete quinque statuebantur Facultates. Vid. *d'Acherii Spicilegium* Tom. 6. p. 500. seq. Superfunt illius instituti nonnulla vestigia in Anglia ratione graduum Doctorum Juris. Verum ab eo non sine ratione recessum esse a plerisque omnibus, quilibet perspiciet ingenio suo pte.

## §. 337.

Quælibet facultas superior, ut inferior, in suas dirimi- *Diversæ Pro-*  
tur disciplinas & professionum diversitates. Ita Theologiæ *profiones su-*  
runtur Historia Ecclesiastica, Hermeneutica sacra exegetica, *priorum sa-*  
Therica, Polemica, homiliterica, morali, & prudentia in catibus *cultatum.*  
difficilioribus consistorialibus, pastoralibusque. Jureconsulti  
suo indigent habitu interpretandi jure civili, canonico sive sa-  
cro, criminali, feudali, publicoque; porro suo habitu docendi,  
judicandi, consulendi, lites in foro tractandi, ex actis referendi.  
Medicorum est Anatomia, Chirurgia, Physiologia, botanica, ma-  
teria medica, chemia, Diætetica, Pathologia, Semiotica, Thera-  
peutica seu methodus medendi & casuum forensium. Hinc  
varia nascuntur doctrinarum genera & variæ professiones me-  
thodum quoque discendi illas scientias continentes, quæ jun-  
ctæ suam conficiunt facultatem. Vnde facultas vulgo non est  
nisi collegium Professorum ejusdem facultatis. Quæ tamen  
passim parum non accurate nominantur, sed v. c. Professores  
primarii, secundarii. vel Tituli de verborum significatione &  
de diversis regulis Juris judiciorum, contractuum, ultimarum  
voluntatum &c. nuncupantur. Numerus autem Professorum  
Ordinariorum in aliis Academiis major est, in aliis minor; v. c.  
tres circiter aut 5. rarius plures ordinarii, quibus accedunt ex-  
traordinarii, item adjuncti. Quia opus est, ut quælibet pars  
scien-

scientiæ quam optime excoleretur; id vero fieri nequit, si modo ab hac parte ad aliam sit transeundum, in qua parum præstare valet, qui in alia plus præstitisset: permittendum esset cuique doctori, ut in ea maneret scientia in qua plurimum fecisset progressum, & eam sibi illico eligeret, dum docere incipit, saltem dum opportunitas nascitur se ad eam accingendi, in quam ingenium præ cæteris fertur. Ordo, uti in philosophica facultate (§ 336), & alibi, peteretur a tempore, quo spartam suam sunt adepti, & stipendia constituerentur æqualia, ne eorum incrementa incitarent ad stationem, cui bene præfunt, deferendam.

Cretenſium rempublicam primis legibus Rhadamanti & Minos, Clariss. Jctorum institutam fuisse, *Aristoteles* fatetur. Quarum cognoscendarum causa Pythagores Cretam est profectus, & Lycurgus, postea Lacedæmoniorum legislator saculæ divini humanique jurisprudentiam in Cretenſi Gymnasio percepit, *Luciano in Dial. de Gymnas.* sub innuente; quas leges Plato tanti fecit, ut in suos libros de legibus eas referret. Plures ibi quam alibi fuisse perhibentur excellentissimi sophistæ & Jovis prophetæ, legum magistri, ab esu carniû abſtinentes. Maxima ibi instituendæ juventuti opera dabatur. Qui ingenio valere judicabantur, ex ærario publico alimenta, & singulos præceptores percipiebant, qui præter bonas artes, ipsas etiam leges cum concentu & suavi melodia tradebant, ut jucundius ediscerentur & facilius memoria tenerentur. Rhythmos quoque in honorem Deorum, præcipue Jovis, compositos ad discendum præponebant, item fortium virorum encomia, & musicam. Studiosi convivia a Minoë instituta frequentabant, in quibus a cœna illustrium virorum laudes celebrabantur. Huc ergo Solon & Thales studiorum causa se contulerunt, Lærtio testis. E quibus quædam antiquæ Theologiæ & Jurisprudentiæ vestigia apparent; qualia quoque Corinthiorum *Cranium*, in quo Cynici philosophabantur, & Rhodiorum Gymnasium, ubi Politæ

donius, præter alios floruit artium professores, quos non piguit audire Pompejum M. Tiberium cuique Cicero suum de Consulatu librum corrigendum transmissit, teste quadam epistola ad Atticum data. Medicinam cæt. quoque non plane penitusque neglectam esse, docent exempla celeberrimorum viro- rum, Hippocratis, Aesculapii, Erasistrati, Herophili, Serapio- nis, item Medici Alexandri M. quorum alii ab aliis artem me- dicam hausere; tamen nondum loci recorder, quo pateat, in academiis illam institutionem in arte medica esse factam. Certe id incredibile dici nequit. Antiquis Parisina, Aurelianensis &c. academiarum legibus memorantur Magistri Theologiæ & Me- dici- næ, & doctores in decretis, & legibus in *Dacherii spicilegio* Tom. VI. p. 381. seqq. Leguntur etiam olim seorsum creati Doctores Juris Canonici, uti etiam nunc in Anglia creantur. Ad Theologiam nonnusquam revocari solent Linguae sanctæ seu Professores græcæ, hebraicæ, chald. syr. arab. linguae, Historia sacra, cum antiquitatibus S. S. illustrantibus. Cæteræ sunt par- tim veteris, partim novi testamenti, vel certarum disciplinarum theol. professores. Jcti alii solent esse Professores Institutio- num, alii Pandectarum, alii Codicis, alii Juris Canonici; aut & digesti veteris, infortiati & novi; aut secundum jurium di- versitatem. Medicinæ Professiones esse solent, anatomica, bo- tanica, chemica, pathologica & therapeutica, cui jungitur chi- rurgica.

## §. 338.

Prout Rector civitatis vocatur, cui imperium in ea- dem debetur, & qui illud nomine omnium exercet (§ 42. P. 8. *Quis sit Re- tor Magnificus?*): ita Rector universitatis est, cuius primæ sunt imperii academici partes, quique illud in eadem nomine omnium Pro- fessorum exercet. Vocari is solet Rector Magnificus, quo titulo olim Præfecti Prætorio & urbis honestabantur. Inde Rectori magnificentia academica tribuitur, veluti insigne ipsius pecu- liare. Translate Rector caput academici audit. Summi gra- dus Rector magnificentissimus est.

(Wolffii Politica P. II. S. III. CI.)



Agnosceatur inde officium Rectoris, scilicet convocare concilium & academiam universam pro re nata, referre ad convocatos de negotiis gerendis, sententiam ordine rogare, numerare suffragia, secundum plura concludere, & decreta exsequi aut expedire. Curare, ut ea, quorum memoria conservari debet in academiarum annales referantur; ut leges academiarum serventur, recitationes aliarumque operum publicarum diligenter obeantur, cum decanis providere, ne spargantur impia aut falsa doctrina, ne disputationes & exercitationes publice prætermittantur. Rector ne studiosorum ipsius est neminem adscribere in numerum academicorum nisi merentem obligatumque ad leges servandas, iudicia exercere cum lenatu ex æquo & bono summa brevitate leviora delicta carcere aut multa, graviora pro rei atrocitate relegatione aut supplicio, nisi pacto vel legibus ista cognitio sit relinquenda. In rebus exigui momenti, sua auctoritate utitur secundum leges. Si locus vacet fato cuiusdam, curat, quæ exsequiarum ratio & leges jubent; si vel eligendus vel commendandus quisquam loco dignus; vel electus adire spatium debet, legibus ut satis fiat studebit & diem eliger idoneum. Neque minus tuendis privilegiis operam dabit decentem.

## §. 339.

*De primatu  
Rectoris.*

Rector magnificus merito summis honoribus & primatu academico gaudet. Ejus enim sunt primæ imperii academici partes (§. 338.), quod & ipse nomine omnium exercet. Quam rem uti bene merentes de rep. & literaria honorandi sunt (§. 761. P. VIII. Jur. nat.): ita Rectoris magnifici primæ esse debent partes academici quoque honoris. Merito igitur summus in honore ponitur, merito titulo decoratur, quo nemo alius merito antecessor est, primicerius & præses totius corporis academici, merito inde academico gaudet principatu, quam diu muneri suo præest. Posito inde rectoratu, ponitur & principatus, transitque ad novum rectorem, fasces academicæ adeptum.

Huius principatus ergo Reſtori dari ſolet pileus, quali principes utuntur, purpura pallii, ſceptrum argenteum duplex illi præfertur, traduntur illi libri academici, claves quoque rerum ocludendarum, ſigillum academice, item pallium jura creandi comites palatinos, poetas laureatos &c.

## §. 340.

Ordine aptiſſimo Reſtor magnificus certa lege petendus eligendus- Quis Reſtor  
que eſt e numero Profeſſorum præcipuorum. Summis enim gaudere Magnificus  
debet honoribus & principatu academico, ut dignitatem au- ſit conſtitu-  
toritatemque totius corporis academici tueatur, & principis endus ?  
perſonam in illa referat (§. 339.). Quare quia quo majores  
ſunt honores, eo magis ſtudendum eſt, ut non niſi merentibus,  
qui eos rite ſuſtineant, tribuantur (§. 761. P. VIII Jur. na.):  
aptiſſimo ordine Reſtor magnificus non niſi ex præcipuis Pro-  
feſſoribus petetur eligeturque: ſaltem extra ordinem electo  
ſi talis eſt adjungendus, cujus conſiliis & nutu is agat.

Conſultum interdum viſum eſt, propter ſpem augendæ digni-  
tatis utilitatisque academice, Reſtorem eligere Principem, Co-  
mitem aliumve inſignem virum, civem academice talem, qui  
par deprehenſus eſt decenter gerendi ſceptrum academicum.  
Enim vero, quia leges & ſtatuta academice, licet jurato promiſ-  
ſi ſit iſſis cura iſſis ſatisfaciendi, vix poſſunt cuiquam ita per-  
cepta eſſe, ut licet velit, omnibus cuſtodiendis ex aſſe par ſit:  
merito ipſo Reſtori extraordinario adjungi alius ſolet ordinarius  
v. c. qui abiit ab iſto munere, ut ipſi ab intimis ſit conſiliis &  
velut Proreſtor gerat gerenda.

## §. 341.

Quisquis ſtatutatur ordo inter facultates eruditionis, opera tamen Quomodo  
tanta, ut ſummi honoris cauſa pari dignitate, ob dona Dei & com- par faculta-  
tata, que reſp. afferunt, conſeantur, in eis excellentes & in unum tum ratio  
opus academice coaleſcant. Vri nempe in aliis vitæ generibus pro meritis  
generali quidem opus eſt ordine quodam civitatis, communi haberi poſſit?  
conſenſu

consensu stabilito ; eo tamen non obstante meritorum ratio habetur, & bene meriti ex gradu meritorum censentur (§. 565. *P. I. Polit.*): ita quoque in re literaria debito opus est ordine, ut omnia eo melius fieri possint (§. 241. *P. I. Polit.*). Attamen salutis publicæ ratio habenda (§. 334. *not. 1.*) jubet suum cuique tribuere, ideoque meritorum circiter parium præmia statuere æqualia (§. 766 *P. 8. Jur. nat.*). Quod fit, quando vel stipendiis & emolumentis gaudent, vel honoribus æqualibus, quotquot illis per se digni reperiuntur, uti in Democratiæ civilibus institutis (§. 564. *seq. P. I. Polit.*). Præsertim doctores virtutesque mentis excellentes, ut divinæ, pari censu sunt habendæ. Quam ob rem viri in qualibet facultate excellentes, propter merita in remp. summorum honorum causa pari fere dignitate sunt censendi, curandumque, ut quilibet eruditus pro parte sua æque fortunas meritis augere possit, ac alius quique in alio quovis genere vitæ (§. 566. *P. I. Polit.*). Quoniam quotquot statuuntur facultates academicæ, illæ tamen se invicem juvare & perficere possunt ob sororium, quod inter inferiores superioresque, tum seorsum tum conjunctim summas, vinculum intercedit (§. 334.) præstat, omnes in eadem academia conjungi, quam alias in aliis dispersas esse quaerendis (§. 328). Ideirco omnes facultates, vel omnia earum collegia, in unum corpus academicum, seu in unam universitatem merito ita coalescunt & consociantur, ut pariter excellere Rectores magnifici fieri parique prosperitate singuli bene merentes uti fruique possint (§. 337).

De sororio scientiarum omnium, multo magis affinium & principia aliis subministrantium, vinculo multi multa sunt commentati, qui nobis otium de his dicendi fecerunt. Neque opus est, ut longinqua & minuta congerantur argumenta, cum propria qua suppetant & generalia, a nemine in dubium vocanda sunt animi divinæ originis, eorumque dotes. Versantur enim omnes



nes artes scientiæque circa res generi humano proficuas, earumque usus est eo certior ampliorque, quo rectius earum indoles & ratio habetur explorata. Quid vero aliud continent scientiæ artesque, quam aliæ aliarum rerum indolem, rationes & usum. Quo plures ergo habentur perspectæ, eo plurium rerum gaudebimus peritia & usu, in nostra & eorum, qui nostræ fidei sunt crediti, salute procuranda; eo quoque majus erit nostrum in res ipsas dominium, uti esse divino consilio & in Dei gloriam debet. Ipsa vero conjunctio omnium collegiorum in unum corpus academicum, inque eandem universitatem, similia pollicetur præstareque ipsis inter se invicem emolumenta, ac reliquæ artes ingnobiles & quævis vitæ genera in se invicem conjunctis viribus sibi præstare solent. Juvant se mutuo facultates, ornant, perficiunt, ad æmulationem provocant in præclaris rebus. Paritati consulitur vel salariis paribus tum ratione meritorum ordinariorum, tum extraordinariorum; vel honoribus academicis etiam summis. Ita passim in universitatibus receptum est, ut Rector magnificus ordine solito, semestri spatium sit Theologus, altero sequenti Ictus, tertio Medicus, quarto Philosophus, itaque quovis biennio redeat in orbem in ista facultatum serie, nisi graves causæ urgeant exceptionem. V. c. Regiomonti ea Facultas præteritur, quæ destituitur tempore suscipiendi muneris idoneo Professore. Vid. *Arnoldi Hist. universitatis Regiom. P. II. p. 89. seq.* Restrigitur ibi munus Rectoris ad duos primarios superiorum & 4 primarios inferioris artium Facultatis. Ut Pariliis & Præge ita Lipsiæ munus semestris Rectoris non ad 4 facultates, sed 4 nationes, Saxoniam, Bavar. S. Misnicam Francon. & poloniam devolvitur, si Professores inde nati, vel ad illam legitime adscripti adsint. His nempe modis obrinetur, ne quis facultatum contemptus invalescat, quando pariter & præesse & subesse vicissim intelliguntur capitibus ordine statuto e qualibet perendis. Paritatis illius declarandæ causa nulli in aliam vel alias dandum est imperium. Inde & vidimus Genuæ Doctores & Magistros ad quævis munera adspirare. Indidem alibi quoque gradus academici majores nobili-

tati civili sunt æquiparati, tanquam nobilitas literaria seu erudita. Quæ sententia utut non jejuna nitatur comparatione, cur tamen non multis placuerit haud difficulter perspicitur. Cæterum & illud huc pertinet, quod Icti, medici, & Philosophi consiliarios nobilium, Baronum ordini propter merita insignia adscripti fuere uti exemplis prisceis & recentibus variorum in Germania, Dania, Suecia exterisque cultioribus civitatibus comprobari potest. Præge & in Lipsienſium Privilegio 4 nationes per omnia æquales statuuntur. Quæ æqualitas eo rectius pateret, eoque magis superbiæ obſtaret, si ea seu facultas seu natio, cuius Rector nunc præest, omnibus cæteris facultatibus antecederet: sequente ea, quæ proxime vel antecessit in Rectoratu vel secutura est.

## §. 342.

*Etiam in  
Gymnasiis  
academicis.*

*Similis ordo Rectorum Gymnasiorum academicis melius respondet, quam perpetuus Rector una facultatis.* Etenim in Gymnasiis academicis Professores omnium facultatum habentur, uti in academiis (§. 329.). Proinde quod academiis convenire, ad provehendis omnes partes eruditionis in omnibus facultatibus academicis, & ad concordiam salutemque earum amplificandam profuturum esse intellectum, ideoque in tantum non omnibus academiis institutum, optimaque rerum magistra per tot sæcula confirmatum est, idem illud quoque Gymnasiis academicis expedirum esse, acutius ingenium nacti facile prospicere potuerunt. prospexeruntque. Tantum minoris momenti rationes alia persuadere potuerunt, uti in academiis ipsis. Quæ sicubi admissa sunt, alia subinde poposcere remedia, adversus subnatos sensim abusos adhibenda, & vix unquam eo successu, quo gaudet vicissitudo. Neque enim rectius & in re literaria discitur, quid æquum pulchrumque sit, in rebus gerendis, quam si plures æmulationis studio exemplo suo id melius quam rationibus tantum ostendunt.

Si perpetuus & semper eiusdem facultatis Rector habeatur, partim ipse facile systemate insatiabili efficto spiritus capit elatiores, ut se solum illis honoribus dignum iudicet, se nimis offerat aliosque despiciat, & involet in ipsorum jura usurpanda sibi; partim ipsius ordo memor illius: nos poma &c. contemnat ceteras facultates, easque supplantare utcumque audeat. Unde non possunt non oriri similitudines primum, tum quarele, dissidia & odia varia, malum proditura exemplum, & facile eruptura in graviora incommoda ipsiusque rei literariæ nocumenta. Quæ mala haud raro augentur improba administratione muneris perpetui, multis nocitura, nec nisi pravis artibus pallianda ac sustentanda. Senserunt igitur pleræque omnes academiae, & Gymnasia academica, vices statas & imbulatorias ad dignos quosque professores rectoris esse preferendis, ubicunque libertas vigere & concordare in publica commoda debet.

Obijciat forte quisquam scholas triviales, in quibus perpetui habentur Rectores usquequaque. Sed is non attenderet ad disparem plane talemque rationem, ac si quis oppiduli consulem cum urbis maximæ consule contendere, & quia is perpetuus esse potest, concludere vellet etiam hunc perpetuum esse debere. Scilicet ubi agitur de virtutibus intellectus ad summum fastigium, quod in homines cadere & diffundi in plures cum insigni civitatis emolumento potest, evahendis, ibi summa quisque libertate & pari ac ceteri spe incendi debet ad illud obtinendum. Epropter ibi male deprimeretur ad ferendum jugum cujusdam Orbilii aut Aristarchi, sibi quidem satis suffeni, sed in aliis excoecientis ineptientisque. Item ubi a Professoribus auditores beneficiis sunt ad industriam excitandi, ibi eorum distributio male Rectori crederetur soli aut ab eo sibi vindicaretur. Sola academia Parisina Rectorem habet perpetuum eumque Philosophum. Sed nullus inter eos ne quidem Cartelius fuit, multo minus sublimior eo Philosophus. Consulendus tantum est Historicus eius, ut cetera discas incommoda inde prognata. A quibus nihil perpessæ sunt academiae non nisi semestrem rectorem habentes. Narrat *Arnoldus* L. II. p. 85. seqq. rationes.



rationes, ob quas Regiomontani non perpetuum, sed annum tantum Rectorem petierunt p. 88. sed frustra: quia præstare deprehensum est, ne iusto diutius Rector magnificus, vel onere isto premeretur, vel advocaretur a munere docendi per impedimenta muneris sui, vel alii diutius sperare eundem gradum dignitatis cogerentur. In Gymnasiis academicis cum tanta nondum sit negotiorum moles, facilius annuos fasces Rector gerit, uti in Gymnasio Hamburgensi. Quod si quis academicum esse negaverit, is mecum rem non habebit, cui splendor Gymnasii hac in re sufficit, parum ab academico diversus, tamen si facultates superiores ibi nondum doceantur. Quantum a spe hauri raro delapsos se senserint, qui vel Theologis optime committi posse perpetuas Rectoris partes censuere, id testantur & nonnulla prodita exempla, & plura anecdota, iis annumeranda, de quibus dici solet, mala non esse loco suo movenda. Attamen Coloniae Rector est trimestris; Salmanticae, Basileae alibique annuus.

## §. 343.

*De senatu*

*Professorio*

*Rectori ad-  
jungendo.*

*Rectori academico aut Gymnasii academici recte adjungitur vel omnis vel certus Professorum peritissimorum numerus velut senatus, qui ex sententia quæ fiat, omnes res majoris momenti altiorisque dignitatis agat, ac rite redditus stipendiaque disponat. Rector enim academiciæ, aut Gymnasii academici, nomine omnium Professorum cujuscunque facultatis imperio academico præest (§. 3.). Quamobrem ubi rarius conventu professorio opus est, neque magnus Professorum numerus habetur, ibi omnium sententia erit exploranda, & quod pluribus visum est, pro omnium voluntate habendum est, uti in qualibet alia societate (§. 79. P. II. Jur. nat.). Vbi vero nimis frequenti opus est conventu, & magnus Professorum numerus, ibi cavendi neglectus horarum causa, quibus studiosi docendi sunt, paucis peritioribus vices semestres committendæ sunt, loco omnium cum Rectore sciscendi ea, quæ non summi sunt momenti.*

*Ergo*

Ergo res paulo majoris momenti, altiorisque indaginis, in isto confessu, tanquam senatu professorio, excutiendæ sunt, definiendæque secundum eam, quæ pluribus arrisit, sententiam.

Vbi vero redditus habentur Professoribus assignati, aut stipendia, quorum administratio Professoribus est demandata: ibi eorum exactio, & acceptio procuranda est sic, ut nihil in officio negligatur, nihilque periculi metuendum sit. Quod cum rectius fieri nequeat, quam si administratio penes quemquam Professorum aut penes ipsummet Rectorem ita sit, ne quidquam contra voluntatem seu omnium, seu eorum, quibus illa cura delegata est, statuere de illis possit: apertum est, vel Rectori adjungendum esse seu omnem, seu certum numerum Professorum, sine quorum consensu & redditus communes & stipendia dispensare nefas sit. Adjungendus igitur est senatus professorius Rectori, ideo quoque, ne quid redituum aut stipendiorum pereat aut male erogetur, sed senatus suffragiis in usus debitos impendatur.

Exemplo Regiomontanæ academix hoc illustraturi, afferemus ex D. Arnoldi Hist. P. I. Docum. p. 129. hæc statuta: universus academix senatus constat ex omnibus superiorum disciplinarum Professoribus cum Decano artium & 4. præcipuis Magistris, qui in academia publicos artium professores agunt. Hi in maximis negotiis omnes ad deliberandum vocandi sunt, & eodem, quo Decani, juramento devincti esse debent. Sine eorum consilio & autoritate nullum decretum publicum a Rectore fiat. Sententiam in senatu rogati, ordine & placide dicant; omnesque dissidiorum causas & occasionēs summo studio vitent &c. add. p. 140. seq. In quod plurium sententiæ conveniant, id firmum ratumque habetur. Quia monetur in exordio statutorum posteriorum p. -- hoc corpus statutorum selectum & matura deliberatione formatum esse ex statutis Tubingensibus & Wittebergensibus: liquet, hoc exemplum simul plurium

*Wolffii Politica P. II. Sect. III. C. I.)*      *kkk*      *instar*

instar esse posse. Cum in academiis, ab studiosorum multitudinem, & senatus habendi necessariam frequentiam, male consultum esset studiosis tot horarum impedimentis publicis, paucis tantum membris constare senatus academice seu concilium debet, ne reliqui Professores a recitationibus suis avocandi sint præter necessitatem. Regiomonti 6. superiorum & 5. philosophicæ facultatis senatores conficiunt senatum academicum, in quo Rector primus sententiam dicit, & si paria sibi opponatur suffragia, Rector altero suffragio suo decidit causam *p. 146. l. c.* Leviora autem negotia Rector cum Decanis transigit. Vitembergæ concilium efficiunt 4. Decani cum Rectore Magnifico & Protonotario. Res fisci autem Rector cum 4. facultatum Senioribus curat, & in gravioribus cum corpore academico universo.

## §. 344.

*Rectori rationes gesta administrationis sunt reddenda.*

*Rectori in academiis Gymnasiisque academicis non proprio nutuenda, sed ex consensu Professorum, ipsi adjunctorum res communes sunt gerenda, & si quid pecuniarum administrandum habet, eisdem rationibus sunt reddenda, ut secundum leges erogari possint.* Neque enim Rector est animal impeccabile & falli nescium, sed uti homo nihil humani a se alienum putare debet. Præterea non frustra ipsi adjuncti sunt collegæ periti & prudentes, sed cum in finem, ut in rebus difficilioribus ad eos ut pares causam referat, cum illis quid optimum factu deliberet, eorumque suffragiis numeratis ex plurium consensu decernat decernenda (§. 343). Non ergo suoapte iudicio uti debet, nisi in rebus eisdem relictis, seu levioris momenti & legibus definitæ fuerint, seu moræ impatientes (§. 243. & 175 seq. P. VIII. Jur. nat.); sed ex consensu Professorum, ipsi in rebus communibus gerendis adjunctorum, pro majori suffragiorum numero sententiam dare obligatur. Quocirca si vel optime omnia administravit, tamen ipsius interest, ut id sciant collegæ, aut generatim illi, quorum fidei ista cura præter ipsum est commissa. Injungere id



id ipsum solet lex academica, & pactum passim juratum, quo fœces rectoris suscipiuntur. Sed & his non adhibitis, naturalis ratio & æquitas administrationis bonorum alienorum, cuiusmodi sunt Rectori administranda relicta, flagitaret rationes reddendas iis quorum interest, ut sciant, rectene an male gesta sit administratio (§. 701. P. IV. Jur. nat.). Si quid bonorum, reddituum, mulctarum, & pecuniæ pro inscriptione in album academici &c. administrandum accepit, diligenter curandum est, ut solvantur, accipianturque debita, & accepta aserventur, donec communi consensu secundum leges erogari debent, vel ut constet, ipsum legitime erogasse, quæ solus erogare potest.

De M. Aur. Antonino, Romanorum imperatore refert *Capitolinus c. 8.* ipsum priusquam rem arduam ageret, cum optimatibus consultasse; & siquid ipse diversum a plerisque sentiret, dixisse, æquius est, ut ego tot & talium amicorum consilium sequar, quam ut illi meam unius voluntatem sequantur. Quare & hoc symbolo usus est: consulendum, & consilio parendum; attendens ad illud *Livii L. IV. §.* eum, qui de sua unius sententia omnia gerit, superbum magis, quam sapientem iudicandum esse. Idem pecuniæ publicæ, quantum per honestatem licuit, pepereit, nunquam ea abusus, sed abstinens ab ea tanquam aliena. Quæ si in imperatoris, majestate effulgentis & absoluti, laudibus ponuntur; num de Rectoris academici officio cum in sententiis adjunctorum sibi collegarum audiendis & observandis, licet a sua sententia discedant, tum in rationibus rite gestæ administrationis reddendis, aliter statui poterit a quocumque? Certe detrectans id agere, quod debet, non solum suspectum se redderet turpis aut ambitionis, aut perversæ administrationis, cujus in jus vocatus meritas lueret pœnas. Rector academici Regiomontanæ jurat, se rationes bona fide relaturum ad ærarium.

## §. 345.

*De faculta-  
tum Decanis  
collegiisque.*

Quia quaelibet facultas academica varias continet disciplinas & scientias (§. 335 & 337.), ideoque complures Professores. jure tribuendi gradus academicos in sua facultate prædixi (§. 332. seq.): mirum non est, quamlibet facultatem peculiare collegium constituere in universitate, quod res suas libi habens, suo quoque utitur præfide, quem *Decanum* dicere consueverunt. Inde cuilibet collegio sua sunt statuta, de modo res suas rite tractandi, uti de gradibus conferendis, deque redditibus inde consequendis sua æraria; nec non sua jura respondendi de rebus ad suam facultatem pertinentibus, de quibus afferuntur quæstiones discutiendæ; sua sigilla, quibus responsa & testimonia, documentaque confirmantur, ut plena ipsis tribui possit fides. Decani munus semestre postulat censuram librorum suæ facultatis edendorum; convocacionem ad confessum, enarrationem rei, primum suffragium, & si paria emergant, secundum decidens; expeditionem decretorum, responsorum, literarum &c. curam diligentiam in recitationibus suæ facultatis; præsentiam in Disputationibus, eorumque primam nonnusquam impugnationem &c. Censuræ imprimendorum, responsum, impertitioque graduum aliquot ipsi afferunt emolumentum; cætera gratuita sunt officia. Cæterum Decanis primus locus tantum datur in facultatis confessu, non extra eundem, excepto Decano Philosophico qui Regiomonti utique primum locum in sua facultate, & in Catalogo lectionum habet, tanquam senator academicus & Rectori adjunctus.

Præter Canonicos episcopatus decem circiter præses ejusdem, ut olim militum, Decanus dici consuevit; usitatus quam Decurio unde procul dubio nomen ad collegia facultatum academicarum translatus est, quoniam Decanus illius collegii præses est, &

& quidquid illius collegii nomine jubendum agendum exigendumque est, id ipsius subest potestati officioque. Cæterum cum constitutio Decanorum & jurium ab ipsis exercendorum a consensu Professorum & superiorum, quibus subsunt, pendeat; de omnibus decanis idem dici nequit, sed dispiciendum est, quid illis in data academia vel tributum sit, vel denegatum. Cæterum responsa theologica in casibus theoreticis de doctrina quadam diviniore, in practicis vero de actionibus præteritis aut futuris sententiam Professorum Theologiæ, qui membra sunt illius facultatis; responsa juridica de jure ejusque applicatione ad facta; medica de rebus medicis, lethalitate vulnerum similiumque casuum intricatorum; philosophica de rebus philosophicis, philologicis, mathematicis, mechanicis, physicis, similibusque agere & formanda esse, ipsa facultatum ratio commonstrat. Decanos obligari ad reddendas suæ facultatis administrationis gestæ rationes, vix opus est, ut admoneatur (§. 341.). Juridicæ facultatis Decanus Lipsiæ & Leucoreæ &c. est perpetuus, diciturque *ordinarius*, alibi antecessor.

## §. 346.

Civilium privilegiorum, quæ in academiis dantur, alia *Academia-* sunt summa, vel si hoc mavis, majora, alia minora seu inferiora (§. 331.), illa consistunt in statu soli majestati obnoxio; *tas* & *juris-* hæc in jurisdictione propria potissimum conspicua sunt. Illa *dictio*, s. faciunt, ut eximie sint universitates, unde cum *Symmacho* exi-*sceptrum*. metas vel *eminentia* dici posset iste illarum status, quemadmodum purpurati Romani eminentium elogio dudum gaudent, qui & ipsi non nisi summo pontifici parent. Hæc potestas juris dicundi academica, cum annexis *sceptrum academicum* dici potest.

Quando propria desunt nomina res obvias denominandi, præstat receptis uti vocabulis etsi (§. 346.) impropriis, quam pro arbitrio confictis. Jam sceptrum uti signum sæpius adhibetur pro jure, quod eodem signatur. Inde notat sceptrum academicum omne quidem jus, quo excellunt, & quo



carent sceptrum nullum gerentes. Quia vero jus eximium non abs re eximietas vel eminentia dicatur, reliqua privilegia academica civilia civile signum sceptri academici ejusque nomen in memoriam revocavit.

## §. 347.

*Cui subsint  
academiæ  
eximie in di-  
versis rebus-  
publicis.*

Quia majestas in regno est penes regem (§. 10.); in Aristocratia penes optimatum collegium (§. 246. c. VIII. Jur. nat.); & in Democratia penes populum uniuersum (§. 208. ibid): patet, academias eximias in regno tantum subesse regibus, in Aristocratia tantum cæui optimatum simul sumto, & in democratia tantum populo uniuerso (§. 343.). Nemo alius igitur sibi imperium in academiam eximiam arrogare potest, & si quid hujusmodi attentaretur, merito academia illi obsequium denegaretur tanquam inuasori & usurpatori injusto.

Regias Academias soli subesse Regi; pontificias soli Pontifici; Ducales soli duci, cæter. inter omnes constat. Patavinam, Ultrajectinam, Lugdunensem, Basileensem, Geneuensem, & lesque nemo regias dicet. Quatenus tamen resp., quibus sub sunt, sui sunt juris, eatenus & hæ eximie dici merentur. Vnde enim majestas personalis non datur, ibi sufficit realem dari, per ra summi imperii complectentem.

## §. 348.

*Quando aca-  
demie refe-  
rantur ad  
ordines reip.*

Vbi temperata habetur reip. forma, ibi mirum non est, academias ordinibus reip. primariis accenseri. Vbi enim temperata habetur reip. forma, ibi illa limitatur per aliam diversæ indolis (§. 3), quæ consors est quorundam jurium summi imperii (§. 65.), atque forma secundaria appellatur. Sed illæ tribus & classes, quæ quadamtenus participes sunt summi imperii, vocantur ordines ejus formæ (§. 92. not.). Quare cum eximie universitates nemini subsint præterquam majestate præditis (§. 346.), sunt illæ pares cæteris simili privilegio ornatis. Hinc qua

quia hi ordines civitatis primarios conficiunt (§. 126.): universitates eximiae merito ordinibus primariis accensentur.

Cui ignorum est inter ordines Saxoniae primarios haberi universitates, Wittebergensem & Lipsiensem? Principum enim & Praelatorum ordini ipsarum delegari adjungebantur. Cum vero comitibus praeferi cuperent 1660, lis ita diremta est, ut peculiare collegium constituant A. 1668. In rebus academicis supremo senatu ecclesiastico; in civilibus autem & criminalibus summo subsunt tribunali provinciae, provocatione concessa. Pari modo Oxoniensis Academia & Cantabrigiensis privilegio Jacobi I. 1603. binos mittit ad senatum regni (*Parliament*), qui universitatum nomine suffragentur. Qui senatores cavent pariter, ne quid detrimenti patiantur universitates, ac earum incrementis student.

## § 349.

Quoniam universitas eximia soli subest rectori civitatis, majestate gaudenti (§ 346): magistratus illius loci, ubi ipsi degit, *Cur academia praefereatur magistro urbane?* *magistratus illi loco debet,* pari privilegio destitutus. Etenim in universitatem eximiam nemo sibi imperium arrogare potest, aut hujusmodi quidpiam tentet, illi obsequium est detrectandum (§. 330.). Quare & magistratus loci, ubi academiae domicilia habentur, si pari eminentiae privilegio destituatur, nil habet, quo se Academiae parem statuatur, aut imperium sibi in illam arrogare possit. Restat igitur, ut illi loco cedat.

Haec prerogativa alibi aliter se exserit, vel pacto jussuque rectoris civitatis declaratur. Rectorum Lovaniensem urbis magistratus suspicit & veneratur. Oxonii & Cantabrigiae senatus & cives subsunt universitati academicae. Conf. notat. §. 333. Lipsiae & Wittebergae in solemnitate corpus academicum praecedat, corpus civitatis sequitur. Regiomonti Rectorem sequuntur principes, comites & Barones, si qui in aula degunt, hos decanus facultatis Theol. cum ceteris Professoribus, simili modo Decanus Jurorum, cum reliquis Professoribus, tum Medici itidem, post

post eos 3 Præsides Tripolitani; tum Decanus cum cæteris Philosophicæ facultatis Professoribus. Extraordinarii Profellores in Catalogis Lectionum processionibus promotionibusque academicis excipiunt ordinarios, sed in disputationibus, exsequiis, conviviis, carminibus imprimendis, artibus oratoriis, extraordinarii Theologiæ sequuntur ordinarios medicinæ professores. *V. docum. 64. & 65. P. I. Hist. Arnold.* Ratio, cur Rector Magnificus tam insigni loco gaudet, facile ex eo apparet, quod tanquam caput universitatis personam principis sustinet, itaque magnificentiæ causa purpura utitur in pallio, & in solemni processu duobus sceptris argenteis vel deauratis prælatis decoratur. Nonnunquam Principes & comites eliguntur Rectores magnifici, modo Academiæ jurent, ut alii Rectores, & Prorectorem admittant, si quod commodum inde speratur academici accessum. Principes ipsi ubi sunt Rectores magnificentissimi ibi ex Professoribus semper Prorectores, ut alibi Rectores leguntur. Sic Grypeswaldensis Academiæ Rector Magnificentissimus est, ubi Dux Sereniss. Megapol. & Suio-gothicus. Par est ratio, ubi Princeps juventutis Rectoris magnificentissimi munere fungitur. Rector Patavinus more Senatorum Reip. Venetæ purpuratus, & si libet stola aurea incedit, finitoque munere Doctoris cohonestatur dignitate, transmissaque corona aurea recipitur in ordinem equitum S. Marci. Rector Bononiensis academici gaudet facultate absolvendi excommunicatos, quos dicunt usu sacrorum interdictos. Helmæstadiensis est sacri lateranensis Palatii & aulae imperialis confessionisque comes; quæ comitis Palatini dignitas & Wirtebergenfibus aliisque tributa est. Conf. *Limner l. c. n. 25. seqq.*

## §. 350.

De Cancellario universitatis.

Præter Rectorem Magnificum egregia in quibusdam Academiis est dignitas Tutoris vel Dictatoris academici h. e. Cancellarii, vel proxima a Rectore, vel plerumque eo major Arbiter is habetur candidatorum examinis & conferendorum graduum honoris academicorum, quam potestatem suam aut ipsi



ipse exercet, aut concedit Decanis facultatum. Præterea cætos legum academicarum & privilegiorum conservator dici consuevit, qui tamen alibi a cancellario differt, prout arbitrio constituentium Academiam visum fuit. Plerumque is non est, nisi unicus, Parisiis tamen diu jam quatuor creantur coram Episcopo in consilio episcopali, vulgo velut Procancellarii capitulo, ubi adstringuntur jurare, se nemini licentiam daturus, in Theologia, Canonibus, Medicina & Philosophia, qui non fuerit isto honore dignus. Ob Theologiæ Doctores creandos Episcopi passim in sua diocesi hunc sibi honorem vindicant, aut aliis a se constitutis, qui Procancellarii dicuntur. Vbi Decani jam ad id adstricti sunt, quod ipsis a Cancellario injungitur, ibi peculiari cancellario opus non est, uti passim usitatum est. Vbi vero Cancellarius habetur, ibi is plerumque est perpetuus & minor Rectore Magnificentissimo, Procancellarii vero in singulis facultatibus constituuntur ad actum creationis doctorum magistrorumve. Quanquam hi potius declarant candidatos honore summo dignos, vulgo licentiatos, & Decanis tribuunt facultatem ipsis summos conferendi honores. Alibi Cancellarii Jura sunt ea, quæ Rectoris, & Concilii academici, Decanos complectentis, uti in Anglia.

Tubingæ & Gießæ Cancellarius Rectore major & potior censetur, unde inter statuta ibi Cancellarius universitatis Rector fieri nequit, potius ibi ad eum & alibi appellationes devolvuntur. Sic Regiomonti Heshusius urgebat, sibi ut Episcopo Sambiæ statutis attributam esse ephoriam academici ipsiusque Rectoris, curandumque esse, ut & leges & privilegia serventur. Item typographos & bibliopolas sibi esse subiectos, ut qui libri imprimendi vendendique sint, nec ne, statueret. Neque minus beneficiorum principis collocationem & alumnorum inspectionem suæ fidei esse demandatam, ut interesse ipsorum examinibus debeat. Pariter disputationes theologicas seu censuræ esse sub-

(*Wolffii Politica P. II. S. III. C. I.*)      LII      jici-

jiciendas, & a se subscribendas antequam imprimantur. Quare & primum locum sibi, secundum vero demum Rectori deberi contendebat. Sed respondebatur ipsi, Episcopum Mortinum suos quoque libros censuræ facultatis theologicæ submisisse, nec per statuta academica ipsius muneri episcopali quidquam detrahi &c. Creationem doctorum Facultatibus esse tributam. Sopita est controversia ipsius morte, & abrogato episcopatu. Vid. *Arnoldi l. 1. Acad. P. I. p. 131. seqq.* Lipsiæ Cancellarius fuit Episcopus Merseburgensis, postea Dux, ut postulatus administrator Episcopatus, tandem cætus canonicorum Procancellarium nominandus ejus exerceat. Cæterum nemini obscurum est, Altorfinæ Cancellarium fuisse Philip. Camerarium; Argentoratensis Jacobum Sturmium; Halensis Ludvigium & L. B. de Wolff, Regiomontane, de Sahnem vel D. Sahnium, Göttingensis Abrahamum, Tübingensis Pfaffium, &c. Jenensi semper, aliisque sepe diu nulli sunt Cancellarii. De 4 Cancellariis Parisinæ Facultatis vid. *Parquier Recherches de la France L. 3. ch. 23.* & *Belleforest l. 1. tit. 1. c. 44. L. 3.* In Academia Rostochiensis licet a Rectoris sententia causam avocare ad Cancellarium; Gryphiæ vero non ad Cancellarium, sed ad ipsum Pomeraniæ Ducem. Conf. *L. 1. tit. 1. c. 2. de Cancellariis.* Oxonii perpetuus habetur Cancellarius, quem Academia eligit, qui eligit sibi Prætozem vel judicem *the high Steward* ab Academia approbandum, itidem perpetuum. Quotannis eligitur Procancellarius & Præsidens collegiorum, qui jussu Cancellarii exsequitur curaque, ut leges academicæ observentur, judicia lites rite definiant, libris edendi censeantur; qui sibi 4 adseisseit vicarios. Quibus accedunt procuratores (Prætors), artium magistri, quibus præservandæ cura & mensurarum examen incumbit, cum executionum academicorum directione, suffragiorum collectione, graduum sacramento, & degenerum dejectione a gradu academico.

## §. 351.

De Prorecto-

*Vbi Electores, duces & principes Rectores Magnificentissimi sunt*

ibi e numero professorum non statuuntur nisi Prorectores & Procancellarius & Pro-  
 rii (§. 338.). Halensis, Helmæstadiensis, Kiloniensis, Rintecancellariis.  
 lensis, Jenensis, Gryphica, aliæque academiæ complures id  
 ipsum loquuntur. Alia ratio Prorectorum & ibi occurrit, sed  
 rarius, ubi Rectores ut plurimum habentur, scilicet si Rector  
 sit absens, morbo decumbat, vel princeps aut comes quispi-  
 am Rector est electus, rerum academicarum imperitus & fa-  
 cile nociturus universitati, nisi Prorectore perito esset instru-  
 ctus, cui pleraque gravioris momenti negotia, eorumque ex-  
 secutio sit committenda. Procancellariorum ibi similis est ra-  
 tio, ubi Cancellarii sunt usitati, vel soli vel præter Rectorem  
 magnificum universitatis. Salmanticæ Procancellarius dicitur  
 sololasticus.

## §. 352.

Jus dicere novimus illum, qui judicem agit in civitate.  
 Judicis vero est curare, ut justitiæ satisfiat & æquitati, nec inju- Quid sit ju-  
 stitia & iniquitas insignis toleretur (§. 538. P. VIII. Jur. nat.). risdictio &  
 Quam obrem jurisdictio posita est in exercitio officiorum judi- quotuplex?  
 cis, quæ requirunt, ut cognoscat causas in judicium deductas,  
 pronuntiet, a cujus parte stet veritas, victoque injungat præ-  
 stationem ejus, quod vincenti debet, atque ut vi adigat illum  
 ad præstandum, quod sua sponte præstare recusat (§. 540.  
 ult.). Est autem alia civilis, quæ potissimum privatam curat  
 justitiam & æquitatem; vel criminalis, quæ publicæ salutis causa  
 agit, etiam ubi privatus nemo accusat, justitiam exercens.  
 Vel illa versatur circa facta licita, ut sunt pacta & contractus  
 privatorum; hæc circa delicta & crimina ulciscenda.

Adrianus VI. Pontifex romanus, ipse Lovanii & Rector &  
 Cancellarius fuit. in cujus rei memoriam ibi Collegium condi-  
 dit suo nomine compellatum, ubi tenuioris fortunæ juvenes



cum doctoribus alerentur, prout ipse olim ibi in pædagogio gratuito erat nutritus. Vnde si Princeps sit Rector eundem quoque Cancellarium esse, hoc est jura utriusque per se administrare censendus est. Neque opus est, ut istis nominibus appelleretur, quod & in regnis vix usitatum est. Perinde igitur est, siue Rector dicatur caput universitatis & antecessor, siue Prorector, cum inter titulos regios Rectoris magnificentissimi mentio fieri non soleat, ne quidem ibi, ubi vel Elector, vel dux &c. ab ipsa universitate Rector magnificentissimus est dicendus. Vbi universitates ipsæ sibi eligunt Cancellarios, ibi & Procancellarios eligere solent, uti Oxoniensis Academiæ Cancellarius a studiosis in perpetuum, Procancellarius vero quotannis; & Cantabrigiæ Cancellarius a cætu academico in triennium, & Procancellarius quotannis eligitur. Vid. *Großbritan. Staat P. I. c. 7. p. 40. & 114. & Ant. a Wood Hist. universitatis Oxon. Lib. II. p. 386. seqq.* Officio Procancellarii inest regimen universitatis, conservatio tuitioque privilegiorum, convocatio congregationum majorum & minorum, collectio graduum scholasticorum, compositio controversiarum & litium, punitio malefactorum, curatio munerum & officiorum, ut ipsis satisfiat, amor vagabundorum, seductorum, meretricum &c.

## §. 353.

Quenam  
complectatur  
sceptrum  
academi-  
cum?

*Sceptri academici nomine veniunt hic cum jura imperandi, tum immunitates academicæ.* Etenim sceptrum academicum commode notat juris dicendi potestatem academicam cum privilegiis reliquis eidem annexis (§. 346.). Hæc potestas involvit exercitium officiorum judicis (§. 540. P. VIII. *Jur. nat.*), quod jurisdictio nuncupatur (§. 352.). Sed jurisdictio academica oritur ex ipsius jure suis imperandi (§. 331.). Inde sceptrum academicum innuit imperium academicum in eos, qui academici sunt subiecti. Præterea connectuntur cum illo imperio alie immunitates ab officiis civilibus, quas scopus academiarum requisivit (§. 321.) & (§. 329.); & prius usus receptus quam

quam jurisdictionem academicam. Proinde sceptrum academicum & illas involvit immunitates, quæ faciliorem ampliorum certiorumque reddere possunt culturam intellectus scientiarum artiumque nobiliorum (§. 312. *seqq.*).

Magistratumque id est peculium veluti, quod subditis imperandi, & eorum controversias cognoscendi dirimendique potestate gaudent. Inferioris autem gradus illa est jurisdictio, quando ab ea provocatio datur ad alios, quam majestate gaudentes. Ideirco etiam academiarum jurisdictio qualiscunque ad inferiora tantum pertinet privilegia civilia (§. 331.), nisi vel adquiescendum in ea sit propter prohibitam appellationem, vel appellatio fieri nequeat nisi ad majestate gaudentes. Quæ distinctius evolvere juvabit.

#### §. 354.

*Membra academiae strictius dividuntur in docentes & discentes; Divisio latius in imperantes & parentes.* Etenim vel spectantur illi tantum, sine quibus nulla dari potest academia, hoc est membra *membrorum academiae.* ejus absolute necessaria & primaria; vel illi quoque qui tantum ornamento, commoditati & majori illius emolumento inserviunt, ideoque & abesse ab illa possunt, hoc est membra ejus secundaria. Priori casu membra illius primaria sunt docentes & discentes, & ita strictius dividitur omnis academia in docentes discensesque (§. 321.). Quorum illi vel publice docent & Professores sunt (§. 435. P. VIII. *Jur. nat.*); vel tantum privatim docent quosdam, dum facultate privatos intra parietes quædam docendi positi sunt, qui legentes seu lectores academici dici consueverunt (§. 333. b). Discentes autem studentium, studiosorum aut academicorum civium nomine appellantur. Si vero latius considerentur omnes, qui academiis adherent & accenseri solent, dirimuntur in imperantes seu regentes, qui aliis præsunt vel imperii academici sunt partici-

pes, & in obediētes seu regēdos, qui imperata facere obligantur, ne a scopo academice aberraretur (§. 141. P. VIII. Jur. nat.).

Qui in academiis docent, illi vel publice docendi, vel tantum privatim docendi jure gaudent. Qui enim neutro gaudent illi docere nequeunt, sed prohibentur docere, si quid sibi arrogent. Nec immerito id fit, quando inepti sunt ad docendum vel suspecti de erroribus propalandis, seducendisque aliis. Qui publica autoritate jussi sunt docere, illi publicis horis auditorumque cum in finem utuntur. Hi Professores appellantur alique plenario jure & salario gaudent, quo dicuntur ordinarii Professores; alii minus pleno seu diminuto adhuc vel salario carent, qui extraordinarii sunt Professores. Qui vero tantum intra privatos parietes & limitatam habent docendi facultatem, nude docentes Magistri vel Doctores legentes, aut privati lectores universitatum nuncupantur. Quamquam & nonnulli publici dantur lectores, quibus facultas publice docendi, sed in gradu inferiori concessa est. Ita in collegiis Oxoniensis & Cantabrigiēsis academice habentur lectores grammaticæ rhetoricæ, Logicæ & Metaphysicæ & Mathesis, qui vel quotannis leguntur, vel semel electi manent. Professores ex Gellio etiam Praelectores dicuntur. Gerdani subjungitur Professoribus Lector linguæ polonicæ. Ceterum legitur in *Ciceronis L. de orat. c. vis oratoris* professorem ipsa docendi; & in *Pison.* qui Philosophiam proficitur gravissimam sustinet personam. Inde *Celsus* Hippocratem dicit magnum professorem; *Svetonius* Orbiliū, grammaticum Praefectorem, & *Plinius L. II. Ep. n.* affert Valerii verba, ex ornate rhetoris, quos tibi fortuna ludos facis? Facis enim ex Professoribus senatores ex senatoribus professores.

Altera autem divisio civitati & academice communis est. Cum imperio non sunt, nisi quibus imperium ex pacto debetur. Sic v. g. vel omnes Professores conjunctim, seu collegium eorum, vel quidam ex eodem delecti imperio præsent. Reliquis obsequii huius est relicta. Præcipui academiarum cives sunt musicarum cultores & alumni, qui literarum academiicarum studiosi &



& brevius studiosi non invito Cicerone vocari consueverunt. Deinceps Professorum uxores, liberi, famuli, famulitium; qui sunt ab academiarum ministeriis quibuscunque; studiosorum ephori, & servi, albo inscripti chirurgi, linguarum, musicae & exercitiorum in armis, equitatione & saltatione, artibusque similibus magistri ab academia recepti; & dependentes ab academia bibliopola, typographi, bibliopegi: aliique in academiae fundis subditi. Oxoniensi academiae & urbis cives cum Praetore suo quadamtenus subsunt indultu Eduardi III. Quae cum passim variant, consulendae sunt leges & pactiones academiarum, sicubi de his judicium est ferendum.

## §. 355.

*Imperium academicum comp. datur primum ipsos docentes, ut Cui subsint tamen provocatio ad summum vel ad majestatis in causis arduis con-* docentes *incedenda sit.* Quia enim Professores facultatem academicarum *academiis* pari fere dignitate censendae sunt (§. 341.), ideoque Rectores *eximii.* petuntur e singulis facultatibus, certo quodam ordine recepto (§. eod.): collegium Professorium universum est instar collegii optimatum, pari jure suffragandi & de rebus academicis sciendi gaudens. Sed in aristocratia imperium summum indivisum est penes integrum ceterum optimatum (§. 135. P. VIII. Jur. nat.), cui ideo & singuli subsunt optimates (§. 143. ibid.). Quapropter & integrum collegium professorium imperio gaudet in singulos Professores, ordinarios & extraordinarios, ceterosque docendi facultate donatos. Quod ipsum quoque de Professorum uxoribus & familia valere, sua radiat luce.

Sed licet academiae eximiae pares sint ceteris ordinibus, summi imperii consortibus (§. 345.); subsunt tamen his, penes quos est majestas (§. 346.). Proinde consultum & statutis plerumque sancitum est, ut in causis arduis provocatio detur ad legitimum judicem summumque; quemadmodum in similibus causis civilibus fieri consuevit (§. 549. P. VIII. Jur. nat.),

ne quis de duriori sententia vel de injuria sibi illata conquerendi materiam nanciscatur. Concedenda igitur est in causis arduis a sententia concilii professorii ad supremum tribunal provocatio, prout idem quoque receptum in illis reperitur.

Electores academix in Saxonia in civilibus subsunt summo circuli sui tribunali (dem Oberhofgericht, und Churfürstl. Graffl. Amte,) cui in rebus arduis præsertim criminalibus cognitio superior demandata est. Wittebergæ quidem non singuli tantum Professores & singulæ Facultates jurisdictioni academicæ subiacent, quod secus est Lipsiæ, ubi non universa tantum familia sed & facultas quælibet summo Provinciæ tribunali subest. In rebus consistorio subiectis primo conveniuntur in consistorio, Lipsiæ per academiam requisitam citandi. Deinde superior cognitio ad summum devolvitur tribunal rerum ecclesiasticarum, ob nexum cum religione nunc quoque mere academica, & Professorum constitutiones, sunt attributa, salvis tamen pactis antiquis circa Lipsiensem. Ita & in anglicis aliisque academiis provocationes ad regem aut principem conceduntur, quando Professorum nomine causæ graviores ventilantur. Sane si alia v. c. Senatus, collegia, quæ non subsunt nisi summo imperio, in sua membra, uti Senatores, jurisdictionem exercent, neque tamen in gravi causa ab aditu summi imperii ejusque appellacione excluduntur: eadem æquitas in collegio academico fuit observanda, ut prima cognitio causæ ipsius sit collegii, ipsiusque arbitrio controversia componatur. Ne tamen odium & invidia iniqua vel injusta statuere, & statuta exsequi possit, illi, contra quem pronunciatum est in gravi causa, jus conquerendi appellandi quæ supremum tribunal permittendum fuit, adhibere duntaxat remedio dudum usitato, temerarias provocationes compescendi. Quo plura collegii membra sunt, eo minus verendum est affectuum abusus. Vnde in levioribus causis & decretis, item in diserte per leges definitis casibus haud facile concedenda & si concessa temeraria fuisse deprehendatur, poenam meretur legibus statutam.

## §. 356.

*Jurisdictio academiae eximiae vel civilis est vel criminalis quoque jurisdictio tum inferior, tum superior.* Est enim jurisdictio cum potestas *vel civilis* juris dicendi, tum exercitium officiorum judicis (§. 352.). *vel criminalis.* Sed officium judicis est causas ad se delatas cognoscere, a cuius parte stet jus, pronuntiare, victo injungere, ut praestet vincenti quod debet, ac dum id sponte praestare recusat, eundem vi adigere (§. 540. P. VIII. Jur. nat.). Quae causae cum aut versentur circa facta licita ut contractus & pacta, aut circa illicita uti delicta & crimina; priores dicuntur *civiles*, posteriores vero *criminales*. Hinc causae civiles requirunt *jurisdictionem civilem*, criminales vero *criminales*. (§. 352.). Vnde apparet jurisdictionem academiarum sublimium vel esse civilem vel criminalem.

Utraque in academia eximia non inferiorem tantum, circa causas levioris momenti occupatam, sed & superiorem, de rebus gravioribus & gravissimi momenti statuentem comprehendit (§. 330.): v. c. jus caduci, & poenarum capitalium, quae cum summi imperii & jurisdictionis summæ partes sint, non nisi hujus indultu concedi eminentioribus in civitate solent. Talis vero eminentia pertinet ad privilegia majora academiarum (§. 343.), & *privilegium fori* nuncupari solet.

Quando hic agimus de academiis egregiis, nemo hæc transferet ad quaslibet academias. Sed sicubi hæc jura deprehendit in quadam academia, illam ad eximias academias referendam esse, concludit. Oxonii v. g. nemo studiosorum propter debitam vel contractus in forum urbis citari potest, sed de his judicat Procancellarius, a quo provocatio datur ad tribunal s. circiter Doctorum deputatorum; & ab his ad Cancellarium. In criminalibus simili ratione jus dici consuevit. Regiomontanae academiae a. 1557. data est jurisdictio in omnes ipsi inscriptos annexosque: quia amor sociorum mutuam fiduciam reciprocam

(*Ulsji Politicae P. II. S. III. C. I.*) M m m gignit,





bergenſi academia, forſitan ob ſumtum evitationem pacto deſt  
 jurisdicſio criminalis ſuperior, diſtandi ſcilicet ſupplicia. Quod  
 ſecus habet in Vindobonenſi univerſitate, cujus rector in actibus  
 publicis alterum a principe vel eius vicario locum obrinet, cun-  
 ctisque academiae membris ex æquo & hono jus dicit, non modo  
 in civilibus, ſed & in criminalibus cauſis, ſi eadem adhuc obti-  
 nent, quæ *Milſendorpius Academiae. Lib. V. p. 302.* refert.  
 Quale jus caducorum olim regionontanæ academiae fuerit, do-  
 cet *Arnoldus Hiſt. P. I. p. 70. ſeqq. & docum. 12.* cum Lipſiæ D.  
 Contr. Toclerus, heredum expert, mortuus eſſet, Senatus I'p-  
 ſienſis domicilii cauſa eius patrimonium caducum ſibi vindicare  
 voluit. Oſtendit vero academia, ipſum præcipuum academiae  
 membrum a 1512. Rectorem Magnificum fuiſſe; atque patri-  
 monium doctrina & arte ſua peperiſſe. Vnde dux Georgius,  
 ex eodem tum ſalaria Profeſſorum medicinae auxit, tum terriam  
 Profeſſionem medicam inſtituit, quæ inde Tockleriana dicta  
 fuit. Vid. *Shneiderus l. c. p. 293.*

## §. 357.

*Ad majora academiarum eximiarum privilegia referri potiffi- Privilegium  
 mum debet jus ſibi met ſuos conſtituendi, ſaltem eligendi Rectores, Deca- eligendi &  
 nos & Profeſſores, ac viciffim removendi eisdem gravibus de cauſis, removendi  
 continuatione aut in anteceſſum data, aut ſingulatim ſemper petenda. Profeſſores  
 Rector enim Magnus caput eſt totius academiae, primisque &c.  
 imperii academici partibus gaudet (§. 338), uti Decani in ſua  
 facultate (§. 345.). Jam ſi majora urbium privilegia conti-  
 nent jus ſuum ſibi magiſtratum eligendi, eodemque gravibus  
 de cauſis removendi & abdicandi, uti plerumque uſitatum eſt:  
 quidni etiam majora academiarum eximiarum privilegia invol-  
 vant jus ſuos ſibi eligendi conſtituendique Rectores, Decanos  
 atque Profeſſores, eodemque viciffim abdicandi & removen-  
 di, quando graves id urgent cauſæ.*

Quoniam academiae etiam eximiae majeſtate carent, &  
 privilegiis debent ea, quibus utuntur, jura (§. 330 ſeq.);

etiam si gaudent jure, suum eligendi constituendique Rectorem, Professores, ceterosque docentes & ministros, id tamen aut olim adepta autoritate illius, vel illorum faciunt, penes quos summum est civitatis imperium; aut in singulis casibus, ubi v. g. novus eligitur Rector, Cancellarius, Decanus aut Professor, impetranda est rationibus idoneis confirmatio superiorum. Quapropter in constituendis, removendisque illis, quibus salutis academiarum cura pro sua parte incumbit opus & utendum est autoritate publica qua id validissime fiat. Ideoque vel olim indulta ipsis esse debet potestas legibus adstricta, quas si sequitur, publica autoritate actus est ratus; vel quovis casu singulari ex privilegiorum tenore obtinenda est ejus publica rati habitio confirmatioque (§. 313).

Differt hoc jus eligendi capita academiarum, Rectorem scilicet & Cancellarium, prout in constitutione academiarum visum est constituentibus illam. In aliis nempe adhibetur Cancellarius in aliis nullus, sed illius partes habentur inter partes Rectoris & Decanorum (§. 347.). In aliis e numero Professorum non habentur nisi Prorectores & Procancellarii (§. 348.). In Anglicis academiis Rectoris vel Prorectoris loco succedat Cancellarius & Procancellarius; quorum ille e Procerum numero esse, & gratia Regis florere; hic ejus vicibus in academia fungi debet cum suis 4. Vicariis. Qui cum Praefectus sit cujusdam collegii, & sacri ordinis, ipsum dignitate antecedit denominatus a Cancellario Senescallus S. Praetor academiarum, rerum etiam capitulorum iudex, qui Cantabrigiae Commissarius appellatur. Pro cancellarium quotannis eligunt studiosi (si vera narrat Autor des *Großbritannischen Staate P. I. c. 7. p. 114.*), aequae ac tribunal appellationum, 4. vel 5. Doctores & aliquot artium magistros complectens, & duos procuratores, artium magistros. Sed major fides tribuenda est *Woodio*, qui comitis academicis, quibus non interfunt nisi magistri sive regentes sive minus, cancellarium tribuit electionem *P. II. Hist. univ. ox p. 386.* Qui cum



diu non essent nisi Magistri & Professores, deinde Episcopi & a medio seculi XVI. laici quoque magnæ spei esse coepere. Vti vero Cancellariis licet isto magistratu se abdicare, ita pariter academix senatui licet eundem pro re nata adimere, & in alium transferre. Prout 1641. resignante Archiepiscopo Laudo comes Pembrochiensis electus, quem 1643. exturbarunt academici rege consentiente. *Wood l. cit. p. 437.* Regiomonti in statutis academ. A. 1546. Reëtori & Senatui academico injungitur, ut matura deliberatione de viris muneri vacanti idoneis solliciti sint, & quos plura suffragia ejus facultatis præferant, præsentent vel commendent. Similes facultatum & corporis academici commendationes vacante Professione Wittebergæ & alibi passim usitantur. Quod de Prælectore Theologiæ ex instituto Margarethæ comitis de Richmond *L. II. p. 33. a Wood refert,* eum in comitiis academix suffragiis Doctorum & Baccalaureorum Theologiæ deligeretur, idem de aliis fere omnibus Professoribus intelligendum videtur. Cracoviensi academix fas est, ut facultas eligat idoneum replendo loco vacanti, a Rege confirmandum. Vid. *Arnold. P. I. Docum. 28.*

## §. 358.

*Iisdem quoque adscribi meretur jus condendi statuta academica, Jus condendi adhibita approbatione & confirmatione majestatis.* Sicuti enim vel statuta academica. opificum artificumque statuta a peritis illarum rerum concipienda. & a magistratu ad commune bonum & consensum cum aliis omnibus reducenda; sicuti eorum, qui non subsunt nisi majestati, sæpe est antonomia, saltem facultas leges condendi & accedente confirmatione suprema eas promulgandi: ita quoque universitatibus eximius concedenda est facultas, de rebus ad commune bonum literarium, & ad scientias arresque facientibus quantum fieri potest in salutem civitatis applicandis, leges generales specialesque condendi, easque postquam confirmatæ sunt a summa potestate, publicandi (§. 445. *P. VII. Jur. nat.*).

Quando aliarum academiarum leges jam prostant, secundum quas agentes bene florere, seligi ex ipsis possunt leges præstantissimæ, quæ aptissime ad rerum præteritum faciem esse deprehenduntur. Neque enim facile est, omnia illico perspicere, sed multa demum docet dies & usus, unde quæ cæteris sint meliora innotescit. Quæ de re consulendus est usus, & quæ illius ope jam sunt emendata, præsto sint, quæ nondum ea emendari possint. Sic academia Oxoniensis A. 1633. Cancellarii consensu statuta sua recognovit emendavitque, quod fufius commemorat *Ant. a Wood Hist. L. I. p. 338. seq.* Sic statuta priora academix Regiomontanæ suffragiis Professorum Sabini manu exarata & a Principe Alberto confirmata fuere, ita tamen ut senatui academico liceret in posterum alia addere, proinde haud ita multo post factum est, secundum statuta Vitembergenfis & Tubingensia, quæ A. 1557. approbata fuere. Vid. *Arnoldi Hist. P. I. p. 127. seqq.* Quibus dein accessere statuta peculiararia cujuslibet facultatis, de quibus vid. *ibid. p. 139. seqq.* & in *Docum. n. 49. seqq.*: similia in cæteris academiis dari, nulla eget comprobatione.

## §. 359.

*Immunitates  
academicae  
communes.*

*Immunitates academicae* aliæ sunt docentibus discentibusque communes, aliæ vero propriæ (§. 354.). Illis æque gaudent docentes ac discentes; his vel docentes, vel discentes tantum. Communis est & docentibus & discentibus in universitatibus eximiis immunitas a jurisdictione & statutis magistratus, qui summus non est, nec a summo ad hanc rem delegatus; immunitas ab evocatione ad aliena judicia eorumque censuras subeundas; immunitas a vectigalibus, aliisque cæterorum civium oneribus rerum & personarum, v. c. ab agendis excubiis, ab armis contra hostem capiendis, similibusque molestiis. Quæ generatim ex natura fori academici fluunt (§. 356.); sed singillatim ex statutis & privilegiis universitatis judicanda sunt (§. 357. seqq.).

Druidum

Druidum quæ fuerit immunitas in Britannia & Gallia, *Cæsar. L. VI. de bello gallico c. 18.*: Druides a bello abesse consueverunt, neque tributa una cum reliquis pendunt; militiæ vacationem, omniumque onerum habent immunitatem. Tantis excitationi præmiis, & sua sponte multi in disciplinam conveniunt, & a propinquis parentibusque mittuntur. Romæ Julius Cæsar liberalium artium Professores civitate donabat. Philosophantes ibidem a muneribus civilibus tutela & cura excusantur. acsi in patria sua docerent, indultu Severi & Antonini. Theodosii privilegium, quod A. 423. editum dicitur, Bononiam constituit omnium scientiarum fontem & perennem studii sedem. De reliquis privilegiis deinceps dicitur. Congessit illa *Middendorpius L. III. p. 593. & L. IV. p. 4.* Oxoniensi academia Henricus, Rex, A. 1254. concessit, ut Cancellarius & universitas in causis ex mutuo, locationibus emto, & aliis rerum nobilium contractibus studentium decidat lites, non obstante prohibitione vel regia. *Wood P. I. p. 93.* Cantabrigiensibus A. 1305. concessum, ut de omnibus actionibus personalibus Burgenſes convenire possint coram Cancellario universitatis, nec per regiam prohibitionem ea in re impediri debeant. *ibid. p. 94.* Parisius Carolus M. oblitteratam pæne majorum desidia circa A. 792. reparavit literarum officinam, ad liberalium artium studia pernoscentia, uti ipse scribit in Epistola, quam *Middendorpius L. IV. p. 357.* affert. De qua *Architremius* poeta sic cecinit:

*Exoritur tandem locus. altera regia Phœbi,  
Græca libris, inda studiis, romana poetis,  
Attica Philosophis, mundi roſæ, balsamus orbis,  
Sidonis ornatu, sua mensis & sua potu,  
Dives agris, sacunda mero, mansuetæ colonis,  
Messe ferax, inoperta rubis, umbrosa racemis,  
Plena feris, cæci.*

**Et alter Cnobeldorpius, Prutenus:**

*Quas posuere scholas, superare palatia regum,  
Structuris, spatio, summis arte putes.*

Centum



*Centum migdonio collegia stantia saxo,  
Magnificas cingunt conspicienda domos.*

Cum tempore Ludovici S. studiosi quererentur, injuriam sibi fieri, vetera privilegia auferri, jamque in angliam dilaberentur, Rex cives ad officium & colendos doctores & discipulos revocavit, ut suis ingenuis artibus honos haberetur. Robertus Regis frater A. 1253. collegium instituit Sorbonicum. Rex concedit omnibus libertatem a vectigalibus & oneribus personarum rerumque. Quæ confirmavit Philippus VI. & Carolus VI. auxit immunitate ab omnibus impositionibus & subiectis ex vino, frumentis, hereditatibus, beneficiis, aliisque bonis emtis & venditis &c. *ibid. p. 366.* Innocentius IV. Papa auditor res parisiensis academice indem a vectigalibus absolvit, vetuitque, ne per literas apostolicas extra Lutetiam trahantur, *p. 367.* neque quisquam magistrorum aut scholarium & procuratorum pro facto excommunicetur aut suspendatur, ipsaque talis sententia promulgata sit irrita & inanis *p. 376. ibid.* Vti Lutetiae eliguntur magistri, qui commoditati & pretio habitationis constituendis attendunt: ita Oxonii duo magistri de pretiis rerum in foro venalium, & mensuris statuunt. Vid. *Benthami Engell. Kirchen. und Schulen. Staat p. 336.* Omissis ceteris addo tantum, Batavorum Lugdunensem academiam, in criminalibus quoque immunem esse a civili foro, cujus Rector Magnificus e tribus ab academia oblati a Principe Araus. eligitur teste *Benthamio im Holländ. Kirchen. und Schulen. Staat P. II. p. 36. confer. authentica §. 361. in nota afferenda.*

### §. 360.

*Immunitates*

*Professorum.*

*Professoribus propriae immunitates, non ubique sunt eadem sed vel in eximiis universitatibus variant pro pactorum & tutorum ratione (§. 359.). Professorum concilium in disciplina academica 1) immune est a provocatione, quod nonnunquam & in criminalibus ac matrimonialibus concessum; 2) necesse est sint cives honorarii, tamen a legum & statutorum civilium*

custodia, quæ scopo academici non respondent; 3) a gerenda aliorum tutela & cura, qui ad ipsam non pertinent; 4) a necessitate non discedendi tempore belli aut pestis; 5) a comparandis communibus solennioribusque auditoriis & cœnaculis, passim & ædibus propriis; 6) ab hospitibus militaribus; 7) a fide juranda &c. Pariter & singulis Professoribus quædam sunt immunitates, uti ab accisa; ab opificiorum iniquitate; a sumtibus sibi sepulchra & sedilia in templis emendi; a detractû bonorum; a librorum & vestimentorum collatione in massam patrimonii; a procuratione vicarii in munere obeundo, dum legitima adsunt impedimenta. Emeritorum & viduarum immunitates prætermitto.

Scholarum publicarum ædificia publicis sumtibus esse extruenda, conservanda ac reparanda, supra est ostensum §. 320. sed academici sunt procul dubio scholæ publicæ, cæteris superiores (§. 329.). Quare ædificia academica in splendorem & gloriam civitatis publicis sumtibus saltem locupletum, qui publicæ rei bene cupiunt, magnifice sunt condenda & exornanda, fere ac ipsamet templa, divino cultui destinata. Tendunt & hæc in cultum scientiarum & religionis, immo eos formant, qui in templis cultum divinum præire doctrina & exemplo debent. Hinc Athenienses Platoni academiam tribuerunt, in qua doceret; Aristoteli, Lyceum, in quo obambulando docebat. Parisiis numerantur collegia permulta, partim a Carolo M. musis dicata, partim a successoribus, aliisque, cum suis unumquodque discipulis, doctoribus, & præfecto, quem primarium vocant. Franciscus Valesius designarat locum amplum trans Sequanam Gymnasio omnium opinione majori, in quo Gymnasiarchæ & Professores probique adolescentes supra 600. literis imbuerentur & moribus, idque francicorum 100. millibus annuo censui dotasset, nisi morte fuisset præventus *p. 368. seqq. P. II. Middel-dorpii.* Theologis primum a Roberto Sorbone, dein a Jo. Choletto, Cardinali, collegium & a Clemente VI. templum Sor-

bonicum est exstructum. Oxonii sane cum regis tum variorum benefactorum sumptibus inmentis instituta sunt collegia alia aliis splendidiora pleraque, e quadrato lapide structa 18., præter 7. aulas paulo minores illis, in quibus ultra mille studiosos gratis & duplo plures suis sumptibus erudiuntur educanturque. Cantabrigiæ 12. sunt collegia, & 4. illis fere pares aulae (Halls), in quibus pariter ultra mille gratuitos alii suis sumptibus subsistunt. Inde non immerito dicitur, utramvis harum universitatum pluribus aliis esse æquiparandam vid. *Wood, Bentham. &c.* Salmanticæ circiter viginti sunt collegia, quatuor majora cæteris maximis redditibus prædita, in quorum singulis 25. alumni unus coloris veste simplici amiciuntur; plures autem alumni in opulentiori S. Jacobi habentur, teste *Middendorpio P. II. p. 434. seqq.* Vnde ibi quatuor & amplius millia sæpe literis operam dantur feruntur. Longum esset, cætera persequi, & sufficere hæc possunt scopo præsentis. Appellationem in disciplina academica nullam dari, usque ad relegationem vel cum infamia faciendam, uti aliunde satis patet, ita confirmatur statutis Regiomontanis, de quibus consulatur *Arnoldus P. II. p. 71. seqq.* Ejusdem academiciæ immunitatem ab oneribus civilibus, accisa, statuto opificum a bibliothecis in hæreditatem conferendis, a detractis cæterisque idem confirmat *P. I. p. 104-123.* Immunitatem a tutela & cura Professoribus legum & Philosophiæ Romæ tribuerunt Severus & Antoninus *leg. II. 12. ff. de excus.* Quam etiam Grammaticis, rhetoribus, Sophistis & medicis circulatoribus datam fuisse numero definito, *Modestinus* ait *ibid leg. 6. §. 1. & 4.* Vnde tutelæ liberorum a Professoribus relictorum, postulante id academia a magistratu civili sunt procurandæ (*§. 119. P. I. Arnoldi.*). Raro ea docendi necessitas requiritur, ut impediti alii suas vices tradere cogantur. Porius morbis laborantes aut senio, aut pestis causa alio concedentes, salario tamen fruuntur *p. 118. ibid.* Salmanticæ qui 20. annis munere professorio bene functus est, immunis a præsidendo eodem salario fruatur emeritus quamdiu vixerit, sufficiturque in ejus locum alius pensionis annua donandus ex aliis academiciæ proventibus. *Arnoldus*



*dendorp. Lib. VII. p. 430.* Quæ beneficia viduis liberisque Professorum tributa sint, descendum est ex privilegiis academiarum. Halæ Professoribus datur immunitas (geradæ & Heergewetti) a lege heriscundarum rerum muliebrium & expeditoriarum (§. 853. P. VIII. *Jur. nat. not.*). Et filia non potest mundum muliebrem auferre in detrimentum filiorum (*ibid. not. §. 854.*). Honorius & Theodosius imperatores L. XI. *Cod. X. 52.* seiscunt: Grammaticos, oratores atque Philosophiæ præceptores, nec non etiam medicos præter hæc, quæ retro latorum constitutionum autoritate consecuti sunt privilegia & immunitates, frui hac prærogativa præcipimus, ut universi, qui in sacro palatio inter archiatros militarunt, cum comitivam primi ordinis vel secundi adepti fuerint, aut majoris dignitatis gradum adscenderint, nulla municipali, nulla curialium conventionione vexentur, seu adempta administratione, seu accepta, testimonialem meruerint missionem, sint ab omni functione omnibusque muneribus publicis immunes, nec eorum domus ubicunque posita militem seu judicem suscipiant hospitandum. Quæ omnia in illis etiam eorum conjugibus illibata præcipimus custodiri. Hæc autem & Professoribus memoratis eorumque liberis deferenda mandamus.

## §. 361.

*Studiofis propriæ immunitates fere huc redeunt, ut 1) securo Immunitates arbitrarioque gaudeant ad academias aditu, redituque ab iis studioforum.* dem; 2) ut definito annorum v. c. 4 vel 5 spatio studia absolvere possint, & merentes ad honores academicos admittendi sint; 3) ut bene cœnse studio suum academicum facultate alios docendi, sparrisque publicis potiundi gaudeant, quibus præ cæteris indigenis peregrinisque deprehenduntur; 4) ut alumnatus detur pauperum, & immunitas a solvendo didactro; 5) ut subveniat ipsis beneficium restitutionis in integrum, & immunitas a repressaliis vel pignorationibus pro aliis, 6) brevis causarum discussio optio foris & mitior plerumque poena; 7) im-

7) immunitas a conferendis in patrimonium sumtibus studiorum recte adhibitis. Posset huc quoque referri fugitivorum & relegatorum in aliis universitatibus receptio, quatenus ab usu vacat; rite impetrata abolitio inquisitionis, relegationis, infamiaeque; a jurando obsequio, pollicitatione ut plurimum sufficiente. *cæt.*

In Theodosii privilegio ut dicitur Bononiae dato hæc habentur: si quis scholasticos ad studium hoc euntes abeuntesque ausu temerario offenderit, capite puniatur. Antea hæc ibi occurrunt: volentes insuper, ut omnes sententiae a iudicibus, qui in alma hac civitate per quinquennium saltem non studuerint, late, nulla penitus existant. Et si quis ad magistratus dignitatem promotus ab alio quam archidiacono bononiensi librum magistralem susceperit, quanquam id quarumlibet facultatum periti praestiterint approbaverintque, eum auctoritate nostra omni dignitate priemus. Vid. Middendorpius Lib. IV. p. 4. Idem procancellarius Colonienfis academ. P. II. p. 65. similia de Patavio & 166. *sept.* Julii II. indultum refert, ut Rector Doctoribus, magistris & studiosis jus dicat summarie, de plano, sine strepitu & forma iudicii, latusque sententias exsequatur. Quo simul prohibetur, ne quis doctores & scholares invitos evocet in iudicium extra coloniam; & Rectori permittitur, ut pendentes in quacunque instantia causas eorum ab aliis avocare easque definire possit ex æquo. Fridericus imperator adeuntes redeuntesque studiorum causa cum rebus & familiis tuendos suscipit, ne ulla de causa itinere impediuntur, detineantur, vel exactione ulla pedagii, teloniique cæt. afficiantur sub gravibus pœnis. Diocletianus Maximinusque edixerunt: cum vos confirmetis, liberalibus studiis operam dari, maxime circa Juris Professionem, in civitate Berytorum, provinciae Phœnicis, providentes utilitati publicae & spei vestrae, decernimus, ut singuli usque ad 25 annum ætatis suae non avocentur. Vid. Middendorp. P. I. p. 288. Quanta pauperum numerus Oxonii, Cantabrigiae Parisiis, & ubi vis academiarum seu publico ære alatur, seu privatorum beneficiis stipend.

pendiis & gratis erudiatur, partim antea jam indicavimus, partim notius est, quam ut indigeat ulteriori dilucidatione. Oxonii anno academico primo audiendus est prælector Grammaticæ & antiquitatum, & Rhetoricæ; secundo & sequentibus Professor Dialecticæ græcæ Linguæ & hebr. Geometriæ & Ethicæ. Quo factò post annum 4. fieri possunt Baccalaurei artium. Tum per triennium pergunt in hebræa lingua Geometria adduntque Physicam & Astronomiam, tandemque Metaphysicam & Historiam. Quibus absolutis evadere possunt magistri, & Juris baccalaurei. Futurus Theologus post septennium philosophicum & adeptos magisterii honores, aliud impendit septennium in studia theologica, ut baccalaureus in illa creari possit. Si Doctor Theologiæ fieri velit, alios 4 annos impendit audiendo Prælectori Theologiæ, & explicandis quibusdam libris biblicis, eorumque honorum adquisitio certum stat libris Sterlingicis. Professor impeditur consensu Protancellarii vicarium mittit, & multatur qui horam non frequentat. Simili fere ratione Studiosi Juris & Medicinæ instituuntur & ad doctorum honores intra 12 annos perducuntur. Chirurgis quoque antequam praxi adhibeantur, audienda est prælectio anatomica in sceleton, & sectio integra corporis humani frequentanda.

Non prætereunda hic est *Authentica Friderici I.* Anno 1158 edita, quæ in *Cod. L. IV. tit. 16.* legitur: „habita super hoc diligenti inquisitione Episcoporum, abbatum, ducum, omnium, judicum & aliorum procerum sacri nostri palatii examinatione, omnibus, qui studiorum causa peregrinantur, scholaribus & maxime divinarum atque sacrarum legum professoribus, hoc nostræ pietatis beneficium indulgemus, ut ad loca, in quibus literarum exercentur studia, tam ipsi, quam eorum nuntii (heredelli), veniant & in eis secure habitent. Dignum namque existimamus, cum omnes bona facientes nostram laudem & protectionem omnimodo mereantur, quorum scientia totus illuminatur mundus, & ad obediendum Deo & nobis ejus ministris, vita subjectorem informatur, quadam speciali dilectione eos ab omni injuria defendamus. Quis enim eorum non



„mifereatur, qui amore scientiæ exules facti, de divitiis pau-  
 „peres, semet ipsos exinanunt, vitam suam multis periculis ex-  
 „ponunt, & a vilissimis sæpe hominibus (quod graviter ferent-  
 „dum) corporales injurias sine causa perferunt? Hac igitur  
 „generali & in perpetuum valitura lege decernimus, ut nullus de  
 „cætero tam audax invenitur qui aliquam scholaribus injuri-  
 „am inferre præsumat, nec ob alterius cujuscunque provincie  
 „delictum sive debitum (quod aliquando ex servata consuetudine  
 „ne factum audivimus; aliquod damnum eis inferat, scilicet  
 „huiusmodi sacre consuetudinis retractoribus, & etiam ipsi  
 „locorum rectores, qui hoc vindicare neglexerint, restituit  
 „nem rerum ablatarum ab omnibus exigendam in quadruplum,  
 „notaque infamie eis ipso jure irroganda, dignitate se carituros  
 „in perpetuum. Verum tamen si litem eis quispiam super ali-  
 „quo negotio movere voluerit, hujus rei optio data scholaribus,  
 „bus, eos coram domino vel magistro suo, vel ipsius civitatis  
 „episcopo, quibus hanc jurisdictionem dedimus, conveniat.  
 „Qui vero ad alium judicem eos trahere tentaverit, etiamsi causa  
 „justissima fuerit, a tali conamine cadat. Quæ hic studiosis  
 „conceditur optio judicis, ea ad episcopum, qua Cancellarium  
 „de appellatione capienda videtur, quæ etiam ad imperatorem  
 „patuit vel ejus præsidem loci. Vid. Stephanus de Academ. C.  
 „n. 9. seq. L. III. P. II. de Jurisd.

## §. 362.

De academi-  
 is restrictio-  
 nibus.

Academia restrictiores eximie dici possunt, at non universales  
 quarum paucae dantur. Etenim academia restrictiores non omni-  
 bus gaudent privilegiis, quibus eximie gaudere possunt so-  
 lentque (§. 330.). Ideoque aliquid ipsis deest, quod eximis  
 inesse consuevit. Propterea possunt esse eximie, neque sub-  
 esse nisi summæ potestati; sed non in omnibus ideoque nec  
 penitus seu universe generatimque. Si literaria tantum atten-  
 dimus, quæ potissimum ipsarum naturæ conveniunt, restrictio  
 dabitur in facultatibus, ut quædam facultas ibi non doceatur,  
 neque

neque ideo absolvatur & honoribus coronetur. Quo plures facultates deficiunt in academia, eo illa restrictior erit appellanda, quacunq; de ratione id usu veniat.

Quoniam in cultioribus gentibus necessitas utilitasque omnium facultatum perspicitur, pleræque academiæ sunt universitates (§. 338). Vbi tamen vel barbaries quædam, vel præjudicium inveteratum, vel alia quacunq; causa privata obstitit universitati, ibi non nisi academiæ restrictiori. quocunq; demum nomine appelletur, locus est relictus. Quod cum inter gentes cultiores rarius contigerit, bene se res habet, quod paucæ duntaxat dentur academiæ restrictæ vel restrictiores justo.

Miratus est olim Petrus Anchoranus, quod Innocentius Papa mandet. *Romæ jus civile publicè doceri; Parisiis vero & alibi vetet*: sed illius rationem hanc reddit *cap. super speculo, extra de privil.* sane licet sancta ecclesia legum sæcularium non respuat tamulatum, quæ æquitatis & justitiæ vestigia imitantur; quia tamen in Francia & nonnullis provinciis laici romanorum imperatorum legibus non utuntur, & occurrunt raro ecclesiasticæ causæ tales, quæ non possunt statutis canonicis expediri, ut plenius sacræ paginæ insistatur, firmiter interdiciamus & districtius prohibemus, ne Parisiis vel in civitatibus seu aliis locis vicinis quisquam docere vel audire jus civile præsumat; & qui contra fecerit, non solum a causarum patrocinio interim excludatur, verum etiam per Episcopum loci excommunicationis vinculo innoderetur. Add. *Middendorpius P. II. p. 371. seq.* ut Lovanii Theologia doceretur, noluit Martinus Papa voluit dein Eugenius IV, narrante *Middendorpio l. c. p. 276.* Regiomontanæ Academiæ imperator confirmatam quidem promittebat, sed excepta facultate conferendi Theologiæ gradus dignitatum, secundum *Arnoldi Hist. P. I. p. 60.* Quæ confirmatio merito pro superflua habita & omitta est, æque ac papalis. Conf. notat. ad §. 331.

## §. 363.

*Gregalium  
academia-  
rum diffe-  
rentia.*

Gregalium academiarum aliæ gaudent privilegiis literariis, h. e. academicas dignitates conferendi aliæ iisdem carent. Etenim gregales academiæ subsunt magistratui civili, qui summus non est (§. 330.), eoque ab egregiis discernuntur. Priorres *emula eximiarum*, posteriores *præce* vocari possunt, quia veteribus ejusmodi dignitatum conferendarum solemnitas inusitata fuit & ignota. Quare sicubi hodie tales darentur concederenturve, priscis æmulæ vocari mererentur. Præterea gregales academiæ vel gaudent jurisdictione inferiori tantum, vel & superiori restricta. Quarum hæ quoque eximias æmulantur; illæ vero ad priscas referri possunt, ubi paterna tantum disciplina exercetur.

Fieri utrumque potest, ut quemadmodum in multis aliis rebus ita & in re literaria sua quemque virtus per se ornet, sine exteriori addito honestamento; & ut hoc addito tanquam premio animus ad majora incitetur, & simul alii eodem invitentur ad æmulationem spemque parem. Priori casu res versatur in statu naturali; posteriori a prudentia civili & civitate adjumenta accipit & emolumenta, quod naturæ civitatis apprime convenit (§. 303.). Dantur vero integræ rationes, exque ingentes in quibus eruditioni exiguus habetur honos, & dignitates literariæ nullæ sunt. Hunc incensum veniunt Afri, Saraceni vel Mahometani, Sinæ, Tartari, Japonenses, Rutheni &c. Chinesium artes liberales 6 numerat Confucius, reip. accommodatas, quamvis humiles vulgaresque, ut aucupium, piscationem, artem aurigandi, jaculandi, denique agriculturam & rem hortenturam animi ipse in scholis exorsus est. Adquiescunt scilicet illi populi vel in barbarie, vel in confusa tantum cognitione, qua artes ignobiliores (§. 309. *seqq.*). Nec multum ab his differunt antiquæ Persarum scholæ, in quibus pueri & puberes exercentur armis, sagittis, jaculis, venationibus, in justitia, temperan-



perantia & obedientia. Vid. *Xenophontis Cyropædia* L. I. p. 4. seq. In priscais Prophetarum scholis, Philosophorum, Druidum, &c. nullum occurrit graduum Academicorum vestigium. Syracusis, Massilæ, & ubicunque florere studia, nihil reperitur academicæ dignitatis neque jurisdictionis. Trajectina universitas confert gradus nomine ordinum provinciæ, sed jurisdictione propria caret.

## §. 364.

*Si academia dominus caret summo imperio plenoque, academia Criterium non erit nisi gregalis.* Si enim dominus academici caret imperio gregalis academia summo, erit alteri extraneo jus quoddam in ipsius imperii academia pri-  
summo, erit alteri extraneo jus quoddam in ipsius imperii actus (§. 44. P. VIII. Jur. nat.), si caret pleno imperio, unum mum.  
alterumve imperii jus illi erit ademptum (§. 62. *ibid.*). Neutro igitur casu dici potest academiam non subesse nisi majestate præditis (§. 330.), vel eam esse egregiam. Restat idcirco, ut non sit nisi gregalis academia universitasque (§. 363.). Si vero dominus pollet summo plenoque imperio, eximia erit universitas, licet dominus sit in extranei regis clientela (§. 100. P. VIII. Jur. nat.). Dari enim potest clientela, quæ salva relinquit imperii summi jura, ideoque nihil juris extraneo dat in summum imperium (§. 101. *ibid.*).

Constat ex dictis, non ex eo inferendum esse, academiam esse gregalem, quod illius dominus quemquam comiter revereatur, tanquam illius cliens. In imperio romano germanica reges & electores sunt fiduciarii imperatoris, & feudi lege eidem subjunguntur, neque eo secius tantundem in suo valent territorio, quantum rex in regno. At si constet unius actus imperii alteri extraneo subesse, tum imperium ipsius nec summum, nec plenum dici potest. Proinde academia ejusmodi domini gregalis est censenda: quia multæ sunt hujus generis, nisi plures, quam alterius. Cogitamus quæso, academiam Ferrariensem, Florentinam, Perusinam, Pisanam, Salernitanam, Senensem, Dillinganam, Rhemensem, Lovaniensem, &c. &c.

## §. 365.

*Secundum  
Criterium.*

Quaecumque academia vel nulla gaudet, vel non nisi inferiori jurisdictione, illa non nisi gregalis dicenda est. Quando academia gaudet jurisdictione superiori, tum nullum est dubium, quin illa sit eximia dicenda (§. 330.). Iade quando vel nulla gaudet jurisdictione, vel non nisi inferiori (§. 356.), eximia esse nequit, ideoque erit gregalis (§. 363.). Hoc casu plerumque vel omnis, vel superior jurisdictio erit alterius cujus imperium summum non est, & vel propterea e gregalium numero erit (§. 364.). Si vero jurisdictio quoque sit illius, cujus summum est imperium; tamen ob defectum vel omnis, vel superioris jurisdictionis academia exempta dici non poterit (§. 330.).

Excepta unica Lugdunensi belgicae academiae carent jurisdictione superiori & criminali, docente *Benthemio* im *Holl. Kirch- und Schulen-Staat. P. II. p. 36.*

## §. 366.

*Criterium  
tertium.*

Academia, quae subest ordinario cuipiam iudici, a se non constituto, & cujus imperium summum non est, ea est gregalis. Egregia enim universitas non subest nisi illi, cujus summum est imperium (§. 330.). Si qua universitas subest ordinario cuipiam, cujus majestas non est, illa ideo non erit eximia (§. 364.), necesse igitur est, ut sit gregalis (§. 330.). Exceptione tamen opus est eo in casu, quando ipsa academia sibi talem eligit iudicem; quia tunc in ipsius arbitrio est, utrum sibi quenquam ex Professoribus constituere velit, an juventutis principem. Trismegistumve alium, qui universitati plus commodi & splendoris sit conciliaturus.

Oxonienfem ac Cantabrigienfem academiam inter eximas esse ponendam, supra notavimus. Utrobique tamen Rectores, qui dein Cancellarii sunt dicti, petebantur ex ipsis artium Magistris & Professoribus; postea ampliandae suae prosperitatis causa, sibi modo

modo principem regium, modo summum ante ministrum, modo quenquam ex Regni Proceribus, Cancellarium legunt, qui vi-ces suas cuiuspiam Professorum mandat, tum in causis literariis, tum in jurisdictione. Vid. notata ad §. 357. alibi similia dari jura academiarum, nemini est obscurum. Sicubi Cancellarii partes diversæ sunt a partibus Rectoris Magnifici, nec consistunt illi in concedendi autoritate graves irrogandi pœnas & conferendi gradus dignitatum summos iis, quos illa facultas, ejus honores sunt largiendi, illis dignos in examine instituto judicavit; ibi illæ non officiunt summo academici juri, ejus nura ista æque fiunt, ac si nulla opus esset Cancellarii consensione & autoritate.

## §. 367.

*Vbi rector academici magnificentissimus datur, ejus jura sacro-* Quando Re-  
rum episcopalia complectuntur, ibi illius simul sunt cancellarii partes; *Et* Magnifi-  
ubi vero jura episcopalia sunt alterius, ibi huius est cancellarii functio. centissimus  
Est enim Rector Magnificentissimus is ipse, cuius in ea civitate gaudeat can-  
sumus est imperii gradus (§. 338.). Sed ejus in civitate summum cellariatu?  
est imperium, ei quoque subsunt academici cum suo Rectore  
Magnifico (§. 347.). Cum Cancellarii partes in academiis vel sint  
eodem, quæ ipsius Rectoris Magnifici, uti in Anglia, vel  
partem quandam jurium ipsius contineant (§. 350.), quæ Epi-  
scopo solent attribui, ubi romana religio dominatur: Si rector  
civitatis simul gaudet juribus episcopalibus, Rector Magnifi-  
centissimus simul partibus Cancellarii fungetur. Si vero jura  
episcopalia alii debeantur antiquo privilegio aut pacto: erunt  
illa pacta servanda, & suum cuique relinquendum, quod ipsi  
debetur. Ideo tunc non Rectoris magnificentissimi, sed illius  
erunt partes cancellarii, cui jura episcopalia, cancellarium  
olim complectentia, cessare & nunc debentur.

Efficisse videtur cura religionis castioris: ut Cancellarius pe-teretur ex Episcopis vel Archiepiscopis, ejusque intenderetur attentio ad providendum, ne quis a sana religione alienus, vel



hostis illius, commendaretur aliis dignitate academica in ipsum collata. Ornatis enim dignitate academica concessa est passim facultas libere profitendi in academia, & extra illam, ubicunque suam doctrinam, eaque alios imbuendi. Quod utique perniciosum Religioni fieri potuisset, si imprimis in Theologia facultas pestilentes errores libere disseminandi esset publicæ data. Qua propter oportuit adhibere viros religionis sinceræ, qui creverent, ne id quocumque obtentu oriretur. Sed ne illi ipsi quodam effectû erroribus patrocinentur, plene gratuitum esse debuit hoc ipsorum officium. Vnde cum Cancellarius parisiensis pro licentia dicendi inciperet exigere marcam argenti, atque ideo iam pauciores docere cuperent, Alexander III. Pontifex decretalem edidit, quæ *cap. quarto, ext. de magistris* iungitur, ne quid pro licentia docendi exigatur. Vid. *Middendorp. P. II. §. 364.* Forſan inde factum est, ut 4 procancellarii eligerentur, jurata fide adstricti ad bene fungendum suis partibus. Vid. §. 350. Nicolaus IV. Papa anno pontificatus sui V. Parisiensis academix doctoribus jus dat, ubivis terrarum docendi, regendi et doctorum honoribus fruendi. *Middendorp. l. c. p. 373.* Quod de alibi creatis doctoribus in academias creatricibus, & ubi earum auctoritati fides habetur, itidem valet. Academiarum Rottorchiensis olim Episcopus Sverinensis, Grypswaldensis Cammerensis, & Francofurtanæ Lebuliensis Episcopus Cancellarii fuerunt. Quibus extinctis jus sacrorum & academiarum Cancellariatus ad serenissimos principes, earum dominos transit. Propter Ioachimus Frid. Elector Brandenb. Cancellarii jura sibi suisque successoribus reservat his recessus Elector. 1617. verbis; *weil jederzeit die Erkenntniß in peinlichen Sachen über einen Studenten dem Bischöfe von Lebus, als Canslern der Universität zustanden, dessen Recht aber selthero auf uns kommen, und in unserer und nachkommenden Churfürsten zu Brandenburg Personen consolidirer, so können wir auch solche Causæ cognitionem, wie auch die Bestrafung der Maleficanten sonsten niemanden anders einräumen, sondern solches alles stehet bey uns.* Vid. *Beemann memoranda Francof. notit. universit. c. 3. §. 1.* Lipsiensis vero Academiæ

Academiae Concellarius fuit Episcopus Merseburgensis, unde postea hoc munus ad ducem Martisburgensem, tanquam postulatam administratorem Episcopatus, & post illius fata ad collegium canonicorum devolutum est.

## §. 368.

Prorectores & Procancellarii arguunt quidem alium dari Rectorem & Cancellarium, non vero per se Academiam gregalem; & que ac- Prorector non arguit gregalem academiam.  
*Pro-Rectores & Cancellarii in gregalibus quoque dari possunt.* Etenim ubi dantur Rectores Magnificentissimi, ibi in Academicis non habentur nisi Prorectores, vel Procancellarii, vel ambo (§. 351.). Enim vero fieri potest, ut hujusmodi academiae propria gaudeant eaque superiori jurisdictione & ut ordinibus regni intersint, uti in Anglia & Saxonia (§. 346 & 354.), ideoque sint eximiae (§. 346 & 335.). Proinde Prorectores & Procancellarii in academicis arguunt quidem, alium esse earum rectorem & Cancellarium, non vero illas tantum esse gregales. Quoniam nomina signa sunt arbitraria (§. 359. *ut il.*); pro arbitrio quoque vocari possunt academiarum magnifici rectores & cancellarii, qui majoribus illis privilegiis destituuntur (§. 346.).

Academiae belgicae gaudent rectoribus, & creant Magistros atque doctores; subsunt tamen magistratui suae urbis pleraque v. c. Trajectina subest non nisi magistratui ultrajectino, teste *Bembenio in Ross. Kirchen u. Schulen. Staat P. II. p. 38.* Sic Argentina & Altorfina eximiae dici nequeunt, suis tamen gaudent privilegiis academicis.

## §. 369.

Rerumpublicarum academiae nequeunt gaudere Rectore magnifico- Vbi curatores academiæ rerumpp. vel dantur in simplicibus Aristocratiis, vel demiarum democratiis, vel in mixtis & temperatis (§. 71.). Verum in dentur?  
*centissimo, sed illius loco gaudent curatoribus moderatoribusve.* Aca-  
 demiae rerumpp. vel dantur in simplicibus Aristocratiis, vel demiarum  
 democratiis, vel in mixtis & temperatis (§. 71.). Verum in dentur?

Aristocratia, in democratia sive simplici sive mixta summum imperium non est penes unum, sed ibi conjunctim collegio optimatum, hic universo populo debetur (§. 131. & 143. *Jur. nat.*). Enim vero Rectoris magnifici sunt primæ imperii academici partes, & magnificentissimus talis est in summo gradu (§. 338). Qui gradus cum unius non sit in ulla rep. seu populari seu optimate: patet salva rerumpp. indole neminem esse posse in academiis hisce magnificentissimum, qui in regnis & principatibus unus ille est, qui ibi summo gaudet imperio. Opus igitur est, ut ibi plures conjunctim academiæ cum summo imperio præsent, quibus illa salutis academiarum cura est demandata. Inde hi præfecti Patavii moderatores in Belgio &c. curatores academiæ vocari meruerunt.

Groninganae Academiæ sunt curatores sex, Franequeranae quatuor, Lugdunensis complures tum ex provincia, tum ex urbe, Trajectinae curatores tantum ex urbe, petuntur; Middelovicensis complures ex ducatu Geldrensi & Zutphanensi comitatu. Curatorum ejusmodi partes iis respondent, quæ Rectoribus magnificentissimis & Cancellariis, ut scilicet academiarum privilegiis & legibus servandis debite præsent, dignitates academiæ ipsorum nomine conferantur, Professores ab ipsis aut & per ipsos vocentur & removeantur, quibus id jus est tributum &c.

## §. 370.

De Jure  
Scholarum &  
academiæ  
instituendi.

*ut scholas inferiores constituendi conservandi & al publicæ salutem dirigendi a rectore civitatis recte conceditur magistratui locum non tamen jure ipsius consensu exercendum; jus vero concedendi scholas que in academiis ipse exerceat Rector civitatis.* Sunt enim in Rep. Scholæ & academiæ constituendæ (§. 436. P. VIII. *Jur. nat.*). Sed rectoris civitatis est imperium in civitate exercendum (§. 42. *ibid.*); inde ipsius quoque imperare, quid circa scholas erigendas, dotandas & conservandas, seu dirigendas ad for-



pum suum, consultum sit futurum, præsertim cum publicis ad eam rem sumtibus opus sit (§. 320.). Quatenus igitur alicubi Schola quædam inferior necessaria deprehenditur (§. 232. seqq.), eatenus vel imploratus a magistratu loci permittere, vel si is id non petat, injungere ipsi potest ea, quæ circa scholas inferiores pro re nata salutaria fore animadvertit.

Quoniam vero circa Scholas superiores plura occurrunt deliberanda, eaque multo plus in recessu habent, siue sumtus spectes majores, eisdem impendendos (§. 319.), siue auctoritatem majorem, jura privilegia & reliqua momenta in illis attendenda (§. 330. seqq.): hanc curam exquisitiorem & sublimiorem, deliberationem maturiorem cæteraque decernenda prudenti consilio, Rector civitatis merito sibi suoque senatui reservat. Rectius ergo jus condendi novas siue ex Gymnasiis, siue non, fovendique academias, imprimis eximias, ipse exercet Rector civitatis, saltem omnibus rite discussis decernit, cui quantumque de his rebus suis sub auspiciis gerendum committi possit.

Quo majoris momenti sunt res, in civitate gerendæ, eo magis necessarium est, ut non nisi eorum auspiciis gerantur, quibus summum imperium est commissum, ne quid illius exercitio adversum, aut parum conveniens admittatur. Pertinere autem Academias universitatesque, ad res permagni momenti, ipsa docet rerum in illis docendarum discendarumque ratio (§. 312. 321 & 329.); docent id quoque privilegia & immunitates, quibus indigent & beari solent (§. 330. seqq.). Reliquum est, ut universitates auspiciis summis reserventur, siue condendæ sint, siue legibus instruendæ, siue gubernandæ. Saltem confirmatio earum a summo loco proficisci debet, si vel proximi conditores alius sint.

#### §. 371.

Quia jus condendi academias non est nisi Rectoris civi- *Quando con-*  
ratis,

*sensu domini  
directi sit  
opus?*

tatis, summo imperio gaudentis (§ 370.): ubi Rector civi-  
tatis non gaudet nisi dominio utili, directum autem est penes  
aliud, *ibi domini directi opus est consensu in academia condenda.* In-  
terest enim domini directi feudum dantis; ne quid a domino  
utili mutetur in data re, quod in ipsius fraudem vergere pos-  
sit. Qua de re iam iudicium esse debeat penes dominum di-  
rectum, qui feudum dedit, utrum verbi causa, id nociturum  
sit aliis Academiis a se constitutis, earumque privilegiis: sine  
ipsius expresso consensu nihil novandum esse intelligitur. Si  
vero feudum non sit datum, sed oblatum domino directo  
eo, cujus antea quoque directum illius erat dominium, dispo-  
ciendum erit, quid offerens sibi illius retinuerit, quidve in  
dominum directum transtulerit (§. 172. P. VI. Jur. nat.).  
*offerens se non abdicavit libertate academias erigendi, eo jure gaudens*  
*Et uti poterit in ditione sua inconsulto vel & invito domino di-*  
*recto, cui jus id prohibendi nullum est.* Vti ergo rector civi-  
tatis, suo utens jure, nemini injuriam facit: ita is, quando  
nullum cum exteris pactum obstat, non opus habet consensu  
ejus, cui feudum obtulit, domini directi, licet alterius vel  
aliorum Academiae id lucrum non sint postea perceptura,  
quod perceperant ante conditam academiam novam (§. 912.  
P. VIII. Jur. nat.).

Apparet hinc ratio, cur illi, qui vel in rebus civilibus vel in sacris  
alterius imperio subfuere, sui memores officii consensum & con-  
firmationem summæ, cui ipsis obsequendum erat, potestatis ques-  
verint, quoties novam constituere voluerunt universitatem eru-  
ditam. Albertus v. g. Dux Prussiae, Academiam regiomontanam  
conditurus impetravit confirmationem & privilegium Regis Polo-  
niae Sigismundi Augusti, quam sistit lecturi D. Arnoldus in Hist.  
eiusdem P. I. docum. X. Cum vero nec Pontificis romani parte  
bus addictus amplius esset, nec hac rerum facie imperatoris  
romano germanici feudo gauderet; utriusque confirmatione  
eb

ob difficultates emergentes, merito censuit se non egere. Procul dubio ex oblato feudi natura derivandum est; quod Duces Saxoniae Fridericus & Wilhelmus in fundanda Lipsiensi universitate nullam petierint confirmationem cæsaream, sed tantum Pontificis Romani Alexandri, quam & obtinuerunt. Vid. *Schneideri Chron. Lips.* p. 275-280. In privilegio academiae Cracoviensis Casimirus A. 1364. nulla fit mentio confirmationis pontificiae, sed rex dat Cancellario suo Cracoviensi (Episcopo) facultatem approbandi graduum candidatos examinatos. Vid. *Arnold. Hist. Ac. Reg. P. I. docum. 28.* In altero tamen, quod Vladislaus A. 1400. edidit *l. c. n. 29.* mentio fit consensus & indulti Bonifacii Papæ IX. universitatem confirmanis.

## §. 372.

*Civitates, quæ sui sunt juris, nullo indigent nisi suo tantum* *Civitatibus*  
*consensu in erigendis academiis.* Quæ enim sui juris sunt civita- *liberis suis*  
 tes, illæ non sunt juris alieni, nec obnoxiae sunt imperio al- *sufficit con-*  
 terius civitatis (§. 124. P. I. Polit.). Gaudent igitur summo *sensus.*  
 imperio, neque alterius directo subiiciuntur dominio impe-  
 rioque. At non nisi illarum civitatem, quibus imperii usus  
 fructus tantum datus est, indoles requirit, ut in erigenda  
 academia domini directi consensum obtinere studeant (§. 371.).  
 Qua propter liberæ civitates, quæ nec in civilibus nec in sa-  
 cris alterius potestati subiectæ sunt, nullo indigent aliorum  
 consensu. Sufficit ergo ipsis suis in condenda academia con-  
 sensus, vel si ipsæ consentiant, nil ipsis oberit dissensus alio-  
 rum quorumcunque.

Regi absoluto vel monarchæ simpliciter dicto nullo opus est  
 aliorum consensu, nec extra nec intra regnum vel imperium  
 suum, & si summo sacrorum jure gaudet, nequidem in rebus  
 ad religionem referendis. Ipse tamen per se curabit, ne quid  
 veræ religioni & pietati adversum sua approbet autoritate. Regi  
 limitato non opus erit, nisi illorum consensu, qui secundum  
 pacta aut leges regni consentire debent. Aristocratia puræ optima-  
 rum



tum sufficiunt suffragia, quot requiruntur ad alias causas publicas decernendas; mixtæ accedere debent suffragia aliarum formarum, quæ temperamenti ratio recepit. Democratia puræ suffragia populi, ad formanda decreta publica valitura valebunt quoque ad creandam academiam; mixtæ adjungenda erunt, quæ temperamentum, quod placuit, stabilivit. Ita videmus in Belgio fœderato provincias suo juris redditas, pro lubitu sibi formasse academias. Gröningæ Omlandiaque ordines grönin-ganam; Guil. Ludovicus, comes Nassovia, cum ordinibus Frisia, Franequeranam, Guilielmus, Princeps Arauf. cum Hollandia ordinibus Lugdunensem; Magistratus ultrajectinus cum ordinibus Trajectinis ultrajectinam; ordines ducatus Geldria & comitatus Zutphaniensis Harderovicensem academiam aperuerunt. Transisulanæ ordines adqueieverunt in Daventriensi Gymnasio illustri, in quo Philosophia, Jus & Theologia docentur, quemadmodum Amstelodami quoque Gymnasium academicum habetur. Norimbergensis senatus Altorfinam condidit academiam, Basiliensem Coloniensis & Argentinensem senatus cujusque loci, Rostochiensis ex parte etiam senatus ibidem. De Laufannensi, Genevensi, aliisque conjectura assequi licet, si-milem ipsis esse ortum.

## §. 373.

Prima ratio  
condendi  
academiam.

*Vbi multum pecuniæ studiorum academicorum causa e civitate, quæ sibi met sufficit ad habendam academiam, exportandum est ad exteros; ibi condenda est academia.* Quælibet civitas sibi id ipsum debet, quod sibi debet quivis homo in statu naturali (§. 419. P. I. Polit.) ideoque se ipsam statumque suum perficere, quantum valet (§. 420. *ibid.*), & animos iis imbuere artibus & scientiis, quibus ad salutem civitatis perficiendam eget (§. 424. *ibid.*). Sed quivis homo in statu naturali sibi ea præstare, nec ab aliis exspectare debet, quæcunque sibi met præstare potest (§. 232. P. I. *Philos. pract. univ.*), & licet obligetur ad perficiendos alios, in conflictu tamen officiorum vincit officium er-

ga se ipsum (§. 229. *ibid.*), neque quisquam habet jus petendi vel id ab aliis, quod ipsemet facere nequit, nisi quatenus illi id citra neglectum officiorum erga se ipsos præstare possunt (§. 608 P. I. *Jur. nat.*). Ea propter quæcunque civitas sibi met sufficit ad habendam academiam, frustra & adversus alterius civitatis officia ab illa peteret vel gratuita suorum studia academica, vitæque præsidia; & adversus officia erga se ipsam exporteret pecuniam copiosam ad externos studiorum & alimentorum academicorum causa, quæ domi haberi possunt. Nempe suorum civium commodis debentur hoc casu illa impendia & emolumenta æque in re literaria, ac in commerciis (§. 1027. *seqq.* P. VIII. *Jur. nat.*). Liqueat ergo. ubi multum pecuniæ studiorum & alimentorum academicorum causa e civitate, quæ sibi sufficit ad habendam academiam, exportandum esset ad externos, ibi academiam esse condendam, ut sumtus illi potius in civitate, quam extra eam consumantur.

Generatim cives obligantur ad perficiendam suam civitatem, cujus tutela & emolumentis communibus fruuntur, & ad bona sua, quibus vita indiget, potius in civitate consumenda, quam extra eandem. Neque quisquam tam erit a ratione alienus, quin absurdum esse fateatur, in alia civitate bona esse acquirenda, in alia vero consumenda. Quod uti in omni vita, ita & in literaria eodem se modo habet. Male ergo consulunt saluti civitatis, qui multum pecuniæ in studia academica & itinera impendunt, ad ditandos externos, cum sufficerent condendæ sibi academix, ut eadem domi discerentur, & quæ domi parva sunt etiam domi absumentur, non sine cæterorum civium fructu.

### §. 374.

*Sicubi eruditorum centuriæ tres pluresve aut publicis muneribus Unde ea rapresciendi sunt, aut scientia & arte sua honeste aluntur, ibi acade- tio pateat?*  
mia opus est. Si enim tres pluresve eruditorum centuriæ honeste aluntur in civitate, totidem quoque & plures centuriæ

literis & scientiis sunt imbuendæ: quoniam solet vicesimus quintus circiter studiosorum quotannis in urbe mori, antequam spartæ admoveatur. E trecentis igitur 12. quotannis fere moriuntur, & nisi totidem quotannis novi illis succederent, intra 25 annos nemo eorum forsitan superesset. Si vero quot decedunt eorum numero, totidem aut & paullo plures denuo accedunt, poterunt ex illis, qui 25. annos supergressi sunt, & studia absolverunt eorum loca repleri, qui functionibus publicis præsunt, & pari mortalitatis lege vicissimum quintum, vel tricesimum, singulis annis perdunt. Quoniam interdum contagia oboriuntur, quibus longe major numerus vita excedit, is numerus vix sufficeret, qui consueta factorum lege sufficit; inde paulo plures adesse debent candidati, qui defunctorum loco succedere possint, ut & optioni locus sit, & exercitiores adhiberi vacanti spartæ quæant. Jam si quisque ducentos vallenses quotannis in academia consumit, qui numerus medius censeri potest inter eos, qui plus & qui minus consumunt; trecenti quotannis consumunt 60000. thaleros, qui externos pascunt, cum pascere cives possent. Sæculo elapso talis civitas tres milliones ejusmodi exteris dedisset, quibus civitas ipsa gaudere potuisset ac debuisset. Sed oporteret perexiguam esse civitatem, in qua non plures trecentis literatis honeste alerentur, modo paulo cultior ponatur. Apertum ergo foret vel hoc casu multum pecuniæ academiis exterorum dari, quod in propria academia posset consumi eo que ipso civitatem multum damni incurrere, si præcipiti rudique judicio statuat, sibi non opus esse academia, qua commode potiri posset.

Recentiores mortalitatis & nativitatis humanæ observationes docuere venerabilem admodum *Stifsmilch* in ditione brandenburgica annis proximis mortuum circiter esse tricesimum & septi-



septimum viventium, si pagi computentur una cum oppidis & urbibus. Quia vero in pagis pauciores denascuntur, quam in oppidis, urbibusque, nec omnes anni æque favent vitæ humanæ, ac nuperi salubriores; haud multum a veritate aberit, qui tricesimum circiter medio numero mori statuit, si contagia non negligantur. Sed in magnis urbibus plures moriuntur, circiter vicesimus quintus. Jam divina sapientia ita res humanas animalesque instituit, ut aliquanto plures nascantur quam moriuntur, quo excessus inserviat supplemento extraordinariæ jacturæ, & sic non tantum conservetur numerus sufficiens, sed & aliquantisper augeatur ob easdem rationes. Si eodem ordine conservandi sunt eruditi, ut & illorum jactura rite pensari possit; eorum quoque in urbibus vicesimus quintus, & ruri tricesimus circiter longa annorum serie e vita discedet. Quapropter intra triginta annos pæne totus eorum numerus erit extinctus, licet unus vel alter senior superstitas habeatur. Neque enim individua spectantur, sed integer numerus atque sic parum aberit, quin e tribus centuriis quotannis decem, & intra sæculum integrum eorum circiter mille occubuerint: nisi eorum loca vacua sint relictæ, oportet, ut totidem ipsis successerint; & cum ex eorum numero, qui successores dedere, etiam totidem interea diem suum obierint: patet fere duplum eorum numerum esse de-  
*here*, qui literis operam navant, ut literatis suo tempore surrogari possint. Proinde loco 300., qui suis fruuntur honoribus redditibusque, fere 600. literis incumbunt in scholis cum inferioribus tum superioribus & academiis. Quare si academiæ tantum 300. vel 150. dentur studiosi, is numerus non erit contemnendus, neque justo Professorum numero indignus. Ne male posuisse calculos censeamur, recordandum est, in Anglicis Academiis, quibus veluti Gymnasia academica juncta sunt, studiosos non per septem tantum, sed 12. vel 14., & si Doctores Theologiæ fieri velint, per 18. annos studiis operam dare teste *Benthamis* in *Enquell. Kircken. un. Schul n. Staat* p. 342. seq. ubi procul dubio plures esse debent e musarum alumniis, quam in scholis trivialibus, quanquam alii, qui musis non sunt

consecrati, plures ibi dentur. Si germanico more per tres tantum quatuorve aut 5. annos studiosi in academiis morantur. eorum proportio ad praefectos functionibus publicis procul dubio minor multo erit, v. g. pars decima, duodecima, nisi  $\frac{1}{4}$ , ut e 3000. vel 300., vel 250., vel 214.

## §. 375.

*Secunda ratio academiae condendae.*

Si literis dediti non sunt exponendi peregrinorum seductioni, avaritiae & libidini, si generatim peregrinus vitiis non sunt imbuendi, condenda, ubi id fieri potest, erit academia, virtutum praestantissimarum magistra. Nihil enim est facilius, (quam vellem, ne addi posset, & usitatus,) quam ut liberi bene educati inter externos, velut justo maturius emancipati, dissolutius vivendi habitum & videant, saeculum esse, & promte sequantur, nescio quid laureolae e licentia & pravitate, pro libertate & gloria captantes. Solicitantur ergo & rapiuntur fere a dissolutis vacuae mancipiis in sua consortia, emunguntur pecunia mille modis & fraudibus, efferanturque cum illis in omni genere vitiorum. Nec otiantur alii, qui vel suae libidini irretiendis, vel suae gulae satiandae, vel suae avaritiae explendae, quantam possunt, operam navant, vel suae litant vanitati caeterisque studiis nefandis. Quamobrem si ab his abstinendi sunt bonae spei studiosi (§. 291. Oecon.), si peregrinis vitiis nihil opus est in civitate, quae par est academiae aperiendae, & suorum virtutes exasciare in salutis publicae emolumentum cupit: opus est ut instituat alique academiam praestantissimarum virtutum magistrum.

Dantur omnino & inter externos virtutes mentis & voluntatis, quae emulationem provocare possunt & debent. Sed major est vitiorum seges quam virtutum ubique. Alibi quoque alia vitia sunt frequentiora, & pro virtutibus lucri causa venditantur. Ea vero est pravitatis humanae indoles, ut citius multo incedatur vitiorum dulcedine speciosa, quam ut virtutum raritate & difficultate capiatur. Praesertim in illo aetatis lubrico & vigore affectus

affectus dominantur, a ratione nondum latis sub jugum missi. Quare mirum non est & vitia domestica in illa licentia vivendi, quæ prohi dolor! passim in academiis regnat,adolescere, & peregrinis istis augeri, aut quandoque in horum locum migrare. Quæ tantum abest, ut civitatem juvent pro tanta exportatæ & dilapidatæ pecuniæ copia, ut potius eandem depravent deturpentque. Tantine pœnitere emendum?

## §. 376.

*Si præstat eundem scopum minoribus consequi sumtibus, quam Tertia con-  
majoribus vanisque, condenda est domi, ubi id fieri potest, academia. denda aca-  
Docet enim experientia, majori ostentatione & luxu juvenes demia ratio.  
versari & uti inter externos, ubi parentum censuræ non æque  
subsunt ac domi; ubi vana spe inclarescendi pompa exteriori,  
aut lucrandi quidquam vel decipiendi alios ducuntur, quo ipso  
fortunæ suæ aut splendori gentis suæ se servire arbitrantur.  
Domi autem, saltem in vicinia, parentes nil hujusmodi conce-  
dunt, & sibi & liberis id turpitudini ducentes: itaque vanæ  
ambitioni, ostentationi, & luxuriæ occurritur, multoque mi-  
nori sumtu scopus studiorum rectius obtinetur, uti par est (§.  
356. seqq. O.con.). Si igitur minoribus sumtibus in propria  
academia scopus studiorum cæteris paribus obtineri potest,  
quid opus majoribus impendiis in exteris academias fa-  
ciendis?*

Non suæ tantum rei familiari, suæ existimationi & pietati ita consulunt parentes, sed & simul liberorum fortunæ & patrimonio, quod omnino augetur, & eo pinguius erit, quo pluribus impensis inanibus potuit supersedere. Sed fortunæ & patrimonio liberorum conservando & augendo incumbere, pietatis est & prudentiæ parentum. Eo autem illa major erit, quo plus ita cavetur, ne non sibi tantum, sed & fratribus sororibusque noceat studiosus patrimonii inter externos effrenis decoctor, obrentu privilegio, sumtus studiorum non esse conferendos in familiam herciscundam. Neque enim abusui dictum patrocina-  
tur



tur privilegium, sed potius favorem spirat rectæ collocationis impendiorum, in studia factorum, faciendorumve a studiosis eorumque parentibus ad colenda studia animandis.

## §. 377.

*Quarta ratio  
condendi  
academiam  
propriam.*

*Rectius parentes suæ erga liberos obligationi satisfacere possunt, si academia domi vel in eadem, quam si in peregrina ditione habeatur.* Est enim parentum officium, liberos suos educare (§. 263. P. VII. Jur. nat.) omnemque dare operam, quæ ad perficiendum animum, corpus & statum liberorum requiritur (§. 642. *ibid.*), præsertim vero, ut liberi consequantur virtutes omnes tam intellectuales, quam morales (§. 655. *ibid.*) ideoque scientiam sapientiam, prudentiam & artes, ad quas addiscendas maxime apti & propensi deprehenduntur (§. 656. & 719. *ibid.*), gaudentque jure obligandi liberos validissime ad ipsis obediendum, & cavendi, ne obediant aliis, ipsis insciis & invitis (§. 668. *ibid.*), donec liberi se ipsos regere & libimet prospicere possint de iis, quibus ad conservationem sui indigent (§. 637. & 775. *ibid.*). Quod cum parentes ope naturalis erga liberos amoris & patriæ potestatis melius quam quisquam alius præstare possint & debeant neque melius id plerumque efficere possint, quam si liberos semper sub oculis & disciplina sua habeant: elucescit clarissime, non rectius parentes suæ erga liberos studio literarum deditos obligationi satisfacere possint, quam si domi academia haberi possit, hoc est, si ubi degunt ipsi, ibi uti schola inferior, ita quoque superior & summa habeatur.

Quoniam vero non ubique tot haberi possunt literatorum centuriæ, quod requiruntur ad academiam rite constituendam (§. 374); non possunt tot dari scholæ superiores, quot inferiores (§. 325.), & ne quidem quot urbes in civitate habentur. Si vero studiorum academicorum causa multum pe-

cuniae consumendum sit inter externos (§. 373.); si iuxta studio-  
forum copia in civitate requiritur, quæ academici sufficiat (§.  
374.): utique præstat, in eadem civitate dari academiam, quam  
studiosos mittere ad peregrinam. Licet enim domi haberi  
academia ob dictas rationes nequeat, præstat tamen & ideo  
illam, in eadem dari civitate, quia sic pecunia manet in ea ci-  
vitate, cujus est; & facilius caveri potest inter cives & amicos  
seductio, injuria & iniquitas, erga studiosos eorumque pa-  
rentes forte admissa, quam inter externos, qui sui prorsus ju-  
ris sunt.

Quis nescit, peregrinos ita non obligari ad felicitatem stu-  
diis operantium procurandam, uti parentes, & nequidem uti  
populares, ejusdem civitatis cives. Quare nemo parentibus  
melius felicitati liberorum musis consecratorum prospicere  
possunt & debent, si partibus suis rite fungantur. Unde opti-  
mum quidem est, si liberos suos semper in oculis ferre, & con-  
festim scire possint quotidie, num recte horis professorum in-  
terfint: Hinc *Plinius* audiens Mediolani Professores audire præ-  
textatum municipis sui filium, ad patres inquit: vestra vehe-  
menter interest, qui patres estis, liberos vestros hic potissimum  
discere. Vbi enim aut jucundius morarentur, quam in patria,  
aut pudicius continerentur, quam sub oculis parentum? aut  
minore sumtu, quam domi? Quantulum ergo est collata pecu-  
nia conducere præceptores? quodque nunc in habitationes, via-  
tica cæt. impenditis, adjicere mercedibus. *Lib. IV. Epist. 13.* Vbi  
vero id fieri nequit, ibi tamen facile consanguineos, affines, aut  
amicos habebant, quibus credere liberorum suorum curam pos-  
sint. Saltem Professorum aliorumque ephorum fides sub eo-  
dem summo imperio facilius præsto erit, & dissolutorum se-  
ductorumque nequitia melius poterit compesci, quam inter pe-  
regrinos. Quos si precibus, si honorariis invitent parentes ad  
partes suas in se suscipiendas, partim tamen ipsorum, partim  
liberorum arbitrii erit, num respondere votis parentum velint  
aut possint, propter alia officia potiora, quibus obruuntur di-  
(*Wolffii Politica P. II. S. III. C. I.*)

stinenturque parentum loco futuri. Multum quoque obstat ingens saepe locorum distantia, ut ne rescire quidem parentes possint, quæ ipsis cognitu forent necessaria ad avertenda sua & liberorum seu pericula seu damna. Consulantur qui cum *Spizelio de literatorum infelicitate* commentati sunt.

## §. 378.

*Quinta ratio  
propriam  
condendi  
academiam.*

*Non desunt quoque academiis sua commoda civilia, ob quæ condendi perinde merentur, ac propter literaria.* Oportet enim, ut ubi academia dari debet, ibi adsint ædificia & docentium & discipulorum habitationi apta, sive publica sint, sive privata (§. 320.). Is ergo locus, ubi academia condenda, ampliandus augendusque est ædificiis, quæ suo valore valorem loci augebunt. Quo major ergo erit academia, eo pluribus ibi opus erit ædibus, eo & ædes erunt fructuosiores pretiosioresque. Præterea cum docentes discentesque victu egeant, amictu, famulitio, aliisque vitæ præsiidiis & ornamentis: tanto plus in illo loco consumetur, quanto plures sunt academiæ cives; tanto plures inde ali ibi poterunt homines & fortunari; tanto plus lucrabuntur vicini, agricolæ, res necessarias advehentes, mercatores, artifices, opificesque, & qui non? Consequitur inde omnium incolarum fortunas itidem accessiones esse percepturas, uti ex aucto rerum operarumque pretio, ita ex frequentia commorantium commorantiumque vel studiosorum, vel propter hos & commercia aliorum. Neque minus ærarium publicum ex commercii incrementis sua sentiet incrementa. Hæccine commoda civilia tanti facienda videntur, ut vel propter illa condendi academias deceat, ubi civitas illis sufficit?

Majorem vero copiam emolumentorum literariorum ex academiis sperandam, nemo fere ignorare potest, nisi qui nesciat, de quibus rebus in illis agatur, aut atra bile laboret. Est enim in illis intellectus juvenum utilissimis artibus & scientiis



tiis imbuendus (§. 434. P. VIII. Jur. nat.), quibus idonei evadant ad alios docendos viam salutis, & cives quoscunque omni virtutum genere imbuendos & continenter ulterius perficiendos; ad consulendum civilibus cum publicis tum privatis negotiis, dijudicandasque controversias, & regendas actiones civium ad honestatem externam, securitatemque; ad sanandos aegros vulneratosque, sine prudenti remediorum curationumque usu perituros (§. 336.), præter scientias humaniores, philosophicas, mathematicasque (§. 335.), quarum usus multiplices omnes populi cultiores magni fecere. Plena quoque sunt academiarum privilegia illis, quæ ipsis propriæ sunt, commendationibus.

Indubium est, usum pecuniæ perpetuum cives alere & locupletare, thesaurum vero pecuniæ maximum nemini prodesse, dum absconditus jacet. Sed academiæ circulum pecuniæ multum promovent, inde florentem reddunt civium statum, & publicum augent ærarium. *Thomas Sagittarius* in *Disp. de flore locorum*, ubi academiæ habentur, ita calculos ponit §. 76. *seqq.* Si studiosus lotrici quotannis pendit uncialem, quingenti eorum his solum solvant totidem unciales. Si præterea consumit quotannis quisque centum unciales, quingenti consumunt quotannis quinquaginta millia uncialium & quingentos. Vnde calculo ad centum, mille & plura subducto, liquebit, quid tum quotannis hujusmodi loco inferatur, perpetuoque circulo plurimis profit opificibus, mercatoribus, hortulanis, ruricolis aliisque. Si verbi gratia 200 tantum sint studiosi, quorum consumptionis numerus medius sit ducentorum thalerorum; ibi quotannis quadraginta thalerorum millia absumentur non sine insigni plerorumque emolumento. *Leibn.* in computando Halensis academiæ cominodo, a studiosis eo confluyente, ponit numerum eorum 2000, & quemlibet erogare quotannis 300 thaleros, unde summa pecuniæ, ibi in commercio versantis & quotannis affluentis, foret 600000 vallengium. Vnde si semel

tantum accideretur,  $\frac{1}{2}$  pro ærario publico tamen haberentur 24000; reliqua in privatum irent lucrum. Vid. Ejus Proben von Verbesserung der Land- und Leute P. II. c. 2. §. 1. Hoc assluxu opum cariturus esset is locus nisi academia gauderet. Intellegi inde potest, quantum emolumenti loco oriatur, si 3 vel plura studiosorum millia complectatur, more Cantabrigiensi & Oxoniensi. Quid ergo miremur urbium oppidorumque studium academiis potiundi suasque fortunas amplificandi. Non ignoravit illud Alexander M. dum Alexandriæ suæ florem condita quoque ibi academia augendum duxit, docentium pariter ac discipulorum consulturus prosperitati.

In privilegio Culmensi & Lipsiensi Academiæ dato, Urbanus VI. & Alexander ait, se intentum ad fidelium profectus, lubenter juvare literarum studia per quæ numinis cultus protenditur, justitia colitur, tam publica quam privata res utiliter geritur, omnisque prosperitas humanæ conditionis augetur. Sigismundus Augustus, Rex Pol. in confirmatione academiæ regionon-tanæ præfatur: in omnibus rebuspp. maximam Gymnasiorum curam & rationem esse habendam, non solum quod id eorum, qui in literarum studiis atque in magnarum vitæque hominum fructuosarum artium cognitione versantur, excellens virtus merentur, sed etiam, quod nil magis rerumpp. interlit, quam florere in eis vigereque cæteris Gymnasiorum, in quibus homines ad pietatis & virtutis studia, earumque artium, quarum maximi in rebuspp. fructus existunt, disciplinam, atque adeo ad eas rationes, quibus rerumpp. status continetur, formarentur. Si quidem ita est, ut quales in rebuspp. hominum institutiones, qualiaque studia sunt, tales ipsorum rerumpp. status magna ex parte existere soleant. Vid. Arnoldi Hist. P. I. docum. 10. p. 33. seq. Lipsiense privilegium Alexandri Papæ, in Schœncleri Chronico p. 278. hæc quoque habet: speramus fore, ut felicia semper recipiat incrementa (studium generale) & multi ad illud confluant, ibi in Sacræ Theologiæ & utriusque Juris, nec non in Medicinæ & in septem liberalium artium & omnium licitarum facultatum studiis instruantur . . . . Ex quibus profecto elici-

tur, quod multo magis auctore domino proficiet florebitque prædictum oppidum, si tantis privilegiis & singularibus præstidiis sedis apostolicæ decoretur. *cæt.*

## §. 379.

*Sicubi Gymnasia & academia junguntur, fructus loci reddentur Conjunctio eo uberiores.* Si separentur a se invicem Gymnasia & académice, Gymnasio-adolescentium juvenumque, nisi & parentum, aviditas ambiorum academiarumque breviter utrobique stadium decurrere & properare ad metum studebit, spartam scilicet redditus daturam. Contin-ger ideo frequentius, quo minus in academiis curantur profe-ctus & quo promptius admittuntur quotquot cupiunt albo in-scribi, modo solvant solvenda. Utrobique dum cursim agunt, & pauciores erunt, & vana opinione se studia citius absolvisse pu-tabunt & gloriabuntur. Quo ipso nec studia maturitatem con-sequentur, sed cruda propellentur in cathedram, forum & ad ægros, non cum minori suo ac aliorum damno. Præterea & inepti ad gradus apud exteros admittuntur spe lucri, quod ubi-que acceptum est, domi autem cavetur facile. Accedit, quod & diversa sectarum principia ac methodus facilius confusum chaos procreat aut labyrinthum, filo ariadnaeo destitutum. Quæ rectius instituentur, si in eodem loco studia & Gymnastica & academica in debitum soliditatis ordinem consensumque redi-gantur, ac methodo conformi tractentur. Quo pacto & diu-tius commorabuntur in eodem loco nec inepti Reip. obtruden-tur, & plures aderunt, majorem loco fructum creaturi (§. 374). Id quod ibi inprimis consultum, ubi numerus acade-micorum non est nisi parvus.

Variae dari possunt causæ, ob quas hæc superiorum schola-rum conjunctio, æque ac inferiorum (§. 328.) consulta depre-hendatur. Prima esse potest studiorum morumque melior pro-curatio, consensioque; secunda, eorum intra tempus statutum



comparanda major soliditas maturitasque facultatum mentis in doctrina & virtutibus; tertia numeri studiosorum incrementum, si is alioqui justo minor foret; 4ta) uberior utilitas & rei familiaris augendae opportunitas; 5ta) melior disciplina in numero quantumvis amplo. Sane Oxonii, Cantabrigiae, Parisiis, Salamanticae & passim alibi, peculiaria instituta sunt collegia, in quibus alumni subsunt & legibus & earum custodibus, ne facile degenerare possint. Conjunctio autem infert vel separatam constitutionem utriusque, uti Tubingae Gymnasium segregatum est ab academia, vel quandam unionem, ut velut classes seu gradus studiorum sublimiorum ibi habeantur in universitate, per quos certo annorum numero adscendendum sit ad superiores a prioribus, uti Oxonii & alibi passim.

## §. 380.

*ubi academias sint con-*  
*denda?*

*Instituendae sunt academias in locis tutis, ubi salubritas aeris, annonae ubertas, incolarum civilitas aut virtus, & vicinia locorum, unde praecipuus studiosorum confusus sperandus, habetur. Eligenda enim procul dubio sunt hujusmodi loca tuta, ubi & studiosorum & docentium prosperitati melius consuli potest (§. 192. P. I. Phil. praef. univ.). Ideo vitanda sunt loca ubi docentium discipulorumque prosperitati noceretur. Sed aer insalubris nocet eorum sanitati vitaeque conservandae. Annonae inopia & caritas nocet opibus, quia ibi majoribus opus est sumptibus, & satius est, eundem scopum minoribus obtineri sumptibus, quam majoribus (§. 376.). Si annona non tantum justo carior sit, sed etiam insalubris, aequae vitae sanitatisque conservatio ni nocebit ac aer insalubris. Incolarum rusticitas & quaevis alia vitiositas nocebit studentium moribus, qui facilius ad prava deflectunt, quam rectiora sequuntur. Denique si remotior sit academia propria, quam aliena, nec vel pacto vel imperio obligantur, ad propriam frequentandam, & ad alienam fugiendam, propiorem praefereant remotiori & studiosi & illorum paren-*

parentes (§. 379.). Quibus rationibus conficitur, ibi potissimum academias esse condendas, ubi & aëris salubritas, & annonæ & cæterorum vitæ præsidiorum copia vilitasque, & incolarum virtutes, probitas & civilitas, & tuta commoratio viciniaque ipsa invitare studiosos potest, ad sponte sua eo conflendum. Idem illud confirmat experientia, scilicet cæteris paribus quo major est locorum salubritas securitas amcenitasque; quo major annonæ affluentia, & vilitas, & generatim, quo paucioribus ibi opus est sumtibus; quo major securitas, probitas & civilitas, eo copiosius congregari ibi solent studiosi, etiam si vicinia non concurrat, multo magis, si hæc una invitat.

Videtur, olim observatum fuisse, salubritatem aëris ruri & in montibus, majorem esse, quam in oppidis urbibusque, quod & recentiores docent annotationes (§. 374.). Inde Prophetæ Judæorum scholas aperiebant in locis salubri aqua, aëre & annona affluentibus, nec raro in montibus ipsismet. Druides in nemoribus & campis sub quercubus &c. (not. ad §. 320. & 330.). Præstaret etiam nunc in locis saluberrima aqua, aëris temperie, nemoribusque gaudentibus academias exstruere, nisi alia obstarent incommoda, videlicet defectus securitatis a secleratorum hominum globis, furtis, latrocinisque. Contra quos si studiosis vel militandum, vel excubandum esset, multa paterentur studiorum impedimenta, a quibus sunt liberandi. Ea simul ratio est, cur in oppidis, urbibusque munitis, ubi civilia securitatis præsidia præsto jam sunt, ut academia eorum immunitate gaudere possit (§. 359.), academix hodiernæ habeantur. Non alienum esse a metropoli & sede imperatoria ac regia, ut in illa academix habeantur docent vetustæ & florentes hucusque academix Parisina, Vindobonensis, Taurinensis, Hassnienisque, quibus resuscitatam moscuensem, & novam petropolitanam addere liceret; prætermisiss aliis v. c. Olisiponensi, quæ Conimbricam rursus translata est. Cum aliorum principum, archiepiscoporum, episcoporum sedibus academias conjungi posse, quis  
post

post adductas imperatorias & regias academias probatum cupe-  
ret, aut ignoraret tot ejusmodi academiarum exempla? Amplis-  
simas urbes & emporia academias capere, Colonia, Francofur-  
tum, Lipsia, Lovanium, Praga, Regiomontum, Cracovia, alia-  
que loquuntur. Oppida vero multa ope academiarum florere  
cœpisse ideoque academiis instructa esse, lucidissime inter omnes  
constat. Lugduno Batavorum in præmium obsidionis fortiter  
exantlatæ adjuncta fuit academia, ut refloresceret. Sic ut flo-  
reret Witteberga, Jena, Kilonium, Giesla, Marpurgum, Helm-  
stadia, Rostochium, Tubinga, Grypeswaldia, Rintelia, Cantab-  
rigia, Oxonium, Aurelia, Vpsala & alia compluria oppida, collo-  
cata in ipsis sunt academias. Cæterum in privilegiis laudari so-  
lent inter rationes externas tales, quales hic commemoramus.  
In privilegio Lipsiensi hæc leguntur p. 277. *Libri supra citati:*  
pensantes, quod in oppido Lipik, populoso & spatioso, item in  
loco fertili & sub aère temperato consistente, victualibus pro  
frequenti multitudine hominum (abundante) oppidani & inco-  
læ sint homines civiles & in moribus bene dispositi, & quod  
circa dictum oppidum sint multa loca amœna, nec non prima  
illa pax & securitas, &c. Jenæ sesqui mille, & amplius studiosi  
dari solent ob vilitatem vitæ præsidiorum.

## §. 381.

*Vnde sumtus  
petendi, quos  
academie  
requirunt?*

*Condi academiæ nequeunt sine magnis sumtibus, partim ex fisco  
summi imperantis, partim ex erario publico, & partim ex liberalitate  
privatorum petendis. Indigent sane universitates variis ædificiis  
publicis cum recitationi doctrinarum publicæ, tum habitationi  
aliique usui academico destinatis (§. 360.). Quæ cum in mul-  
ta sæcula durare debeant, non sine ingenti impendio extrui  
possunt. Præterea indemnes præstandi sunt Professores ratio-  
ne recitationum publicarum, pro quibus a discipulis nihil ipsis  
est solvendum, nec non pro aliis operis in disciplina academi-  
ca, & ob alia commoda seu academiæ seu studiosorum cum  
neglectu officii erga se suosque subeundis. Tot sumtus ergo*



in salutem publicam faciendi incumbunt ex majori parte illis, quorum emolumenta per academias augentur. Hinc fiscus regius & ærarium loci publicum: quorsum confluit insignis redditus ex iis, quæ in academiis consumuntur (§. 378.), ad augendos redditus suos, & officii causa, quia redditus publici communibus commodis sunt impendendi, si non omnes sumtus, saltem majorem eorum partem in se recipere debent (§. 319.). Quatenus vero illi redditus publici ad hæc impendia non sufficiunt, eatenus privatorum liberalitas ex sua abundantia supplere sensim illa obligatur, quæ deesse deprehenduntur (§. 20 P. VIII. Jur. nat.). Sunt ergo sumtus ad academias requisiti partim e fisco summi imperantis, partim ex ærario loci, ubi habetur academia, partim e liberalitate privatorum pecuniosorum petendi.

Exempla hæc comprobantia magno numero in omnibus fere academiis prostant, ut longe conquirenda non sint. Si solum *Antonium a Wood in Hist. Acad. Oxon.* inspicere placet, tantum ibi farraginem deprehender in conditis collegiis & aulis, eorumque fundatoribus & benefactoribus, ut abunde ibi ea perspecturus sit, quæ hic asseruntur. Solum *theatrum Sheldonianum* decies mille libris Sterlingicis stetisse fertur, & redditus e fundo 2000 librarum hauriendi, ejus conservationi & typographiæ fuerunt assignati. En unius archiepiscopi Cantuariensis liberalitatem! Ximenes Complutensi 60000 aureorum impendisse fertur. Annui redditus Academiæ Salmanticensis dicuntur esse triginta millium aureorum P. II. p. 429. *Middendorpii*. Plerumque permultorum symbolæ confluerunt ad supplenda, quæ deficiebant.

## §. 382.

Recte quoque summi pontifices, eorumque exemplo alii, pinguioribus redditus sacros academiis scholisque consecrarunt. Primitus enim Episcopati-  
cenobia, & episcoporum canonicorumque redditus destinati bus & co-  
(Holfii Politicæ P. II. S. III. C. I.) R r r fuere nobis?

fuere ad homines salutaria docendos & studia excolenda. Vnde in Concilio generali Romæ habito tempore Alexandri III. Episcopis fuit injunctum, ut in singulis ecclesiis, suis sumtibus Professore alerent, qui erudiret juventutem in bonis artibus, Philosophia & Theologia. Cum vero temporis progressu in collegiis Canonorum studia negligenterentur, & regum potius negotia appeterentur: munus docendi potissimum in monasteria translatum est, quæ eidem scopo erant destinata. Sed & ibi ignavia invaluit, & cærimoniarum moles, ut maxima pars monachorum esset rudis. Quam obrem passim redditus episcoporum, canonicorum & monachorum professoribus academicis fuerunt attributi, partim sponte ab his, qui ad officia sua erant proniores, partim ingratis ab his, qui retribus istis abutebantur, jussu Pontificis, aliorumque superiorum. Neque desunt inter Pontifices romanos, qui suam erga academias liberalitatem exercuerunt, exemplum aliis, quod sequerentur, daturi.

Urbanus V. verbi gratia liberales artes Montispeffulani didicet, ideoque pontifex factus ibidem collegium erexit in gratiam studiosorum Medicinæ, ex Mumatensi diœcesi oriundorum, dotavitque sic, ut 12 ibi alumni in illo foverentur: teste *Maffione Lib. VI. de gestis Rom. Pontif.* Rhemensis Academia a Principe Car. Guisio, Cardinale Lotharingo, instituta est, uti Eboracensis ab Henrico Cardinale Lusitanæ, & Complutensis a Franc. Ximene, Archiep. Toletano; in Scotia Aberdonensis ab Episcopo Guil. Elphingeston, & Glascoviensis a Jurabullo Episcopo ibidem; & in Germania Marsilius de Inghen. Canonicus S. Andree Colonienfis fundavit Heidelbergensem a Ruperto Duce dotatam; Dietherus Isenburgius, Archiepiscopus, Moguntinam &c. Salmanticensis redditibus aucta est a Clero, qui ei terram cathedralis ecclesiæ reddituum partem concessit, Martino V. autore. Thomas Wolseus, Purpuratus, a Clemente VII. bullas impetravit, quibus potestatem facit 22. monasteriola penitus dissol-

dissolvendi, eorum redditibus Collegio ædis Christi Oxoniensi transcriptis. Quæ plenius enarrat cum aliis postea additis *Woolius P. II. p. 246.* Similiter Joannes XXIII. Lipsiensibus Professoribus Theologiæ & Juris 6 assignavit Canonorum redditus, duos e Misnensi, duos e Martisburgensi, & duos e Numburgensi episcopatibus, quos Professores eligit Academiæ concilium nationale. Vid. *Schneideri Chronic. Lips. p. 308. seq.* Num videri mirum potest, hæc exempla aliorum imitationi paruisse? Quibus tanquam non ignotis non est, cur immoremur.

## §. 383.

Qui ducentis vel trecentis studiosis sufficiunt Professores, iidem Quot audi-  
quoque totidem millibus sufficere possunt, si partibus suis recte fungan- toribus suffi-  
tur. Longus enim usus docuit, tum Oratores sacros in tem- ciat Profes-  
plis aliquot hominum millia simul sæpius docuisse & nostro sor.  
quoque ævo docere; tum Professores in sat spatioſo auditorio  
pari vocis contentione idem præstitisse. Vice versa si pauci  
sint auditores in templo vel acroaterio, ut duas tresve centuri-  
as aut decades tantum docere debeant iidem, opera eadem  
ipsis esse fungendum. Quod haud secus habet, si duo vel  
tres tantum docendi sint. Quapropter, uti qui duobus vel  
tribus docendis sufficiunt, etiam ducentis vel trecentis pares  
sunt: ita qui ducentis trecentisve, iidem & duobis tribusve  
& pluribus millibus sufficere possunt, si apti ad id eligantur,  
atque iidem partibus suis recte fungantur.

Salmanticæ quatuor & plura millia literis operari solere, au-  
tor est *Middendorpius P. II. p. 436.* (& Oxonii Catabrigiæque pa-  
riter ad tria millia confluere solere, certum habemus). Neque  
tamen numerus Professorum, cathedralicorum (perpetuorum)  
vicenarium superat numerum p. 430. *ibid.* tres nempe Theolo-  
giæ, 6 juris canonici, quatuor juris civilis, tres Medicinæ, &  
quatuor artium liberalium. Præter hos alii in quadriennium  
conducuntur, iterum tres Theologiam, 4 Jus Canonicum, 6  
jus civile quatuor linguas eruditorum antiquas, septem vero



artes liberales profitentur. Priores comparari illis possunt, qui ordinarii alias vocantur, posteriores extraordinarii. Cantabrigiæ tres sunt Professores Theologiæ, singuli vero tantum legum, Medicinæ, Matheseos, Astronomiæ & experimentorum, hebraicæ, arabicæ & græcæ linguæ, præterea Procurator, Bibliothecarius, & 4 lectores, nempe Philosophiæ, logicæ, rhetoricæ & mathesis. Oxonii vero præter Procuratorem eiusque 4 vicarios, duo sunt procuratores, duo Theologiæ Professores, unus Juris civ. unus græcæ linguæ, alter hebraicæ, tertius arabicæ, Professor Anatomix, Botanicæ, Chimix, item Historiæ, Geometriæ, Astronomiæ, Physiæ, Ethicæ, Musicæ. Quibus accedit Orator universitatis, cum electis quotannis lectoribus Grammaticæ, rhetoricæ, logicæ, metaphisicæ & Chirurgiæ. Hic ergo 18 Professores, & Jurium, quod mireris, unus tantum; ibi fere 14, unusquisque legum Professor habentur. Unde patet, tam numerosis Academiis non plures datos esse Professores, quam germanicis, ubi sæpe tot tantum studiosorum centuriæ habentur, quot ibi Chiliades. Cum nemine tamen contemderim, ibi sitis recte omnia fieri, cum nihil ab omni parte beatum detur in terris, nec ingnota sint, quæ his addere possem.

## §. 384.

*Numerus  
academia-  
rum est arbi-  
trarius qua-  
damtenus.*

*Ab arbitrio rectorum trivitatatis pendet, utrum pro ternis circiter vel quaternis academicorum centuriis academiam in loco oportuno condere velint, an tantum pro totidem millibus. Qui enim ducentis vel trecentis studiosis sufficiunt Professores, iidem quoque tot millibus erudiendis pares sunt, si idonei eligantur, electique suis partibus rite fungantur (§. 383.) Inde si cuncta rite ordinentur, conserventur gubernenturque, pro 6 vel septem millibus circiter eruditorum, in civitate necessariis, tam dux sufficere possunt universitates, quam septem aut 14, pluresve. Examinandæ igitur sunt rationes, quæ aut pauciores, aut plures*

plures academias commendant in data civitate, ut eligi possit, quod ipsi est convenientius optimumque factu.

## §. 385.

*Pro pluribus Studiosorum chiliadibus erigendam esse academiam* Rationes pro suadere potest 1) paucitas Professorum in academiis alendo- paucioribus rum, cum unusquisque simul tam ducentos & trecentos, academiis quam totidem chiliadas docere possit eandem scientiam artem- facientes. ve (§. 383.). 2) Fluens inde sumtum publicorum compendium quo plures reditus accessorii a studiosis haberi possunt. 3) Minores sumtus privati in didactra faciendi, cum quo plures sunt auditores, eo minoribus ratis idem didactrum conficiatur. Si decem dant stipulatam summam  $X$ , quilibet dabit  $\frac{1}{10}X$ , centesimus non dabit nisi  $\frac{1}{100}$  ipsius  $X$ , & millesimus non nisi  $\frac{1}{1000}$  ejusdem  $X$ . 4) paucitas ædificiorum publicorum seu academicorum quamquam eo majorum. 5) Major splendor & frequentia academiarum. 6) Non facile metuenda civitatis divulsio separatioque in minores plures. 7) Analogia academiarum & templorum. 8) Locorum opportunitas minor (§. 280.).

Fallor, aut hæ erunt præcipuæ rationes, quæ afferri poterunt pro duabus modo academiis in Anglia universa. Omitto: quæ forte antiquissima esse potuit, barbariem pristinam, in qua præjudicium vilipendium & contemptus literarum plerisque occupaverat. Certe hanc rationem in barbaris civitatibus, & superstitione mahumetana infectis, generatimque illis, ubi dominantur præjudicia, literatos vel inutiles civitati esse, vel plane noxios, obtinere quis negare auit?

## §. 386.

*In gratiam trecentorum, vel paulo plurium, studiosorum con-* Rationes pro dendam esse academiam, recte statuatur 1) propter civitatis par- pluribus vitatem, quæ non indiget, nisi aliquot eruditorum centuriis academiis

(§. 374. seqq.). 2. propter diversitatem provinciarum ejusdem quidem civitatis, sed juribus ac religionibus diversis utentium. 3) ob perfaciles factiones in tanta multitudine, difficultatemque compescendi tot vel inermes. 4) ob incommoda itinerum longinquiorum in civitate valde ampla. 5) ob commoda plurium oppidorum seu urbium per academias provehenda (§. 378.). 6) Si plures alendi sunt Professores, illi quoque rectius nosse & erudire poterunt academicam juventutem, quam si nimia illius sit copia; & vel propterea sumtus plures verendi non sunt, quod iis honeste plures indigenæ ut plurimum nutriuntur, ideoque liberorum fortunæ consulitur, & quæ consumuntur ab illis pluribus Professoribus, cedunt in plurium civium lucrum, civitatis decoramentum, & præstantiam culturæ ingeniorum amplificandam. Quibus rebus non potest non gloria gentis magis augeri, quam restrictiori impendiorum in studia paritate (§. 47 - 57. *Jur. Gent.*).

Ex tanta multitudine juvenum in primo ætatis flore & ætuum calore constitutorum apparet necessitas illos armis privandi & in quemdam statum monasticum detrudendi. Hinc Salmanticæ, Oxonii, Cantabrigiæ, & in aliis amplioribus academiis continentur inclusi in collegiis compluribus, communi utuntur convivio in refectorio amplo, inermes plane sunt & togati, ipsisque togis impediti, nec secus vivunt ac religiosi, qui severæ subsunt disciplinæ sui rectoris; concolori utuntur panno, nec egredi de die nisi cum socio custode, & in auditoria possunt; nocte autem fores nemini aperiuntur, multa quoque solvenda illis, aut pœnalvenda qui negligunt sine legitimo impedimento horas frequentandas, teste *Muldendorpio*, *lib. 10* aliisque. Non tantum Oxonii dissidia borealium & australium, & Procuratores eorum diu ibi viguere, sed quoque anno 1586. lis aeris erupit inter togatos & Norrysum, Baronem, qui occasione seræ in ipsius saltu captae Magdalensem alumnum circeri dederat. Commilitones, adscitis in subsidium reliquis academi-



cis, Norryſium, quamvis valida caterva munitum truculenter aggreſſi ſunt, ut multi utrinque vulnerarentur. Licet vero in collegia revocarentur tumultuantes academici, foribusque obſeratis egreſſu prohiberentur, præſtolati tamen multi in collegio omnium animarum & Magdalenenſi tranſitum Baronis, eum lapidibus undique impetierunt, ut vix menſæ tabulato tanquam ſcutto teſto periculo eriperetur, plurimis ſuorum vulneratis & in vitæ diſcrimen adductis. Vid. a Wood P. I. p. 302. Præter ea exiguus Profeſſorum numerus aliis indiget, qui vices ipſorum ſubeant, dum legitime impediuntur, aut facultatem docendi adepti privatis recitationibus ſuppleant id, quod Profeſſorum vires excedit.

## §. 387.

Accedit, quod Profeſſores non ſint obruendi laboribus vitæ ſanitatisque conſervationi nocituris, præſertim egregii præ cæteris expendendi. Profeſſorum enim eſt, juvenes ad ſcientiam rerum neceſſariarum & utilium perducere (§. 435. P. VIII. Jur. nat.). Sed labor nimius & nimis gravis eſt illicitus, & ſolus moderatus debitus (§. 521. P. I. Jur. nat.); & ad illicita nulla dari poſteſt obligatio (§. 170. P. I. Philoſ. præſt. rurs). Vti cives alii ſic & Profeſſores in erudienda juventute non onerandi ſunt laboribus nimis & nimis gravibus (§. 266). Tales vero ſunt labores vitæ ſanitatisque conſervationi nocentes (§. 516 ſeqq. P. I. Jur. nat.). Eapropter Profeſſores non ſunt obruendi laboribus vitæ ſanitatisque conſervationi nocituris.

Profeſſores egregii, & ratione ſcientiæ & doni docendi & fidei, ſunt rari, teſte experientia multorum ſæculorum. Quare ubi dantur, ibi eorum vitæ ſanitatisque conſervatio & optanda, ut quam diutiſſime academiæ profint, & quibuſcunque fieri poſteſt modis procuranda eſt adjuvandaque Quod quoniam recte fieri poſteſt, ſi caveatur, ne nimis laboribus obruantur ſed recreare poſt labores animum & vices corporis  
alacri-

alacritatemque animi reparare possunt : manifestum est, præsertim egregiis professoribus non nisi per moderatos imponendos esse labores : æque ac ipsis quoque vitandi sunt labores sponte suscepti nimii, nimisque graves (§. 519. P. I. Jur. nat.).

Non illi tantum sunt labores, qui manuum opera absolvuntur, aut in bajulando onere imposito vel utcumque movendo occupentur ; sed & quæcunque operæ animi corporisque ministerio indigentes, rerumque corporalium aut incorporalium causæ suscipiendæ (§. 512. P. I. Jur. nat.). Hinc & illæ operæ, quæ impenduntur vitæ necessitati, commoditati, jucunditatique innocuæ, & quæ perficiendæ excolendæque mentis suæ & aliorum causa subeuntur, in censum laborum veniunt. Qui suo tempore multos docuit regum sapientissimus, jam tum expertus est, multum doctrinam scriptionem lectionemque defatigare corpus animumque *Cohélet. XII. 9-12.* Idcirco modus est statuendus labori etiam erudito hujusmodi, qui vires corporis animique salvas relinquat, quique earum finem & mensuram non transcendat, prout *Ethica docet (P. IV. §. 369. seqq.)* Quia non una eademque est omnium natura, sed alia aliæque omnibus, quod uni nimium esset, non ideo & alteri nimium erit. Sed cui plus virium datum est, ab eo plus requiretur, & plus præstandum est : & cui minus datum est, ab eo quoque minus requiretur. Vnde ne cuiquam nimio labore noceatur, ejusmodi adhibenda est laboris mensura, quæ nec infirmæ satis naturæ, quippe quam nemo sibi dare nec ampliare pro lubitu potest, valetudini conservationique obesse possit. Qui enim plus valet, is sui memor officii non erit desidiosus, sed tanti studiosus laboris, quantum sibi nec adhuc nocuisse expertus, nec facile nocituram esse per rationes minime vanas sed corporis mentisque valetudini constanti præscriptas esse novit. Nec labores eruditi ejusdem sunt generis, difficultatis & defatigationis, quorum itidem ratio est habenda. Cæterum quæ de egregiis hic statuimus, eadem quoque valent de mediocribus, qui pariter præstant deterioribus, juventuti magis nocentibus quam pro-  
futuris, vel male sana sedulitate.

## §. 388.

Quoniam Professores non sunt obruendi nimis docendi *Vnde metien-*  
laboribus (§. 387.) & pro ducentis trecentisque haberi solent *us sit justus*  
Professores 12. aut 18. (§. 383. not.) qui tamen quingentis *Professorum*  
pluribusque multo æque sufficiunt (*ibid.*): concludi potest, *numerus.*  
*num. um Professorum cujusque facultatis metiendum esse ex numero ejus-*  
*dem studiosorum sufficienti, quorum spes non luctrica datur.* Quot  
nempe studiosorum dodecades icadesve, simplæ aut duplæ,  
certo sperantur, tot illis sufficere poterunt Professores (§. 383).

Solent quoque cuivis militum decuriæ sui præfici decani vel  
decuriones, quidni igitur, cum & decem Professoribus sui dati  
sint decani, studiosis quoque denis, duodenis, vel vicenis sui  
tribuantur Professores? Denorum enim quisque si solvat di-  
dactri trimestris loco duos vallenses, quorannis Professore e  
tali cursu theoretico redibunt 80 vallenses, vel duodecim semun-  
ciarum decades, unde panem sumat. Si a meridie alia hora  
præxin addat theoriæ, totidem nummos aut plures inde poterit  
adipisci, ut vestimenta sibi parare possit. Neque tamen sic de-  
norum quisque ultra 12 unciales integro anno studiis hisce in-  
sumet. Si tertia hora aliæ tractentur disciplinæ, tantumdem  
didactri daturæ, aliis necessitatibus vitæ consulere valebit. Posi-  
tis loco denorum quindenis vel vicenis, & augeri didactrum  
Professoris, & minui simul studiosorum in literas impendium  
fas erit. Medicorum tantus non solet esse numerus, unde  
didactrum est ipsis pendendum, & Doctoribus simul Medici-  
nam facere licet, unde reditus lucrentur.

## §. 389.

Quando ab initio nondum liquet, quantus futurus sit juvenum Non illico u-  
academicorum numerus, Professorum quoque numerus statui potest exi- bique exqua-  
luit; progressu temporis pro aucto studiosorum numero augendus. E his requiritur  
Præmissis principiis academicis liquere potest, pro ducentis tre- Professorum  
centisve eruditis, qui in quadam regione honeste aluntur, in- numerus.



stirui academiam posse (§. 374.); inprimis si cum academia connectatur Gymnasium, ut partim eo ipso numerus literis studentium augeatur, partim spes numeri certior reddatur (§. 379.); & cæteræ rationes id suadeant (§. 386.). Enim vero hæc tantum de illis valent, qui vel imperio vel pacto adstricti sunt ad istam academiam; neque certo sciri potest, præsentem rerum statum esse eundem semper mansurum. Multo minus de vicinis, quorum frequentatio academici speratur, præsciri potest, quid illi in posterum sint facturi. Quatenus ergo ab initio nondum liquet, quantus futurus sit constans fere studiorum numerus, eatenus consultius erit, numerum Professorum exquiritorum statui paullo minorem, quam esse posset: cum iidem Professores, qui simplo numero sufficiunt, etiam duplo & triplo pares esse possint (§. 383.).

Quando progressu temporis vel auctus est eruditorum honeste alendorum numerus, vel pactis aliisve modis usu competentis certior stabiliorque numerus academiæ sperari potest: tempus erit, ut Professorum numerus studiosorum numero plerumque vix dubio aptetur (§. 388.), ideoque circiter vicenis aut tricenis pluribusve studiosis unus respondeat Professor, saltem extraordinarius aut privatus docens. Sic enim vel contra spem diminuto interdum fere ad dimidium eorum numero salva manere poterit academia (§. *ead.*). Vna quoque cavebitur, ne quisquam Professorum nimio obruatur labore (§. 387.), & commoda numeri academicorum non abundantis provehantur (§. 386.).

Confirmare hæc exemplis juvabit. Oxonii Rex Alfredus circa annum 879. instituisse fertur Professore Theologiæ item Grammaticæ & Rhetoricæ, tertium Musicæ & Arithmeticæ, & quartum Geometriæ & Astronomiæ. V. a *Wood Lib. II. p. 30. seq.* Gröningæ 1614. academici nascenti non dati fuere nisi 6. Profello-

fessores, singuli superiorum Facultatum, & tres Facultatis quarte. V. *Benthemii* Holland. Kirchen. und Schulen. Staat p. 4. seq. Franqueranæ academix primum dati sunt Professores septem, Theologiæ scilicet duo; *ibid.* p. 25. Lugdunensi unus Theologus, duo Juri, duo Medici, Mathematicus & Philosophus, itemdem 7. *ibid.* p. 32. Trajectinæ tres Theologi, duo Juri, tres Philosophi. *ibid.* p. 38. seq. Harderovicensi primo unus datus est Theologus, duo Juri, Medicus unus, tres Philosophi. *ibid.* p. 47. Quorum Professorum numerus deinde in iisdem auctus est, ut Lugduni Benthemius A. 1686. Theologos 5, Juros 3, Medicos 4, & Philosophos 4, reperierit Professores; Ultrajecti Theologos 4, Juros 3, Medicos 2, Philosophos & Philosophos 5. Franqueræ 1695. Theologos 3, Jurum unicum, Medicos 3. in Historia, linguis & Philosophia 7 Professores. 1694. Gröningæ tantum 6., uti sub inaugurationem; & Harderovici 1695. ne quidem tot, quot fuerant sub inaugurationem, tribus locis vacantibus illa vice. Edimburgensi Professor Theologiæ est unicus & 7 Philosophi, & tamen gradus conferuntur.

## §. 390.

Quoniam in academix Professores, & in scholis præ-*Quomodo*  
ceptores non alii constituendi sunt, quam qui ea probe cal-*exploranda*  
lent, quæ docere debent, dono docendi instructi sunt, omnem *sint dona di-*  
in sua institutione diligentiam fidemque adhibent, ac moribus *daſtica?*  
seſe diſcentibus bonisque omnibus commendant (§. 436. P.  
III. Jur. nat.): opera danda est, ut quinam tales sint, certum  
habeatur exploratumque. Id vero melius fieri nequit, quam  
testimoniis peritorum fide dignis, præſertim integerrimorum Pro-  
fessorum, qui de his optime judicare valent, item diuturna  
gaudent & studiorum & morum penitiori cognitione suorum  
auditorum; & *ſpeciminibus omni majoribus exceptione.* Non con-  
temnendum quidem est, unius alteriusque testimonium priva-  
rum, cujus fides non ſit ſubleſta; quia tamen a pluribus in  
eandem rem intentis plura obſervari, & explorari ab aliis ſo-  
lent,

lent, quam uno alterove: eo dignius fide erit testimonium, quo plures fide digni in eodem consentiunt. Vnde collegii testimonium aut commendatio dignorum, pluris facienda erit, cæteris paribus sive conjunctim illud detur sive seorsum a quolibet, infcio illo, de quo perhibetur. Si ipsorum interest, uti tum præferim, quum de eligendo illorum collega agitur, jus nominandi plures ipsis recte concedetur, e quibus unus sit eligendus ab iis, quorum est jus eligendi. Specimina vero doctrinæ & parrhesiæ vel publica sunt, vel privata. Publica habentur in disputationibus Candidatorum bene impugnantis propugnatisque, cæterisque examinibus & exercitiis, quibus facultas animi sensa explicandi, alios docendi, & dignitas academica comparari solet, quibus illi, quorum interest futuræ optionis causa, hæc scire, interesse possunt debentque. Accensendus his est acquisitus in docendis illis disciplinis applausus; & si de præceptoris loco agatur, laus privatæ institutionis parva. Denique & in illo casu quando locus seu Præceptoris seu Professoris vacat, juberi possunt candidati loco speciminis unam alteramve horam discipulos studiososve docere, præsentem uno alterove gravi viro, ut & ex horum & illorum approbatione applausuque revera dignior internoscatur exactius & præferri eligendo possit.

Quatuor requisita Professorum, quæ exploranda sunt & attendenda in eorum Electione, eo majoris sunt momenti, quo difficilior boni Professores reperiuntur: quo majus emolumentum civitati inde sperandum, si illis instructi sint; & quo majus damnum metuendum si illis careant. Si enim unus quispiam vel Theologus male docet & vivit, vel Juris male jus dicit aut prævaricatur, vel Medicus male sanat agros, damnum, quod inde oritur, manet in exiguo hominum cœtu, & amoto ipso caveretur. Sed si in academia male & perversè instituantur studiosi, qui alios postea regere debent, vel erroribus imbuant.



buantur, vel non solide discant suam artem & scientiam, diffundit se malum per omnem civitatem. Hinc ne ad academias accedant et properent, nisi bene præparati ad capienda cum majori fructu suo & aliorum studia academica. Præceptores in scholis constituendi sunt, hisce meritis quantum sufficit, ornati, nec permittendum, ut rudes & inepti ruant in academias sed iis, qui id fecerint, denegetur, spes futuræ in patria fortunæ. Multo magis vero academiis non adhibendi sunt Professores viliori honorario adquieturi, sed qui inter candidatos solida rerum docendarum cognitione & scientia, suada & dono docendi, diligentia indefessa, & virtutibus quibuscunque reliquos antecellunt, ut merito excellentissimi eluant, & pares sint aliis ad similem præstantiam evehendis. Equidem omnium suarum virtutum præstantia raro conjuncta datur. Præstat tamen semper præferri eos, quorum virtus & jam eminere, & meliora ac plura promittit, quam aliorum. Neque extra ordinem docentes ferendi, qui manifesto corrumpunt auditores, vel iis conferendæ spartæ, qui applausu destituti salario sublevandi dicuntur ex misericordia. Variis academiis jus est nominandi quosdam, quos dignos censent vacante professoris loco, ut ex illis electoribus optio detur. In quibusdam Electio fuit studiosorum ejus facultatis, cujus locus vacat, aut & omnium studiosorum, eo forte more, quo auditores in templis suffragia illis dare solent, quos optant doctores & oratores sacros. Sed dissensiones & tumultus juvenum v. c. Patavinorum inde enati fecere, ut hoc pane ubique murandum fuerit. Si *Middendorpius* vera narrat *P. II. p. 432.* oportet, ut Salmanticæ insignia doctorum acceperint, qui ibi docere debent. Vacante Cathedra, edictum proponitur a Rectore, quo & studiosi illius facultatis & ambientes spartam convocantur statim tempore. Rector sortito aliquod promittit argumentum ex rebus ad illam facultatem pertinentibus, quod qui prior accessit, publice proponit. Sequentibus diebus reliqui eodem pacto docere jubentur. Quibus ita peractis, discipuli secreto suffragia ferunt, & cui plura obtigerint, is creatur Professor. Plerumque vel solis Professoribus, aut docen-

tibus quibusvis, aut aliis superioribus, uti Cancellario, Regi &c. electio reservat. Inprimis, ubi Rector magnificentissimus habetur, recte consultitur academiæ si academiæ Professoribus vel sit jus nominandi eos, quos loco vacante dignos censent, aut iungatur, ut pro conscientiae religione inprimis Professores, quorum Collega creandus, tum & cæteri indicent, quinam ex competentibus cæteris sint digniores. Quoniam dignitates academicæ pariter privatam docendi facultatem impertiuntur, cautione & in illa tribuenda est opus. Quare in illis academiis, ubi unius facultatis non est nisi unus Professor ordinarius, illius testimonio fides habenda erit a Cancellario; vel si qui sunt extraordinarii, aut ex alia facultate, qui Candidatum penitus norunt, illorum quoque testimonium erit requirendum, si ipse Cancellarius interesse examini & speciminibus non potest, nec vicario ea in re est usus dignissimo fide: Patavii (sunt verba *Middendorpii* P. II. p. 69.) ex more idem Doctor laurea insigniendos præsentat & promover. Nec jurare coguntur doctores, quod per ipsos ad lauream præsentandi sunt digni. Gradus Baccalaurei Salmanticæ a quolibet Professore conferri potest. Vid. *Middendorp*. P. II. p. 432.

## §. 391.

Quamdiu  
professio du-  
ret?

Eligi Professores plerumque solent simpliciter, alii tamen restricte ad tempus pacto definitum. Horum functio statuto tempore elapso finitur: nisi pactum mutuo consensu renovetur, seu iterum in idem tempus, seu in diversum, prout complacuit. Illorum functio durat dum vivunt; aut ad lautiora & præstantiora munia evocantur & promoventur; aut iusta de causa remouentur (§ 915. seq. P. VIII. Jur. nat.), aut ipsi se abdicant. Si ab extraneis ad lautiorrem spartam expetuntur & evocantur antequam ipsorum pactum expiravit; utique iis, quibus obligantur, exponendæ sunt conditiones oblatæ, & vel dimissio, ut par est, petenda; vel si sperari indemnitas potest, aut aliæ rationes id requirunt, ipsis permittendum est dimissionis dandæ aut negandæ arbitrium

trium (§. 914. *ibid.*). Si simpliciter electi sunt, eodemque diligenter functi, eis debetur minerval etiam si ob morbum diuturniorem vel senium eidem vacare nequeunt; licet, qui ipsorum vicibus fungatur, illis sit adjungendus (§. 919. *ibid.*). Si multorum (v. g. 20) annorum spatio bene defuncti sunt sua professione, uti poterunt *privilegio vacationis* & successus salvo priori suo honorario, ubi id conceditur; aut viribus superpetentibus pergere in docendo, donec valent.

Electio scilicet est pactum, quo e pluribus, qui haberi possunt aut ambiunt spartam, unus ceteris praefertur, prout convenire de conditionibus potuerunt. Quandoque eligentes sponte alieno offerunt spartam, quam credunt, illum esse accepturum, nescii an cum eo de conditionibus hujus locationis & conductionis ipsis sit conventurum, nec ne. Quare cum pactis standum sit (§. 789. *P. III. Jur. nat.*): oportet & illa servare, quae de Electione convenerunt, seu expresse, seu tacite consuetudine olim stabilita. Ob liberalium vero artium & scientiarum indolem, earum quoque Professores liberaliter sunt tractandi, ne pacto isto ultra id obligati censeantur, quod quilibet ingenuus si eodem loco esset, sibi fieri cuperet. Multo minus igitur mancipiorum instar detinendi prohibendique sunt & privandi immerentes meliori fortuna, quam Dei providentia ipsis praeparavit, quod sine invidia atque iniquitate fieri non posset. Pragæ & Salmanticae qui per 20. annos docuere ipso jure illustres fiunt. V. *Middendorpius P. II. p. 185. & 425.*, eodem stipendio hic fruente, quo ante, cum immunitate a legendo. *p. 430. ibid.* Salmanticae praeter viginti perpetuos habentur 27. pluresve Professores, qui in quadriennium conducuntur, tres Theologi, qui Thomam, Scotum & Durandum interpretantur; 4. Juris Canonici, Clementinas, extravagantes & decretales inculcantes; civilis Juris 6., quorum bini digesta, codicem & institutiones explicant; 4. Philologi linguas hebraeam, chaldaeam, arabicam & graecam docentes, 7. qui Grammaticam, rhetoricam, mathesin, musicam & Philosophiae rationalis, naturalis & moralis scientiam



tradunt, denique superest copia Grammaticæ vel stili latini Professorum teste *Middendorpio P. II. p. 431.* Petropolin evocantur hodieque Professores in quinquennium, quo finito prorogari plerumque pactum solet in aliud quinquennium, item postea in tertium, quartum &c.

## §. 392

*Indemnitas  
Professori-  
bus præstan-  
da.*

Quoniam Professorum est, juvenes scientia imbuere rerum necessariorum & utilium publicæ salutis causa (§. 435.), idque sine neglectu officiorum erga se suosque fieri nequit, quando ipsis plurimum temporis his laboribus tribuendum est: *Justitia postulat, ut in leviæ præstentur generis & professionis causa (§. 268. & 321. P. IV. Jur. na.).* Enim vero quia indemnes non forent, nisi quantum ex alio vitæ genere, cui æque pares essent, inde consequerentur; ita sunt indemnes præstandi, ut tantumdem emolumenti inde ad ipsos redeat, quantum ex alio vitæ genere, cui se consecrare possent, sperare queant, vel quantum alii ex eo percipere solent (§. 566. P. I. Polit.). Eæ, quæ homines consequi in civitate & quærere solent sunt bona externa, quæ & fortunæ bona dici consueverunt. Sepolta amicitia & societate, qua civitas nititur (§. 4. P. VIII. Jur. nat.), & quæ sigillatim virtute paratur, restant opes & honores, vel si hoc mavis redditus & dignitates civiles. Quoniam redditus consistunt in rebus utendis fruendisque ideoque nobis debitis; dignitates vero civiles in titulis & præcellentia tribuenda (§. 765. & 785. *ibid.*): ad indemnitem Professoribus præstendam pertinent redditus ipsis concedendi, quantos suis virtutibus in alio vitæ genere mererentur, merenturque alii nihilo ipsis meliores, cum honores civiles, tituli & dignitates meritis pa-

Inter nos dignitates liberariæ exiguo habentur loco, & rarius Professores nobilitantur. Inter Sinenſes omnis nobilitas scientiis comparatur & artibus, & cum hæ non sint hæreditariæ, nec illa talis censetur.

## §. 393.

Quemadmodum generatim salaria ita sunt constituenda, *Minervalia* ut iisdem sustentari possint, qui officiis publicis funguntur (§. Professorum 907. P. VIII. Jur. nat.): ita, cum *minervalia* dicuntur salaria vel ubi instituent-honoraria Professorum, hæc quoque ita instituenda sunt, ne da? præstantiora ingenia ab iis abhorreant, ut non tantum indemnes præstentur (§. 213. seqq.), sed & respondeant gradui scientiæ & celebritati eorum (§. 226.), & familiæ honeste alende (§. 270. seq.), si omne tempus doctrinæ est tribuendum (§. 392.). Præterea quia curandum est, ut quilibet recte agens pro sorte sua & meritis æque fortunas augere suosque fortunare possit, ac ne quisquam & ipsemet in alio vitæ genere (§. 566. P. I. Jur. nat.): curandum quoque est, ut omnibus, & iis quoque innotescat, qui ex fortunis vitæ genera metiri solent, quantum civis pretium statuatur præstantia ingenii & studiorum excellentibus viris, ideoque & fortunæ eorum augendæ faveat (§. 614. seqq. & 645. seqq. P. I. Jur. nat.).

Quia privilegia & immunitates ratione veri commodi quod inde nascitur, in partem salarii imputantur (§. 906. P. VIII. Jur. nat.): Præceptorum quoque et Professorum privilegia immunitatesque *minervali* ipsorum recte imputantur, modo statuto æstimentur pretio, si quod habent, æquove. Idem tenendum est de retributis accessoriiis licitis, pro operis privatis vulgo accidentibus, quatenus statuti sunt, nec fallacem recipiunt æstimationem, (§. 910. *ibid.*). Hujusmodi sunt in academiis numi pro examine & receptione in album & privilegia studiosorum; mulctæ solvendæ; honoraria pro gradibus academicis adipiscendis, & pro aliis testimoniis academicis; pro libris editis; pro responsis facultatum; pro privata institutione didactra. Vbicunque successu temporis valor pecuniæ multum decrevit, & pretia rerum valde sunt aucta; ibi *minervalia* pro pretiorum incremento

sunt augenda (§. 908. *ibid.*), ut iterum scopo æque sufficiant ac antea, & ut debito naturali pactoque satisfiat (§. 907. *ibid.*).

Neque enim juste imminui possunt, nisi vel in penam promeritam, vel ex summa necessitate usu domini eminentis (§. 903. *ibid.*), quod restitutionem damni futuram includit (§. 119. *ibid.*). Si *pristina minervalia* ob mutatam rerum faciem quacunque de causa jam non sufficiant, tuenda dignitati delicta; pariter ac ob mutata rerum pretia, vel quando semper justis minor fuere, *minervalia augenda esse liquet*, alioqui deducitur studium veritatum virtutumque in contemptum, propter quem cives ab eo redduntur alieni; quod nefas (§. 426. *seq. ibid.*).

De Bononia narrat *Middendorpius* P. II. p. II. tam benevolum ibi esse civium in studiosos animum, ut S. P. Q. B. quadraginta propemodum coronatorum millia singulis annis in suos Professores exponat. Reditus 30. millium aureorum Salmanticensi academiae esse, quorum pars tertia = 10000. aureis professoribus cathedrariis 20., altera pars tertia cedat illis pluribus, qui in quadriennium coadjuvantur. Vid. *ibidem* p. 429. Vix fidem mereatur *Alciatus*, qui in oratione ad Ticinenses gloriatur, quod Biturigibus 12000. Coronatos annuo spatio acceperit. Fr. *Dutrenus* scripsit, sibi decretum esse ibidem ex arario publico stipendium annuum ad vicena millia sesterteriorum nummum, præter illam pecuniam, quæ ibi ex solennibus conferendorum graduum haud parva conficitur. Tum enim ait, ex ultimis Europe finibus nobilissimos quosque juvenes celebritate Gymnasii excitos eo tanquam ad civilis sapientiæ mercaturam confluisse. *ibid.* p. 386. Id non infrequens dici potest, unicum celebrem Professorum mille unciales, aureosque & eo amplius annui honorarii loco accepisse. Neque mirum videri debet, si eo idderetur, quod alii multo minori ingenio stipendia mereant multo his majora. Alibi vero *minervalia* & quidem ut plurimum adeo sunt exilia, ut ne quidem victum unius personæ, multo minus familiæ suppeditent; ut scholarum inferiorum munia præ-



præoptentur. Sunt, qui putant, minervalia quo sunt minora, eo magis incitari diligentiam, ne fame sit pereundum. Sed inde quoque evilescunt & studia & eorum cultores, ut mendicis fere æquiparentur, quorum virtus deberet quantivis fieri. Tum parentes tum juvenes abhorrent a mendicitate laboriosissima & alia sectari malunt, unde honestius ali possint & locupletari, & quodam in numero haberi. Præterea solutio eorum ita connecti cum diligentia potest, ut negligentes eis excidant.

## §. 394.

*Minervalia Professorum apte statui possunt ex iis, quæ a studio. Unde pro-*  
*sis ibi consumuntur, eorumque partem decimam exhañire. Quæ enim portio mi-*  
*a studiosis ibi consumuntur, ea non exportantur. Si exporta nervalis ba-*  
*ta essent, tantum damni civitas incurrisset, quantum externa beri possit?*  
 academia inde hausisset lucri (§. 373.). Dum ergo manent in civitate, quæ academia gaudet, hæc in illius lucro sunt ponenda. Aequum vero est, ut, qui illius lucri percipiendi primarii autores sunt, insignem ejus capiant partem. Hi vero sunt Professores, a quorum ære studiosi pendent, hauriuntque sapientiam (§. 435. P. VIII. Jur. nat.). Decima pars demta relinquit partes novem aliis, qui tantum victum, amictum, similiaque externa commoda procurant. Unde hanc lucri partem illorum honorario tribui, iniquum dici nequit (§. 393.). Posito constante circiter studiosorum numero, lucrum illud est perpetuum, æque ac honorarium Professorum. Diminuto vero numero, minui quoque numerus Professorem potest, spe redintegrationis decollante.

Ponamus trecentos studiosos in academia consumere quovis anno 60. vallengium millia. Horum pars decima faciet sex vallengium millia, quæ sufficient Professorum minervali, si bene distribuantur. Sint enim octo Professores ordinarii & totidem extraordinarii. Cedant cuilibet ordinario 550. vallenges, ita ut quinque sint inferiorum & tres superiorum facultatum. Conficiet hæc summa 4400. Extraordinem sint sex, duo scilicet,

cuiuslibet superiori facultati adjuncti, quia hi aliis functionibus satis lucrari possunt, ut sufficiat, si in practicis, quæ quotidie exercent præceptis & exemplo egregio Collegis subvenire & academicos manuducere ad praxin possint. Cuique eorum pro publica praxis explicatione dentur centum vallenses. Philosophis adjungantur 4 extraordinarii, pari honorario gaudentes, aut quando parum aliunde acquirere possunt duplo. Ita restabunt e 6000 tantum 200, in famulorum publicorum aliosque communes usus eorundem. Si 3 millia essent studiosorum, consumerentur 600000, saltem ejus dimidium e parte decima 60000 illa Salmanticæ 30000 aureorum vel uncialium circiter prodirent. Sed de tanto numero & summa dicta suo quisque sensu abundet.

## §. 395.

*Modi Professorum studiosorumque diligentiam provocandi.*

*Incitandi sunt Professores ad diligentiam in partibus suis ex lege præscripto obeundis accurata promptaque minervalium solutione; obligantque studiosi, ne impunis sit negligentia. Minervalia sunt Professorum honoraria (§. 393.), quæ & indemnes præstare debent illos, & sustentationi ipsorum decoræ, & familiæ alendæ inservire (ibid.). Prænumerari autem non solent, sed ut ipsa eorum spes incitet ad diligentiam, differtur earum solutio; donec per receptum tempus, v. g. trimestre spatium, diligentia sit comprobata. Quando ergo Professores statuto pacto, aut usu, tacitum pactum continente, tempore recte, functi sunt suis partibus, ex pacto ipsis debetur solutio trimestris honorarii. Quæ ideo actutum præstanda est, ut & ipsi accurate continuare suam diligentiam animentur (§. 902. P. III. Jur. nat.). Si vero non solvitur accurate præmium promeritum, violatur pactum publicum, iplisque datur occasio, vicissim suam fidem non liberandi (§. 827. P. III. Jur. nat.). Quo ipso non potest non publicæ rei institutionique juventutis male consili, & academici finis utilitasque pessumdari.*

Quo-

Quoniam Professorum doctrina erudire debet studiosos (§. 436. P. VIII. Jur. nat.), idque fieri nequit, nisi doctrina a studiosis & audiat & in succum sanguinemque vertatur: propria quidem cura felicitatis, convictio de suo officio, & parentum iussa, per se obligare studiosos ad continentem assiduitatem deberent. Sed depravatio naturæ, juvenilis affectuum impetus, & dissolutorum exempla facile ad abusum libertatis declinat. Inde opus est quadam obligatione idonea ad cavendum tum publicam, tum privatam desidiam negligentiamque. Hæc vero extrinsecus nisi duobus modis haberi nequit, scilicet præmiis diligentiae, & negligentiae poenis. Idcirco diligentibus debetur laus, benevolentia in ipsorum felicitate augenda, & beneficentia in tribuendis ipsis, quibus indigent, beneficiis. Negligentes e contrario non tantum vituperandi objurgandique sunt, uti merentur, sed & deneganda ipsis sunt, quæ male ponunt, beneficia. Quæ si ipsos nondum emendant, poenæ quoque promeritæ ipsis sunt irrogandæ, quæ plurimum valituræ videntur ad ipsorum correctionem, carcer, multa, exclusio a privilegiis, denegatio admissionis ad altiora, item testimonii, aut gradus expetiti denuntiatio pigritiæ parentibus tandemque regi facta, si mitiora nil profecerint.

Vt eo promtior sit solutio, ipsismet tradi potest, vel fors ita elocanda, ut ex usuris salaria habeantur, uti Regiomontanis Professoribus fors numerata est, e cujus usuris semissibus recipiant ratas suas, teste *Arnoldo P. I. p. 90.* vel terrarum & prædiorum proventus administrandus; uti Lipsiensi aliisque academiis suæ sunt ditiones, unde redditus percipiunt. Vid. *Schneideri p. 275.* ubi duo principum collegia cum suis redditibus & zythopolio, majus quidem 12, minus octo magistris, assignantur; p. 287. eidem assignantur pagi 3, & p. 294. alii 5 cum suis proventibus, quibus accessit collegium Paulinum cum variis ædibus adjunctis, sylva, collegium B. Virginis, reliqua. Regiomontanæ academiæ



antea data erat praefectura Fischhausensis. Vid. D. *Arnold. ibid. p. 87. seq.*

Oxonii obligantur studiosi ad comitandum Professore dum ingreditur in auditorium, & dum ex eodem rursus egreditur, & praeter necessitatem absens quisque, pro quavis hora multam luit, secundum *Benthamium l. c. p. 342.* Salmanticae ut alumni bonis literis naviter incumberent, A. 1492 statutum est, ut nemo illius privilegiis gaudere possit, nisi qui primum studiorum stadium, duas saltem quotidie praelectiones audiendo absolvisset, & sic re potius, quam nomine studere intelligeretur. *Mildendorp. P. II. p. 425.* Discunt sic aestimare & mereri privilegia immunitatesque academiarum, si illis denegantur, qui studiosi quidem dici, sed esse nolunt. Suo enim damno facile experiuntur, quid sit illud, si securitate academica destituuntur, si injuriis quorumvis, si insidiis militum expositi sunt, & absque refugioque carent, si nec Professorum tutelam, nec commilitonum auxilium praestolari possunt, sed nihili sunt, omnibusque ludibrium debent, aut prorsus in miserum detruduntur statim prout meruere. Si repetuntur ea, quae supra de privilegiis studiosorum dicta sunt, multo plura mala eos sequi intelligitur.

#### §. 396.

*Alia Professorum ad diligentiam obligatio.*

Vti Professorum est, omnem in docendo diligentiam adhibere (§. 436. *P. VIII. Jur. nat.*), ideoque curandum est, ut Professores in academiis, & Praeceptores in scholis munere suo rite fungantur (§. 437. *ibid.*); ita cum incitandi sint Professores ad diligentiam (§. 395.), interea ne remittat, impedimenta illius sunt tollenda, & aliqua opus est inspectione & obligatione eorum, quae suscipere huc intelligatur. Scilicet pro privatis recitationibus didactrum solvunt auditores, qui id non solvent, nisi debitam experiantur diligentiam. Ad has ergo non alia opus est obligatione, quam jactura didactri, quod vel diligentibus admodum citius denegatur, quam solvitur pigris. Si quando id praenumeratum esset; aut in jus vocatus vix ci-

tra

tra ignominiam reddere compelleretur indebite solutum; aut perpetuo fere alienos a se reddet auditores, si non sit solvendo.

Publicæ pensantur salario (§. 266.), quare metus excidendi ejus fructu, & fides publice data plerumque sufficient ad hanc obligationem. Quia animi generosi etiam gloria recte factorum & honore ducuntur, quo ab aliis discernantur: obligatio augeri potest spe adscensionis ad majores honores fructusque, item insigni quodam meritorum decore, cujusmodi sunt insignia ordinum nobiliorum, v. c. stella argentea, pro majori meritorum academicorum gradu, aurea, & pro summo gradu gemmis distincta. Intermedii gradus magnitudine & pondere, item ornatu stellæ majori indicari possunt. Quæ cum magno stare nequeat pretio, multum tamen ad academiarum commoda & virtutum incitamenta in iisdem conferre possent, si non nili merentibus sponte darentur, nec ullo auro comparari, ullove favore emendicari possent, sed per judices callentissimos pro gradibus virtutum decernerentur. Si tamen largiori honorario fruantur professores, obligari quoque possunt, ut quoties legitimi impedimenti ratio id permittit, vicario legitimo suas tradant partes obeundas, haud secus fere ac in sacerdotum functionibus id receptum est. Neglectum vero horarum ipsi auditores, inprimis alumni nuntiare illi obstringi debent, cui illa inspectio est demandata. Improvisa visitatio prælectionis, & reddenda ratio propositorum itidem intendit industriam & soliditatem. Reliqua docebunt examina publica speciminaque.

Salmanticae Rectoris est, ut curet, integram horam a catholicis professoribus prælegi, quorum singulos ideo singulis tribus mensibus invisit, hique ni præstent quod debent, multantur, teste *Maldenlorpio P. II. p. 431.* Oxonii Professores obligantur, dum legitime impediuntur, consensu Procancellarii suas

suas alii vices delegare. Vid. *Benthamii Engell. Kirch. und Schul. len. Staat* p. 342. Vbi vero exiguo honorario gaudent Professores, ibi sic adstricti esse nequeunt. Sufficit ergo si æquitatis ratione habita, tantum supina coerceatur negligentia, verbis, minis, aut multa æqua, aut illis nihil proficientibus, remotione (§. 915. P. VIII. *Jur. nat.*). Præterea condonandum est, quod parum cavere valet natura.

## §. 397.

*Uti virtutes  
studioforum  
sint perfici-  
enda?*

Præter diligentiam probi quoque mores excolendi, virtutesque morales studioforum in academiis scholisque sunt perficiendæ (§. 395. seq. & 436. P. VIII. *Jur. nat.*). Quam obrem ut jure *seminaria* dici possint *reip.* in quibus rite educantur cives futuri in quovis vitæ genere, non magis curandum est, ut præceptores professoresque sint habiles ad docendum (§. 390.) diligentesque in obeundo munere suo (§. 394.), quam ut, propter magnam exemplorum vim in moribus formandis (§. 281. seqq. P. II. *Phil. pract. univ.*), præceptores professoresque bonum exemplum auditoribus & discipulis suis præbeant in omni genere virtutum. Proinde in eligendis formatoribus juventutis magna quoque sollicitudine scrutandi sunt eorum mores, uti (§. 390. & 396.), ne eorum pravitate juvenus plus corrumpatur, quam in literis erudiatur. Quare nec impunis esse debet degeneratio eorum, qui antea rectius aut rectius tantum se gesserant; sed si mitioribus modis corrigi nolint a sparta sua erunt removendi. Præterea cavendum quoque est diligentissime, ne aliunde irreat morum perversitas & malitia invalescat. Abstinenti ergo sunt a pravo consortio cum aliorum hominum tum & ipsorum studioforum perditorum. Quem in finem & convincendi sunt de vitiorum turpitudine, pœnaque Dei non effugienda unquam, si vel humana interdum eludatur; & adjungendi sunt consortio bonorum quorumque. Quando id consultum est



ac fieri commode potest; subjungendi sunt comilitonibus ephor-  
 ris perpetuisque contubernalibus & veluti tutoribus, paren-  
 tum vicariis, donec satis confirmati in virtutibus & se ipsos  
 regere, & aliis præesse possint. Quæ uti parentum cura pro-  
 videnda sint, dictum est, in œconomiis; cui hic accedere de-  
 bet autoritas publica, illud parentum officium & exigens, ubi  
 opus (§. 431. P. VIII. *Jur. nat.*), & adjuvans, sublevans, con-  
 summansque (§. 429. *ibid.*).

De Salmanticensi Academia refert *Middendorpius* P. II. p.  
 435. ibi magistrum Scholæ, quem dicunt Procancellarium, dili-  
 gentissime attendere, ut si quem primum in vitia, vel in turpes  
 jocos, aut in ludos taxillorum aut chartarum esse compererit,  
 hunc primum objurget; sin pergat, in custodiam conjiciat, in  
 qua diu detento maxime profuisse hanc pœnam re ipsa compro-  
 batum est. Præterea studiosi ibi in collegiis, velut in studio-  
 forum cœnobiis degunt, communi utuntur convictu, suoque  
 rectori quisque obedit. Eadem instituta tenent academiæ an-  
 glorum, ut alias commemorare nihil attinere videatur. Sunt  
 ibi singulis studiosorum cœnobiis sui non tantum præfecti, sed  
 & socii vel tutores singulorum adolescentum juvenumque, quo-  
 rum regimini privato subsunt, donec ipsi gradu seu facultate  
 alios docendi regendique sint donati. Tutor enim & ipso gra-  
 du pollet ob eruditionem probitatemque, & si degeneravit, offi-  
 cio tutoris a procancellario exuitur, postquam mulctæ frustra  
 præcessere. Neque quisquam studiosorum ex uno cœnobio vel  
 ejectus ob maleficia, vel sponte abiens in aliud recipitur sine  
 testimonio illius præfecti. Vid. *Bentham. l. c. p. 338.* Sapiunt  
 illa ritum & morem monasteriorum. Quantum vero profici-  
 ant, & an externæ disciplinæ sat agentes interiorem virtutis  
 cultum æque capestant, meum non est indagare. Si hoc simul  
 curetur & quidem potissimum, externa illa adjumenta laude  
 sua non erunt defraudanda. Neque multum distonat id institu-  
 tum a parentum officio, domi suæ observando, ubi liberorum  
 mores similiter fingere, & intendere omnibus liberis debent, ne a  
 (*Wolffii Politica* P. II. S. III. C. I.) U u u quo-

quoquam corrumpantur, donec per se sibi cavere atque prospicere didicerint. Ubique tamen infirmitatis humanæ & ætatis juvenilis ratio habenda curare jubet, ne quid nimis.

§. 398.

*Vti eorum*

*inopia suble-*  
*vanda, qui id*  
*mereantur.*

Cum curandum sit in civitate, ut liberi absque sumtu parentibus oneroso in iis instituantur, quorum notitia ipsis est necessaria utilisque, & ne negligantur illi, quorum parentes sumtus necessarios suppeditare nequeunt (§ 429. P. VIII. Jur. nat); cum imprimis illi, qui ad certum vitæ genus aptiores sunt reliquis, adjuvandi sint omni modo, ut idem sequi, & præclari quidpiam in eo præstare possint, parum apti vero ab eodem arcendi (§ 428. *ibid.*): Opera quoque danda est in scholis academiisque publica auctoritate, ne parum apti ad literas, nisi rationes singulares id suadeant ipsorummet tantum aliquatenus excolendorum causa, admittantur, vel admissi degenerantes in iisdem retineantur. ideoque hi tantum, quorum explorati subinde profectus moresque bene sperare ipsis jubent, verorum studiosorum loco habeantur; sed cæteri, vel inter vulgus academicum aut literatum ponantur, vel & ab hoc tanquam pecus scabiosum aut inutile arceantur atque ad aliud vitæ genus, cui aptiores sunt, trahantur (§. 315). Neque minus opera danda est, ut inopes id merentes alium fiant seu publici seu privati, ideoque hospitio convictuque gratuito utantur, ad eo majorem diligentiam & virtutem obligandi; vel stipendiis privatorum, legatis ad pauperum dignorum studia sublevanda, nec nisi indignos collatis, alantur pariter ac erudiantur (§. 381). Quod si experti sunt, gratæ mentis officiis satisfacere studeant, uti par est (§. 454. seqq. P. V. Ethic).

Quando antiqua pia legata non sufficiunt, subinde novis sunt augenda, ut omne studiorum genus in civitate promoveatur nec inopia sistatur. Oxonii & Cantabrigiæ partim regis, partim Epi-

Episcoporum, Magnatum, & locupletum virorum viduarumque sumptibus & legatis non tantum constructa sunt splendida collegia Saxea, sed & sic dotata, ut utrobique ultra mille eruditos, partim gradibus ornatos, Præfecti locios, partim studio os honeste sustentent ac omni apparatu commoditatis recreent. Præter quos plures duobus millibus, duplo major numerus eorum, qui suis sumptibus literas colunt, isdem utuntur cœnobiorum commoditatibus opportunitatibusque, omnique coquorum, & servientium genere, ad fidem & diligentiam adstricto, una cum gratuitis gaudent. Neque hoc tantum, sed ad sunt quoque legatis, in eum finem destinata, ut quorum necessitas mutuatam postulat pecuniam, ea sine usuris haberi possit ex istis veluti arariis studiosorum, modo securitati sortis & redditionis satis caveant. Nec datur fere Academia veri nominis, in qua non essent alumni, partim publici, qui a fisco regio, aut ærario loci publico, vel ordinibus civitatis aut omnibus, aut quibusdam, sustentantur, foveantur, erudiuntur; partim privati, qui ex legatis privatorum seu benefactorum donis habent, unde in academiis subsistant, studiaque absolvant. Multis quoque gratuitus datur ad recitationes privatas aditus, ut beneficio Professorum privatim quoque gratis doceantur, quas discere cupiunt disciplinas.

Aequum est, ut qui publico ære studia academica tractare & absolvere potuere, grati sint erga remp. eidemque suas operas, si illis indiget, præ cæteris consecrare studeant; neque tamen ideo deteriori conditionis esse cogantur, sed pari fere conditione gaudeant, ac alibi, quorsum expetuntur, gaudere possent. Multo minus igitur ex meliori conditione, qua potiti sunt, antequam ipsis egeret sua civitas, aut academia, qua sunt enutriti, evocandi sunt ad deteriores suisque eruditionis dotibus & copiis indignum. Si vel pacto adstricti essent ad sequendum benefactorum vocationem, subaudiendum tamen esset, æquam, neque præsentis constantique eorum sorte multo deteriorem. Nemini enim officium suum esse debet damnosum. Est quoque pietatis eorum, qui vel privatis stipendiis educati sunt atque eruditi,



ut gratæ mentis memores sint erga suos benefactores & beneficiorum administratores, & vel ipsi, quando possunt, piæ causæ refundant accepta cum quodam fœnore; vel aliorum beneficentia augere pia legata studeant.

## §. 399.

*Procuranda  
in academiis  
cetera studi-  
orum adju-  
menta.*

*Procuranda quoque sunt in academiis liberalitate seu publica seu privata, reliqua studiorum academicorum adjumenta genuina.* Recto-ri enim civitatis providendum est, ne desit rerum ad vitæ necessitatem, commoditatem jucunditatemque facientium copia singulis sufficiens officio suo satisfactoris (§. 420. P. VIII. Jur. nat.). Quocirca eadem una in academiis quoque ob oculos habenda. Sed in ejusmodi rerum censum utique veniunt quævis genuina studiorum academicorum subsidia & adjumenta. Quæ cum magnis indigeant sumtibus, æque ac ædificia alia academica (§. 320.), liberalitate vel publica vel privata erunt procuranda. Hujusmodi vero adjumenta sunt 1) Bibliothecæ publicæ, in studiosorum usus ita patentes, ne detrimentum ex eorum culpa vel dolo patiantur. Ad has non libri tantum requiruntur ex omni scientiarum & artium genere præstantiores carioresque, sed quoque armaria, ædificia apta, & alendi Bibliothecarii 2) Musea sistencia rerum naturalium artificialiumque rariora & cognitu digniora, non sine ingenti sumtu comparanda, ut exemplari earum cognitione imbuantur, qui ea egent eruditi. Huc etiam pertinent numophylacia, & antiquitatis monumenta insigniora, uti Oxonii marmora Arundeliana &c. 3) horti medici vel botanici, res vegetabiles, quæ sponte circa academias non nascuntur, nec in hortis privatorum coluntur, & tamen ob vires & usus insignes cognosci exactius merentur, in statu vivo exhibentes. 4) theatra anatomica, ubi dissectio corporum humanorum, vita functorum, vivorumque brutorum institui cum plurimorum fructu possit.

5) Laboratoria chemica. Palæstram, Amphitheatrum scenicum, orchestram saltandi magistrorum, circum equitatorium, xystos, porticus & similia prætermitto, quæ in abusu studiorum sunt impedimenta, & vel in recto usu aliorum potius habituum, quam studiorum adjumenta dici merentur.

Quando genuina hic dico studiorum adjumenta, spuria illa removeo, quæ olim invaluerant, Nugas puto initiatorias & penulimum, & quæ sunt alia generis ejusdem. Initiationem academicam sunt qui in Atheniensi Academia usitatam perhibent, *εφεσχηλια* ipsis dictam, excusantque quidquid ineptiarum scholasticæ illi exagitationi (vulgo depositioni) intervenit, more aliorum rituum circa novitios equites, mercatores, artifices opificesque initiandos. Sic olim *Gregor. Nazianzenus in Basilii ratione funebri* loquitur : insano quodam erga sophistas studio athenis tenentur quam plurimi & politissimi adolescentes . . . Cum juris quispiam accessit, atque in eorum manus venit, tum arctica hæc illis consuetudo est, ludusque rei seriæ admixtus. Primum apud eorum aliquem, qui priores ipsum arripuerint, hospitio excipitur, vel qui sophistices artem apprime callent, ac lucra magistris conciliant, eoque nomine apud eos in summo honore ac pretio sunt, quandoquidem illis mercedis loco est, habere qui ipsorum commodis studeant. Deinde a quolibet cavillis lacebitur. Quod quidem, ni fallor, eo faciunt, ut novitorum animos contrahant, atque a principio ipsos in potestatem redigant. Lacebitur autem ab aliis audacius, ab aliis eruditius, prout ille vel rusticis & ineptis est moribus, vel urbanitate præditus. Atque id ignavis quidem horrendum valde & inhumanum videtur, iis autem perquam jucundum & suave, qui hoc prius norunt. Amplior est enim hæc minarum ostentatio, quam res ipsa. Tum per forum ad balneum cum pompa deducitur. &c. mox subjeit, Basilium ob singularum eruditionem hac vexatione fuisse solutum. *Becmannus in Politica parallela p. 518.* docet, Francofurti *Geo. Wilhelmm*, Electorem, Hungaros, ratione ætatis habita, singulari privilegio ab ista initiatione absol-

viffe. Hæc brevi tempore abfolvebatur vexatio, unico vel dimidio die, & plurimum differebat in diverfis academis. Sed longior multo & durior ejus gradus erat Pennalifinus, de qua ludicra & in exceffum vergente difcepratione videatur *Dornavii Amphitheatrum fapientie focraticæ*, ubi & de Beamanismo exponit. Sed ob exceffum enormem Jenæ admiſſum 1644. pennaliſmus ibi interdictus & in Germania ob ingentes abuſus ſingulari principum conſenſu 1660, plene abrogatus fuit. Ex qua abrogationem *Beckmannus* ſuo tempore alia nata eſſe incommoda ſubinnuit l. c. quæ aliis inde ſeda relinquit. Sed iſta aliunde potius, quam ex abrogatione nugurum proveniſſe, & aliter tolli rectius poſſe, nemo inſitias ibit.

## §. 400.

Ratio acad-  
emias con-  
ſervandi.

Conſervandis academiis inſervit perpetuatus in civitate literarum virtutumque cultus honorque; continuatio & amplificatio reddituum, unde tam docentibus conſulatur quam diſcentibus cæterisque inſtitutis neceſſariis proficiſque; ſtudique & animi docentium & diſcentium a depravatione avocatio amotioque. Etenim in academiis nobiliores artes & ſcientiæ, quæ proſtant, & inſignem præſtitere utilitatem, docentur (§. 329.). Quæ ſingulæ tanta reip. comoda aſſerunt, ut pari fere dignitate ratione ſummi, quem capiunt, honoris cenſendæ ſint (§. 344. ſeqq.) Eorum quoque honoraria ſic ſunt inſtituenda ut honeſte inde alantur cum ſua familia (§. 393.) Quæ cum ſint externa illa invitamenta, quæ civitas ad culturam mentis capeſſendam præſtare poteſt debetque (§. 313.): patet, ad conſervandas academias omnino facere perpetuum in civitate literarum virtutumque cultum honorem fructumque. Quem ſi civitas perpetuare ſtudet, ſimul conſervandis academiis ſtudet.

Quia juſtum eſt, ut Profeſſores pro operis reip. dicatis indemnes præſtentur, eorumque fortunæ pro meritis augeantur (§. 393.): curandum quoque eſt, ut eorum minervalia manean-  
manean-



maneant salva, & propter detrimenta, quæ sæpe evitari nequeunt, & aucta rerum pretia amplificentur. Cumque & inopes studiosi alendi sint communi sumtu, & tum in hunc usum, tum in alia commoda academix variis opus sit ædificiis conservandis & reparandis, aliisque institutis supra memoratis: negari nequit, redditus academicos non continuandos tantum, sed & subinde augendos esse, si conservari debeant academix nec sensim labefactari.

Inprimis indefessum fervere in academiis debet studium & Professorum in docendo & studiosorum in discendo, quod munus academiarum est præcipuum (§. 395. *seqq.*). Idcirco amovenda sunt diligenter cuncta, quæ vel impedire indefessum illud studium, vel ab eo avocare, aut illud paullatim diminuire tandemque extinguere possunt. Si ergo conservari, non collabesceri & perire debet academia, opera danda est, ut removeantur omnia diligentix in docendo discendoque avocamenta & venena, arque quantoeyus in primordiis exterminetur tollanturque.

Dantur quidem & aliæ causæ, quibus Academiae evertuntur quæ vero ideo non commemorandæ fuerunt, quia humana ope majores sunt, atque evitari nequeunt. Vbi sunt antiquissima Sapientum Scholæ & Academiae olim celeberrimæ? Aegyptiorum privilegia obstabant quo minus ipsorum agri vel in summa Septennii penuria & annonæ defectu ipsis eriperentur *Genes.* XXXVII, 22. quorum sapientia imbutus fuit Moyses *Actor.* VII. 22. quam tamen ipse superavit & Salomo *Reg.* IV, 29. 30. Vbi Kiriath Sepher, & Abel? Vbi Chaldeorum, Babyloniorum & Persarum Sacraia Musarum & archimagorum, in quibus Astronomia nata, multaque alia, quæ Daniel, Xenophon, Diodorus alique enarrant? Ab his Pythagoras, Plato alique Græci sua hausserunt Scientiarum primordia, deinde longe lateque diffusa. Sed ubi Atheniensium Academia,

demia, lyceum, porticus, pœcile, Prytanium, Tempe, Cynolargicum? Vbi Spartanum illustre Gymnasium, Corinthiorum *ῥεαγίων*, Rhodiorum Gymnasium celeberrimum, Cretensium Academia, Carthaginiensium officinæ Philosophorum, Cyrenensis, Tarsensis, Berytensis, Constantinopolitana aliæque academix, olim inclutæ & privilegiis munitæ? Nonne alias terræ motus, alias bellicæ clades & everfiones, alias superstitiones & odium contemptusque literarum pessumdedere?

Si quædam interiere academix antiquæ, aliæ tamen adhuc durant, & novæ alibi sunt natæ, uti patebit, si præcipuas paucis serie literarum recenseamus.

*Tabula Academica*, quæ primum Lugduni Batavorum anno 1736. deinde limatior Göttingæ anno 1741. tertio Londini longe correctior & locupletior in forma patente prodijt. Littera *A.* Academiam Augustanæ Confessioni addictam, *P.* Pontificiam, *R.* Reformatam denotat. Priores Numeri annum foundationis indicant, eumque sæpe diversum; posterior autem uncinulis inclusus ( ), emendationis vel restaurationis annum significat. Et quanquam *tabulam* hanc *academicam Londinensem* paulo correctiorem pleniorumque exhibeo, non potui tamen in his omnia ad liquidum perducere, uti optassem; partim propter silentium autorum, partim propter dissensum. Sequantur jam urbes Academiis suis inclutæ:

Aberdena, Aberdonia, *Aberdeen*, in Scotia, R. 1480, 1500. (1510.); Aboa, *Abo*, in Finnia, A. 1640.; Abula, *Avila*, in Castilia veteri, P. . . . Altorfium, *Altorff*, in Franconia, A. 1575, 1576. (1581. 1627. 1697.); Andegavum, Juliomagus Andium, *Angers*, in Ducatu Andegavensi, P. 1395. 1398. (1685.) Andreadopolis, Sancta Andrea, *St. André*, *St. Andrews*, in Scotia, R. 1412.; Aquæ Sextiæ, Urbs Aquensis, *Aix*, in Provincia, P. 1409. (1603.); Arausio, *Oranien*, *Orenge*, in Provincia, P. 1365. Argentina, Argentoratum, *Strasbourg*, in Alsatia inferiori, A. 1538. 1566. (1621.); Avenio, Avenio Civarum, *Avignon*, in Provincia, P. 1303.; Augusta Taurinorum, Taurinum, *Turin*, *Turin*,  
no,

no, in Pedemontio, P. 1404. 1490. (1720.); --- Trevirorum, Treviris, *Trier*, in Archiepiscopatu Trevirensi, P. 350. (1456.); Aurelia, Aurelianum, *Orleans*, in agro Aurelianensi, P. 1305. 1312.; Bambergæ, *Bamberg*, in Franconia, P. 1585. Larcino, Bircinona, *Barcelona*, in Catalonia, P. 1500. Batlea, *Batfel*, in pago Basileensi, R. 1459. 1490. Leacia, *Batza*, in Vandalicia, P. 1538. Bituriges, Biturgium Avarici, *Bituricæ*, Biturix, *Bourges*, in Ducatu Bituricensi, P. 1236. 1465., Bononia *Bologna*, in agro Bononiensi, P. 426. 790. (1536.); Bostonia *Boston*, in America, R. . . . Burdigala, *Bordeaux*, in Aquitania, P. 340. 1442. (1473. 1573.). Cadomum, Cadomus, *Catin*, in Normannia, P. 1437. (1452.) Cadurecum, Divona Cadurecorum, *Cahors*, in tractu Cadurcensi, P. 1320. 1332.; Casar Augusta, *Caragoca*, *Saragossa*, in Regno Aragoniæ, P. 1519. (1584.) Calaris, *Cagliari*, in Sardinia, P. . . . Cantabrigia, *Cambridge*, in Anglia orientali, R. 1320.; sæculo tamen nono jam in justam Academiam excrevisse videtur. Cassovia, *Caschau*, in Hungaria superiori, P. . . . Cervaria, *Cerbera*, in Catalonia, P. 1717. Colonia Agrippina, Colonia Ubiorum, *Cöln*, in Archiepiscopatu Colonienfi, P. 1388. --- Allobrogum, Geneva, *Geneve*, *Genf*, in tractu Genevensi, R. 1535. (1559.); Complutum, *Alcala de Henarez*, in Castella Nova, P. 1515. (1517.); Compostella, *Sant Jago di Compostella*, in Regno Galliciæ, P. 842. 1570. Conimbria, Conimbrica, *Coimbra*, in Lusitania, P. 1279. 1290. (1469. 1548.) Constantinopolis, 425. cum urbis excidio extincta. Constantia. Vid. Friburgum. Cracovia, *Cracau*, in Palatinatu Cracoviensi, P. 1364. (1400.); Cremona, in Italia, P. 1413. Culmum, *Culm*, in Borussia superiori, P. 1387. Dillinga, *Dillingen*, in Suevia, P. 1549. (1564.) Divio, Divionum, *Dijon*, in Ducatu Burgundiæ, P. 1723. Divona Cadurecorum. Vid. Cadurecum. Dola, *Dole*, in Comitatu Burgundiæ, P. 1426. (1484.) Dorpatum, *Dörpath*, *Dörpt*, in Livonia, A. 1632.; hæc academia translata Pernaviam 1699. Duacum, *Donay*, in Flaudria Gallica, 1562. Dubhnum, Eblena, *Dublin*, in Hibernia, R. 1320. (1591.) Duisburgum, Teutoburgum, *Duisburg*, in Ducatu



catu Clivenſi, R. 1655. Eblena. Vid. Dublinum. Eborā,  
 Eburia, *Evora*, in Provincia Tranſtagana, P. 1514. Edenbur-  
 gum, *Edenborrow*, *Edinburgh*, in Scotia, R. 1582. Erſfordia,  
 Erphordia, *Erfurt*, in Thuringia, A. 1392. Erlanga, *Erlangen*,  
*Chriſtian-Erlangen*, in Marggrafiātu Baruthino, in Franconia,  
 A. 1743. Ferrara, *Ferrara*, in Ducatu Ferrarienſi, P. 1316.  
 1391. Firmum, *Fermo*, in Italia, P. 1305. (1585) Florentia,  
*Fiorenza*, *Firenze*, *Florenz*, in magno Hetruriæ Ducatu, P. 1438.  
 (1460. Francofurtum ad Oderam, vel Viadrum, *Frankfurt an*  
*der Oder*, in Marchia media Brandeburgenſi, R. 1506. Frane-  
 quera, *Franckker* in Friſia R. 1585. Friburgum, *Freyburg*, in  
 Briſgovia, P. 1460. 1467. (1472.); hæc Academia deportata  
 Conſtantiam 1673. Fulda, *Fulde*, in Circulo Rhenano ſuperiori,  
 P. 1734. Gandia, in Hiſpania, P. . . . Geneva. Vid. Co-  
 lon. Allobr. Gieſſa, *Gieſſen*, in Haſſia ſuperiori, A. 1607.  
 Glaſcovia, Glaſcovium, Glaſcua, Glaſcum, *Glaſco*, *Glaſgow*, in  
 Scotia, R. 1453. (1577.) Gortinga, *Göttingen*, in Electoratu  
 Brunſv. Luneb. A. 1734. (1737.) Gracium, *Gratz*, in Stiria  
 inferiori, P. 1576. Granata, *Granada*, in regno Granadenſi, P.  
 1506. Gratianopolis, *Grenoble*, in Delphinatu, P. . . . Grips-  
 waldia, *Greifswald*, *Grypswalde*, in Pomerania citeriori, A.  
 1456. (1547.) Groninga, *Gröningen*, in Provincia Groningenſi,  
 R. 1614. Hafnia, *Copenhagen*, *Kiöbenhavn*, in Dania, A.  
 1478. (1690.) Hala Magdeburgica, Hala Saxonum, *Halle*, in  
 Ducatu Magdeburgico, A. 1693.; Harderovicum, *Harderwyk*,  
 in Velavia, R. 1648. (1692.); Heidelberga, *Heidelberg*, in Pa-  
 latinatu inferiori, R. 1346. 1386.; Helmſtadium, *Helmſtadt*,  
 in Ducatu Brunſuicenſi, A. 1567 (1745.); Herbipolis, *Würz-  
 burg*, in Franconia orientali, P. 1403. (1585.); Hiſpalis, *Se-  
 villa*, in Regno Vandalitiæ, P. 990. Iena, *Jena*, in Thuringia,  
 A. 1558. Ilerda, *Lerida*, in Catalonia, P. 1300. Illergetum,  
 Oſca, *Hueſca*, in Regno Aragoniæ P. . . . Ingolſtadium, *Ingol-  
 ſtadt*, in Bajoaria, P. 1410. 1472. (1501. 1540.) Kilonia,  
 Chilonium, *Kiel*, in Ducatu Holſatiæ, A. 1666. Lauſanna,  
*Laufanne*, in Helvetia, R. 1536. 1539. Leida, Lugdunum Ba-  
 ravo-

tavorum, *Leyden*, in Hollandia, R. 1575. *Lerida*. Vid. *Ilerda*.  
*Lima*, in America, P. 1621. *Lipsia*, *Leipzig*, in Misnia, A.  
 1409. *Londinum* Seanorum, *Lundis*, *Lunden*, in Scania, A.  
 1668. *Lovanium*, *Leuven*, in Brabantia, P. 1426. *Lugdunum*,  
*Lyon*, in Præfectura Lugdunensi, P. 830. *Lutetia Parisiorum*,  
*Parisi*, *Paris*, in Francia Insula, P. 791. *Macerata*, in Ita-  
 lia, P. 1290. (1540. 1589.) *Majorca*, *Mallorca*, in Insulis Bal-  
 nearibus maris mediter. P. .... *Mantua*, *Mantua*, in Italia,  
 1625. *Marburgum*, *Marburg*, in Hassia superiori, R. 1526.  
 (1541.) *Mediolanum*, *Meyland*, in Ducatu Mediolanensi Italiae,  
 P. .... *Messana*, *Messina*, in Regno Sicilia, P. 1548. *Mexicum*,  
*Mexico*, in America, P. .... *Moguntia*, *Moguntiacum*, *Maynz*,  
 in Archiepiscopatu Moguntino, P. 1482. (1561.) *Molshe-*  
*mium*, *Molsheim*, in Alsatia, P. 1618. *Mons pessulanus*, *Mons*  
*pessulus*, *Montpellier*, in Occitania inferiori, P. 1196. *Mussi-*  
*pontum*, *Pont à Mousson*, in Lotharingia, P. 1572. *Mutina*,  
*Molena*, in Ducatu ejusd. nominis, in Italia, P. sæculo XIII.  
 condita videtur. *Nannetes*, *Nantes*, in Britannia superiori,  
 P. 1460. *Neapolis*, *Napoli*, in terra Laboris, P. 1224. *Ne-*  
*maulum*, *Nismes*, in Occitania inferiori, R. 1533. (1682.)  
*Oenipontum*, *Innsbruck*, in Comitatu Tirolensi, P. 1677. *Olmuc-*  
*ium*, *Olmuz*, in Moravia, P. .... *Onata*, *Onnatum*, *Ognata*,  
 in Cantabria, P. .... *Oriola*, *Origuella*, in Hispania, P. ....  
*Ortesium*, *Ourtes*, *Orthez*, in Gallia, R. ... *Academia* hica Joana-  
 na Navarra Regina condita non diu duravit. *Osea*. Vid. *Iller-*  
*getum*. *Osnabruga*, *Osnabrugum*, *Osnabrück*, in Westphalia, P.  
 1630.; *Ossuna*, *Orsina*, *Ursò*, in Regno Vandalitiae, P. 1549.;  
*Ovetum*, *Oviedo*, in Asturia, P. 1580.; *Oxonia*, *Oxonium*, *Ox-*  
*furt*, in Anglia, R. 883. *Paderborna*, *Fontes Paderae*, *Pa-*  
*derborn*, in Westphalia, P. 1616. *Pallantia*, *Palencia*, in regno  
 Legionensi, P. .... *Pampelona*, *Pamplona*, in Navarra, P. 1205.  
 hæc Academia Salamancam delata, 1239. *Panormum*, *Palermo*,  
 in Sicilia, P. .... *Papia*, *Ticinum*, *Pavia*, in Ducatu Mediola-  
 nensi, P. 792. (1361.) *Parisi*. Vid. *Lutetia Parisiorum*. *Parma*,  
*Parma*, in Ducatu Parmensi, P. 1599. *Patavium*, *Padua*, in agro  
 Pa.

Patavino, P. 791. (1222.) Pernavia, *Pernau*, in Livonia, A. 1699.  
 Perpinianum, *Perpignan*, in Comitatu Ruscionensi  
 in Citalonia, P. 1349.; Perusia, *Perusium*, *Perugia*, in Ducatu  
 Urbino, P. 1290. (1307.); Petroburgum, *Petropolis*, *St. Pe-*  
*tersburg*, in Ingrida, 1724. (1748.) Pictavium, *Augustoritum*,  
*Poitiers*, in Provincia Pictaviensi, P. 1431. Pifæ, *Pisa*, in tractu  
 Pisano, P. 1339. (1487. 1543.) Praga, *Prag*, in Bohemia, P.  
 1357. 1360. (1512.) Regiomontum, *Mons regius*, *Königs-*  
*berg*, in Porussia Brandenb. A. 1544. Rhemi, *Reims*, in Campa-  
 nia, P. 1545. Rintela, *Rintelium*, *Rintelu*, in Comitatu Schauen-  
 burgico, A. 1621. Roma, *Rom*, in Italia, P. 1303. (1432. 1513.  
 1740.); Rostochium, *Rostock*, in Ducatu Megapolitano, A. 1419.  
 Salernum, *Salerno*, in regno Neapolitano, P. condita seculo  
 XIII. Salisburgum, *Salzburgum*, *Salzburg*, in Archiepiscopatu  
 Salisburgensi, P. 1617. (1626.) Salmantica, *Salamanca*, in re-  
 gno Legionensi, P. 1240. (1404.) Salmurium, *Saumur*, in Du-  
 catu Andegavensi, R. 1604. Sedanum, *Sedan*, in Campania, R.  
 1592. Seguntia, *Signenza*, in regno vet. Castellæ, P. 1573. Se-  
 na, *Siena*, in agro Senensi, P. 1330. (1387. 1530.) Sora, *Sora*,  
 in Dania, A. 1623. (1747.) Stanfordia, *Stanford*, in Comitatu  
 Lincolnensi in Anglia. Regnante Eduardo III. cœpta hic Aca-  
 demia & bonarum litterarum professio, sed mox expiravit.  
 Tarracona, *Tarraconum*, *Tarrasona*, in Regno Aragoniæ, P. 1572.  
 Taurinum. Vid. Augusta Taurinorum. Ticinum. Vid. Papiæ.  
 Tigurum, *Zurch*, in Helvetia, R. .... Tolerum, *Toledo*, in Ca-  
 stilia nova, P. 1517. (1580.) Tolosa, *Toulouse*, in Occitania  
 superiori, P. 804. (1228.) Tortosa, in Catalonia, P. .... Tra-  
 jectum ad Rhenum, *Utrechtum*, *Utrecht*, in Provincia Ultra-  
 jectina, R. 1636. (1639.) Treviris. Vid. Augusta Trevirorum.  
 Tubinga, *Tübingen*, in Ducatu Wirtembergensi, A. 1477. Tyr-  
 navia, *Tyrnau*, in Hungaria superiori, P. 1635. Valdolet-  
 rum, *Vallisoletum*, *Valadolid*, in Castilia veteri, P. 1346. Valen-  
 tia, *Valencia*, in regno Valentia, P. 1470. (1586.) Valentia, *Pa-*  
*lence*, in Delphinatu, P. 1651. Venetiæ, *Venedig*, *Venise*, in Ita-  
 lia. P. Circa medium Sæculi XV. Lyceum hoc inclarescere cœ-  
 pit.



pit. Verona, *Verona*, in Italia, P. .... Vesontio, *Besançon*, *Bezanx*, in Burgundia superiori, P. .... Vienna, *Vindobona*, *Wien*, in Austria inferiori, P. 1237. (1365.) Vilna, *Wilna*, in Lithuania, P. 1579. Viteberga, *Leucorea*, *Wittenberg*, in Electoratu Saxoniae, A. 1502. Ultrajectum. Vid. Trajectum ad Rhenum. Vptalia, *Uppsala*, in Suecia, A. 1277. (1595. 1624.) Vratissavia, *Budorgis*, *Breslau*, in Silesia inferiori, P. 1702. Vrbinum, *Urbino*, in Ducatu Urbino in Italia, P. 1671.

## §. 401.

Florentis scholarum academiarumque status conservandi causa *Et autorita-*  
opus est ut autoritate polleant docentes (hoc est ut discentes sciant sal- *tem docen-*  
tem firmiter persuasi sint, docentes muneri suo pares esse, ideoque ea in re *tium.*  
excellere, quam ipsos docent); eamque autoritatem & ipsi promoveant,  
& ipsorum collegæ quicumque. Scholæ enim pariter atque academi-  
æ eum in finem in civitate requiruntur instituunturque, ut  
juventus in illis quam optime & minimo sumtu imbuatur arti-  
bus & scientiis, ad promovendam salutem publicam necessariis  
utilibusque (§. 433. seq. P. VIII. Jur. nat.). Enimvero & ratio  
inculcat & experientia confirmat, non melius doceri res, nisi  
ab illis, qui eas probe vel optime callent, item dono docendi  
gaudent. diligentiam & fidem, quam par est, adhibent, ac  
moribus sese discantibus commendant (§. 436. *ibid.*); nec di-  
scentes lubentius quam eos, quorum dignitas mereri censetur,  
ut ipsorum sententiam sequantur, audire docentes & melius  
proficere in studiis & moribus, quam eorum, qui tales sunt,  
institutione. Quam ob rem cum autoritas docentium posita  
sit in firma discantium persuasione, docentes in iis excellere,  
quæ in docentibus requiruntur & quæ ipsos docent (§. 805.  
*et seq.*): manifestum est, florentem scholarum academiarum-  
que statum non rectius conservari, quam si docentes debita  
vel summa polleant autoritate.

Iam quidem illa autoritas ipsis inde conciliatur, quod publica autoritate electi sunt & constituti in munere docendi. Id ipsum enim, quod a peritissimis viris præferri meruerunt aliis, idem munus ambientibus, persuadere aliis debet, quod in rebus docendis excellent, si eligentes partibus suis non defuere. At quoniam homines decipi & errare atque humani quidquam pati, consueverunt, & quando nihil erroris commissum est in electione, tamen futura prævidere non poterunt, & degenerare interdum hominum animos inopinato compertum est: autoritas publica, qua investiuntur sub auspiciis muneris sui, ipsis sancte & sedulo conservanda est & subinde augenda, quibuscunque par est rationibus actionibusque. Quapropter docentes conservandæ augendæque suæ autoritatis causa, indies suam augere soliditatem & scientiam, novis subinde speciminibus eandem aliis approbare, indefessa diligentia horis suis vacare, donis didacticis rite uti, vanam autem ostentationem gloriationemque, & quidquid indecorum est, in vultu, gestibus actionibusque cæteris vitare, & morum probitate, pietate atque humanitate se omnibus commendare studebunt. Secus enim agendo non risui tantum & contemptui opprobriisque aliorum se exponunt, sed & suam perdunt autoritatem, ipsisque literis apud juventutem aliosque odium pariunt, vilipendium neglectumque.

Quoniam publica institutio plures requirit docentes, sive in disciplinis, sive in eadem scientia arteve, præsertim in academiis (§. 388. seq.), quorum singulis sua esse debet autoritas, ut cum fructu docere possint: docentes invicem se in conservanda augendaque autoritate sua juvare debent, generali se mutuo perficiendi publicamque salutem promovendi officio (§. 613. seqq. P. I. Jur. nat.). Qua propter unusquisque docentium alteri honorem exhibere debet, quem meretur

retur (§. 648. *ibid.*), & operam dare factis dictisque honorificis, ut inter discentes quoque famam, quam meruit, auctoritatemque consequatur & obtineat (§. 650. *ibid.*), cum aliqui alter alterum esset læsurus (§. 689. *ibid.*). Cavere ergo debent docentes ne suam disciplinam laudaturi, alias rejiciant aut vilipendant, ne se jactent & ostendent alios in contemptum & odium adducendo, vel prostituendo; neve existimationi auctoritatisque collegarum quidquam detrahant (§. 871. *ibid.*), ne quidem si alii id prius fecerint (§. 872. *seq. ibid.*). Potius quæ dicta vel facta sunt ita, ut reprehensionem videantur mereri, coram discipulis in meliorem partem interpretari & excusare, quantum fieri potest, æquitatis est (§. 193. & 581. *P. V. Ethic.*). Malum enim malo non est referendum §. 809. *P. I. Jur. nat.*), & si par pari referatur, dissidia & odia & factiones invalescunt, multaue alia mala producant.

Loquimur hic de vera auctoritate quæ peritorum quoque convictionem & scientiam involuit, & tantum eorum discipulorum persuasionem parit, qui sententiam aliorum sequi solent, dum ipsi perspicendæ veritati per se impares sunt. Firma tamen ipsorum erit persuasio, quia fundatur in peritorum convictione, quæ convictio veritate nititur immutabili. Nil ergo eam gignit, nisi quidquid veræ perfectionis nomen meretur. Hujusmodi sunt genuinæ virtutes intellectus voluntatisque. His igitur eminentes verissima pollent auctoritate, quæ & peritorum & imperitorum existimationem laudesque in se convertet, duce ipso illo profectu & fructu, quem experiuntur inde in se redundare discentes. Non confundenda est vera hæc auctoritas, cum applausu seu magno discipulorum numero, qui vanus esse potest, nitens tantum eo, quod discipulis placet in docentibus. Si enim discipuli sunt vitiosi, aut ad prava proni, ipsis similia in docentibus placent. Libidinosi placent libidinosi dicta & facta, ambitiosi blanditiæ erga ipsos ac satyræ, opprobra & vituperia aliorum placent, cum & ipsi alios perstringere ament. Sic sua quemque trahens



trahens voluptas patula quærit, ubi illa reperit, & ea subministranti applaudit. Quod Plinius L. II. Ep. 14. de centumviri judicio scribit: *nunc refractis pudoris & reverentiæ claustris, omnia patent omnibus. . . Sequuntur auditores actoribus similes, conducti & redempti mancipēs. . . . Si quando transibis basilicam & vales scire, quomodo quisque dicat, nihil est, quod tribunal adscendas, nihil quod præbeas aurem: facilis divinatio. Scito, illum pessime dicere, qui laudabatur maxime; idem si de docentibus in academiis dici possit, cœmentis laudi cœnis conquiri auditores, & ubi maximus est auditorum confluxus & applausus, maximus in auditorio risus, ibi pessime doceri sequetur, ibi studium veritatis virtutisque parum curari, aut perisse. Sane si libido carpendi, rixandique docentium transfunditur in mores discipulorum, similes inde nascuntur vitiligatores, alius molesti & prava exempla daturi. Multo igitur rectius autoritas docentium sibi constat, si soliditate virtutum nitatur, mutuoque officio inculcetur stabiliaturque, quam si dissensu inuili & pernitioso laceretur, & sectæ lucri causa alantur. Equidem sentendi libertas docentibus indulgenda, æque ac agendi libertas, sed cavendum utrobique, ne in licentiam turpem vertatur, vitiorum nutricem. Neque difficile erit, hunc fontem pravitaris obturare, si legibus academiæ & veritatis & modestiæ studium docentibus ita inculcetur, ut secus acturi convictique pro meritis sint puniendi; discipulis vero omne factionis dilidique inanis studium prohibeatur sub negata spe promotionis, solis veritatum virtutumque cultoribus genuinis relinquenda. Consentaneum enim est prudentiæ civili, veritatis virtutisque studium juvare, quantum commodè fieri potest, legum civilium obligatione (§. 255. P. I. Polit.). Si punitur quisquis labefactat auctoritatem judicis, cur non & is, qui auctoritatem docentis salutaria præsertim in academiis labefactare non veretur? In auctoritate mutuo tuenda eadem attendi merentur rationes, quæ de tuenda patris matrisque familias auctoritate dicta sunt (§. 806. seqq. Oecon.) cum Professores quoque conjunctim regere debeant studia & actiones studiosorum.*

## §. 385.

Neque minus studendum est docentibus, ut discantium amore Atque directione & fiducia polleant, eamque consiliis, suffragiis, commendatione & beneficiis tueantur. Opus enim est, ut docentes autorem & firmitate gaudeant penes discantes (§. 401.). Sed auctoritatem illuduciam. lam juvat & conservat augereque discantium amor, dilectio & fiducia, quemadmodum ex eadem gignuntur (§. 645. & 804. seqq. *Psychol. empir.*), aut quemadmodum fructus arboris, postquam ex eadem nati sunt, illam juvant, ornant & semine propagant. Studendum ergo est augendæ auctoritatis causâ, ut docentes sibi adquirant discantium amorem, dilectionem & fiduciam. Pariter & discantium perficienda scientia & felicitas postulat, ut docentes ipsorum eruditioni & saluti non doctrina tantum consulant, sed & quibuscunque possunt aliis actionibus, utpote consiliis, quibus juvari possint vel in studiis debite tractandis, vel in aliis rebus, suffragiis ipsorum causâ rite ferendis, commendatione ipsis profutura, testimoniis, quæ merentur, & beneficiis, quibus possunt, tribuendis. Quam ob rem Professores recte constituuntur administratores beneficiorum & stipendiorum variorum pro studiosis institutorum. Quibus efficitur, ut non nascatur tantum erga Professores, item præceptores, amor, dilectio & fiducia discantium, sed & augeatur ac perpetuetur.

Neque tamen sic captandus est auditorum cæcæ applausus, ut aliorum inde fluat odium & vilipendium immeritum. Quod cum nemo sibi fieri vellet, neque erga alios est moliendum, quocumque id fiat artificio & obrentu. Inde laudari nequit eorum mos, qui dissidium qualecunque si non in rebus saltem in verbis excogitant, ut habeant, quo se meliora docere, quam alii, imperitis utcunque persuadeant, gratiam ipsorum aucupaturi. Est eo pejus istud cacoëthes, si invidia tendat ad famæ vitæque discrimen fidei accusationibus afferendum bene meritis, ut triumphare aliquamdiu possint de victoriâ, obliquis viis fraudibus.

busque parta, sed posthac in perpetuam eladem & ignominiam abitura. Neque labis expertus manet eorum fama, qui imponi sibi & fucum fieri patiuntur, ut instrumenta evadant satiandi pravos delictorum & instigatorum affectus. Quod rectiori edoctos non potest non pœnitere & pudere; defunctorum autem famæ notam inurit perennem. Tale ergo aucupium amoris & applausus auditorum a recto tramite longissime aberrat.

## §. 403.

*Modus discen-  
tium  
profectus  
amplifican-  
di.*

*Ut discentes doctrinas avide hauriant, probe intelligant retineantque, opus est, ut ordine clare distincte soli seque doceantur, examini usque & disputationibus tradita promte reddendi ac defendendi habitum adquirant. Quoniam præpostere discentes non tantum difficilior & cum inutili temporis ac soliditatis dispendio discunt, vel nimium se obruendo ingenium confundunt, saniorum ipsarumque vitam in discrimen adducunt, tristi experientia teste: legibus academicis optimus discendi ordo, quem ratio dicat & experientia confirmavit dudum, docentibus discipulisque est præscribendus (§ 437 446. P. VIII. Jur. nat.), curandumque ut diligenter observetur, (§. 437. & 446. P. VIII. Jur. nat.) nisi quando eximia ingenii alacritas aliquid amplius indulgendum permittit, instar exceptionis sapientis. Qui ordo ut observari possit, recitationes singularum facultatum ita sunt instituendæ, ut eo tempore, quo plurimi advenire & abire solent, encyclopædia & inchoetur & absolvatur seu a diversis, quando plures adsunt professores, seu ab eodem, si unus tantum adsit & alter, ut quilibet discipulorum integrum systema quam optime absolvere intra definitum triennii aut quinquennii spatium possit.*

Præter ordinem genuinum in docendo juvat quoque profectus discipulorum eorum attentio promota, qua avocanda est mens ab omnibus aliis rebus, & convertendæ omnes cogitationes



tiones ad rem præsentem & quæ de illa docentur. Excitanda ergo est a docentibus attentio discipulorum, cum posita in medio rei docendæ gravitate & utilitate & ignorantia noxa exemplis indubiis, tum clara rerum & distincta explicatione; quarum hæc accuratis definitionibus rite evolutis, illa exemplis manifestis rem inculcat, ut & claritas & evidentia ideis notionibusque rerum tanta concilierur, quanta haberi potest. Ut vero etiam animi de veritate convincantur, opus est, ut ex rationibus indubiis asserta demonstrantur, ubi haberi demonstratio potest; in cæteris probabilior per rationes, quæ pro ipsa faciunt graviores, iis quæ ipsi obstant, esse ostendatur ea sententia, quæ statuitur, quam aliæ, quæ rejiciuntur. Quia veritas conclusionum pendet ex veritate præmissarum, earumque necessario ad inferendum nexu (§. 537. & 353. *Logic.*), & probatio probabilis a demonstratione non differt, nisi principiis (§. 508. *ibid.*): ad convictionem requiritur, ut a docentibus vel a priori per notiones extremorum vel a posteriori per exempla ostendatur veritas præmissarum & convenientia syllogismi cum regulis suæ formæ, & si plures adsint syllogismi, eorum legitima concatenatio (§. 492. *ibid.*). Quod si rite fiat caveaturque ne attentio languescat, dubium non est, quin veritatem sint intellecturi immotoque assensu amplexuri auditores.

Enimvero ut constet an id factum sit, & ut memoriae infigantur tum definitiones, tum propositiones, quarum frequenti applicatione indiget praxis, opus est examinibus & disputationibus, tum privatis, tum publicis. Illis contubernales inter se aut & plures parium profectuum commilitones reperiunt ea, quæ in prælectionibus didicere pleniusque consignant explicationem, partim se invicem examinando, partim dubia & objectiones sibi formando & diluendo; aut frequentius disputando se exercent in veritatibus impugnandis defen-

dendisque. Sicubi satisfacere dubiis non potuere, nec pro-  
 vectiorum responsa sufficere videntur, consulendus est oppor-  
 tuno tempore ipse Professor, ejusque exactior solutio expe-  
 tenda. Publica vero examina & disputationes vel instituuntur  
 ab ipso docente, quoties caput quoddam pertractatum est,  
 vel in plurium confesso a pluribus trimestri spatio peraguntur,  
 ut progressuum ratio dilucescat. Ita sensim habitus animi sen-  
 sa expedite promendi, comprehensa e memoria reddendi, du-  
 bia tollendi seu falsa refutandi, & vera defendendi compara-  
 tur, & emendante examinatore aut præsidente augetur subinde  
 perficiturque.

Merito hic nitimur insita discentium docilitate & aviditate,  
 qua nisi gaudeant & in studia ferantur, ne admittendi quidem  
 sunt ad jus civitatis literariæ, seu eruditorum seminarium. Ut  
 vero illa conservetur augeaturque idemtidem, opus est illius  
 nutrimentis fomentisque, quæ partim in facilitate & perspicui-  
 tate, partim in evidentia & soliditate doctrinæ continentur.  
 Neque enim facilius citiusque discuntur, quam quæ optimo  
 ordine se excipiunt ac muruo tuentur. Tum quæ manifestis  
 exemplis ipsis quasi sensibus palpanda exhibentur, ea & per-  
 spicua evadunt & indubia. Lucem iis, quæ restant, nebulis &  
 facem infert distincta explicatio, rationes eorum addens, quæ  
 luculenter quidem sed confuse tantum in sensus incurrere. His  
 si interferatur, quæ vel incertiam aliorum de his audacius quam  
 verius pronuntiantium & scribentium prodidere, vel insignia  
 damna, aut commoda & inventa in rebus arduis dedere & pepe-  
 rere; si interrogando more Socratis & Platonis eliciantur audi-  
 torum præstantiorum vel aliena agentium, saltem non satis in-  
 rentorum responsa, eaque si recte se habeant, vel laudentur &  
 confectaria inde formentur inopinata, vel dubia illis obvertan-  
 tur solvenda; si minus apta sint, reprehendantur una cum ne-  
 glectu attentionis, unde ortum ducunt, aut attentiori corrigendi  
 da dentur: attentio & discendi aviditas excitari & augeri pote-  
 rit

rit magno cum fructu auditorum. Fieri enim potest, ut aptis interrogationibus, e rebus jam notis ad ignotiora, quæ inde ratiocinando elici possunt, docentes progrediantur, imprimis si discennes jam instructi sint habitu ratiocinandi, atque meris quæstionibus excitando semper auditores ad meditandum riteque concludendum adsuefaciant, & docendo simul exerceant eosdem & habitibus imbuant.

Quod imprimis consultum est, si quis neglectus attentionis, si qua somnolentia, si qua vivacitas ingenii desultorii & alacrioris & ad aliena proni se prodat. Neque abs re est, si responsum non statim vel suppeditetur ignoranti, vel emenderetur, sed sententiam dicere jubeatur, quisquis in cœtu auditorum vel rem illam tenet, vel his meliora, quæ sunt prolata. Est ubi juvat explicationem in medio commatis vel periodo abrumper e ea lege, ut ad nutum auditor suppleat, quæ sequi debent, & quæ ex antegressis eruere valet. Si notis jam præceptis nova subinde ignotiora & difficiliora subiciantur exempla, & in his attentio non defatigabitur, quando subinde aliquid ignotum utile vel jucundum addiscit. Quantum in recessu habeant examinationes, disputationesque vel privatæ, multo magis in frequentiori cœtu publico saltem a magistro in illa arte vel scientia, ejusque seu opera, seu censura, & præsidio institutæ, & ad limam sanæ rationis ac virtutis exactæ, dici vix potest. Cultum memoriæ, ingenii, judicii, facundiæ omniumque mentis facultatum minime vulgarem inde retulere quotquot illis bene sunt usi.

Quæ hic forte desiderari possent præcepta de ordine & methodo docendi & studendi ea utique non sunt imperitorum judicio permittenda, qui temere & præpostere essent consulturi, prout vel affectuum vel imperitiæ ratio suadet; sed a viris suæ scientiæ arti-que peritissimis ordinanda sunt, vel ex aliorum ordine passim obvio & plurimum commodi præstante seligenda, & in leges referenda. Peti ea, quæ ad Philosophiam & Mathesin pertinent, ex iis; quæ de ordine scientiarum philosophicarum *Logicæ sunt præmissa Disc. prælim. c. 3. & 4.* & quæ in systemate Philosophiæ & Matheseos sequuntur ordinem naturalem. Reli-

y y y 3

qua



qua ex doctrina de Methodo in *Logica P. II.*; de *methodo philosophica & mathematica* sigillatim exposuit illustris Baro de Wolff; aliorumque præstantissimorum virorum satis peti possunt. Sed longius jam est hoc caput, quam ut capere illa possit, peculiari discussioni relinquenda. Est quidem sua docendi discendique libertas academiis salva relinquenda, providendo tantum, ne degeneret in licentiam errores & vitia excludendi diffundendique, quem in finem legum salutarium latio observatioque est procuranda. Legibus quidem & obligatione civili non emendantur, quæ a recto tramite aberrant; præstat tamen honestatem externam tueri, quam & hanc cum gravissimo civitatis damno negligere & pessum ire. Non vivitur cum perfectis hominibus, nec vivitur in his terris unquam. Tolerandum igitur, quod penitus mutari nequit & morali doctrina utendum ad animos, quantum datur, corrigendos. Multum tamen valet in civitate exemplum rectorum civitatis & institutum ad honores, redditus publicos & emolumenta insigniora non admittendi, nisi scientiis, artibus virtutibusque eminentes evahendi, nec illis fructus illos indulgendi, nisi quamdiu tales sunt, quales salutis publicæ gratia esse debent. Sequentur alii eorum exemplum moremque constantem; gaudebit ita virtus suis præmiis; contentus vero vitiosorum communis vitia ubique premet minuetque, simili fere ratione ac alia in moribus ritibusque pro arbitrio communi, quo recepta sunt, & inculcantur, vigent, durantque.

## SECTIO III.

## CAPUT II.

DE

## Scientiis &amp; artibus per nova inventa ulterius perficiendis.

§. 404.

Conjungen-  
de sunt plu-  
rium vires

**C**onjunctis viribus excolenda est facultas & ars inveniendi, cum in nostros, tum in totius generis humani usus. Omnes enim facultates animæ superiores non insunt hominibus.

perfectæ, sed exercitio perfici possunt & debent (§. 199. *P. I. ad artem in-  
Jur. nat.*), ut omnem earum usum adipiscamur, non usum evi-  
temus (§. 207. *ibid.*) & ut habitus iisdem utendi consequamur *colendam.*  
(§. 209. *ibid.*) eoque omnes, quos vel propriis vel adhibitis  
aliorum subsidiis adspirare valemus (§. 211. *ibid.*) in omni,  
quem capere mens valet, perfectionis gradu (§. 210. & 213.  
*ibid.*). Sed inter superiores mentis nostræ facultates datur et-  
iam facultas recte estingendi quæ sensu nunquam fuere per-  
cepta abstrahendi, & ex notis ignota inveniendi (§. 145. 282.  
*Psych. empir.*) & (§. 724 *seqq. Logic.*) eaque excoli potest in ar-  
tem inveniendi, quæ & datur inter homines (§. 454. *Psychol.*  
*empir.*). Quapropter facultas & ars inveniendi non tantum  
cuique seorsum perficienda est, quantum fieri potest (§. 250.  
*P. I. Jur. nat.*), sed & socialis plurium viribus opera danda est  
(§. 333.), ut in omnes, quos nobis totique generi humano  
præstare potest, usus ad perficiendum animi, corporis & for-  
tunæ statum & ad vitanda contraria, item ad detegendum, quæ  
nondum nota sunt, transferatur (§. 195. & 600. *ibid.*).

Forte dubium videatur, num circa artem inveniendi conso-  
ciari plurium vires possint, quia paucis tanta est ingenii felici-  
tas & amplitudo, quanta ad artem inveniendi requiritur. Enim-  
vero etiam si concedimus, eximiam facultatem artemque in-  
veniendi non esse nisi paucorum datum; tamen præter propriam  
eorum obligationem, alia quoque communis, qua cæteri ad-  
stringuntur, ad ejus culturam non tantum non impediendam,  
sed & quibus possunt modis & rebus adjuvandam & perficien-  
dam, cum comoda inde oriunda, & in alios redundant (§.  
612. 646. 664 696. *seqq. P. I. Jur. nat.*). Præterea licet eo-  
rum major sit obligatio, in quorum potestate plura sunt (§. 179.  
*ibid.*); licet in eorum potestate plura sint, quorum est amplior  
facultatum, virium, rerum & auxilii alieni usus (§. 178. *ibid.*):  
non tamen nulla eorum est obligatio, quorum facultas inveni-  
endi

endi usus & indigentia ejusdem minor est. Omnes enim intellectu gaudent, eodemque etiam uti debent in reperiendis consiliis aliisque ignotis rebus. Proinde unusquisque operam dare debet, ut eam consequatur animi, corporis ac status externi perfectionem, quam consequi in ipsius potestate est (§. 180. *ibid.*). Juvare hi alios præstantiori dote præditos possunt, sua opera, suis opibus, suis rebus, quibus indigent, sua existimatione, amicitia, laude & celebratione, item dignitate promerita & fortuna lautiorē ipsis tributa. Vicissim juvari & perfici ab iisdem possunt non consiliis tantum quibus indigent, sed & inventis aliis, scientiis & artibus salutis privatæ & publicæ profuturis.

## §. 405.

*Ars inveniendi eget incrementis, nec exhaurietur.*

*Ars inveniendi multorum & capax est incrementorum, & egebit, tanquam res usus inexhausti.* Absurdum enim se & ridendum præberet cunctis, qui contendere vellent, omnia jam esse reperiata, quæ homini prodesse possint, nec quidquam superesse, nisi ut inventis recte utatur. Ipsa quippe redargueretur experientia omnis ævi, quæ alia post alia inventa esse & hodieque reperiri, & multa superesse ignota, dubia, & quorum usus ac causæ ignorantur, luculentissime docet. Præterea ipsa ars inveniendi ne quidem in systema genuinum redacta prostat, cum aliæ scientiæ & artes distincte explicatæ & demonstratæ complures habeantur. Versatur ergo illa adhuc in eo confusio- nis & velut infantia statu, in quo nondum loqui & distincte se aliis perspicendam præbere possit, & in quo olim fuere disciplinæ philosophicæ, mathematicæ, cæteræque, antequam induerent artis & systematis formam. Idcirco non capax tantum plurimorum incrementorum, sed & admodum indiga esse perspicitur ars nostra inveniendi.

Nonne res inexhausti usus dicuntur, quarum usus omnibus sufficit hominibus, iisdemque patet quoties eodem indigent



gent (§. 198. P. II. *Jur. nat.*)? Sed artis inveniendi usus nec hætenus exhaustus est, nec exhauriri unquam in hac vita poterit, semper omnibus suffecturus profuturusque, qui illo indigent. Quod & inde confirmari potest, quia infiniti creatoris opera tanta abundantia varietate, tantaque quælibet earum usus copia, ut finita mens vix unquam in his, nedum in infinitis Dei thesauris, omnia sit perscrutatura & perceptura. Artes quoque & scientiæ humanæ incrementis egent, quæ aliunde haberi non possunt, quam ex arte inveniendi, ejusque incrementis.

Ea est rei & mentis quoque finitæ indoles, ut quidquid capere naturaliter debet, capere nequeat nisi in progressionem continente hujusmodi, qua ratio consequentium in antecedentibus internis externisque eam afficientibus habetur (§. 837. *Ontol.*). Hinc & facultas inveniendi non nisi frequenti & diuturno exercitio in habitum abire, nec habitus adolefcere & perfici potest, nisi continuato, aucto quoque subinde & emendato ipsius exercitio. Perpetuis ergo opus est incrementis, ut sit & fiat ille habitus seu ars inveniendi, quod esse potest. Præterea veritates omnes sunt res inexhausti usus, cum nemini quidquam decedat, si vel alii omnes iisdem in rem suam uti velint. Inde mirum non est, si & novæ veritates, quibus veteres amplificantur, usum habeant inexhaustum. Neque fieri solet nisi majoris lueri captandi causa, ut repertarum usus aliis invideatur, & sic inventi per pœnam intercedant rursus, nec illis prodesse queant, quibus solis reservabantur.

## §. 406.

In scholis & academiis aut plane nihil aut perparum incrementi Cur heuristica capere possit ars inveniendi, aliaque ars & scientia docenda. In ea in academiis enim pariter ac academiis docendæ sunt artes & scientiæ rite colitæ, quæ in civitate usu sunt receptæ (§. 433. *seq. P. VIII. Jur. nat.*) & (§. 329). Et in eligendis præceptoribus Professoribus-  
(*Wolffii Politicæ P. II. S. III. C. II.*) Z z z bus-

busque non quæritur, utrum invenire novas veritates possint, sed tantum, utrum bene calleant ea, quæ docere debent, docendi dono, diligentia & morum probitate gaudeant (§ 436. *ibid.*). Quam ob rem qui in illis docent perraro tenent artem nova detegendi, ideoque nec exercere illam possunt. Si quid vero illius tenent, distinentur tamen tot aliis docendi laboribus, ut citra neglectum muneris sui plerumque his vacare nequeant. Quando vel datur, qui inventorem agere potest, & vellet, nec officio suo esset defuturus, is tamen sumtribus ad nova inveniendâ destitueretur propter usitatam salariorum tenuitatem, careretque spe compensationis suorum & laborum & sumtuum. Proinde nisi insolitæ adsint rationes, usum artis heuristicæ suadentes, abstinere ab eodem, & officii causa utiliora sibi agere malet. Denique si & exerceat eandem, nec sine fructu, unius tamen opera ipsa ars inveniendi perparum capiet incrementi, propter cætera, quæ ipsum circumstant, impedimenta, difficultatemque inveniendi res magni momenti, quam experientia attestatur.

Quemadmodum qui aliis distringuntur officiis publicis, licet eruditissimi sint viri, redditibusque & opibus affluant, tamen perraro vacare novis rebus detegendis possunt, negotiorum suorum cæterorumque officiorum familiæ mole præpediri: ita majori onere operarum publicarum pressi defatigatique docentes multo magis propter cætera obstacula memorata avocantur a colenda arte inveniendi, & si quid illis fortuito occurrit, id vel ipsi non persequuntur sed negligunt, vel parvi penditur ab aliis & perit. Aliis ergo usibus cum scholæ publicæ academicæque destinantur, & satis negotii imponant docentibus in illis: simul illæ incrementis artis heuristicæ, uni par est, vacare atque satisfacere non possunt. Quo asserto nihil detractum cupimus illis, qui in academiis ita eminent, ut inventores agant.

Neque





admodum genere humano multiplicato pluribus, quam antea opus est academiis doctricibus: ita quo magis multiplicatur genus humanum, eo pluribus opus erit rebus & usibus novis, inde & artibus & scientiis, quibus honeste aluntur. Cui consequens est, eo pluribus, eoque majori excolendis academiis inventricibus opus fore, quo plus crescet hominum cultiorum cœ us. Cum vero nec res omnes, quæ hominibus utiles esse possunt, jam perspiciantur, neque omnes rerum notarum usus jam pateant: academiæ inventrices necessariae sunt, tum propter res & causas rerum ignotas detegendas, tum propter novos rerum notarum usus reperiendos; item propter notos jam usus amplificandos & dubia atque incerta extra dubium collocanda. Possunt hæ societates vocari inventrices, & quia academiarum nomen ipsis vulgo tribui confuevit, academiæ inventrices dici mererentur, ut a docentibus vel doctricibus discernantur. Quamquam Societatum nomen generale & modestius rectius illis tribueretur, quæ artium tantum incrementi operam darent; academiarum nomine illis attributo, qui scientiarum incrementis sunt destinatæ.

Nota usuque recepta est artium & scientiarum distinctio, & quæ nomen academiarum usu cepere scholæ sunt superiores, in quibus scientiæ docentur; artes autem ubi docentur, eæ tantum societates vel tribus sunt magistrorum illius artis. Quapropter aptius & usui recepto convenientius foret, si academiæ inventrices scientiis locupletandis; societates vero inventrices artibus locupletandis attribuerentur. Sed quia academiæ aliquid sublimius sonant, & societates modestius quidpiam: permittendum est, ut modestiæ litantes suam academiæ dicant societatem; & majores titulos affectantes suam societatem dici malint academiæ. Nomen enim rem non mutabit, & forte propter nobilitatem personarum & Protectorum excusationem merentur.

## §. 408.

Quæ privato instinctu sumtque incrementis scientiarum artiumque operam navant, illæ *societates inventrices private*; quæ autem publica autoritate & impensâ iisdem incumbunt, *publicæ* dici merentur. Quare cum alterutra ratione ejusmodi societates instituendæ sint & subsistere possint, *societates inventrices aut private erunt aut publicæ*. Publicæ vel omnes sumtus & honoraria ex publico ærario habent, vel potiores tantum, & alios privatis debent donationibus inter vivos aut mortis causa. Privatæ vel propriis sociorum sumtibus & symbolis collatis de incrementis artium aut scientiarum, quas sibi proposuere, sollicitæ sunt; vel aliorum privatorum sumtibus, seu legatis institutisque aut aluntur aut adjuvantur. Privatorum alia publica autoritate approbatæ sunt & privilegio munitæ; vel satis habent, dum vel tacite sui potius quam aliorum causa ulterioribus student progressibus, vel & in publicum suos proferunt labores & libros, & communi orbis eruditi applausu fruuntur.

Cui volupe est, inquirat, num ejusmodi societates primum omnium privatis an publicis auspiciis cœperint? De Principe romano *Fridrico Cæso* memoriæ prodidit *Janus Plancus* in edito *Fabii Columnæ Phoro-Baratæ*, illum anno 1603. decimo octavo ætatis anno, instituisse academiam Lynceorum. Cui apophragismi dedit lynceum gradientem in corona civica, addita Pallade galeata, quæ dextra tenet hastam, cui circumtortus est serpens, læva gerit scutum, in quo exsculpta est arbor coronata, ad pedes a dextra sedet canis, a sinistra noctua super lucernam ardentem. Legum academici princeps erat, ut Mathematicis, physica & historia naturalis coleretur, lynceis oculis veritatem quærendo; item, ut quisque sociorum pro re nata & viribus aliquid scriberet. quod humanam scientiam ampliaret & utile foret. Quem in finem socii in ædibus Cæli convenerunt statis diebus, observationes & meditationes suas communicantes

conferentesque. Ipse socios honoris causa diplomate decoravit cum appposito signo supra dicto, item annulo aureo, cui inclusus erat smaragdus, lyncem insculptum generis & nomen: *academia*. Præterea socios & blando alloquio & donis subinde cohonestabat, eosque in libris edendis adjuvabat. Senior sociorum erat Jo. Bapt. Porta, qui Cælio duos inscripsit libros, alterum de destillatione 1605., alterum de aeris transmutationibus seu phænomenis A. 1614. Hanc Plancus primam statuit academiam scientiarum, quod assertum in medio relinquo, cum & florentini essent audiendi, & qui Pii II. Papæ Collegium laudant, cui inerat Platina p. 649. de vitis Pontificum & id unice addo, si hæc ita sint, academiam illam privatam potius quam publicam dicendam esse, licet Cælius princeps, Marchio & Baro dicatur. Societas scientiarum anglica procul dubio privato cæpit amore Physices, septem eruditorum virorum, quos Thomas Birchius in the History of the royal society of London from its First Rise ab anno 1645. docet ibi semel quavis hebdomade convenisse, ut suis luminibus & observatis se mutuo in ea perficerent. Anno enim 1662. demum privilegio regio instructa, & regię societatis nomen indepta est. Legere me olim memini, quod hic confirmatur. Theodorum Haakium Palatinum ibi residentem eruditos ad se primum ita invitasse, quos nominat Wallisius in præfat. ad Langtoftii Chronic. nec dissimulabo in vita Hevelii laudari privatos doctorum virorum conventus, Hevelium per annum 1631. Londini detinentes, qui præludia societatis hujus dedisse perhibentur in Erläut. Preuß. Tom. II. p. 239. Non opus est, ut plura addam exempla, quæ rerum literariorum peritis sponte succurrent; cæteris vero occurrent, quando sequentia legent.

## §. 409.

Item vel hi-  
storica vel  
dogmatica,  
vel mixta.

Ratione rerum, circa quas occupantur societates inventrices, aliæ sunt rerum singularium, uti historiarum; aliæ communium seu universalium. Quarum illæ appellari possunt *historice*; hæ vero *dogmaticæ*. Hæ vel sunt *societates scientiarum*, vel



vel artium incrementis intentæ. Constat inter omnes, hanc diversitatem olim esse animadversam, ipsisque nominibus indicatam. Parisiis fere ex medio præteriti sæculi distinctæ sunt academix gallicæ, inscriptionum & scientiarum. Historiarum academiarum exempla offert Lisbonensis & Fuldenfis. Dantur quoque academix mixtæ, quæ & historicis & dogmaticis veritatibus scrutandis operantur. Hæc *mixtio* vel est *naturalis*, vel *arbitraria*. Illa complectitur illas res singulares, quæ communibus subsunt, & a quibus communia abstrahuntur. Ita societas physica naturaliter Historiam naturalem, & societas astronomica historiam astronomiæ includit. Hæc autem versatur circa dogmata & historias, quæ nequaquam inter se connectuntur. Exempla suppeditant classes academiarum Petropolitanae & Berolinensis.

Si quis ambigat, num in historiis locus sit societatibus heuristicis, forte quia autumat, facta præterita esse credenda, non invenienda: ei in mentem revocanda esset historiæ natura, quæ haud raro laboriosa indiget discussione. E. g. quando spuria a genuinis, corrupta a sinceris. vera a falsis, certa ab incertis sunt acute discernenda; vel quando e vestigiis pæne obrutis, tanquam ex ungue leo est ostendendus, quando e contradicentibus vera factorum indoles hariolanda & dubiis fides est facienda, & quæ sunt alia difficiliorem indaginem & criticam poscentia. Quam in rem faciunt notata ad §. 312. *P. I. Ethic.* ubi *historica profunditas* adstruitur, inferens explicationem dependentiæ facti præteriti a multis aliis. Vt enim *analysis* notionum ducit ad *notiones rerum adæquatas*: ita *analysis facti* in alia antecedentia & in causas, unde ejus determinatio pependit, adæquatam illius parit notionem.

#### §. 410.

*Academia scientiarum locum non habent, nisi quatenus in his in quibus dantur nova inveniendæ aut emendandæ. Academiae enim scientia-scientiis academiæ non requiruntur nisi propter nova incrementa iisdem demixtis inven-*  
com- trices dentur.

comparanda (§. 407.) Sed apertum est per se, ubi nec emendanda dantur, nec nova invenienda, ibi nulla locum habere incrementa. Quapropter quatenus in scientiis dantur, quæ nec emendatione indigent, nec novorum adinventionem; eatenus non egent academia inventrice. Quatenus vero in scientia quadam dantur confusa, dubia, erronea, manca; aut quatenus illi defunt quædam ad perfectionem ipsius requisita, eatenus eget incrementis, ab academia inventrice indagandis.

Oracula divina solus Deus caller & hominibus impertitur; unde eorum inventores, homines suo Marte agentes, esse nequeunt. Quare paganorum, quæ dicta fuere, oracula, si vel societates virorum aut feminarum numinis velut responsa interrogantibus edidere, imposturis fuere accensenda. Quibus gemina exempla sacer habet codex 1 Reg. XXII. 6. & 2 Chron. XVIII. 5. seqq. ubi societas quadringentorum vatum deceptorum, & 1 Reg. XVIII. 22. seqq. ubi 450. Baalitæ occurrunt. Enim vero quatenus historia, Critica & Homiletica perfici potest, vel ipsæ & Hermeneutica sacra dissidiis laborant, aut difficultatibus superabilibus; vel quatenus falsa dogmata venditantur pro veris, vera autem pro falsis: eatenus societates literatorum his obviam ire & rectiora investigare, nihil habet a re alienum nec inauditum. Sic quatenus jurisprudentia versatur circa leges civibus latas & sancte observandas; eatenus societati literariæ nullum est jus eas convellendi, novasque substituendi pro suo arbitratu. Sed quatenus ab iis, quibus jus est leges ferendi, vel veteres sunt abrogandæ & novæ inveniendæ, vel priores augendæ explicandæve: eatenus illa invenienda sunt collegiis Jurisconsultorum, qui consiliarios agunt legum ferendarum, & legislatori. Similiter veterum legum interpretatio, antinomia, veræ rationes, historia & similia admittunt plurium pervestigatorum operas societas. E quibus patet, num & cur academiarum theologicarum & juridicarum dari queant aut nequeant, & occurrant.

## §. 411.

Potissimum scientiæ medicæ, philosophicæ, mathematicæ & philologicæ requirunt academias inventrices emendationum & incremento-  
rum, quibus indigent. Quatenus enim in scientiis dantur, quæ  
vel emendanda sunt, vel demum inveniendæ, eatenus indigent  
academiis indagatricibus (§. 410.). Sed nemine dissidente, mul-  
ta supersunt in scientiis medicis, philosophicis, mathematicis &  
philologicis, quæ vel limam desiderant, vel lucem majorem,  
vel detectionem. Potissimum igitur scientiæ medicæ, philo-  
sophicæ, mathematicæ & philologicæ inventrices requirunt  
academias & emendationum, quibus indigent, & incrementorum,  
quibus ad majorem gradum perfectionis perducantur  
(§. 313.).

In quibus po-  
tissimum re-  
quirantur?

Facultatis medicæ variæ dantur scientiæ, quæ partim ad eam  
preparant, ut anatomia, materia medica, botanica, chemia, par-  
tim eandem constituunt, ut Physiologia, Pathologia, Semiotica,  
Therapeutica, diætica, & casus medici forenses, denique chi-  
rurgia. Philosophiæ & Matheseos partes satis sunt notæ. Phi-  
lologia vero comprehendit Grammaticam, Criticam, Rhetoricam,  
poësin. Inde simul perspicitur, quomodo dividi possint societa-  
tes in emendationem & locupletationem scientiarum instituen-  
dæ. De eo enim, an ita institutæ prostant, non quæritur, neque  
ubi & quando institutæ & quomodo vel olim fuerint vel nunc  
sint. Antequam fuerint illæ, quæ dantur, academici inventri-  
ces erectæ, tantum formari potuerunt, æque ac illæ, quæ nunc  
nondum sunt, formari tamen possunt, & forsitan aliquando  
formabuntur.

## §. 412.

Quo plura supersunt in scientiis & artibus emendanda & adin-  
veniendæ, quæ uno nomine desideranda dici possunt, eo magis, eoque  
pluribus opus est academiis repertricibus. Neque enim opus est so-  
cietatibus indagatricibus, nisi quatenus in scientiis artibusque  
Vbi præcipue  
opus sit aca-  
demiis be-  
neficiis.

(Wolffii Politicæ P. II. S. III. C. II.)

A a a a

super.



superfunt emendanda & nova reperiunda (§. 410.). Inde porriſſimum in illis opus eſt iisdem, ubi multa ſuperfunt excutienda rectius & deregenda (§. 411.). Quo circa evidens eſt, magis neceſſarias ibi eſſe illiusmodi ſocietates, ubi plura reſtant deſideranda, quam ubi pauciora; item quo plura ſuperfunt deſideranda, vel quo minus excoltæ ſunt artes & ſcientiæ, eo plures quoque inſtituendas eſſe academias inventrices.

Poſſet quoque id urgeri, quo major eſt futura neceſſitas utilitaſque rerum inveniendarum, eo majori ſtudio illas eſſe quaerendas, eoque plurium operam in iſtud ſerutinium eſſe conſociandam. Sed ſola præviſa utilitas inventi, & credita neceſſitas, nequit efficere, ut inventio ideo ſit in poteſtate humana, v. c. lapidis, quem dixere, philoſophici, perpetui mobilis, longitudinis marinae. Sed quæ poteſtatem humanam excedunt, in eis fruſtra poneretur vel omnium omnino hominum ſtudio & ſocietas vel ſummo inveniendi ardore accenſa. Præterea rerum, quæ detegi poſſunt, & detectæ ſunt, momentum ſæpe ignoratur & negligitur, e quibus tamen alio tempore utiliſſima derivantur. conf. §. 354. P. I. Ethic.

## §. 413.

*In rebus inventu poſſibilibus.*

Quia ad *admirata* nemo obligatur, & eorum nulla vel irrita eſt perveſtigatio, quæ non ſunt in poteſtate humana (§. 209. P. I. Phil. præſt. univ.): maniſeſtum eſt, ſocietates inventrices locum non habere, niſi circa res, quæ ſunt in humana poteſtate. Curandum igitur, ne inepte inſtituantur circa res, de quibus nulla ſpes eſt, eas detegi poſſe; nec commenta & ludibria ingenii & phantaſiæ humanæ confundenda ſunt cum inventis, aut pro iis venditanda (§. 372. ſeqq. P. I. Ethic.). Sunt nempe non ea tantum ſupra vires humanas poſita, quæ contradicunt ſibi aliisve maniſeſtis veritatibus, & quæ vires infinitas requirunt; verum quoque ea, quorum detectioni inſuperabilia no-

bis

bis obstant im- pimenta, & quorum principia, unde haurien- da essent, defunt nec sp s ea detegendi offenditur. Ea ve- ro non extra pot- sitem esse liquet, quorum possibilitas explo- rata est, item quorum quædam specimen a jam in manibus ha- bentur, aut quorum similia jam eruta li- bantur.

Comparari possent temeraria rerum vires excedentium tenta- mina conditoribus turris babelicæ, qui nomen sibi parare im- mortale cupiebant ex turri editissima; vel cum protoplatitis con- mentitiam cum Deo similitudinem esu fructus ventri aff- ctanti- bus. Hæd absurdum foret amentia, si qua societas perforare tellurem, saltem puteum esse dare, usque ad centrum telluris, scrutandorum ejus viscerum & structuræ detegendæ causa, au- deret. Iter in lunam, navigatio per ærem, prævisio fortuito- rum, & Chrysopoëtica ejusdem forent dementiæ. Nebucad- nezar similiter magos jussisse fertur detectionem somnii sui una cum ejus interpretatione Dan. II. 2.

#### §. 414.

Si quis per errorem instituisse societatem, & præmia sciscita- turis quæ reperiri humana arte nequeunt, ejus institutum recte transfe- retur ad alia, quæ non sunt extra potestatem. Aut enim irritum es- set declarandum & ineptum omne institutum, aut erit tuen- dum, quantum fieri potest. Illud iniquum foret & animo ge- neri humano inserviendi adversum, cui animo sati fieri potest, errorem ipsi condonando, eique vera substituendo, quæ cre- didit se spectasse. Quod cum humanius sit æquiusque, verten- dum est institutum ab iis, ad quæ obligare nequit, ad ea, quæ inveniri possunt, tanquam sola objecta inventionum procu- randarum (§. 413.). Ideoque si quis commune bonum in- ventis novis promoturus vel societatem instituit, vel saltem præmia proposuit sciscitaturis, quæ reperiri nequeunt huma- na ope, ejus institutum recte conferetur in talia, qualia in animo habuit bona veriora procuranda.

Officium hoc idem est, quod viventi præstandum fuisset, si errorem suum perito cuiusdam detexisset. Is nempe illum docuisset rectiora, erroremque eidem exemisset, ut meliora edoctus in vera inventa promovenda voluntatem suam converteret. Quod viventi præstari non potuit, quia vel nemini dixit testamento inserta, vel erroris convictus non est; id mortuo præstandum est, boni publici causa, quod spectavit, vera erroneis statutis substituendo. Quod & honorificentius ipsimet est, quam si erroris causa absonus judicaretur, testamentumque declararetur irritum, velut hominis insanientis. Si recte recorder, Gallia eiusmodi exemplum vidit, & erronee statuta ad veritatem reduxit. Interdum tamen ea molienti, quæ fieri non posse eventus docet, alia occurrunt, in quæ alias non incidisset, ut inventori pulveris pyrii.

## §. 415.

*Aliter statu-*

*endum de du-* *Nequaquam idem statuendum est de dubiis & difficilibus, quæ non nisi longo tempore ad liquidum perducuntur & superari possunt ac debent.*

*biis & difficilibus.*

Etenim quæ dubia videntur, aut & improbabilia, possunt tamen esse vera (§. 592. *Logic.*). Quapropter in his liquet, id esse & fieri posse. Sed illa tantum non sunt objectum societatum hevrificarum, quæ agnoscuntur extra & supra potestatem humanam esse (§. 413.). Quam diu igitur quæ dubia sunt & in se difficilia non intelliguntur transcendere caput humanum, tam diu his operam dare sociatis viribus, nihil verat. Immo eo magis studendum est, & eo plurium vires sunt sociandæ, ad tollenda dubia, & liquida ea faciendæ, & ad difficultates superandas:

Incitant ad heroica eiusmodi conamina exempla majorum, qui res arduas, de quibus dubitari poruisset, an unquam intellectus humanus ad eas subigendas esset perventurus, intrepide aggressi sunt, strenuo & indefesso studio difficultates se obliicientes e medio sustulere, & res hodieque iis incredibiles, qui artis illius sunt ignari, effectui dedere & dant subinde

Qui



Quis credidisset unquam pervestigari leges motus siderci, phænomena luculenter explicari demonstrarique, & tandem futura prædici, & per omnia tempora elapsa siderum situs motusque a nemine observatos consignatosque ita redhiberi posse, ac si nunc ea in cælis spectarentur?

## §. 416.

*Academia historica occupari possunt vel circa res naturales, vel circa res humanas.* Historiæ enim recensent facta, quæ vel sunt Dei, vel hominum. Dei facta, quæ ratio perspicere nequit, discenda sunt ex revelatione divina. In his ergo occupari inventio humana nequit (§. 413.). Facta autem Dei per naturam & in natura rerum conditarum investigari ope rationis possunt & debent, ut propterea celebretur. Circa hæc ergo, quæ vulgo facta naturæ dicuntur, occupatur historia naturalis (§. 745. *Logic.*) & ad eius incrementa provehenda tendere debent *Academia Historiæ naturalis* indagatrices emendatricesque. Quæ ideo vel versantur circa *res cælestes*, vel circa *terrestres*. Cælestis vel observata *plerumque phænomena* recenset, emendat & supplet, ubi fieri potest; vel *meteora* omnis generis v. c. auro-  
*Divisio academi-  
 arum historica-  
 rum.*  
 ras boreales &c. Terrestres vel versatur circa simpliciora, ætherem, aërem, aquam, terram; vel circa mixta, nempe regnum *mineral*, vel *vegetabile* vel *animale*. In regno minerali crescunt terræ, lapides, salia, sulphura, & metalla. In vegetabili propagantur aquatilia & terrestria, utrobique arbores, herbæ, fungi, musci. In regno animali gignuntur homines & bestię; hæque vel terrestres, vel aquatiles, vel amphibię. Quarum potiores dant historiam quadrupedum, avium, piscium, vermium & insectorum (§. 746. *Logic.*) Huc pertinet quoque ratione rei historia experimentorum (§. 747. *ibid.*). Facta humana singularia seu privata narrantur in biographiis, communia in historia civili, ecclesiastica, literaria & artificiali,

ad quam & machinae opificum artificumque referuntur (§. 745. 748. *seq. Logic.*). Neque antiquitates hic excluendae sunt, lucem scriptis antiquorum fœnorantes. Circa singulas hæc historias earumque species institui posse academias historicas, per præmissa planum est.

Num jam sint institutæ ejusmodi academice historiarum cultrices, nec ne, parum nostra refert, modo liqueat, quod hic docendum est, eas publicæ salutis causâ institui colique posse. Videntur de historia astronomica sollicitæ fuisse societates chaldeorum babylonicæ, quarum observationes annorum 1903. feruntur a Callisthene favore Alexandri M. ad Aristotelem missæ, si Porphyrio fides habenda. Si Epigeni potius credendum, observationes 720. annorum ibi cœlilibus lapidibus inscriptæ fuerunt, notante *Plinio Hist. nat. l. VII. c. 56.* Historiam naturalem promovisse Alexandrum M. missis quinquaversum observatoribus rerum naturalium, inter omnes constat, & ex Aristotelis ac Theophrasti operibus elucescit. Qua in re imitatus ipsum est C. I. Cæsar atque Augustus, ut alibi ostendimus. Coniungi passim solere nunc historiam naturalem cum Physicis academiciis supra notavimus, & res ipsa testatur. Optandum esset, ut ad historiam literariam, philosophicam, mathematicamque excolendam itidem societates quædam coalescerent, quod nunc parcius fit, dum vel seorsum specialia quædam dantur vel societatibus scientiarum aut bonarum artium quædam interdum obiter velut inferuntur. Civilis & ecclesiasticæ historiæ emendandæ amplificandæque quædam societates liberalem iam operam impendere in Gallia, Italia, Hispania, Germania &c. coeperunt. Vpsaliæ an. 1668. ortum est collegium antiquitatum. Suppeditare historiæ studium principia & materiam scientias stabiliendi, augendi & evitandi labores iam actos, vix opus est ut moneam, post ea, quæ illustris Wolfius passim notavit.

#### §. 417.

*Divisio aca-*

*Medicæ academice vel theoreticæ esse possunt vel practicæ. Omnium*

um confessione conceditur, & in disciplinis theoreticis & in *demiarum* practicis multa desiderari, quæ successu temporis detectum *medicarum*. iri spes non decollat. Majorem desiderat lucem perfectionemque in variis capitibus anatomia, chemia, botanica, materia medica universa, Pharmacia, physiologia &c. Neque pauciora occurrunt desiderata in usu morbos eorumque causas rite eruendi ac internoscendi, optime eosdem sanandi, prævertendi, & diætâ ordinandi, in tanta varietate naturarum humanarum, vulnerum lethalitatem similesque casus forenses ad veritatis & conscientiæ normam decidendi, & chirurgiam in rebus arduis, & obstetriciam dirigendi, moderandi & perficiendi, e prognosticis eventum prædicendi, & quæ alia sunt officia medicinæ non empirico ritu faciendæ. In his igitur inveniendis, quæ latent, & firmandis atque locupletandis, quæ quadamtenus parent, sudandum esse conjunctis viribus, facile omnes largirentur, nisi aureæ praxis ratio alios ad nota exercenda vocaret, alios inviti haud urgeret, in iis, quæ reperere, communicandis, alios officium rei faciendæ contineret, nulla ipsis proposita spe indemnitis. Ineundas igitur esse societates medicas inventrices, indemnesque præstandas, cum theoreticas, tum practicas, relinquatur e disputatis (§. 412.).

Orta inde sunt passim societates in rem medicam emendandam augendamque inventis suis destinatæ. Societas cæsarea naturæ curiosorum. maxima ex parte e medicis constat & circa res medicas potissimum occupatur inde ab anno 1662. Utrum vero præmiis & indemnitate gaudeat, quibus incitetur ad inventa magni momenti procuranda & propalanda, eaque magno numero habeantur in editis eius voluminibus, id aliis disceptandum relinquo. Nota quoque est Berolinensis chirurgica & medica Edimburgensisque academia medica, & quæ Vratislaviæ olim fuit, ediditque ab anno 1717. die *Breslauische Samlung von Natur. und Medicin. Geschichten*; item quæ commercium



cium literarium Norimbergæ publicavit. Parisiis olim flores societas medica & chirurgica, quarum hæc de principatu nota est. Chirurgus regius *de la Peyronie* societati chirurgicæ nuper legasse fertur quadringenta librarum millia, quarum pars quarta theatro Monspeliensi chirurgico extruendo dicata est. Quingentas quotannis libras destinavit præmio autoris, qui cæteros in tractanda re proposita vicit; totidem pro cursu obstetricio tradendo, 3000 Secretario aeademiæ chirurg. singulis 4 demonstratoribus 500, singulis eorum 5 adjunctis 900, & cuique academicorum 40 sociorum numos argenteos &c.

## §. 418.

*Divisio academiarum philosophicarum.*

*Similiter Philosophia & theoretica & practica per se peculiare tribui possunt academiarum inventrices.* In Logicis desideratur ipsamet exactior ars inveniendi potissimum, & perfectior Dialectica seu Probabilium excussio (§. 74. *Disc. pralim. Logic.*). Metaphysicæ controversiæ agitantur etiam nunc, & fundamenta ac principia omnis certæ cognitionis convellere nituntur, ubi præ cæteris necessarius esset consensus experientia duce. Physicæ defectus plurimos in omnibus ipsius partibus nemo non agnoscit. Protopracticæ prima ætas, & Juris naturæ ambitus amplissimus perfectiora a conjunctis viribus nos sperare jubent. Theologiam ad Metaphysicam non sine ratione retulit *Baco de Verulamio*; rerum causa vero Physicæ est adjungenda, & parum adhuc exulta. *Conf. §. 107. Insc. praliminar. in not.* Ethicæ, reconomicae & politicæ multa addi posse nemo ignorat, nisi hospes in his disciplinis, aut præjudicio autoritatis laborans (§. 449. *P. VIII. Jur. nat.*). Nec in ipso hoc Systemate Wolfiano varia deerunt, quæ id ipsum commonstrent. Proinde & in practica & in theoretica Philosophia excolenda & ad majorem perfectionis gradum evehenda consociatis cordationum operis studiiq; contendendum esse conficitur. (§. 418. *seq.*).

*Eruenda*

Eruendæ artis inveniendi causa in quibusdam scientiis & artibus laboratur, & intra sæculum plura inventa sunt, quam antea intra millennium. Quod in mathematicis, Physicis, & artibus nonnullis luculentur patet. Generalis tamen artis inveniendi causa, nulla hætenus instituta est societas, cum tamen illa & principia, & methodos omnibus scèctandas esset suppetitura, sine quibus difficulter atque velut tentando & palpan-do tantum progredi inventores possunt. Systemate autem & scientia artis inveniendi instructi supersedere possunt frustraneis multis conatibus, quibus versantes in tenebris occupantur & vel nihil vel parum proficiunt. Versantes ergo in tenebris & confusione non nisi tardos sentiunt progressus, cæcutiunt, & impeditos se sentiunt innumeris difficultatibus. A quibus liberati & velut in plenum diem translati multo facilius acutiusque viderent quid sit agendum & quo modo, quid fugiendum.

De verisimilitudine in negotiis privatis & publicis eadem fere sunt statuenda, licet illa exultior rectius instituendis rebus, plurimisque malis tollendis, bonisque innumeris consequendis & conservandis esset profutura, & in consiliis gravissimis requiratur. Quo amplior est usus principiorum metaphysicorum in omni reliqua eruditione, eo major opera conjunctis viribus esset navanda, ut omnis quæ haberi potest firmitas eorundem obtineretur, & dubia atque errores profligarentur. Non enim nisi immotis fundamentis ædificia solida superstrui possunt, & fundamentis subrutis una subvertuntur & corruunt. Quod itidem valet in scientiis, artibusque & earum systematibus.

Hinc metaphysicis opus foret academiis tum ad ontologiæ theorias inconcussas faciendas, & ab ignorantia & confusione nebulis liberandas, quibus eas involvere, suisque erroribus latebras ibi parare alii aliis de causis moliuntur. Seorsum talem proflare academiam, aut & circa cosmologiam, psychologiam, & theologiam naturalem simul occupari non recorder.

Physicæ autem academix variæ prostant, quæ quando mathematicas aliasque admiscere solent, academix scientiarum dici consueverunt. Ita Academia Scientiarum Londinensis, ab A.  
(*Wolffii Politicæ P. II. S. III. C. II.*) Bbbb 1662.

1662. Florentina, Parisina, Berolinensis, Petropolitana 1724, Bononiensis, Holmiensis, aliæque florent. Londinensis non est in certas classes distributa, sed privatis sumibus se tuetur, promiscue proposita in eius confessu actis suis inferens. Parisiensis A. 1665. auspiciis Colberti cepit suos labores eosque in Historia præmissa digerere solet in capita illa, ad quæ pertinent, physica nempe, mathematica, medica, technica, & eorum partes. V. c. Physica generalis, anatomia, chemia, botanica, arithmetica, algebra, Geometria, Astronomia, Gnomonica, Chronologia, Geographia & Hydrographia, Optica, Acustica, Musica, Architectura, Hydraulica, Mechanica &c. Commentarii vero Historiam sequuntur ordine arbitrario. Berolinenses commentarii in 4 classes dirimuntur, in physicam experimentalem, mathematicam, philosophiam speculativam, & historicam. Petropolitani Commentarii dispescuntur in classem mathematicam, physicam & historicam, quibus subjungi solent observationes astronomiæ.

Philosophiæ præcticæ universalis natales tam sunt recentes, ut nemini mirum videri possit, paucos illam tenere, eaque propter illius amplificandæ causâ nullam dari Eruditorum Societatem. Juris naturæ multo quidem antiquioris, & quo gravioris momenti veritates continet eo dignioris, ejus scientia diffundatur quaquaversum, & ad omnem, quem habere debet, evidentiae & amplitudinis gradum evehitur. Sed facile videre licet, quid huic consilio passim obstat, ut potius mirandum esset, talem uspiam extare societatem, quam non extare. Fortassis & in posterum diu hujusmodi academia intra pia desideria subsistet.

Oeconomicae hinc seculo nonnihil operæ consociatis viribus dari cepit leto omine, fore ut & in posterum societates oeconomicae continerentur, tum ubi jam excoli ceperunt, uti in Germania, Gallia, Anglia, Suecia, Dania &c., tum ubi nondum sunt receptæ, oriantur. Hujusmodi enim societatum utilitas in omni genere vitæ emolumenta sperare jubet.

Politicae societatibus ipse videntur obistere civitates, tanquam quæ jam sunt vel esse debent ejusmodi academiarum politica, in  
quæ



quibus & inveniantur & exerceantur jugiter quæcunque ad salutem publicam requiruntur. Collegia consiliariorum diversa totidem esse deberent academix civiles sublimiores, autoritate simul imperioque gaudentes, quo alix carent; nisi quis Persarum & Chaldeorum magos, Sinesiumque Mandarinum considerari velit, qui soli omni imperio potiuntur. Interim jam agnoscendum est, ne sic quidem multum profici, cum collegia ista subsint ut in illis rebus, quæ plerumque accidunt, & trita usu adeo sunt, ut parum habeant difficultatis, si cognitio historix civilis, similitum rerum ante actarum eventus offerens, ususque rationis & prudentix accedat. Manere plerumque solent consilia in eade viro, quam diu disquirere, num qua his meliora haberi possint. Inde sub initium hujus sæculi a Ludovico XIV. Rege Gallix, autore Marchione de Torcy constituta est academia politica (de la Polinque) ut in ea secretiora reip. & cæterarum, quibuscum negotia publica intercedere consueverunt, una cum linguis exoticis exercerentur a viris Historia, Philosophia & humanioribus literis probe imbutis, genere & moribus egregiis. Jubebantur illi in Grotianum Jus belli & pacis commentationes breves, aliasque deductiones conficere. Quem in finem ipsis subministrabantur acta haud vulgaria, negotiationes, Tractatus, fœdera secretioris tabularii, duce peritissimo Ministro, quibus ad altiora, futuraque negotia felicius expedienda instruebantur. Vid. Wallinii *Lutetia parisiensium erudita*. Utile sane institutum, quod Regnum Suecix nuper suum quoque fecit, teste *forma Regiminis a Regina Ulrica Eleonora edita p. 519. in vita Friderici Regis Suecix*. Diffiteri tamen nolumus, præparatrices quidem has esse academias ad gerenda negotia publici, præsertim quæ cum exteris sunt tractanda; sed inventrices & tales illas appellari non posse, quales ipsi politicæ, adeoque & salutis publicæ perficiendæ pares essent (§. 457. P. VIII. Jur. nat.). Quatenus illi, qui cum imperio sunt in civitate sat habent quod agant, & valent in arcanis esse politicam vel omnia manere uti sunt, carentis spei parum habetur, usquam talem academiam ortam esse, nisi ubi in manibus Philosophorum omne est imperi-

um, illique obligationis suæ memores, primo suæ reip. causa in ejusmodi societatem meliorum inventricem exercitatricemque coirent, vel ad illam ineundam civiliter quoque obligarentur a capite suo, cujus summum est imperium. Si existimas privatos suis sumtibus huic mederi defectui debere; parum ita impetratum iri, etiamsi prædiorum quorundam domini huic negotio subdere humeros suos vellent, nullo negotio perspicietur.

## §. 419.

*Divisio academiarum mathematicarum.*

*Si seorsum condende essent academiae inventrices mathematicae, illae vel versarentur circa Mathesin puram, vel circa impuram seu mixtam, quam & applicatam dicunt.* In Mathesi pura quantitates vel discretæ vel continuæ eruantur: Illæ in arithmetica cum vulgari, tum literali seu universalis quærentur, quæ Algebra vocatur. Hæ in Geometria vulgari, quæ & utramque Trigonometriam involvit; & sublimiori, quæ circa curvas omnis generis recentiores calculos exercet. Vtrobique superesse, quæ incrementa complura capiunt, ne summi quidem mathematici dissimulant. Multo vero plura desideranda occurrunt in mathesi applicata. Applicatur autem vel ad auditum in scientiis acusticis, musicisque; vel ad visum in scientiis opticis 4, ope hujus porro ad astronomiam seu motum siderum & quæ inde dependent, ut chronologiam, Gnomonicam, Geographiam, quæ & Hydrographiam complectitur. Porro ad motus corporum terrestrium in Mechanica, seu phoronomia, quæ involvit horologiopceam mechanicam cœlestem animalemque, porro staticam, & hydrodynamicam, & hydraulicam, cum hydrostatica, arte navigandi, & aerometriam. Denique ad architecturam civilem, militarem cum pyrotechnia, navalem aggerentem in litoribus & portibus, egerentemque, & pontificialem. Sed quo plura in applicata mathesi desiderantur, eo magis opus est. ut societatibus initis, eorum detectio emendatioque obtineri queat (§. 412.).

Agnitæ hæ rationes fecerunt, ut dudum societates quædam incubuerint in ulteriorem matheseos culturam, nec sine insigni illius incremento. Frequentata est olim *Societas Arithmetica* in quibusdam civitatibus imperialibus, licet contendere nolim, ejus socios omnino scopo suo pares fuisse; sufficit laudandos esse eorum conatus nonnullos. Habetur quoque arithmetica dyadica, tetractica, dodecadica &c. item dactylarithmetica, calcularia &c. Cæteræ partes pleræque adjunctæ sunt academiis scientiarum, uti adnotavimus ad §. præcedentem. Quædam etiam seorsum cultæ fuere, uti pristinis temporibus altronomiæ societates fuere inter chaldaeos, ægyptios &c. Academias musicas in rudimentis exhibebant olim phonsci germanici; perfectiores academia regia musicæ Parisiensis 1669. italica dei musici filaschisi, Bruxellensis, Berolinensis &c. *Academias Architecturæ civilis* aluit Roma, Lutetia Parisiorum 1671. Vienna &c. *Academiam militaris Architecturæ* vidit Belgium Bruxellis, præmia tribuentem 1716 numismate 50 aureorum. *Academiam mechanicarum artium* fovet Berolinum. De academia *Geographiæ emendandæ* Celeb. Franzius adhuc est sollicitus. *Architectura*, quæ circa aggeres, fluvios & maribus exundantibus obijciendos versatur, item quæ repagula subtus in fluvios & portubus obijcit, ne defluant quorsum non debent, & canales agit pro navibus & egerit arenam, moles struit, catartidis fluviorum conciliat indemnitate navigationis &c., multo cæteris est ignotior, eoque magis incrementorum eget.

## §. 420.

*Academia philologica* vel versantur circa linguarum puritatem & perfectionem, quæ *grammaticæ* & *criticæ* dici possunt; *demiarum* vel circa rhetoricam & oratoriam, quæ eloquentiam perficere *philologica-*  
nituntur; vel circa poësin, quæ varia carminum genera exco-  
lunt. Hæ *pædagogicæ* dici mereantur; illæ *rhetoricæ*. Cum multæ  
dentur linguæ, quarum cultura junctis viribus suscipi potest:  
patet, tot fere dari posse academias philologicas, quot dan-  
tur linguæ diversæ, quarum cultura & major nitor desideretur.



tur, sive in se tantum, sive in usu oratorum poetarumque. Referri huc possunt characteristica, Hieroglyphica turdorum loquela, calligraphia, cryptologia varia & itegano-graphia, atque apocalypica (vulgo ars deciphrandi), quæ mentem scripturæ occultæ ubi fieri potest eruere docet.

Hebrææ linguæ causa olim existisse academiam Tiberiensem constat, quam synagogam magnam dixere, 120 doctis viris constantem, quorum Elza caput fuerit. Cui tribui solet stupenda diligentia in numerandis versibus, vocibus, literis adeo, & lectionibus variantibus ejus ævi. Tolosa exorta perhibetur A. 1324. academia poetica, quæ græcorum romanorumque ritibus de latæo certaturos poetas Calendis Maji congregavit, diciturque *Academie des Jeux floraux*, & A. 1624 privilegiis mactata est. Romæ viget Academia Arcadum poetica. Linguæ Italianæ Academia fuit Florentiæ A. 1540. instituta, ejus etiam Lexicon prostat. Dicta est *Accademia della Crusca*, uti altera scientiarum *Accademia del Cimento*. Gallicæ Linguæ academia instituta est Anno 1615, dicta *Academie Françoise*, & postea ampliatæ pomariis academiam inscriptionum 1663, Eloquentiæ, & liberalium artium. (*Academie des inscriptions, de l'Eloquence, des belles lettres*). Germanicæ linguæ expoliendæ causa a Principe Anhaltino Ludovico. A. 1617. instituta fuit *Academia frugifera* (*die Fruchtbringende Gesellschaft*), ejus institutum simul pertinuit ad Eloquentiam & Poësin germanicam perficiendam. Sed per parum illa præstitisse merito dicatur, æque ac operæ pretium non fecit Bardorum & Phonsæorum (*der Meistersänger*) societas perantiqua in poësin & musicam colendam comparatæ. Hinc meliora dare annuntur in lingua germanica, oratoriam simul & poësin includentes variæ societates Germanicæ, Lipsiæ, Regiomontana, Jenensis, Göttingensis, Griesensis. cæter. Latine quoque linguæ colendæ ergo Jenæ viget societas latina, in quam schola latinæ, ubi habentur, pariter incumbere deberent; & in academiis Eloquentiæ & poëseos professores aluntur. Nec abs re optatur, ut excellentes in linguis professores inter se

se linguae Ebraeae alii, alii graecae, arabicae alii cæterisque qui possent operam daturi non vulgarem societates inirent. Est enim omnium veritatum cognitio suo loco utilis, earum vero ignorantia damnosa.

## §. 421.

*Artium togatarum & sagatarum academias cum theoreticis tum* *Academiae*  
*præcticas dari nihil impedit, ubicunque uberior earum perfectio eas re-* *artium divi-*  
*quirat. Quis dubitet, artes pacis & belli, quæ confuso tantum* *duntur &c.*  
 modo discuntur & docentur, ad tantum, quantum capere valent perfectionem adspirare non posse? Quo plura ergo in ipsis ignorantur, aut parum exarsciata habentur, eo magis merentur altiore indaginem & limam in academia inventrice (§. 314.). Hinc & in historia ac theoria & in usu artium Reip. præ cæteris utilium & honorificarum opus erit supplementis, novisque inventis (§. 449 *leg. P. VIII. Jur. nat.*): Theoria quidem academiis scientiarum & artium eatenus tradi potest, quatenus in illis dantur viri artium illarum periti. aut ab artificibus ea edocti saltem, quibus nunc est utendum in judiciis ferendis, & inventis suppeditandis. Cæterum, ubi de praxi agitur, ibi opus est societate magistrorum in ea arte veratissimorum, qui se mutuo incitent ad æmulandum. artemque perficiendam ultra usitatum modulum eas & alios æque perficiant (§. 452 *ibid. leg.*) idem quoque de excolenda scientia artis laborare sociatis ingenii opibus tum valde bunt rectius, quam alii eandem tam exacte non callentes cæteris paribus.

Hujusmodi sunt artes usitiores partim *bellicæ*, partim *pacatæ*. Bellicæ militares quoque vocantur. ut in equestres ex parte & in diversis militum eorumque præfectorum functionibus spectantur. Ad has perficiendas reges ipsi & summi duces cum suo consilio bellico eo magis attendunt, quo majorem sentiunt illarum usum & necessitatem in bello. Opus illis est vel in bello terrestri, vel in mariump. Cujus ratio cum multum differat,

rat, diversis etiam academiis perfectior artium, hi necessarium cultura indiget. *Academias marinas* habet *Gillia* *Hab.* & *Russia*, quæ ibi 1716. Petropoli condita est, sed magis ad notam jam praxin maris in descendam & docendam classarios, quam ad nova inventenda, ad quæ utendum esset peritissimis navarchis & pretoribus navilibus. Ad pacatas refero *academiam mercatorum*, quæ illa mercaturæ augendo præsidet, atque in magnis beneficiis indolis, car. habetur; *academiam metallurgicam* (S. 408. *Acad.*), quæ a *Zimmermanno* commendata est, & perficitur in Geometria subterraneæ (*der Mardtschule Kunst*), detectione fodiarum, docimaliæ, chemiæ fructuofiori, facilitatque effossilionis & educationis minerarum consuleret; *academiam fabricarum subtiliorum & meliorum* omnis generis v. c. vasorum murrhatorum sericearum, texturarum, omnisque generis operum manu & arte factorum singulari; *academiam pictorum & sculptorum statuariam*, cujusmodi est *Romæ* 1669. *l'academia del Disegno*, quæ & architectonicam includit; & *Luteriæ* (ac *Berolini* 1691.) *L'Academie royale de la Peinture & Sculpture* &c. Taceo *chalcographicam*, *tornacuriam*, *acupictoriam*, &c.

## §. 422.

*He academiæ pro arbitrio eliguntur atque miscentur.*

Quia in arbitrio hominum est positum, quas societates inire & quas in illis scientias artesque velint excolere, nec nebitrio eliguntur atque alias sibi proposuisse & proponere vel scientias vel artes, quarum incrementis operam darent. Inde & ab aliis aliæ artes & scientiæ junguntur, prout existimant se novi quidpiam in illis præstituros esse, saltem illius cupiditate feruntur. Proinde electio & mistio harum academiarum est arbitraria (§. 409.), sive privata tantum, sive publica autoritate constituentur.

Inde & nomina societatum eruditorum sunt arbitraria & sæpe obscura, ut nihil certi innuant. Sic *Romana* dei *Humoristi* & alia vocatur dei *fantastici*; *Patavina* dei *ricoverati* & *orditi*. *Bononiensis* dei *otiosi*. *Mediolanensis* dei *nascosti*; *Ticinensis* dei *assectati*;



*dati*; *Fermenſis dei Raſfrontati*; *Viterbienſis, dei oſtinati*; *Parmenſis, degli innominati*; *Ceſenenſis dei offuſcati*; *Alexandrina dei immobili*; *Tarviſiana dei perſeveranti*; neque clarum eſt, cujus generis ſit *academia problematica*, anonymorum *Olisiponenſis*, *accuratorum*, *operoſorum* &c. *Philharmonicorum*, *Philergetarum*, &c.

## §. 423.

*Academiis inventricibus non ſunt adhibendi niſi viri artis & Quales ac-*  
*ſcientiæ ſuæ callentiſſimi*, *Logica præctica & arte inveniendi præditi*, & *demici re-*  
*in ſcrutinio veritatum indefeſſi*. Etenim in academiis indagatrici- *quirantur in*  
*bus artes & ſcientiæ cum emendandæ ſunt*, tum novis reper- *his acade-*  
*tis augendæ* (§. 407). Requiritur ergo in illis viri his præ- *miis.*  
 ſtandis pares. Sed nova reperire & reperda emendare ne-  
 queunt, niſi qui inventores agere poſſunt, idoneos ad ſcien-  
 tias artesque perficiendas & novis inventis locupletandas, quæ  
 ſint e re civitatis (§. 440. P. VIII. Jur. nat.). Nec ejusmodi in-  
 ventores poſſunt agere, niſi qui ſciunt quæ nondum nota ſint,  
 & ſi innoteſcerent, reip. eſſent expeditura. Cum vero igno-  
 ta reperiri nequeant niſi ex notis cum iis, quæ quærentur, ne-  
 ceſſario aut convenientibus, aut pugnantibus (§. 454. *Psych.*  
*emp*): oportet multas veritates connexas habere perſpectas  
 dicto habitu ad inveniendi quæſita pollentes. Talem appara-  
 tum veritatum habere nequeunt, niſi viri ejusmodi rerum  
 callentiſſimi, quod per ſe eſt evidens. Requiritur ergo ad  
 academias haſce non alii viri, quam rerum, de quibus agitur,  
 callentiſſimi.

Enim vero quia callentiſſimi rerum præſentium dici illi  
 ſolent, qui tantum veritates, quæcunque jam inventæ haben-  
 tur de illis rebus, probe tenent, cauſasque earum intelligunt:  
 hi nondum poterunt agere inventores novarum veritatum, ni-  
 ſi præter uſum Logicæ egregium in meditando & perſpicue

scribendo artem inveniendi didicerint & in potestate habeant. Aliud enim est tantum scire veritates notas vel & docere (§. 406); aliud ex notis veritatibus ignotas, legitime derivare (§. 404.), quod sine arte inveniendi fieri nequit, quæ adeo multorum non est, historia omnis ævi teste. Quapropter præter amplam scientiam rerum, de quibus agitur, ad nova in illa re detegenda opus est logico habitu meditandi & inveniendi, eoque præditos esse oportet, qui repertoires emendationum & incrementorum fieri velint. Quinam vero gaudeant arte inveniendi, id ex ipsorum inventis testibusque discendum (§. 390). Cum vero inventio novarum veritatum sæpe sit perdifficilis, præsertim propterea, quod systemate artis inveniendi destituimur: mirum non est, suscepta tentamina, quæ promittere novum quiddam videntur, haud raro eorum deludere hiantem. Eaque propter opus est, ne inventum quæsiturus, animum despondeat, quando uno alterove modo adhibito nihil est lucratus. Indefessus ergo esse debet, in aliis aliisque viis excogitandis, quibus non obstant illa impedimenta, quæ adhuc est expertus, donec tandem in veram perveniat viam, potiundi quæsito.

Juvenes imperitique rerum viri, de quibus agitur, nihil detegere novi poterunt, destituti subsidiis ad inveniendum requisitis. Quodsi existimas, sufficere docilitatem in juvene & imitandi æmulandique studium: re paullo penitus perspecta, animadvertes tamen & hic ex nihilo nihil fieri, sed irritum fore studium imitandi alios & æmulandi, quando vires desunt. Vbi vero deest peritia rerum, de quibus agitur, non vulgaris, & præterea habitus inveniendi: ibi desunt vires ad inveniendum æque necessariae, ac ad volandum vigentes alæ. Quando in academiis alumni adhibentur, hi quoque jam sunt viri 25. annorum, qui studia debite pertractarunt, & artem inveniendi discunt, tot exemplis eorum, quibus adesse jubentur, & probe observare,  
quæ

quæ sunt, ut primum eadem repetere tum & imitari in rebus similibus discant. Nisi enim lentim discerent exerceantque ea, quæ deinde ipsis sunt agenda, æque inepti forent ad invenendum, ac linguæ imperitus ad loquendum, aut musicæ imperitus ad canendum secundum propositas musicorum notas præsertim difficiliore. Cum faciliora plerisque arrideant, difficilia paucis, non multi reperiuntur egregii inventores (§. 404. not.).

## §. 424.

*Quando Professores arte inveniendi instructi sunt, ceterisque §. Quando*  
423. *requisitis, tum eos adhiberi academiis inventricibus poterunt, si Professores in docendi munere vel non impedirentur, vel per alios subleventur. Pro-* recte adhi-  
fessores enim recte constituti gaudent scientia, quam docere *beantur* aca-  
debent, & donis didacticis (§. 390. & §. 436. P. III. Jur. nat.). *demis scien-*  
Si ergo præterea instructi sunt dotibus ad invenendum requi- *tiarum?*  
sitis, utique pares erunt quoque muneri inventorum. Sed do-  
tes inventoribus peculiare sunt apparatus veritatum, quæ  
principia præbeant quæsitæ eruendi, ipsa ars inveniendi & di-  
ligentia in ejus usu indefatigabilis (§. 423). His igitur præ-  
diti Professores idonea erunt membra academiarum inventri-  
cium, simul ad ea quoque docenda ore & scriptis expediti, &  
ad alios in stilo juvandos, qui non æque dono didactico pol-  
lent. Taceo, quod etiam eo majorem gloriam. autoritatem,  
& amorem studiosorum sunt consequuturi, quo in arte in-  
veniendi simul sunt celebriores, & præter antiqua simul novi-  
ter reperta eos docere possunt. Id modo cavendum est, ne  
uno munere fungentes impediuntur in altero, aut uni vacan-  
tes ex neglectu alterius ipsis aliisve damnum oriatur. Quod  
ne in docendo fiat, aliis adjunctis aut extra ordinem vel pri-  
vatim docentibus ita erunt sublevandi, ne inde damnum in-  
currere cogantur (§. 354.).



Olim ipsi publici Professores simul erant inventores, uti in Pythagora, Socrate, Platone, Aristotele, Euclide, Archimede, aliisque videre est: Ita & superiori sæculo cum studium inveniendi revivisceret, Philosophiæ & Matheseos Professores in eorum numero fuere, & hodierno sunt die. Nec desunt hujusmodi academiarum inventrices in academiis docentibus, ubi major pars membrorum & inventorum ipsi sunt Professores.

## §. 425.

*Sublimitas  
artis inve-  
niendi.*

*Sublimius est studium; quod impenditur novis veritatibus eruendis, quam quod tribuendum est veritatibus jam notis tantum docendis.* Per se patet, quæ jam nota, & docenda tantum sunt, ea mediocri docilitate capi, & mediocri dono intellecta explicandi doceri posse. Sed ad ignota invenienda, præsertim a priori, requiritur haud vulgaris soliditas (§. 331. P. I. Ethic.), acumen & ingenium insigne (§. 336. *ibid.*) & scientia (§. 337. *ibid.*), quæ etiam in arte inveniendi a posteriori usum habent egregium (§. 340. 351. *seqq. ibid.*). Cum inde manifestum sit, multo plura, rariora (§. 123.) & profundiora requiri dona ad inveniendum, quam ad docendum, eaque sublimiora dicantur, quæ profundiori & solidiori acumini mentis seu perspicientiæ tantum pervia sunt (§. 314.): sublimius esse studium apparet, quod impenditur ostenditurque veritatibus inveniendis, quam quod tribuendum est docendis veritatibus jam notis vulgatisque.

Inde *Gassendus* relicto sacerdotio & suggestu sacro, cui præpositus erat, cathedram adscendit mathematicam, & in oratione auspicali reddit rationes consilii sui, quod difficilius sit utiliusque, ignotas veritates invenire & demonstrare, quam proponere veritates dudum notas. Similiter *Leutmannus* suggestum suum commutavit cum cathedra petropolitana. Omnis aliis exemplis, tandem addo illustrem *Wolfium*, a studio Theologico transeuntem ad mathematicas philosophicasque disciplinas docendas, suisque inventis amplificandas associatus variis scientiarum academiis societatibusque.

## §. 426.

Cum academiae inventrices in usus publicos suae potissimum civitatis, deinde & totius generis humani comparentur *Quinam ad* (*§. 407*); doctores vero eximiae heuristicae, teste experientia non *artem inve-* *mendi exci-* *tandi publi-* *ce sunt?* sint nisi paucorum, quorum ea est excellentia ingenii & studi-  
diorum, ut difficilioribus quoque & ignotis detegendis pares *ce sunt?* sint (*§. 404. not.*): non solum id liquet, non posse quemlibet, qui velit, agere inventorem, nec promiscue quemcunque vocatum ad tale munus, illud recte esse tuiturum; sed quo sublimius studium in iis requiritur, quae inveniendae sunt (*§. 425.*), eo magis in civitate operam esse dandam, ut ingenio excellentes alliciantur ad ediscendam exercendamque artem heuristicam. Quam ob rem apta ad inveniendum ingenia, si locupletes sint eorum parentes, propriis sumtibus; si inopes, publicis sumtibus cum in Gymnasiis academiisque, quando se exerit ipsorum habilitas, tum absolutis studiis academicis, ad minervam suam excolendam aliis invitamentis juvandi, & inventoribus aggregandi sunt, quorum exemplo & institutione tantos in arte inveniendi faciant progressus, ut defunctorum loca replere & rite ornare queant. *Inprimis adjuvandi sunt publice, quos & fecunditas ingenui & sua trahit voluptas ad artem inveniendi prosequendam.*

Opus esse selectu ingeniorum ad obtinendos viros excellentes in iis, quae in publicis functionibus requiruntur, nemo sanus infitias ibit. Cum vero tales non nascentur, quales in illis requiruntur, educandi omnino & imbuendi sunt iis doctrinis exemplisque aliorum, quibus illis pares evadant. Neque juvaret quemquam opposita hisce sublimitas artis inveniendi, quae doceri nondum possit quamdiu nondum in formam systematis est redacta; & quae velut a munere divino expectanda sit, quando Deo visum est, ea hominibus offerre, unde attentiores observatores sapere possint. Sed priori rationi obstant omnia ho-

minum opificia & artificia, quæ vulgari modo ruditer docentur discunturque, licet systema vix unus aut alterius perscriptum proferat. Posteriori obverti potest, duplicem dari artem inveniendi, & si quædam a posteriori casu fortuito se obtulere, hæc neminem cogere. ut & in cæteras expectandum sit, donec casus fortuitus ignota pandat. Peruissent & illa observata fortuito deregitaliter & a priori. Quidquid hoc modo deregitur non minus divino muneri tribuendum est, quam quod fortuito a posteriori homini occurrit. Facultates naturales nemo sibi dare potest, sed unice hominibus divinæ in acceptis referre debet. Ad culturam vero & usum eorum amplissimum & quisque obligatur, & alii obligantur ad eum in ista re adjuvandum, pro illustranda communibus operis & opibus Dei gloria & maiestate.

## §. 427.

*Quomodo ad  
eam potest ex-  
ereri?*

Quoniam apti imprimis pronique ad artem inveniendi publice adjuvandi sunt in ea exercenda & perficienda (§ 426.); duo vero potissimum publica dari possunt invitamenta ad eandem excolendam, honores videlicet publici, redditusque artis cultura digni (§. 761. seq. & 905. seqq. P. I. Jur. nat.): sequitur, boni publici promovendi causa, ad inventa detegenda natos factosque propositos tum honoribus publicis, & salariis, & præmiis arte tam difficili & eminente dignis, aut majoribus iis, quorum potui in alio vitæ genere possent, ad quod non minus sunt idonei, cæterisque, quibus egent, adjumentis ad eam excolendam animandos esse. Sunt enim inventores ingenii dotibus & cultura intellectus præstantes aliosque superantes, non tantum indemnes præstandi pro operis publicæ saluti dicatis, & privato officio subtrahitis (§ 392.); sed & propterea in ea sorte collocandi, ut pares sint honeste alendæ fortunandæque familiæ, prout suam donorum Dei præstantiam decet, & gloria numinis amplificanda propterea meretur (§. 393.).

Quemad-



Quemadmodum Professoribus in academiis junguntur partim qui extra ordinem professione quadam donantur, partim qui privatim gradibus academicis mactantur & post edita doctrinæ & doni docendi specimina, privatim docendi facultate legitima instruuntur (§. 354.). ita quoque artis heuristicæ cultores exercitoresque adjungi possunt ordinariis academiæ scientiarum & artium membris, velut focii & adjutores operarum, quæ plurimum industriam requirunt. At par est, ut eorum causa non tantum indemnes præstentur, sed & honore gaudeant ac spe successione; modo nihil in se desiderari patiantur. Præterea concedi ipsis potest facultas observatis experimentisque alios imbuendi, & libros edendi, se & academia non indignos. Quo emolumento gavisuri quoque fuissent, si mansissent in academia doctrice. Hinc etsi alios arte observandi imbuant, pro conveniente honorario, id simul ipsis & academiæ inventrici proderit, plurimum observationibus in posterum gaviluræ.

## §. 428.

*Salaria & honores propter perpetuos labores in academiis inven- Cur majori- tricibus, præstari debent his, quæ in doctricibus usurantur. Sublimi- bus hic opus* us enim est studium, quod impenditur novis veritatibus eru- *git salariis* endis, eo, quod tribuendum est notis jam veritatibus docen- *& honori-* dis (§. 425.). Nam in academiis inventricibus requiritur stu- *but, quam in* dium veritates novas, societati & salutis publicæ profuturas, *universitati-* indagandi (§. 407.); in doctricibus tantum traduntur illæ ve- *bus.* ritates, quæ usu jam sunt receptæ (§. 321 & 329.) Sed per se liquet, sublimioribus meritis sublimiora deberi præmia & decora publica, quæ ordinaria ratione consistunt in honoribus publicis redditibusque decentibus & majoribus aliis obtinendis (§. 427). Eaque propter salaria & honestimenta in academiis inventricibus propter labores publicos perpetuos ideoque necessarium neglectam officiorum privatorum. percipienda (§. 392. seqq.) superare debent ea, quæ in doctricibus haberi possunt.

Accedere

Accedere & alia ratio solet, id ipsum requirens: Scilicet majores sumtus requiri solent ad nova inventa detegenda & perficienda, quam ad nude docenda ea, quæ non amplius latent. Qui sumtus cum publicæ salutis causâ, non vero in rem privatam faciendi sint, utique e publico ærario subministrandi. Quare ne præter necessitatem fiant majores cum dispendio publici ærarii, ubi minores pro scopo obtinendo suffecissent: præstat quidem instrumenta cariora, & alia, quorum perperuus est usus, esse & manere publica; aliorum vero sumtum causa mediocris summa, quæ sufficere intelligentium judicio in ordinariis laboribus possit, salario adjicienda, ut frugalitate eo majore administrentur, & extraordinarii tantum addendi sint, quando istis est opus. Major artis dignitas majorem quoque postulat splendorem externum, inprimis si quando publice & coram Rege est comparendum. Vnde quemadmodum in aliis casibus, ita quoque in his majoribus sumtibus est honorifice consulendum.

Judicare hinc licet de illis academiis, quarum virtus laudatur & alget; vel si quid salarii ipsis datur, id tantillum est, ut ipsius sociis vix necessaria vitæ præsidia præstet, dum sani sunt & incolumes, & quando morbo aut senio impediuntur, veluti peculiaribus beneficio miseram in nosocomio viam trahunt. Tædio impediuntur & pudore: quo minus hujusmodi exempla proferam in hanc scenam. In proclivi est judicare, cujusmodi viri talem societatem appetant, quid illi sint præstituri, & in quo pretio apud alios sint futuri. Perpauci enim sunt, qui rem ex se æstimare didicerint, externa illa sorte penitus neglecta. Pauci item, qui pecuniosi satis sola inveniendi quædam gloria ducantur. Verum quidem est, externum splendorem nihilo facere rem meliorem, ac in se est. Attamen reges & magistratus non frustra cum dignitate & præstantia animi conjuncta volunt externa signa, e quibus rudis plebs de internis judicet. Neque effecit Diogenes dolio suo, pane & aqua

aqua manu haurienda contentus, aliud quam ut apud vulgus se & doctrinam suam in contemptum adduceret, veluti rem nullius utilitatis, miserosque & mendicos facientem. Quæ omnia cum in despectum scientiarum, & artium omnium vergerent, si omnes eodem modo viverent, academia inventrix in pretio, quo debet, esse, & civitati prodesse nequit, nisi eodem, quo cætera inter homines magni fieri solent, modo extrinsecus quoque eminere jubeatur, & pro gradu excellentiæ suæ publicæ cohonestetur. Hinc & cultores artis inveniendi ex eadem quoque compotes fieri debent licitæ commoditatis decentiæ jucunditatisque vitæ externæ, ut externa internis consentiant, ut par est in vita perfectiori.

## §. 429.

Quia tamen meritum ratio est habenda (§. 393.). *Singularibus conspicui meritis, singulari quoque honore & reatu ad splen. singularia dorem dignitatis tuendum idoneo erunt afficiendi.* Fieri hoc convenit *merita sine* ita, ne propter illas accessiones civiles avocentur ab eo studio, *remuneran-* in quo plurimum valent, sed incitentur potius ad majorem in *da.* illo industriam, quamdiu valetudo permittit, & dein honorifica & jucunda fruuntur vacatione emeritorum, consiliis, dum valent, aliis adfuturi. Si putes, sufficere, ut propter singulare inventum singulare præmium detur idque simul integrum, nec repetendum nisi ob novum inventum egregium, aliud sit largiendum: concederem id quoque profuturum esse, præsertim si gradui meritum majora & minora responderent. Plus tamen arbitror valere illa, quæ durant, dum vita suppetit, & magis conformia esse cæteris, quæ publice dari solent, beneficiis præmiisque, quod gloriosius ducitur civitati & accipienti, quam si quid pecuniæ aut cimelii detur.

## §. 430.

Dum Professores sunt qui in academiis docent scientias *Quale nomen* (§. 435. P. VIII. Jur. nat.), licet academia inventrix quoque *conveniat* (*Wolffii Politicæ P. II. S. III. C. II.*) D d d d acade-



*membris a-* academia dicatur, eius socii tamen non recte vocantur Pro-  
*cademiæ ben-* fessores. Potiori jure igitur ab officio suo vocarentur inven-  
*rifica.* tores, vel locupletatores reip. Verum quoniam ista nomina  
 usu non sunt recepta, tanquam tituli; respiciendum esset, ad  
 usum in casibus similibus & titulos ibi receptos, academicorum  
 nomen tam amplum est, ut studiosos in academiis vel sectam  
 philosophicam denotet. Notum vero est, in aulis regum con-  
 siliarios vocari, qui inveniendis consiliis publicis h. e. meliori-  
 bus modis agendi & scopum civitatis consequendi (§. 983.  
*Psychol. empir*) operam dant (§ 999. P. VIII. *Jur. nat.*). Quia  
 academiæ inventrices publicæ itidem operam navant reperun-  
 dis salutaribus reip. consiliis, mererentur & hi appellari *consi-*  
*liarii reip.* Staats-Räthe) nempe scientiarum & artium causa.  
 Neque enim desunt in academiis Professores varii, qui consi-  
 liarii appellantur. Vnde inusitatus iste titulus dici non posset,  
 modo discriminis causa academia inventrix diceretur superior  
 vel sanctior, eiusque consiliarii superiores aut sanctiores  
 (Überräthe). Cætera discrimina peterentur, ubi ad sunt, a  
 scientiis aut artibus, quibus locupletandis consulunt & ope-  
 rantur. Majorum meritorum gradus facile notarentur additis  
 nobilitatis gradibus nomini meritis insignito. Si enim alii pri-  
 vati meritis, in facto transitorio v. c. prælio uno vel altero,  
 consistentibus adspirant ad titulos inferioris superiorisque no-  
 bilitatis, quidni inventis per omne ævum profuturis similes  
 nobilitatis gradus tribuerentur (§ 333.). Privatæ autem So-  
 cietatis membra, socii nuncupentur.

Habent hoc Sinæ peculium perpetuum, ut merita illa perso-  
 nalia non adquirant nisi nobilitatem personalem, cum persona  
 emorientem; realia autem, quæ inventis Confutii perpetuum  
 usum habituris inesse perspexere, nobilitatem hæreditariam ad-  
 cepta sint. Sed de his suo loco plura. Hic sufficit adjunxisse,  
 in imperio vel regno maximo sanctiorem vel summum senatum  
 heuri-

heuristicum, ex summis viris, inventorum scilicet Baronibus, comitibus, principibus componi posse, qui meritis suis ad illos titulos evecti sunt, cæterarumque academiæ inventricium duces sint vel Cancellarii. Similia instituta tenent monachorum aliique ordines, quorum habentur ministri, vel magistri provinciales, generales, &c. Plerumque membra academiæ dicuntur socii, aut in Gallia, *de l'Academie*; in Anglia *fellois of &c.*

## §. 431.

*Sicut i academia inventrix privata tantum habetur, eius membra aliter illa erunt libera, ideoque si volent, aliquid suorum observatorum communicabunt cum societate, nec ad statos aut perpetuos labores adstringi sese patientur, neque salariis fruuntur, nisi privatorum symbolis aut legatis quidquam indemnitis fuerint adepti. Privata enim academia non nisi privato instinctu sumtuque incrementis scientiarum artiumque studet (§ 408). Quare cum nemo hominum cum neglectu officiorum erga se ipsum officiis erga alios vacare obligetur (§. 608, P I. Jur.nat.), nec ob immutabilitatem Juris naturæ ad ea se obligare ita possit: manifestum est, membra societatis hujusmodi privatæ nec esse obligata, nec se obligare posse ad perpetuos pro aliis labores. Erunt ergo membra seu libera, quæ quantum citra neglectum officiorum erga se & suos posse se judicabunt, tantum suorum observatorum in commune bonum conferre & cum societate communicare studebunt, nec ad plura adstringi se patientur.*

Libere ergo tantum & pauca conferentes, nec talia, quæ insigne præmium merentur, gratis illa conferent, quæ communicanda ducent. Idcirco nec a quoquam salarium poscere poterunt vel expectare, nisi sponte vel ex pacto symbolæ quædam conferantur, ad indemnitate sumtum & laborum academicis membris præstandum, vel liberalitate privata aut inter vivos aut mortis causa aliquid donetur, unde præmia merentibus dentur (§. 408.).

Hoc casu magno opus est membrorum numero, ad quem etiam admittendi sunt, qui discere potius sibi utilia in conventionibus ex iis velint, quæ ab aliis communicantur & expenduntur, quam docere alios possint. Ita enim paulatim symbolæ pro accessu, vel statæ, aut liberalitate locupletiorum confluentes nonnihil conficient, unde sumtus necessarii petantur, vel & præmia quædam erogentur. Præsertim illis, quorum opus est actorum in societate consignatione, digestionem, expeditionem responsorum & diplomatum pro recipiendis membris, similibusque aliis laboribus frequentioribus, nec sine neglectu privatorum officiorum peragendis, indemnitas est præstanda. Cæterum ibi privatæ tales academix locum habent, ubi pro libertate populi in ærarium non plus confertur, quam ad alias procuraciones publicæ salutis necessarium est. Quamdiu enim alijs necessitatibus publicis ea subtrahi non possunt, quæ illis debentur, tandem locupletiorum privatorum est, sponte sua in hos usus conferre sua symbola, dona & legata, quibus ista adjumenta salutis publicæ tandem æque obtineri possint, ac si omnes suam ratam contulissent. Cedit enim in laudem ditiorum, quod istam partem salutis publicæ soli suppleant, quando ex sua abundantia soli eidem sufficiunt, soli quoque inde laudem reportaturi. Posse academiam privatam quoque autoritate publica firmari, & ex parte regis seu publicis sumtibus adjuvari, supra jam notatum est (§. 408.). Hujus generis esse Academiam Regiam Londinensem, aliquot centurias eruditorum completentem, inter omnes constat.

## §. 432.

Quot opus  
sit academijs  
inventricibus.

*Integro regno una sufficere potest academia inventrix e præstantissimis ad inveniendum ingentis coacta; quanquam permittendum sit, ut plures, privata quoque aut publicæ secundariæ illi præparent & subministrant ut res erutas, ita inventores exercitatos. Si pro dignitate instruenda est academia inventrix multos requirit sumtus majoresque, quam alia academia didascalica (§. 428. seq.). Tot sumtus vero præter necessitatem non sunt faciendi, ne onera reip.*



reip. augeantur ultra quam fas est (§ 778. *P. VIII. Jur. nat.*). Quam ob rem cum nec numerus inventorum sit copiosus (§. 423.); neque facilis sit ignotorum detectio, ideoque difficultas ipsa absterret eos, qui non experiuntur in se magnam vel ingenii foecunditatem, vel propensionem ad artem inveniendi, præsertim si ea se parum profecturos, & in alio vitæ genere multo melius versaturos esse intelligunt: egregiam academiam vix aut nequaquam ultra unam in regno, utut amplo & excultiori, convenire, planum est.

Quoniam vero gradus in arte inveniendi dantur, & minores gradus aliquid observare, experimentis explorare & pro opportunitate loci eruere possunt, quod ita tractare academix eminenti non vacat, non licet propter graviora negotia, aut non opportunum est: hæc adjumenta sublimiori academix non sunt invidenda, sed potius procuranda & si vel publica secundaria seu recentior sit. sublimiori celsiorique subjungenda (§. 430.). Præsertim id commodum accidit, si vel omnino, vel ex maxima parte privato sumtu suos socient labores & conatus incrementa scientiarum & artium provehendi (§. 431.). Multo enim præstantius est in communia commoda amplificanda opulentiam privatorum impendi, quam in nutrienda vitia, aut in vanitatem, aut in ludos, pompam, luxum, similiaque dedecora generis humani & opum abusus. Accedit quod ad minutias descendere indecorum est sublimiori academix; & tamen in minimis Deus est pariter conspicuus ac in maximis, inque illis semina latent rerum maximarum. Præterea exercitati in his altioribus suppetias ferre, & successores creare possunt.

In Gallia rem sic se habere cernimus. Parisiensis regia academia scientiarum item artium liberalium &c. ibi principatum gerit in hoc genere. Præter illam tamen variæ dantur aliæ, Mon-

Speliensis, Burdigalensis, Ambianensis, Massiliensis, Cadomensis, Sueffionensis, Lugdunensis, Palensis, Tolosana, Divionensis, Nancejensis cæt. Vnde adoptare cepit parisiensis quædam mista sibi aliarum academiarum observata & schediasmata, quæ separatis Tomis ab ea eduntur. Magnæ Britannię non est nisi unica academia scientiarum. Danię una, Suecię una, Russis una, Imperio romano germanico una licet in electoratus & principatibus passim alię dentur. Hispanię una, item Lusitanię, Belgio una.

## §. 433.

*De præmiis*

*Insigniora inventoribus rerum utilium premia optimo jure destinantur cum ex publico ære, tum ex privato, quibus extra ordinem as-  
extraord- ficiantur & excitentur ad quesita scrutanda. Pauca dantur in-  
nariis. ventorum honoraria adeo insignia, ut ea sat calcaris addere*

ipsis possint, ad omnes ingenii nervos itendendos. Nec (jura stolæ, quæ dicuntur) seu egregii contingentes redditus ipsis præter salaria addicti esse consueverunt. Si usitata explorare dignamur. Vnde per se currentes ad inventorum metam, acrius tamen fortiusque ad palmæ honores connitentur, quando eminentiori præmio se, ubi alios omnes vicerint, coronandos esse sentiunt. Quare pro rerum inveniendarum pondere & dignitate, pro dignitate constituentium præmia, & pro majori excitatione animorum ad artem inveniendi in sublimiorem gradum evehendam, optimo jure constituuntur & multiplicanda sunt præmia detectarum veritatum insignium utiliorumque, sive ex publico ære dentur, sive ex privato; & utrobique curandum est, ut sint indubitata & perpetuanda.

Non dantur fortiora invitamenta ad excolendas dotes mentis eveendasque in id fastigium, quod assequi possunt, quam præmia extantiora. Hæc vero aut in honoribus consistunt eminentioribus, aut in pecunia seu rebus pretiosis v. c. numis, catenis aureis similibusque. Honores paucioribus propterea conveniunt, quia oneri potius forent, quam decori illis, qui eos tueri  
splen-

splendore externo, quem requirunt, suis sumptibus nequeunt. Quapropter cum præmia certum pretium idque insigne habentia nemini oneri esse possint, sed omnibus grata esse queant: hæc potius usu recepta sunt, quam illa. Adde quod hæc quoque a privatis æque tribui possint e suo patrimonio, seu donatione inter vivos seu mortis causa, ac ex ærario publico, & ea in re privati neutiquam sunt impediendi, sed potius ad eam animandi. Quare præmia inventorum potissimum in pecunia parata, aurea argenteave, in numismatibus majoribus, cum in finem procusis, similibusque rebus pretiosis ponuntur.

## §. 434

*Illiusmodi & rerum inveniendarum seu problematum altiorum Quibus pro- inventores, & resolutionum iudices premiorumque erogatores recte con- blematum se- stituuntur viri talium rerum peritissimi in academiis inventricibus. Quæ lectus & so- enim præ cæteris excussionem mereantur, nec vires humanas lutionum di- exceedant, nemo rectius scire potest, quam huiusmodi rerum, judicatio de- qui habentur, callentissimi. Sed huiusmodi viris constar aca- beat. demia inventrix rite constituta (§. 423.). Nec aliæ res ad in- veniendum sunt proponendæ (§. 413. 4. 5). Proinde & se- lectus problematum, & generalis indicatio ejus, quod potis- simum excutiendum est, & quo modo sit excutiendum, per- mitteri prudenter nequit, nisi academiæ inventrici, & in huius- modi rebus occupatæ.*

Enimvero cum in speciminum analyseos dijudicatione recte facienda non minor requiratur scientia, quam in proble- matum investigatione, & potissimum de eo quærat, siue, in speciminibus datis, problematis analysi satisfactum, nec ne; & quodnam inter plura præferendum sit: iudices quoque pe- ritissimi adhibendi sunt. quorum sententia definiatur, siue cui- piam, & cui præ reliquis præmium dandum? Vbi rursus iis- dem rationibus, quibus usi sumus in problematibus propo- nendis, efficitur, neminem ipsis problematum inventoribus  
recti-



rectius statuturum esse, num problemati a se proposito sit satisfactum? Quo vero eo magis indubia sit spes præmil, & addictio illius & erogatio, recte iudicum in manibus seu plena potestate ponitur.

Siquis aggerat, id non satis tuto fieri, quia & in illis academiis facile unius vel alterius tanta sit autoritas, ut illius sententiæ, si non omnes faveant, saltem major pars. Quæ sententia si sit erronea, præmium immerito obventurum esse, cui minime debebatur, scilicet eodem præiudicio laboranti, vel spe præmii istam sententiam, quantum potest, inconstanti. Si pergat urgere, ipsos iudices paradoxæ sententiæ, & quam ipsi pro falsa habeant, ob causam externam, v. c. ne nimis favere suæ sententiæ videantur; aut ubi paradoxa, quam tanquam novam coronandam putant, præmium tribuere posse & tribuisse. Nollem quidem hoc ipsum in dubium vocare, cujus exempla habentur explorata. Nec tamen ideo largirer, id institutum esse rejiciendum: cum in liberis actionibus nihil tam egregium statui possit, circa quod nullum peccatum admitti ejus abusu possit. Ratum enim manebit, ab imperitis harum rerum multo minus expectari digna problemata, & speciminum iudicia posse. Si vero alius quisquam aut cætus constituatur problematum conditor & disceptator, qui extra societatem inventricem detur; non eadem tantum, sed & sæpius talia contingere poterunt. Certe verendum academiis magis est periculum labis famæ inter vi-  
vientes & posteros adspargendæ, quam vel alii privato homini aut cætui, non in tanta luce posito. Procul dubio enim re-  
tiora tenentes omnes non possunt non errorem damnare eo magis, quo longius ab illo potuissent debuissentque esse remoti, qui peritiam rei profitentur obstringunturque ad verum iudicium ferendum, non minus ac iudices in foro civili, ubi falsum iudicium tamen aut paucis aut uni tantum est nociturum. Quis excusaret iudicem civilem, contra veram animi sententiam ideo iudicantem, ne videatur suæ favisse sententiæ? Si emergat sententia iudicis, de qua damnatus conquerendum habeat, datur  
illi

illi remedium appellationis. Si perperam sententia de præmio attribuenta lata sit, æquum esset, ut damnati veritatis amici audirentur, nec sibi debito præmio priventur. Quorum licet unus tantum specimen dedisset, pariter tamen is audiendus, ac unus civiliter damnatus civis, cujus damnum multo sæpe minus est præmio. Rogas, ubi audiendus esset? Responderem in academia summa, si inferior academia male pronuntiasse dicatur; aut si a summa lata sit iniqua sententia, aliæ academix inventricæ duæ vel tres, earum rerum peritissimæ ex compromisso adiri possent, ut rationibus excussis ei inhæreretur sententiæ, quæ plurium calculos tulisset. Ita enim libertas sentiendi salva foret, nec tamen veritati facile quorundam error fraudi esset. Porro tamen hæc non abs re inter pia desideria vix aut raro implenda; cautumque veritati a sapientia divina & in his casibus eo erit, quod error nunquam veritatem est extincturus, etsi per longa tempora & sæcula propagetur, uti paganismus & hodiernus Judaismus. Vbi sua tandem virtuti, ita quoque sua veritati laus & victoria erit æterna.

## §. 435.

*Est quidem gloriosum & nobile officium academix inventricis, Num nobile quod circa præmia rite eroganda occupatur; liberalius tamen est, si huiusmodi oneribus redhostimentum addatur, quo ad præclara & in his academix ea in præstanda incitetur.* Gloriosum esse academiis inventricibus, si, cludat?

uti par est, agnoscantur esse quod esse debent, nempe harum rerum callentissimæ, quis dissiteatur? Si propter agnitam hanc præstantiam suam eligantur arbitraræ rerum ad se pertinentium, sive ab ipsa majestate, sive a privatis præmiorum autoribus, id utique ipsis honorificum est censendum, non secus ac illi, qui iudex rerum gravissimarum in civitate est electus. Si vero nobile officium iudicis dicitur, ad quod per se est obligatus, nemine ipsum implorante; hoc sensu præmiorum dispensatio tum in se, tum propter labores heurísticos & criticos onerosa, non nisi eo casu ad nobile officium academix re-

ferri potest, quo ipsa publicis fruitur honoribus & redditibus ea lege datis, ut & publica illa præmia promittat problema datum soluturis, & decernat merenti, contenta exiguo fructu, qui forte ex editione speciminum potiorum saltem præmio dignatorum oriretur. Cæteris ergo casibus, aut si quis privatus præmium constituat, istoque onere eam fungi velit, utique non minus ac privato judici, academix indemnitas eo magis erit præstanda, quo plus in aliis functionibus suis impediretur pluribus hujusmodi discussionibus. Interest non tantum largitoris præmii ad finem suum consequendum, sed publicæ quoque rei, omnem ea in re curam diligentiamque adhiberi, ut merentes palmam ferant. Quare cum eam incitare in brachii & compensare possit præmii auctor, ad illud quoque obligatur (§. 268. *P. IV. Jur. nat.*).

Agnosci id officium haud difficulter potuit, modo animus sit scopi memor. Vult nempe præmiis allicere alios, ad veritates ignotas investigandas, ope academix inventricis, ejus opera uti decrevit. Idcirco non potest non intelligere, & academiam ad hoc ipsum a se obligari non posse, nisi pacto & præmio. Quare par est, ut ei partem præmii sui, aut aliud redhostimentum assignet, quo illa eo magis accendatur ad juvandam scopi propositi acquisitionem. Eo id æquius deprehendetur, quando lex adjecta est, ne quis academix confors præmii compos fieri debeat. Equidem audire mihi videor, sufficere, si focii academix alterius academix præmiis ornari possint. Sed hoc esset hujusmodi, ut quivis alius speciminis editor eundem spem habeat, si specimen iudicibus arrideat præ reliquis. Vtrum a multis præmiorum auctoribus privatis id observatum sit, nunc non disquiram.

§. 436.

*Quinam certare de præ-*

*Consultum generatim non est, ut qui iudices esse debent, iidem quoque sint auctores speciminum & se ipsos suosve præmio assistant; quam*



• *quam talis socius, qui iudex non est; admitti ad certamen de palma mio neque-*  
*passit.* Curandum enim est, ut iudices sint incorrupti & ab *ant?*  
 affectibus vacui in iudicando (§. 541. P. VIII. *Jur. nat.*). Sed  
 tales non esse plerique solent, qui de se suisque placitis iudicare  
 debent. His nimius sui amor facile obstat, ne possint cernere  
 verum vel falsum; falsum in suis placitis pro vero; & verum  
 sibi contrarium pro falso habentes præsertim spe præmii lau-  
 tioris cuius sunt candidati. Neque liber est & immunis a su-  
 spicione iudex, pro amico vel collega, quem odit vel amat,  
 sententiam dicturus, quando illum latere sub specimine in-  
 telligit. Quod cum in iudicio civili usitatum sit, ubi tamen  
 appellatio superioris iudicis ei licet, qui se gravatum existimat;  
 multo magis observandum est in academia, a cuius iudicio  
 nulla conceditur provocatio, & si vel publico literato orbi in-  
 sinuetur, manet nihilo secius sententia rata (§. 435.).

Generalis hæc regula eam pateretur exceptionem, si quis  
 inter ipsos iudices inter se reliquis iudicibus, meliorem omni-  
 no quam ullus alius dedisset analysin in suo specimine, ne-  
 que ipse sibi, sed vel nulli vel alteri a se proximo suffragium  
 daret, cæteri vero jure meritoque ejus speciminis, cuius au-  
 torem ignorant, præmio dignissimum censeant. Hoc casu  
 enim nihil affectui datum esse, planum foret; itaque autor  
 e numero iudicum merito præmium referret, etiamsi po-  
 stremo cæterorum suffragiis suum adjiceret, & se autorem esse  
 profiteretur. Sic verbi gratia Electores sunt constituti iudices,  
 quisnam imperio dignissimus sit, & tamen quemquam ex electo-  
 rum numero recte eligunt imperatorem, qui si suam sententiam  
 frustra alteri datam vel dandam, conformet cæterorum senten-  
 tiæ, nihil facit ab officio suo alienum. Quod & in regum alio-  
 rumque electionibus ita receptum est, ut cæterorum suffragiis  
 recte eligatur, qui & ipse jure eligendi gaudet. Similis casus  
 foret, si inter specimina priora nullum præmio dignum fuisset,

Et sic 2.

&amp; post

& post præmissum duplum præmium id fieret, quod modo diximus editisque speciminibus comprobaretur.

Quando autem ejusmodi socius problematis analysin suscipit, qui nec ipse judex est, nec id ullo modo agit, unde innotescere possit vel probabiliter debeat judicibus: ejus specimen repudiandum non esse, sed coronari posse, si cæteris palmam præripiat, dubio caret. Nulla enim tunc adest suspicio, judices partium studio quidquam dare potuisse, vel ei, quem nesciverunt sodalem suum esse, tanquam socio favisse.

Disparitatem quandam in hoc judicio literario & civili tunc adesse agnoscendum est, quando in causa civili agitur, de jure perfecto consequendo, in certamine literario autem tantum de imperfecto. Denegatio enim juris perfecti injuriam continet, non vero denegatum jus imperfectum (§. 859. P. I. *Jur. nat.*). In judicio ferendo de specimine, quod in præsentì problemate palmam mereatur, non videtur ullius auctoris jus esse perfectum, quod eatenus concedendum, quatenus de ejus autore quaritur, qui utique nescit, quæ alia sint specimina, & quid in illis contineatur, nec ipse judex in sua causa esse debet, sed mittendo specimen suum ad illos, qui arbitri sunt constituti, illorum judicio se submittit. Quatenus vero de judicibus quaritur, eorum obligatio pender ex pacto & natura rerum. Si enim receperunt voluntatem largitoris præmii, v. c. quod speciminum auctoribus, qui proposita discussioni non satisfecerunt, nihil dandum sit, illi autem, qui ipsi satisfecit, totum præmium sit addicendum; aut si nondum exasse illi satisfactum sit, & meliora sperantur, præmium duplum, & deficiente etiam tunc eo, quod speratur, triplum proponi possit, tandemque duobus vel tribus pari merito conspicuis, pro æqua parte præmium sit adjudicandum: apertum est, judices hoc pacto suo perfecte obligari ad legem præscriptam observandam, neque posse immerenti specimini quidquam tribuere, neque merenti illud denegare, nisi per nefas. Quo casu, e publicatis speciminibus demonstrando, accu-

accusari utique possent. Si vero duo specimina occurrant, quando unum duntaxat præmium est assignandum, quæ pariter illud mereri videantur, quia tum dividendi præmium potestate carent, ob rationes externas, v. c. stilum alterius meliorem, vel sortem adhibitam, prout illa cecidit, illud ita attribuetur, ut alteri conquerendi ratio nulla sit. Si vero generali lege tantum obstringuntur ad ferendum judicium, uti par est, vel pro meritis, vel quam optime fieri potest, vel ut dignissimum inter oblata specimen palmam ferat: ipsa tamen res, in qua boni publici ratio habenda, & conscientiæ religio cavere jubebit, quæcunque vitium aut errorem judicium proderent.

## §. 437.

*Ne judices affectui in autorem speciminis quidquam dedisse intelligantur, auctori omnis spes præmii adimenda est, si quidquam admiserit, quo judicibus ante latam sententiam innotesceret. Etsi in judiciis reliquis opus non sit, ut in controversiis decidendis judices ignorent auctores, sed potius nomina eorum sint profitenda ad meliorem causæ cognitionem instituendam; alia tamen ratio est præmiorum literariorum, quorum judices non solent esse jurejurando adstricti ad seponendam omnem personarum rationem, quarum igitur vel amor vel invidia judicium de speciminibus posset vitare. Aliis igitur opus est documentis, unde constet, judices nihil affectui corruptori dedisse vel dare potuisse. Tale documentum est auctoris ignorantia manifesta. Quare auctoribus speciminum recte injungitur, ut nihil committant, e quo innotescere possint debeantve judicibus, antequam sententiam tulerint; ipsisque si quid ejusmodi tentaverint, spes præmii adimatur. Si quid vero inscio & invito auctore ab aliis in ejus fraudem, aut fortuito contingat: id ipsi tribui nequit.*

Non tantum præmii aviditatem ostenderent ejusmodi facta, quibus auctor innotesceret, verum quoque suspicionem animi



judices corrumpendi seu in suas partes flectendi moverent. Hujusmodi facta forent, si manus auctoris judicium cuiuspiam nota esset, & sua manu tunc specimen scripsisset; si librum a se editum in tractatione ipsa ut suum citaret; si stilo uteretur & hypothese tam notabili, ut inde perspiceretur; si specimen mitteret per quemquam, qui veluti sub rosa illum nominaret; si nomen schedulae ita esset inscriptum, ut transpareret, vel inspicere posset vinculo non soluto; si specimen mitteret sub suo sigillo non ignoto; si per talem mitteret, quem novit non esse taciturnum etiam si eum roget, ne cui nomen suum dicat; si vel scriba utatur non taciturno, vel amico aut adjutore eo certius se prodituro aliis, quo minus id cupere velle videatur, &c. Optime igitur receptum est, ut auctor speciminis tantum sententiam quandam seu praeiudicium seu subiciat specimini suo, velut symbolum, cujus ope detegi possit, quando ipsi praemium tribueretur. Detectio autem ope symboli vel confestim fieri potest, si adjecta specimini sit schedula obsignata, idem symbolum in fronte, intus autem nomen auctoris gerens, non nisi laxato sigillo legendum; vel confestim fieri nequit, si, ubi praemium datur, ibi nec schedula adsit, nec quisquam alius, qui nomen auctoris edere possit. Hoc casu sufficit indicasse per symbolum adscriptum specimini, illius auctori esse praemium attributum, dandumque si se luculenter esse autorem monstraverit. Hoc autem fieri potest adjecta talea seu chartala ita lacerata aut scissa, ut symbolum vel alia scriptura, submissa altera parte redire rediret. Neque tamen hoc ita necessarium est, ut aliter res ad liquidum perducere nequeat. Si enim vel nullum symbolum adjectum esset, auctor vero sui manu specimen consignavit, literis manu sua scriptis, addita vel dispositione sui speciminis, vel periodo prima, ultima aut alia, se esse autorem evidenter daret. Si autem specimen suum seu dictasset alteri, seu describi ab ipso iussisset; posteriori casu addito suo MSto, vel sua correctione missi exemplaris, aliisve rationibus idoneis id evinceret; utroque uti posset describentis aliorumve consensuum testimonio. Brevius tamen rem conficeret ita, ne quisquam alius sibi arro-

gare specimen posset, si symbolo scisso laceratoque utatur, vel ultima pagina alba ita scissa in specimine sit, ut ab ipso autore solo integra restitui possit, transmissa parte, quæ infcio descriptore vel scriba deficit. Par foret ratio, si manum suam celaturus, symbolo uteretur e vocabulis impressis composito, licet sensum nullum fundentibus, & paginæ, unde verba petita sunt, laceram particulam una cum specimine mitteret, alteram sibi retineret mittendam, quando probandum est, se esse illius speciminis autorem. Caterum per se liquet, autori cavendum esse, ne specimen in alterius manus veniat, in quas venire non debet; ne quis alius mutatis mutandis id suppressere, ac mutatum addito alio symbolo suum dicere possit, præmium aucupaturus & subdole reportaturus.

## §. 438.

*Ut suffragia de Speciminibus in solemni conventu statim diei a iudicibus recte ferri possint, Specimina mature & autorum sumtu mittenda speciminum. De examine*  
*Sunt secretario academia, a quo in proximo conventu exhibenda sunt obsignata, ut resignentur, a Præsi le subscribatur admissio eorum ad examen, & quo ordine illud per otium maturo iudicium iudicio sit peragendum & absolvendum; ne tamen specimen citra culpam auctoris tardius veniens, dum ante diem criticum examinari potest, rejiciatur, vel excludatur a præmio, quo esset dignum. Est enim ab academia, vel iudicibus ab ea constitutis, definiendum, utrum adsit inter specimina unum alterumve præmio dignum; nec ne, & quodnam cæteris præferri mereatur (§ 434.). Quod iudicium in solemni conventu diei opportuni & quantum licet statim, ut rationes suffragiorum omnibus innotescant, si non unanimi, saltem majori suffragiorum numero consensuque ferendum est. Quod cum sine prævio maturo speciminum examine fieri nequeat, opus utique est, ut specimina iusto ante diem criticum tempore adsint. ideoque ab autoribus eorum, quorum interest, ut ad academiam perferantur, si spe præmii, quam fo-*  
vent,

vent, excidere nolint, suo sumtu illuc mittantur. Quoniam ejus, qui a secretis academix est, munus simul occupatur circa epistolas recipiendas & expediendas, plerumque secretario committitur, ut specimina ad academiam missa recipiat, idque academix constet, specimina numerentur, & quod de examine eorum placuit, ut futuri judices eidem vacare rite possint, adnotetur simulque caveatur, ne quid in illo mutari possit. Quoniam vero casu fortuito, aut invidi cujusquam opera fieri potest, ut specimen tardius, quam deberet, ad academiam deferatur, & nemini imputandum est, nisi quod culpæ ejus debetur (§. 700. *P. I. Philos. pr. univ.*): patescit specimen egregium, citra culpam autoris tardius allatum, modo fieri possit ut ante diem criticum vel statum vel prorogatum, debite examinetur, nec ideo rejiciendum, nec a præmio, quod meretur, excludendum esse.

Dici nequit, largitorem præmii voluisse, ut ullum eo dignum specimen ab ipso excluderetur. Quapropter licet commoditati judicium quoque consulendum sit, hæc tamen secundaria ratio cedere debet primariæ, quæ est, ut dignissimum specimen præmium referat. Quare si eo, quod tardius quidem citra autoris culpam venit, melius vix sperari possit, ex judicis callentissimi cujusque sententia, non opus erit, ut problematis solutio in alterum annum rejiciatur, sed potius vel cum quodam incommodo cæterorum judicium ejus examen subeundum erit, prorogato, si opus est die decretorio. Legitimum enim impedimentum diei prorogationem extra ordinem tunc meretur. Auctores speciminum cum ignorentur & ignoti maneant, præter illum cui præmium tribuitur, nulla hic suppetit ratio, cur occultis utendum sit suffragiis. Præstat igitur illo aperte ferre in solemni consensu, a quo rationes intelligi & expendi possunt, quæ captum eorum non transcendunt.



## §. 439.

Quo difficilius indaginis est problema propositum, eo plus temporis concedendum est ipsius analysin solidam suscepturis. Cum solida solutioni eruditione gaudentes, peritique ad scrutinium rerum novarum suscipiendum plerumque aliis distineantur officiis negotiisque, quæ negligere nefas foret: ipsi vix aliter quam horis subsecivis aliquid otii sui tribuere poterunt problematum solutioni. Sed quo difficilius indaginis est propositum problema, eo plus temporis impendendum erit seu observationibus & experimentis instituendis, seu aliis disquisitionibus & calculis absolvendis. Ne ergo aptiores ad analysin solidam per sua negotia neutiquam negligenda impediantur analysin in se suscipere, quam prospiciunt intra breve temporis spatium a se absolvi non posse: indulgendum discussioni est eo longius temporis spatium, quo altioris indaginis solutio esse perspicitur (§. 941. Ontol.).

Præstitui sæpius solet discussioni problematis annum spatium, quoniam id plerumque sufficere solutioni visum est his, qui expeditiores sunt cæteris in ejusmodi analysi peragenda. Sed si subtrahatur spatium, quod elabitur antequam ad multorum notitiam pervenire problema solvendum possit, una cum illo, quo ante diem annum sistere se specimen examini debet, & quod requiritur antequam eo perferri possit: parum temporis restare illis intelligitur pro horis subsecivis, intra quas longior difficiliusque discussio problematis suscipi & debite absolvi nequeat. Non obtinebitur ergo scopus solidioris discussionis, nisi longius indulgeatur temporis intervallum. Quapropter biennii vel triennii tempus concedendum est argumentis difficilius indaginis, quod & passim jam usurpari videmus.

## §. 440.

Argumenta difficiliora rectius permittuntur eruditis cujuscunque, Quibus quam unius, nempe sue tantum nationis discutienda. Fieri enim problemata potest,

(Wolffii Politicæ P. II. S. III. C. II.)

F f f f

**S.** *præmia* potest, & solet, ut aliis gentibus alia sint rerum naturalium  
*sint propo-* & artificialium genera, quæ modo his, modo illis enuclean-  
*nenda?* dis viam sternunt alibi non obviam. Alibi quoque alia veritati  
obstant præjudicia & superstitiones, a quibus immunes erudi-  
ti longius progredi in veritatum indagatione possunt, quam  
qui illis occæcantur. Quod experientiæ ita obvium est, ut  
alia non egeat probatione. Sed præmiis certo sperandis ex-  
citari exteri possunt ad quædam communicanda, quæ alias  
reticerent sibi que servarent. Cum vero peritissimis viris com-  
mittenda sit reperiundorum discussio (§. 434) nec præmia  
danda, nisi qui optime ea meruit (*ibid.*): non unius tantum gen-  
tis scrutatoribus veri, sed quibuslibet proponenda sunt &  
problemata discutienda, & præmia auctori, qui ceteros vicerit  
tribuenda, expectandaque. Hoc vero eo magis necessarium  
est, quo difficilius est argumentum discutiendum (§. 439.) &  
quo minus ejusdem gentis cives idonei deprehenduntur, ad  
egregia in his rebus præstanda. Indidem quoque fluit, quaqu-  
versum inprimis unde major spes affulget, propalandum esse  
argumentum, de quo quæritur, & præmium auctori optimæ  
solutionis sperandum, ne id ignorare possint in ejus solutio-  
nem aptiores pronioresque.

His repugnare videtur officium erga patriam, quod civibus  
potius, quam exteris consulere & præmia conferre jubet. Præ-  
terea inanis dicatur spes, fore ut exteri pro præmiis exigui præ-  
tium, cujusmodi hæc inventorum præmia ad summum 100. au-  
reos æquantia esse solent, ea communicent, quæ in arcanis suis  
ponunt, ne excedant lucro, quod inde percipiunt multo majo-  
ri. Posterius plane concedendum est, aliisque modis ea exte-  
riorum inventa venanda sunt, quæ hoc pacto nunquam sunt ex-  
piscanda. Prius vero officium nequaquam subvertitur his præ-  
ceptis. Modo sint in patria, qui satisfacere argumento cōdice-  
rint velintque, præmium ipsorum meritis omnino obve-

Si mereri vel nequeant, vel nolint, sibi imputabunt, quod eodem sint indigni. Qui student ut mereantur, illi habebunt, quod optant. Quamdiu non sunt, qui merentur, tamdiu scopi potiundi ratio exteros, qui merentur præmium, præferre indigenis jubet. Neque perditum censendum est, quod ita exteris tribuitur, quando vicissim academiæ vel civitatis memoria exterorum præmia suis speciminibus consequuntur. Quando indigenæ meliora præstant, quam exteri, merito ob hoc ipsum præferentur, etiamsi iudicibus non constiterit, esse eos indigenas. Quando iudices eadem cum indigenis præjudicata opinione laborant, aut hypothese ducuntur, propterea quoque exterorum specimina raro aut vix unquam victoriam reportabunt, tamen si meliora forent. Quæ civibus tantum destinata sunt præmia, ea merito ipsis reservantur.

## §. 441.

Quoniam iudices de specimine oblato statuere ne- *De lingua*  
queant nisi linguam calleant, in qua illud est consignatum; *speciminum.*  
neque de specimine analyseos cogitare diversi populi possunt,  
nisi qui intelligunt quid sit id, de quo querendum est (§.  
440.): oportet, ut argumentum excussioni offerentes diversis gentibus,  
vel lingua utantur eruditorum communi, latina scilicet, vel iis vernacula;  
& ut vicissim aggressuris inventionem & specimen daturis indicent linguas, e quibus optare possint, quam malint, ut iudices intelligere specimen citra versionem possint. Si vero alia uti malint, monendi sunt auctores, ut eo citius specimen mittant, ut ante transferri in linguam academiæ notio-rem possit, quam examen ejus sit incipiendum, modo interpretes derur.

Modi thema propositum quaquaversum divulgandi esse solent, nova literaria & epistolæ ad academias inventrices diversarum nationum quæ inter suos novis publicis spargere solent & diffundere, quod omnibus innotescere debet. Eodem quoque faciunt ephemerides eruditorum statis diebus prodeuntes, quæ multorum manibus teruntur. Simili etiam modo per no-



va literaria patefieri solet, quod specimen aut quis autor, si is jam constet, præmium meruerit &c. Ratio autem mittendi specimen ad academiam, cujus est præmii assignatio, vel privatis utitur, iter eo facientibus, vel veredis vehiculisque publicis. Si lingua adhibeatur patria, ea patriam prodit, quod pariter celari præstat, quam indicari. Vnde plerumque latina lingua præfertur.

## §. 442.

*Premia pro*

*inventoribus rerum utilium quibus-  
cunque.*

Quia non omnia omnibus in mentem veniunt, & occasione ita ferente alia aliis occurrunt, quæ novis inveniendis occasionem subministrant, aut jam sunt in cujusdam potestate: meritissimo præmium instituitur non vulgare, diversum tamen, pro diverso gradu bonitatis inventi, iis distribuendum, qui utile inventum, qualecunque sit, communicaverint. His nempe genus tantum proponitur, utile inventum novum indeterminatum, & relinquitur cuique optio ejus, quod in sua potestate habet, aut quo jam dudum utiliter gavissus est. Promittitur præmium v. g. 10. aureorum, usque ad 50. aureos, prout ejus dignitas utilitasque comprobata mereri censeatur. Offerentur hoc pacto varia, de quibus alias non esset cogitatum; vera autem ab apparentibus vel spuriiis haud difficulter discernentur e principiis documentisque aliis, quæ ab autore pro re nata seu adduntur statim, seu repositur, ubi non adsunt, sed precaria proferri videntur. Taceo, quod & falsa inventoribus ansam dare possint, meliora substituendi.

Hujusmodi præmia jam proflare recordor in Germania & Anglia, non sine fructu ab iis instituta, qui conscribendis de rebus naturalibus artificialibus & æconomicis observationibus vel ephemeridibus & relationibus operam navant. Neque dubito, quin plura hujusmodi præmia magis ampliatura sint pomceria rerum & utilium & novarum, ac primo obtutu opineris, modo judices calleant, quid novum revera sit, ne antiquum habeant pro novo. Docuit experientia id jam nostrates & anglos, forte &

& plures, neque expertes illius fructus manerent academiae, quibus præmia insignia sunt concredita, si interdum loco problematum determinatorum proponerent indeterminatum hujusmodi tribuendum illi, qui suorum inventorum utilium præcipuum sit communicaturus. Ponamus enim centum aureos quotannis hujusmodi præmio esse destinatos, uti in academia imperiali Petropolitana. Si verbi causa quarto quoque anno indeterminatum esset problema, ut non tantum per quadriennium simplum sed multipulum quisquis vellet, laborare posset de novo invento utili eruendo, stabiliendo, ampliando & extra dubium ponendo, nonne sperari ita possent varia, quæ problemata formaturis aut plane non in mentem venirent, aut tamen ex aliis similibus unquam proditis, & perditis iterum, haurienda forent? Mihi certe id probabile satis videtur, ut credam, semel iterumque re explorata, insignis successus causa fore, ut frequentiora fere futura sint problemata indeterminata, ac determinata, quæ in difficilioribus suum tuebantur locum. Præterea, ut plures allicerentur ad communicanda quæ reperere sibi magno usui fuisse, 1) dividi præmium pro rerum communicatarum indole, in quinque vel decem partes æquales aut inæquales posset, nisi unum tanti deprehenderetur momenti, ut integrum præmium mereri censeatur. 2) Ne fructus inventi auctori periret, quando solus eo, vel & cum posteris suis, gaudere cupit & potest, promitti ipsi privilegium potest, modo rem ipsam & generalem ejusmodi tradat materiae & productionis explicationem, e qua rei vera bonitas aut noxa explorari queat. Dari auctori posset solum privilegium, si non nisi generalia communicaret; eo vero casu etiam præmium, quantum videretur, aut pacisceretur cum illo academia, quo plenaria totius inventi, omnisque modi, illud quam optime producendi, detectione, cujus veritas aut ipso opere, aut alio modo esset extra dubium posita, sub data silentii fide in tempus conventum, civitati prodesset.

## §. 443.

*Modus cavendi ne inventa cum culter aut vix unquam reparabili, usui esse possent hæc & his autoribus sentanea: convincendus est autor, 1) non sui tantum, sed totius civitatis suæ ipsiusque porro generis humani bono ipsi hæc a Deo esse indulta, æque alia olim majoribus simili beneficio obvenire, quæ nunc usui communi, uti par est, patent; 2) Facile fieri posse, ut morte præventus nec ipse inventis uti possit, nec posteris & hæredes ipsius eo gaudeant, nondum illud edocti, vel schedula consignationis, si quam relinquat, perditæ, quod multis contingere modis potest; 3) nihil ipsi nocituram esse inventi sub gratis conditionibus detectionem traditionemque in publicam conservationem fidemque. Cujusmodi conditiones esse possent, ut omnem inventi usum fructumque ad certos annos, aut quamdiu nemo alius eadem facere posset, aut ad dies vitæ, aut pro liberis, nepotibusque solus retineat, consignatione tamen rei ejusque productionis vera, perfectæ, jurata obsignataque publicæ custodiæ exhibita, nec ante tempus conventum resignanda. Item ut generalem materiam modumque rem parandi sub silentii fide publica, uni alterique judici academico, nihil in ejus fraudem vel sui causa tentaturo, (licet ad alia vel meliora investiganda occasionem inde captare posset) aperirer, ut de veritate obsignatæ detectionis plenioris eo majorem faceret fidem. &c. 4) Potius illum propterea præmio esse gavisurum, quo alias sit cariturus, si ingenue agat, quæ ex pacto debet. Hujusmodi præmium consistere posset in re, quam præ cæteris inventor amat, nimirum in nobilitate, si inventum eam mereri censetur, uti antea multoties in casu simili factum est; in sparta & præfectura, honores & redditus afferente, præsertim circa res cum inven-*



invento connexas, ut exciteretur ad illud ulterius excolendum, quod itidem ab usu non abhorret; denique in præmio pecuniario, seu in hunc finem publice aut privatim statuto, seu ex aliis præmiis ad nova inventa remuneranda destinatis; seu extra ordinem in repertorem collatis.

Antiquis rerum insignium inventoribus positæ sunt statuz, posita monumenta & epitaphia splendidiora. Homerus pluribus statuis & templo quoque a Ptolomæo cohonestatus est. Pythagoræ multarum rerum inventori, statua posita est, & monumentum sepulcrum, item Archimedi, quod longa ætate neglectum Cicero investigavit Syracusis, ut ipse testatur *L. V. Tuscul. Quæst. c. 23.* E multis aliis unum addam Gerikium ob inventam æris vim elasticam stupendam nobilitatum. De bellicorum tormentorum inventione in hanc sententiam scribit *Diod. Siculus Hist. XIV. c. 43.* Catapultaria ars hoc tempore Syracusis primum inventa, nec mirum, cum præstantissimi quique artifices unum in locum undique convenissent. Mercedis enim magnitudo, & præmiorum insuper largitio palmam obtinentibus proposita, industriam studiaque mirifice incendebant. Et super hæc omnia Dionysius operas quotidie circumlustrans obire, blandisque verbis compellare & promptissimum quemque honorario aliquo decorare, ad convivium etiam quandoque invitare. Quapropter omni certatim studio artifices impenso tela machinasque peregrinas, maximos ad bellandum usus præbituras magno subinde numero elaborabant. *cat.* Quamdiu ignota fuerint Archimedis specula, nemo ignorat. Alia dabunt *Pancirolus, Salmuthus* alique plures.

#### §. 444.

Non abs re statuere licet, inventorum præmia instituta ac subinde Corollarium aucta, & academias inventrices, & inventa ipsa plurimum esse adjutura de præmiis acque aut ipsorum. Insigniora enim præmia egregie acuiuntur sperando inventorum industriam & intra academias & extra easdem (§. fructu. 433.). Quo piura igitur & majora subinde præmia erunt speran-

randæ, eo magis incumbunt in eorum acquisitionem quotquot ingenio pollent, & scientiis artibusve excultum habent intellectum. Sperare inde licet, præmiis inventorum subinde majoribus auctioribusque & inventa, quæ occultantur, in lucem emersura, ne cum autoribus emoriantur (§. 443), & academias inventrices, & inventa, artemque inveniendi plurimum adjumenti momentique scenerari & sortiri posse.

Si dicendum quod res est, præmia illa & fulcra erunt nutrimenta & invitamenta uti academiæ occultiora venantium expiscantiumque, ad strenuam inventis subinde pluribus majoribusque operam navandam, & ad incendendos quoque cæteros artifices opificesque, ad meliora subinde & plura arte facta producenda, & ad communes usus edenda. *Provocatio ingeniorum heuristicorum ad nervos suos intendendos in reperiendum id, quod præmium ipsis promittit præstabitque, æquipollet fere academiæ inventrici temporaria.* Vniuntur scilicet sua sponte vires inventorum verorum & eorum æmularum, & licet se invicem ignorent, qui in solvendum problema incumbunt, tamen tantisper haud secus agant, ac si constituerent academiæ inventorum, in quæsitum constitutam & durantem, donec id fuerit repertum, quod deregendum est, aut constet, id saltem nunc nondum reperiri posse. Liberalitas igitur in præmiis hujusmodi conspicua, alma erit obstetrix atque natrix animorum, ad excogitanda utilia natorum, novorum reperiundorum, artisque inveniendi promovendæ, si pietas Dei donorum cultrix & administra, suis partibus non desit.

#### §. 443.

*Alia harum*

*Ceteri redditus incerti academiæ indagatricis statui poterunt in condendis fastis, edendisque suis operibus, unde autoribus emolumentum accidentum industria suæ accrescat.* Fasti enim, vulgo calendaria, in regno aliave rep. magno numero emuntur & consumuntur, locuplete experientia teste. Quo rectius itaque & utilius instruuntur,

untur, eo plus boni inde in remp. redundat. Sed ad hoc efficiendum aptior est academia inventrix, observationibus siderum una operam dans, quam vel privatus quisquam, vel alia academia (§ 425. seq.). Civi ex magno numero exemplarium lucrum ad editores redeat, si præsertim fastis peregrinis nullus relinquatur locus, aut non nisi is, qui debito fastorum numero distrahendo nihil oblit; academiae inventrici privilegium dari potest, ut soli ipsius fasti omnis generis ad quoscunque usus solitos necessarii, venales habeantur, & emendi sint, ubicunque illis est utendum, & ex lucro inde redeunte præcipuam partem autores fastorum referant, reliqua pars seu cæteris membris seu aliis usibus & sumptibus academiae destinetur (§. 427. seq.).

Commentarii a membris academiae confecti, ab academia approbati, & editioni destinati considerari aliter nequeunt, quam autorum libri. Vti ergo æquum justumque est, & autor editorque libri industriae suæ fructum ferat solus: ita quoque in hisce academiis autores Commentariorum jure accipiunt lucrum, quod deductis impensis operarum, & bibliopole salario, e dividendis exemplaribus restat nisi aliter conventum est (§ 428.). Idem quoque dicendum est, de aliis libris adoptatis ab academia, æquitatis ratione non neglecta. Inde etiam academia indiget privilegio proprii bibliopolii.

Quia in civitate curandum est, ut felices & fortunati in ea esse possint, quotquot officiis suis obsequuntur, & ut in suo vitæ genere non minus florere possint, quam in ullo alio (§. 566. *P. I. Polit.*): non postrema ratio habenda est academiae inventricis, sed potius ob nobilitatem difficultatemque rerum sibi communis boni causa excogitandarum aliquanto plus illi tribuendum, quam in alio faciliore loco esset habitura. Jam privatus quisque eruditus scriptorum publicæ utilitatis causa fructus meretur: inde juvanda est publice academia, ut amplior illi obtin-

(*Wolffii Politica P. II. S. III. C. II.*) G g g g get



get operum suorum fructus, quam privatis autoribus. Quem in finem cetera comparanda sunt, quæ simul commune egregium juvant & ornant. Quatenus librorum fructus ex pretio venditionis illorum, non vero ex academiae præcipuo jure nascuntur; eatenus ne quidem inter accidentia referri possunt (§. 909. P. VIII. Jur. nat.) nec in partem salarii imputari queunt (§. 910. *ibid.*). Sunt enim tantum vulgares fructus diligentiae extra academiam non minus autoribus librorum obventuri. Id ergo tantum ratione fastorum & commentariorum e juribus academiae reperendum, quod illa singulare præcipuumque habet. Quod si largiori salario pensetur, in alios academicae usus verti potest.

## §. 446.

*Quæ immunitates & privilegia debeantur his academicis?*

*Academia inventrix illis immunitatibus privilegiisque instruenda est, quibus expeditior redditur in scopo suo consequendo. Nimirum academiae inventrices emendationi & incrementis artium scientiarumque vacare debent (§. 407.). Quoniam quisquis vult, ut finis obtineatur, ea nolle nequit, sine quibus iste aut prorsus non, aut non ex asse obtineri posset (§. 941. Ontol.): manifestum est, ab academia inventrice arcenda esse quaecunque illam in studio scopum suum obtinendi impedire; ea vero omnia ipsi indulgenda esse, quæ illam in isto studio juvare & longius provehere possunt. Quemadmodum igitur academiis docentibus recte impertiebantur privilegia varia (§. 330. 356. *seqq.*) & immunitates (§. 359. *seqq.*): ita non minus academiis inventricibus ejusmodi tribuendæ sunt immunitates, & talia concedenda privilegia, quibus expeditiores reddantur in fine suo, quoad fieri potest, ex asse consequendo.*

Intelligitur id vel ex eo generali societatum principio, quo evitanda ipsi sunt quaecunque fini ipsius obesse, illa vero diligenter curanda, quæ ad finem quam optime & plenissime addiscendum facere noscuntur (§. 18. P. VII. Jur. nat.). Vnde licet

licet privata tantum esset academia inventrix, tamen qua talis ad nihil aliud obligaretur, quam ad cavenda omnia, quæ fini ipsius adversantur, & facienda quæ scopi consecutionem promonent. Indidem per se patet, quod immunis sit ab omnibus scopo suo adversis, & juribus illis gaudeat, quæ ex societatis natura resultant. Hinc & publica autoritate institutæ academix scientiarum & artium illis immunitatibus privilegiisque instruendæ sunt, quibus expeditiores redduntur ad metam suam contingendam.

## §. 447.

*Immunes esse debent academia inventrices a vulgaribus civium Nempe im-*  
*oneribus cum personalibus, tum realibus, ordinariis extraordinariisque. munitates a*  
 Realia enim civium vulgarium onera sunt sumtus reip. admini- *vulgaribus*  
 strandæ ac defendendæ causâ faciendi (§. 774. P. VIII. Jur. nat.). *civium one-*  
 Personalia vero consistunt in operis eodem fine conferendis. *ribus.*  
 Ordinaria requirit perpetuus, extraordinaria rarior usus & casus reip. curandæ (§. 779. *ibid.*). Quia per hypothesin hæc onera sunt vulgaria, academia inventrix vero obligatur ad talia salutis publicæ præstanda, quæ vulgaria non sunt, nempe ad procuranda artium & scientiarum incrementa & perfectionem (§. 407.), eique omnes concedendæ sunt immunitates, quibus redditur expeditior in fine suo obtinendo (§. 446.): immunis esse debet academia inventrix a vulgaribus civium oneribus quibuscunque, ut eo rectius suis functionibus vacare possit.

Si negas, has immunitates academiis scientiarum artiumque esse concedendas, procul dubio tales ponis, quæ multas hominum centurias & chiliades complectuntur, ideoque perparum aut nihil habent, quod ad hunc finem conferant, sed discere potius ab aliis cupiant, quam ut eos nova docere, & inventores agere possint. De his vero hic non agi, per se liquet. Veri inventores non dantur nisi pauci (§. 423.), qui sua opera vulgari hic vix quidquam prodessent, & si quid valerent, ad id obtinendum plurimi alii sufficiunt. Quod secus habet in illis, qui-

Bus ipsi reip. consulere sua opera minime vulgari sed exquisita possent. Quapropter illarum conservationi & reservationi ad exquisita illa civitati præstanda, quibus cæteri impares sunt, omni modo studendum est. Si dicās, sumtus tamen ab illis conferri posse æque ac aliis, qui suis vacant privatis negotiis: id infitari nolim, si opibus abundant. Sed si ad illud obtinendum eo majora danda sunt salaria, quando aliunde locupletari nequeunt, frustra daret id ipsis civitas, quod ab ipsis esset illi reddendum. Ea propter, præstat ipsis ab oneribus vulgaribus immunitatem dare, ne in gravioribus studiis suis impediuntur. Archimedes in museo suo inventis inauditis multo plus proderat patriæ suæ, ac ullo modo operis vulgaribus in obsidione romanorum prodesse potuisset. Quod & Marcellum, obsidionis ducem, movebat, ut solum Archimedem ex Syracusanis euperet conservatum salvumque esse. Conferantur quæ de universitatum immunitatibus supra habentur.

§. 448.

*Privilegia  
illius com-  
munia.*

*Privilegia academice inventricis saltem celsioris communia sunt* independentia ab aliis & autonomia salvis juribus majestatis, jus legitime acquirendi & possidendi bona mobilia & immobilia; ædificandi sibi collegia & theatra apta ad scopum suum, jus eligendi recipiendi & amovendi socios, id merentes; jus eligendi sibi sigillum & notas, quibus discernatur ab aliis academiis; jus protopraxiæ & jus piorum corporum, debita præ cæteris consequendi, quorum alioqui par esset ratio; commercium literarium latissimum &c.

Rationes horum privilegiorum ex fine societatis innotescunt nullo fere negotio, & apprime conveniunt illis, quæ in cæteris academiis societatibusque dudum frequentantur. Oportet nempe ut quicumque conjunctis viribus nituntur ad finem consequendum, inter se deliberarent & conveniant de modis & subsidiis præstantioribus, ideoque sibi leges eligant salutare. Hinc & academia inventrix, quid sibi expediat, melius scire & præferi-



scribere potest suis membris, quam quisquam alius, nec ita vel majestati, vel ulli alii officiet. Reliqua, vel privatis quibusque in suo vitæ genere libera, multo minus academix tam insigni denegari possunt, & continentur inter privilegia ejusmodi academiarum, v. c. Londinensis in Sprati Historia ejusdem p. 134. seqq. *The Society shall be enabled to levy, hold possess and enjoy Lands, tenements, &c. liberties, franchises, jurisdictions for perpetuity, or terme of lives, or years, or any other way, as also goods, chattels, and all other things of what nature or kind soever . . . as any corporations are by law enabled to do . . . it is granted . . . that they being met together, have full power to make such Laws, statutes, orders and constitutions, which shall appear to them to be good, usefull and necessary for the directions of the royal society . . . They are impowred to have a common seal for their use in their affairs . . . All persons, worthys for the reception in the Society, shall be choosen by the president and council, noted in a register, and called fellows of the said society during life, except any of them shal happen to be amoved. De causis remotionis ita statuitur inter leges p. 148. ibidem. The causes of ejjection shall be contentions disobedience to the statutes and ordres of the society; defaming or malicious damnisfying the same.*

## §. 449.

Privilegia academix inventrici propria habentur in jure de inventis statuendi, num sint id, quod esse dicuntur, aut quatenus expedire queant vel nequeant; in jure conventus celebrandi ad scopum suum necessarios; in libertate sentiendi quod res est; in jure propriæ typographiæ, & proprii bibliopoli; in jure proprii laboratorii & observatorii ut vocant, item musei completioris, theatri anatomici, cameræ obscuræ, apparatus instrumentorum heuristicorum; in jure officia & ordinem constituendi rerum sibi quam optime agendarum; in jure personarum classes & ordinem scopi suo accommodandi; in obli-

*Privilegia  
propria ejus-  
dem.*

gatione aliorum ad inventionem, quibus possunt, modis juvandum & ad subministranda, quæ eo valere posse credunt; in vacationibus statis & emeritorum, salvo honorario. cæt.

Primum academix inventricis est, de iis, quæ ipsi exhibentur, observationibus, experimentis & deductionibus judicandi uti natura rei requirit, si qua occurrunt falsa, illa improbandi, vera approbandi, dubia movendi auctori, ut appareat, num illa solvi possint, nec ne; quæ penetrari nondum possunt, in medio relinquendi tanquam res altioris indaginis. Deinde dari quoque privilegium solet academix scientiarum examen alienorum inventorum, antequam publice approbentur & privilegio muniantur, uti Londini, Parisiis & alibi factum est. Conventus academix inventricis non tantum uno actu multis seu omnibus membris simul nota faciunt ea, quæ reperta & observata sunt, vel cum academia communicantur; sed & profunt, ut plurimum sententiæ ea de re audiri, discuti & vel ad rem comprobandam & illustrandam, vel ad falsa, superstitionem & fraudem, si qua subest, detegendam conferri ita possint, ut breviter multa discant earum rerum ignari, cæteri ad rem altius indagandam incitentur. De libertate sentiendi plura restant adjicienda. Propria typographia, ubi necessaria vel proficua deprehenditur, duplici modo haberi potest in usum academix inventricis. Altera seu publicis seu privatis sumtibus adest, quarum hæc tantum pacto nititur, quo academia sua scripta ipsi locat imprimenda, quemadmodum privati auctores suos libros edere pro convento honorario solent. Altera propriis academix sumtibus instituitur, atque typothetæ & impressori tantum solita merces solvitur, ut lucrum, unde typographus ali solet, academix usibus cedat. Quod non consultum est, nisi ubi magna exemplarium copia excudenda, & alia seu membrorum academix, seu aliorum scripta edenda certum promittunt lucrum, propter privilegium graviter prohibens, ne ista opera a quoquam recudi & divendi possint. Hoc casu simul opus est bibliopolio, in quo libri venales prostant & æquo pretio vendantur, ut deductis sum-

sumtibus bibliopolii reditus in usus academix cedant. In eosdem usus & pictura opus est & sculptura figurarum aeri incidentarum, sive a quodam academix membro sive ab alio æquiori artifice exercenda. Sic in Londinensis societatis regix privilegio legitur in *Tho. Sprati Historia ejusdem* p. 141. *Full power and Authority is given unto the said society, from time to time to choose one or more printers and gravers, and by writing sealed with the common seal of the society . . . to grant them power to print such things, matters and businesses concerning the said society, as shall be committed to them by the council.* De sequentibus quedam seorsum subjungenda restant, præter ultimum de vacationibus, quod paucis absolvi potest. Arbitrio nempe consentientis academix, & ubi publica est academia superiorum indultu, sanciri potest quod consultum videtur. Non addim nisi hæc ex lege 4 & 18 academix scientiarum & artium Berolinensis 1746. *Les vacances de l'academie seront de 4 semaines, pendant la moisson, & de 2. semaines à chaque fete de paques, de pentecotes & de Noël . . . Les veterans . . . auront meritè d'être dispensés des fonctions Academiques & de conserver leurs pensions & toutes leurs prerogatives.*

## §. 450.

Si libertas philosophandi est permissio publice proponendi suam de rebus philosophicis sententiam (§. 151. *Disc. tas philosophandi. de Phil. sophia in genere*) & genuina libertas philosophandi, quæ solius veritatis rationem habet (§. 154. *ibid.*): genuina demix scientiarum & artium prorsus integritatem deest relinquenda; vel propria esse debet academix inventricis libertas sentiendi quod res est. Academix enim inventricis est veritates occultas detegere ideoque & res novas indagare & rerum causas latentes, nec non usus rerum notarum quæ inutilibus accensentur, aliarumque usus ampliores (§. 407). Sed servitus philosophandi cogit receptum aliorum sententiam tueri veram etiam si ipsi contrarium videtur (§. 152. *ubi supra.*); ideoque



que obstat detectioni rerum novarum, & fini academiarum inventricium. Cum ideo servitus philosophandi repugnet emendationi & incrementis scientiarum & artium, libertas autem id sentiendi & statuendi, quod res est, seu genuina philosophandi libertas eo conducatur: integra prorsus esse debet collegio repertorum genuina philosophandi, & sentiendi quod res est, libertas, tanquam ipsi necessaria sane & propria.

Libertatem dicere solemus facultatem eligendi e pluribus, quæ occurrunt id quod maxime placet (§. 941. *Psychol. empir.*). Cui libertati internæ si accedat externa seu civilis, posita in immunitate a subjectione & dominio alterius hominis (§. 153. *P. I. Jur. nat.*), plena est libertas & integra. Jam in academia inventrice dari debet & libertas interna, eligendi sententiam, quæ rebus responderet, & externa, quæ nullam infert servitutem, nullum præceptum inhærendi receptis olim sententiis, nullum vetitum aliam proferendi sententiam receptæ contrariam, multo minus sanctionem pœnalem prohibitioni adjectam. Eapropter academiæ inventrici cuicunque integra prorsus esse debet libertas philosophandi genuina, & sentiendi, id quod res esse intelligitur. Sibimet ipsi repugnaret institutum emendandi scientias artesque & nihil in ipsis mutandi; nova detegendi & non statuendi nisi dudum recepta. Posset quoque genuina libertas philosophandi simpliciter vocari libertas philosophandi, ope strictioris definitionis, qua diceretur plena libertas statuendi quod res est, coque ipso a licentia novandi & pruritu dissentendi ab aliis promiscue, tantum ut nova statuisse & protulisse videatur, discerneret. Est enim iste *novandi pruritus* totus vitiosus, non quod res est, sed quod paradoxum, inaudicum, singulare, receptisque dogmatibus contrarium est, temere obstinateque sectans. A quibus longissime abhorret unius veritatis studiosa philosophandi libertas, nec religioni veræ infesta, nec virtuti ulli, nec institutis civitatis ejusque tranquillitati, uti in *cit. preliminar.* ostensum est.

## §. 451.

*Specula astronomica vix digne gaudebit academia inventrix, Astronomica nisi publico sumtu exstruatur, instrumentis idoneis adornetur, & observatores alantur cum egregio astronomo direttore. Sumtus enim in- procuranda signes requiruntur in turrim, cella profunda subtus, & excelsa sint?*  
*specula sursum præditam, qui privatam sortem ut plurimum superant, etiamsi plurium symbolæ conferantur. Id quod quilibet facile largietur. Præterea magno sumtu stant ea, quibus curatiores institui possunt observationes, instrumenta varii generis conditionisque. Denique astronomus, qui his partim uti ipse, partim alios instruere & dirigere debet in observationibus rite instituendis, & in calculis ponendis citra errorem, non solum his vacans negligere cogitur curam rei familiaris, sed ne quidem unus omnibus vigiliis observationibusque par esse potest. Quare & ipse & illius adjutores publico ære sunt alendi. Quæ omnia ostendunt vix dignam academiam inventricem observationibus siderum vacare posse, nisi regio aut simili publico sumtu & specula aptissima exstruatur, & optimis dotetur instrumentis, in quosvis usus suffecturis, & qui observitent, astronomus unusque vel alter vicarius illius colatur, ut calculo judicioque acri adhibito perfici astronomia ejusque usus varius queat.*

Dantur quidem exempla quædam astronomorum, qui suis sumtibus privatis non pœnitendam Astronomiæ operam navarunt. E quorum numero unum citasse Herelium sufficit. Sed partim regiis sumtibus ipsum fuisse suffultum, partim arte instrumenta sibi parandi, pictoria & chalcographica ipsum fuisse suffultum, adjumento denique uxoris aliorumque gavisum, non est dissimulandum. Quod & de aliis quadamtenus est consistendum, nec progressus excedere vires privatas potuere. Mirum igitur non est plus effici aptioribus speculis, instrumentisque & astronomis publico salario ad altiora animatis, modo suis partibus,

bus, studio æmulandi & vincendi alios rite fungantur. Ejusmodi est specula Parisiensis regia, & Grenovicensis in Anglia, unde sublimiora astronomiæ incrementa sunt profecta. Quis enim *Hirti*, *Cassini*, *Flamsteedii*, *Halleji*, *Bradleji* inventa ignorat?

## §. 452.

*De invento-  
rum che-  
micorum  
fructu.*

*Officina chemica gaudens academia inventrix uti potest ad lucrum ex suis inventis capiendum & inventorem præmio afficiendum.* Si enim privatus inventor novi v. g. metalli, medicamenti alteriusve effecti fructu merito utitur fruiturque, quamdiu celare artem ita potest, ne quis eadem facere possit, aut quamdiu alii id imitari prohibentur (§. 443.): cur negandus esset academiciæ inventrici suorum inventorum usus fructusque insignis? Nisi tamen aliud inventori præmium detur, eidem suæ industriæ fructus solum aut potissimum erit relinquendus, saltem pro ea parte, quæ ipsius ingenio debetur in ipso invento. Quod fortuitum est, id quia æque alteri cuiquam obvenire potuisset, in commune academiciæ usus rectius impendatur.

Vt uno hoc utar, cui ignotum est, quantum emolumenti orphanotropheum hallense perceperit ex medicamentis ibidem confectis, & conficiendis ulterius? Quam longe lateque illa divenduntur etiam nunc? Si tamen inventum latius mereretur usurpari, & sine detrimento inventoris communicari pro præmio posset, exemplo virginis anglicæ Stephanæ quasi vendi quæque posset, imprimis si diu celari non possit lynceis. De similibus inventis, aliis eadem sunt censenda.

## §. 453.

*Ordo in his  
academiis  
receptus.*

*Ordinis in academia inventrice publicæ habendi ratio recepit Patrocinium s. protectorem, ipsum scilicet regem vel monarcham, aut quisquis ibi gaudet summo imperio; membra duplicis generis, immunita & ordinaria, quorum hæc functionibus inveniendi academicis adstringuntur; illa non sed libera*



libera sunt ab illis (§. 431.): ordinaria vel dividuntur in certas classes, vel solutius agunt quod valent; item ex pacto vel sunt *primaria* seu commentatores inventoresque, vel *secundaria*, seu eorum adjutores vel adjuncti. Eligit sibi academia *Præsidem* confirmandum a Protectore, eumque vel perpetuum vel temporarium v. c. annuum cum vicario Propælide; eligit sibi classis, si qua datur, suum *directorem*. Eligit sibi quoque academia suos commentatores ac *operatores*, nisi statim habeantur; suum *thesaurarium*, *secretariumque* unum vel & alterum, & *bibliothecarium*, ubi illo opus est. Eligit sibi sua membra quæcunque ex illis, qui ipsi aggregari cupiunt, saltem non nolent. Membra immunita seu extraordinaria vel tantum ad sumtus academici aliquid conferunt ut proficere in ea possint; vel sua dignitate gratia & celebritate academici profunt, & *honoraria* vocantur, uti priora tantum *libera membra* & auditores vocantur. Honoraria & alia, vel indigena sunt vel peregrina.

Societati regie Londinensi Præses eligitur ad dies vite, nisi abrogare sibi præsidium malit ob legitima impedimenta. Membra ordinaria habentur 20., quæ efficiunt concilium societatis, quorum decem quotannis mutantur; reliqua ipsius membra socii (felloros) dicuntur. Academia regia Berolinensis quatuor habet classium directores, communem præsidem, secretarium. Membra ejus honoraria 1746. restringuntur ad 16.; ordinaria sunt duodecim salariis gaudentia, & his duodecim associantur; veterana gaudent sua immunitate, tanquam emeriti. Membra peregrina undique eligi possunt, modo sint meritis clara. Parisiensis academia 4. genera habet academici membrorum, *honoraria* numero incerto, *ordinaria* salariis prædita (*pensionnaires*) tres nempe Geometras, tres Astronomos, tres Mechanicos, tres Anatomicos, tres Chemicos, tres Botánicos, præter thesaurarium & secretarium; *Adjuncta* (*associez*) 12. indigenas, 8. peregrinos; *alumnorum* 12. (*eleves*), quorum quisque illi ordinario addictus est, cujus consortio gaudet, & qui illum sibi

elegit. Academia eligit socios secundum leges præscriptas, quos rex confirmat &c. Vid. leges A. 1699. *Tomo actorum præmissas.*

§. 454.

*Ordo rerum  
in ea agen-  
darum.*

Rerum agendarum ordo requirit statum tempus, quo conventus sunt celebrandi aut non, v. c. quo mensis aut hebdomadis die, quibusque horis; quid in his vel illis conventibus quo ordine & modo seu tractandum sit, seu deliberandum, ut, quando vel quot legendi sint commentarii, & experimenta vel observata exhibenda; quando instituenda electio membrorum & deliberatio de rebus academiarum æconomicis; quando præmia attribuenda, recitandæ epistolæ & examinanda, quæ aliunde afferuntur; quando ordinanda sint edenda; aut officia sint conferenda, recitanda acta societatis, digerenda, ordinandaque: num recensio librorum perlustratorum facienda, &c. De his enim statuendum est, quod communi consensu per rationes, quæ non ubique sunt eadem, consultius deprehenditur, & vel omnibus membris arridet, vel his imprimis, quorum maxime interest numeroque illorum majori, uti generatim societatum indoles (§. 79. *seq. P. VII. Jur. nat.*) & peculiaris hujusmodi academiarum scopus requirit.

Inter leges academiarum scientiarum Parisinæ 17a. bihorium tribuit cuivis conventui, ab hora tertia ad quintam a meridie; 20a. quisque socius jubetur occupari circa rem diversam ab aliis in sua classe; 23a. duo ordinarii academici in quavis sessione jubentur recitare sua observata & commentaria, de quibus cæteri sententiam dicunt, præter hos & alii adjuncti audientur si quid novi afferunt, & literæ leguntur nova nuntiantes; experimenta & observata exhibenda sunt academiarum congregatarum lege 25a. libri magni momenti ad scopum academiarum, jubentur legi a petito illarum rerum academico, & referri, quid peculiare in illis habeatur dignum excussione. Lege 28a.; Lege sequenti reperti jubentur

jubentur observationes & experimenta alibi facta. Lege 30<sup>a</sup>. examinari debent opera academiæ oblata, & machinæ L. 31. num mereantur approbari. Cæteris legibus ordo officiorum reliquorum, v. c. eligendi socios &c. stabilitur.

Regiæ societatis Londinensis finis in ejus privilegio his exprimitur verbis: *Whose studies are to be imployed for the promoti-ny of the Knowledge of natural things and useful arts by experiments, to the glory of God and the good of man kind.* Ipsi-  
us conventus ordinarii exceptis feriis semel per hebdomadem habentur, in quibus socii eliguntur & admittuntur, datis 40. solidis pro admissione, & trimestribus symbolis ad sumtus necessarios. In conventibus leguntur audiunturque relata, observa-  
ta & literæ, instituuntur experimenta, examinantur & discerantur rariora naturæ & artis opera, & consideratur, quid inde ulterius deduci possit, aut ad quos usus transferri queant; eliguntur socii, & functionibus societatis præficiendi, v. c. duo curatores experimentorum, quibus 200. pondo (pounds) quotannis promittuntur, &c. Academiæ Berolinensis veterani gaudent vacatione functionum. Duodecim ordinarii, eorumque adjuncti cum præside & membris honorariis conveniunt quovis die Jovis, feriis demtis. Ordinariorum quisque quotannis duos recitat in conventibus commentarios, adjunctorum quisque non nisi unum, ut quemque ordo tangit. Res æconomicæ cæteræque peculiæres vel in solemniori conventu peraguntur, vel in privato selectorum ad eas curatorum Vid Leges A. 1746. stabilitas. Göttingensis quovis mense semel celebrat ordinarios conventus, die quidem Saturni. Parisina bis in hebdomade, die Mercurii & Saturni congregatur.

§. 455.

Ordini bene instituto tue do præest præses academiæ (§. 442. P. De officio VIII. Jur. nat.), cujus est convocare conventus extraordinarios, Prædis. proponere deliberanda in academia, colligere suffragia, pronuntiare conclusa & expedire, uti leges jubent, &c Si haberi possit eligendus est in omnibus excellens (§. 443. ibid.).



Qui præses in aliis est juratus, in aliis societatibus vero non juratus: prout rationum diversitas flagitavit. Sicubi præses legitime impeditur in suis functionibus, pro præses ipsius vices obit, cum ipso in concordia sociorum tuenda sollicitus (§. 447. *ibid.*).

In Privilegio societatis Londinensis p. 146. Sprati hæc sanciantur: *The president shall preside in all meetings, regulate all debates of the society and council; state and put questions; call for reports and accounts from committees, curators and others; summon all extraordinary meetings upon urgent occasions and see to the execution of the statutes.* Berolinensis academix Præsidi l. c. n. 8. hæc tribuuntur: *Le président nommé par le Roi aura soin de faire observer le reglement, d'indiquer les élections, de présenter au Roi trois sujets pour chaque place de pensionnaire, élus à la pluralité des voix de tous les académiciens présents; de faire deliberer sur les matieres, qui sont du ressort de l'academie; de recueillir les voix; de prononcer les resolutions, & de nommer les commissaires pour l'examen les decouvertes, ou des ouvrages, qui seront presentez à l'academie cat.*

#### §. 456.

*De classibus*      *Vbi publicis salariis gaudent academia nostra, ibi quoque in*  
*harum aca-* *eas classes scientiarum digeri possunt, circa quas debent occupari; quod*  
*demiarum.* *in cæteris non æque procedit.* Si publicis salariis utuntur inventores, disquirendum est, quænam res præcipue indigeant emendatione & inventione in civitate. Quot igitur occurrunt scientiæ diversæ emendandæ & amplificandæ, tot generum inventores idonei erunt quærendi (§. 423.) ideoque & tot classes erunt in academia statuendæ (§. 326), in quibus illis invenendis opera detur (§. 422.). Vbi vero socii nullo gaudent stipendio, sed sponte conferunt, quæ volunt; ibi classes illæ non erunt constantes, sed adquiescendum erit in his, quæ haberi possunt, cujuscunque sint generis, etiamsi omnes fere essent unius ejusdemque (§. 431.).

Sic Londinensis societas scientiarum classes nullas usurpat, sed promiscue historica, physica, medica, mathematica, philologica jungit. Neque enim difficile est, dijudicare, ad quam classem hæc vel illa pertineant. Commentarii Parisiensis academix scientiarum imprimuntur quoque citra certum ordinem, ne quidem chronologicum; sed in præmissa historia in suum ordinem rediguntur, v. c. physica generalis & specialis, medicina, & matheseos varix partes. Berolinensis olim 4. habet classes, quæ A. 1746. dispescuntur in physicam experimentis nixam, quæ complectitur chemiam, anatomiam, botanicam, similesque experientix superstructas; mathematicam integram; philosophiam, contemplativam & moralem, philologicam, quæ complectitur antiquitates, historiam & linguas. Petropolitanæ classes sunt mathematica, physica & historica, cui subjunguntur observationes astronomicæ. Hoc exemplo ante annum 1745. reperies mathematicam classem etiam Berolini aliquamdiu primum locum sibi vindicasse.

## §. 457.

*Publicæ academix scientiarum quodammodo juvantur, si ad eam rariora & difficiliora, quæ occurrunt & necdum enucleata prostant: deferri undique jubeantur.* *De occasione inventorum ab aliis præbenda.* Sunt enim illi subinde meliora iis, quæ nota sunt, eruenda (§. 407.). Captanda igitur est materia curatori & nova discussione digna, quæque in vita humana utilis esse possit. Sed tales res haud raro illis occurrunt, qui circa res naturales & artificiales versantur & animadvertunt, quænam in illis difficiliora ipsis occurrunt, & quæ profutura esse existimant. Quare cum talia academix scientiarum supeditando ansam ipsi dent in res utiles inquirendi: suum aliorumque simul commoda promovent, si talia communicent cum academia, ejusque discussioni commendent, in quæ forsitan per se non incidisset. Quodammodo igitur juvantur publicæ academix, si membra honoraria cæterique cives jubeantur ad eam deferre, quæ rariora, ignotiora, difficiliora sibi

sibi occurrunt, quæque enucleata vel ad usus suos melius excussa cuperent (§. 1145 *Logic.*).

Fatendum enim est, opus esse ad nova invenienda data sæpe ab aliis occasione: uti Archimedi data fuit ab Hierone occasio investigandi, unde salva corona aurea intelligi posset, num & intus solide aurea esset; & naves romanorum eidem ansam dedere querendi specula, quibus ope radiorum solis incenderentur. Privatæ academix causa non facile ejusmodi præceptum exhibet; sed si publica autoritate promovendus est academix inventricis scopus, hujusmodi jussus invitare & illos ad subministranda utilia problemata poterit, qui alias nil tale vel cogitent vel auderent. Si qua enim mitterentur jam excussa, facile amandarentur ad loca scriptorum academiæ, in quibus illa jam habentur excussa. Quo ipso simul plures emtores scriptorum orirentur. Si qua autem inepta aut quæ solvi nondum possunt, proponerentur, illa facile rejicerentur, hæc vero ulteriori servarentur discussioni. Hinc finis privilegii Londinensis societatis hæc habet: *Lastly his majesty straightly charges and commands all justices, mayors, aldermen, sheriffs, bayliffs, constables and all other officers, ministers and subjects whatsoever, from time to time to be aiding and assisting unto the said society in all things &c.*

#### §. 458.

*Quæ renda  
& ab acade-  
micis inven-  
tionum ma-  
teria.*

*Querenda quoque materia inventionis in libris aliorum recentiorum & antiquis studio membrorum academix præsertim ordinariorum.* Versari enim academia inventrix debet circa res ignotas, earum causas & agendi leges, aut usus rerum notarum ignotos detegendos, & circa emendanda ac perficienda ea, quæ inter homines recepta sunt, & circa incertam confusamve cognitionem distinctam & certiore efficiendam (§. 207.). Hinc oportet, ut membra academix præcipua & sciant, quænam jam sint nota & certa, quæ minus, ideoque seu inventionem seu lima indigeant (§. 423.). Sed nemo hominum per se omnia nolle.



nosse potest, quæ in cognitionem humanam cadunt, sive de rebus singularibus sermo sit, quas offert experientia attentioribus cum observatoribus, tum periclitaturis ingenii rerumque vires; sive de dogmatibus, scitis, placitisque scientiarum agatur. Id quod sua quemque docet rerum magistra. Opus igitur est, ut qui inventores agere debent, bene teneant, quænam in sua scientia & arte jam explorata habeantur, quæ minus, & quænam in receptis emendatione & confirmatione indigeant, quæve plane falsa & commentitia sint, itaque veriorum indigeant substitutione (§. 441. *P. VIII. Jur. nat.*). Manifestum igitur est, præter commercium cum aliis hominibus varii generis celebrioribus, quos convenire possunt, & præter commercium literarium, potiora præsertim academix inventricis membra, cæteris adjuvantibus, materiam inventionis circumspicere & captare debere e legendis in hunc finem libris recentioribus pariter atque antiquis, quod fieri posse ostensum est (§. 962. *Logic.* & §. 362. *seqq. P. I. Ethic.*).

Recte optatur, ut lexica prostant realia vulgaribus emendatiora, in quibus veritates jam detectæ ordine & breviter perscriptæ essent, adducto auctoris primi loco & præstantioris in quo ista leguntur. Habent & vulgaria, quibus afferuntur, quæ de rebus illis foveantur, opiniones, nonnullum usum, quando inventoribus ansam præbent earum falsitatem ostendendi, saltem veriora adinveniendi (§. 332. *P. I. Ethic.*). Præberet quoque academix inventrici ansam meditandi, si membris honorariis liberis & secundariis commendaretur & injungeretur lectio librorum utilium, & brevis connotatio notabiliorum, quæ in ipsis occurrunt, & recensio in conventu, ut locus illius evolvi, & in judicem literarium ex eo referri possent, quæ ulteriori in disquisitione digna apparuere membris potioribus. His enim ita pararetur aliquando plus otii, ad explorationem rerum, causarum, effectuum, usuum, modorumque impendendi. Illis vero ansa daretur & rectius impendendi otium, ac vulgo fieri (*Wolffi Politicæ P. II. Sect. III. C. II.*)

solet, & plura discendi ex lectione considerata, & [ex] judicio solidiorum ea de re membrorum. Ita mutuis studiis operisque plus solito perfici posse membra academix inventricis, controversia caret. Vid. notata ex legibus gallicis ad §. 454

## §. 459.

*Cura obtinendi certam randum est, ut detecta reddantur tam certa, quam fieri in præsens con-*  
*detectorum junctis viribus potest, antequam publicentur.* Comparantur enim *cognitionem.* & requiruntur academix inventrices non ob alium finem, quam ut veritatum scrutinio scientiarum & artium salutarium pomceria amplientur (§. 407.). Sed uti ipsæ scientiæ & artes habitum demonstrandi requirunt, quo dogmata extra dubium ponantur: ita & quæ amplificare illas debent, & tanquam talia a societate publici juris facienda sunt, certa sint oportet. Sed quæ dereguntur in academiis inventricibus, facere debent ad incrementa scientiarum & artium salutarium, ne a fine suo aberrerent (§. 439. P. VIII. Jur. nat.). Curandum igitur diligenter conjunctisque studiis, ut inventa, quibus locupletari debent scientiæ artesque, tam certa fiant, ac fieri modo possunt, antequam publicentur.

Considerandum est academix, quid ratione novi inventi consultius videatur. Si enim illius fama aut rumor de illo obortus, rem ipsam panderet, non tamen modum & seriem inventionis, facile alius quisquam sagacior quemdam excogitaret modum rem efficiendi, & accedente fastu sibi inventum arrogaret, mutatis aut additis quibusdam, subdole tempus fingens antea eo, quo alii ante ipsum id eruerunt. Vbi enim probitas deficit, & gloriandi cupido regnat, ibi laureola captatur vel ex mustaceo. Quare num premendum sit inventum donec majorem perfectionis gradum fuerit consecutum, an citius publicandum, inprimis si premi silentio vix posse videatur, deliberandum statuendumque pro re nata erit, quod præferri meretur.

## §. 460.

Quoniam academiae inventrici scientiæ artesque perfi. Opus est concientiæ & novis inventis locupletandæ (§. 439. P. VIII. Jur. nubio rationat.), & quæ detexerunt, certa prius quam pandantur facien- nis & expenda sunt, quantum in præsens fieri potest (§. 459.): apparet rientia. luculenter, ubicunque fieri potest, adhibendum esse in academiis scientiarum connubium rationis & experientia, cujus ope detecta a priori corroborentur observationibus & experimentis indubitatis; & vice versa ex observationibus & experimentis liquido hausta revocentur sub examen rationis, ad veras rationes iegesque naturæ ejus detegendas (§. 497. Psychol. empir.).

Inventio enim est duplicis generis, altera a priori, altera a posteriori (§. 455. Psychol. empir.). Prior nititur observationibus & experimentis (§. 457. ibid.); posterior genuino usu rationis, ex distinctis rerum notionibus indubitatis cætera derivat (§. 461. ibid.). Vt eo certiora utrobique habeantur, opera navanda est, ut observationes cum scientia conjungantur more astronomorum, & vicissim a priori excogitata experimentis confirmentur: quemadmodum in physicis usu venit & in technicis, quando excogitatae machinæ efficiuntur, ut exploratum habeatur, num id præstent, quod præstare debent. Cum ergo in augendo scientiarum & artium progressu inventa alterutro modo eruenda sint: ne confusio inventionis & cognitionis a posteriori officiat veritati liquidius agnoscendæ, ope rationis distincta illius cognitio venanda est. Rursus, ne in ambiguo maneat id effectum iri, quod fieri posse distincte ostenditur, tacita sub conditione, nisi quid obstat incognitum adhuc: vel observatione vel experimento apto id extra dubium est ponendum, quantum saltem in præsentis rerum articulo fieri potest.

## §. 461.

Inventa certa omnino, veris tribuenda sunt autoribus, sive communis ac vulgaris usus esse merentur, sive arcani seu occultioris. Ju- prorsus certitix est, suum cuique tribuere (§. 924. P. I. Jur. nat.). Qua- tis quid sta-



re & in nostra academia justum est, ut suum cuique inventum tribuatur. Permittendum igitur in illa non est, ut quisquam alterius inventum sibi arroget, sive sit membrum ejusdem academiae sive minus. Inventori ergo, quando opus est, publico testimonio & ex rei gestae veritate, prout consignatum unumquodque in actis habetur, subveniendum est. Nec tamen ideo alteri derogandum est, quod suum est, si quid ipsi jure debetur, si vel uterque eadem invenisset. Ratione usus dispiciendum est academiae inventrici, num inventum mereatur esse usus vulgaris, an arcani. Si nempe celando licet, tamen celari non posset, sed ex re accuratius inspecta facile deregi & addi aliquid posset, vel si quoque exigui usus sit futurum, etiamsi celaretur; praestabit ut ejus usus divulgetur, quam in arcanis ponatur. Si vero inventum celari facile possit, nec usum exiguum sit praestitutum illis, qui silentium observant: merebitur tacitum arcanumque haberi, quamdiu id fieri potest (§ 168. *P. III. Jur. nat.*). Duplicis ergo generis inventa dari possunt, divulganda alia, alia potius celanda.

Reticenda nimirum est veritas agnita, non solum quando illius divulgatio noceret aliis, seu repugnaret cuidam officio erga alios (§ 167. *P. III. Jur. nat.*), sed etiam quando illa noceret nobis ideoque repugnaret officio erga nos ipsos & nostros (§ 168. *seq. ibid.*). Quia quae reticenda sunt, recte arcana dicuntur (§ 271 *ibid.*), usus quoque is arcanus erit, qui reticendus est, ne quid mihi seu damini nobis experiundum vel metuedum sit. Damnum vero quoque est ereptio lucri liciti. Suo autem invento lucroso uti fruique licet. Ejus ergo lucro frui potest, id rite celans. Hinc praeter necessitatem nemini est patefaciendum, & si patefactum sub silentii fide fuerit, non est prodendum (§ 272 *seq. ibid.*). Varia prostant inventa, quorum usus in arcanis habetur, aut diu habitus est. Exemplo sint  
mur-

murrhea Japonensium Chinenfiumque vasa, defæcatio camphoræ, & varia medicamenta (§. 452.).

§. 462.

*Inventa, quæ merentur in arcanis haberi, vel academice lucro Cujus usibus reservari possunt, vel publicis usibus destinanda sunt, si academia illis debeantur uti nequeat.* Aequum enim justumque est, ut suum cuique re- *inventa ar-*linquatur (§. 924. P. I. Jur. nat.). Si mercatoribus lucrum re- *cana*linquitur, quod ex mercatura sua capere possunt; pari jure lucrum illud minus academia inventrici relinquendum est ex inventis, quæ merentur in arcanis haberi, modo ea uti illis possit salvis officiis suis. Alias pro præmio aliis illud concedet.

Si vero mereantur quidem in arcanis haberi, sed academia illis uti & vacare nequit, sed publicis usibus inservire potest; civitati arcanum erit committendum, quæ suis sumtibus academiam alit & remunerari insuper potest. Quod eo magis liquidum erit, si ipso pacto membra academice recepta sunt ad detegenda ea, quæ non sunt nisi publici usus v. c. meliora munimenta, res tormentaria, nautica, poliorcetica, &c.

Vfus arcanus non est nullus, nec detrahit inventi divulgationi; modus tantum rem efficiendi applicandique taceretur propter officium vel erga se vel erga suam potius, quam aliam civitatem. Res ipsa vero datur iis utenda & fruenda, quorum interest. Detexerat Newtonus separationem radiorum solarium in colores diversos, seu spectra solis celorum iridis, in camera obscura ope primitis. Sed quædam reticuerat, sine quibus experimentum successu carebat. Quæ nisi patefecisset, diu forte fuissent ignorata. Non merebatur autem inventum, quamvis subtile, diutinam occultationem, neque insignem præstare poterat usum. Archimedis vero specula, romanas naves incendunt, quantam stragem hominum edere potuissent? Quanti usus publici fuisset illud in defensionibus urbium, in præliis, si aptari

ad usus quoscunque promptissimos potuisset? Notiora exempla sunt in fabrica vasorum Milnensium, Sinensia vincentium &c.

## §. 463.

*Quid statu-  
endum sit de  
nondum sat  
compertis?*

*Si detecta nondum fieri tam certa possunt, ac optari posset, academia prudenter sibi consult, ea vel nondum publicando, vel relinquendo suo auctori ulteriorique excussioni, si divulgari permittit. Est nempe academix inventricis, antequam detecta publicentur, curare ut fiant tam certa, ac fieri in præsens possunt (§. 459.); eumque in finem utendum est connubio rationis experientiaque (§. 460.). Qua de re, si nondum obtineri certum potest, sequitur, id nondum aut nunquam esse ab academia publici juris faciendum, in quo certiora desiderari possunt. Videretur enim pro certo venditare, quod non est; aut sua jam facere quæ id nondum merentur. Aut igitur omittenda vel nunc vel plane est divulgatio rei, aut ne id quidem consultum est, quando non plane desperandum de rei veritate videtur. Non poterit igitur vel suæ famæ, vel auctoris pudori rectius consulere, quam si rem necdum approbat, sed in medio & suo auctori relinquit. Cui libertas sentiendi non est deneganda (§. 449. seqq.). Sic nempe verendum non est, ut falsa approbasse aut vera suppressisse dicatur unquam, si declaret, se cuique auctori sua relinquere, nec approbare, nisi quæ vera esse res doceat diesque.*

*Generatim igitur inventa luce non indigna suis relinquenda sunt auctoribus, eorumque nomine adjecto edenda in commentariis Academiae.*

## §. 464.

*De usu hypo-  
thesium in  
academiis*

*Et si fugiende ab academiis inventricibus sunt hypotheses inanes; ubi tamen rationes rerum indubie reperiri nequeunt, ibi verisimilibus tantisper utendum, quæ viam sternunt ad veritatem liquidam perven-  
endi,*



*endi, ut quæ earum potior sit cæteris detegatur.* Sunt enim hypo-*inventrici-*  
theses non nisi sumtiones eorum, quæ esse possunt, tanquam *bas.*  
essent, reddendæ eorum rationis causa, quæ sunt saltem liqui-  
do apparent (§. 126. *Disc. prelim. Log.*). Quæ sunt inanes &  
commentitiæ, si vel sumunt, quæ esse nequeunt, saltem in  
natura ibi non dantur, ubi illa observantur; aut e quibus ob-  
servata intelligi & explicari nequeunt. Cum Academiæ inven-  
trices tam certæ rerum cognitioni studere debeant, ac cadere  
in hominis præsentem statum potest (§. 459): eidem abstinendum  
esse ab inanibus precariisque sumtionibus, liquet.

Attamen ab academiis inventricibus promovendus sci-  
entiarum artiumque progressus quantum fieri potest (§. 407.  
& 413.). Sed ea esse, quæ indubie observantur, & suas ha-  
bere rationes, per quas sint, & tales potius, quam aliæ obser-  
vantur, constat, ideoque & illas rationes cognosci posse credi-  
bile est, ut homini eo sint ac fieri possint utiliores & ad alia  
officia & ad gloriam Dei illustrandam. Quapropter scientia-  
rum incrementa melius provehi non poterunt, quam si & cau-  
sæ illarum rerum, quæ observantur, & rationes indagentur,  
e quibus plenius & a priori perspicui possint. Quæ causæ &  
rationes si nondum ad liquidum perducui possint, plus tamen præ-  
statur, si qua via aperiatur, qua investigari possint, quam si  
nuda tantum experientia afferatur; item si ostendatur, quænam  
dentur in rerum natura, a quibus ista ita proficisci & effici pos-  
sint, & quænam ibi vel adsint, vel desint, ubi ista observantur.  
Hoc idem est, ac si hypotheses recensentur, e quibus ista intel-  
ligi possint, & quænam magis consentiat cum observatis, quam  
alia ulla. Si porro inquiratur, quænam alia inde necessario  
fluant, ostendaturque illa quoque jam esse observata, vel atten-  
dendum esse, num in posterum vel experimento subijci, vel  
observari in quodam casu possint, propius ad naturæ recessus  
inti-

intimiores pervenietur, quam si nil tale cogitatum sit vel exploratum unquam (§. 127. *Disc. pralim. Logic.*). Constat ergo, verisimilibus hypothefibus in academiis inventricibus ibi locum esse concedendum, ubi fores aperire possunt ad veritatem penitus inspiciendam.

Qui plura de usu hypothesium philosophicarum ab ipsomet illustri Barone *de Wolff* proposita consulere cupit, ejus sitim restinguet *Horarum subsec. Marpurgensium trimestre primum n. 4. p. 154. seqq.* agens de *medico Astronomos imitante*, & fusius *trimestre II. no. 1. de Hypothefibus philosophicis*. Manent observata etiam sine hypothefi certa, omnemque retinent usum, quem præstare possunt; sed eo evadunt lucidiora, quo distinctius explicantur. Quando hypothefes, ut par est, ab observatis discernuntur, nullus relinquetur confusio certorum cum incertis locus.

## §. 465.

*Abstinendum  
a principiis  
precariis.*

*Cavendum est, ne academia inventrices admittant principia precaria.* Hæc enim destituuntur solidis rationibus, unde illorum veritas demonstrari possit (§. 600. *Logic.*). Ideoque certa esse & dici nequeunt, sed sunt opiniones tantum vel hypothefes inanes (§. 464.). Cum vero hæ academia amplificandæ certæ rerum veritatumque cognitioni, quanta in præsentem hominum conditionem cadit, operam dare debeant (§. 459.), nec in casu necessitatis admittere nisi hypothefes viam veritati pandentes (§. 464.): cavendum est eisdem, ne qua admittant principia precaria. Hujusmodi forent observationes & experimenta, quibus fides tuto haberi nequit, quia vitio subreptionis aut dubiis laborant, aut indubitatis aliis veritatibus adversantur; notiones & definitiones parum exasciatæ; ficta axiomata & postulata; placita cujusdam celeberrimi viri, in aliis perspicacissimi, præsertim focû aut popularis ornamenti; hypothe-

potheses a plerisque temere receptæ; præjudicia denique cujuscunque conditionis. Cavendum igitur, ne talia sibi statuatur recipienda, tuendaque autoritate & amore focii, aut civis, cujus bona fides & scientia non videtur esse in dubium vocanda.

Equidem nolim, temere suppressi aut repudiari observationem vel experimentum, cui videntur repugnare, quæ hætenus usu teruntur. Dari enim possunt impedimenta, aut causæ accessorix rariores, quæ obstant, quo minus idem evenire possit, quod alias obtinere solet. Inde opus est examine, & repetitione ita instituta, & variata, ut diversitatis eventui ratio innotescere possit. Quando id fieri potest, præstat, ut ipse autor prius repetat quam alii, ne hi quidquam negligant; quod autor non neglexisset, vel mutant quidquam seu in re ipsa, seu in modo experiundi. Examine enim rite instituto, a peritissimis ejusmodi rerum judicibus, patebit, verane proferantur, an erronea, & unde error fluxisse intelligatur.

## §. 466.

*Vbi dissensus inter academias inventrices datur, is tollendus est Obortus inquantocyus. Etenim oportet, ut contradicentium sibi sententiarum ter academiarum alterutra sit falsæ (§. 532. Logic.). Summo igitur studio sincere ac dissensus examinanda sunt denuo illa, in quibus dissensus datur, ut per-uti tollendus? debeat, an ex veris principiis conclusio illegitime inferatur. Quod exploratum habetur seu ad veritatem demonstrandam, seu ad errorem refellendum, vel sponte consensum creabit, vel si opus, invicem communicandum est amice, ut agnito errore, vel agnita logomachia, dissensus tollatur, cum certa cognitio omnium facile pariat consensum & convictionem. Præstaret quidem emergentem dissensum academiarum tollere, antequam orbi literario ex editis commentariis innotescat; quia alterutram sententiam erroneam esse oportet, neque laudi duci academix potest, si*  
*(Holfsi Politica P. II. Sect. III. C. II.)*      K k k k      con-



constet, eam errasse. Si id tamen factum sit antequam sententia alterius alteri constitit, tunc quoque satius erit, certisque inventis honorabilius, controversiam quantocius componi collique, quam illam non sine errantis dedecore & prodita obstinatione durare aliisque erroribus augeri.

Dici nequit, quanti momenti hoc sit præceptum, ut inter primas academiarum inventricium leges insignem mereretur locum. Sincerum enim veritatis liquidæ studium non potest non ab illo dissensu abhorrere, qui errori affectuique pravo suos debet natales. Sinceri autem veritatis amatores lubenter se mutuo juvant in eodem studio, inde nec argumenta dissimulant, quibus veritas evincitur error autem profligatur. Sectarum diversitas opinionum regno rectius relinquitur, & excusatio ibi dici potest, quam ubi veritas liquida haberi potest. Hinc & in hypothesibus magis toleranda est dissensio, quam ubi nulla hypothesi indigemus. Error quidem supererit, dum homines erunt; sed nocebit quoque errantibus & ipsorum famæ, dum propalatur. Quare academiis sublimioribus saltem opera danda esse videtur, ne vel dissensu suo errorem quendam prodant, vel ab eodem tamen citius & promptius, quam cæteri homines liberentur.

### §. 467.

*Cur opus sit  
commercio  
academia-  
rum inter se?*

Quoniam præstat dissensum academiarum inventricium obortum tolli, quam aliis extra easdem innotescat (§. 466.): commercio literario præsenti opus est inter akademias heuristicas & quaquaversum, unde ipsis constare invicem possit, si quis circa noviter reperta dissensus inter eas detur, ut is communicatis rationibus tam promte tollatur, quam prompta quælibet esse debet in veritatis agnitionem concessionemque. Quid? quod ejusmodi academiæ & in eo suam patefacere debeant excellentiam supra reliqua eruditorum consortia, quod perraro incidunt fortuito in dissensum, & si quid humani illis acciderit, raris-

rarissime aut nunquam in illo perseverent paulo diutius. Quo quis enim acutior & profundior est, (uti inventores esse debent) eo is citius & veritatem suo Marte penetrat, & errori agnito nuntium mittit, saltem dum illius ab alio admonetur. Ex allatis intelligitur, etiam ideo commercio literario inter academias hasce utendum esse, ut quantocyus tollatur dissensus inter ipsas undecunque coortus (§. 466.).

Dantur & aliæ rationes istius commercii, quales inter literatos amicitiam colentes, & se mutuo perficere nitentes, dari consueverunt, quas utpote satis notas, non attinet commemorare. Ea tamen opus est prudentia in isto commercio, ut potissimum occupetur circa res non prorsus novas. Has enim integerrimus quisque libenter suo relinquet auctori. Sed ambitiosus quisquam sibi similia esse observata, aut in mentem venisse, facile mentiri; atque ita gloriam inventionis anterioris temere sibi arrogare potest. Circa tales res vel tacere, vel talia tantum scripsisse proderit, unde res ipsa necdum plana fiat. Neque in his errori locus erit, si antequam propalentur summo rigore omnia excutiantur, ne quidquam nisi certum exploratumque statuatur. Quod remedium & ibi locum habebit, ubi commercio isto cavendum est. Extendi id commercium literarium solet quoque ad illos, qui celebritate famæ gaudent aut sponte se offerunt, licet non sint membra hujusmodi academiarum nec esse possint; uti clerici non admittuntur in Parisinam societatem scientiarum. Nam & his nonnulla vel occurrere, vel narrari possunt, quæ dent ansam inveniendi, aut scrutandi quæ inventa dicuntur. Extraneorum de commercio isto bene meritorum ratio haberi consuevit in electione membrorum peregrinorum, quod singularis honoris loco habetur.

## §. 468.

*Rejēctis hypothēsibus nondum rite comprobatis, academiis hisce Aliud dissensus major erit consensus, dissensus minor. Si nempe rejiciuntur hypo-*

theses, quæ nondum satis sunt comprobatae, subsister academia tantum in illis, quæ prorsus comperta habentur (§. 464.); multoque magis abstinebit a precariis opinionibus erroribusque (§. 465.). Sed omnes veritatis studiosi facillime consentiunt in illis, quæ indubia esse animadvertunt experientia teste. Quare & academix inventrices veritatum studiosissimæ, eo majori gaudebunt aliarum academiæ consensus, quo minus incerti admittunt, quo certiora proferunt, ideoque ne hypothèses quidem admittunt nisi abunde comprobatas. Quo vero majori gaudebunt consensu, eo minor dissensus, ex solo errore oriundus, ipsis est verendus.

## §. 469.

Quomodo  
error alteri.  
us per alte-  
ram corri-  
gendus?

*Si qua academia protulit erronea, alia vel privatim istam rectiora docebit, vel publice veriora docendo errorem omnibus eripiet eo infectis.* Potest enim inter academias sibi invicem amiciores vel pactum intercedere, quo ad privatam correctionem obligantur (§. 231. P. VII. Jur. nat.). Si vel hoc non sit, quælibet tamen academia est societas, quæ instar unius personæ moralis est spectanda (§. 161. & 168. P. VII. Jur. nat.), ideoque & eadem alteri academix officia debet, quæ singuli homines aliis debent (§. 608. seqq. P. I. Jur. nat.). Sed debent singuli homines alios ab errore revocare, quando id possunt (§. 709. *ibid.*). Quapropter & academia inventrix alteram, quam intelligit in errore versari, vel privatim rectiora docere, vel publice veriora saltem docendo (alterius errore vel dissimulato), officio humanitatis ab errore suo liberare obligatur, una cum aliis, qui eodem possint esse infecti. Multo magis igitur mutua amicitia vel pacto inito ad ei satisfaciendum obligatur.

Merito hæc ad communia referuntur, quæ omnibus debentur hominibus, ut quidquid sine detrimento possit commodari,  
id



id tribuatur vel ignoto. Quod Ennius his exemplis docet: homo qui erranti comiter monstrat viam, quasi lumen de suo lumine accendat, facit, nihilominus ipsi luceat, cum illi accenderit. Vid. Cicero L. I. offic. c. 16. Quod enim circa viam erranti debetur, id multo magis debetur erranti in re gravioris momenti academiæ, multis aliis errandi secum causam præbenti. Quomodo via sit monstranda, ratio & prudentia rite consultata docebit. Eisdem quoque insistenti principio, academias inventrices sibi in scopo suo consequendo idem illud debere quod singuli homines aliis hominibus naturaliter debent, cætera officia, quæ hic prætermittenda censemus, nullo negotio derivabit, quæ academiæ inventrices sibi invicem debent.

## §. 470.

*Inventa, quæ aliud potius officium pateferi non vetat, ad publicos usus in vulgus sunt edenda.* Requiritur enim & comparentur inventa ad incrementa scientiarum & artium in commo-  
*Quenam inventa sint divulganda?*  
 da totius generis humani (§. 404. seqq.). Sed si ignota manerent, nec ad illa commoda applicarentur, inutilia forent, & impendia, in illa obtinenda, male & frustra collocata. Quapropter si officium erga se aut rem publicam vetat divulgationem non quidem usus inventi, sed modi tantum illud efficiendi, ibi is merito in arcanis habetur (§. 462.). Si vero nullum obstat officium, divulgatio modi quoque rem inventam efficiendi erit in officio societatis inventricis; ideoque ea inventa, quæ nullum officium jubet in arcanis haberi, ad publicos usus in vulgus erunt edenda & typis divulganda (§. 445.).

Edendo inventa sua academia & sibi prodest lucro, e venditis libris obtinendo, & augenda sua fama ac celebritate, & aliis non tantum suis civibus, sed & peregrinis academiis civitatibusque, quæ emere & legere ipsius opera dignantur. Accurate enim perscribendo, plurimos eadem docet, quæ ipsa derexit;

docetque non rem tantum illiusque usus, quos jam perspectos habet, sed & modum rem ipsum producendi. Quo & illud obtineri solet, ut alii inventum imitantes examinantesque, eandem rem perficere ulterius, variare, & ad alios usus aptare & transferre nitantur. Id quod ad maiorem rei perfectionem procurandam, & novis incrementis velut remunerandam academiam, sua inventa edentem simul vergere, intelligitur ipso harum rerum usu.

## §. 471.

*Quanam doceri in his societatibus possint vel debeant?*

Præterea expedit, si in academiis societatibusque inventricibus dono didactico prælitæ theoriam & praxin cæteris præstantiorem edoceant illos, qui in sua scientia aræve docenda aut exercenda excellere volunt aut debent. Dies enim diem docet ut alibi, ita quoque in academiis societatibusque heuristiceis, neque omnia inventa statim sunt omni numero absoluta, sed successu temporis magis magisque perficiuntur & utiliora redduntur (§. 470. not.). Licet ergo edenda sint inventa, multum tamen temporis sæpe elabitur, antequam id fiat, varias ob causas. Si quoque edantur, vix tamen tam minutatim omnia perscribi possunt, ac quilibet desiderare posset, aut ut idem sit, ac si res ipsa ostenderetur. Quapropter qui inventa ipsa, eorum genesin & usum intueri gestiunt, ut rem accuratius & certius ipsi cognoscant, eamve alios itidem melius docere, aut si practica sit, exercere possint, eorum est adire academiam vel societatem, & ea ibi discere, quæ vel plane non, vel non plene ex commentariis ejusdem discere possunt. Vbi civitatis interest, ut magistri artium rectissime illam calleant exerceantque; ibi juberi possunt, qui in ea excellere debent, tam diu frequentare societatem in illa arte eminentem, donec speciminibus justis se eam callere comprobatum dederint, sine ipsius testimonio ad lautiora commoda non admittendi.

Vſu jam paſſim receptum eſt, ut qui artem pharmaceuticam, muſicam, pictoriam, architectonicam &c. exercere & alius in ea adſpirare velint, eandem vel ſua ſponte, vel publico juſſu perficere in ſocietate iſta eminente nitantur, quæ in hoc ipſum publice in eadem civitate eſt inſtituta. Neque pigrantur hi, qui excellere in ſua arte cupiunt, ſi civitas, patria careat ejusmodi ſocietate, peregrinando ſecundum ſtatuta ſua, illiusmodi loca præ cæteris adire, ubi illam maxime florere intelligunt. Neque abs re foret, ſi Profeſſores academiarum ſolidiora ſolitis tradituri, ibi ſe perficerent, & qui id feciſſent, cæteris paribus, aliis anteponerentur. Londini, & Pariſiis Deſaguliers, Nollet aliique experimenta docuere.

## §. 472.

*Per ſe quidem Societatis inventricis non eſt, ſyſtema condere; Num illis ſy- eandem tamen cum ad compendia a ſe docendorum, tum ad ſyſtema ſuæ ſtemata ſint artis vel ſcientiæ concinnandum adhiberi & obligari poſſe, nihil prohibet. condenda?*

Per ſe enim ſocietas inventrix ad inveniendum deſtinata eſt, habetque abunde quod agat, ſi ſcientias artesve perficiendas ſuis inventis debet locupletare (§. 439. P. VIII. Jur. nat.) ad docendas vero ſcientias & artes Academiæ, Gymnaſia, Scholæ, aliaque inſtituta in civitate cultiori dantur. Sufficit ergo, ſi ſocietas agat, quod ſuarum eſt partium, ſuaque inventa, quatenus non ſunt in arcanis ponenda, ſeu edat tantum (§. 470.) ſeu quatenus id convenit civitati, quoque doceat (§. 471.).

¶ Enimvero hæ ſocietates vel publicæ eſſe poſſunt, vel privaræ (§. 408.), & in utroque caſu & electio & miſtio harum ſocietatum eſt arbitraria (§. 422.), item & aliæ ſocietates illis adjungi poſſunt, quatenus earum fines ipſius fini non repugnant (§. 175. P. VII. Jur. nat.). Propterea licet Profeſſorum aliorumque ſolide doctorum virorum ſit compendia & ſyſtemata doctri-





doctrinæ in usum publicum concinnare & edenda curare (§. 330.): ubi penuria est genuinorum compendiorum & systematum veri nominis, recens inventa simul complectentium: ibi inventoribus docere solitis, tantum indulgeri potest otium ab aliis laboribus heuristis, quantum requiritur ad compendia & systemata in communem salutem perfectius adornanda, quousque id jam fieri potest.

Ita videmus societatem regiam Londinensem post edita 48 volumina, & Academiam Scientiarum Parisinam post 70 edita volumina & plura alia adoptata, & machinarum approbatarum ab ipsa Tomos, nullum tamen ne physicæ quidem systema edidisse, quod quidem ab universa academia esset approbatum. Procul dubio autoritate publica systemata condendi carent, non recipienda quamdiu alia antiquitus recepta habentur in scholis & academiis, donec privata docentium opera meliora sensim recipiantur, & tenebris dispulsis, publica autoritas iis detur introducendi meliora. Sane Aristoteles Alexandri M. cura & sumtu meliora dedit pristinis in Historia animalium &c.


& Academia Petropolitana meliores Russiæ  
mappas &c.


















Biblioteka Jagiellońska



stdr0026898



